

COMMENTARIORVM IN VNIVERSAM ARISTOTELIS

DIALECTICAM VNA CVM DVBIIS,
& quaestionibus hac tempestate
agitari solitis.

PRIMA PARS.

CONTINENS QVAESTIONES PROOE-
miales, Vniuersales, tractatus de natura entis rationis, & exer-
cizio prædicationum, prædicabilia Porphyrii,
& prædicamenta Aristotelis.

A PATRE ANTONIO RVVIO RO-
densi, Doctore Theologo Societatis Iesu, Theologiaeq;
professore composita.

AD FLORENTISSIMAM
Complutensem Academiam.



*Assist. de Crapanza
de 1475.*



BIBLIOTECA NAZ.
ROMA
VITTORIO EMANUELE

CVM PRIVILEGIO.

Valentiz, apud Petrum Patricium Mey,
iuxta Templum D. Martini.

M. DC. VI.



Handwritten text, possibly a date or reference number.

Handwritten text, possibly a name or title.

Handwritten text, possibly a signature or name.



Lo REY, e per la Magestat



ON Jaume Ferrer Caualler, Conseller de sa Magestat, portat
neus de general Governador, y regent la lloctinencia y capi-
tania general en la present ciutat y regne de València. Per quāt
per part del Pare Antoni Ruio de la Companyia de Iesus, do-
ctor en sacra Theologia, nos es estat riferit, que ell ab son tre-
ball, y estudi particular ha compost un llibre intitulat, *Commentarii in uniuersam Aristotelis Dialecticam*. Lo qual es molt curios, y profitos, hims baja su-
plicat fos de nostra merce donar, y concedirli licencia, y facultat pera poder
imprimir aquell ab priuilegi, que ninguna altra persona ho puixa fer, per
temps de deu anys. Lo que nos attes que dita obra es estada aprouada per lo
Ordinari, ho hauem tingut per be en la manera infrascrita. Perço ab tenor
de la present expressament, y de nostra certa ciencia delliberadament,
y consulta per la real autoritat de que usam, donam, y concedim llicencia,
permis, y facultat al dit Pare Antoni Ruio, pera que aquell tan solament, o
qui son poder tindra, y no altra persona sens llicencia, y facultat sua, pugui im-
primir, e ofrer imprimir, y uendre en la present ciutat y regne lo sobre dit llibre
per aquell, com dit es, compest, sots pena que qui lo contrari fara perda los dits
llibres, y motles ab que imprimira aquells. Diem perço, y manam a uniuersos,
e sengles oficials, y persones cins lo present regne constituits, y constituydor, que
la present nostra real llicencia per temps de deu anys tan solament del dia de
la data de la present real llicencia en auant comtadors, guarden, y obseruen, y
contra ella no facen, ne uinguen en manera alguna, si la gracia de sa Magestat,
tenen per cara, y en pena de cinch cents florins de or de Arago als reals cofres
aplicadors, y de bens dels contrasahents exigidors, desijen no encorrer. Dat. en
Valencia a nint y cinch dies del mes de Agost, any 1606.

Don Jaume Ferrer.



V. Aguirre Reg.

V. Roig Fiscí aduoc.

Franciscus Paulus Alrens.

In diuerforum xxv iij.
fol. lxxxvij.

§ 2

IOAN



IOANNES DE RIBERA DEI,
& Apostolicæ Sedis gratia Patriarcha An-
tiochenus, Archiepiscopus Valentin. Re-
giusque Consiliarius, &c. Tenore præsen-
tium licentiam, & facultatē concedimus typis man-
dandi in hac Valentin. ciuitate, & diœcesi librū hunc
Commentariorum in vniuersam Aristotelis Diale-
cticam, Autore P. Antonio Ruuio Societatis IESV
S. T. D. Cuius examen Patri Hieronymo Villanoua
eiusdem Societatis S. T. professori commisimus, &
nil Religioni Christianæ repugnans in eo contineri:
immò vtilem, ac necessarium omnibus huiusmodi
facultati operam dantibus fore iudicauit. Dat. Valen-
tiæ die xxj. mensis Augusti. M DC VI.

El Patriarca Arçobispo de Valencia.

De mandato Illustrissimi
domini mei Patriarchæ

Federicus Villarrafà Secrer.

IVSSV



VSSV Illustrissimi, & Reuerentissimi do-
mini domini Ioannis à Ribera Patriarchæ
Antiocheni, & Archiepiscopi Valentini, per-
legi Commentarios hos Patris Doctoris Anto-
nii Ruuio Societatis IESV in Aristotelis vniuersam Diale-
cticam: in quibus non modo nihil doctrinæ Catholicæ inueni
repugnans: sed eos doctrina, & Philosophis, & Theologis
vtilissima refertos agnouit, & nec solum florentissimæ Com-
plutensis Academiæ alumnus; (quorum precibus hos Com-
mentarios autor in lucem nunc uerum profert) verum etiam
doctissimus quibusque perutiles fore iudicaui. vnde dignos
censui, vt in communem scholarum vtilitatem typis manden-
tur. Valentia in nostro Diui Pauli Societatis IESV Colle-
gio. Octauo idus Augusti. 1606.

Hieronymus Villanoua Societatis IESV
Theologiæ professor.

EGO



Iste **G**O Ludouicus Guzman Provincialis Societatis **I E S V** in prouincia Toletana potestate ad id mihi facta a Reuerendo admodum patre Claudio Aquaiua Præposito nostro Generali facultatem concedo, vt typis mandentur Commentarii in vniuersam Aristotelis Logicam a patre Antonio Ruuijo doctore Theologo Societatis **I E S V**, & sacre Theologiæ professore compositi, & grauium, doctorumque hominum iudicio nostræ Societatis approbati, in cuius rei fidem has literas manu nostra subscriptas, sigilloque nostro munitas dedimus 27. Ianuarii, anni 1603. in nostro Collegio Complutensi.

Ludouicus Guzman.

Errata sic sunt corrigenda.

Litera P. folium. P. paginam. C. columnam indicat.

ERRATA PRIMAE PARTIS.

Differentima, lege, differentiam. f. 38. p. 2. c. 1.
 Differentia lege differentiam. f. 49. p. 2. c. 2.
 Determinante, & faciente, lege determinanti, & facienti. f. 17. p. 2. c. 1.
 vnum non est sub altero, lege vnum est sub altero. f. 98. p. 1. c. 2.
 Vtr, prædicamento, lege vtr. prædicamenta. f. 107. p. 2. c. 2.
 Extrinseca, lege extrinsecam. f. 122. p. 2. c. 1.
 Proprietas, lege proprietates. f. 122. p. 1. c. 2.
 Differentia, lege differentiam. f. 60. p. 1. c. 2.
 Pertineat, lege pertineant. f. 180. p. 2. c. 2.
 Supremus, lege supremum. f. 187. p. 1. c. 2.

ERRATA SECVNDÆ PARTIS.

Vnicis, lege vnici. f. 18. p. 1. c. 2.
 Proposito, lege propositio. f. 25. p. 2. c. 1.
 Hæc, lege hæc. f. 25. p. 2. c. 2.
 Pro vniuersalia, lege pro vniuersali. f. 26. p. 2. c. 1.
 Reducit, lege reduci. f. 39. p. 1. c. 1.
 Quoniam, lege quoniam. f. 34. p. 1. c. 2.
 Ex terminis, lege ex terminis. f. 41. p. 2. c. 2.
 Iugulatis, lege iugulatus. f. 57. p. 2. c. 1.
 Per eodem, lege per eandem. f. 58. p. 1. c. 1.
 Subiecto, lege subiecta. f. 58. p. 2. c. 1.
 Species, lege specie. f. 59. p. 2. c. 1.
 De demonstratione, lege demonstrationi. f. 64. p. 1. c. 2.
 Ad subalternantem, lege subalternatam. f. 70. p. 2. c. 2.
 Aliqui, lege alioqui. f. 71. p. 1. c. 2.

FLORENTISSIMAE, TOTOQUE
ORBE CELEBERRIMAE ACADEMIAE
 Cōplatenſi Pater Doct̃or Antonius Ruuius, vtraq;
 fœlicitatem precatur.



VM Logices Cōmentarios nostros nuper editos adeo vobis gratos exitisse videre, Rect̃or dignissime, Doct̃ores, Magistr̃ique grauiſſimi, & ſapientiſſimi, celebris, multiſq; nominibus Academia illuſtris, vt in ito cōſilio, omniū calculo, & ſentētia probatos, inſtituēdæ iouētutis gratia Dialec̃ticaꝝ profeſſoribus, & Magiſtris diſcipulis explicandos præſcripſeritis, cum deniq; decrerum hoc veſtrum auct̃oritate regia firmatam, ſtabilitumque ſit, vtpote Scholaſticiſ omnibus perutile, qui germanam huius Academiaꝝ, & Ariſtote-licaꝝ diſciplinæ conſonam doctrinam, veſtro iudicio in hiſce Cōmentariis repertam imbibere poſſent; hoc ſane totū meum animū huic vniuerſitati iam dudum, nec immerito, dediſſimū adeo neceſſitudinis, amorisq; vinculo aſtriētū reddidit, vt nihil non aggrediendum, niſi non tentandū putarem, quod huic Academiaꝝ vtile, vel certē gratū fore iudicare. Cum autem eiūſdē Academiaꝝ viri grauiſſimi, pa-riter, & doct̃iſſimi, quibus me multis nominibus deuinctum fateor, cōmentarios nostros vberius protractos, quā in eadem vniuerſitate inuenterat ſeruet vſus, viderent, gratū pariter, ac vtile fore arbitra- bantur, ſi eoſdē cōmentarios in cōpendium redactos, non ſine mul- tōrū id iam dudū expetentiū acclamatione iterū proferre, cū ergo cōmunis boni ſtudio tenerentur accenſi, & id ā me iterū, ac ſæpius poſtularent, eorum præceptis parendum omnino fuit, quorum au-ct̃oritas apud me plurimum valens, ad alia properantem animum ex templo ad hūc laborē ſuſcipiendū cōuertit. Saſcepi ſane, & qua po- tui diligentia perfeci. Habetis iā viri grauiſſimi cōpendium hoc, ni- hilo ſermē poſtū, omnino veſtū, re quidem exigū, placendi ſtudio maximū, id certe, vel maxime in eo ſpectandū fuit, vt liberaliū Ar- tiū attingentiū limina iuuarētur ingenia, ne rerum multitudine op- preſſi, vel certe deterriti, ab incepto deſiſtēt, aut perfecte re aſſe-qui deſperarēt. Hūc ergo æquo certe animo laborem ſuſceptū, gra- ti erga vos animi monumentū veſtro maturiori, prudentiq; iudicio ſubmitto, dignitatiq; veſtræ ſacratum volo: quod ſi conatus no- ſtros ea, qua eſtis benignitate præditi, cenſero probari; quæ ſuper- ſunt omnia pari, & (ſi fieri poterit) maiori diligentia proſequar.

A. D.

AD LIBER ALIUM
ARTIVM STUDIOſOS
florentiſſimæ Complutenſis
Academiæ.



OS pariter, ſtudioſi adoleſcentes, quæ vberius antea, & fuſius diſputauimus, ea nunc paucis cōtenta ſuſcipite. Quod iam dudū petiſtis, imo expetiſtis: quod Academia veſtra Cōplutenſis probauit, quod libens ſuſcepit, & Ariſtotelicæ, ac diui Thomæ doctrinæ iudicauit conſonum, offerimus. Noſtris vtinam cedat votis, quod ſuſceptis iam, ſuſcipiendisque laboribus contendimus. Neque enim æque aliud in animo eſt noſtro, atque omnibus, qua fieri poſſit (vt profeſſionis noſtræ ratio, inſtitutumque poſtulat) continuo prodeſſe. Hic noſtrorum laborum ſcopus, hic finis, noſtra ergo diligētia, & opera (vtinam vtili) libēres fruimini, omnia deinceps reliqua, modo diuinum adſit numen, accepturi. Valete.

QVAES

QVÆSTIONES PROOEMIALES PRO

Dialecticæ introductione.

QVÆSTIO PRIMA.

Vtrum Dialectica sit necessaria.



Dialecticam, vt titulu
quæstionis explicemus, in naturalem, & acquisitam distinguunt; quidam naturalem vocantes discursus illos, quos solo naturali lumine efficere solent rustici etiam homines; acquisitam vero eam, quam studio, ac labore comparamus. Si tamen propriè loquendum est, non dialecticam, sed quoddam eius initium à natura habemus, nempe naturale lumen intellectus, à quo discursus illi inordinati procedunt, qui satis impropiè dialectica vocantur, propriè vero pro facultate acquisita solum accipitur, de qua inquirimus, an sit necessaria. Sed necessariū dupliciter accipi solet in schola: simpliciter quidē, aut sine addito, vel secundū quid, aut ex suppositione. necessariū simpliciter illud vocatur, quod nō per ordinē ad aliud, sed ex propria natura necessitatē habet, in qua acceptione solū Deus dicitur ens necessariū, quia absq; ordine, vel depēdētia ab alio habet, quod nō possit nō esse. Necessarium vero ex suppositione vocamus illud, quod ex suppositione alicuius finis cōsequēdi tale est, vt cibū capere necessariū dicimus ad sustentandam vitam, ergo dum titulus quæstionis inquit, an facultas dialecticæ sit necessaria, nō

de priori necessitatis modo intelligitur, sed de posteriori, ita vt sēsus sit, an sit necessaria ad alias sciētias acquirendas. Prima opinio tenet, dialecticam non esse necessariam ad alias sciētias, sed posse sine illa acquiri, quāuis non sine magno labore, nec sine errorum admixtione; esse vero vtilem, vt commodius, ac facilius, & sine periculo errandi comparentur, ita tenet Iauellus in compendio suæ Logicæ tractatu 1. cap. 4. quem secuntur pauci, & probatur duplici argum. Primo, quia non est necessaria propter se, nec propter alias sciētias, ergo nullo modo. Antecedens probatur, quod non propter se, quia cum Logica sit sciētia simul, & modus sciēdi, si ad seipsam esset necessaria, simul acquirenda esset sciētia, & modus sciēdi, aduersus dictū illud Aristotelis, 2. Meth. tex. 1. sciētiam simul, & modum sciēdi quere absurdum est: quod vero propter alias sciētias nō sit necessaria, probatur, quia quælibet sciētia habet proprias definitiones, ac demonstrationes, ergo est sibi modus sciēdi: quare nō indiget dialectica pro modo sciēdi. Secundo, quia duo sunt necessaria, vt aliquis cōsequatur sciētiam. Primum, vt principia cognoscat. Secundum, vt certo sciat, se aptis rationationibus uti, & non fallaci-

A bus,

Quæstio prima proœcialis:

bus, in colligendis cōclusionibus ex eis. Sed vtrumque potest homo sine Dialectica, per lumen naturale intellectus, vt patet in rusticis, qui vnū ex altero euidenter colligunt in hac, vel illa materia, & de aliis refertur, quod scientias sine Dialectica comparauerint, vt medicinam Hipocrates, & mathematicas disciplinas alii; ergo non erit dialectica ad alias scientias acquirendas necessaria.

Secunda opinio opposita est, quæ affirmat, non posse vllam scientiam vllō modo acquiri sine Logica, quā tenent plures, quos idem Iacellus citat vbi supra, & probant vnico arg. quia vt aliquis acquirat scientiam certo scire debet reducere conclusionem vsque ad prima principia, vt docet Arist. 1. lib. posteriorum cap. 2. per euidentes consequentias, sed repugnat absque dialectica talem reductionem posse efficere, cum non possit certo cognosci, quod tota conclusionum multitudo ex principiis deriuetur, nisi per artem, ergo nec poterit nisi per dialecticam.

Communis sententia media videtur inter has extremas, quam tenent Sotus, & Cardinalis Toletus quæst. 1. proœciali quos secuntur alii, nempe dialecticam esse necessariam ad reliquas scientias perfecte acquirendas. Sed ad comparandas modo imperfecto, nō esse necessariam, sed vtilem, ita vt sine illa comparari imperfecte possint.

2 Pro solutione quæstionis tria sunt breuiter notanda, primum est, duo esse necessaria ad comparandam scientiam primam, quod cōclusio per euidentem consequentiam, ex euidenti principio deducatur. Secundū, quod vtrumque constet euidenter ei, qui scientiam acquirit: nam si non cognoscit euidenter principium, solum

erit ei creditum, vel opinatum: & si non cognoscat euidentem esse consequentiam solum erit respectu illius probabilis, & tam ex primo quā ex secundo sequitur, quod conclusio, quam colligit, non sit euidens, sed probabilis, cum non possit esse certior premissis, aut consequentia, quare non erit scientifica. Secundo adnotandū est, posse quidē hominem per lumen naturale intellectus, imperfecto quodā modo discurrere, vnumq; ex alio deducere, inordinatē quidē, hoc est, non cognoscēdo ordinem, ac dependentiam, quam habet conclusio ex principiis, quod docuit Arist. 1. Re tho. ad Theodectem cap. 1. illis verbis: *Multi hac temere, & casu, nonnulli exercitatione, ac habitu salisiant, &c.* quia ordo ille nequit sine arte cognosci. Tertio adnotandum est, habitum scientiæ per vnam demonstrationem generari, propter efficacitatem demonstrationis, sed dum generatur per vnum actum, imperfectam habet rationem habitus, aut scientiæ, quia nondum est radicans in subiecto, quare nec ipsum denominat tale simpliciter, non enim dicitur acquisisse talem scientiam, quia vnam, aut alteram conclusionem eius acquisiuit, nisi secundum quid, hoc est, secū dum vnam illam conclusionem.

Ex his duas conclusiones colligo, quibus meā sententiā explico. Prior est, ad vnam, vel alteram conclusionem alterius scientiæ acquirendam non est necessaria Logica, sed per solum naturale lumen acquiri potest. Probatur hæc, quia sicut naturale lumen se extendit ad cognoscēda principia, ita etiam ad vnam, aut alteram conclusionem principii proximam, quia notissima est, per propriam industriam, & laborem hominis potest se extendere, & cum per vnam conclusionem

clusionem sciētia acquiratur, saltem imperfecta, verum est in hoc sensu, quod ad alias sciētiās imperfectē cōparandas dialectica non sit necessaria. Secunda conclusio. Integra sciētia non potest acquiri sine dialectica, hoc est, secundum omnes conclusiones eius, quam sic probo. Non potest aliquis omnes conclusiones ex principiis colligere per euidētes demonstrationes, nisi cognoscat euidēter ordinem secundum quem vna derivatur ab altera vsque ad vltimā, quę proximē colligitur ex principiis, sed ordo omnium conclusionum inter se, & cū principiis cognosci nequit sine arte reducendi, aut resoluēdi eas in principia, ergo nec poterit integra sciētia acquiri sine dialectica, & hoc est non posse perfectē sine illa acquiri, & iuxta has duas conclusiones nostras intelligenda est tertia opinio communis, quam sic intellectam veram esse dicimus.

Ad primum argumentum primæ opinionis respondet Cardinalis Toleus, Logicam esse necessariam ad seipsam, secundum diuersas partes, quę præsupponuntur aliis, vt secundum partem prædicamentorum ad partem enuntiationis, & secundum hanc ad syllogismum, sed cum prima pars non præsupponat alteram, non explicat hæc solutio, quoniam modo Logica secundum primam partem possit esse ad se necessaria: propterea alio modo respondeo, Logicam duo habere, nempe esse sciētiā, in quantum suas conclusiones demonstrat, & esse modum sciendi, in quantum instrumenta conficit, per quę sci re possimus; & hæc ratio prior est illa secūdm nostram considerationē, quia prius intelligimus instrumenta sciendi: vt definitionem, ac demonstrationem, quam intelligamus con-

clusiones demonstratas in Logica. dicimus ergo Logicam, vt modum sciēdi, non solum secundum diuersas partes, sed etiam secūdm se totam esse necessariam ad seipsam vt sciētiā; ad quod satis est, quod vt sciētia præsupponat seipsam vt modū sciendi, dum autem Arist. docuit absurdū esse simul quærere sciētiā, & modum sciendi, per modum sciendi, dialecticam intellexit, sed per sciētiā, non eandem dialecticam, sed quālibet aliam sciētiā, vt docuit D. Th. in expositione eiusdem loci, quā absurdum esse simul cū dialectica quærere, quasi dicat prius esse addiscendam dialecticam, tamquam necessariam ad alias. Ad secundū respōdeo, non posse naturale lumen, nisi perfriciatur per artem dialecticā, cognoscere ordinem omnium conclusionū inter se, & cum principiis, & ideo nec perfectē alias sciētiās acquirere, vt iam docuimus. Argumentum secūdx opinionis solum probat, sine dialectica non posse sciētiā perfectō modo comparari. Ex dictis colligitur, quem locum dialectica obtinere debeat in acquisitione sciētiarum, est enim prima, à qua incipit, dum est, quia cum sit modus sciendi, non possunt aliæ sine ea comparari, nec proinde simul cum ea acquiri, nisi absurdum illud sequatur, quod simul sciētiā, & modū sciendi quæramus.

QVÆSTIO II.

Vtr. Dialectica sit sciētia.

Sciētia hæc in parte propriē accipitur, pro certa cognitionē per demonstrationem comparatā, vt docuit Arist. 1. lib. de posteriori resolu. cap. 2. sed diuiditur in sciētiā

Quæstio secunda præmialis:

actualem, & habitualem; actualis sciētia dicitur assensus conclusionis, quæ per demonstrationem probatur, ut assensus huius conclusionis, homo est risibilis, habitualis vero sciētia est, quæ generatur in intellectu ex multis conclusionibus demonstratis, & licet utraque sit propriè scientia, sed iam in communi modo loquendi pro habituali accipitur, de hac loquitur titulus quæstionis, dum quærimus, an Logica sit scientia.

Et prima opinio negat dialecticā esse sciētiā, sed asserit esse facultatem quandam, seu artem scientia inferiorē, & hanc tenuerunt Ammonius in prologo prædicamentorum, Alexander in principio Topicorum, Egidius 1. lib. posteriorum quæst. 1. Magnus lib. 1. de interpretatione in principio, Petrus Niger quæst. 11. sui Clypei, & alii, quos secutus est Villalpædeus quæst. 26. præmialis: probatur primo duplici testimonio Aristotelis, qui 1. lib. Rhetoricorum ad Theodectem cap. 2. docet Rhetoricam esse particulam quandam dialecticæ, & neutram esse scientiam, sed facultatem quādam inveniendarum rationum, & 1. lib. Topicorum cap. 1. & 2. dialecticū officiū esse inquit ex probabilibus differere. Secundo probatur ratione, quia quælibet scientia debet habere materiam particulare, ac determinatam circa quam versetur, tanquam circa proprium obiectum, & per quam distinguatur ab aliis, sed Logica non habet materiā determinatā, sed versatur circa materiam omnium scientiarum, quia in omni materia conficit definitiones, ac syllogismos, ergo nō erit sciētia. Vnde Arist. 4. lib. Metha. cap. 2. textu. 5. & 1. lib. de posteriori resolu. cap. 1. text. 27. docuit non habere certum genus subiecti, hoc est, certam

matēriam, circa quam versetur.

Secunda opinio est communis, & tenenda, quod Logica sit vera scientia, quam secuntur D. Tho. 4. Metha. lect. 4. Scotus 1. lib. elenchorū, quæst. 1. & in prædicabilibus, q. etiam 1. Niphus 4. Metha. textu. 5. in fine, Sotus, & Card. Toletus, q. 2. præmialis, Fonseca, 2. lib. Metha. 3. quæst. 1. sectio. 6. & alii omnes. Probatur unico arg. ex definitione sciētiæ tradita ab Arist. 1. lib. poster. cap. 2. Sciētia est habitus per demonstrationem acquisitus, sed dialectica habet plures demonstrationes ex evidentibus principiis procedētibus, ergo ex eis generabitur scientia. Probatur minor, nam syllogismus primæ figuræ euidenter concludere demonstratur ex illis principiis, dici de omni, & dici de nullo, & in singulis partibus dialecticæ fiunt aliæ demonstrationes similes.

Ad primum arg. dicimus, Rhetoricam particulam esse dialecticæ docuisse Arist. quia sub parte Topica quodammodo continetur, in quantum docet loca inuenire, ex quibus eruantur probabilia arg. & quātum ad hoc neutra est scientia: dialectica vero non solum docet loca inuenire, sed ea probat per demonstrationem. Præterea quod probabilia arg. generent opinionem, & ex hoc habet veram rationem scientiæ, nihil autem horum Rhetorica facit, & propterea scientia non est; sed ars quædam sciētia inferior. Secundum testimonium Arist. eodē fere modo declaratur, quia officiū dialectici est, probabiliter differere, non quomocumque; sed docendo per veram demonstrationem ex quibus sit constituendus syllogismus probabilis, & quod probabilē solū generet assensum, & hoc est esse verā scientiā. Pro solutione
secun-

Secundum arg. distinguenda est duplex materia Logicæ, remota, & proxima; remota sunt res omnes mûdi, nam circa omnes efficit syllogismos, & definitiones, proxima vero materia sunt operationes intellectus, quas dirigit, & ordinat, constituendo ex eis instrumenta, arg. ergo probat de materia remota, de qua etiâ loquitur Arist. in eo locò; scientia vero debet habere materiam proximâ, circa quam versetur, & per quam distinguatur ab aliis, & hæc sufficit, ut sit scientia determinata: quod vero materia eius remota non sit determinata, nullum est inconueniens, quia ex materia remota non sumitur ratio scientiæ, sed ex proxima.

QVÆSTIO III.

Vtr. Logica utens sit scientia.

Preſupponit titulus quæstionis, quod Logica diuidatur in doctem, & utentem, quam diuisionem tradiderunt D. Tho. 4. Meth. lect. 4. & Scotus quæst. 1. Elench. & quæst. etiam prima prædicabilem, à quibus eam accepit schola, sed priuquam diuersas opiniones proponamus, declarandum est, an sicut Logica docēs pro tota ipsa scientia accipitur, ita etiam Logica utēs pro tota accipiat, vel solum parte topica. Nam quidam dicunt solam partem topicam esse utentem, & non demonstratiuam; nec reliquas, quorum fundamentum est autoritas D. Tho. qui id videtur asserere 4. Meth. lect. 4. & hoc arg. probare, quia Logica, ut est vsus definiendi, diuidendi, ac demonstrandi in aliis sciētiis non tam dialectica appellanda est, quam Philosophia, aut quælibet altera scientia, circa cuius materiam talis vsus versatur.

Communis tamen modus loquendi, & sentiendi dialecticæ scholæ, Logicam pro tota sciētia diuidit in doctem, & utentem, ita ut sicut tota ipsa docēs est, in quantum tradit præcepta consiendi enuntiationem, & syllogismum, ac reliqua instrumenta per demonstrationem, ita in quantum utitur omnibus instrumentis in aliis sciētiis dicatur utens, & hoc est nobis tenendum tanquam verum, & necessarium, & probatur primo, quia tantum se extendit Logica utens, quantum vsus Logicæ docētis, sed Logica docēs dicitur de tota scientia, & singulis partibus, & non de sola parte topica, ergo Logica utēs de tota, & singulis partibus etiam dicitur. Secunda pars topica dicitur Logica utēs, quia probabilibus argumentis utitur in cæteris sciētiis, sed etiam utitur Logica definitionibus, ac demonstrationibus in cæteris scientiis, ergo dicitur utens quantum ad reliquas partes, præter topicam.

Ad D. Tho. respondeo hanc esse mentem eius, ut Logica quantum ad partem demonstratiuam, & reliquas, (præter topicam) verè sit utens, sed quia forma demonstrandi, qua utitur in aliis scientiis vniuersalis, & quasi generica est, determinatur per materiam earum quasi per differentiam ad speciem, non tam dialectica, quam philosophia vocatur, eodem modo, quo genus cuiuscunque rei sub nomine specierum comprehenditur, v.g. animal, quod est in homine, non vocamus animal, sed hominem, sed de parte topica diuersa est ratio, quia cum argumenta probabilia non generent scientiam, sed opinionem, potius retinet nomen dialecticæ vsus huius partis, quam aliarum scientiarum, quia pars est dialecticæ, quæ vera scientia est, & quia propriū dialecticæ

Quæstio tertia præœmialis.

*At*ci officium est, probabiliter disputare in qualibet scientia, & differentia hæc inter partē topicā, & reliquas partes Logicæ significauit D. Tho. eodē loco; ex quo colligo, hanc fuisse eius mentem, & nō excludere vllā partem Logicæ à vera ratione vtentis.

5. Supposito ergo, quod Logica vtēs pro tota ipsa sciētia, & omnibus partibus sumi debeat. Querimus, an sit scientia, aut saltem distinctus habitus à Logica docente: & prima opinio asserit esse veram scientiam, sed non esse habitum distinctum à docente, sed eundem, ita vt scientia sit, in quantum docens, & etiam in quantum vtens. Hanc videtur sequi Niphus 4. lib. Metha. tex 5. & probatur hoc argumento. Quando aliquis vtitur Logica in aliis scientiis efficiendo demonstrationes, acquirit facilitatem in intellectu ad eas, & alias iterū efficiendo, & hanc facilitatem acquirit per actus procedentes à Logica docente, quā præsupponit; ergo perficit eandem Logicam docentem, & ideo erit vera scientia, quia scientia non perficitur nisi per scientiam, nō tamen distincta, nec distinctus habitus, sed idem, quasi seipsum perficiens.

Secunda opinio, quā secantur moderni quidam, asserit, Logicam vtentem esse veram scientiam, & distinctam à docente. Vt autem vtrumque probent, distinguūt duo officia vel actus Logicæ, primum, quo docet cōficere instrumenta, vt syllogismum, aut definitionem; secundum quo vtitur præceptis traditis efficiendo eadem instrumenta in aliis scientiis, & cum per multiplicationem actōū generetur facilitas in potentiis, quā facilitatem vocamus habitum, necesse est ex diuersis actibus, diuersos quo-

que habitus generari in intellectu; ita vt primò reddatur facilis intellectus ad tradenda præcepta, deinde aliam facilitatem diuersam acquirat per exercitium eorūdem præceptorum efficiendo syllogismos: exemplū assignari potest in musica, in qua duplex facilitas acquiritur, prima in intellectu tradere regulas cōsonantiarum, secunda in manibus, & primam vocare solent Theoricā, postremā praxicam, vnde sequitur, duplicem etiā facilitatem ponendam esse in Logica, vnam, quæ sit Theoria, seu speculatio; alia, quæ sit practica, & illa erit habitus Logicæ docētis, hæc vero Logicæ vtentis. Probant primo, quod sint habitus distincti, quia syllogismus factus in Philosophia naturali non procedit ab habitu eiusdem Philosophiæ, quia non docet quomodo sit componendus syllogismus, sed nec procedit à Logica docente, nam hæc solum habet tradere præcepta in communem efficiendi instrumenta, non ea efficere in particulari; ergo debet procedere ab alio habitu, qui sit Logicæ vtentis. Deinde probant secundo, quod vterque habitus sit scientia, & de docente manifestū est, sed de vtēte probatur, quia vt actus efficiendi syllogismum perfectus sit, & sine errore procedat, præsupponere debet habitum, Logicæ docētis, per quem docemur quomodo efficiendus sit, quod si eum præsupponit, nō poterit ab eodem procedere, ergo ab alio habitu distincto, qui etiā est scientia, cum præsupponat habitum docētis, qui verē est scientia, & modo scientifico procedat in cōponendo syllogismo.

Nostra sententia est, quod dialectica vtens, vt vtens est, non sit scientia, nec habitus distinctus à Logica docente, sed habitus idem prout ars est.

Quæstio tertia proœcialis.

4

est singularis syllogismus efficiens, itaque idem habet habitus Logicæ, prout tradit præcepta in communibus compo-
nendi syllogismum, & alia instrumenta per demonstrationem, est Logica docens, sed in quantum efficit syllogismos singulares est ars, & Logica vtens vocatur. Hanc sententiã sequitur D. Th. 4. Metha. lect. 4. sed quia duplicem partem continet, prima, quod Logica vtens non sit scientia, secunda, quod sit ars, utraque probanda est. Probatur ergo prima, quod non sit scientia, quia conclusio scientifica est actus quem per demonstrationem colligimus ex principiis per se notis, sed actus Logicæ vtentis non est assensus conclusionis, quem per demonstrationem colligimus, sed opus, quod efficiamus, nempe syllogismum, aut definitionem, ergo Logica vtens non est scientia.

Secundo, scientia proximè versatur circa vniuersalia, nec de singularibus est, sed Logica vtens non versatur circa vniuersalia, sed circa actus singulares, quos exercet componendo syllogismos, iuxta præcepta tradita à docente, ergo non est scientia, sed scientiam præsupponit.

- 6 Secunda pars nostræ scientiæ, quod Logica vtens, vt talis non sit habitus distinctus à docente, sed idem prout est ars, præsupponit Logicam esse artem, non mechanicam, quæ versatur circa opera externa, vt fabrilis, sed liberalis, quæ versatur circa opera intellectus ea dirigendo; hoc docet expressè D. Th. 1. 2. q. 57. art. 3. ad 3. & 1. lib. posteriorum lect. 1. & colligitur euidenter ex doctrina Aristoteli. 6. Ethic. li. c. 4. vbi definit artem, quod sit habitus cum ratione factiuus, vel actiuus, per factiuum intelligens artes mechanicas, quibus efficiuntur opera externas; per actiuum vero li-

berales, quibus non efficitur externa opus, sed opera animæ interna diriguntur. Hoc supposito probatur primo, quia euidentius est, habitum Logicæ esse scientiam, cum procedat per demonstrationem, sed est etiam ars, quia est habitus cum ratione actiuus, nam opera intellectus dirigit, efficitque singulares syllogismos ex eis, ergo simul est scientia & ars, diuersa ratione, ita vt quatenus tradit præcepta efficiendi syllogismum, & alia instrumenta per demonstrationem, sit Logica docens, & vera scientia, vtens vero quatenus est ars, efficiens singulares syllogismos iuxta præcepta à seipsa, vt docente tradita.

Secundo probatur, nam habitus Logicæ docentis per primam demonstrationem acquisitus habet pro obiecto modum sciendi, cuius naturam contemplatur, & opera rationis, ex quibus docet syllogismos conficere; sed eo ipso, quod docet efficere syllogismos habet virtutem eisdem efficiendi; cum igitur egeat alio instrumento, per quod eos efficiat, sed per eundem intellectum efficit, ergo eo ipso, quod est Logica docens, est etiam habitus, cum ratione actiuus, quod esse artem liberalem; quare sequitur utramque rationem habere eundem habitum Logicæ, nempe scientiæ, & artis; sed ratio scientiæ primaria est in eo, atque præcipua, ratio vero artis quasi secundaria, & rationem scientiæ præsupponens. Nam prius intelligimus, quod præcepta per demonstrationem tradat, deinde quod iuxta præcepta tradita, singulares syllogismos efficiat.

Ad arg. primæ opinionis respondet, Logicam perfici per exercitium efficiendi syllogismos, non vt scientiam, sed vt artem, sicut perficitur in ratione scientiæ per demonstrationes, quibus probat suas conclusiones,

A 4 quare

Quæstio quarta proœcialis.

quare non sequitur, ut utentem esse scientiam, sed artem.

7 Pro solutione argumentorum secundæ opinionis notanda est differentia inter artes, quæ per membra corporis aliquo modo exercentur, quales sunt domicatoria, & musica ex una parte, & ceteræ, quæ circa actus purè internos versantur, ut Logica, quod illæ duplicem facilitatem petunt. Vnam in intellectu, in quo sunt tanquam in subiecto, alteram in membro externo, per quod exercentur, ut musica, præter facilitatem intellectus, petit aliam in manu, vel lingua, & palato, & cum facilitas sit habitus, includunt duos habitus, quānis facilitas, quæ est in membris externis non sit propriè habitus. Aliæ vero artes, quæ solum dirigunt operationes intellectus, qualis est dialectica, sicut non exercentur per membra externa, sed per solum intellectum, ita non petunt nisi facilitatem intellectus, quæ habitus est, per quæ singulares operationes efficiunt, ac dirigunt. & hæc est una, & eadem in Logica, ut probatum est; per quā præcepta in communi, & per demonstrationem tradit, ut scientia, & per quā singulares efficit syllogismos, ut ars. Et ideo unus est, atque idem habitus scientiæ, & artis, ex quibus sequitur negandam esse illam distinctionem de duplici facilitate in his artibus, quæ per membra externa non exercentur.

Item ergo ad primum arg. eiusdē sententiæ respondeo, syllogismum factum in Philosophia naturali, à duplici habitu procedere, nempe ab habitu eiusdem Philosophiæ, & simul ab habitu Logicæ: ab illo secundum rationem particularem talis scientiæ, ab habitu vero Logicæ secundum rationem communē formæ syllogi-

sticæ, hoc est, modi, & figuræ, præterea ab illo, ut scientia, ab habitu vero Logicæ, ut arte. Petit ergo talis syllogismus duplicem facilitatem, & duplicem habitum, non Logicæ, sed unum Logicæ, alterum philosophiæ. Ad secundum concedo, actum efficiendi syllogismū præsupponere habitum Logicæ docentis, sed ex hoc non sequitur, quod generet alterum habitum, sed quod eundē sub ratione artis perficiat. Falsum igitur est, quod ab eodem habitu docentis Logicæ non procedat.

QVAESTIO. IIII.

Vtr. Logica sit unus simplex habitus, unaue simplex qualitas.

TRiplicem possumus considerare unitatem in scientia, sicut in aliis rebus, numericam, specificam, & quasi genericam, sed de unitate numerica non procedit quæstio, quia certo constat dialecticam non esse unam numero, sed tot esse, quorū sunt intellectus diuersi, ut alia numero est dialectica, quam Petrus habet, ab ea quam habet Ioannes: in hoc ergo sensu manifestum est nō esse unā simplicem qualitatem, sed multiplicem. De unitate ergo specifica, aut genericæ inquiritur, quānam ex his habeat, nam si solum habuerit genericam, nō erit una qualitas simplex, neque unus habitus, sed plures sub se continebit, sicut animal, continet plures species, quæ sub eo habent unitatem genericam: si vero habeat unitatem specificam, erit una secundum speciem, sicut albedo: quare nec ex multis habitibus, aut qualitatibus erit composita, sed qualitas simplex, simplexque habitus vocabitur.

Iuxta:

Iuxta has duas unitates, generi-
cam, & specificam duæ sunt opinio-
nes. Prima asserit dialecticam non
esse unum habitum; nec simplicem
qualitatem, sed compositam ex mul-
tis habitibus, & qualitatibus, ita ut
tot sint habitus Logicæ, distincti,
quot sunt conclusiones diversæ, nẽ-
pe alius habitus prædicabilium; alius
prædicamentorum, sicque pro cate-
ris partibus distinctos habitus ponẽ-
dos esse, imo & pro singulis conclu-
sionibus eiusdem partis, si diversæ
sint, ex quibus quasi vnus habitus to-
talis, & quasi genericus componitur,
& vna etiam scientia in quantũ ob-
iecta omnium partium, sub ratione
communissima entis rationis, aut mo-
di sciendi continentur. Hanc senten-
tiam tenet Scotus quæst. 3. prologi,
dub. 2. Otham. ibidem dub. 8. Marsi-
lius, quæst. 2. art. 4. Greg. eadẽ quæst.
3. art. 3. Gabriel, quæst. 8. Cardin. To-
letus quæst. 3. proœmiali. Fonseca 5.
Metha. cap. 7. quæst. 5. sect. 2. & proba-
bilem reputat Sotus quæst. 9. proœ-
miali. Probaturque duplici ratione.
Prima; habitus, & sciẽtiæ sumũt uni-
tatem, ac distinctionem specificam
ex obiectis, atque etiam ex princi-
piis per quæ probant suas conclusio-
nes, sed partes dialecticæ habent di-
uersa obiecta, atque principia, ergo
petunt distinctos habitus. Probatur
minor, quia prædicabile prædicamen-
tum, enuntiatio, & syllogismus, quæ
sunt obiecta diversarũ partium spe-
cie diversæ sunt. Habent etiam di-
uersa principia, quia definitiones ho-
m obiectorum principia sunt, per
quæ demonstrantur conclusiones in
singulis partibus, & sunt valde di-
versæ; ergo habebunt principia di-
versæ, & conclusiones diversæ, per
quas diuerse generabuntur habitus
Logicæ.

Secunda ratio. Videmus sepe in-
tellectum esse faciliorem circa vnã
partem Logicæ propter frequẽtio-
rem vsum eius, quam circa alteram,
ut circa syllogismos probabiles, effi-
ciendos, quã circa demonstrationes,
ergo diuerfos habet habitus earum.
Probatur cõsequẽtia, quia nõ potest
vnus habitus simul esse facilior, & mi-
nus facilis, sicut nec potest idem ho-
mo velociter simul, & tarde currere.

Secunda opinio maiorem unitatẽ
ponit in Logica, affirmans esse vnã
speciem, ita, vt nec plures habeat habi-
tus, circa diuersas conclusiones eius-
dem partis, nec circa diuersas par-
tes, sed eundem habitum se extende-
re ad omnes partes, & ad omnes cõ-
clusiones earũ. Hæc est expressa sen-
tentia D. Th. 1. posteriorum c. 23. &
12. quæst. 54. art. 4. eã secuntur Caie.
ibidem. Ferra. 2. contra Gent. cap.
4. Sotus quæst. 3. proœmiali, & ex mo-
dernis plures, & nobis videtur pro-
babilior. Sed vnde, aut ex quo hanc
unitatem accipiat, non est certum
apud omnes, qui eam secuntur. Sed
quidam asserunt à materia, aut mate-
riali obiecto habere unitatem, non
ita, ut obiectum materiale sit vnũ
specie, quia hoc nõ requiritur, sed sa-
tis est quomodocumque esse vnũ,
hoc est, vniuocum, vel analogum, ge-
nus, aut speciem, vel etiam vniuersa-
lissimum, vt ens, quod est obiectum
Metha. à quo etiam si sit analogum,
& vniuersalissimum, unitatem speci-
ficã sumit Metha. sic ergo Logica ha-
bet unitatẽ specificã ab ente ratio-
nis, aut modo sciendi vniuersalissimo.

Alij vero ex obiecto etiam sume-
re unitatem habitum inquirunt, non
materiali, sed formali: distinguunt enim
duplicẽ unitatem in obiecto cuius-
cumque scientiæ, potentiæ, aut habi-
tus, ita, vt altera sit unitas eius in

Quæstio quarta proœmialis.

esse rei, quam materialem vocant; al-
tera in esse scibilibus, quæ vocant for-
mulam; ut in colore, quæ est obiecti-
visus, unitas in esse rei est, esse qua-
litem, quæ genus est ad albedinæ,
& nigredinem, unitas in esse visibi-
lis est, quam habet in quantum mo-
vere potest visum: dicunt ergo scien-
tiam habere unitatem ex obiecto
nō in esse rei, quia sequeretur tot es-
se scientias, quot sunt res specie, aut
genere diuersæ, quod nullus dixit,
sed ex eodem obiecto in esse scibili,
hoc est, in quantum per scientiā co-
gnoscibile est. Hæc tamen distinctio
obiecti, falsa reputatur à quibusdam
modernis, quod probant testimonio
Aristo. & ratione. Aristoteles enim s. lib.
Metaph. cap. 15. docet, neque scibile
per scientiam, neque scientiam per
scibile definiendam esse, quia com-
mitteretur vitiosus quidam circulus
vnum per alterum vicissim explicā-
do, & ex consequenti idem per seip-
sum, ut si definias visum per visibi-
le, dicens, visibile est, circa quod ver-
satur visus; & rursus, visum quod sit
id, quod versatur circa visibile, non
est aliud, quā visum per seipsum de-
finire. Probatur, nam si visibile defi-
nitur per visum, ego visus definit vi-
sibile; & si visibile rursus definitur
per visum, ergo definitur per suam
definitionem, quod idem est, ac defi-
niri per seipsum, nam definitio, &
definitum idem sunt. Ratio eorum
est, quia obiectum in esse scibilis est
posterius scientiæ, cum ab ea dicatur
scibile, ergo non sumit ab eo unita-
tem specificam. Probatur consequen-
tia, quia si scientia prior est, ergo
prius est vna quam obiectum intel-
ligatur: ab alio ergo, quod sit prius
obiecto in esse scibilis, sumere debet
unitatem.

Nobis tamen vera, ac necessaria

videtur distinctio obiecti in esse rei,
aut in esse scibilis, neque etiam, quod
ab obiecto in esse scibilis sumat scien-
tia unitatem specificam, quia vtrun-
que colligitur ex doctrina D. Tho-
mæ. 1. par. quæst. 1. art. 4. & 2. quæst.
1. art. 1. & est communis sententia se-
rè omnium, quod probō 1. quia con-
clusio eadem in esse rei pertinet ad
duplicem scientiam, quod non potest
esse verum, nisi diuersam rationem
scibilis in ea consideremus; hæc au-
tem ratio scibilis diuersa sumitur
ex diuerso medio, per quod proba-
tur, nempe ex diuersis principiis, di-
uersaq; demonstratione, ergo necessa-
ria est talis distinctio, & unitas speci-
fica scientiæ ex unitate obiecti in
esse scibilis, & non in esse rei accipiē-
da est. Exēplum sumere possumus
in hac conclusione. Terra est rotunda,
quæ ad Astrologiam pertinet, in quā
tum demonstratur ab ea per medium
Mathematicum, & ad Philosophiam
naturalem, in quantum demonstra-
tur per medium Philosophicum. Se-
cundo probatur in potentia visua,
quæ colorem percipit, & lumē adeo
diuersa, & quæ non possunt conueni-
re ad constituendum vnum obiectū
visus sub ratione qualitatis, nam se-
queretur, quod visus omnem qualita-
tem perciperet, neque etiam sub ra-
tione qualitatis passibilis, quia seque-
retur omnem qualitatem passibilem
percipere, & vtrumque est falsum;
necessarium igitur est, quod sub alia
ratione magis particulari conueniāt,
ut vtrumque ab eadem potentia pe-
cipiatur: & hæc ratio non potest esse
alia, nisi quia vtrumque potest mou-
re visum, & hæc est ratio visibilis. Ea-
dem ergo ratione omnia obiecta ma-
terialia alicuius scientiæ, diuersa qui-
dem in esse rei, cum sint res diuersæ
sub aliqua ratione particulari, con-
uenire

genire debent, in quantum ab eadē scientia percipi possunt, & hanc vocat Caiet. rationem scibilis, per quam obiectum tribuit scientiæ unitatem.

Ad argumētum modernorum hac distinctione respondendum est: denominatio scibilis duplex est; actualis, & relativa, & virtualis atque absoluta, & prima à scientia ipsa sumitur, & ideo posterior illa est; secunda vero ex natura, & essentia eiusdē obiecti, sicut etiam denominatio intelligibilis, v.g. homo dicitur intelligibilis denominatione actuali, & relativa ab intellectu, & intellectione, per quam intelligitur, aut intelligi potest, & ideo posterior est in esse intelligibilis intellectu, & intellectione, sed denominationem virtuales, & quasi radicalem non ab intellectu, sed à propria natura sumit, quia ex propria natura, & entitate res quælibet est intelligibilis: quare secundum hanc denominationē, non dependet ab intellectu, sed prior est illo. Testimonium vero Arist. tangit modum definiendi vnum relatiuum per alterum, quare non potest cōmēde explicari vique ad prædicamentū, ad aliquid.

Sed licet distinctio obiecti in esse rei, & in esse scibilis à Caiet. tradita necessaria sit, non est tamen sufficiens ad explicandam unitatem specificā, quā in Logica ponimus, nisi amplius explicetur, & ostendatur, à quo nam sit sumenda unitas obiecti in esse scibilis; nam illud tantum erit ratio formalis, à qua eandem unitatem accipiet scientia. Explicanda vero est per aliam distinctionem ita habentem. In quocunque obiecto scientiæ, potentia, vel habitus duo reperimus, nempe rem quam per scientiam, aut potentiam percipimus, & hæc voca-

tur ratio, quæ hoc est ratio, quæ percipitur: reperitur etiā ratio sub qua potentia versatur circa illam, aut eā percipit, & hæc dicitur ratio, sub qua, obiecti, per quā determinatur, & ex utraque ratione, quæ, & sub qua, constituitur vnum obiectum completum, atque totale, ex ratione, quæ tanquam ex materiali, & ex ratione, sub qua, tanquam ex formali: unde contingere potest, quod eadem ratio, quæ sit obiectum diuersorum habituum, aut potentiarum, propter diuersas rationes sub quibus percipitur, & propterea verum est, à ratione sub qua, tanquam à formali, & vltima sumere suam unitatem: potentias, habitus, & scientias. Hoc exemplo fiet res manifesta. In obiecto visus reperimus id; quod videtur, & hoc est color, aut lumen, & vocatur ratio, quæ obiectiua; reperimus etiā visibilitatem, quæ nō est aliud quam colorem, aut lumen ex propria natura posse mouere potentiam visuum, & ab ea videri, & ex utraque ratione, nempe colore, & visibilitate constituitur obiectum completum potestis visus, ex colore quidem, vt materia, ex visibilitate vero, vt forma, à qua unitatem accipit eadem potentia, & eodem modo ad obiecta scientiarum applicanda est distinctio hæc, dicendumque, rationem, sub qua, esse rationem scibilis, à qua unitas specifica earum sumenda est.

Sed restat explicandum, id quod in hac re difficilimum est, nempe ratio, sub qua, in obiectis scientiarum, nam ratio, quæ, satis est manifesta: est namque materia circa quam versatur scientia vt ens rationis in Logica, & ens reale in metha. Physic. Caiet. & Ferrar. vbi supra, rationem scibilis in obiecto cuiuslibet scientiæ, ex tali modo abstrahēdi à materia accipiem-

Quæstio quarta proœmialis.

cupiendam esse docent, vt ratio sub qua in objecto Methaph. sic omnimoda abstractio eius à materia; hoc est abstractio à materia, non solum sensibili, sed etiam intelligibili, in Philosophia naturali, abstractio à materia singulari, non tamen à materia sensibili.

Hanc tamen sententiam falsam reputo, quia abstractio à materia nimis vniuersalis est, & propterea non potest esse ratio, sub qua, tribuens scientiæ specificam vnitatem, aut distinctionem, nam sub eadem abstractione continentur plures, ac diuersæ scientiæ, vt sub abstractione à materia singulari, & nõ sensibile vtraque Philosophia, naturalis, & moralis, sub abstractione à materia sensibili vtraque Mathematica, videlicet Geometria, & Arithmetica.

Veram ergo sententiam ex doctrina D. Tho. colligo, nempe rationem, sub qua, in objectis scientiarum destinandam esse ex tali medio assentiendi conclusionibus, sicut in fide sumitur ex testimonio dicentis, medium vero assentiendi conclusionibus, sunt principia disposita in demonstratione, ex quibus colligitur conclusio, v. g. medium assentiendi huic conclusioni, homo est risibilis, sunt illa principia, omne animal rationale est risibile: omnis homo est animal rationale sic disposita, vt ex eis colligatur, hominem esse risibilem, nam propter illa assentimus conclusioni; materia igitur, circa quam versatur scientia, in quantum sumitur sub talibus principis eiusdẽ scientiæ in demonstratione dispositis, propter quæ assentitur intellectus conclusionibus de eo demonstratis, est objectum completum, sed principia sic disposita est ratio formalis, sub qua, objectiua, à qua scientia sumit suam vnitatem spe-

cificam. Et colligitur etiam ex doctrina, quam tradit Arist. de vnitate, ac distinctione scientiarum 1. lib. de posteriori resolutione cap. 23. ubi principia scientiarum duobus modis se habere docet, nam vel sic sunt diuersa, vt nec ex aliis fiant, nec ex alterutris, hoc est, nec ex aliis communibus dependeant, nec necessariam dependentiam inter se habeant diuersas scientias constituunt, sic sunt habent principia Philosophiæ, & Mathematicæ. Et propterea diuersæ sunt tales scientiæ, sed principia Philosophiæ naturalis, ex communibus principis Physicis pertinentia ad materiam, & formam sunt, & intrinsecam dependentiam inter se habent, in quantum principia librorum de cælo, & mundo præsupponuntur necessario ad principia librorum de Generatione, & corruptione, & hæc ad libros de anima, propterea eandem scientiam secundum speciem constituunt omnes istæ partes. Et ita etiam se habent principia Logicæ, quia principia particularia omnium partium præsupponunt communia principia entis rationis, aut modi sciendi, ex quibus fieri dicuntur, & eadem principia partium Logicæ se præsupponunt, & posteriora habent necessariam connexionem, & dependentiam ex prioribus, vt principium enuntiationis; quod est definitio eius præsupponit necessario principia, prædicabile, & prædicamentorum, quæ sunt definitiones eorum, ac tandem principia syllogisticæ artis, præcipuunt, atque dependent ex principis enuntiationis, & hoc est ex alterutris fieri, hoc est, posteriora ex prioribus, propter necessariam dependentiam, quam ab eis habent, & principia, quæ ita se habent, dicuntur eadẽ formaliter propter intrinsecam

eam connexionem, ac dependentiâ, & solum materialiter diuersa, quia diuersam continent materiam, simplicem quidem, aut compositam, & compositam quoque diuersam: unde sequitur rationem, sub qua in obiecto Dialecticæ ex eisdem principiis desumptam eandem esse, & ideo vnitatem specificam scientiæ tribuere.

Ad primum argumentum primæ opinionis respondetur, partes Logicæ materialiter quidem, aut in esse rei, diuersa esse, sed formaliter, aut in esse scibili, habere vnitatem specificam. Sicut colores specie differunt, vt albedo, & nigredo in esse rei, cū sint res, aut qualitates diuersæ: speciei, at vero sub ratione formali visibilis eiusdem sunt speciei; quod efficaciter probatur, quia eundem habent modum mouendi visum: unde visio albi, & nigri non sunt diuersæ speciei, sed eiusdem, eadem ergo ratione partes Logicæ, vt prædicabilia, prædicamenta, enuntiatio, ac syllogismus, vt sunt res quedam diuersæque; inuenta specie distinguuntur, at sub ratione scibilis, nempe; vt sub eisdem principiis, & per easdem demonstrationes probantur. conclusiones earum, eiusdem rationis sunt, quia eundem modum habet Logicæ eas cognoscendi; hoc est; per eadem principia. Et quod in argumento additur, principia esse diuersa, eodem modo soluendum est. Esse quidem diuersas veritates, sed propter intrinsicam connexionem, ac dependentiam, quam habent ex principiis communibus entis rationis, & inter sese; in quantum posteriora præsupponunt necessario priora, vt principia syllogismi principia enuntiationis, & principia enuntiationis principia simplicium, ex quibus enuntiatio componitur, hoc est, prædicabilem, & prædi-

cametorum eadem principia formaliter reputantur, vt Arist. docuit vbi supra, & propter formalem principiorum identitatem, demonstrationes, cuiuslibet partis Logicæ eiusdem etiam rationis sunt, atque etiam omnes conclusiones, & obiectum quoque idem propter formalem identitatem principiorum.

Ad secundum respondeo, quod dū intellectus acquisiuit habitum Logicæ per demonstrationem vnius partis, & postea se exercet circa alias partes per nonas demonstrationes, quasdam alias facultates acquirit, nō tamen alios habitus: quia facultates istæ eiusdem rationis sunt propter vnitatem specificam principiorum, & conclusionum, per quas acquiruntur, & solum distinguuntur materialiter, tanquam partes integrantes eiusdem habitus, qui licet sit qualitas spiritalis, & ideo non habeat partes integrantes quantitativas, atque corporeas, sicut habent corpora: habet tamen spirituales iuxta propriam naturam, quæ dicuntur partes extensionis, sicut certum est habere partes intensionis, vt suo loco explicabitur, nec propter tales partes desinit esse qualitas simplex, quemadmodū desineret esse, si essent distincti habitus, vt asserit opposita sententia, quia esse simplicem qualitatem, hoc tantum significat, quod non sit composita ex multis qualitatibus, aut habitibus formaliter, aut specie diuersis, nam talis compositio tolleret vnitatem specificam eius, quam certum est non tollere partes integrantes, solum materialiter diuersas, sicut non tollit quin albedo Petri sit simplex qualitas, quod habeat partes integrantes in capite, & pede. Hanc autem compositionem partium integrantium, ac materialium, tribuit scientia D.

Tho.

Quæstio quarta proœmialis.

The. 17. quæst. 12. art. 2. etiam si expressè doceat esse simplicem habitum, & qualitatem, ut vidimus: quare non credit repugnare simplicitati eius.

QV AESTIO V.

Vtr. Dialectica sit scientia practica, vel speculativa.

21 **P**Ræsupponit titulus quæstionis quasdam esse scientias practicas, & alias speculativas: quod docet expressè Arist. 2. lib. Metha. & est communis sententia totius scholæ, probaturque hoc argumento. Practicum est, quod sua natura ordinatur ad opus, sed quædam sunt scientiæ de operabilibus à nobis, & quæ ad finem operandi earum cognitionem ordinant, ut Philosophia moralis agens de virtutibus, & medicina de corpore humano sanabili; aliæ vero quæ circa res purè speculativas versantur, ergo necesse est admittere practicas, & speculativas scientias. Quo supposito quærimus, an Dialectica pertineat ad practicas, vel ad speculativas: sed ut quæstio melius intelligatur, adnotandum est, quid sit praxis, & quid practicum. Praxis idè est quod operatio, & practicum idem, quod operativum, vel principium operationis, vel directivum eiusdè operationis: sed principium operationis duplex est, proximum, & remotum: proximum est illud, à quo operatio procedit, vel dirigitur; remotum vero, quod considerat operationem in communi, tradens præcepta eam faciendi, quæ dirigendi, ex quibus sequitur, utrum in singulari faciat, aut dirigit. Exemplum primi habemus in artibus. Nam ars fabrilis proximum principium est operationis, exemplum

secundi in scientiis practicis, nam cum scientia non sit de singularibus, sed de uniuersalibus, & operatio non fiat nisi in singulari, non possunt scientiæ esse proximum principium operationis, sed remotum tantum, ex eo quod præcepta in communi tradunt docētes quonam modo efficienda sit, aut dirigenda in singulari. Vnde sequitur practicum prius, ac principalius dici de artibus quam de scientiis, sed ad veram rationem scientiæ, practiciæ satis est esse principium remotum operationis modo explicato, quia impossibile est esse principium proximum operationis, cum non in singulari, sed in communi eam consideret. Vtraque acceptio practici continetur in doctrina Arist. prima quidem, & propria 6. Ethicorum cap. 3. usque ad 8. ubi solum enumerat duos habitus practicos, nempe prudentiam, & artem, quia solū isti sunt principia proxima factiua, aut directiva operationis. Secunda vero, & minus propria 2. lib. Meth. cap. 1. tex. 3. lib. 6. c. 1. tex. 1. 2. & 3. & lib. 11. cap. 1. quibus locis practicum attribuit scientiis, diuidens eas in speculativas, & practicas, sed sciens non potest conuenire primo, ac propriissimo modo sumpto, sed solum secundo modo, & minus proprio, sufficienti tamen, ut verè, & propriè dicantur scientiæ practiciæ, ex quibus intelligitur, quod dum quærimus, an Logica sit scientia speculativa, vel practica, non de practico propriissimo loquimur, sed de minus proprio, quod potest conuenire scientiis.

Circa quæstionem igitur sic explicatam quatuor sunt opiniones. Prima tenet, Logicam esse scientiam speculativam, & non practicam, quā secuntur Scotus quæst. 4. prol. Duran. quæst. 6. Sotus, & Toletus quæst. 4.

proœ-

proœmiali. Sôcinus 6. Metha. quæst. 2. Capreolus quæst. 2. prol. art. 1. Nimpheus 1. Metha. quæst. 1. Canariensis in scriptis primæ partis, quæst. 1. art. 4. & eisdem sententiæ videtur esse D. Tho. opusculo 70. fol. 128. pag. 1. & 12. quæst. 57. art. 3. ad 3. probaturq; duobus argum. Primo, quia ex fine colligitur, an sciëntia sit practica, vel speculatiua, vt docet Arist. 2. Metha. tex. 3. sed finis Logicæ non est componere syllogismum, aut quodlibet aliud instrumentum, sed naturâ eius & proprietates querere, atque speculari, ergo non est sciëntia practica, sed speculatiua. Probatur antecedens, quia non dicitur aliquis acquisisse Logicâ ex eo quod syllogismos efficiat, sed quia naturam eius cognoscit per demonstrationem, ergo Logica non est operatiua syllogismi, sed naturam eius speculatur: quare nec erit practica, sed speculatiua.

Secundo probatur, ex modo procedendi, nam sciëntia practica procedit modo compositorio, quia compositio operatio quædam est, speculatiua vero modo resolutorio, resolviendo, aut reducendo proprias conclusiones vsque ad prima principia, sed Logica non procedit modo compositorio, sed resolutorio, inquirendo naturam, & proprietates syllogismorum, & aliorum instrumentorum, ergo erit speculatiua. Probatur minor, quia etiam si aliquis nullum componeret syllogismum, Logicus verè diceretur ex eo quod cognosceret naturam, & proprietates eius per demonstrationem, ergo Logica non procedit modo compositorio, sed resolutorio.

Secunda opinio. affirmat Logicâ esse sciëntiam practicam, quâ tenet Gabriel 11. quæst. prol. Ocham. in 1. d. 39. quæst. 6. Venetus in principio

sux Logicæ. Albertus Magnus 2. lib. de Anima, cap. 12. Iandunus 6. Meth. quæst. 3. & 5. Fonseca 2. Metha. cap. 3. quæst. 2. sect. 4. & probatur 1. nam illa est sciëntia practica, quæ operatiua est, aut directiua operationum, sed Logica est directiua operationû intellectus, ergo est practica. Probator minor 1. ex Arist. 1. Retho. cap. 1. vbi docet Dialecticam inuētam esse ad dirigendas operationes, quæ bene, & malè fieri poterant; deinde ratione, quia operationes intellectus secundum propriam naturâ consideratæ, nõ pertinent ad Logicâ, sed ad Philosophiam naturalem, solum ergo considerantur in Logica quatenus diriguntur, & ordinantur, vt sine errore fiant, & constituatur ex eis syllogismus, aut aliud instrumentum, ergo Logica est directiua earum, quod est esse practicam. Exemplum huius veritatis habemus in arte fabrilis perfectæ practica, quæ circa ligna versatur, non secundum eorum naturam, nam hoc modo considerata ad Philosophiam potius pertinent. sed disponendo, ac præparando, vt fiat ex eis cathedra; ergo Logica, quæ versatur circa opera intellectus sic ordinando, vt ex eis possit fieri syllogismus, practica sciëntia erit.

Secundo, Sciëntiæ speculatiuæ quæritur propter seipsas, vt per eas cognitionem suorum obiectorum consequamur; practicæ vero non propter se, sed propter operationes dirigendas, sed Logicam, non propter seipsam querimus, sed propter alias sciëntias, ad quas consequendas ordinatur, tanquam instrumentum earum; ergo non est speculatiua, sed practica.

Tertia sententia, cū videret vtrâque rationem; practicam videlicet, & speculatiuam habere dialecticam, & vtramque rationem non posse conueni-

Quæstio quinta proœcialis:

uenire eidem habitui, duplicem habitum in ea distinguit, vnum speculativum quo consideramus naturam syllogismorum, & aliorum instrumentorum; alterum practicum, quo eos componimus. & primum habitum vocat Dialecticam Theoricam, hoc est cognoscitivum obiecti: secundum Dialecticam practicam, hoc est, directivum, & utitur exemplo medicinæ, in qua duplex etiam ponendus est habitus, vnus, quo consideratur natura corporis sanabilis, & medicamentorum, & vocatur theoria medicina, alter quo applicantur medicamenta ad curandum corpus, & vocatur practica medicina.

Postrema sententia asserit, Dialecticam nec esse speculativam, nec practicam per se, sed instrumentum potius ordinatum ad consequendas speculativas scientias, & practicas, & propterea utramque rationem speculativam, & practicam modo quodam accidentali ei convenire. Ita tenet Petrus Niger quæst. 4. sui clyp. & Græci omnes, asserentes Dialecticam non esse Philosophiæ uniuersaliter acceptæ, sed instrumentum. Probatur hæc sententia quodam testimonio Arist. 1. lib. topicorum cap. 9. ubi problemata, quæ sunt propositiones in utramque partem probabiles in contemplatiua, actiua, & instrumentaria, & hæc postrema vocat problemata Dialectica, ergo sentit Dialecticam non esse speculativam, nec practicam, sed instrumentariam. Deinde ratione, quia Logica dirigit opera intellectus, sed intellectus non est speculativus, nec practicus, sed vniuersalior quædam potentia, cui utraq; ratio convenit accidentaliter, idem ergo dicendum erit de Dialectica.

14

Pro solutione quæstionis notandum

est. 1. Logicam duo præstare, primum namque præcepta tradit conficiendi syllogismos, & cætera instrumenta, explicans partes, ex quibus componi debent. Probatur hoc ex definitione syllogismi, quæ asserit esse orationem in qua quibuscumque positis, aliud necessario sequitur per ea, quæ posita sunt, id est, virtute præmissarum. præmissæ igitur, quæ sunt maior, & minor dispositæ in modo, & figura sūt partes quasi materiales syllogismi: dispositio vero in modo, & figura quasi forma eius est. Arist. etiam in libris de Posteriori resolutione, præcipue cap. 2. 7. lib. definit demonstrationem, dicens esse syllogismum constantem ex primis, hoc est principiis, & veris quidem, nam ex falso non sequitur vera conclusio, & ex causis conclusionis, quia præmissæ causæ conclusionis sunt. Hæc igitur sunt præcepta efficiendi syllogismum, ac demonstrationem. Secundum, quod præstat est, probare eadem præcepta per demonstrationem resoluendo conclusiones vsque ad prima principia, quod fecit Arist. ibidem, docens non posse aliquem habere scientiam conclusionis, nisi sciat præmissas demonstrare, easque reducere vsque ad prima principia per se nota, atque inde monstrabilia.

Secundo notandum est, idem esse præcepta tradere componendi syllogismum demonstrationem, quod docere modum, quo componi debeat, ut possit esse instrumentum acquirædi scientiam, & hoc est etiam procedere modo compositorio, quemadmodum ars domificatoria ideo procedere dicitur modo compositorio, quia docet ex lapidibus, & lignis hoc, vel illo modo dispositis, domum esse componendam. Idem est etiam docere per demonstrationem componere

ponere syllogismum, resoluendo, aut reducendo conclusiones vsque ad prima principia, quod est procedere modo resolutorio: unde sequitur euidens esse, quod utrumque modum procedendi habeat Logica, & intrinsecum quidem, quia non posset perfectam cognitionem modi sciendi tradere, nisi utroque modo procederet.

Tertio notandum est, non solum habere Logicam utrumque modum procedendi, sed etiam utrumque finem, nempe operandi, & speculandi, & componendi syllogismum. quod sic probatur: modus compositorius sua natura ordinatur ad bene componendam syllogismum, & bene componere syllogismum est ordinare, aut dirigere operationes intellectus, ex quibus componitur, ergo Logica habet pro fine dirigere operationes, qui est finis practicus. De fine vero speculationis patet, nam modus procedendi resolutorius ordinatur ex se ad speculandam naturam obiecti, de quo probantur passionibus per demonstrationes, quarum conclusiones reducuntur ad prima principia, ergo ex modo resolutorio colligitur euidenter, finis speculandi naturam obiecti.

15 Postremo notandum, hos modos procedendi, resolutorium, & compositorium, atque etiam hos fines dirigendi operationes intellectus, & speculandi naturam modi sciendi, quasi parciales, & inadequatos esse respectu Logicæ, & contineri sub adequato, & totali fine eiusdem scientiæ, qui est perfecte cognoscere naturam modi sciendi. Probatur hoc argumento: nam ad perfectam cognitionem modi sciendi, non sufficit scire modum componendi syllogismum, & alia instrumenta, sed requiritur, quod per demonstrationem cognoscatur: deinde ratio vero, ut perfecta sit, petit

resolutionem præmissarum usque ad prima principia, quod est naturam eiusdem modi speculari, ergo perfecta cognitio modi sciendi, qui est obiectum Logicæ, & finis eius adequatus, atque totalis, utrumque finem, quasi partialem continet, & respectu utriusque superior est. Sed sub eo mutuo se correspondent parciales, & inadequati fines, atque modi procedendi, & unus ordinatur ad alterum, atque est conuerso: quia Logica docet componere syllogismum, ut per eum tanquam per instrumentum speculetur naturam eius, & naturam eius speculatur, ut perfecte sciat eum componere, quia perfecta compositio petit perfectam cognitionem totius compositi, & partium eius, & sic modus correspondet modo, & finis correspondet fini, & ex utroque resultat perfecta cognitio modi sciendi, qui est finis adequatus Logicæ, altior utroque, & utrumque continens eminenter.

His suppositis nostra sententia est, Logicam simul esse practicam, & speculatiuam scientiam, quam præter alios secuntur, pater Suarez tom. 2. suæ Metha. disp. 44. circa finem, & pater Gabriel Vasquez in 1. part. D. Tho. disp. 9. cap. 2. num. 1. quam efficaciter probat hoc arg. ex doctrina tradita sic colligendum. Scientia practica est illa, quæ non solum est de re operabili, aut dirigibili, sed procedit modo operabili, & in finem operadi, aut dirigendi operationes ordinatur, sed Logica habet has tres conditiones, ergo est verè practica. Probatur minor, nam in primis de re operabili, aut dirigibili agit, nempe de operationibus intellectus, & modo quidem operabili, hoc est, compositorio, & tandem in finem dirigendi easdem operationes ordinatur, quod

B & c.

Quæstio quinta proœmialis.

& facit, dum eas ordinat in syllogismo, aut aliud instrumentum. Quod vero sit etiam speculativa proba. Nā speculativa scientia est, quæ de re speculabili agit, modoq; resolutorio procedit, & in finem speculandi naturā eius ordinatur, sed talis est Logica, ergo est speculativa. Minor ita probatur. Modus sciendi, aut ens rationis, quod est obiectum Logicæ, est res speculabilis, habens passiones, quæ de illo demonstrari possunt, & verè demonstrantur in Logica docente resolvere easdem demonstrationes vsque ad prima principia, quod est resolutorio modo procedere, & modus iste resolutorius ordinatur ex se ad speculandam naturam rei, ergo habet etiam pro fine speculationē sui obiecti. Et hoc arg. satis declarat, quam sit falsum, id, quod quidam ex his qui secuntur primam opinionem, asserunt, nempe, Dialecticam procedere modo practico, sed hanc modū procedendi ordinari ad speculationem: & ideo non efficere scientiam practicam, sed speculatiuam. Non enim minus ordinatur modus procedendi resolutorius ad praxim, cum ordinetur ad perfectiū componendū syllogismum, & nihilominus constituit Dialecticam speculatiuam, ergo etiam si modus compositorius ordinetur ad speculationem, constituet scientiam practicam. Præterea, cum modus compositorius sit de essentia scientiæ practicæ, non potest reperiri in aliqua scientia, quin eam constituat practicam, siue ordinetur ad speculationem, vel non ordinetur. Ordinatio enim potius ostendit talē scientiam habere utramque rationē practicæ, & speculatiuæ.

Probatur secundo, quia Logica est ianua, per quam ad reliquas scientias ingredimur, & quasi organum,

& instrumentum ad eas acquirēdas, præbetque modum sciendi omnibus, sed inter alias scientias quædā sunt speculatiuæ, aliæ practicæ, ergo necesse est Dialecticam habere utramque conditionem, quia si practica nō sit, non potest esse ianua per quam ad practicas scientias ingrediamur, nec poterit eis tribuere modum sciendi, ac procedendi practicum, & eadē ratione nō poterit hæc tribuere speculatiuis, nisi speculatiua sit: necesse est ergo utramque conditionem ei concedere.

Sed restat quoddam arg. aduersus nostram sententiam prius soluendū, quam ad soluenda argumenta aliarū opinionū procedamus, & est huiusmodi. Practicum, & speculatiuū sunt differentiæ, per quas scientiæ distinguuntur specie, ergo non possunt eadem scientiæ conuenire. Probatur consequentia, quia ex duabus speciebus non potest componi tertia, ergo nec ex practico, & speculatiuo Dialectica. Sequeretur enim in duabus speciebus collocari, & quasi monstrum esse.

Pro solutione huius arg. adnotandum est, quod sicut in causis efficientibus vniuersalibus possunt esse vnitæ virtutes diuersæ speciei, ita ut vna, & simplex virtus causæ superioris utramque contineat eminenter, & respectu illius quælibet sit quasi inadequata, & in causis formalibus, sub vna forma superiori contineri possunt rationes essentielles inferiorum formarū, ita ut vna & simplex cū sit forma superior tribuere possit vnū, & aliud esse, quod ab utraque forma inferiori tribuitur, eodem modo vna scientia superior, quæ habet modum formæ, continere potest rationes, aut modos essentielles diuersos inferiorum scientiarum. Exēplum horum

horum trium habere possumus satis manifesta. Nam sol per vnam, ac simplicem vir tutem efficere potest plures effectus specie diuersos, qui non nisi à causis particularibus specie diuersis procedere possunt, quia in vna illa forma cōtinētur eminenter virtutes inferiores specie diuersæ, in formis quoque, anima rationalis tribuit corpori esse vegetatiuum, & sensitivum, quos gradus effendi tribunt formæ inferiores specie diuersæ, vt forma plantæ, & equi, ita vt verum sit animam rationalem simul esse vegetatiuam, & sensitiuam, & in ea reperiri vnitas perfectiones formarum specie diuersarum, quas continere dicitur, non solum eminenter, sed etiā formaliter sub gradu quodam superiori. Et tandē in sciētiis docet d. Th. 1. part. quæst. 1. art. 4. sacram Theologiam simul esse practicam, & speculatiuam, ita vt vtrāque perfectionem sub gradu superiori complectatur, propter eminentiam sui obiecti, quod est Deus, tanquam veritas speculabilis, & vltimus finis nostrarum operationum. Idem ergo nos concedimus Dialecticæ, non propter eminentiam sui obiecti, sed propter vniuersalitatem, quia modus sciendi est respectu omnium scientiarum, & modum sciendi tribuit practicis, atque speculatiuis, & ideo necesse est vtrūque modū continere, eminenter quidem, quia quantum ad hoc superior est aliis sciētiis, & etiā formaliter, quia formaliter continet vtrumque modum procedendi, resolutorium, & compositorium, & ad vtrumque finem dirigendi operationes intellectus, & speculandi naturā modi sciendi ordinatur. Sed rationes practicæ, & speculatiuæ inadequatæ sunt respectu ipsius, sub adequata & superiori ratione perfectē cognoscendi natura-

turam modi sciendi contentæ.

Ex his respondeo ad formā arg. nā dū dicitur, practicū, & speculatiuum esse rationes specie diuersas, cōcedendum est, & ideo non posse eidem sciētiæ particulari conuenire, sed bene vniuersali habenti superiorem quandam rationem eminenter, atque formaliter continentem vtrāque perfectionem. Quomodo vegetatiuum, & sensitivum non possunt conuenire eidem formæ particulari, sed bene vniuersali, qualis est anima rationalis, nec propterea talis sciētia vniuersalis erit in duplici specie, sed habebit vnam quādam eminentiorem speciem vtramque rationem continentem, respectu cuius quælibet est quasi partialis, & inadequata.

Arg. primæ, & secundæ opinionis, probant quidem Dialecticā esse practicam, & esse speculatiuam, non tamen, quod alteram tātum rationem habeat, ita vt vel solum sit practica, vel solum speculatiua.

Vltima autem sententia falsa est, quia esse Dialecticam instrumentū omnium scientiarum, non tollit ab ea veram rationem sciētiæ, & ideo nec veram rationem practicæ, & speculatiuæ, sed probat esse scientiam vniuersalem, ex quo habet quod vtramque simul rationem complectatur eminenter simul, & formaliter, quia sub ratione formali superiori, atque eminentiori.

Testimonium vero Arist. de problemate instrumentario, quod Dialecticæ tribuit, difficultate caret, quia sensus illius est, non esse actiua solum, vel solum contemplatiua, sed sub ratione superiori vtrumque cōtinere. De intellectu vero alia est ratio, ac de scientiis, quia cum sit potētia vniuersalis abstrahit ab vtraque

Quæstio sexta præcæmialis:

ratione præctici, & speculatiui, quæ respectu scientiarum sunt quasi essentialiales modi per quos specie distinguuntur.

QVÆSTIO VI.

Quod sit obiectum Dialecticæ, utrū modus sciendi realis, uel ens rationis.

17. **O**biectum, subiectum, & materia vocari solet res illa, circa quā versatur scientia, nam hæc tria nomina eandem ferè significationē habent. Obiectum dicitur per ordinem ad habitum, quia quasi scopus est, in quem tendit: subiectum per ordinem ad passionem: quæ de illo probantur in scientia, materia vero per respectum ad rationem formalem, sub qua, à scientia ipsa consideratur. Idē est ergo quærere, quodnam sit obiectum Logicæ, & quæ sit materia circa quam versatur, aut quod sit subiectum, de quo demonstrat passionem, & cuius cognitionē assequi intēdit, & his explicatur titulus quæstionis.

Sed cōditiones, quas habere debet obiectum, proponendæ sunt, vt intelligatur illud esse obiectum huius scientiæ, potius quam aliud: cui melius cōueniunt. Est autem prima conditio, vt sit in rerum natura, vel certē possibile sit, non enim requiritur actualis eius existentia, nam de rosa in hyeme, quādo non est, datur scientia, quia saltem est possibilis; de re enim impossibili, vt de chimera nō potest dari scientia. Secūda conditio est, quod cognitio eius intendatur in scientia. Tertia, vt sub se cōprehēdat omnia, quæ tractantur in scientia. Postrema, quod sit vnum aliquo modo, vt vnitatem possit tribuere scientiæ.

His expōsitis, præsupponēda sunt: tanquam certa illa, in quibus omnes conueniunt, vt ad difficultatē quæstionis perueniamus. Est autē certum.

primo, Dialecticā habere aliquā materiā determinatam, circa quā proximē versetur, tanquā circa propriū obiectū. Cuius ratio est, quia quolibet determinata scientia, determinatam cognitionem alicuius rei intendere debet, sed Logica est determinata scientia, & distincta à cæteris, ergo habebit determinatam materiā, seu obiectum, cuius cognitionem intendat, & per quod ab aliis scientiis distinguatur: quia sicut potentia somit suam vnitatem specificā ab obiecto, sic etiā scientia, vt Arist. docet 2. lib. de Anima, cap. 4. Et licet hoc videatur contrarium doctrinæ Arist. asserētis Dialecticam non esse vnius generis obiecti, aut circa omnia obiecta scientiarum versari, 1. lib. poste. c. 12. tex. 24. & 4. lib. Meth. tex. 5. Vere tamen contrarium non est, quia de materia remota Dialecticæ loquitur, & hæc non est determinata, cum circa omnes res mundi enūtriationes, & syllogismos, efficiat: proxima vero materia eius determinata est, de qua inquitur quæst. præsens, an sit, hæc, vel illa.

Secundo, certū est hanc materiam proximam Dialecticæ nō esse voces, aut nomina, vt antiqui Dialectici asserēbant; ex quo nominales in schola vocati sunt, quia licet vocibus vtatur ad significandas res; de rebus tamen principaliter disputat, vt docuit expressē Arist. 4. lib. Meth. tex. 5 & probat experientia, quia syllogismos, & cætera instrumenta in rebus cōstituit.

Certū est tertio materiam proximam, aut obiectum Dialecticæ esse ens rationis, nam ex hoc rationalis vocatur, sed ens rationis duplex est, vnū directē, & per se factū à ratione, aut intellectu, quales sūt operationes eius, vt apprehensio simplicium, cōpositio, & diuisio, ac syllogismus, aliud ens rationis, nō directē factū ab intellectu, sed quasi indirectē, & p acci-

& c.

& est proprietas consequens easdem operationes, ut ordinatas ab eo, hoc est, ut constitutas in propositione, aut syllogismo, & proprietas hæc non est realis, quia non convenit eisdem operationibus ex propria natura, sed tribuitur eis ab intellectu, dum sic ab eo ordinantur, ut dum ordinat tres propositiones, maiorem, minorem, & conclusionem, iuxta regulas syllogisticas talem earum ordinationem consequitur proprietas, seu denominatio syllogismi, quam eis tribuit intellectus, & proprietas hæc vocatur ens rationis, non directè, sed indirectè factum ab intellectu, & quod non habet aliud esse, quam cognosci ab illo.

18 Iuxta hæc duo entia rationis, duæ in primis sunt opiniones de obiecto Dialecticæ. Prima quæ moderni plures defendunt, tenet, primum ens rationis esse obiectum eius, nempe operationes ipsas reales intellectus ut dirigibiles ab intellectu: vel ut actu diriguntur, hoc est, ut constitui possunt in syllogismum, vel ut actu constituentur, & utrumque horum dicunt esse quid reale, hoc est, tam operationes ipsas, quam dirigibilitatē (ut sic loquamur) hoc est aptitudinē, ut ex eis fieri possit syllogismus, atque etiam ordinationem actualem. Duobus enim modis defenditur hæc sententia à modernis: quidam operationes reales dicunt esse obiectum, non ut actu ordinatur, quia ordinatio actualis nihil intrinsecum potest in eis ponere, sed solam denominationem extrinsecam ab operatione, quasi reflexa intellectus eas ordinant, sed secundum aptitudinem quam habent, ut ordinari possint, & hanc aptitudinem vocant ordinabilitatē, aut dirigibilitatem, & realem quidē, cum eis ex propria natura conveniat,

& antequam ordinentur. Alii vero easdem operationes, ut actu ordinantur dicunt esse obiectum, ita ut aliquis modus realis, in eis sit actualis ordinatio, nam cum ordinantur per verum ac reale iudicium intellectus, aut certe non sint aliud operationes ipsæ, quam iudicia quædam intellectus ordinata, non potest non esse aliquid in eis ordinatio. Conveniunt tamen utrique opinantes in eo, quod operationes istæ secundum aliquem modum, aut proprietatem realem sint obiectum, & ideo obiectum formale Dialecticæ dicunt omnes esse modum sciendi realem.

Probant 1. auctores huius sententiæ, quod ens rationis secundum non sit obiectum, hoc arg. Obiectum scientiæ duo habere debet, primum passionem, quæ de illo demonstrentur in scientia: secundum, quod per se consideretur ab ipsa scientia, sed neutrum habet ens rationis, ergo non potest esse obiectum. Non primum, nam ens rationis nihil est in rebus, sed solam habet esse obiectivum in intellectu, tamen quam aliquid ab eo confidit, ergo nec habet naturam, cuius cognitionem intendat, nec passionem quæ de illo probentur, nam si passionem haberet, vel essent reales, & hoc non, vel entia rationis, & tunc de illis prædicaretur formaliter, quod repugnat, sicut repugnat hominem prædicari formaliter de risibilitate, aut derisibilitate. Secundo probatur, quia cum non sit directè factum ab intellectu, nec est directè, aut per se cognitum ab eo, sed indirectè, & per accidens, ergo nec erit directè, aut per se cognitum per scientiam, quæ habitus intellectualis est.

Deinde probant secundo argum., quod ens rationis primum, aut modus sciendi realis sit obiectum Lo-

iectum, vt Amonius, & Simplicius in prol. præd. Alexander, & Philoponus in principio priorum.

Antequam sententiam nostrā proponamus, has tres opiniones, tanquā insufficientes refutamus vnico arg. Obiectum adæquatum debet continere proximè, & adæquatè omnia, quæ tractantur in scientia, sed nec argumentatio, nec syllogismus, aut demōstratio proximè, & adæquate continent simplicia, de quibus Dialectica disputat, sed solum remotè, in quantum sunt partes enūtiationū, ex quibus proximè componuntur; diuisionem vero, aut definitionē nullo modo; ergo nō possunt esse obiecta adæquata Logicæ, bene tamen alicuius partis, & forte aliquod eorum posset dici obiectum principale, vt demonstratio, quæ præcipuum instrumentū est ad scientiam assequendam. Vnde si de obiecto principali loquerentur, admitti posset saltem vltima, de adæquato vero nulla earum admittēda est.

31 Restāt prima, & secūda, de quibus iudicandū est, quæ illarū sit probabili-
or: quod, vt melius fiat, illud tanquam certum supponendum est, propriam materiam Dialecticæ esse operationes intellectus, & ideo ad obiectum eius pertinere, non secundum propriā naturā, nā hoc modo ad Philosophiā potius pertinent, sicut anima, & intellectus, à quibus tanquam à principis efficientibus procedunt, sed in quantum ab eo dirigitur.

Secundo supponendū est, quid sit operationes has dirigi ab intellectu, nē est enim aliud, quā fieri syllogismū, definitionem, aut aliud instrumentū; vt tres operationes ordinari, nō est aliud, quā vnā pro maiori sumere, pro minori aliā, & tertiā pro con-

clusionē, ita vt in modo, & figura cōstituantur ex eis syllogismus, & quod in eis resultat, est passiva ordinatio; id est, esse ordinatas, ac syllogismum constituētes. Tria igitur possumus cōsiderare in his operationibus, in quā tum pertinent ad Dialecticā, ordinabilitatē, seu dirigibilitatē, directionē actiua intellectus, & passiuam resultantem in eis ex actiua.

Et de dirigibilitate probatur, vel nō pertinere operationes secundū eā ad Logicā, vel non esse realē, sed ens rationis, hoc arg. aut operationes esse dirigibiles est potentia, seu aptitudo naturalis, conueniens eis ex propria natura, vel solū obediēcialis in eo cōsistens, quod sicut lignū subditur artifici, & quasi ei obedit, vt ex eo possit cathedrā efficere, sic operationes istæ subdūtur intellectui, vt ex eis possit facere syllogismū, & si naturalis sit potentia, euident est, non ad Dialecticam, sed ad naturālē Philosophiā pertinere, sicut quæcunquē à natura habēt operationes ipsæ, pertinent ad scientiā, quæ agit de natura earū, & hæc est Philosophia naturalis; si vero sit obediēcialis, nō potest esse realis. Nam potentia obediēcialis ligni ideo est realis, quia per eā subditur artifici ad formam realem cathedræ suscipiendam: quare si forma cathedræ, non esset realis, sed ens rationis, nec potētia illa esset realis, sed operationes subduntur intellectui ad suscipiendam formam syllogismi, quæ non est realis, sed ens rationis, ergo talis potētia non est realis, probatur minor, ordinatio, per quam efficiunt syllogismum est relatio vnus ad alteram, non realis, quia non ordinantur ex natura rei, sed ab intellectu, ergo est relatio rationis.

B 4 Sequen-

Quæstio sexta proœmialis.

23 Secundum, quod in operationibus considerare possumus est ordinatio actiua, quam intellectus facit per actum reflexum, quo supra eas reflectitur, & eas ordinat constituens syllogismum, & hæc ordinatio actiua realis est, cum sit actus realis intellectus ordinantis, & per illam solum dicuntur operationes ordinatæ de nominatione reali extrinseca, non syllogismus, aut demonstratio; sed esse syllogismum, aut demonstrationem habent formaliter, per relationem ordinationis inter eas resultantem ex operatione intellectus ordinantis, & relatio ordinationis inter eas non potest esse realis, quia non ordinantur ex sua natura, sed ab intellectu, qui nihil reale in rebus per suam ordinationem ponere potest, ergo directio, per quam formaliter sunt syllogismus, vel aliud instrumentum, & ad Logicam pertinent, non est aliquis modus realis, sed sola relatio rationis.

24 His explicatis est prima conclusio huius quæstionis, Obiectum Logicæ aliquid dicit pro materiali, & aliquid pro formali: pro materiali, quidem reales operationes intellectus: pro formali vero relationem rationis, quæ dicitur ordinatio formalis earum, per quam efficiunt syllogismum, aut aliud instrumentum. Hæc probatur efficaciter ex doctrina tradita, hoc arg. Logica habet pro obiecto operationes intellectus, quas dirigit, ut per directionem constituat ex eis syllogismum, aut aliud instrumentum, ergo materiale obiectum sunt operationes reales, formale vero directio, aut ordinatio earum, per quam constituunt talia instrumenta, sed ordinatio est relatio rationis, ergo obiectum formale est ens rationis.

- Secunda conclusio, Obiectum adæ-

quatum Logicæ est modus sciendi communis omnibus instrumentis, qui ex ente reali, pro materiali constat, & ex ente rationis pro formali, hæc sequitur ex prima: quare non indiget noua probatione. His duabus conclusionibus contrinetur, & explicatur secunda opinio D. Tho. & aliorum, quæ communis fuit semper in schola, & ut probabilior est amplectenda.

Solum restat arg. primæ opinionis 25 soluere, & ad primum concessa maiori, neganda est minor, quod ens rationis Logicum, nec naturam, nec proprietates habeat, nec per se consideretur in Dialectica, quamuis enim non habeat naturam realem, nec subiecto inherereat, sed solum sit obiectiue in intellectu actu consideratæ; est tamen quædam denominatio rebus attributa ab intellectu per modum, ac similitudinem formæ inherētis, ut esse genus, aut speciem attribuitur naturæ ab intellectu, sicut albedo, aut alia forma inherens attribuitur corpori, unde non est omnino ens fictum, sicut chimera, sed habet fundamentum in eisdem naturis, quibus attribuitur prout ab intellectu hoc, aut illo modo concipiuntur, & hoc esse diminutum considerari potest ab aliqua scientia.

Quod vero ad proprietates eius 26 pertinet, hæc distinctione explicandū est: ens rationis dupliciter considerari potest, primo in abstracto, hoc est, ut forma quædam sine ordine ad subiectum, cui attribuitur, quemadmodum consideratur albedo sine ordine ad corpus, cui inherereat. Alio modo potest considerari in concreto, hoc est, ut forma applicata ad naturam, quæ denominat: Et considerata primo modo habet passionem universalem iuxta similitudinem entis realis, ut verum, bonum, &c. consideratū vero
secun-

secundo modo, non habet passionem adeo vniuersalem, quia non applicatur, aut attribuitur naturis in communi consideratum, sed in particulari secundum suas species, non enim denominatur natura aliqua ab ente rationis vniuersalissimo, sed à particularibus, ut à genere, specie, subiecto, aut prædicato: quare sic sumptum non habet passionem, nisi in suis speciebus, ut vniuersale in communi habet prædicabilitatem pro passione, & prædicabilia habent particulares passionem, ut genus, esse prædicabile de speciebus, sicque de cæteris, & quæadmodum ens rationis consideratum in abstracto, non pertinet ad Logicam, sed ad Metaphysicam, tanquam deficiens à perfectione entis realis, quod per se ab illa scientia consideratur, ita probare passionem vniuersalem de illa, non ad Logicum, sed ad Metaphysicum pertinet, sed passionem quas habet, ut applicatum naturis, aut ut eas denominans, in Logica probantur, & hoc sufficit, ut sit obiectum eius. de his vero passionibus non prædicantur species entis rationis, quibus attribuuntur prædicatione formali, quia non est verum formaliter, quod prædicabile sit vniuersale, sicut nec risibili formaliter est homo.

27

Ad secundum respondeo, ens rationis dum sit ab intellectu, non esse directe, aut per se cognitum, sed indirecte, & quasi per accidens, sed postquam factum est, bene potest intellectus illud pro obiecto, quasi per reflexionem sumere, & cognitionem eius per se primo intendere, & hoc modo accipitur, dum dicitur esse obiectum Logicæ.

Ad primum aliud arg. quo probatur operationes reales esse obiectum

Dialecticæ, hac distinctione respondendum est. Demonstratio dupliciter consideratur, materialiter pro operationibus ordinatis, aut formaliter pro ordinatione, à qua habent, ut sint syllogismus, aut demonstratio: & in prima consideratione admittendum est esse instrumentum reale, non in secunda, sed relatio rationis est. Et quod dicitur habere effectum realem, nempe scientiam, quam generat, etiam est admittendum ratione operationum, quas pro materiali includit, non ratione significati formalis in relatione rationis consistentis. Quod denique Logica sit scientia practica, ut in eodem argumento dicitur, verum est, & habere praxim, aut operationem pro obiecto ab intellectu directam, ex quo non sequitur directionem esse realem, neque id est necessarium, ut Logica sit scientia practica: sed satis est operationem ut cum que dirigere, siue directio passiva realis sit, vel solum relatio rationis.

Ad secundum concedendum est, operationes, ut dirigibiles considerari posse ab aliqua scientia, & verè considerari à Dialectica, negandum vero, quod dirigibilitas sit realis, non est enim nisi ens rationis, sicut directio per quam constituunt syllogismum, & ad quam ordinatur dirigibilitas, solum est relatio rationis, ut probatum est. De intelligibilitate vero, & numerabilitate diuersa est ratio, quia istæ conueniunt rebus, aut quantitativis ex propria natura, dirigibilitas vero, non nisi potentia obiectualis est, respectu formæ syllogisticæ, quæ solum est relatio rationis, & ideo non est quid reale, sed ens rationis.

B 5 COMMEN-

vniuersale complexum est propositio vniuersalis, & per se nota, quæ principium est vniuersale alicuius scientiæ, ex quo multæ inferuntur conclusiones, vt in scientia de homine vniuersale principium est, quod sit rationalis, ex quo colligitur, quod sit admiraturus, & risibilis. Vniuersale incomplexum est vox quædam simplex significans aliquid multis communem, vt homo, & animal. Et de vniuersali complexo non procedit quæstio præsens, sed solum de incomplexo, quod quadruplex est, in causando, in significando, in essendo, & in prædicando. Vniuersale in causando, dicitur causa, quæ plures effectus producere potest, vt cælum. Vniuersale in significando est vox, vel conceptus communis, rem etiam communem multis significans, vt vox homo, & conceptus hominis, quem in mente formamus. Vniuersale in essendo esset res separata à singularibus, & in eis existens, fidaretur, qualis esset idea illa, quam dicunt aliqui posuisse Platonem, nempe homo separatus à Petro, & Ioanne, à quo procederent. Vniuersale denique in prædicando dicitur natura communis, quæ de multis prædicari potest, & quam significant voces communes: vt natura hominis, signata per hanc vocem homo, quæ de Petro, & Ioanne prædicari potest.

Et vniuersale in causando ad Physicum, aut Methaphysicū pertinet, quæ de natura causarum agit: quare de illo non disputamus modo, nec de vniuersali in significando, quia Dialecticus non agit principaliter de vocibus, sed de rebus per eas significatas, sed nec de vniuersali in essendo, quia indicatur impossibile, vt videbimus inferius, solum ergo proponitur quæstio de vniuersali in prædicando,

an in rebus verè sit, vt an id, quod de Petro, & Ioanne prædicatur in his propositionibus, Petrus est homo, Ioannes est homo, sit aliquid præter vocem, quod in eis existat.

Circa quam fuit prima opinio Heracliti Ephesii, & Cratilli antiquorum Philosophorum, vt asserit Arist. 3. li. de cælo, & mundo, tex. 3. 1. li. Methaph. cap. 5. tex. etiam 5. & lib. 4. tex. 22. qui omnino negabant aliquid vniuersale in rebus esse propter hoc argumentum. Omnia quæ sunt in mûdo sunt singularia, ergo nihil est vniuersale. Antecedens probabatur dupliciter, primo ex sensibus, quia quæcūq; per sensus cognoscimus, vt per visum, auditum, & reliquos, singularia sunt, & nihil commune multis, ergo non datur vniuersale in rebus. Secundo, omnia quæ fiunt in rerum natura singularia sunt, cum sînt per actiones causarum, quæ non nisi de singularibus sunt, ergo nihil sit vniuersale, sed nihil est in rebus, quod non sit factum, ergo omnia sunt singularia, & nihil est vniuersale, & cum scientiæ non sint de singularibus, quæ passim corrumpuntur, negantes vniuersalia, consequenter negabant scientias, & videtur idem tenere Arist. lib. de Anima, tex. 8. ubi ita ait: *Animæ vniuersale, aut nihil est, aut potestius, similiter autem, & si quid commune aliud prædicetur.*

Secunda opinio fuit Platonis, (vt affirmat Aristot. 1. lib. Meth. cap. 5. textu. 12. & cap. 5. textu 5. & 6.) qui ponebat naturas quasdam vniuersales separatas à singularibus, à quibus eadem singularia procedebant, vt pro hominibus, naturam humanam separaram à Petro, Ioanne, & cæteris, à quibus singulares homines fiebant, quâuis D. August. li. 83. quæstio num quæst. 46. & Seneca li. 8. epistolarum,

Quæstio prima vniuersalis.

Iarū, epist. 66. affirmant hanc nō fuisse mentem Platonis, sed per ideas intellexisse quasdam similitudines rerum omnium, quas Deus intra se habet, & per quas eas producit. Omnis opinio enim Nominalium, qui solū posuisse videntur vniuersalia in vocibus, de quibus sciētix esse dicebāt, & non de rebus.

- 31 Vera sententia Aristot. & communis iam in schola ab omnibus tenenda, tribus conclusionibus explicanda est. Prima conclusio. Non solum dantur voces vniuersales, sed etiam res, de quibus sunt sciētix: probatur hæc aduersus Nominales auctoritate Aristot. lib. de interpretatione cap. 5. ubi quasdam res vniuersales esse ait, alias singulares, ergo sentit non solum in vocibus, sed in rebus dari vniuersale. Deinde ratione, quia nomina vniuersalia, vt homo, aut equus, non sunt imposita ad significandum res singulares, vt Petrum, & Ioannem, nec aliquem eorum distincte significant, sed propriis nominibus significantur, ergo aliquid datur, præter singularia, ad quod proxime, atque distincte significandum imponuntur, quod cum non sit singulare, erit vniuersale. Secundo istæ propositiones sunt veræ, ac necessariae, Petrus est homo, & homo est animal, & tamen si nihil præter voces prædicatur, erūt falsæ, cum nec vna vox sit alia, nec in ea includatur, ergo necesse est præter voces res vniuersales ponere. Secunda conclusio. Nō datur vniuersale separatū realiter à singularibus. hæc est contra Platonem (si sententiam illam tenuit, de ideis, quam ei tribuit Aristoteles,) & probatur ex Aristotele, 1. lib. poster. cap. 15. textu 38. 3. Meth. textu 10. 7. Meth. textu 51. & 57. & 10. Meth. textu 6. quibus locis ostēdit vniuersalia esse non posse

separata à singularibus. Deinde probatur ratione, quia quidquid verè & realiter prædicatur de aliquo, debet esse in eo, sed vniuersalia verè prædicantur de singularibus in his propositionibus, Petrus est homo, & homo est animal, ergo verè, & realiter in eis sunt. Probatur maior, quia ab eo, quod res est, vel non est, propositio dicitur vera, aut falsa, sed in his propositionibus prædicantur vniuersalia de singularibus, ergo aut sunt in eis, aut propositiones sunt falsæ.

Tertia conclusio, licet omnes res mundi sint singulares, in ipsismet singularibus dantur vniuersales nature, quæ de eisdem prædicantur. hæc est aduersus Heraclitum, & probatur simul ac declaratur hæc ratione. Singularia nature humanæ, vt Petrus, & Ioānes magis similia sunt inter se, quam singularibus alterius nature, habent enim definitionem, & prædicata essentialia sibi communia, nam uterque est homo, & animal rationale, ergo concipit intellectus naturam humanam in utroque existentem, & utrique communē, & ideo erit vna, & in multis, quod est esse vniuersalem.

Ad argumentum primæ opinionis concessio antecedētī, quod omnes res mundi sunt singulares, neganda est consequentia, quod nihil sit vniuersale, nam licet nihil sit vniuersale, ab eisdem singularibus realiter separatū, (vt forte asseruit Plato) nec in ipsismet singularibus realiter ab eis distinctū, natura tamen, in qua omnes conueniunt, vniuersalis est, solum ab eis distincta per intellectum eam concipientem non conceptis singularibus, & de hac est sciētia, etiam si non sit de singularibus. Ad testimonium autem Aristot. respōdet D. Tho. in Commentariis eiusdem, per illa verba

excludere voluisse errorem Platonis de idis separatis, & simul docere quoniam modo vniuersale in rebus reperitur, ideo sensus verborum eius talis est: Animal vniuersale nihil est separatum ab speciebus hominis, & equi, vt fingeat Plato, est tamen in eis quasi quid posterius, quia in eis fundatur, & ex eorum conuenientia sumitur.

QVAESTIO II.

Quenam sit essentia, & natura vniuersalium.

33

Natura, & essentia cuiuslibet rei explicatur per definitionem eius, ideo solutio huius quaestionis ex definitione vniuersalis dependet, qua adducta, & explicata, soluta etiam erit quaestio. Duplicem definitionem vniuersalis tradit Aristot. diuersis suae doctrinae locis; primam 7. lib. Meth. textu 45. his verbis: *Hoc enim dicitur vniuersale, quod pluribus natura aptum est inesse* secundam vero 1. lib. de interpretatione cap. 5. vbi ita ait, *Dico autem vniuersale, quod in pluribus predicari natum est, vt homo quidem vniuersalium est.* Vtramque vero simul posuit 1. lib. de posteriori resolutione ca. 10. textu 25. dicens, *Esse quidem igitur vnum de multis verum dicere necesse est, non erit enim vniuersale, nisi hoc sit, oportet igitur aliquid vnum, idemque in pluribus esse, non equiuoce,* quibus vniuersale duo habere docet, quod sit vnum, hoc est vniuocum, quare excluduntur equiuoca, & analogia à ratione vniuersalis, quia vel nullam habent unitatem, vt equiuoca, vel solum unitatem secundum quid, hoc est secundum proportionem, vel attributionem, vt analogia. Deinde in

multis, & quod de illis praedicetur, quae licet non distinguantur realiter in vniuersali, quia formaliter sumptum, non est quid reale, sunt tamen duae rationes, ita se habentes, ac si realiter distinguerentur, ex quibus prior est, quod in multis sit, posterior vero, quod praedicetur de multis. Quod ita probo. Causa veritatis praedicationum est, rem ita se habere extra, sicut per illas significatur, & enuntiat, vt docet Aristot. 1. lib. de interpretatione dicens, ab eo quod res est, vel non est, propositio dicitur vera, vel falsa; ergo causalis ista propositio vera est, quia vniuersale est in multis, praedicatur de multis, sed causa prior natura est suo effectu, ergo prius est, quod vniuersale sit in multis, quam quod praedicetur de multis. Licet autem prior sit ratio essendi in illis, quam praedicandi, conuertuntur tamen, quia verum est, quod est in multis, praedicari de multis, & contra, quidquid praedicatur de multis, in eis esse, cum nihil praedicetur de aliquo, nisi sit in eo.

Ex quibus sequitur 1. essentiam vniuersalis esse, quod in multis sit, & quasi propriam passionem eius, quod de multis praedicatur: Probatur hoc argumento. Illud quod primo intelligimus de aliquo, dicimus esse essentiam illius, sed primum quod intelligimus de vniuersali, est, quod sit in multis, ergo hoc erit de essentia eius. illud etiam quod posterius intelligimus, si conuertatur cum priori, dicimus esse propriam passionem eius, sed praedicari de multis est quid posterius quam esse in multis, & cum eo conuertitur, vt probauimus, ergo erit propria passio eius.

Sed dum dicimus esse in multis, pertinere ad essentiam vniuersalis, & praedicari de multis, esse passionem, non

num

Quæstio secunda vniuersalis.

trum intelligendum est secundū actum: sed vtrumque secundum aptitudinem, vt verba Arist. docent, & probat experientia, cum videamus naturam Solis, & Lunæ esse vniuersalem, & nec esse actū in multis, nec actū de illis prædicari, sed vtrumque habere in potentia. Et hoc est, quod communiter dici solet, verba in definitionibus non dicant actum, sed aptitudinem, quare sensus primæ definitionis est, vniuersale est, quod aptū est esse in multis: sensus vero secundæ, vniuersale est vnum prædicabile de multis.

Secundo sequitur primam definitionem esse quidditativam, aut essentialē, quia continet essentiam vniuersalis. Secundam vero descriptivā, quia datur per passionem.

- 35 Tercio sequitur falsum esse, quod à quibusdā modernis dicitur esse in multis, & prædicari de multis nō esse, rationes distinctus vniuersalis, sed eandem omnino; quia eo ipso, quod intelligimus naturam in multis esse, intelligimus etiam esse prædicabilem. Hoc enim non est verum, nam si esse in multis est ratio prior, & causa prædicabilitatis de multis, vt probauimus, euidenter sequitur, quod possit intelligi, non intellecta prædicabilitate de multis, cū sit euident, id quod prius est posse intelligi sine posteriori.

Explicata essentia vniuersalis, respondendum est tribus quæstionibus, quas Porphyrius omisit propter earum difficultatem, quia ex earum solutionibus, melius intelligetur eadem essentia vniuersalis. Prima quæstio erat, an vniuersalia sint in rebus. Secunda, an sint substantiæ, vel accidentia. Tercia, an sint æ-

terna, vel temporanea. Pro quarum solutione, notanda est distinctio vniuersalis, quam tradit D. Thom. 7. Metaphys. lect. 23. dupliciter enim sumi potest; nempe pro natura, quæ denominatur vniuersalis, qualis est homo, vel animal: & hoc modo sumitur materialiter, aut fundamentaliter, aut pro vniuersalitate, quæ est forma, à qua denominatur vniuersalis, & hæc forma vocatur secunda intentio, aut relatio rationis, per quam refertur natura ad indiuidua. Et si vniuersalia sumantur primo modo, in rebus esse dicuntur, & non ab eis separata; quia homo, & animal in rebus ipsis sunt, homo in singularibus hominibus: animal vero in suis speciebus, equo, & leone. Si vero sumantur secundo modo, non est in rebus, sed obiectiue solum in intellectu, quia secunda intentio, aut relatio rationis non habet aliud esse, quam cognosci ab intellectu; eam at tribuente naturæ, quam cum indiuiduis comparat.

Et eodem modo soluitur quæstio 36 secunda, quia vniuersalia materialiter, aut pro fundamento considerata, aut sunt entia realia, vt equus, aut leo, vel entia rationis, vt genus, aut species, vel sūt substantiæ, vt homo, vel animal, aut accidentia, vt albedo, & color. Si vero sumantur secundo modo, nō sunt substantiæ, sed accidentia, non realia, sed rationis, quia solum sunt denominationes quædā, quas intellectus attribuit naturis, eas vniuersales vocans. Ad tertiam tandem quæstionem sic respondendum est, si vniuersalia sumantur formaliter pro vniuersalitate, non sunt æterna, sed temporanea, quia vniuersalitas non est, nisi dum actū consideratur.

QVÆSTIO III.


An detur in rebus ante operationem intellectus unitas formalis minor numerali.

AGens Aristoteles de unitate rerum 5. lib. Metaph. cap. 6. triplicem posuit unitatem, genericam, specificam, & numericam. Generica est, quam habet species in genere, vt equus, & leo in animali. Specifica, quam habent indiuidua in specie, vt Petrus, & Ioannes in homine. Numerica, quam habet quodcumque indiuiduum in seipso, in quantum non est distinctus à se, sed à quocunque alio, vt Petrus dicitur vnus numero, quia est hoc indiuiduum, hoc est, à seipso non distinctus, sed à Ioanne, & cæteris.

Ex his autem tribus unitatibus maior est numerica; minor specifica, & minima generica, cuius ratio est manifesta, quia illa est minor unitas, quæ secum compatitur maiorem diuersitatem; sed unitas generica maiorem compatitur secum diuersitatem: minorem vero unitas specifica, & nullam numerica, ergo hæc maxima unitas vocari potest, specifica minor, & generica minima. Probatur minor, quia quæ sunt vnum genere, differunt per differentias essentielles, & specificas, vt homo, & leo: quæ sunt vnum specie, non per differentias essentielles, sed per indiuiduales multo minores: at quod est vnum numero, neque habet in se diuersitatem specificam, nec indiuidualem, sed vtroque modo est in se vnū. Et de unitate numerica non potest esse dubium, quin & realis sit, & ante operationem intellectus detur: quare de hac non procedit quæstio, sed de specifica, aut generica, quæ formalis dici-

tur ab intellectu, sed non semper est intellectus in actuali consideratione, ergo nec semper est vniuersalitas. Si vero accipiantur pro fundamentis, alia distinctio addenda est. Nam res vniuersales dupliciter sumi possunt, nempe secundum actualem existentiam, quam habent in inferioribus, hoc est in indiuiduis, aut speciebus, & hoc modo non sunt æterna, sed eis corruptis, ipsa quoque corrumpuntur. ver.g. flores diuersarum specierum vniuersales sunt, & si sumantur secundum actualem existentiam in indiuiduis, non sunt in hyeme, ergo nec sunt semper, nec æterna, sed temporanea, sicut indiuidua ipsa. Si vero considerentur secundum essentiam, hoc est secundum prædicata essentialia, æterna sunt, quia licet actu non existant in singularibus, debita sunt eis eadem prædicata essentialia, non minus quam si actu in eis existerent: vt homo, & animal, secundum essentiam æterna sunt, quia etiam si nullus sit homo, aut animal in rerum natura, verum est hominem esse animal Rationale, & animal viuens sensibile: quia hæc prædicata essentialia eis debentur.

37 Et si inquiras vbi essent vniuersalia, si nullum esset singulare, nam si perpetua sunt, alicubi permanere deberent. Respondeo nullibi esse actu, sed solum obiectiue in intellectu diuino actu cognoscente eis esse debita essentialia prædicata, atque etiam virtualiter in diuina omnipotentia, à qua produci possunt in suis singularibus, & ecce quomodo essentialiter sumpta æterna sunt.



Quæstio prima vniuersalis.

dicatur, quia est vnitas in essentia, & prædicatis essentialibus à forma substantiali rerū procedentibus, & est minor numerali, de qua ideo quærit titulus quæstionis, an detur ante operationem intellectus.

- 39 Et est prima opinio Scoti. 7. lib. Meta. quæst. 16. & in 2. dist. 3. quæst. 2. asserentis, dari vnitatem formalem, genericam & specificam ante operationem intellectus, esseque essentialem ipsis naturis, aut saltem eis conuenire tanquam propriam passionem. Et probatur 1. ex Aristotele in prædicamento ad aliquid, vbi docet, primum genus relationis fundari in vnitatis specifica, aut generica, quæ si sit inter substantias, erit relatio identitatis, vt identitas specifica inter Petrum, & Paulum in vnitatis naturæ humanæ, si sit inter qualitates, erit relatio similitudinis, vt inter duo alba, si inter quantitates relatio æqualitatis, aut inæqualitatis, vt inter duo corpora eiusdem longitudinis. Ex quo tale argumen. colligitur. Relatio huius generis est realis, & datur ante operationem intellectus, nam duo alba, etiam si non cognoscantur ab intellectu, erunt similia, ergo fundamentum eius, quod est vnitas formalis erit etiam reale, & dabitur ante operationem intellectus. Probatur etiam ratione, quia vnitas est passio entis realis, ergo cuiusque gradui entis realis correspondet suauitas realis, vt gradui entitatis numericæ vnitas numerica realis, & gradui entitatis specificæ vnitas realis specifica, & hæc est formalis; ergo erit realis, sicut gradus entitatis specificæ realis est, dabiturque ante operationem intellectus.

- 40 Secunda opinio negat omnino dari aliquam vnitatem formalem minorem numerali ante operationem in-

tellectus, quam sequitur S. Tho. opus. 1. non lōge à principio, & 1. p. quæst. 85. art. 1. & 2. Albertus Magnus in 11. prædicabilium q. 6. Themistius paraphrasi super præcæmum Aristot. de Anima cap. 4. Alexan. Afrodisius super 7. lib. Meta. post medium, fol. 131. pag. 1. & 2. Iauel. tractatu 4. de quinque vniuersalibus in sua Dialectica, D. Ioannes Damascenus lib. de Dialectica cap. 64. Capreol. in 2. d. 8. quæst. 2. Venetus li. 2. suæ Dialecticæ tractatu 4. par. 4. cap. 4. & probatur, quia quidquid conuenit naturæ specificæ essentialiter, aut tanquam propria passio, debet etiam conuenire cuicumque indiuiduo eiusdem, vt si naturæ humanæ conueniunt rationalitas, & risibilitas, Petro, & Ioanni conuenire debent; ergo si vnitas formalis specifica conuenit ei essentialiter, aut tanquam propria passio, necesse est cuicumque indiuiduo conuenire, & ita Petrus erit vnus vnitatis formali specifica multis communi, quod euidenter falsum est.

Tertia opinio distinguit vnitatem formalem in actualem, & potentialem, actualem vocat eam, per quam natura est actu, & formaliter vna multis communis, potentialem vero, quam habere potest, & vtramque aut esse realem, sed potentialem tantum conuenire naturæ ante operationem intellectus in illa prioritate naturæ, qua prior est suis indiuiduis, quam haberet (in quibus) actualem, si ab eis realiter separaretur, licet hoc sit impossibile, hanc vero vnitatem non communicare indiuiduis, quia ei conuenit, vt est prior natura eis. Hanc sententiam tenent Socini. 7. Meth. quæst. 40. Fonseca. 5. Meta. cap. 18. quæst. 3. sectio. 2. 3. & 4. probantque hoc arg. Natura specifica significatur nomine communi, & vniuoco, vt

natura

natura humana, hoc nomine homo, sed vniuocum nomen significat aliquid vnum, ergo datur aliqua vnitas formalis in natura ante operationem intellectus, ratione cuius significetur nomine communi: quod si negaueris, sequitur nomen homo, & quodcumque aliud significans naturam communem, esse æquiuocum, cum non significet aliquid vnum, quod est falsum.

rationem intellectus. Negatiuè, ex eo solum quod non distinguuntur in ea formaliter, aut essentialiter, licet distinguantur per hanc, & illam humanitatem singularem individualiter. Hanc sententiam Caietani secuntur plures moderni: Probantque hoc argumento. Vnitas numerica est carentia diuisionis materialis, ergo vnitas formalis, & specifica est carentia diuisionis formalis, & specificæ, sed Petrus, & Ioannes ante operationem intellectus carent diuisione formali, & specifica, cum non distinguantur per differentias formales, aut essentielles, sed solum per numericas, & quasi materiales, ergo habent vnitatem formalem in humanitate, saltem negatiuam.

Et confirmari potest: quia quæcunque non sunt distincta in aliquo, dicuntur in eo conuenire, & esse vnum, saltem negatiuè, sed Petrus & Ioannes ante operationem intellectus non distinguuntur formaliter, aut specie in humanitate, ergo in ea conueniunt, & sunt vnum: quare dabitur vnitas negatiua vtrique communis.

Pro solutione huius quæstionis notandum est primo, vnitatem formalem duplicem esse: nam quædam est, per quam aliquid dicitur in se vnum formaliter, quam habet Petrus per suam formam, & essentiam, à qua dicitur vnus formaliter: altera est, per quam aliquid dicitur vnum formaliter multis commune, vt vnitas formalis, quam habet natura humana, dum consideratur ab intellectu abstracta à conditionibus singularium, per quas diuisa est in eis. Et de prima vnitate formali duo sunt certa apud omnes. Primum, quod cuiuscunque naturæ conueniat ex se, realiter, & essentialiter, & ideo eam habeat ante operationem intellectus in

41 Postrema sententia est Caietani in opusculo de ente, & essentia, cap. 4. quæst. 6. Vbi alio modo distinguit vnitatem formalem in positiuam, & negatiuam. Positiua vnitas est, quam habent aliqua in forma, aut prædicatione positiua, vt Petrus, & Ioannes habent vnitatem formalem positiuam in humanitate, abstracta per intellectum ab indiuiduis, aut cum eis comparata. Negatiua vero non est aliud, quam negatio diuisionis, & si sit negatio diuisionis materialis, erit vnitas numerica, quam habet Petrus per hanc materiam in se non diuisam; si vero sit negatio diuisionis formalis, erit vnitas formalis negatiua. Hac distinctione supposita, asserit naturam non habere vnitatem formalem positiuam ante operationem intellectus; quia diuisa est per differentias numericas in singulares: quare nulla datur forma positiua communis, in qua singulares homines conueniant, quousque abstrahatur eadem natura humana per intellectum ab eisdem singularibus, & cognoscatur eis non cognitis, tunc enim tanquam forma positiua eis communis concipitur. Sed habet, inquit, vnitatem formalem negatiuam à parte rei, quia licet sit diuisa per differentias materiales, & numericas, non tamen per formales, & específicas; vnde Petrus, & Ioannes conueniunt in humanitate ante ope

Quæstio tertia vniuersalis.

sis indiuiduis. Ita vt quodlibet dicatur per eandem naturam, quæ in eo est vnus formaliter, & essentialiter, ita sentiunt D. Tho. Scotus, & alii vbi supra.

- 44 Secundo certum est hanc vnitatem formalem aliquo modo distingui à numerica, cū ex diuersa radice oriatur; numerica enim oritur, ex materia, aut etiam ex forma, in quantum ex earum vnione resultat hæc entitas huius indiuidui, formalis vero ex sola forma, non vt est causa huius entitatis, sed vt est radix omnium prædicatorum essentialium, quæ ei possunt conuenire, v. g. Vnitas formalis, à qua Petrus est vnus homo, præcedit ab eius anima in quantum est principium ratiocinandi, ex quo habet idē Petrus vt sit rationalis, & eodē modo in cæteris naturis. Sed an distinguatur hæc vnitas formalis, & numerica in eodem indiuiduo ex natura rei, & ante operationem intellectus, vel sola ratione, & per intellectum, in hoc non conuenit Scotus cum D. Th. asserit enim distinctas esse ex natura rei, sed D. Tho. quem omnes ferè secuntur, tenet non distingui ex natura rei, sed sola ratione per intellectum, præsupposito tamen fundamento in re, in quantum à diuersa radice procedunt, vt explicatum est. Et hoc videtur nobis nō solum probabilius, sed omnino verum, & tenendum: quod hac ratione efficaciter probatur. Idē est ex natura rei in Petro esse hominem, & esse hunc hominem, quia nō est homo, nisi in quantum hæc humanitas veram habet humanitatis essentiam; sed per hanc humanitatem est vnus homo formaliter, ergo vtraque vnitas, formalis, & numerica, est eadem res. Sed distinguuntur per intellectum in quantum ex diuersa radice proueniunt.

Certum est tertio, vnitatem formalem cuiuscūque rei determinari per differentiam indiuidualem, & per eam fieri hanc numerum, quod probō primo. Petrus est vnus formaliter per vnā formam, & vnā essentiā, quam habet, hoc est, per vnā humanitatem, sed humanitas eius est vna numero ratione differentie indiuidualis, ergo vnitas formalis, quam habet per eam, est vna numero ratione eiusdem differentie indiuidualis. Quod adeo verum est, ac necessarium, vt omnes gradus naturæ eius, omnia prædicata essentialia, quæ ratione eorum possunt ei conuenire, sint hæc, propter differentiam indiuidualem, est enim Petrus hæc substantia, hoc corpus, hoc viuens, hoc animal, hoc rationale, & hic homo; imo repugnat aliquid esse in Petro, quod non sit hoc numero ratione differentie indiuidualis, à qua natura eius, & essentia sit hæc distincta à quacunque alia. Vnde sequitur, quod sicut tot sūt in Petro vnitates formales ratione distinctæ, quot sunt gradus naturæ eius, ita omnes sunt indiuiduæ, quia coniunguntur differentie indiuiduali determinate omnes, & faciente eas has numero.

Quibus suppositis, nostra sententia tribus conclusionibus cōtinetur. 45
Prima, non datur aliqua vnitas formalis positiua & actualis ante operationem intellectus, quæ conueniat naturæ realiter, & essentialiter, aut tanquam propria passio, per quam datur multis communis: Hæc est contra Scotum.

Secunda conclusio. Non datur ante operationem intellectus vnitas formalis in potentia, quæ conueniat naturæ in illa prioritate, quam habet respectu indiuiduorum, quibus non communicatur. Hæc est contra secundam.

cundam opinionem Soncinatis.

Tertia conclusio. Non datur vnitas formalis negatiua ante operationem intellectus. Hæc est contra Caiet. & probantur omnes simul ex doctrina tradita, hoc argumento. Vnū, & indiuisum idem sunt, ergo diuisio opponitur vnitati, & eam tollit, ac dissoluit, vt si diuidantur partes hominis, nempe brachium à capite, & caput à pedibus, eo ipso tollitur vnitatis compositi, & earundem partium, sed omnis natura secundum omnes gradus, quos habet, à parte rei est diuisa per differentias indiuiduales; ergo nullam habet vnitatem formalem multis communem: probatur in inferioribus. Natura humana, quæ est in Petro, & Ioanne, est diuisa per differentias eorum indiuiduales: ita vt quidquid habet Petrus, sit hoc, atque distinctum ab his, quæ habet Ioannes, nempe, hæc substantia, hoc corpus, hoc viuens, hoc animal, hic homo, & Paulus, alia hæc substantia, aliud hoc corpus, aliud hoc viuens, aliud hoc animal, alius hic homo, ergo nec naturam, aut essentiam, neque vllum gradum naturæ possunt habere vnū aut cōmunē, sed omnis vnitas formalis debet eis conuenire ratione naturæ, aut alicuius gradus eius, qui in eis sit vnus, ergo nullam habent vnitatem formalem communem.

Argumentū hoc concludit aduersus Scotum, quod nullam habeant vnitatem realem positiuam, & actiualem. Sed videntur posse respondere Soncinas, & Caiet. nam ille non ponit vnitatem actiualem, sed potentialem, & Caiet. non ponit vnitatem positiuam, sed negatiuam. Sed verè nō minus aduersus eosdem concludit, quam aduersus Scotum. Probatur aduersus Soncinatam concludere, quia si natura humana in Petro autem

operationem intellectus est hæc, secundum omnes gradus formales, & essentialis, & diuersa à natura Pauli, & gradibus eius, ergo repugnat quod à parte rei possit aliquā habere vnitatem in eis; quare nec habebunt vnitatem formalem in potentia, nam quibus repugnat actus, non potest cōuenire potentia. Sed eadem secunda opinio probatur falsa, quia duo asserit impossibilia. Primum, quod natura, vt est prior indiuiduis, habet vnitatem formalem realem, hoc autem impossibile est, quia natura non est prior indiuiduis aliqua prioritate reali, sed solum per intellectū, considerantem illam, non consideratis indiuiduis; ergo si secundum hanc prioritatem est vna formaliter, non conuenit ei talis vnitas à parte rei, sed per intellectum.

Secundum, quod asserit est, naturam non communicare illam vnitatem formalem indiuiduis, quod impossibile probatur hac ratione. Natura communicatur indiuiduis secundum omnes gradus formales, & essentialis, quos habet, sed non potest habere vnitatem formalem actiualem, aut potentialem à parte rei, nisi ratione alicuius gradus formalis, atque essentialis, ergo nec potest habere vnitatem, quæ indiuiduis non communicetur.

Quod vero aduersus Caiet. concludat argumentum nostrum, probatur: quia solum posset respondere, naturam esse diuisam secundum omnes gradus per differentias indiuiduales, nō per essentialis, aut formales, quare cū tali diuisione bene potest esse nō distinctio formalis, quæ vocatur vnitas formalis negatiua. Sed hoc nō tollit difficultatē nostri arg. Nā licet natura humana nō sit diuisa per differentias formales in Petro, &

C 2 Ioanac,

Quæstio tertia vniuersalis.

Ioāne. Satis est esse diuisam per indiuiduales, vt verum sit, quod diuersa est vnitas formalis eius in eis, ergo non potest habere aliquam vnitatem formalem etiam negatiuam, aut non distinctionem eis communem. Probatur consequentia: quia cum formæ, & essentia sint diuersæ, necesse est unitates formales, etiam negatiuas, aut non distinctiones esse diuersas: quare sicut non possunt habere aliquid positium commune ante operationem intellectus, sic non possunt habere aliquid commune negatiuum, ideo non dabitur vnitas negatiua à parte rei, quam ponit Caietanus.

49 Argum. aliarum opinionum soluta sunt, & pro solutione illius testimoni, quod pro opinione Scoti adduximus ex Aristotele in prædicamentis ad aliquid, notandum est: quod licet vnitas formalis, qua aliquid est in se vnum, sit realiter coniuncta, & realiter eadem cum vnitare numerica, distinguitur tamen ab ea quasi virtualiter ante operationem intellectus, quia ex diuersa radice prouenit, vt vidimus, & ratione huius distinctionis virtualis potest intellectus eas distinguere concipiendo vnitatem formalem, non concepta vnitatem numericali; & dum sic eam concipit, dicitur eam abstrahere ab indiuiduis, & facere communem multis, & vniuersalem. Ex quo intelligitur totum fundamentum vnitatis formalis, specificæ, aut genericæ, per quam aliquid est multis commune, & vniuersale esse vnitatem formalem: qua aliquid est in se vnum formaliter in quantum virtualiter distinctam ab vnitare numerica, cui à parte rei coniuncta est, ideo talis vnitas formalis vocari potest vnitas vniuersalis, specificæ, aut genericæ, in fundamento saltè remoto, & fundamentum etiam

remotum vniuersalis. Sufficiens tamē pro relationibus primi generis, identitatis, similitudinis, & æqualitatis, & in ea fudari intelligit Aristoteles non in alia.

Ad arg. Scoti respondeo, singulis gradibus entitatis correspondere suas unitates, non tamē distinctas nisi per intellectum, sicut nec gradus naturæ distinguuntur, nisi ab intellectu, & ideo nec conueniētes naturæ à parte rei, sed solum per intellectum.

Ad arg. Caiet. neganda est maior, quod vnitas numerica sit carentia diuisionis materialis, aut specifica carentia diuisionis formalis, nā carentia negatio est, vnitas verò non dicit solā negationē, sed entitatē etiā pro fundamento, & cum diuersæ sint entitates specificæ, diuersæque unitates formales ante operationem intellectus, etiam si diuisione careant formalis, non possunt habere vnitatem formalem.

Et eodē modo respondeo ad confirmationē, antecedēs esse falsum, quod quæcunq; non sint distincta in aliquo, dicantur in eo cōuenire, quia non distinctio solā negationē dicit, vñ vero positiuā entitatē cum negatione adiuncta. Arguitur procedit à pura negatione, ad positium habēs negationē adiunctā, & ideo non est bonum.

Ad arg. deniq; tertiæ opinionis respondendū est, nomina significare res, mediis conceptibus, quos de illis formamus, vnde non significant eas, vt sūt à parte rei, sed vt à nobis cognoscuntur, & cū vniuocæ nomina sint cōmunia, significant res, vt à nobis conceptæ cōcepta cōmuni, quare non sequitur, ex eorū significatione dari vñ multis cōmune à parte rei, sed solū obiectiuē in intellectu, nec proinde vnitatem formalem inter multa, sed hāc fieri ab intellectu naturæ cognoscente, non cognitis inferioribus, siue positiuā illa sit, vel negatiua.

QVAES.

QVAESTIO IIII.

An vniuersale sit in rebus ante operationem intellectus.

51 **C**VM vniuersale sit vnum in multis, eodem serè modo locūtur autores de illo, & de vnitate, & ideo Scotus qui docuit quæst. præcedenti vnitate formalem minorem numerali ex se conuenire naturæ, & ideo ante operationem intellectus eam habere, consequenter docet esse vniuersalem à parte rei. Et hæc est prima opinio circa hanc quæstionem, quam tenuit in 2. d. 3. quæst. 1. & 7. Meta. q. 18. Vbi eam defendit Antonius Andreas, atque etiā Ioannes Monlorius in disputatione quadam de vniuersali cap. 5. & 6. Probaturque duplici argumento. 1. quia vniuersalia sunt obiecta sciētiarum, & etiam dicuntur in generabilia, & incorruptibilia, sed conditiones istæ sunt reales, ergo conueniunt naturis ante operationem intellectus, quare ante illam erunt realiter vniuersales. Probatur minor, quia sciētiæ sunt de naturis realibus, quæ non generantur, neque corrumpuntur, nisi secundum esse reale, quod habent.

52 **S**ecundo, natura humana ex se non est incommunicabilis pluribus, ergo ex se est cōmunicabilis, & ante operationem intellectus communicatur multis singularibus, sed esse vniuersalem idem est, quod esse communicabilem multis, ergo ex se, & ante operationem intellectus erit vniuersalis. Maiorem ita probossi natura ex se non est incommunicabilis multis, ergo de se est incommunicabilis, sed esse incommunicabilem est esse singularem, ergo ex se erit singularis, quare nullo modo posset fieri vniuersalis, quod est falsum.

Secunda opinio est D. Tho. 7. Met. lectio. 13. opusculo de ente, & essentia cap. 4. 1. p. q. 85. art. 1. & 12. quæst. 29. arti. 6. quibus locis asserit naturam ex se, hoc est ex propria essentia non esse vniuersalem, nec singularem, sed per conditiones indiuiduantes fieri singularem, & per intellectum vniuersalem, ideo ante operationem intellectus non dari vniuersale. D. Th. secuntur Capreo. in 3. d. 5. quæst. 5. artic. 3. Soncinas 7. Meta. q. 40. Caste-
tan. in opusculo de ente, & essentia cap. 4. Sotus q. 2. vniuersalium, Duran. in 1. d. 3. quæst. 5. Egidius in 1. q. 2. prologi, & d. 12. p. 2. Toletus in quæstionibus vniuersalibus, P. Fran. Suarius tomo 1. disp. 6. sectio. 5. & est communis sententia scholæ à nobis tenenda.

53 **S**ed ut eam probemus, notandum est, quod cum vniuersale sit vnum aptum prædicari de multis secundū definitionem ab Aristotele traditam, duo sunt necessario requisita, ut aliquid sit vniuersale: primū, quod sit vnum, non solum vnitate formali, quia aliquid est in se vnum, sed vnitate formali, quia aliquid est multis cōmune. Quod enim prima vnitas formalis requiratur, quæstione præcedēti probatum à nobis est, quia cū vniuersale communicet suam essentiam singularibus, & per suam essentiam sit aliquid vnum formaliter in se, necesse est, quod vniuersale habeat vnitatem formalem, per quam sit vnum formaliter in se, & hanc vnitatem diximus esse primum fundamentum, atque remotum vniuersalis. Sed quod hæc vnitas non sufficiat ad rationē vniuersalis, probatur, quia ut etiam quæst. præcedenti diximus, vnitas formalis, quia aliquid est in se vnū, eadē est secundū rem cū vnitate numerica, & ideo ei semper cōiuncta à parte

Quæstio quarta vniuersalis.

rei, ex quo sequitur esse diuisā in singularibus, ita vt tot sint vnitates formales, quot sunt indiuidua, nō ergo sufficit vt natura dicatur vniuersalis, sed requiritur, quod ab intellectu cōsideretur eadem vnitas formalis non cōsideratis singularitatibus, per quas diuisa est à parte rei, & ita considerata, vocatur vnitas formalis, per quā natura est vna formaliter multis communis, quod est esse vniuersalem.

- 54 Secūdo requiritur, quod sit apta esse in multis: hæc autem aptitudo secundū Scotū, & alios, qui secūtur eius sententiam, realis est in natura, & ante operationē intellectus, sed apud D. Tho. neutrum habet, sed per operationē intellectus ei cōuenit. Duas igitur conditiones debet habere natura, vt dicatur apta esse in multis, prima est, quasi remota, nēpe, quod ex suis principiis realibus multiplicari possit in multis indiuiduis, quod habēt omnes naturæ materiales, & corruptibiles, si vero in vna tātum esse possit, ita, vt repugnet omnino habere multa, vt de naturis Angelorū tenēt multi, nō erit vniuersalis, vt videbimus in capite de specie. Alterū requiritur tāquam proximū, nempe, quod non sit determinata per singulares cōditiones, sed quasi indifferens, ita vt non magis respiciat vnū singulare, quam alterum: & cū à parte rei sit determinata per cōditiones singulares, non habet aptitudinem, vt in multis sit, quia singulare cū sit incōmunicabile, nō potest cōmunicari multis, necesse est ergo vt indifferens sit, quod per intellectū consideretur sine cōditionibus singularibus, & ita cōsiderata, non erit determinata ad aliquod singulare, sed equaliter poterit determinari ad omnia, & hoc est esse indifferētē, & aptā cōmunicari multis. Itaq;

aptitudo naturæ præsupponit tria, duo quidem quasi remota, quod ex suis principiis realibus possit multiplicari: secundum, quod sit vna vnitate formali, per quam aliquid est in se vnum. Et præterea tertium quasi proximum, quod sit vna vnitate formali, qua aliquid est commune multis. Et præter hæc tria addit, quod sit indifferens ad multa, & licet hanc indifferentiā habeat eo ipso, quod vna est vnitate vniuersali, sed prius hæc vnitas intelligitur in ea, quam in differentia, vel aptitudo, sicut dicebamus q. 2. prius intelligi in natura, quod sit vniuersalis, quam quod sit prædicabilis.

Ex tota hac doctrina colligitur efficax argu. ad probandam nostram sententiam, quod non detur vniuersale à parte rei, sed solum per operationem intellectus contra Scotum. Vniuersale est vnum in multis, & aptum prædicari de multis, sed natura ante operationem intellectus nec est vna, neque habet aptitudinem prædicandi de multis, ergo non est vniuersalis. Probatur minor. Natura à parte rei est diuisa per differentias indiuiduales, ita vt alia sit in Petro, & alia in Ioanne, ergo est plures, & non vna. Sed si non sit vna, non potest habere aptitudinem prædicandi, quia aptitudo præsupponit vnitatē, vt probatū est, ergo nec vna, nec in multis erit, quouique per intellectū abstrahatur à cōditionibus, per quas diuiditur, & fiat vna.

Ad 1. arg. Scoti concedēda est maior, & minor neganda, quia sicut sciētiæ habentur per operationes intellectus, & ante illas non dantur, eadē ratione nō dantur obiecta scientiarum, nisi per intellectum abstrahentem naturam, & efficientem illam aliquo modo vniuersalem, & vt sic abstra-

56

abstracta ingenerabilis est, & incorruptibilis, & non vt est in indiuiduis, quæ passim corruptuntur. Quare falsum est, quod in minori dicitur, naturam habere tales conditiones à parte rei, neutram enim habet, nisi operatione intellectus præsupposita.

Ad 2. concessio antecedenti, neganda est consequentia, dicendumque naturam nec esse ex se proximè communicabilem multis, sed solum remotè, nec esse ex se incommunicabilem, vt docuit D. Tho. vbi supra, sed primum habere per intellectum, secundum à parte rei per differentias indiuiduales, quibus coniuncta est; ex se autè solum ei conuenire prædicata essentialia, vt naturæ humanæ rationalitatem, sicque de cæteris.

QVÆSTIO V.

Per quam operationem Intellectus fiat vniuersale.

57 **V**T quæstio intelligatur, explicā-
dus est modus, quo intellectus
procedit, dum intelligit, vt ex
eo cognoscamus, quoniam modo effi-
ciat vniuersale. Notandum est ergo,
quod cum omnis nostra intellectio
incipiat à sensibus, necesse est, vt id
quod intelligendum est, prius perci-
piatur à visu, vel alio sensu, quod fit
per quandam similitudinem sui, quæ
ad oculum mittit, & quæ vocatur spe-
cies intentionalis eius, à qua repræ-
sentatur, per hanc ergo speciem vni-
tar obiectum potentie visuæ, & fit
visio rei. Virtute huius visionis pro-
ducitur alia species eiusdem rei visuæ
in alio sensu interiori, qui dicitur se-
sus communis, ex eo quod ad ipsum

perueniunt species omnium, quæ sen-
tiuntur per sensus externos, & ipse
discernit inter omnia cognoscens
esse diuersa. Deinde ab hoc sensu
emittitur alia species eiusdem obiecti
in alium, qui vocari solet phantasia,
& est veluti memoria quædam,
non solum sentiens ea, quæ per alios
sensus percipiuntur, sed conseruans
species omnium sensibilium, quæ spe-
cies in ea conseruatæ solent vocari
phantasmata.

Notandum est 2. quod obiecto iam
cognito per sensus vsque ad phanta-
siam, incipit operatio intellectus, qui
duplex est, vnus qui dicitur agens,
& alter possibilis; inter quos hæc est
differentia, quod intellectus agens
non est virtus cognoscitiva, nec ali-
quid intelligit; possibilis vero est,
qui cognoscit. Præterea intellectus
agens adiutus phantasmate, hoc est,
specie sensibili conseruata in phan-
tasia, producit aliam speciem eiusdè
rei repræsentatæ per idem phantasma
in intellectu cognoscente, non iam
sensibilem, & corpoream, sed spiri-
tualem, sicut intellectus agens, à quo
producit, & possibilis, in quo reci-
pitur, spirituales potentie sunt. Et
agens dicitur ille, quia sua actione
speciem producit; iste vero possibi-
lis, quasi passibilis, aut passiuus, quia re-
cipit eandem speciem, per quam ei
vnitur idem obiectum, quod à sensi-
bus cognitum est, & informatus
hac specie, seu similitudine obiecti,
quæ intelligibilis dicitur, sicut spe-
cies per quas cognoscunt sensus, di-
cuntur sensibiles ipsum intelligit.
Per hanc autem speciem intelligibi-
lem (vt multi asserant) repræsentatur
natura sine conditionibus singularitatis,
& ideo eam vocant abstractionem.
Quia natura sine conditionibus repræ-
sentata,

C 4 sentata,

Quæstio quinta vniuersalis:

sentata, quasi abstracta ab eis dicitur.

Sed tertio est notandum, quod intellectus possibilis duplicem habet operationem, vnam per quam cognoscit obiectum, vt representatum in specie, sine conditionibus, & hæc propriissime dicitur abstractio, quia est cognitio naturæ, non cognitio indiuidui: alia est operatio intellectus per quam eadem natura cognita, nõ cognitis singularibus, iterum cognoscitur eisdem simul cognitis, & ad ea comparatur, & ideo vocatur comparatio, & ecce tres operationes, vna intellectus agentis (a quibusdam vocata abstractio) & duæ aliæ intellectus possibilis, vna quæ vocatur abstractio, & alia comparatio.

- 34 Iuxta has igitur tres operationes, sunt tres opiniones diuersæ, prima asserit vniuersale fieri per abstractionem intellectus agentis, quam sentit Caie. in opuscul. de ente, & essentia cæ. 4. quæst. 6. ad finem. Sotus q. 3. vniuersalium, Zúmel 1. p. quæst. 13. art. 7. concl. 3. Et probatur testimonio Aristotelis 3. lib. de Anima textu 18. vbi comparans officium intellectus agentis cum lumine corporeo docet, quod sicut lumen corporeum sua illustratione materiali facit colores visibiles actu, qui in tenebris solum erant visibiles in potentia, ita intellectus agens per actionem, qua producit speciem intelligibilem in intellectu possibili, facit naturam actu intelligibilem. Ex quo ita colligunt. Obiectum intellectus possibilis est vniuersale, sed per intellectum agentem fit natura actu intelligibilis, dum representatur in specie intelligibili sine conditionibus, ergo fit actu vniuersalis.

Deinde duplici argumento. Primum sumitur ex definitione vniuersalis, quod est vnum in multis, sed natura per abstractionem intellectus agen-

tis est vna in multis, ergo est vniuersalis. Probatur minor, quia in specie intelligibili representatur sine conditionibus ergo vt sic representata est vna, cum solum per conditiones sit a parte rei plures, & est etiam in multis, a quibus abstrahitur, ergo vniuersalis.

Secundo, naturam esse vnam vniuersalem vniuersali duo dicit, vnum pro fundamento, nempe vnitatem formalem, quæ est in se vna, & aliud quasi pro formali, nempe carentiam diuisionis, quam habet a parte rei per differentias indiuiduales, sed representata in specie intelligibili, est vna formaliter, & caret diuisione, cum representetur sine conditionibus, ergo est vna vnitatem vniuersalem, & habet aptitudinem predicandi de multis, quia representata sine conditionibus, non est determinata ad aliquod indiuiduum, sed in differens ad omnia, ergo est vniuersalis.

Secunda opinio tenet, per abstractionem intellectus agentis nondum esse naturam vniuersalem, sed requiri abstractionem intellectus possibilis, per quam natura cognoscatur sine conditionibus, & per illam fieri vniuersalem. Hæc est sententia Duran. in 1. d. 3. q. 5. ad 2. & in 2. d. 3. q. 7. nu. 12. & Cardinalis Toleti q. 2. vniuersalium. Vnicum est arg. huius sententiae. Natura non est vniuersalis a parte rei, ergo vniuersalitas eius non est realis, sed ab intellectu tribui debet, sed intellectus nihil potest tribuere naturæ, nisi eam cognoscat, ergo cum intellectus agens non cognoscat, non potest ei tribuere vniuersalitatē, sed cum primum cognoscitur ab intellectu, denominatur vniuersalis.

Tertia sententia neque vnam, neque aliam abstractionem sufficere docet, vt natura fiat vniuersalis, sed necessarium esse vt comparatur ad indiuidua, quod cum fiat per secundam opera-

operationem intellectus possibilis, quæ dicitur cōparatio, per hanc fieri vniuersale: hanc secuntur Soncin. 5. Meta. quæst. 27. concl. 2. & 10. Meta. quæst. 15. Nyphus 7. Meta. quæst. 17. concl. 1. Deça Hispalensis in 1. d. 35. quæst. 2. art. 4. ad 1. Canar. 1. part. quæst. 23. art. 1. fol. 41. Probatur primo, quia intellectus nō potest tribuere naturæ denominationem vniuersalis, nisi cā cognoscat vt vniuersalem. Vniuersale dicit respectum ad multa, vt colligitur ex eius definitione, quæ dicitur esse vnū in multis, ergo non cognoscitur natura vt vniuersalis, nisi cognoscatur per respectum ad multa; sed non potest cognosci per respectum ad multa, nisi eis cognitis; quia respectus non est cognoscibilis, nisi cognito termino. At per abstractionē intellectus agentis nullo modo cognoscitur, & per abstractionem possibilis cognoscitur non cognitis indiuiduis, ergo nō cognoscitur vt vniuersalis, nec ei tribui potest talis denominatio, sed per solam comparisonem, per quam cognoscitur in ordine ad multa.

Secundo, vniuersalitas est relatio vnus ad multa, non realis, cum non conueniat naturæ à parte rei, ergo rationis, sed relatio rationis non potest fieri, nisi per notiam comparatiuam, ergo solum per hanc fit vniuersale. Probatur minor, quia relatio est comparatio inter duo extrema, ergo non potest fieri, nisi ab intellectu vtriusque cognoscente, & comparante; solum ergo fit vniuersalis per cōparationem.

Præter has tres opiniones diuersas inuenio quartam, per quā moderni quidam videntur ad concordiam reducere secundam, & tertiam, hac distinctione. Vniuersale duobus modis sumi potest. Primo, per modū ab-

soluti, non dicentis respectum ad alterum, sed potentis fondare talē respectum, vt albū, aut quantū, quæ absoluta sūt, & possūt fundare relationē similitudinis, aut æqualitatis: alio modo, tanquā relatiuū: vtroque enim modo putant intelligi posse vniuersalitatem, nempe vt formam relatiuā, & etiam vt absolutam, quam tamen consequitur quidam respectus, per quem explicatur: nā vnitas, quæ aliquid est commune, & aptitudo prædicandi de multis, formæ absolutæ sunt, sicut vnitas numerica, & aptitudo ad ridendum; quas tamen explicamus per respectum ad actum ridēdi, & ad obiectum. Idque declarant exemplo vniuersalis Platonici, separati à singularibus, quod verè esset substantia, cum per se existeret, & ideo vniuersalitas eius forma absoluta, quia substantia res absoluta est, non dicens respectum essentialē ad alterum; & tamen explicaretur à nobis per respectum ad multa, à quibus participaretur; ergo etiam sumi potest vniuersale factum ab intellectu per modum absoluti. Alio modo sumitur tanquam relatiuum, essentialiter respiciens indiuidua. Vniuersale igitur primo modo acceptū, dicunt fieri per primam cognitionem intellectus possibilis, quia habet vnitatem cum aptitudine respiciendi multa, à quibus abstractum est. Si vero accipiatur secundo modo, non fit, nisi per comparisonem, quia relatiuum non potest cognosci, nisi per cōparationem ad suum terminum: & ideo nec vniuersale, vt relatiuū, nisi per comparisonem ad multa. Et secundam opinionem intelligendam esse affirmant de vniuersali, vt absoluto: & ita intellectam esse veram. Tertiam vero de vniuersali, vt relatiuo.

Quæstio quinta vniuersalis.

Vt nostram sententiam proponamus, quædam notanda sunt. Primum, vniuersale nomen concretum esse, habens materiale significatum, quod est natura; & formale, quod est vniuersalitas, à qua denominatur. Concretum vero duplex est, absolutum, & relatiuū, sicut forma denominans est etiam absoluta, aut relatiua. Concretum absolutum est album: relatiuum vero, simile, aut pater. Hæc est autem differentia inter vnum, & alterum, quod concretum absolutum pro materiali significato solū habet nudum subiectum, vt album nudum corpus. Concretum vero relatiuum, non nudum subiectum, sed aliquid aliud, ratione cuius efficitur fundamentum proximum relationis, vt simile præter album habere debet aliquam vnitatem, aut commensurationem cum alio, ratione cuius fit capax relationis; vnitatem quidem in albedine, & commensurationem in eodem gradu eius. Nam vt aliqua dicantur propriè similia, cōuenire debent in albedine, atque etiam in gradu eius, ita vt in vtroque sit, vt tria, vel vt quatuor.

Secundo notandū est, tria esse fundamenta relationis, remotissimū, remotū, & proximum, vt in similitudine, fundamentum remotissimum est corpus; remotum est album; proximum vero album habens vnitatem, & cōmensurationē cum alio. Vocatur autem fundamentum remotissimū, & remotum, quia ea non sequitur relatio; nam corpus nisi habeat albedinē, aut aliam qualitatem, nō dicitur simile, neq; etiam si habeat albedinem, quousque habeat vnitatem, & cōmensurationem cum alio. Tunc autem dicitur fundamentum proximum, quia eo posito statim, ac necessario sequitur relatio. Ita ergo intelligendū est

de vniuersali, si sit relatiuū: erit enim fundamentū remotū relationis vniuersalitatis natura à parte rei per vnitatem formalem, qua est vna formaliter in se. Fundamentū vero remotū dum repræsentatur in specie intelligibili sine cōditionibus, aut dum cōponitur per primā cognitionē intellectus sine illis, si nō sequatur statim relatio vniuersalitas, à qua denominatur. Et tandē erit fundamentū proximū, dum comparatur ad inferiora, quia statim sequitur relatio vniuersalitatis ad illa.

His suppositis, nostra sententia his concl. continetur. Prima. Vniuersale nō esse nomē absolutū, sed relatiuū, hæc est aduersus vlt. sententiam: probatur duplici arg. Primo, nomen cōcretū est absolutū, si forma per ipsū significata fuerit absoluta, & relatiuū, si fuerit relatiua; sed forma vniuersalitatis non est absoluta, sed relatiua, ergo nomē vniuersale non erit absolutū, sed relatiuum. Probatur minor ex definitione vniuersalis, *Vnum in multis, & aptum predicari de multis*, In qua per relationem ad multa explicatur vniuersale, nec solū explicatur, sed vniuersalitas relatio est, non forma absoluta, vt vltima opinio asserit: quod sic probo. Vniuersalitas non est forma cōueniens naturæ ex se, aut essentialiter, neq; à parte rei, sed per intellectū, vt concedit eadē opinio, ergo non est forma substantialis, sed accidentalis, nec est accidens reale, sed rationis; sed omne accidens rationis, quod intellectus attribuit rebus, est relationis; sed omne accidens rationis, quod intellectus attribuit eis, est relatio rationis, nō enim attribuit eis accidens rationis absolutū per modū qualitatis, aut quantitatis, aut aliterius predicamētī habēs fundamentū in eisdē rebus à se intellectis, vt probabitur, ergo vniuersalitas est relatio rationis, & non forma absoluta.

Secun-

Secundo, non dicitur natura vniuersalis, ex eo solum, quod in se est vna, aut communis, sed quia est vna multorum, multisq; communis, aut vna, in qua multa conueniant, vt Porphyri⁹ docuit, c. de specie dicēs: *Participatio na species plures homines sunt vnus homo.* ergo per vniuersalitatē essentialiter ordinatur ad inferiora, quorū est vna & ideo vniuersalitas relatio est, & nō forma absoluta, & vniuersale nomē relatiuū, non absolutum. Quod intel ligens Porph. docuit omnia prædica bilia (quæ sūt quædā vniuersalia) de finiēda esse per sua inferiora, vt ge nus, quod sic prædicabile de pluribus differentibus specie, sicq; de reliquis.

Secunda cōclusio. Per operationē intellectus agentis solum datur vni uersale pro fundamento remoto, seu in potentia remota, nō pro fundamē to proximo, neq; actu, & formaliter vniuersale. Hęc sequitur ex præcedē ti, atq; ex doctrina annotata, & pro batur hoc arg. Vniuersale est relati uum, ergo non dicitur natura actu, & formaliter vniuersalis, nisi ab vni uersalitate, quæ est relatio, denomi netur; sed per operationem intelle ctus agentis solum habet repræsentari in specie intelligibili, non repræ sentatis singularibus, ergo nec illa re spicit, nec denominari potest ab vni uersalitate, quæ est respectus ad illa: & hoc est non esse actu, & formaliter vniuersalem, solum ergo potest esse vniuersalis in potētia, aut in fun damēto, non proximo, quia proximū fundamentū statim sequitur relatio, & ramen naturā sic repræsentatā nō sequitur relatio ad indiuidua, quous que intelligatur in ordine ad illa, sed in potentia, & fundamento remoto, quamuis minus remoto, ac dum est extra causas.

Tertia conclusio. Vniuersale actu,

& formaliter, aut in potentia proxi ma non fit per primam cognitionē intellectus possibilis, quæ vocatur ab stractio. Hęc est aduersus vltimā fen tentiā. Et probatur primo. Nihil de nominatur actu, & formaliter tale, ni si à forma propria, sed propria for ma vniuersalis est vniuersalitas, quæ est relatio rationis ad indiuidua, er go non denominatur natura actu, & formaliter vniuersalis, nisi à relatio ne rationis ad indiuidua: naturā autē cognitā per primam operationē in tellectus non consequitur talis rela tio rationis, ergo non est per illā ac tu, & formaliter vniuersalis. Proba tur minor. Per illam cognitionē non cognoscitur in ordine ad indiuidua, imo neque cognoscuntur indiuidua; ergo neque cognoscitur relatio ra tionis naturæ ad illa, sed relatio ra tionis non habet aliud esse, quam ac tu cognosci, ergo si non cognosci tur per illam cognitionem, non est, nec denominat naturam actu, & formaliter vniuersalem. Secundo, natu ra per primam cognitionem non ha bet aliud, quam cognosci, vt repræ sentam in specie intelligibili sine cō ditionibus, ergo solum consequitur per illam nouam denominationem realem extrinsecam cognitæ sine cō ditionibus, quam certum est nō esse denominationem vniuersalis, nam hæc, nec realis est, nec solū denomi natio extrinseca, sed rationis, & ha bens modum, & similitudinem for mæ inhxrentis, sicut denominatio prædicati, aut subiecti: solum ergo erit natura per talem cognitionem vniuersalis in potētia, non proxima, sed remota, eodem modo ac per ope rationem intellectus agentis iam ex plicato.

Vltima conclusio. Natura fit vni uersalis, non solum in potentia pro xima, 38

Quæstio quinta vniuersalis:

xima, sed actu, & formaliter per cognitionem intellectus, quæ dicitur comparatio: hæc probatur 1. ex tribus præcedentibus, quia si non fit per operationem intellectus agentis, nec per primam cognitionem intellectus possibilis, nõ restat alia operatio per quam fieri possit, præter comparisonem.

Sed probatur 2. quod per eam fiat, quia vniuersalitas est relatio rationis naturæ ad indiuidua, & relatio est cõparatio duorũ extremorũ, ergo relatio rationis naturæ ad indiuidua est comparatio naturæ ad illa, quare fiet per comparisonem vniuersalitas, & vniuersale formaliter.

Sed, vt cõclusiones istæ melius intelligantur, & ex eis cognoscamus aliquo modo fieri vniuersale per tres illas operationes intellectus agẽtis, & possibilis, noranda est illa distinctio vniuersalis, satis manifesta in schola Dialecticorum: vniuersale duplex est, Logicum, & Metaphysicum: vniuersale Metaphysicum est natura realis in cõmuni sumpta, hoc est sine conditionibus indiuiduantibus, & non vt denominata à secunda intentione, aut relatione vniuersalitatis. Et vocatur vniuersale Metaphysicum, quia solum sumitur secundum essentiam realem, quasi abstractam à materialibus conditionibus, qui est proprius modus, secundũ quem res considerantur in Metaphysica, & vocari etiam potest vniuersale fundamentaliter, atque etiã vniuersale in potentia saltem remota, vt explicatum est. Aliud est vniuersale Logicum, nempe natura denominata à secunda intentione, aut relatione vniuersalitatis, quæ etiam dicitur vniuersale in potentia proxima, actu, & formaliter: quia dum actu denominatur natura à relatione,

proximè dicitur eandem relationem fundare, & vocatur vniuersale Logicum, quia secunda intentio, aut relatio vniuersalitatis propriè pertinet ad considerationem Logicam. Hæc distinctio supposita dicimus, vniuersale Metaphysicum fieri per operationem intellectus agentis, cum representetur natura in specie intelligibili per eam producta, sine conditionibus, quod est esse vniuersale Metaphysicum. Per primam vero cognitionem intellectus possibilis fit idem vniuersale Metaphysicũ, vel potius iam factum per intellectum agentem cognoscitur: sed vniuersale Logicũ fit per solã comparisonem.

Ad argumenta aliarum opinionũ respondendum est, & ad testimonium Aristot. pro prima opinione duobus modis. Primo, sensum eius esse, quod lumen facit colores actu visibiles, nõ quia ipsi actu visibiles non essent in tenebris, sed quia videri non poterant per medium obscurum: illud vero illuminans facit, vt actu videatur. Vel secundo respondeo, concedendo, quod lumen faciat colores actu visibiles, cum in tenebris non essent, nisi visibiles in potentia: & ita intellectus agens quasi lumen quoddã spirituale faciat naturam actu intelligibilem, ex quo non sequitur eam facere actu vniuersalem, quia vt sit actu intelligibilis, sufficit esse vniuersalem in potentia, quod habet dum per speciem intelligibilem representatur sine conditionibus, &c.

Ad primum argumentum eiusdem sententiæ concessam maiori, distinguenda est minor, nam duobus modis natura est vna. Primo, vnitatem negatiuam, & hanc habet representata in specie intelligibili, quia sine conditionibus indiuiduantibus representatur, sed per hanc vnitatem solũ est vniuers-

uerfale Metaphysicum, aut in potē-
tia. Alio modo est vna positiuē, quod
non habet, nisi dum comparatur ad
indiuīdū: & quia hæc requiritur, vt
sit actū, & formaliter vniuersalis, nō
est vniuersalis hoc modo, nisi per cō-
parationem.

Ad secundū respondetur eadem
distinctione, quia natura repræsentata
in specie intelligibili habet vnitatē
negatiuam vniuersalis Metaphysici,
& in potentia, non vniuersalis Logi-
ci, nisi per comparisonem.

Ad argum. secundæ opinionis cō-
cedo, quod natura non est vniuersa-
lis à parte rei, sed fit vniuersalis per
cognitionem intellectus; nego tamē,
quod per primam cognitionem intel-
lectus tribuatur ei forma vniuersa-
litas, sed solum ei tribuitur per cō-
parationem.

Ad tertiam opinionem negādum
est, quod vniuersale possit distingui
in absolutum, & relatiuum, quia ex
propria natura, & essentia relatiuum
est, vt probauimus. Falsum igitur
est, quod dētur vniuersale absolutū,
& non minus falsum, quod hoc vni-
uersale absolutum fiat per primam
cognitionem intellectus.

QVAESTIO VI.

*Vtr. Vniuersale Logicum fiat per sim-
plicem comparisonem naturæ cum
indiuīdū, uel non nisi per com-
positam, quæ uocatur ac-
tualis prædi-
catio.*

7^o **V**T titulus quæstionis explicē-
tur, notandū est, quod ab om-
nibus fere ponitur in intellē-
tu duplex cōparatio, vna simplex,

alia composita. Simplex comparatio
est, per quam intellectus vnum in al-
tero, vel in ordine ad alterū cognos-
cit sine compositione, vt dum simpli
ei cognitione cognoscimus patrem
in ordine ad filium, non affirmando
quod habeat filium; vel albedinē in
pariete, non affirmando quod in ea
sit. Alia est comparatio, per quam co-
gnoscit intellectus duo extrema; &
vnum attribuit alteri, affirmando
quod in eo sit, & ideo comparatio
hec vocatur actualis prædicatio; quæ-
rimus ergo, an supposito, quod vni-
uersale sit per comparisonem, vt in
quæstione præcedenti probauimus;
fiat per simplicem, vel per compositam.
Et sunt duæ opiniones. Prima,
non admittit comparisonem simpli-
cem, sed solum compositam, & per
eam asserit fieri vniuersale, & cum
comparatio hæc sit actualis prædi-
catio vnus de altero, per actualem
prædicationem fieri docet, & ante il-
lam non dari vniuersale actū, & for-
maliter, sed actualem prædicationē
esse vniuersalitatem, à qua natura de-
nominatur vniuersalis; & ita nō ad-
mittit aptitudinem, nec potentiam
prædicandi in natura, sed idem esse,
quod vniuersalis sit, & quod sit ac-
tuale prædicatum. Hanc opinionem
secuntur quidam moderni, & eam
probant hoc argumento.

Non potest intellectus comparare 71
naturam ad diuīdū, nisi cognoscat
in eis esse, sed non potest cognosce-
re, quod in eis sit, nisi iudicādo, quod
eis conueniat: iudicare autem, quod
in eis sit, & eis conueniat, est prædi-
care eam de diuīdū; ergo non da-
tur simplex comparatio naturæ ad
diuīdū, sed solum composita, quæ
est actualis prædicatio: quare si verū
est vniuersale fieri per comparatio-
nem, necessario sequitur, quod fiat
per

Quæstio sexta vniuersalis.

per actualem prædicationem, ita vt ante illam non detur.

Hæc opinio in primis est contra Arist. & D. Tho. quod vnicò testimonio vtriusq; probatur. Arist. enim agens de vniuersali, i. lib. de interpretatione, capit. 5. definit illud his verbis. *Dico autem vniuersale, quod de pluribus aptum est prædicari.* Ex quibus euidenter colligitur, naturā esse vniuersalem per aptitudinem prædicandi de indiuiduis, sed aptitudo prædicandi cū sit potentia, est prior, quā actualis prædictio, quæ est actus eiusdem potentie, ergo prius est natura vniuersalis, quam actu prædicetur ex mente Arist. Quare nō sit vniuersalis per comparisonem compositā, quæ est actualis prædictio, sed per aliam comparisonem priorem, quæ vocatur simplex.

Et D. Thom. in eodem loco declarans eandem definitionem Arist. ait, bene definisse vniuersale per aptitudinem prædicandi, & non per actualem prædicationem, quia aliquæ sunt naturæ, vt Sol, & Luna, quæ non prædicantur actu de multis, cum nō habeant nisi vnicum indiuiduum, & tamē sunt verē vniuersales per aptitudinem, & potentiam prædicandi de multis. Ponit ergo D. Tho. aptitudinem prædicandi in natura vniuersali, & per illam asserit esse vniuersalem cum Arist. ergo opinio, quæ aptitudinem tollit, & non nisi per actualem prædicationem affirmat fieri vniuersale, expresse est contra Arist. & D. Thom.

Deinde est contra rationem, quod sic probō: Si natura est vniuersalis, per actualem prædicationem, sequitur non esse vniuersalem, nisi simul prædicetur de multis, ita vt dicamus Petrum, & Ioannem esse homines, hominem, & equum esse animalia, &

non, dum de singulis prædicatur, quare neque erit prædictio vniuersalis, dum species prædicatur de indiuiduo, aut genus de specie, vt in his prædicationibus, Petrus est homo, & homo est animal: consequens autē falsum est, ergo etiam antecedēs. Quod sit vniuersalis natura per actualem prædicationem, probatur consequentia, quia vniuersalitas est actualis prædictio, sed vniuersalitas est respectus naturæ ad multa, ergo non est natura vniuersalis, nisi dum actu prædicatur de multis, & non de vno tantum. Quod vero consequens sit falsum probō, quia hæc est prædictio generis, homo est animal, ergo est prædictio superioris, quia genus superius est specie, sed prædicatum superius est vniuersale, ergo est prædictio vniuersalis, & tamē de solo vno, ergo vniuersalis erit natura dum de vno inferiori prædicatur, quia prædicabilis est de multis, quare non per actualem prædicationē, sed per prædicabilitatem, vt omnes asserunt.

Communis ergo sententia Arist. D. Tho. & omnium vera est, & tenenda, quod natura prius sit vniuersalis, quam actu prædicetur per potentiam prædicandi de multis, & quod fiat vniuersalis per comparisonem simplicem intellectus, per quā cognoscitur in ordine ad indiuidua, & non per compositā, quæ est actualis prædictio. Quam hoc argumēto probō. Intellectus potest cognoscere, vnum in altero, aut in ordine ad alterū sine affirmatione, & negatione, & sine actuali prædicatione, ergo potest cognoscere naturam in ordine ad indiuidua per simplicem cōparationē, sine eo, quod eam actu prædicet de illis, sed cognita in ordine ad indiuidua cognoscitur vt vniuersalis, ergo per comparisonē simplicem sit vniuersalis.

salis, non per compositam. Antecedens probatur duobus modis, & in intellectu, deinde in sensibus: in intellectu quidem, nam per simplicem cognitionem cognoscimus patrem ordinatum ad filium, & duos parietes similes in albedine simul in utroque cognita, & in tali cognitione nihil cõponimus, nec iudicamus, ergo absque cõpositione, & iudicio possumus comparare vnum cum altero. Deinde in sensibus, de quibus certissimū est, non iudicare, nec componere, aut diuidere, & non est minus certum, quod cognoscant vnum in ordine ad alterum, vel comparando ad alterū, ergo idem poterit intellectus facere per simplicem comparisonem naturæ ad indiuidua. Probatur minor: sensus communis cognoscit sensibile vnius sensus externi, vt visus, nō esse Sensibile alterius sensus, nempe auditus, quod non potest villo modo fieri sine comparisone vnius cum altero, & ovis cognoscit lupum vt inimicum, & ideo fugit ab illo, & agnum vt amicum, à quo non fugit: & inter duos agnos cognoscit hunc esse filium, & alium non; ergo cognoscit vnum in ordine ad alterum, & per comparisonem cum eo sine formali iudicio, & sine cõpositione, aut actuali prædicatione, ergo melius poterit intellectus cognoscere naturam in ordine ad indiuidua, & eam cum illis comparare sine cõpositione, aut actuali prædicatione.

74 Pro solutione arg. alterius opinionis notandū est, duobus modis posse cognosci vñ in ordine ad alterum, vel cõparari ad illud. Primo, cognoscendo vtrumq; extremum per se tanquam conueniens alteri, attribuendo illud alteri, & hoc non potest fieri nisi per formale, & expressū iudiciū, & comparisonem cõpositam, quæ

cõsistit in actuali prædicatione vnius de altero. Secūdo, non cognoscendo vtrumq; extremū per se, neque attribuendo illud alteri, sed vñ tantum cum ordine ad alterū, vt cõueniens, aut disconueniens, sed non per modū attributionis, aut aliquid affirmādo de conueniētia, vel disconueniētia, & hoc fit per simplicē comparisonem ab intellectu, atq; etiā à sensibus, vt probaui: sic autē cõparatur natura ad indiuidua, & fit vniuersalis, & prædicabilis, antequam prædicetur actu de illis. Ad formam igitur arg. distinguēda est minor, quod nō possit intellectus cognoscere naturā esse in indiuiduis, nisi iudicando, nam duplex est iudiciū, vnum formale, & expressum, per quod intellectus iudicat vñ conuenire alteri per modum attributionis: Alterū quasi virtuale, per quod notitia simplici cognoscit vnum in altero, vel in ordine ad alterum, tanquam ei conueniens, aut disconueniens; sed non per modum attributionis. Negamus igitur, quod intellectus non possit cognoscere naturam esse in multis, nisi per expressum, & formale iudiciū, & concedimus, quod non possit sine iudicio virtuali inclusio in comparisonem simplici, quam ideo vocamus iudiciū virtuale, quia cognoscere vnum per comparisonem ad alterum fundamentum est formalis, & expressi iudicii, per quod ei attribuitur.

QVAESTIO VII.

An vniuersale sit inuocum respectu prædicabilium, & verum genus eorum

P. Ræsupponit titulus quæstionis, quid sit nomen inuocum, quid etiam analogum, quod ex sumulis notum est. Quæritur ver

75

Quæstio septima vniuersalis:

vero, quoniam modo se habeat vniuersale respectu prædicabilem, vt analogum, vel potius, vt vniuocū: ita vt sit genus eorum.

Prima opinio tenet, analogū esse: quam diuersis modis defendunt diuersi auctores, sed in eo conueniūt, quod per prius de vno, aut multis dicitur, per posterius vero de reliquis. Ita docet Albertus Magnus tract. 2. prædicabilem, cap. 9. affirmans primo conuenire generi, deinde speciei, & ratione huius differentia. Per posterius vero, & quasi per accidens proprio, & accidenti, tanquam prædicatis accidentalibus. Et eodem fere modo explicat analogiam Canterus 4. cap. prædicamentorum. Potissimū argum. huius opinionis est, quia ens reale est analogum ad substantiam, & accidentia, sed tria prædicabilia, vt genus, species, & differentia sunt substantia, duo vero alia, vt propriū & accidens sunt accidentia, ergo vniuersale, quod de omnibus dicitur, cum omnia prædicabilia sint vniuersalia, non potest esse vniuocum.

Secundo probari potest hoc modo. Vniuersale, & prædicabile conuertuntur, & se habent tanquam essentia, & propria passio, sed prædicabile est analogum, respectu omnium, ergo erit etiam analogum vniuersale. Probat minor: prædicatio analogice dicitur de prædicatione per se, & per accidens, cum illa sit simpliciter talis; hæc vero solum secundum quid, ergo prædicabile erit etiā analogum, cum se habeant sicut actus, & potentia, respectu prædicabilis per se, & per accidens, sed tria prædicabilia, genus, species, & differentia prædicantur per se, cum prædicetur essentialiter, & duo alia prædicantur per accidens, cum prædicentur accidentaliter, ergo prædicabile analogū

est respectu omnium.

Secunda opinio asserit, vniuersale vniuocum esse respectu prædicabilem, & verum genus eorum, sicut animal respectu hominis, & equi, & est D. Tho. in quæstionibus vniuersalibus, quæst. 2. Scot. quæst. 8. Iauelli tract. 4. de prædicabilibus, cap. 1. 5. & 6. Soti quæst. 4. vniuersalium, & cap. de genere, quæst. vnica; & Cardinalis Toleti, quæst. 2. vniuersalium: & iam fere communis, vera, & tenenda.

Sed vt eam efficaciter probemus, 76 notandum est. Vniuersale cum sit nomen concretum, & accidentale, duobus modis sumi posse, materialiter pro subiecto, seu natura denominata, & formaliter pro vniuersalitate eam denominante, sicut album sumitur pro corpore, & pro albedine. Sed adhuc subiectum denominatum consideratur duobus modis, secundū propriam essentiam, & naturam, aut in quantum denominatur ab vniuersalitate, quemadmodum corpus sumitur, secundum quod est substantia corporea, aut in quantum denominatur ab albedine, quo pacto visibile est, & ad prædicamentum qualitatis reducitur. Et naturæ, quæ denominantur vniuersales, si secundum propriam essentiam, aut entitatem sumantur, quædam sunt substantia, & quædam accidentia, imo quædam accidentia realia, & quædam accidentia rationis; & cum nihil possit esse commune vniuocum substantiæ, & accidentibus, nec accidentibus realibus, & rationis, nihil etiam potest esse commune vniuocū diuersis naturis, quæ denominantur vniuersales hoc modo sumptis. Sed si accipiantur secundo modo, vniuocam rationem habere poterunt, si forma eas denominans vniuoca sit. Exemplum asserre possumus

mus in genere, quod est primum ex quinque vniuersalibus, & considerare diuersas naturas, quæ à secunda intentione generis denominantur tamquam à forma, ut substantiâ, quantitatē, & qualitatē. Primo quidē secundum proprias essentias, & hoc modo nihil commune vniuocū habere possunt. Deinde in quantum denominantur genera, & cū ratio generis vniuoca sit, per vnam definitionem explicata à Porphyrio, quod sit prædicabilis de pluribus differentibus specie in quid, vniuocē conueniunt sub ratione generis substantia, quāritas, & qualitas, quia eodem modo denominantur à tali forma, ita ut nō magis, nec prius substantia sit prædicabilis de pluribus differentibus specie, quam quantitas, aut qualitas, sed omnino equaliter.

77 Ex hac distinctione colligitur argumentum, ad probandam nostram sententiam, & communem: Vniuocum est, quod multa significat sub eadem ratione, sed vniuersale significat omnia vniuersalia, aut prædicabilia sub eadem ratione; ergo est vniuocum respectu eorum. Probatur minor, illa est vna, & eadem ratio, quæ per vnam definitionem explicatur, sed ratio vniuersalis explicatur ab Aristotele per vnam definitionem, nempe, quod sit vnum in multis aptum prædicari de multis, ergo est vna respectu omnium vniuersalium, sub qua vniuocē conueniunt.

78 Ad primum arg. respondendum est ex doctrina tradita, distinguendo maiorem hoc modo; si substantia, & accidentia sumantur secundum propriam entitatem, & essentia, nihil commune vniuocū habere possunt; si vero sumantur ut sunt vniuersalia, vniuocē conueniunt, quia eodem mo-

do denominantur ab vniuersalitate, & ideo vniuersale respectu eorum vniuocum est.

Pro solutione secundi notandum est, quod sicut animal significat solum naturā sensitivā, non rationalem, aut irrationalem, quia differentie ut docet Porphyrio in prædicabilibus, sunt extra significationem generis, eodem modo vniuersale solum dicit vnum in multis, & aptum prædicari de multis; quod vero prædicetur essentialiter, aut accidentaliter, per se, aut per accidens extra significationem eius est, & diuersis vniuersalibus conuenit, non sub ratione vniuersalium, vel ut tali nomine significatur, sed secundum alias rationes particulares non significatas per nomen vniuersale, unde licet rationes illæ ita se habeant, ut vna sit prior altera, vel vna sit talis simpliciter, alia secundum quid, non ideo commune nomen quo significantur, desinit esse vniuocum.

Nunc ergo ad formam arg. neganda est minor, quod prædicabile, aut prædicatio sit analogum respectu quinque prædicabiliū, nam licet quædam illorum prædicentur essentialiter, aut per se, alia vero accidentaliter, & per accidens: istæ tamen rationes particulares non pertinent ad significationem prædicabilis, sed solū potentia prædicandi in cōmuni, quæ cum sit eadem in omnibus, vniuocē significantur omnia prædicabilia per nomen prædicabile omnibus cōmune, nec tollitur vniuocatio per particulares rationes eodem nomine non significatas.

QVÆSTIO VIII.

An vniuersale sit adequatū obiectū libri prædicabilium, vel potius prædicabile.

Quæstio octaua vniuersalis.

79 **L**iber prædicabilium pars quædam est totius Logicæ, & ideo aliquod obiectum partiale debet ei correspondere, quod sit quasi pars totalis, & adequati obiecti eiusdem scientiæ, de quo inquirimus, an sit vniuersale, vel prædicabile, cum sit certum nullum aliud, præter hæc obiectum esse posse, ex quibus illud erit obiectum, cui generales conditiones obiecti, quæ vltima præcemia li à nobis traditæ conueniant, potius quam alteri.

Prima opinio defendit prædicabile esse obiectum, potius quàm vniuersale, quæ attribui solet Scoto, & defenditur à multis modernis. Habetq; duo arg. Primum, illud est obiectum alicuius partis, vel scientiæ, quod continet omnia, de quibus illa agit, sed vniuersale non continet omnia, de quibus agitur in hoc libro: ergo non est eius obiectum: probatur minor, Porphyrius in cap. de specie agit de indiuiduo, atq; etiam de specie subiicibili, quæ non sunt vniuersalia, quia indiuiduum nõ est in multis, nec species subiicibilis in quantum talis respicit indiuidua.

Secundum, illud est obiectum formale scientiæ, sub cuius ratione formali considerat omnia, sed omnia, quæ tractantur in hoc libro, considerantur sub ratione prædicabilis, & non sub ratione vniuersalis: ergo vniuersale nõ est obiectum, sed prædicabile: minorem probo ex definitionibus prædicabiliũ, quas tradit Porphyrius per prædicabile, vt definitionem generis, quod sit prædicabile de pluribus differentibus specie in eo quod, quid, & sic de exteris, vnde, & librum, prædicabilium vocat opus

D. Thom. quæst. 9. de obiecto huius libri. Scotus quæst. 4. vniuersaliũ. Toletus quæst. 1. & videtur nobis probabilior, & tenenda. Pro eius declaratione notandum est, ex doctrina D. Thom. opus. 48. cap. 1. quod intellectus tribuit naturam vniuersalitatem, tanquam fundamentum cæterarum denominationum, quia primum quod in ea intelligit est esse in multis, & ideo vocat eam vniuersalem, & quia ex ratione essendi in multis sequitur posse predicari de multis, statim ei tribuit denominationem prædicabilis: deinde alias denominationes specialis generis, & speciei. Vnde sequitur, quod sicut primum, quod est in aliqua re tanquam fundamentum aliorum est eius essentia, ita vniuersalitas, quæ est prima denominatio naturæ, sit quasi essentia eius in ordine Logico: prædicabilitas vero, passio omnibus vniuersalibus communis.

Ex hac doctrina D. Thom. vera, & necessaria hoc argumen. colligitur ad probandam eius sententiam, & nostram. Vniuersale, & prædicabile considerantur per se in hoc libro, & illud se habet tanquam essentia: hoc vero tanquam propria passio, ergo vniuersale potius est obiectum, quam prædicabile. Probatur consequentia, quia officium scientiæ est probare passiones de subiecto, sed in hoc libro probatur de vniuersali, quod sit prædicabile, tanquàm posterius de prioribus: ergo tanquam propria passio de subiecto: quod non potest conuenire prædicabili, cum nullam habeat passionem, quæ de illo probari possit, ergo nec potest esse obiectum.

Ad primum argumentum alterius opinionis neganda est minor, quia species subiicibilis, & indiuiduum.

quod suo modo continentur sub vniuersali, non quod vniuersalia sint formaliter, sed quia termini sunt relationis vniuersalitatis generis, & speciei: genus enim vniuersale est, quia est in multis speciebus, de quibus aptum est prædicari, & ex hac relatione generis ad speciem resultat in eis relatio alia subiucibilitatis, per quam dicuntur sub terminare, vt in cap. de specie explicabitur. Et eadem ratione indiuiduum est terminus relationis speciei, à qua vniuersalis, & prædicabilis denominatur, quia in multis indiuiduis est, & de illis apta prædicari, & ideo indiuidua, & species subiucibiles ad genus, & speciem, & tractatum eorum reducuntur.

Ad secundum respondeo, distinguendo minorem, quia vniuersale considerari à Porphyrio in hoc libro sub ratione prædicabilis duobus modis intelligi potest. Primo, ita, vt prædicabilitas sit ratio obiectiua, quæ consideratur, & in hoc sensu negandum est, quia cum vniuersalitas sit essentialis ratio, & fundamentum prædicabilitatis, atque aliarum denominationum, quas intellectus tribuit naturæ, ratio obiectiua est, sub qua considerantur omnia. Secundo modo potest intelligi, sub ratione prædicabilitatis considerari omnia, tanquam sub passione communi, quæ de quinque vniuersalibus in hoc opere demonstratur, & in hoc sensu concedenda est minor, sed ex ea non bene inferatur, quod prædicabile sit obiectum, sed solum, quod sit passio, quæ de obiecto demonstratur. Demonstratur autem hoc modo, quidquid est vnum in multis, est prædicabile de multis; sed genus est in multis speciebus; ergo prædicabile de illis est, & sic de cæ-

teris prædicabilibus, quæ per prædicabilitatem definiuntur à Porphyrio tanquam per propriam passionem magis nobis manifestam, & ideo definitionibus, non quiditatis, sed de scriptiuis, vt in cap. de genere explicabitur. Et eodem modo intelligendum est librum quinque prædicabilium vocari hoc opus, denominatione sumpta à communi passione, quæ de illis demonstratur magis nota, potius quam ab vniuersali, quod est eius obiectum.

QVÆSTIO IX.

An prædicabilia sint quinque, vel plura, aut pauciora.

Sicut prædicamentorum artem 82
inuenit Arist. vt modos essendi omnium rerum ad certa quædam capita reduceret, & ita facile possemus agnoscere earum naturam cognito prædicamento in quo collocatur, ita Porphyrius inuenit artem prædicabilium, vt ad certa capita reduceret omnes prædicationes, & nos facile possemus cognoscere, qualis sit prædicatio quæcunque, essentialis, aut accidentalis, & essentialis generica, aut specifica; & eodem modo accidentalis, accidentis proprii, aut communis, ex quarum cognitione naturas rerum cognoscere possumus. Vt autem hanc artem prædicabilium melius possumus intelligere, necesse est determinatum numerum eorum cognoscere, & ideo quæstio vltima vniuersalis de eorum numero inquit, an quinque sint, ita vt nec plura, nec pauciora: & licet non sint diuersæ opiniones circa numerum, sed omnes Porphyrium sequantur auctorem huius libri ponentem tantum quinque.

Quæstio nona vniuersalis:

Quædam argumenta in contrarium proponemus, quæ videtur probare, ex vna parte pauciora esse, ex alia vero esse plura, vt ex eorum solutionibus veritas manifesta fiat: probatur ergo, pauciora esse quam quinque, duobus argumentis. Primo, prædicabilia, & prædicata solum distinguuntur tamquam potentia, & actus, quia prædicabile est, quod potest prædicari de alio: & prædicatum, quod prædicatur actu, sed prædicata sunt quatuor, & non plura, vt docet Aristoteles primo li. topicorū, c. 2. 3. & 4. nempe, genus, definitio, propriū, & accedens; ergo quatuor tantū erūt prædicabilia.

83 Secundo, Porphyrius distinguit duo prædicabilia generis, & differentia, quia genus prædicatur in quid, & differentia in quale quid, sed definitio continet utrumque, ergo pro duobus prædicabilibus sufficiet. Probatur consequentia, quia de eisdem prædicatur definitio, de quibus prædicantur genus, & differentia: & præterea continet modum prædicandi vtriusque, in quid, & in quale quid, per modum vnius prædicabilis, nam si definitio sit speciei subalternæ, vt viuens sensibile, prædicatur de pluribus differentibus specie, nempe de homine, & leone, sicut genus: si vero sit speciei infimæ, vt animal rationale, prædicabitur de pluribus differentibus numero vt de Petro, & Ioanne, prædicatur differentia, ergo non sunt distinguenda duo prædicabilia generis, & differentia, sed sufficiet definitio pro vtroque, & ita erunt quatuor tantū, & non quinque.

Altera vero pars, quod prædicabilia sint plura, quam quinque, probari potest. Primo, quia Porphyrius in cap. de genere distinguit prædicabilia per ea, de quibus prædicantur, vt

genus ab specie, quia prædicatur de pluribus differentibus specie; hæc vero de pluribus differentibus numero, & sic de cæteris, sed si ita distinguatur, sequitur septem saltem esse ponenda, ita vt duo sint prædicabilia differentia, & duo alia proprii. Probatur consequentia, quia differentia subalterna, vt corporeum, prædicatur de pluribus differentibus specie, nempe de corpore viuente, & non viuente; si vero sit infima, vt rationale, solū de pluribus differentibus numero, nempe de Petro, & Ioanne; ergo distincta efficiunt prædicabilia. Propriū etiam si sit subalternū, vt sensibile, quod sequitur naturā speciei subalternæ animalis, prædicatur de pluribus differentibus specie, nempe de equo, & leone: si autē sit infimum, vt risibile, prædicatur solum de differentibus numero, vt de Petro, & Ioanne; ergo erunt septem prædicabilia.

84 Secundo, indiuiduū vagum, vt quidam homo, prædicatur de pluribus differentibus numero, vt de Petro, & Ioanne, & tamē non est species; quia non prædicatur in eo quod quid. Et etiam actualis existentia idē habet; ergo aliud prædicabile distinctū ab specie ponendū est pro illis. Probatur minor, quia sicut quidā homo non dicit essentia, aut quiditatem indiuiduorū, sed cōmunem rationē indiuidui, quæ vel accidentalis est, vel saltē extra essentia eorū, ita existentia actualis nō pertinet ad essentiam alicuius creaturæ, facile eam amittentis per corruptionē, aut potentis eā amittere per anihilationē. Quare non prædicatur in quid, cum prædicari in quid, idem sit, quod prædicare quiditatem, aut essentiam rei.

Vera tamen est sententia Porphyrii, & cōmunis in schola. Sed tota difficultas, eius cōsistit in assignanda ratione, per

per quam sufficienter probetur prædicabilia non esse plura, aut pauciora, quam quinque, & diuersæ assignantur ad diuersis, nam quidam prædicabilia distinguunt per ea, de quibus prædicantur, alii per ea, quæ de re aliqua cognosci possunt, quæ videntur esse quinque. Sed rationes istæ insufficiētes mihi videntur : sufficiens vero, per quam probatur efficaciter prædicabilia non esse plura, nec pauciora quam quinque, ex modo formali prædicandi, aut se habendi in ordine ad subiectum sumenda est, quod sic probatur. Modus prædicandi, qui ex modo se habendi prædicati ad subiectum sumitur, est formalis ratio prædicationis, ergo erit etiam ratio formalis prædicabilium, sed essentialis distinctio rerum sumitur ex diuersis rationibus formalibus earum, ergo prædicabilia distingui debent per diuersos modos prædicandi.

Hoc igitur discursu probari debet, quod non sint plura, nec pauciora quam quinque. Ea quæ constituunt prædicabilia, in primis debent esse vniuersalia, quia prædicabile tanquam propria passio vniuersalis, cum eo conuertitur, sed vniuersale est vnum in multis, ergo nihil erit prædicabile, si non sit vnum. Ut autem sit vnum, simplex debet esse, hoc est, non complexum, quia complexum non est vnum, sed plura, ut homo albus, aut animal rationale. Præterea, si vnum est, vniucum erit, non æquiuocum, neque analogum : per primam igitur conditionem excluduntur prædicata complexa à ratione prædicabilis, ut definitio. Per secundam vero, æquiuoca, & analogica, ut canis, ens, accedens, & similia. Deinde, quod vnum est, hoc

est incomplexum, & vniucum, quinque tantum modis se habere potest in ordine ad subiectum, ergo quinque tantum modis potest de illo prædicari, quare quinque tantum erunt prædicabilia. Probatur antecedens, nam vel prædicatur essentialiter, vel accidentaliter, & si essentialiter, aut per modum totius actualis, quia totam essentiam subiecti actu continet, ut prædicatur homo de Petro, & Ioanne, & est prædicabile speciei, aut per modum totius potentialis, quod vere est pars materialis eiusdem speciei, & ideo contrahibile per differentias, tamquam per formas, & est genus, vel per modum partis formalis, actualis, & contrahentis, & est differentia. Si vero prædicetur accidentaliter, aut per modum eius, quod ab essentia procedit, & cum ea conuertitur, & est proprium, & si per modum accidentis extrinseci, aut communis, dicitur prædicabile accidentis, & cum non sint possibiles alii modi prædicandi, præter istos, & ad eos reduci possint omnes prædicationes ; sequitur quinque tantum esse prædicabilia, ita ut nec plura, nec pauciora. Pro solutione primi arg. notanda est differentia inter prædicabile, prædicatum, & predicamentum, quod prædicamentum est quædam ordinatio essentialis prædicabilium, secundum debitam subiectionem, & prædicationem à supremo genere, usque ad ultimam speciem, & indiuiduum, ut prædicamentum substantiæ est ordinatio hæc, substantia, corpus, viuens, animal, homo, Petrus.

Prædicata vero sumpsit Aristot. primo libro Topicorum, capit. 2. 3. & 4. per ordinem ad propositionem Dialecticam, seu probabilem,

D ; ex

Quæstio nona vniuersalium.

ex qua efficiatur syllogismus Dialecticus, aut probabilis, & quia forma syllogistica petit propositiones de subiecto communi (nam ex propositionibus singularibus non fiunt, nisi syllogismi expositorii, qui non habent modum, nec figuram, nisi per ordinem ad propositiones vniuersales) ideo sumit rationem prædicatorum ex ordine ad subiectum commune.

Ex quibus sequitur quatuor tantum esse prædicata, quod sic probatur. Species non est prædicatum, sed subiectum commune in ordine ad quam sumitur distinctio prædicatorum, quod ad id verum est, vt non sit aliud subiectum commune, præter illam. Quo supposito, vel prædicatum conuertitur cum specie, aut vniuersalius est; si conuertitur cum ea, vel est intra essentiam eius, & erit definitio, vt animal rationale, vel ex ea naturaliter sequitur, & erit proprium, vt risibile respectu hominis; si vero vniuersalius est specie, vel ad quiditatem eius pertinet, & est genus, aut extra illam est, & erit commune accidens, differentiam vero cum genere numerandam esse docet Arist. ca. illo 3. his verbis. *Differentia cum generalis sit, cum generi ordinanda est.* Et loquitur de differentia subalterna, quia hæc tantum generalis est, quia cum genere conuertitur, vt corpus cum corpore; si vero sit infima, ad definitionem reducitur. In distinguendis vero prædicatis, nihil dicitur de modis prædicandi in quid, aut in quale quid generis & differentie, quia in ordine ad propositionem Dialecticam, & syllogismum nullam distinctionem efficiunt: cum idem sit modus disputandi probabiliter in his propositionibus, in quibus

prædicatum est vniuersalius subiecto, & intra essentiam eius est, siue sit genus, vel differentia. Nec sunt diuersa prædicata complexa ab incomplexis, si eodem modo se habeant in ordine ad subiectum commune, quia eodem modo disputatur de propositionibus Dialecticis, ex utroque factis, & ideo definitio inter prædicata numeratur, quæ tamen à prædicabilibus excluditur propter complexionem.

Prædicabilia tandem in ordine ad prædicamenta sumuntur, & ideo definitio excluditur, quia prædicamentum ex solis simplicibus fit, genus vero, species, & differentia in eo collocantur. Numerus vero prædicamentorum ex diuersis modis essendi accipitur, quorum primus est modus essendi per se: modi vero essendi in alio, qui accidentibus conueniunt, non sunt, & ideo sequitur decem esse prædicamenta, quatuor prædicata, & quinque prædicabilia.

Et ad formam argumenti negandum est antecedens, quod prædicatum, & prædicabile solum distinguantur tanquam actus, & potentia, nam si prædicatum communissimè accipitur, non est actus prædicabilis, nec etiam si accipitur speciali modo, pro prædicato topico, sed solum se habet ad prædicabile sicut actus, si accipitur tali modo, nempe vt petit natura eiusdem prædicabilis. Secundum vero argumentum huius partis ex doctrina tradita solutum est.

Ad primum vero alterius partis respondeo, quod Porphyrius non distinguit genus ab specie per ea, de quibus prædicantur, nisi adiuncto tali modo prædicandi, ex quo essent.

essentialis distinctio prædicabilium sumenda est.

88 Ad secundum argumentum, respondent quidam, indiuiduum vagum non prædicari vniocè de Petro, & Ioanne, sed equiuocè, quia cum indiuidua talia sint per differentias indiuiduales omnino diuersas, nihil commune habere possunt, præter nomen. Ego vero probabilius esse teneo, quod à differentiis indiuidualibus possit abstrahi conceptus communis modalis, quia omnes conueniunt in eo, quod sint modi particularis, & substantiales, determinantes speciem, vnde ratio modi particularis in communi considerata, quam significat indiuiduum vagum, vnioca est respectu indiuiduorum. Ideo alio modo respondeo concedendo, quod indiuiduum vagum non prædicatur propriè in quid, sicut species, sed prædicatur modo simili, cum significet modum substantialem, & ratione huius similitudinis reducitur ad prædicabile speciei, quia cum non sit prædicatum naturæ, sed modi eiusdem naturæ, non debet pro eo poni distinctum prædicabile, sed ad prædicabile naturæ reduci. Et eo modo sentiendum est de actuali existentia.

39 Sed duo restant breuissima dubia, quæ aliquo modo pertinent ad numerum prædicabilium. Et ideò in fine huius quæstionis soluenda sunt. Primum est, an supposito, quod quinque prædicabilia sunt species vniuersales, Vniuersale sit genus immediatum eorum, vel remotum, ita vt inter illud, & prædicabilia detur aliud genus immediatum, sicut viuens dicitur remotum genus hominis, & equi, quia inter ipsum, & species has mediat

animal. Cui respondeo, non esse immediatum genus, sed remotum: quod hoc argumento probatur. A quocumque conuenientia essentiali abstrahi potest conceptus communis eis, quæ essentialiter conueniunt, sed prædicabilia conueniunt essentialiter in aliqua ratione inferiori vniuersali, ergo illius rationis dari poterit conceptus vniuersali inferior, qui prædicabitur de eisdem specie differentiibus, & ideo erit genus eorum immediatum, vniuersale vero remotum. Probatur minor, quia tria prædicabilia conueniunt in modo prædicandi intrinseco, aut essentiali, nempe genus, species, & differentia, & duo alia in modo prædicandi accidentali, nempe proprium, & accidens; ergo prædicabile essentialiter erit commune illis, & prædicatum accidentale erit commune his, & magis proximum, quam vniuersale, & quodlibet prædicatur de pluribus speciebus, illud de tribus, hoc de duobus; ergo erunt genera magis proxima, quam vniuersale, & consequenter non erit vniuersale genus proximum eorum, sed remotum.

90 Secundum dubium est, an quinque prædicabilia sint species subalternæ habentes sub se alias species, sicut animal, aut viuens, vel infimæ, non habentes sub se alias species, sed solum indiuiduæ, vt homo, vel equus, & reliquæ species infimæ aliorum generum. Si enim dicatur esse species subalternas, sequitur prædicabilia plura esse quam quinque, quia cum eis debebunt connumerari species, quas sub se habent; si vero sint infimæ, non erit maior numerus prædicabilium. Respondeo esse species infimas, quod

Tractatus de naturā entis rationis.

quod ita probō. Prædicabilia distinguuntur specie per diuersos modos prædicandi, sed isti modi non sunt diuisibiles in alios, ergo prædicabilia non habent alias species. Probatur minor, quia modus prædicandi generis est, quod prædicetur, vt pars materialis speciei, & per modum totius potentialis cōtrahibilis per dis-

ferentias, sed impossibile est dari genus, quod non prædicetur eodē modo, ergo modus iste non est diuisibilis in alios, & hoc est genus esse speciem infimam vniuersalis. Et idem arg. fit de cæteris prædicabilibus, quare nullum eorum species subalterna esse potest.

TRACTATVS DE NATVRA ENTIS RATIONIS, ET secundarum intentionum.



SEPTEM hoc ordine disputanda sunt de ente rationis. Primo, an sit. Secundo quid sit. Tertio, quōtuplex sit. Quarto, an à solo intellectu, vel ratione fiat, aut etiam ab alijs potentijs. Quinto, an à solo intellectu nostro, vel etiam ab Angelico, & diuino. Sexto, ad quam scientiam pertineat de eo agere. Postremum, quonam modo ad ordinem prædicamentalem reducat.

An ens rationis sit.

PAUCI quidam, & sine fundamento negant ens rationis esse, vt Vallesius controuersia 9. ad Tyrōn. & alij, idē non est opinio vocāda, nec tenenda; sed communis sententia totius scholæ, quod ens rationis sit. Vt autem eam intelligamus notandum est, duplex esse en rationis. Primum, quod directē, & per se fit à ra-

tione, vel intellectu, & in eo inhetet tanquam in subiecto, & hoc est operatio ipsius intellectus, & idē est ens reale, sicut operatio visus, & solum dicitur ens rationis, quia fit à ratione. Aliud est ens rationis, quod nō fit directē ab intellectu, nec per se, sed quasi per accidens sequitur operationem eius, vt si intellectus componat hanc propositionem, homo est animal, compositionem ipsam, quæ est operatio realis intellectus, sequitur denominationem propositionis, & prædicati, atq; subiecti, quæ denominationes non sunt aliud, quam relationes quædam rationis, totius propositionis compositæ ad prædicatū, & subiectum, tanquam ad partes, & eiusdem prædicati, & subiecti inter se, nam eo ipso quod vnum attribuitur alteri, illud dicitur prædicatum, & hoc subiectum. Et primum ens rationis, nōn propriē dicitur tale, cum sit ens reale, & idē nou agimus de eo, sed solum de secūdo, quod nō est

in

in aliquo tanquā in ſubieſto, ſed ſolū habet eſſe, dum cognoscitur ab intellectu, & ideo dicitur ſolum eſſe obiectiue in intellectu. De hoc ergo ente rationis eſt noſtra conſuſio, quod ſit in rerum natura, quæ colligitur ex Ariſtotele. 4. Meta. textu 3. lib. 4. textu 13. & 14. & lib. 6. textu 8. quibus locis docet ens vniuerſaliſſimum diuidi in illud, quod eſt in rebus, & aliud, quod non in rebus, ſed ſolū in mente dicitur eſſe. Quod eſt ſolū eſſe obiectiue in intellectu, & eandem conſuſionem ſequitur tota ſchola.

Probat̃ur ratiōe, quia intellectus componit propoſitionem ex duobus extremis, quæ non diſtinguantur à parte rei. vt ex homine, & Petro, & ex ſolo Petro ſc̃it̃ propoſitionem identicam, efficiens ipſum prædicatum, & ſubiectum, ſed diſtinctio, & attributio vnus ad alterum eſt ordinatio ad illud, & ordinatio eſt relatio inter illa, non realis: quia à parte rei, nec diſtinguitur Petrus à ſeipſo, nec ad ſeipſum ordinatur, ergo eſt relatio rationis, aut ens rationis, ſequitur ergo, quod ens rationis dicitur, & ſit.

Quid ſit ens rationis.

- 3 **C**irca eſſentiam entis rationis eſt prima opinio aſſerentiam, omnem denominationem extrinſecam eſſe ens rationis, vt denominatio à qua paries dicitur dexter, quia eſt à manu dextra hominis, aut lapis dicitur viſus, quia videtur à nobis. Quid probant 1. quia denominatio eſt opus rationis, ergo non datur ante operationem intellectus, ſed denominationes extrinſecæ nihil in rebus denominatis ponunt, præter denominationem ipſam, quam intellectus eſcit, ergo ſunt entia rationis. Proba-

ter minor; quia lapis nihil adquiret per hoc, quod ſit ad meam dexteram, niſi denominationem dextræ, & ſic de reliquis.

Secūdo, denominationes extrinſecæ ſunt relatiuæ, & non ſunt à relationibus realibus, ergo à relationibus rationis, quod eſt eſſe entia rationis. Maiorem ſic probō, quia per denominationes extrinſecas referuntur res denominatæ ad alias, vt paries dexter ad hominem, ad cuius dexteram eſt. Minorem vero, quia per tales denominationes nullam relationem realem acquirunt res denominatæ, vt paries ex eo, quod videatur, non acquirat relationem realem ad hominem cum videntem.

Sed hæc ſententia falſa eſt, probatur duobus argumētis. 1. ens rationis non habet aliud eſſe quam cognosci ab intellectu, & ideo non datur ante operationem intellectus, ſed denominationes extrinſecæ dantur ante operationem intellectus, ergo non ſunt entia rationis. Probat̃ur minor. Deus dicitur creator, & paries qui videtur ab aliquo animali dicitur viſus, non ſolum antequam cognoscantur ab intellectu, ſed etiam ſi nullus ſit intellectus in rerum natura, ergo denominationes extrinſecæ dantur ante operationem intellectus, & ideo non poſſunt eſſe entia rationis.

Secūdo, iſtæ denominationes (quæ uis non ſiant ab aliqua forma inherente in rebus denominatis, & ideo appellantur extrinſecæ) reales ſunt, ergo non ſunt entia rationis. Conſequentia euidentis eſt, quia ens rationis nihil habet reale, ſed ſolum cognosci ab intellectu: Sed antecedens probatur, quia Deus realiter dicitur creator, & paries realiter viſus. Ergo denominationes iſtæ ſunt reales.

Ad argumentum huius opinionis
D 5 diſtin-

Tractatus de natura entis rationis:

distinguedum est antecedēs , quod denominatio sit opus rationis. Nā de nominatio duplex est, quæ fit ab aliqua forma reali , siue inhæreat in re denominata, quales sunt denominationes intrinsecæ, aut in alia ab ea diuersa, vt denominationes extrinsecæ & istæ nō sunt opus rationis, nec ab intellectu depēdent, sicut nec dependet forma realis à qua hūt, quia si dependerent, sicut nō denominatur paries visus anteoperationē intellectus, nec denominaretur homo albus ab albedine, quod patet esse falsum. Alia est denominatio, quæ nō fit à forma reali, sed solum tribuitur ab intellectu rebus intellectis. Vt denominatio subiecti, aut prædicati, & de hac denominatione verum est, quod sit opus rationis, sicut forma à qua fit. Quæ est relatio rationis, dicitur fieri ab intellectu.

- 3 Secunda opinio asserit, non omnes denominationes extrinsecas esse entia rationis, sed eas tantum, quas res cognita accipit ab actu intellectus, per quem cognoscitur, & à quo denominatur intellecta, & cognita. Et vt vno verbo sensus huius opinionis declaretur, ens rationis asserit esse illud esse cognitum, quod acquirit res, quādo cognoscitur ab intellectu, quod patet esse extrinsecam denominationem.

Sed hæc opinio eisdem rationibus probatur falsa, quibus falsitas alterius probata est, quia non est minus realis denominatio cogniti (quamuis sit extrinseca) quam denominatio vi si in pariete, aut denominatio creatoris in Deo, ergo non potest esse ens rationis, quia ens rationis nihil reale habet.

Communis sententia duabus conclusionibus explicatur. Prima, ens rationis non est aliquid inhærens in re

bus denominatis, nec denominatio extrinseca ab aliqua forma reali existente in alio, sed sola denominatio, quam eis tribuit intellectus. Probatur hoc argumento: esse genus, aut esse speciem, non conuenit homini, aut animali à parte rei, sed has denominationes tribuit eis intellectus per comparisonem ad inferiora, ergo, nec sunt aliquid inhærens, nec sunt ab aliqua forma reali existente in alio. Probatur consequentia, quia id quod inhæret alicui, vel fit à forma inhærente in alio, conuenit illi à parte rei.

Secunda conclusio, licet ens ratio nis non sit aliquid inhærens, & ideo possit dici extrinseca denominatio, sed habet similitudinem cum forma inhærente, & propter hanc similitudinem potest dici de nominatio intrinseca. Prima pars huius conclusionis sequitur euidenter ex conclusione præcedente iam probata: secunda vero pars, quod possit dici denominatio intrinseca, propter similitudinem probatur, quia denominatio generis, speciei, prædicati, & subiecti, similes sunt denominationibus rebus proueniētibus à formis inhærentibus, vt denominationibus albi, & nigri, ergo sicut istæ sunt verè denominationes intrinsecæ, ita illæ possūt dici intrinsecæ per similitudinem.

Quotuplex sit ens rationis.

Prima diuisione diuiditur ens rationis, in illud quod habet fundamentum in re, & aliud, quod nō habet fundamentum. Sed verè impossibile est, ens rationis habens fundamentum esse denominatio illa, quæ attribuitur ab intellectu rebus tali modo ab eo cognitis, quam denominationem petit natura earum,

vt

ut tali modo cognita. Verbi gratia, dum cognoscit intellectus naturam humanam abstractam ab indiuiduis, & eam comparat cum eis, petit ut ita cognita denominationem speciei, & ideo talis denominatio est ens rationis, habens fundamentum in re.

Sed fundamentum hoc duobus modis intelligitur à diuersis modis. Primo, ita ut solum consistat in modo nostro intelligendi, qui ea quę vere non sunt distincta distinguit, & ea quę vere non sunt separata ab inferioribus, separat, vel abstrahit, nō tamen in rebus ipsis. Alii vero non solum in nostro modo intelligendi, sed in rebus ipsis cognitis fundamentum habere entia rationis affirmant.

- 5 Sed pro huius intelligentia notandum est primo, necessariū esse ad efficienda entia rationis, & attribuenda rebus cognitis, quod imperfecte cognoscantur, hoc est, per plures conceptus, cum tamē per vnum cognosci possent ab intellectu perfecte cognoscente. Exempli gratia, ut intellectus attribuat homini denominationem speciei, & prædicati huius propositionis, Petrus est homo, debet illum cognoscere quasi abstractum, aut separatum, atque distinctum ab eo, cum tamen à parte rei, non distinguatur, nec separatus sit. Hoc tamen sine mendacio facit, quia sine affirmatione, aut negatione, sed per hoc tantum, quod vnum cognoscit sine alio, & hoc prouenit ex imperfecto modo cognoscendi, quia non totum simul, sed quasi per partes cognoscit, vel per diuersos gradus. Ut dum distinguit in anima rationali, gradū vegetandi, sentiendi, atque intelligēdi, cum tamen anima ipsa sit simplex quædam substantia.

Secundo notandum est, in rebus ipsis cognitis dari etiam fundamentum, ut cognoscantur distinctę, aut ut eis attribuat talis denominatio, quę dicitur ens rationis, ut in rebus compositis ex materia, & forma reperitur vnitas formalis, quā tribuit eis forma, & etiam vnitas numerica, quę ex hac materia, & forma sumitur, aut si ex sola forma diuersa ratione, ac sumitur numerica, quia formalis sumitur à forma, ut est principium, & radix prædicatorum essentialium, numerica vero ab eadem, ut est principalis pars componens, ex hoc ergo reperitur fundamentum in natura humana, ut intelligi possit, in ea vnitas formalis, non intellecta vnitate numerica, quod est abstrahi ab indiuiduis, atque etiam, ut cum multis eorum comparetur, & denominetur species, aut cum vno tantum per modum attributionis, & denominetur prædicatum.

His suppositis, nostra sententia explicatur duabus conclusionibus, prima est, ens rationis aliquando habet fundamentum, non solum in nostro modo intelligendi imperfecto, sed in rebus ipsis, quę ex propria natura habent fundamentum, ut eis tribuatur talis denominatio. Probatur vnicō argumēto ex doctrina tradita, nō solum in nostro modo cognoscendi imperfecto, sed in rebus quas concipimus, datur aliquando fundamentū, ut possit in eis cognosci vnum sine alio, ergo datur fundamentū, ut possint eis tribui denominationes, quę sunt entia rationis. Probatur antecedens. In natura humana, in qua datur fundamentū cognoscēdi vnitatē formalem, non cognita vnitate numerica, ergo datur fundamentum abstrahendi eam ab indiuiduis, & comparandi cum multis, comparatione simpli-

Tractatus de naturā entis rationis.

simplici, & attribuendi ei denominationem speciei, aut eum vno tantum comparatione composita, per modū attributionis, & tribuendi illi denominationem prædicati. Secundo in anima rationali, in qua datur fundamentum distinguendi gradum vegetatiuum, sensitiuum, & rationalem; & hoc fundamentum non est aliud, quam eminentia, seu perfectio eius, ratione cuius sub gradu formæ superioris non dependentis à materia cōtinet alios gradus, qui in diuersis formis inferioribus reperiuntur.

7 Secunda conclusio. Entia rationis aliquando non habēt fundamentum in rebus quibus attribuuntur, sed in aliis, aut in solo modo nostro intelligendi imperfecto. In hac conclusione conueniunt omnes, & probatur duplici exemplo, primo in Deo, in quo distinguimus iustitiam à misericordia, non propter fundamentum in eis existens, sed in creaturis, in quibus virtutes istæ distinctæ sunt. Secundo in propositionibus, quæ dicuntur identicæ, quia idem prædicatur de seipso, vt in hac, Petrus est Petrus, in qua intellectus distinguit Petrum à seipso, eum faciēs quasi duos, & tribuit illi denominationem prædicati, & subiecti, cuius distinctionis nullum est fundamentum in eo, sed solum in modo cognoscendi imperfecto, qui distinguit quasi in duo extrema illud, quod in se nec distinctū est, nec habet fundamentum, vt à seipso distinguatur.

Ex his conclusionibus sequitur, distinctionem rationis duplicem esse, vt communis consensus scholæ asserit. Vna est, quæ habet fundamentum in rebus ipsis, & hæc dicitur distinctio rationis ratiocinata, quam ponimus inter vniuersale, & singularia, & inter diuersos gradus, vegetandi, sentiendi, & intelligendi animæ ra-

tionalis: alia est distinctio non habēs fundamentum in re ipsa cognita, sed in aliis, aut solum in nostro modo cognoscendi imperfecto, vt ea, quam ponimus inter Petrum, & seipsum prædicatur in propositione idérica. Et hæc de entibus rationis habētibus fundamentum in rebus.

Alia sunt entia rationis, quæ nullum habent fundamentum in rebus, sed ex quibusdam impossibilibus ab intellectu coniunctis finguntur, vt chimera, & hircoceraus, ex impossibilibus coniunctis fieri dicimus, non quod impossibilia in se sint, hoc enim non est necessarium, sed quia licet possibilia sint, coniunctio tamen impossibilis iudicatur, & hoc modo dicitur chimera impossibilis, quia ex rebus diuersæ speciei, vt ex parte aliqua hominis, & ex alia parte leonis, alteriusve animalis quasi composita fingitur. Et huiusmodi entia rationis in infinitum possunt multiplicari ab intellectu, sicut infinitis modis potest res diuersæ speciei coniungere.

Secunda diuisio entis rationis, quæ si sub diuisio est primi membri, nam ens rationis habens fundamentum in rebus diuiditur in tria mēbra, nempe, in negationem, priuationem, & relationem, quam diuisionem insinauit Aristoteles 4. lib. Meta. textu 2. & li. 5. cap. 7. textu. 14. asserens priuationem, & negationem esse non entia, vt significet non esse vera entia realia, sed ad similitudinem eorum facta ab intellectu. Et in secundo loco præter vera entia, quædam alia esse docet, non tam vera secundum entitatem, quam secundum veritatem prædicationis, tam affirmatiuæ, quæ negatiuæ, quæ non possunt esse, nisi entia rationis, quæ vocantur priuationes, & negationes. De relatione vero rationis egit cap. 15. eiusdem lib.

libri explicans relationes tertii generis mensurabilis, & mensuræ, docensque mensuram referri ad mensurabile, non per relationem intrinsecam, sed extrinsecam mensurabilis ad ipsam, cum tamen certum sit, nihil posse ad aliud ordinari, nisi per relationem in se existentem, quam certum est etiam non habere mensuram in se, quæ potius est res absoluta. Intelligit ergo Aristoteles referri, per relationem factam ab intellectu eandem mensuram ordinatæ ad mensurabile, ac si ex propria natura ordinaretur. Eandem divisionem videtur colligere ex his locis D. Tho. quæst. 21. de veritate ar. 1. d. 1. quæst. 1. ar. 3. & d. 19. q. 1. art. 1. & est iam communis in schola.

Sed circa negationem, & priuationem duo sunt adnotanda, ut eorum natura, & distinctio intelligatur: primum est, duobus modis posse utramque considerari, primo secundum se, aut secundum suas essentias, nempe, ut sunt negationes alicuius formæ realis, & in hac significatione dicuntur ab Aristotele non entia realia, quia cum ens reale habeat esse ab aliqua forma reali, negatio aut priuatio, quæ formam realem negant, consequenter dicuntur negare ens reale, & ideo, non esse entia realia, sed potius non entia ut Aristoteles 1. & 5. li. Physicorum docuit. Quod de ente simpliciter intelligendum est, nam negationes formæ realis entia realia secundum quid vocantur, hoc est, non positiua, sed negatiua. In hac etiam significatione docuit Aristoteles 1. lib. Physicorum de priuatione, quod sit principium rei naturalis. Et de negationibus docet D. Thom. in opusculo de ente, & essentia, quod sint de essentia naturæ realis. Ut de essentia hominis est esse non equum, aut

non inhibilem. In hac tandem significatione sumptæ, verum est, & necessarium, quod detur ante operationem intellectus, & ab eo non dependant. Probatur evidenter, quia non potest priuatio esse principium generationis naturalis, si dependeat ab intellectu, ante cuius operationem certum est eandem generationem dari. Nec potest esse negatio de essentia naturæ realis, si non detur ante operationem intellectus hoc modo sumpta.

Alio modo sumi possunt priuatio, & negatio, ut attribuantur rebus in propositione, & hoc modo non accipiuntur secundum rationem negationis, & priuationis, sed ad similitudinem formæ positiuæ, quia quod alteri attribuitur, forma positiua esse debet, aut similitudinem eius habere, & quia sumi per modum formæ positiuæ non habent ex se, sed solum ab intellectu, ideo hoc modo sumptæ, ab eo dependent, ante operationem eius non dantur, neque villo modo possunt esse entia realia, sed sunt entia rationis. Quod hoc expello explicare possumus, dum dicimus hominem esse cæcum, non sumimus cæcitatem ut negationem, seu priuationem visus, quia hoc modo sumpta, non proprie dicitur esse in alio, sed potius tollere formam ab eo, ergo nec ut priuatio est, alteri attribuitur in propositione, sed in quantum concipitur ad similitudinem formæ positiuæ, & cum hoc habeat à solo intellectu, ab eo etiam necessario dependere dicitur, & ante operationem eius non dari, quæ sunt conditiones propriæ entis rationis.

Secundo notandum est pro intelligenda distinctione priuationis à negatione, quod in vno conueniunt, & in alio distinguuntur: conueniunt in eo, quod utraque est negatio formæ realis

Tractatus de natura entis rationis.

realis in subiecto. Diferunt vero, quia negatio solum negat formam in subiecto, siue sit aptum eam habere, siue non, priuatio vero dicit negationem formæ non in quocunque subiecto, sed apto habere illam, unde non dicitur lapis cæcus, etiamsi non habeat visum, quia non habet aptitudinem habendi illum, sed bene homo, vel animal, in quibus si non sit, est tamen aptitudo habendi visum.

Ex quibus intelligitur, quonammodo distinguantur priuatio, & negatio, distinguantur enim distinctio ne formali, quæ vocari solet includentis; & inclusi, quia priuatio includit negationem, & addit supra illam ordinem ad determinatum subiectum aptum habere formam, quæ caret, cum tamen negatio non dicat ordinem, nisi ab subiectum non habens, siue aptum sit habere, vel non.

Ex his, quæ de dineritate entium rationis dicta sunt, sequitur non esse absolute asserendum, quod ens rationis, sit ens constitutum ab intellectu, sed solum esse veram hanc locutionem, de ente rationis non habente fundamentum in rebus, quibus attribuitur. Vt de chimera, aut hircoceruo, non vero de iis, quæ habent fundamentum. Et huius ratio est manifesta, quia fingere solum dicitur ille, qui sine aliquo fundamento loquitur: locutio vero aliquomodo fundata in veritate, aut natura rerum non proprie dicitur ficta, sed si proprie loquendum est de his entibus rationis. Dicendum est, quod facta sint ab intellectu, præsupposito fundamento in rebus.

Per quam potentiam, & operationem fiat ens rationis.

AD hoc dubium respondent aliqui, non solum intellectum efficere entia rationis, sed etiam sensus interiores, præsertim imaginationem, vel phantasiam, de qua scimus fingere montem aureum, qui cum non detur in rerum naturæ, vocabitur ens fictum ab imaginatione, quod est ens rationis.

Nos vero sub distinctione respondendum esse asserimus, nam entia rationis ficta, hoc est non habentia fundamentum in re, non solum ab intellectu, sed phantasia fieri possunt: ea vero, quæ habent fundamentum, solum ab intellectu. Et de primis patet fieri à phantasia quasi componente vnum aliquid non existens in rerum natura ex duobus vere existentibus, vt ex speciebus montis, & auri componit montem aureum, quod non potest fieri ab aliquo alio sensu, nec à voluntate, aut appetitu, quia non habent talem virtutem componendi. Entia vero rationis, quæ habent fundamentum in rebus, non possunt fieri ab alia potentia, sed à solo intellectu. Et ratio huius est, quia hæc entia rationis sunt determinationes quædam, vel relationes, quas intellectus tribuit naturis iam cognitis à se per aliam cognitionem, unde quasi per cognitionem reflexam fieri dicuntur, sed nulla alia potentia præter intellectum habet hanc virtutem reflexiui, per quam possit sumere pro obiecto rem, vt à se cognitam alia cognitione, ergo nec habebit virtutem efficiendi entia rationis, maior est manifesta ex his, quæ diximus in quæstione s. vniuersali



uersali de modo, quo vniuersale fit ab intellectu per simplicem comparisonem. Duximus enim comparisonem esse cognitionem, per quam intellectus quasi reflectitur supra naturam iam cognitam per simplicem abstractionem, & naturam ita cognitam comparat ad inferiora. Minor vero manifesta est, quia reflectio hæc non potest conuenire voluntati, quæ nihil cognoscit, sed tendit in obiectum cognitum ab intellectu: nec minus potest tribui sensibus, quorum cognitio imperfectissima est, & ideo non possunt operari circa rem, vt à se iam cognitam, quamuis possit contingere, quod eandem rem iam cognitam, iterum cognoscant, non tamen cognitione reflecta, sed pluribus cognitionibus quasi directis.

Sed iam, quod à solo intellectu fiant entia rationis, poterit quis dubitare, per quam operationem eius fiant: per primam, quæ est apprehensio simplicium; aut per secundam, quæ est compositio, & diuisio, vel per discursum, qui est tertia. Respondent quidam non posse fieri per primam, & probant hac ratione: Entia rationis fiunt per comparisonem naturæ cum inferioribus, aut prædicati cum subiecto, sed omnis comparatio est compositio, aut diuisio, & actualis prædicatio, ergo non possunt fieri per simplicem apprehensionem.

Communis tamen sententia à nobis sequenda tenet, (vt vidimus in quæst. 5. vniuersali) quædam entia rationis fieri per primam operationem intellectus, alia per secundam, & quædam alia per tertiam. Quod hoc argumento probatur. Quædam entia rationis conueniunt simplicibus, priusquam ex eis fiat composi-

tio: alia conueniunt eisdem simplicibus, vt sunt iam in compositione, vel ipsi compositioni: alia denique compositionibus, vt sunt in syllogismo, ergo per singulas has operationes fiunt diuersa entia rationis. Prebatur antecedens, quia per simplicem comparisonem naturæ cum inferioribus fit ens rationis, quod est vniuersale, fit etiam genus, & species, quæ omnia conueniunt prædicabilibus, priusquam actu prædicentur, ergo priusquam ex eis fiat propositio, quare necesse est fieri per simplicem apprehensionem, per quæ cognoscimus vnum in ordine ad alterum. Nam hæc simplex cognitio prior est compositione. De entibus rationis, quæ conueniunt compositioni, & discursui manifestum est fieri per secundam, & tertiam operationem intellectus, & talia sunt denominatio prædicati, & subiecti, atque etiam propositionis: & præterea denominationes argumentationis, & syllogismi.

Ad argumentum vero alterius opinionis negandum est, quod omnis comparatio sit compositio, aut diuisio, cum probatum sit in quæstione 5. vniuersali, dari comparationem, quæ sit simplicium apprehensio, per quam cognoscimus vnum in ordine ad aliud, vel ad multa.

An entia rationis fiant ab intellectu diuino, vel angelico.

Prima opinio affirmat diuinum, & angelicum intellectum efficere entia rationis, quæ tenet modum quidam. Et probatur primo testimonio D. Thome, p. quæst. 15. art. 2. ad 3. vbi habentur hæc verba, *Huiusmodi*

Traſtatus de natura entis rationis.

reſpectus , quibus multiplicatur *idea* , non cauſantur a rebus , ſed ab intellectu diuino comparante eſſentiam ſuam ad res , &c. Ex quibus hoc argumentū colligitur. Diſtinctio idearum in Deo nō eſt realis , cum ideæ conueniāt eſſentia diuinæ , in qua non poteſt eſſe diſtinctio realis , ergo ſolum eſt diſtinctio rationis , ſed diſtinctio rationis eſt relatio rationis , ergo ens rationis fit ab intellectu diuino ſecundum mentem D. Thom. Probatur conſequentia , quia dicit diſtinctionē idearum , cauſari ab intellectu diuino.

Probatur etiam duplici ratione. 1. intellectus diuinus cognoscit perfectiſſime entia rationis , ſed entia rationis non habent aliud eſſe , quam cognosci , ergo habent eſſe ab intellectu diuino , quod eſt fieri ab eo.

Secundo , intellectus diuinus diſtinguit ea , quæ à parte rei non ſunt diſtincta , ſed hoc non poteſt fieri , niſi efficiendo ens rationis , ergo diuinus intellectus efficit entia rationis. Maior eſt manifeſta , quia diſtinguit ſuā iuſtitiam , & miſericordiam , atque etiam ideas in ſe exiſtentes , quæ nō diſtinguntur à parte rei. Sed probatur minor , quia diſtinguere ea , quæ non ſunt diſtincta , fit per relationem rationis , quæ eſt ens rationis.

Secunda opinio aſſerit , diuinum intellectum non efficere entia rationis , & hæc eſt probabilior , & tenenda. Quam explico duabus conſolutionibus. Prima , intellectus diuinus perfectiſſime cognoscit entia rationis , quæ ſunt ab intellectu noſtro. Hanc omnes concedunt , & probatur euidentē ratione. Entia rationis ſunt ab intellectu noſtro , ergo cognoscuntur ab eo , ſed quidquid ab intellectu cognoscitur cōtinetur ſub obiecto eius , ergo entia rationis continentur ſub obiecto intellectus noſtri , ſed obie-

ctum diuini intellectus non eſt minus vniuerſale , quam noſtrum , ſed diſtincta , & imperfectiſſima comprehendit , ergo non minus continet entia rationis , nec minus ea cognoscit.

Secunda conſolutio , diuinus intellectus nullum ens rationis facit , ſed nec poteſt illud facere : quam vt probemus , ſupponendum eſt , quod ad efficiendum ens rationis duæ ſunt imperfectiones neceſſario requiſitæ in modo intelligendi. Prima , quod res , quæ non ſunt à parte rei diſtinctæ , ſed vnum , diſtinguatur ab intellectu , & per plures conceptus concipiuntur .

Secunda , quod obiectum reſentetur intellectui , & ab eo intelligatur , non ſicut ſe habet in ſe , aut à parte rei , ſed alio modo. Vtraque conditio manifeſtatur hoc exemplo. Vt intellectus efficiat naturam vniuerſalem , genus , aut ſpeciem , neceſſe eſt , vt eam diſtinguat ab inferioribus , à quibus non eſt diſtincta , & eam ab eis abſtrahat , cum non ſit ſecundum ſe abſtracta , ſed à parte rei ſit eis cōiuncta , & hoc eſt alio modo eam intelligere , ac eſt à parte rei , hoc eſt pluribus cōceptibus , atque diſtinctis intelligere ea , quæ à parte rei ſunt vnum . Sed vtrumque facit intellectus ſine mendacio , quia ſine affirmatione , & negatione . Et quod de his entibus rationis dicimus , euident eſt in cæteris .

Ex his colligitur hoc argumentū , ad probandum efficaciter noſtram ſententiam. Entia rationis non poſſunt fieri ab intellectu , niſi diſtinguēdo ea , quæ à parte rei , aut ſecundum ſe non ſunt diſtincta , & concipiēdo per plures cōceptus ea , quæ in ſe ſunt vnum , atque etiam alio modo ea intelligendo , ac ſe habent à parte rei , ſed modus ſic intelligendi eſt imperfe-

perfectissimus, & qui non potest conuenire intellectui diuino, ergo nec poterit efficere entia rationis. Probat minor, nam diuinus intellectus vnica cognitione, & vnico conceptu, & simplicissimo intelligit omnia, & secundum eundem modum, quem habent à parte rei, vt si sint vnum, cognoscit ea per modum vnius; si vero sint distincta, tanquam distincta; ergo non potest ei conuenire talis modus imperfectus intelligendi, per quē necessario debet fieri ens rationis, & ideo nec poterit illud efficere.

II Ad argum. alterius opinionis respondeo, & 1. ad testimonium D. Tho. sensum eius ex alio loco colligi, nempe ex quæst. 17. de potentia artic. 6. vbi docet distinctionē rationis, quæ reperitur inter diuina attributa, vt inter iustitiam, & misericordiam, aut inter ideas, diuerso modo reperiri in intellectu diuino, & nostro, quia in illo reperitur tanquam in radice, & quasi virtualiter, in nostro vero formaliter. Quod hoc modo explicandum est, idea non est aliud, quam essentia diuina prout participari potest à creaturis. Et cum plures creaturæ sint distinctæ secundum essentiam, distinguimus in ea plures ideas. Ita vt ea ratione, qua potest participari ab homine, sit idea hominis, & non leonis. Et vt participari potest à leone, sit idea leonis, & non elephantis, & sic de cæteris. Quamuis autem diuinus intellectus intelligat essentiam diuinam, vt inuitabilē ab omnibus creaturis vnico, ac simplicissimo conceptu, & ideo non distinguat in ea plures ideas, per illum tamen vnicū cōceptum intelligit, quod à nostro intellectu imperfecto modo eā concipiente. hoc est per plures, ac distinctos conceptus, distinguatur in plures ideas, hominis, leonis, & alia-

rum rerum, nam vnico conceptu intelligimus nos essentia diuinam, vt participari potest ab homine, & per aliam conceptū distinctiua, vt participari potest à leone, & hoc est distinguere in essentia diuina plures ideas distinctione rationis, & ideo efficere entia rationis intelligendo diuinas ideas.

Ex quibus intelligitur differentia inter diuinum intellectū, & nostrū, quod ille non distinguit ideas in essentia diuina distinctione actuali, aut formali, sed fundamentali, aut virtuali, in quantū cognoscit distingui posse à nostro, noster vero intellectus actualem distinctionē rationis inter ideas facit, & quia omnis nostra intellectio causatur, & regulatur per diuinā, docuit D. Tho. intellectum diuinum causare distinctionem idearum non efficiendo eam actualiter, sed solum virtualiter, in quantū intelligit essentiam diuinā, vt intelligi potest à nostro intellectu per plures cōceptus, & ideo distingui possunt à nobis plures ideas; quā distinctionē à nobis factam, causat intellectus ipse diuinus per suam intellectionem, & illa est sensus illius testimonii.

Ad 1. arg. concedendum est antecedens, quod diuinus intellectus, per perfectissima cognitione cognoscat entia rationis, sed neganda est consequentia, quod ea faciat; & ratio est, quia non cognoscit res cum duabus illis imperfectionibus necessario requisitis ad efficiendā entia rationis. Et vt vno verbo solutionē declaremus, accendū est, diuinū intellectū nō cognoscere entia rationis, cognitione factiua eorū, sed cognitione, per quam facta à nobis intelligit.

Ad 2. distinguenda est maior, quia distinguere ea quæ nō sunt distincta duobus modis potest intelligi. Primo
E effi-

Tractatus de natura entis rationis!

efficiendo actualem distinctionem in ter. ea, & in hoc sensu neganda est: alio modo solum efficiendo distinctiorem, quasi virtualiter, aut fundamētaliter, & hoc modo concedi potest: nam cum intellectus diuinus intelligit ea, quæ nō sunt distincta, ut distincti possunt à nobis imperfecte cognoscentibus per plures cōceptus, virtualiter dicitur efficere distinctionē, quam noster intellectus facit actualiter, in quātum intellectio nostra causatur, & regulatur per diuinā. Et quæ de diuino intellectu dicimus, de angelico, etiam suo modo intelligi debent, qui cum perfecte intelligat, nō dicitur facere entia rationis, sed ea cognoscere à nobis facta.

Ad quam scientiam pertineat agere de ente rationis.

DVabus distinctionibus præsuppositis respondendum est huic dubio. Prima est, quam superius adduximus de ente rationis habente fundamentū in rebus, & non habēte tale fundamētū, & de hoc secūdo certū est ad nullam scientiā per se pertinere. Quod duobus argum. prob. 1. nam ea de quibus scientia per se agit, determinata esse debēt, sed entia rationis, quæ nō habent fundamētum, possunt in infinitū multiplicari ab intellectu, ergo nulla scientia potest per se agere de illis. 2. illud de quo agit scientia debet habere determinata principia, per quæ probentur de illo determinatæ passionēs, sed hæc entia rationis nō habent determinata principia, ergo nulla scientia potest agere per se de illis. Minorem probō quia componuntur ex rebus disparatis, aut specie diuersis, ergo ex eis hō potest sumi determinatum principium, nec tale cōpositum impossibile potest habere determinatas passionēs.

Alia distinctio est entis rationis habentis fundamentum in re, quod si sit relatio rationis, duobus modis cōsiderari potest. 1. secundum se, aut secundum propriā entitatē, & hoc modo pertinet ad Metaphysicam, nō per se, quia obiectū per se huius scientiæ est ens reale. sed quasi per accedēs, in quantum habet quandā similitudinē cum relatione reali, de qua per se agit hæc scientia. Secundo potest considerari, ut est denominatio naturæ, cui attribuitur, ut denominatio generis, speciei, prædicati, & subiecti, & secundum hanc considerationem dicitur ens rationis logicum, de quo agit per se Logica, tanquam de proprio obiecto. Si vero sit priuatio, aut negatio, ad illam scientiam reduci debet, quæ per se agit de forma, aut essentia, quam negat, vel quā priuat, ut priuatio formæ naturalis pertinet ad philosophiam, tāmquam vnam ex tribus principis naturalis generationis, ut docet Aristoteles 1. lib. physicorum, & negatio quæ est de essentia huius, aut illius naturæ, reduciatur ad scientiā, quæ per se agit de tali natura, ut nō esse equum ad scientiam de homine, & sic de ceteris.

Quonam modo ens rationis reducatur ad ordinem prædicamentalem.

DE ente rationis non habēte fundamētum in rebus certum est, nō posse reduci ad ordinē prædicamentalem, quia componitur ex rebus diuersis secundum essentiam, & ideo non habet vnam aliquam determinatam naturam, secundum quā possit in prædicamento ordinari. De ente autem rationis habente fundamentum quantum ad priuationem, & negationem, etiam est certum habere quandā similitudinē cum qualitatibus. Quod sic probō. Priuatio,

& ne-

& negatio sunt entia rationis, ut considerantur ab intellectu tāquam forme positivæ, & attribuantur alicui subiecto in propositione, ut dū dicimus, Hominem esse cæcū, sed ita consideratæ habent similitudinem cum qualitatibus, ergo ad prædicamentum earum reducuntur. Probat, minor, quia sic prædicatur cæcitas de homine, sicut albedo, aut color; ergo similitudinem habet cum his, & aliis qualitatibus.

Solum restat relatio rationis, quæ possit ordinari in speciali prædicamento. Quid tamē nō erit propriū, quia prædicamentum propriè ex solis entibus realibus fieri potest, sed maximam habebit similitudinem cū vero prædicamento ad aliquid ex relationibus realibus ordinato. Prædicamentum igitur relationis rationis sic ordinandum est, ut supremum genus sit relatio rationis (nam ens rationis uniuersalissimū ab hoc prædicamento excludi debet propter transcendentiam, sicut ens reale excluditur ab omnibus prædicamentis realibus) quod diuidi potest in tria genera, siue species subalternas secundum diuersa fundamenta, quæ sunt diuersæ operationes intellectus. Ut apprehensio simplicium, compositio,

diuisio, atque discursus. Quæmadmodū Aristot., diuisit supremum genus prædicamenti ad aliquid, quod est relatiuum, vel relatio realis, per diuersa fundamenta. Ita ut primum genus sit relatio, quæ fundatur in unitate, ut relationis identitatis, similitudinis, & æqualitatis. Secundum, relationum quæ fundatur in actione, & passionē, ut paternitas, & filiatio. Tertium, earum, quæ fundatur in mensura, ut sunt relationes scientiæ ad seibile, & potentie ad obiectum. Ita ergo diuisa est relatio rationis, in eam quæ fundatur in cognitione simplicium, & eisdem simplicibus attribuitur, & hoc est primum genus habens sub se diuersas species, ut relationis uniuersalis, generis, speciei, & aliorum prædicabiliū. Deinde in eam, quæ fundatur in compositione, & diuisione, ad quod genus pertinent varix species propositionum; & tandem in eam, quæ fundatur in tertia operatione, quæ est discursus, sub quo genere continentur diuersæ species argumentationum, & syllogismorum. Itaq; hæc tria genera habent sub se alia, usque ad species infinitas, ex quibus omnibus sic ordinatis resultat prædicamentum proprium entis rationis.

TRACTATVS DE MODO, QVO prædicationes fiunt in concretis & abstractis primarum, & secundarum intentionū.

AD finem tractus præcedētis diximus de ente rationis agere Dialecticam, ut est relatio quædam, aut denominatio attributa naturis ab intellectu. In qua acceptione vocatur ens rationis logicum. Ideo in hoc tractatu secundo agendum est de

modo, & ordine, quem habet ad prædicationes concretorum, & abstractorum, in quibus denominationes exercentur, quas naturæ accipiunt ab eo. Et quoniam prædicationes possunt fieri in primis intentionibus, quæ sunt naturæ reales, atque etiam in secundis, quæ sunt entia rationis,

Tractatus de prædicationibus abstractorū.

in duas partes diuidemus præsentem tractatū: ita ut in prima tractetur de prædicationibus concretorū, & abstractorū primæ intentionis, & in 2. de eisdem abstractis, & concretis secundarum intentionum.

- 13 Et in primis intentionibus quatuor modis exerceri possunt, 1. ita ut concretum prædicetur de concreto, ut homo est animal. 2. abstractum de abstracto, ut humanitas est animalitas. 3. abstractū de concreto, ut homo est humanitas. 4. concretū de abstracto, ut humanitas est homo. Et ut ea, quæ sunt certa supponamus, quantum ad veritatem, & falsitatem propositionū, de his tantū propositionibus loquendum est, in quibus prædicatū, & subiectū aliquo modo sunt ordinata, ita ut se habeant tanquā superius, & inferius, aut tæquā equalia, quorū vnū pertinet ad alterū, quia in eoincluditur, vel propria passio eius est, vel commune accidens.

Quibus explicatis, certū est primo, veram esse illā propositionē, in qua concretū prædicatur de concreto inferiori, aut superiori, vel etiā æquale, siue sit de essentia eius, aut propria passio, vel commune accidens: tales sunt istæ, homo est animal, homo est rationalis, homo est risibilis, homo est albus, veræ etiā sūt aliæ, in quas cōuertitur istæ, sed indirectæ, atque improprie.

Secundo certū est, propositiones in quibus abstractū prædicatur de concreto, aut concreto de abstracto, falsas esse, siue se habeant tanquā superius, & inferius, vel sint æqualia, ut homo est humanitas, homo est rationalitas, aut risibilitas, vel albedo. Et ratio huius est manifesta, primo propter diuersum modū significandi terminorum, quia abstractum significatur per modū partis; concretum vero per modum totius; pars autem nō

prædicatur de toto, ut pes, vel manus de homine. 2. quia subiectū in eisdē propositionibus aliquid includit, quod nullō modo includit prædicatū, ut albedo, vel cōtra aliquid includit prædicatū, quod nō includit subiectū, ut in propositionib⁹ indirectis ex eisdem terminis factis, quod sufficit, ut nō sit verū, quod vnū sit aliud, ut significatur per propositionem.

Ex quo sequitur falsam esse sententiā Soti. q. 3. vniuersaliū, assertentis, propositionē in qua prædicatur abstractū de concreto, ut homo est humanitas, solū esse falsam propter diuersum modum significandi terminorū, sed falsæ etiā sunt propter inclusionē alicuius in vno, & nō in alio, quia ut suo loco videbim⁹, nō potest esse vera propositio aliqua, nisi totū quod includitur in subiecto, aliquo modo includat prædicatum.

Secundo sequitur magis falsam esse sententiā Duran. in 1. d. 24. q. vltima. Vbi regulam vniuersalē assignauit dicēs, in creatoris veras esse omnes propositiones in quibus prædicatur abstractū substantiale de concreto substantiali, ut homo est humanitas, quāuis sint falsæ in concretis, & abstractis accidentalibus, ut homo est albedo, & aliæ similes.

Tertio certū est, propositiones in quibus abstractū generis prædicatur de abstracto differentie, vel cōtra, abstractū differentie de abstracto generis, ut rationalitas est animalitas, vel animalitas est rationalitas, falsas esse. Et ratio huius est, quia gradus generis, & differentialis formaliter sunt diuersi, & in abstracto significati, nō se includūt, quia nequā animalitas includit rationalitatem, nequā rationalitas animalitatem, ergo nequā prædicatur formaliter de altera. Probatūr cōse-

quon-

quentia, nam vt propositio vera sit prædicatum debet includi in subiecto.

An abstractum superius prædicatur de abstracto inferiori.

Solū potest esse quæst. de propositionibus, in quibus abstractū superius prædicatur de abstracto inferiori, aut æqualis; sed istæ duobus modis sumi possunt, nempe in terminis accidentalibus, aut essentialibus. Et si in accidentalibus fiant, certum est omnes esse falsas. Vt humanitas est risibilitas, aut humanitas est albedo. Et ratio huius est, quia prædicatum, & subiectum harum propositionum sæpe distinguuntur realiter, & nunquam includitur vnum in altero, nam licet homo includat albedinem, tanquam subiectum eius, sed humanitas, cum significetur vt forma, non est subiectum accidentium, neque ea includit, vt significata in abstracto. Solum ergo potest esse quæstio de propositionibus abstractorum, quæ fiunt in terminis substantialibus, quales sunt istæ, humanitas est animalitas, humanitas est rationalitas, an veræ sint, vel falsæ.

Et prima opinio asserit esse veras, quam secuntur Scotus quæst. 3. vniuersalinm, Canterus cap. de differentia, & ex modernis multi. Et probatur duobus argumentis. 1. illa propositio in qua concretum superius prædicatur de inferiori, vt homo est animal, est vera, quia prædicatum includitur in subiecto, vt animal in homine, sed etiam abstractum superius includitur in abstracto inferiori, vt animalitas in humanitate, ergo vera erit hæc, humanitas est animalitas.

Probatur minor, quia humanitas componitur ex animalitate, & rationalitate, sicut homo ex animali, & rationali, ergo includit vtramque.

Secundo probatur, in formis substantialibus, & accidentalibus. Et primo in substantialibus, quales sunt anima rationalis, & sensitua, ex quibus hæc est superior, & illa inferior, & vtraque significatur nomine abstracto, & tamen vera est hæc, anima rationalis est sensitua, ergo vera etiam erit, humanitas est animalitas. Probatur consequentia, nam ideo forma superior prædicatur de inferiori, quia in ea includitur, sed animalitas est forma superior respectu humanitatis, ergo includitur in ea, & consequenter vere prædicabitur. In formis etiam accidentalibus quales sunt albedo, & color, manifestum est, nam hæc est vera apud omnes, albedo est color, & prædicatur in ea abstractum superius de abstracto inferiori, sicut: alia, humanitas est animalitas, ergo vera etiam est hæc, & concedenda.

Secunda opinio tenet, tales propositiones esse falsas. Quam sequitur Scotus in 1. di. 5. quæst. 1. arti. 1. Niphus 3. Meta. quæst. 2. conclus. 5. ad 3. Canariensis 1. par. quæst. 28. ar. 2. disput. 2. Ferrar. 1. lib. contra gentes cap. 28. & 23. §. considerandum, & lib. 4. cap. 81. Caiet. in opus. de ente, & essentia, cap. 3. & 4. Sed Scotus falsas esse defendit, quia existimat prædicatum, & subiectum distinguere ex natura rei, seu formaliter ante operationem intellectus, alii vero, qui solam distinctionem rationis ponunt inter illa, propter modum significanti abstractorum, à quibus significatur animalitas, vt principium, aut pars animalis, & humanitas vt principium hominis, & principium vnius

Tractatus de prædicationibus abstractorū.

nō prædicatur de principio alterius. Et hæc sententia colligitur euidēter ex D.Th. duobus locis citatis, & videtur nobis probabilior, & sequenda.

15 Sed vt efficacius eam probemus, duo sunt annotanda. Primum est, cōcretum & abstractum eandem rem significare, diuersa tamen ratione, nam concretum significat eam per modum habentis, abstractum vero, per modum principii, aut formæ eiusdem habentis. Gratia exempli, homo & humanitas significant eandem naturam humanam, sed homo significant eam per modum totius actualis, atque completi, & ideo per modum habentis: humanitas vero non nisi per modum principii & formæ eiusdem totius completi, aut habentis. Quod ex communi modo loquendi, & intelligendi manifestum est: dicimus namque hominem idem esse, ac habentem humanitatem, & humanitatem esse quasi principium, & formam hominis.

Ex quo i. colligitur, cōcretū signare naturam, non omnino præcisam à conditionibus singularibus, sed vt eas continens, confusè, saltem, & in potentia, nam licet abstrahatur à singularibus, abstractione, per quam fit aliquo modo vniuersalis, & ideo non significet, neque contineat eadem singularia actū, cōtinet tamen in potentia, quia ex proprio modo significandi determinari potest per conditiones singulares ad hoc, & illud indiuiduum, vt ad Petrum, aut Ioannem. Abstractum vero significat eandem naturam, vt omnino præcisam à singularibus, nec vt determinabilem per conditiones singulares eorū, quia cū nō significet eā per modū habentis, sed principii, aut formæ, principii vero, aut forma nō habeat modū determinabilis per aliud, sed potius

determinātis aliud, illud nēpe, cuius est principium, vel forma, non potest natura in abstracto significata per modum habentis intelligi, & ideo nec potest ita significata continere actū, nec potentia conditiones singulares, per quas contrahatur, ad hoc, vel illud singulare. Et quod de natura specifica dicimus respectu singularium, eodem modo intelligendum est de natura generica in concreto, aut in abstracto significata, vt de animali, aut animalitate. Ita vt animal significet naturam sensitivam vt cōtrahibilem, aut perfectibilem per differentias rationale, & irrationale, quas continet in potentia, animalitas vero nullo modo, sed potius, vt forma, vel principium eiusdem animalis, atq; specierum eius.

Secundo colligitur, abstracta significare naturam per modum partis, sicut cōcreta per modū totius. Quod probatur duplici ratione euidenti. Prima, quia abstracta significant naturam per modum principii, & formæ eiusdem, vt significatur nomine concreto. Vt animalitas significat naturam sensitivam, prout est principium, & quasi forma animalis, sed illud, quod est principium, & forma alterius, habet se vt pars illius, ergo abstractum significat naturam per modum partis. Secundo, animalitas non significat naturam sensitivam per modum totius, ergo per modum partis. Probatur antecedens, quia si significaret eam per modum totius, aut totius actualis, aut potentialis, sed neutro modo eam significat, ergo non per modum totius. Minorem probō, quia totum potentiale, vel actuale significat rem per modum habentis, abstractum vero, non nisi per modum formæ eius, quod habet, ergo non per modum totius, sed partis.

tis. Et hinc provenit, quod nec animalitas prædicatur de animali, nec humanitas de homine, quia pars non potest prædicari de toto.

Sequitur 3. abstracta non esse genera, nec species, sed principia generum, & specierum, quod asseruit Aui cenna. 5. Meta. cap. 7. ut testatur Ca- ie. in opus. de ente, & essentia cap. 4. & probauit D. Tho. ibidē hoc argu. Genus ex propria natura habet modum totius potentialis, & species modum totius actualis, sed abstracta non significat naturam per modum totius potentialis, nec actualis. Sed per modum partis, ergo nō sunt ge- nera, nec species, & propterea non denominantur à secundis intentioni- bus generis, aut speciei, vel aliorum prædicabilem. Tota hæc doctrina annotata habetur apud D. Tho. opus. de ente, & essentia cap. 4.

Ex qua duo argu. colliguntur ad probandam nostram sententiam, quod hæc prædicatio, humanitas est animalitas, & similes sint falsæ. Pri- mum est. Ut vera sit aliqua prædica- tio, necessario requiritur, quod quid quid continet subiectum, contineat prædicatum actu, vel potentia, sed animalitas non continet actu, nec potentia, quidquid continet humani- tas, ergo non potest verè prædicari de illa. Maior certissima est, quia non potest esse verum, quod hoc sit illud, ut per propositionem affirma- tur, nisi totum quod continet hoc, etiam cōtineat illud, & hæc est ratio, propter quā pars non prædicatur de toto, nec genus posset prædicari de specie, nisi differentiam, quam spe- cies continet actu, contineret in po- tentia, ut bene D. Thom. ubi supra. Sed probatur minor, quia humanitas continet animalitatem, & rationalita- tem ex quibus componitur, sed eui- dens est animalitatem non contine-

re rationalitatem actu, nec potentia, cum non habeat modū totius actua- lis, nec potentialis, sed partis, vel for- mæ, ergo non potest verè prædicari de humanitate.

Secūdū, pars actualis non prædica- tur de toto, ut concedūt omnes, sed animalitas est pars actualis humani- tatis, ergo non verè prædicatur de illa. Probatur minor, quia sicut homo cōponitur ex animali, & rationali, ita humanitas ex animalitate, & rationa- litate. Et si dicas hoc argu. etiā pro- bari, quod hæc propositio nō sit ve- ra, homo est animal, quia animal est pars actualis hominis. Respondeo ani- mal esse quidē partē, non tamen sig- nificari per modū partis, sed per mo- dū totius potētiæ, & ideo verè præ- dicatur de homine, animalitas verò non solū est pars, sed significatur per modū partis, quæ nō potest prædica- ri de toto, & hæc est ratio propter quam, hæc est vera, homo est animal, & hæc falsa, humanitas est animalitas.

Ad 1. Arg. respōdetur, nō satis esse q. prædicatum includatur in subiecto, ut propositio sit vera, quia si id suf- ficeret, sequeretur verā esse proposi- tionē, in qua pars prædicatur d. toto, cū certū sit partem includi in toto. Requiritur ergo nō solū, quod inclu- datur in eo, sed, quod totū quod cōti- net subiectū, cōtineat prædicatū ac- tu, vel potētia, ut explicatū est, & cū animalitas nō cōtineat totū: quod cō- tinet humanitas, quia nō cōtinet ra- tionalitatem actu, nec potētia, sequi- tur, non verè prædicari de illa.

Secūdum arg. duas habet partes 1. procedit de formis substātibilibus, 2. de accidentālibus. Ad primā ergo res- pōdeo, negādo antecedēs: quod præd- icatio illa, anima rationalis est sentiti- ua sit abstractū de abstracto, & de præ- dicato, nēpe sentitiua euidēs est, quod nō sit abstractū nomē sed cōcretū, &

Tractatus de prædicationibus abstractorū.

etiā est verū de anima, nā licet sit forma, per modū tamē habētis gradum sentiēdi significatur, nō quidē sicut habet homo, qui ex ea cōponitur, sed sicut forma, quæ cōposita eū tribuit, significata tamē quasi per modū totū, & ideo per modū cōcreti. Quod ex eo fit manifestū, quia nisi per modū concreti significaretur anima, non posset sensitiua, quæ concretum nomen est, de ea vere prædicari, & eo ipso, quod vere prædicatur, idem significans, quod habens gradum sentiēdi, negari non potest, quod per modum concreti etiā significetur anima: vnde nō bene infertur, quod vera etiā sit hæc, humanitas est animalitas, in qua certum est abstractum prædicari de abstracto, & ideo diuersam habere rationem.

Pro solutione secundę partis annotanda est triplex differentiā inter abstracta substantiarum, & accidentium. Prima, quod illa abstrahuntur abstractione metaphysica à generibus, speciebus, aut differentiis. Vt animalitas ab animali, & humanitas ab homine. Abstracta vero accidentium abstrahuntur abstractione physica à subiecto, in quo forma accidentalis significata realiter inhæret. Vnde eo ipso, quod significatur vt abstracta ab eo, non significatur vt inhærens, aut dependens ab eo, sed ad modum naturæ completæ per se subsistentis. Secunda, nam abstracta substantiarum semper habent modum formæ, aut principii eius, à quo abstrahitur, abstracta vero accidentium potius habent modum completum naturæ totalis, ac per se subsistentis, quod prouenit ex proprio modo abstractionis physicæ. Postrema differentia est, quod abstracta substantiarum, quia metaphysice abstrahuntur, sunt abstracta vltima, quia abstractio metaphysica vltima est, vn-

de non potest ab eis alia abstractio fieri, nihil enim amplius ab humanitate, aut animalitate abstrahi potest. Abstracta vero accidentium nō sunt vltima, quia nec abstractio physica vltima est, sed adhuc potest ei succedere abstractio metaphysica, ita vt ab albedine, quæ abstrahitur abstractione physica, possit aliud abstractum metaphysicum sumi, quod erit ratio albedinis, vel albedineitas (barbaro vocabulo, sed naturam rei explicante significata) ex quo intelligitur abstracta accidentium solum vocari abstracta in ordine physico, in ordine vero metaphysico concreta potius esse.

Ex his differentiis ad formam argumenti, respondere possumus concedēdo maiorem, quod vera sit hæc, albedo est color, sed negando minorem, quod in ea prædicetur abstractum superius de abstracto inferiori, sed potius est prædicatio concretorum in ordine metaphysico; sicut hæc, homo est animal, vnde nec prædicatum significatur per modum partis, sed per modum totius completi, & per se subsistentis, atque continētis, quidquid continet subiectum, quod se habet sicut genus ad speciem, vt in hac homo, est animal. Illa vero, humanitas est animalitas, prædicatio abstractorum est in eodem ordine metaphysico, & ideo est falsa. Et eodem modo erit falsa prædicatio abstractorum in accidentibus, si abstrahuntur abstractione metaphysica, vt si ab albedine, & colore, metaphysice abstrahamus albedineitatem, & coloreitatem, vel rationem albedinis, & rationem coloris, falsa erit albedineitas est coloreitas, quia abstracta metaphysice per modum principii, & formæ significantur, & ideo non possunt efficere veram prædicationem, SECUN-

SECUNDA PARS HVIVS TRA- ctatus, de prædicationibus secundarum intentionum.

18



SECUNDAE intentiones sunt relationes quædam rationis, quas intellectus attribuit primis intentionibus, nempe naturis realibus, quæ ab eis denominantur, ut secunda intentio speciei est relatio rationis naturæ specificæ, quam ei attribuit intellectus, dum eam comparat ad individua, & prædicabilia omnia sunt quædam relationes rationis diversæ, quia diversis naturis attribuntur, & in ordine ad inferiora diversa, vel de quibus diverso modo prædicantur. Ut prædicabile generis est, secunda intentio, aut relatio rationis in ordine ad plures species, de quibus prædicatur inquit tanquam totum potentiale. Prædicabile differentiæ est secunda intentio, aut relatio rationis in ordine ad plures species, aut individua de quibus prædicatur in quale quid. Prædicabile proprii est secunda intentio, aut relatio rationis propriæ passionis ad species, aut individua, ut sensibilis ad hominem, & equum, aut risibilis ad hominem, ac Petrum, & Ioanæ. Et prædicabile accidentis est secunda intentio, aut relatio rationis accidentis ad plura subiecta specie, aut numero distincta, ut relatio rationis albi, ad hominem & equum, vel ad Petrum, & Ioanem. Et tandem uniuersale, quod est commune omnibus prædicabilibus, est secunda intentio, aut relatio rationis ad omnia, & singula prædicabilia, quæ de omnibus prædicatur inquit tanquam genus.

His suppositis, duobus modis comparari possunt secundæ intentiones. Primo inter sese, in quantum una prædicatur de alia, & si ita comparantur, siue in concreto, siue in abstracto, eodem modo se habent ac primæ intentiones, ita ut si una aliquo modo pertineat ad aliam, concreta de concretis prædicetur essentialiter, vel accidentaliter, tanquam accidens proprium, vel commune, ideo veræ sunt omnes istæ, genus est uniuersale, species est uniuersalis, & etiam hæc, uniuersale est genus, sed illæ sunt essentialiter, ista vero accidentaliter. Hæc vero, uniuersale est prædicabile, est prædicatio proprii, aut quarti prædicabilis. Concreta vero de abstractis, vel abstracta de concretis semper efficiunt propositiones falsas, ut genus est genericitas, aut specietas est species, vel genus est uniuersalitas. Solū est differentia in prædicationibus abstractorum, quia in secundis intentionibus veræ est prædicatio abstracti superioris, de abstracto inferiori, ut genericitas est uniuersalitas, quam tamen in primis intentionibus diximus esse falsam, ut humanitas est animalitas. Et ratio huius differentiæ est, quia secundæ intentiones sunt relationes rationis, & ideo accidentiæ rationis: quare sicut accidentiæ realia in abstracto significata non habent modum partium, sed totius per se subsistentis, quia non abstrahuntur abstractione metaphysica à generibus, aut speciebus, sed abstractione Physica à subiectis, eodem modo

Cap: 2. de genere, quæst. 1.

modo secundæ intentiones habet similitudinē cū formis accidentibus, & ideo non significatur per nomina abstracta tanquā forme, aut principia generū, aut specierū, sed per modum totius, ac per se subsistētis. Et hæc est ratio propter quā veram cōstituunt prædicationem, quamuis in primis intentionibus sit falsa.

19 Si vero secundæ intentiones cōparentur ad primas, semper cōparentur accidentaliter, cū sint relationes, & accidentia eis attribuita, & eodē etiam modo se habent in omnibus, ac diximus se habere primas inter se. Dum comparantur accidentaliter, in hoc solo differunt, quod accidentia realia quæ verē prædicantur de inferioribus, verē etiā prædicantur de superioribus, & si verē prædicantur de superioribus, verē etiā prædicantur de aliquo inferiori: vt si albū prædicatur de Petro, necesse est verē prædicari de homine: & si prædicatur de homine, necesse est verē prædicari de aliquo homine singulari. Quod non reperitur in secundis intentionibus, sed contrarium, quia nec secundæ intentiones, quæ prædicantur de inferioribus possunt verē prædicari de superioribus; nec etiā verē prædicantur de inferioribus, quæ prædicantur de superioribus, vt his exemplis fit manifestum. Species prædicatur de homine, & non de animali, nec de Petro, & genus prædicatur de animalibus, & non de homine, & secundā intentio indiuidui verē prædicatur de Petro, dum dicimus Petrus est indiuiduum, & tamen non prædicatur de homine, sed falsa est hæc, homo est indiuiduum. Et ratio huius differentię est, quia accidentia realia conueniunt subiectis absolute, & vt sunt à parte rei, sed secundæ intentiones, quæ sunt relationes & accidentia ra-

tionis non conueniunt naturis absolute, nec à parte rei, sed vt tali modo concipiuntur ab intellectu, nēpe in communi in ordine ad species, vel indiuidua, aut etiam in singulari, & ideo quæ conueniunt inferiori, nēpe indiuiduo, non possunt cōuenire speciei nec illa: quæ conuenit speciei, potest conuenire generi, quia secundā intentio indiuidui cōuenit Petro, vt concipitur tanquam indiuisibili in alia indiuidua, & hoc modo concipi repugnat speciei: & secundā intentio generis conuenit naturæ, vt concipitur in ordine ad species, & ideo repugnat speciei, quæ non in ordine ad species, sed in ordine ad indiuidua concipitur.

CAPVT II. DE genere.

Videtur autem neq; genus, neq; species simpliciter dici, &c.

Breuis expositio textus.

Intentum Porphyrii in præsentī capite est explicare naturam generis, quod est primum prædicabile. Diuiditur autem in tres partes, in prima ponit duas acceptiones realis generis, & inter se eas cōparat, ex quarum similitudine in secūda parte colligit tertiam acceptionem eius Logicam. In tertia vero tradit definitionē generis, & simul eam exponit. Prima acceptio realis generis est, quia accipitur pro collectione aliqua hominum habentium ordinē inter sese, & ad vnum primum, à quo omnes derivantur: in qua significatione Romanā gentem solemus vocare genus Romanorū, quia inter sese per tales leges ordinatur, & à Romulo tanquā à primo principio descendunt.

Secun-

Secundo accipitur genus pro principio ipso generationis, à quo derivatur, siue sit pater, aut patria: in qua significatione loquitur Poeta, dum dicit, Mātua me genuit, &c. Genus suū, aut principium generationis patriā vocans. Sed propriè loquendo, non tã pater, vel patria, quã origo per quã ab eis derivantur homines, genus vocatur: quia non ita propriè dicimus Romulum esse genus Romanorum, quam Romanos ducere genus ab eo. Ex his autem duabus acceptionibus secundam esse magis propriam, quã primã, docet Porphyrius. Primo, quia frequētius ea vitur. Secundo, quia collectio hominum ideo vocatur genus, quia homines illius ab vno primo ducunt originē; ergo origo per quã ab eo derivantur, magis propriè vocatur genus, quã collectio ipsa. In secunda parte ex utraq; acceptione realiter colligit Porphyrius Logicã, quam per se intēdit dicēs, Logicū genus accipi pro eo, cui supponūtur species, id est sub quo collocātur, vt animal est genus, quia sub eo ponūtur homo, & leo, quæ species habent ordinē, & similitudinē quandam inter se, ratione eiusdē naturæ, quã participant ab ipso genere, à quo etiam dicuntur suo modo ducere originem.

In 3. parte cap. definit genus Logicū secundā vltimā acceptionē sumptum, & definitio talis est. *Genus est, quod predicatur de pluribus differentibus specie in eo quod quid.* Quam ita explicat. Eaquē prædicātur, aut prædicātur de vno, vt indiuiduū, aut de pluribus, vt vniuersalia, per particulā; ergo de pluribus, separatur genus ab indiuiduo, quod de vno solo prædicatur. Per particulā vero de differentibus specie separatur ab specie, quæ est secundū prædicabile, & solū prædicatur de differentibus numero. Per vlti-

mam particulam, in eo quod quid, se paratur à tribus aliis prædicabilibus, differentia, proprio, & accidenti, nã illa in quale quid, propriū, & accidēs in quale, genus non nisi in quid prædicatur, quia ad quæstionē factā per quid, nō benè per illa, sed per genus respondemus: vt si inquiras, quid est homo, bene respondeo, quod sit animal. Hæc Porphyrius.

QVÆSTIO I.

Quod nam sit definitum definitionis generis.

Quod definitio generis assignata à Porphyrio nullū habeat definitū, duobus argu. probo. Primo, quia si aliquid haberet, maximè genus, sed genus nō est definibile; ergo nullū habet. Probatur minor, bona definitio debet cōstare genere, & differentia, aut aliquo loco generis, & alio loco differentię, sed generis nō datur genus, nã si daretur, illius generis daretur aliud genus, & sic procederemus in infinitum; sequitur ergo genus nō esse definibile, & ideo nullū habere definitum prædictam definitionem.

Secunda definitio debet dari per genus, & differentia; ergo nihil potest definiri nisi species, quia hæc sola cōponitur ex genere, & differentia, imo nec definiri potest aliquid, nisi in quātum est species, quia habere genus, & differentia conuenit speciei, in quātū est species; ergo genus nō potest definiri. Probatur consequentia, quia non est species, sed aliud prædicabile distinctū ab specie, & ideo nullū habebit definitū præsens definitio.

Tenendum tamen est, bonam esse definitionē generis, & certum habere definitum, cuius naturā explicat. Et quod bona sit definitio, probatur pri-

Cap. 2. de genere, quæst. i.

primo, ex Arist. 1. lib. top. cap. 4. ubi eam posuit Arist. Et à quo illam desumpsit Porphyrius secunda ratione, nam bona definitio est, quæ ita naturam definiti explicat, ut illum distinguat, à quibuscunque aliis rebus, cum quibus conuenire posset, sed per hanc definitionem explicatur quid sit genus, nempe prædicabile de pluribus differentibus speciem in quid, & distinguitur ab individuo, & reliquis prædicabilibus, ut vidimus in explicatione textus, est igitur bona.

3 Secundum vero, quod habet certum, ac determinatum definitum, sic probo. Prædicari de pluribus differentibus specie in quid est communis ratio eodem modo, atque equaliter conueniens omnibus generibus; ergo est una, & per unam definitionem potest explicari, quare hæc erit determinatum definitum eiusdem definitionis.

Sed ut hæc veritas melius intelligatur, & argumenta soluantur, annotandum est, secundam intentionem generis, quæ est primum prædicabile, relationem quandam rationis esse, & vniuersalissimam rationem denominandi omnes naturas genericas, etiam si sint suprema genera prædicamentorum, ut substantia, quantitas, & qualitas, & simul esse speciem, quandam vniuersalem: unde cum species quælibet componatur ex genere, & differentia; hæc etiam secunda intentio componitur ex vniuersali, quod est commune genus prædicabile, & ex differentia, quæ est esse respectu ad plures species, de quibus prædicari potest in quid. Itaque genus conuenit cum cæteris prædicabilibus in ratione communi vniuersalis, quæ est esse vnum in multis, & distinguitur ab eis, quia est in multis speciebus, de quibus prædicari po-

test in quid, & ideo licet sit vniuersalissima ratio denominandi, quia natura, quas denominat genera, sunt etiam magna ex parte vniuersalissimæ, cum sint suprema genera prædicamentorum, nihilominus secundum essentiam est particularis, & determinata species cuiusdam generis, quod est vniuersale. Ex quo intelligitur, quod per determinatam definitionem possit definiri, & quoddam definitio eius tradita à Porphyrio determinatum habeat definitum.

Ad formam primi argumenti respondendum est, negando minorem primi syllogismi, & dum dicitur in minori secundi syllogismi, quod generis nō dator genus, distinguendo, quia secunda intentio generis dupliciter sumi potest, in ratione denominandi, aut in ratione essendi. Et primo modo non habet aliud genus, à quo denominetur, quia non est genus denominatiue, aut accidentaliter, sed essentialiter; sed in ratione essendi determinata species est, & habet genus superius, quod est vniuersale, ex quo simul ac differentia componitur.

Et si dicatur etiam vniuersale denominari genus ab hac secunda intentione generis, quæ est primum prædicabile sicut reliqua genera, & ideo esse inferius respectu illius. Respondetur verum esse antecedens, sed distinguendum consequens, nam in ratione denominandi est superius vniuersali, sed in ratione essendi inferius, & quia denominatio est accidentaliter respectu eius, quod denominatur, ut denominatio albi respectu corporis, & ratio essendi essentialis, ideo secunda intentio generis per hanc definitionem explicata, accidentaliter est superior vniuersali, sed essentialiter inferior, tanquam vera species eius.

Ad

5 **Ad formam secundi argum. respō** deo, nihil definiri propria definitione, nisi speciem sed genus, quod est primum prædicabile, esse speciem alterius generis, nēpe vniuersalis, quod accidentaliter denominat, & ideo propriè definiri posse. Ad illud vero, quod in arg. additur, omne quod definitur definiri in quantum est species, hac distinctione respondendum est. Definiri aliquid in quantum est species, duplicem sensum habere potest. Primum, quod ratio speciei explicetur per definitionem, & hoc est falsum, quia licet homo sit species, dum definitur, quod sit animal rationale, non explicatur per talem definitionem, quod sit species. Secundus sensus est, definiri in quantum est species, ita ut esse speciem sit conditio necessaria ad propriam definitionē, & hoc est verū, sed non explicatur per definitionem, nisi propria, & essentialis ratio definiti, quæ tamen accidentaliter denominatur species, à secundo prædicabili.

QVÆSTIO II.

An definitum proprium eiusdem definitionis sit natura realls, quæ denominatur genus, vel secunda intentio generis à qua denominatur.

6 **G**ENUS in communi consideratū quatuor modis sumi potest. Primo, pro natura, quæ denominatur genus secundum suam essentialiā considerata, ut si animal accipiamus pro natura sensitiva. Secundo, accipitur pro aggregato ex natura denominata, & secunda intentione denominante, quemadmodum album sumi potest pro aggregato ex corpo

re, & albedine. Tercio accipitur pro natura generica, non secundum suā essentialiā, sed in quantum denominatur genus à secunda intentione generis. Quarto pro eadē secunda intentione denominante eandem naturam genus. Ex his autem quatuor certum est aggregatum non esse definitum, quia est ens per accidens ex duobus entibus in actu compositum, nempe ex natura, & secunda intentione; ens autem per accidens non habet vnam essentialiā, sed duplicem, & ideo non potest per vnam definitionem explicari, ut expressè docet Arist. 7. Metaph. tex. 21.

Quæstio ergo præcedit de tribus aliis. Et sunt circa eam tres opiniones. Prima asserit, definitum huius definitionis esse naturam genericam secundum essentialia; ita ut animal sit genus, & prædicabile de pluribus differentibus specie in quid, ut est vivens sensibile, & sic de cæteris generibus. Hæc attribuitur Scoto, qui cū affirmet naturam esse vniuersalem secundum se, & ante operationē intellectus, videtur consequenter asserere, quod sit genus, vel species essentialiter. Et probatur ratione, quia illud est definitum, cui convenit definitio, sed prædicari de pluribus differentibus specie convenit naturis secundum essentialiā, & non ut denominantur à secunda intentione; ergo illa est definitum. Minor probatur, quia animal secundum quod est vivens sensibile, prædicatur de homine, & leone, & non ut denominatur à secunda intentione, nam si hoc modo prædicaretur, dum dicimus, homo est animal; ergo sensus esset, homo est genus. Probatur consequentia, quia animal, ut denominatur à secunda intentione est genus.

Hæc sententia nec est Scoti, nec est

Cap. 2. de genere. quæst. 2.

est vera, sed falsa. Probat^{ur} primam, quia licet Scotus asserat dari videntem formalem a parte rei, quæ est fundamentum generis, & speciei: genera tamen, & species denominationes tribuitur naturis ab intellectu esse docet: quare non tenet naturam realem secundum essentiam esse definitum. Quod vero talis opinio sit falsa, hoc argumentum probatur. Si natura generica secundum propriam essentiam est definitum, ergo secundum propriam essentiam est genus, vel saltem esse genus erit propria passio eius, sed quæ sunt essentialia naturæ genericæ, aut propriæ passionis eius, conueniunt necessario speciebus, ut quæcunque sunt essentialia animali, aut tanquàm propriæ passionis ei conueniunt, sunt essentialia equo, & leoni, aut propriæ passionis eorum; ergo esse genus, aut prædicari de pluribus differentibus specie, conueniet speciebus, quod patet esse falsum.

7 Secunda opinio est Caietani in opusculo de ente, & essentia, cap. 4. ubi tenet, nec naturam genericam secundum essentialia, nec ut denominatur a secunda intentione esse definitum, sed secundam intentionem. Quam tamen dupliciter posse considerari ait, primo, ut quo; hoc est ut ratio denominandi naturam genericam, sicut albedo est ratio denominandi corpus album, & hoc est considerare illam in abstracto. Secundo, potest considerari in quantum refertur ad species, nam cum sit ratio rationis, essentialiter respicit terminum; terminus autem relationis generis sunt species, & ideo considerari potest in ordine ad illas, & hoc modo sumitur ut quod, & in concreto, & est proprium definitum huius definitionis, non vero primo modo sumpta.

Probat Caiet, hoc arg. Definitio debet conuenire definito essentialiter, si sit quiddamativa, aut tanquàm propria passio, si sit descriptiva, sed prædicari de pluribus differentibus specie: cõsonit naturæ genericæ, ut animal, aut colori accidentaliter, etiam cõsideratæ in communi, & secundæ intentioni in concreto essentialiter, quia secunda intentio generis essentialiter respicit species, cum sit relatio ad illas; ergo hæc, & non illa erit definitum.

Hæc opinio etiam est falsa, quod probat. Primo, prædicari de pluribus conuenit generi in concreto, quia quod prædicatur de pluribus concretum est, sicut disgregare visum conuenit albo in concreto, sed hæc opinio non ponit genus in concreto definiri; ergo est falsa. Probat^{ur} minor. Nam concretum accidentale, quale est genus, significat formam, nempe secundam intentionem, & connotat subiectum, nempe naturam genericam, cui conuenit prædicari de pluribus: si ergo natura generica non est definitum, sed secunda intentio, ergo non definitur genus in concreto, sed in abstracto, quod contradicit verbis definitionis.

Secundo, etiam si consideretur secunda intentio generis in quantum relatio ad species, non est concretum, sed abstractum; ergo falso eam vocat concretum Caiet. Probat^{ur} antecedens, quia concretum relationis est relatiuum, sicut concretum albedinis est album, sed secunda intentio generis, etiam in ordine ad species non est relatiuum, quia non est id quod refertur, sed ratio referendi; ergo non est concretum, sed abstractum.

Tertia opinio est D. Thomæ in opusculo.

opuscul. de ente, & essentia, cap. 4. ubi
asserit, definitum adequatum ex natura,
generica, & secunda intentione consistere,
hoc modo consideratis, nempe natura
generica non secundum se, sed
ut denominatur à secunda intentione,
& secunda intentione denominante,
ita ut natura hoc modo considera-
ta sit definitum materiale, & ut
quid, quia illa est, quæ prædicatur
de pluribus differentibus numero. Et
secunda intentio sit definitum forma-
le, & ut quo, quia non est id quod
prædicatur, sed ratio prædicandi: ex
utraque vero resultat unum defini-
tum adequatum, & per se, quia non
consideratur tamquam aggregatum
ex eis, sed tamquam includens unum
in ordine ad alterum, quæ vero per
se sunt ordinata, non efficiunt unum
per accidens. Exemplum habemus
in hac definitione. *Disgregatum vi-
si*. Cuius definitum materiale, & ut
quod, est corpus, ut denominatur ab
albedine, quia ei convenit disgre-
gare visum; formale vero, & ut quo,
albedo; quæ potius est ratio disgre-
gandi visum, sed ex utroque, ut or-
dinato ad alterum resultat unum de-
finitum adequatum, & per se. Hanc
sententiam secuntur laetius in sua
Logica, titul. 4. cap. 2. Paulus Ve-
netus cap. de genere. Sotus ibidè.
quæst. unica, Toletus quæst. 1. & vi-
detur nobis probabilior, & sequenda.
Et probatur hoc arg. illud est de-
finitum alicuius definitionis, cui per
se convenit definitio, sed prædicari
de pluribus differentibus specie in-
quid, per se convenit naturæ generi-
cæ, ut denominatur à secunda inten-
tione generis, & cum ea per se con-
venit, nec alteri potest convenire
re, ergo hæc sola potest esse definitum.
Probatur minor, quia sicut corpori,
ita denominatum, vel informatum,

albedine per se convenit esse dis-
gregatum visus, natura generica
ut denominatur à secunda inten-
tione per se prædicabilis est de pluri-
bus differentibus specie, & quid-
quid est prædicabile de pluribus dif-
ferentibus specie in quid, est natura
generica, ut denominata à secunda
intentione. Quod vero ei soli conve-
niat per se, probatur, quia eidem na-
turæ non convenit essentialiter, ut
contra primam opinionem proba-
tum est, sed solum potest ei convenire
accidentaliter, & secunda inten-
tioni solum potest convenire, ut quo,
cum non prædicetur de pluribus dif-
ferentibus specie, sed tantum sit ra-
tio prædicandi; solum ergo conveni-
re potest per se eidem naturæ, ut do-
minare à secunda intentione.

Pro solutione argum. primæ opi-
nionis notandum est, duo esse consi-
deranda in prædicatione cuiuscunque
prædicabilis ex parte prædicati. Pri-
mum, ratio formalis, quam prædicat
de subiecto. Secundum, conditio sub qua
de illo prædicatur, ut dū prædicatur
species de individuo in hac prædica-
tione, Petrus est homo, ratio formalis
quæ prædicat de illo est essentia homi-
nis, sed conditio sub qua prædicatur, est
esse speciei, quod est denominari à 2.
intentione speciei, quæ est relatio spe-
ciei ad individua. Ex hac distinctio-
ne respondeo ad formam arg. distinguē-
do minorem hoc modo: Si in prædica-
tione generis de specie, dū dicimus,
homo est animal, consideretur ratio
formalis, quæ animal prædicat de ho-
mine, verum est, quod prædicetur secū-
dum essentiam, in quantum est vivens sen-
sibile; si vero consideretur conditio sub
qua prædicatur, est 2. intentio gene-
ris, à qua denominatur, & idem ra-
tione talis conditionis convenit ei
prædicari de pluribus differentibus
specie.

Cap 2. de genere, quæst. 3.

Specie in quid, & non secundum essentiam, aut prædicata essentialia, quoniam hæc prædicat de eisdem speciebus. Et ex hoc intelligitur sensus huius propositionis, homo est animal, & aliarum, in quibus genus prædicatur de specie, qui non est hominem esse genus, sed esse viuens sensibile, nā hæc est ratio formalis, quam prædicat de illo, ex qua accipiendus est sensus propositionis, & non ex conditione sub qua prædicatur, quæ est secunda intentio.

IO Pro solutione argu. Caiet. aliud est notandū, nempe duplex esse materiale significatum generis in concreto significati, sicut aliorum concretorum accidentalium. Vñ proximum, adæquatum, & per se, aliud remotum, inadæquatum, & per accidens, vt materiale significatum albi adæquatum, & per se est corpus inadæquatum, & per accidens partes, aut aliud quodcumque corpus particulare: ita significatū materiale, per se, adæquatum, & proximum generis est natura generica in cōmuni, quæ denominatur genus a secundo prædicabili; remotum vero inadæquatū, & per accidens est animal, vel color. Et ex hoc respondetur ad formam arg. distinguendo minorem, nam licet animali, aut colori conueniat accidentaliter definitio generis, quia sunt significata materialia, remota, & per accidens, sed naturæ genericæ, vt denominatæ à secunda intentione generis per se conuenit, & non accidentaliter. Sicut corpori vt habenti albedinem per se conuenit esse disgregatiuum visus. Secundæ autem intentioni, etiā in ordine ad plures species non conuenit definitio, nisi, vt quo, sicut probatū a nobis est contra Caietanum.

QVAESTIO III.

An definitio generis sit quidditatiua, vel descriptiua.

DVO sunt explicanda, vt solua-
tur quæstio præsens. Primum, qualis nam sit definitio generis, quidditatiua, vel descriptiua. Secundum, quidnam pro genere in ea ponatur, vniuersale, aut prædicabile, vel quid aliud, idē in duas partes diuidēda est quæst. Circa primam vero, duæ sunt opiniones quasi extremæ, & altera media. Prima opinio extrema asserit, non solum non esse quidditatiuam, aut essentialē definitionem generis, sed nullo modo posse definiri genus definitione quidditatiua. Quam secuntur Albertus Magnus tract. 1. prædicabilium, cap. 3. Villalpandæ in præsentī cap. & pro eadem citat Ammonium, Toletus quæst. 1. huius cap. Probaturq; hoc arg. Genus est concretum accidentale, includens pro materiali naturam genericam, quæ potest esse substantia, aut accidens reale, & pro formali secundam intentionem, quæ est ens rationis: hæc autem diuersas habēt essentias; ergo non possunt vna definitione explicari, quare non poterit genus definiri definitione quidditatiua.

Secunda opinio extrema non solum asserit posse genus definiri definitione quidditatiua, sed hanc definitionem eius à Porphyrio assignatā esse quidditatiuam. Ita Scotus quæst. 14. & 15. vniuersalium; quæ sequitur Caiet. quæst. 1. huius cap. in solutione ad primum. Probat Scotus hac ratione. Genus consideratur à Porphyrio in hoc opere sub ratione prædicabilis, sicut & cetera prædicabilis, sed

sed definitur per prædicari de pluribus differentibus specie; ergo definitio est quidditatiua. Probatur cōsequētia, quia prædicabile dicit potentiam prædicandi, & prædicari est proprius actus talis potentie, sed potentia definitur quidditatiuē per propriam actum, à quo sumit suam essentiam, aut speciem; ergo definitur genus, vt prædicabile quidditatiuē.

12 Tertia opinio est communis, quæ duo affirmat. Primum, quod genus potest definiri quidditatiuē. Secundum, quod definitio Porpyrii, non est quidditatiua, sed descriptiua. Et quantum ad hoc secundum eam tenet D. Thom. opus. 84. tract. 1. cap. 2. & 3. Albertus Magnus tract. 3. prædicabilem, cap. 34. Ammonius, & Villalpandus, vbi supra, Sotus quæst. vnica huius capituli, §. vltimo, Toletus quæst. 2. Mercatus cap. de specie fol. 16. col. 2. Et hæc est probior, & sequenda.

Probatnr autem primū, quod affirmat, genus posse definiri quidditatiuē hoc arg. Vniuersale est genus ad quinque prædicabilia, vt quæst. 8. vniuersalium probauimus; ergo primum prædicabile, quod est genus, est species vniuersalis, sed quælibet species componitur ex genere, & differentia, tanquam ex partibus essentialibus; ergo per eas potest definiri, & definitio tradita per genus, & differentiam est quidditatiua, ergo genus potest definiri definitione quidditatiua.

Probatnr 2. quod definitio Porpyrii nō sit quidditatiua, primo ex verbis eiusdē cap. præsentis, quæ sic habent. *Quod etiam describentes assignarunt, genus esse dicentes, quod de pluribus, & differentibus specie, in eo, quod quid prædicatur.* Deinde ra-

tione, quia duo habent prædicabilia, vt superius probauimus. Primū, quod sint vniuersalia, hoc est, vnū in multis; deinde, quod prædicari possint de eisdem, & primum se habet tanquā essentia eorum, secundum vt propria passio, sed genus definitur per prædicari de multis; ergo definitur per propriam passionē; definitio autem, quæ datur per propriam passionem, est descriptiua, vt si definiatur homo per risibilitatē, ergo definitio generis est descriptiua.

Ad arg. primæ opinionis respondetur diuersa esse, quæ includit genus, sed ordinata inter se, nam includit naturam, vt ordinatam ad secundam intentionem, tanquam ad formam denominantem, & secundam intentionem, vt ordinatam ad naturam, tanquam ad subiectum denominatum, & ex hoc efficiunt vnum ordine, quod vna definitione possit explicari.

Ad argumen. Scoti respondeo, distinguendo antecedens, nam si intelligatur genus, & reliqua prædicabilia considerari à Porphyrio, vt prædicabilia in eo sensu, vt prædicabilitas sit ratio essentialis eorum, falsum est, nam essentialis ratio potius est vniuersalitas. Si vero intelligatur considerari, vt prædicabilia, ita vt prædicabilitas sit passio communis, quæ de illis probatur, verum est, & ideo per illam definiuntur omnia, tanquam per communem passionem, quod est definiri definitionibus descriptiuis, & tales debent omnes reputari.

Secunda pars questionis.

13 Sed supposito, quod sit descriptiua definitio, quæritur in secunda

cunda parte quæstionis, quidnam ponatur in ea pro genere. Et prima opinio asserit, genus huius definitionis esse vniuersale, quia licet non ponatur expresso verbo, refertur tamen per illud relatiuum, quod prædicatur de pluribus idem enim est dicere genus esse, quod prædicatur de pluribus. ac dicere, genus esse vniuersale. Hac tamē sententia non potest in primis defendi apud Porphyrium, quod sic probo. Porphyrius exponens eandem definitionem inquit, per illam particulam, *prædicari de pluribus*, excludi indiuiduum, quod non potest esse verum si vniuersale sit genus, nam iam esset exclusum per illud, cum indiuiduum non sit vniuersale. Deinde non potest defendi, quod definitio sit descriptiua, nā si auferas illas particulas, prædicari de pluribus, & loco earum ponas vniuersale, sensus definitionis erit, genus est vniuersale in multis differentibus specie in quid, & ideo auferetur propria passio, qua ablata, non erit definitio descriptiua, contra communem sententiam ex Porphyrio, & ratione probatam.

Secunda opinio asserit, genus in hac definitione esse prædicabile, quod explicatur per illa verba, *quod prædicatur de pluribus*, nam verba in definitione non dicunt actum, sed aptitudinē, idem ergo est dicere, genus est, quod prædicatur de pluribus, ac si dicatur, quod aptum est prædicari de pluribus: sed esse aptum prædicari de pluribus idem est, ac esse prædicabile de pluribus; ergo prædicabile ponitur loco generis in hac definitione.

14 Tertia opinio est communis, & tenenda, quod loco generis ponatur natura generica, non quidem eodem modo sumpta, ac dum dici-

tur esse definitum, sed alio: nam dū definitum est, sumitur simul cum secunda intentione, a qua denominatur, & cum qua vnum definitum per se facit vnitatem ordinis, sed pro genere ponitur solum, vt in communi sumitur, non vt ordinata ad secundam intentionem. Quod possumus explicare exemplo albi, quod dum hoc modo definitur, album est disgregatiuum visus, definitum est corpus, vt denominatur ab albedine, ita vt ex utroque, nempe ex corpore, & albedine ordinatis, fiat vnum definitum completum, & per se: sed loco generis ponitur corpus absolute sumptum, hoc est, non considerato sub denominatione albedinis, nec simul cum illa. Hanc sententiam sic explicatam secuntur Ammonius, Albertus Magnus, & Canterus locis superius citatis, & videtur nobis probabilior.

Nam in primis colligitur ex doctrina D. Thom. primo lib. de interpretatione, cap. primo, lectione 4. & opusculo de ente, & essentia, cap. 7. vbi tradit modum definiendi accidentia in concreto, per subiectum loco generis, & in abstracto per verum genus, & subiectum loco differentie, vt risibile, quod sit homo aptus ad ridendum; risibilitatem vero, quod sit, aptitudo hominis ad ridendum. Et rationem vtriusque esse, quia posse in hærere subiecto est de essentia accidentis, sed in hærere in subiecto, propriè explicatur per idem subiectum positum in definitione; ergo propriè definiuntur accidentia per subiectum loco generis, si definiuntur in concreto, & loco differentie si in abstracto.

Deinde ex hac doctrina conficitur hoc argumentum ad illam probationem...

bandam. Genus definitur à Porphyrio in concreto, ut significant verba definitionis. *Quod prædicatur de pluribus differentiis specie in quid.* Nam concretum est, quod prædicatur, non abstractum, sed genus est concretum accidentale sicut album; ergo definitur per subiectum loco generis: subiectum vero est natura generica, sicut subiectum albedinis est album, ergo per illam loco generis in definitione positam definitur, & sensus definitionis est. Genus est natura, quæ prædicatur de pluribus differentiis specie in quid.

Ad argumentum primæ opinionis respondetur, accidentia melius definiri in concreto per subiectum, quam per genus; quia melius explicatur per illud in hærentia aptitudinalis, quæ est de essentia eorum. Unde magis propriè refertur subiectum generis, quod est natura, per illud relatum, quod prædicatur, quam vniuersale. Et eodem modo respondetur ad argumentum secundæ opinionis.

QVÆSTIO III.

Utrum genus includat differentias, & species actu, vel solum potentia.

17 **V**alde utilis est quæstio hæc ad intellegendam naturam generis, sed pro breviori resolutione eius notandum est. Tribus modis intelligi posse, quod vnum contineat alterum actu, primo, a-

ctu distincto, sicut definitio continet utramque sui partem, nempe genus, & differentiam. Secundo; actu determinato, sed non expresso, sicut species continet genus, & differentiam, ut homo, animal, & rationale. Tercio, confuso, & indeterminatè, ut ens continet modos intrinsecos substantiæ, & accidentis, qui sunt per se, & in alio, non solum confuse, sed nolum determinando potius quam aliud. Ex his tribus modis, primo certum est, genus non continere differentias actu distincto, sicut definitio continet genus, & differentiam. Probatur euidenter, quia si animal contineret actu distincto rationale, per illud solum possemus definire hominem, dicentes hominem esse animal, quia in animali etiam includitur actu, atque distincte rationale, & ideo talis definitio constaret genere, & differentia, & ideo esset sufficiens, quod patet esse falsum.

Secundo, certum est genus non continere differentias actu determinato, licet confuso, ut animal non continet rationale, sicut homo. Quod probatur, quia si animal contineret actu rationale, & irratione, falsæ essent omnes prædicationes, in quibus prædicatur de suis speciebus, ut homo est animal, leo est animal, quia sensus esset, homo est rationalis, & irrationalis, & similiter leo, quod est absurdum.

Solum ergo potest esse dubium, an genus contineat differentias actu indeterminato, & confuso, ita ut nullam particularem potius, quam alteram exprimat, sed omnes indeterminatè dicatur continere, diuerso modo, ac species quilibet conti-

Cap. 2. de genere. quæst. 4.

net suam differentiam, nam homo licet non expresse contineat rationale, sed determinatè, ita vt hanc differentiam, & non aliam contineat; animal vero non sic potest continere rationale, & irrationale, quia non magis vnâ, quàm alteram dicit, sed sub eadem confusione vtrunque, sed posset intelligi actu confuso, & indeterminato eas continere iuxta tertium modum. Et de hoc modo continendi actu differentias, procedit quæstio, cuius sensus est, an genus actu confuso, atque indeterminato contineat differentias, vel solum in potentia, sicut materia continet formas solum in potentia.

18 Et prima opinio asserit, genus hoc tertio modo continere actu differentias. Probatur duobus testimoniis Aristotelis. Primum habetur 1. lib. Physicor. textu 4. vbi ita ait. *Vniuersale autem totum quoddam est, multa enim comprehendit, vt partes.* Secundum vero 7. lib. Physic. textu 31. vbi de genere sic loquitur. *Genus non vnum quid est, sed ob hoc latent multa.* Ex quibus sic arguo: genus continet multa, tanquam partes; ergo continet illa actu: quia omne totum actu continet partes, cum ex eis componatur; sed ea, quæ ita continet genus, non possunt esse alia, præter differentias, & species, vt notum est, ergo eas continet actu, & non solum in potentia ex mente Arist.

Deinde probatur hac ratione. Vt vera sit prædicatio necesse est, id totum quod continet subiectum, continere prædicatum, non solum in potentia, sed actu; at genus prædicatur de species ergo debet actu continere, quidquid species continet, nempe differentiam, ex qua simul cū

genere componitur. Probatur maior, quia cum animal prædicatur de homine, sensus prædicationis est, hominem esse animal actu, quod verum non erit, si animal solum dicat actu naturam sensitiuam, nam cum hæc sit pars hominis, prædicabitur pars de toto, vt ergo sit vera, debet etiam animal actu continere rationalitatem, & non sufficit in potentia: cum actu, & non potentia prædicetur.

Secunda opinio tenet, genus non actu, sed in potentia tantum continere species, & differentias, vt animal rationale, & irrationale. Et colligitur euidenter ex Aristot. 2. lib. de posteriori resolutione, textu 17. vbi ita ait. *Supponatur enim tale esse genus, vt sit secundum potentiam in plus.* Et se autè in plus quam speciem, est esse vniuersalius, & plus continere quam singulas species, hoc est, alias species, & earum differentias; si ergo est in plus secundum potentiam, in potentia tantum continebit species, & differentias. Hæc est etiam expressa sententia Porphyrii, cap. de differentia, vbi de genere loquens sic ait. *Potestate quidem habet omnes, quæ sub se sunt differentias, actu vero nullam.* Et D. Thom. super verba Arist. citata, & opus. 42. cap. 9. quam secutus Albertus Magnus, tractatu 5. prædicabilem, cap. 4. lauellus tractatu 4. prædicab. cap. 4. ante medium, Caiet. Sotus, Canterus, Toletus, cap. de differentia in expositione textus, Mercatus quæst. vnica huius capituli, & est vera, ac tenenda. Sed vt eâ probemus, duosunt notanda. 1. genus significare gradum superiorem naturæ; differentiam vero gradum inferiorum, per quem determinatur ad constitutendam speciem, vt animal significat gradum.

gradum naturæ sensitivæ, qui superior est gradu rationalitatis, quem significat differentia rationalis, per quam contrahitur ad constituendam speciem hominis.

Secundo notandum est, duobus modis considerari genus. Primo, ut pars actualis est componens speciem simul cum differentia. Secundo, ut est totum potentiale contrahibile per differentias, ut animal, quod est pars actualis speciei humanæ, quam componit simul cum differentia rationali, & ut totum potentiale est, quod determinatur per eandem differentiam, ad constituendum hominem, & per differentiam equi ad constituendum equum.

19

Ex his duobus notabilibus duo colliguntur argumenta ad probandam nostram sententiam. Primum est, genus significat gradum naturæ diversum, ac superiorem à gradu, quem significat differentia, & est abstractum ab speciebus, & differentijs, ut animal ab homine, & equo, & consequenter à rationali, & irrationali; sed id quod ab inferioribus abstrahitur, ut sic abstractum non includit illa, cum abstrahi ab illis sit cognosci sine illis; ergo genus non potest includere actu species, & differentias, à quibus abstrahitur, sed solum in potentia.

Secundum argumentum. Genus solum potest considerari ut pars actualis speciei, vel ut totum potentiale contrahibile per differentias, sed neutro modo includit eas actu, ergo solum in potentia. Probatur minor, quia non includit eas actu, ut est pars speciei, nam una pars actualis non includit alteram, quia eo ipso, quod eam actu

includeret, non posset eam ea componere totum. Cum componentia distincta esse debeant, & ideo non se includentia; sed nec ut est totum potentiale includere potest eas, nisi solum in potentia, quia solum sunt partes potestativæ eius, ex quibus ut tale totum potestativum componitur. Et confirmari potest, quia si genus contineret actu differentias, cum illæ sint omnino diversæ, ut rationale, & irrationale, contineret actu plura diversa, & ideo esset equivocum respectu specierum, de quibus prædicatur, vel saltem analogum, sicut ens respectu substantiæ, & accidentis, quæ actu confuso, atque indeterminato continet, sicut genus continet differentias secundum opinionem oppositam: consequens autem falsum est, cum genus sit univocum; ergo etiam erit falsum, quod genus contineat actu differentias.

20

Ad testimonia Aristotelis pro alia sententia adducta respondeo. Genus continere multa in potentia, hoc est species, & differentias, non tamquam partes actuales, sed potestativas: nam sicut totum, aliud est actuale, & aliud potentiale, ita partes, aliæ sunt actuales, & aliæ potentiales. Actuales sunt, quæ essentiam actualem component: potentiales vero, aut potestativæ, per quas, vel ad quas constituendas contrahitur, aut determinatur totum: idem namque est esse partes, ad quas actu constituendas determinatur totum, & esse partes sue potestatis.

Ad argumentum neganda est maior, quia non requiritur ad veritatem propositionis, quod prædicatum contineat actu, quidquid

F 3

conti-

Cap. 2. de genere. quæst. 5.

continet species, sed sufficit quod aliquid contineat actu, & aliquid in potentia, sic enim prædicabit partem speciei inclusam in specie, non tamen per modum partis, sed totius, & ideo veram efficiet propositionem, in qua dicitur hominem esse animal: cuius sensus est, hominem includere animal, quod determinatur per rationale ad constitutionem eius. Hoc est enim includere rationale, ac ceteras differentias in potentia: Quod sic declarandum est, contrahibile, aut determinabile dicit potentiam, & contrahens actum, sed genus est contrahibile per differentiam, tanquam per actum; ergo est potentia respectu differentie, & speciei, quam cum ea potest constituere, quare non potest continere species, & differentias actum, sed potestate tantum.

QVÆSTIO V.

Verum genus prædicetur de specie tanquam totum, uel etiam ut pars illius.

GENUS tribus modis considerari potest. Primo, ut dicit naturam genericam abstractam ab speciebus, ut animal in quantum dicit naturam sensitivam abstractam ab homine, & equo, & hoc modo sumptum non est pars, sed totum, quia significatur per modum habentis naturam: non est tamen totum actuale, sed potentiale, quia significatur, ut habens naturam perfectibilem per differentias; quod vero perfectibile est, significatur tanquam in potentia ad ulteriorem perfectionem, quod est

significari ut potentiale. Alio modo sumitur genus tanquam altera pars speciei componens eam simul cum differentia, & tunc non accipitur, ut abstractum à speciebus, sed solum ut actu dicit partialem naturam earum. Sed adhuc per modum partis significatum, potest sumi tanquam pars actualis, in quantum actu coniunctum est cum differentia componendo speciem, aut tanquam pars potentialis, si illud consideremus, non ut actu componens, sed ut potest componere.

Et secundum has tres acceptiones, tres sunt opiniones. Prima tenet tanquam partem etiam actualem prædicari de specie, quam secantur Cæcilian. capit. presenti, Venerus capit. sequenti ad finem, & alii. Et probant primo ex Aristotele, primo lib. de posteriori resolutione, capit. 4. ubi docet integram definitionem, & singulas eius partes per se prædicari de definito, sed partes definitionis sunt actuales, ex quibus altera est genus; ergo tanquam pars actualis prædicatur de specie.

Probant deinde ratione: primo, quia hæc est differentia inter prædicationem generis, & speciei ab omnibus concessa, quod prædicatio speciei est completa; prædicatio vero generis incompleta, prædicatur ergo genus tanquam quid incompletum de specie: sed incompletum est pars; ergo prædicatur ut pars.

Secundo, partes Physicæ ut materia, & forma magis distinguuntur inter se, & à toto, quam partes Metaphysicæ, quæ sunt genus, & differentia, cum illæ sint res distinctæ, istæ vero non nisi conceptus distincti eisdem rei, sed partes Physicæ in toto reo signi-

significatæ verè prædicantur de toto, dū dicimus, homo est corporeus, aut est animatus; ergo melius prædicabuntur partes Metaphysicæ, quæ sunt genus, & differentia in concreto significatæ de specie, quam componunt, & ita vera erit hæc, homo est animal, etiam si tanquam pars accipiatur genus, sicut etiam est vera, homo est rationalis, cum tamen rationale non sit totum potentiale, sed actualis pars.

Secunda opinio affirmat, genus non ut partem actualem prædicari de specie, sed ut partem potentialem, hoc est, non ut actu componens, sed ut potest simul cum differentia componere. Hanc tenet Canteus, cap. præsentis, dub. 3. & probat hoc argum. Ut prædicatio sit vera, prædicatum debet continere totum, quod continet subiectum, sed genus ut pars actualis non continet aliam partem speciei, quæ est differentia, actu, nec potentia, sed benè ut potentialis, quia ut potest componere speciem; non consideratur ut actu coniunctum cum aliqua differentia, sed ut potest coniungi, quare omnes continebit in potentia, quod satis est ut dicatur continere totum, quod continet speciem, nempe unam partem actu, & alteram in potentia; prædicabitur ergo ut pars potentialis, non ut pars actualis.

22 Tertia opinio est D. Tho. in 1. dist. 15. & opul. de ente, & essentia, cap. 3. afferentis, genus non prædicari de specie, ut partem, sed ut totum: verba eius sunt. *Si animal non esset totum, quod est homo, non prædicaretur de eo, cum nulla pars prædicetur de suo toto.* Eam secuntur Boetius, libro de divisionibus, fere in principio, Caiet. etiam,

licet citetur pro opposita sententia, asserit expresse in eodem cap. 3. opul. de ente, & essentia, genus non ut partem, sed ut totum potentiale prædicari de specie. Idē Sorus quæst. unica huius capituli, & pater Franciscus Suarius tom. 1. lxx Metaphysicæ disput. 15. sect. 11. num. 16. & videtur nobis probabilior.

Sed ut fundamentum eius explicemus, notandum est primo, quod tam genus, quam differentia sumuntur à tota natura specificæ, aut à tota entitate eius sub diuersis gradibus consideratæ, & non à sola parte, ut capite de differentia explicabitur; diuersa tamen ratione, nam genus sumitur à tota natura rei sub ratione vniuersaliori, atque imperfecta, perfectibili tamen per eandem naturam sub gradu speciali consideratam; differentia vero à tota etiam natura, ut determinata, atque perfecta. Gratia exempli, animal ut est genus hominis, sumitur à tota natura eius, secundum gradum superiorem, & imperfectum, hoc est, ut sensitua, per eandem naturam hominis, ut rationalem determinabili, & rationale, quod est differentia, sumitur etiam à tota natura hominis, ut perfecta, ac determinata: unde sequitur tam genus quam differentiam significare totam naturam speciei, illud quidem sub ratione contrahibilis; hanc vero sub ratione contrahentis.

Secundo notandū est, quod genus sumptū ut totum potentiale, valde diuersum est à seipso sumpto, ut parte actuali, aut potenciali, nam ut totum potentiale, non solum dicit partem speciei, sed totam naturam eius, sub gradu superiori, & imperfectiori consideratam, & contrahibilem, per gradus inferiores, &

Cap. 2. de genere. quæst. 6.

speciales differentiarum, sed ut pars est speciei, non dicitur ullo modo integrum naturæ speciei, sed partem dum taxat: & ratio huius differentie est, quia genus ut totum potentiale abstrahitur ab speciebus abstractione vniuersali, qua abstrahitur commune à particularibus, ut animal abstrahitur ab homine, & leone, tanquam vniuersale à particularibus, & ideo dicitur totam naturam eorum, sed sub gradu superiori sensitiuo idem significans, quod habens naturam sensitiuam determinabilem per rationalem. Si vero idem genus accipitur ut pars speciei, non abstrahitur abstractione vniuersali à particularibus, sed potius abstractione præcisiua, qua pars præscinditur à toto, ut brachium ab homine.

24 Ex hac doctrina colligitur duplex argum. ad probandum quod genus, ut totum potentiale, & non ut pars prædicatur de specie. Primum, genus prædicatur de speciebus ut vniuersale, ac superius prædicatum abstractum ab eis, sed vniuersale, quod abstrahitur à particularibus, continet totam naturam eorum sub ratione superiori consideratam, non consideratis rationibus inferioribus, à quibus abstrahitur, ut patet de specie abstracta ab indiuiduis; ergo prædicatur de illis ut totum potentiale contrahibile per differentias, & non ut pars. Probatur consequentia, quia pars non potest abstrahi à toto abstractione vniuersali à particulari, sed solum præscindi ab eo, ut brachium ab homine, quod patet non prædicari de toto.

Secundo, ut vera sit prædictio aliqua, non sufficit quod prædictum includatur in subiecto, nam si hoc sufficeret, quælibet pars præ-

dicaretur de toto; ergo requiritur quod contineat, quidquid continet subiectum. Probatur consequentia ex sensu ipsius propositionis, per quam significatur hoc esse illud, quod non potest esse verum, nisi totum quod continet subiectum contineat prædicatum: nam si aliquid subiecti non continet, non erit verum ex parte illius, esse illud. Et hæc est ratio, propter quam, nulla pars prædicari potest de toto, quia ratione alterius partis, quam totum dicit, non potest esse verum totum esse partem, ut hominem esse caput. Et argum. hoc eodem modo probat de partibus Metaphysicis, quales sunt genus, & differentia, ac de partibus Physicis, quales sunt materia, & forma; quia licet illæ non distinguantur realiter à toto, satis est distinguere ratione formali, propter diuersum modum essendi, & significandi totius, & partis, ut ab intellectu conceptis, ut falsam efficiant propositionem.

Ad testimonium Aristotelis pro prima opinione respondeo, partes definitionis prædicari de definito per se, seruatō modo prædicandi debito, nempe sumptis per modum totius potentialis, vel actualis, nam sub forma partis impossibile est. Ad intentum vero Aristotelis in eo loco sufficit, quod hoc, vel illo modo prædicentur.

Ad primum argumentum eiusdem sententie respondetur distinguendo antecedens, nam prædicatum ex duplici parte potest esse incompletum, ex parte eius quod prædicat de subiecto, & ex modo, quo illud prædicat, & in primo sensu incompletè prædicatur genus de specie, quia tantum prædicat naturam sensitiuam, quæ est pars speciei, sed ex parte modi complete

complete potius prædicatur. Quia eandem naturā sensitivā prædicat nō per modū partis, sed per modum totius quia per modum habēris illā, non quidem totius actualis, sed potē tialis, quia per modum perfectibilis, ac determinabilis per gradus differentiales.

25 Ad secundū respondetur concedē do antecedens, quod pars physica in concreto significata prædicatur de toto, quia non significatur ut pars, sed sub ratione totius, quia significatur nomine adiectivo, quod cum significet per modum adiacentis, rem quoque significat per modum habē tis, ut dum dicimus hominē esse materiam, idem est, ac si dicamus esse habentem materiam, & esse materialē adiectivo nomine significatur per modum adiacentis, ac si esset accidens hominis, cū vere sit pars substantialis. Genus vero etiam in concreto significatum sumi potest ut pars, quia significatur nomine substantivo, & ita sumptum non potest prædicari de toto, secundum verum sensum propositionis, per quam dicitur hoc esse illud. Quod non potest esse verum ex ea parte, qua totum aliquid aliud importat diversum à qualibet parte per se.

Ad argumentum secundæ opinionis respondetur, differentiam inter genus, ut partem actualem, & potentialem non consistere in eo, quod ut pars actualis, vni tantum differentię coniunctum sit, ut potentialis vero omnibus coniungi possit, nam utroque modo vnam tantum determinatam differentiam respicit, sed solum ut pars actualis distinguitur à se, ut parte potentiali, quia ut actus coniunctum consideratur cum tali differentia determinata, sed ut pars

potentialis consideratur ut potens coniungi, non omnibus, sed eidem tantum determinatę differentię. Vnde falsum est, quod ut pars potentialis contineat differentiam aliquam in potentia, & consequenter est falsum, quod ut pars potentialis prædicari possit de specie.

QVÆSTIO VI.

An modus prædicandi in quid separet genus a differentia.

PARS negatiua, quod non distinguatur per modum prædicandi in quid, & in quale quid, probatur ex Aristotele. 1. lib. posteriorum textu 21. ubi docet utramque partē definitionis, nempe genus, & differentię prædicari de specie in quid, & expressius 7. li. Topicorum cap. 2. loco 31. his verbis, *Eorum que sunt in assigna ta oratione, hoc quidem genus, illud autem differentia. & in eo, quod quid est genus, & differentia prædicantur.*

Probatum etiam ratione, quia modus prædicandi sequitur modum essendi, sed differentia habet modum essendi perfectiorem in compositione speciei, quā genus, cum se habeat tāmquam forma, & genus ut materia; ergo habebit modum perfectiorem prædicandi. Sed modus perfectior prædicandi est prædicari in quid, ergo hoc modo potius, quam in quale prædicabitur. Minorem probō, quia modus prædicandi in quid, est proprius substantię, & modus prædicandi in quale, est mod⁹ accidentis; quod non videtur esse negari, cum sit prædicatum essentiale. Communis tamen sententia Porphyrii, & omniū interpretum eius est, quod genus distinguatur à differentia ex eo, quod

F 5 illud

Cap. 3. de genere. quæst. 6.

illud prædicatur in quid, hæc vero in quale quid vera est, & tenenda. Quæ probatur expressio testimonio Aristotelis 4. lib. Topicorum cap. 6. loco. 81. ubi sic ait. *Quoniam differentia quidam qualitas est generis semper significans, autem autem differentia non, nã quod dicitur gressibile quiddam, animal dicitur, qui vero animal dicitur, non dicitur quale quiddam gressibile, differentia igitur a genere se se paranda.* Et hanc modum distinguendi hæc duo prædicabilia generis, & differentiarum, per modum prædicandi in quid, & in quale quid, sequitur D. Thom. opus 38. tracta. 1. cap. 4. Probat deinde ratione, quia genus prædicatur de specie per modum substantiarum, hoc est per se ita ut, cuius evidens signum est, quod nomine substantivo significatur, sed modus prædicandi in quid est proprius substantiarum, quæ est quidditas rei, ergo prædicatur in quid. Differentia vero prædicatur per modum formæ, qui non est rei per se stantis, sed inherens materiæ & determinatis, ad modificantis illam ad similitudinem qualitatis, ergo non prædicatur in quid, sed in quale, non tamen sicut vera qualitas, quia ad essentiam rei pertinet, & ideo non prædicatur in quale simpliciter, sed secundum quid, & cū addito, hoc est in quale quid, & in hoc distinguitur à genere. Pro explanatione, testimonii Aristotelis adducti ad probandam negativam partem, notandum est, duo esse consideranda in prædicato alicuius prædicationis. Primum, res ipsa, quæ prædicatur, secundum modum, quo concipitur, & significatur, secundum quem attribuitur subiecto, & primum quasi materiale est in prædicatione, ex quo non sumitur modus prædicandi distinguens prædicabilia, sed ex secundo, in quo consistit ratio formalis

prædicationis, Aristoteles ergo in diversis locis, utrumque consideravit, in eo quidem, cuius verba adduximus pro negativa parte, consideravit primum, modum vero concipiendi prædicatum & attribuendi subiecto consideravit in secundo loco, quem pro nostra sententia adduximus, & ideo distinxit genus à differentia, per modos prædicandi in quid, & in quale in alio vero eodem modo prædicari docuit, quod verum est ex parte rei, quæ prædicatur, in se considerata, nam tam differentia, quàm genus est pars quidditatis speciei.

Ad arg. vero respondet distinguendo maiorem, nã modus essendi dupliciter sumi potest, secundum se, vel ut concipitur à nobis, & ab eo hoc modo sumpto accipitur modus prædicandi, quia non prædicantur res, ut sunt à parte rei, sed ut tali modo cognoscuntur, & licet secundum primam considerationem perfectior sit differentia quàm genus, ex modo tamen posteriori perfectior habet modum prædicandi hoc, quàm illa, per quæ distinctum prædicabile constituit.

CAPVT III. DE Specie.

Intentum Porphyrii in hoc capite est explicare naturam secundi prædicabilis, quod est species. Dividitur autem in quatuor partes, in prima proponit duas acceptiones speciei, primam physicam, & realem, ex cuius similitudine colligit secundam Logicam. In 2. definit speciem duplici definitione. In 3. ponit ordinationem prædicamentalem prædicamenti substantiæ, ut per eam intelligatur duplex habitudo speciei, una quæ habet ad genus, sub quo collocatur, altera ad individua à quibus prædicatur. In ultima definit individuum duabus definitionibus.

Prima

Prima acceptio realis speciei est, quæ accipitur pro forma, ac pulchritudine rei. In qua acceptione dicitur *solet P. astantissimam speciem dignam esse imperio*. Hoc est pulcherrimum hominem dignum esse imperio, quia pulchritudo corporis signum est virtutis in anima existentis. Et huic acceptioni reali similis est acceptio Logicalica, quæ accipitur species pro ea quæ sub assignato genere collocatur (inquit Porphyrius) id est sub genere præcise definitio, & explicatio cap. præcedenti. Similitudo autem utriusque acceptionis consistit in hoc, quia quæ admodum formæ rei, in qua pulchritudo consistere solet, accidentali modo includit atque ostendit perfectionem essentiali rei, ita species, quæ sub genere collocatur, & ab eo simul eam differentia constituitur, includit modo substantiali formam perfectionem essentiali rei, ut species humana totam perfectionem essentiali hominis. Et hoc in prima parte capituli

2 In secunda vero definit Porphyrius speciem secundum hanc acceptionem Logicalicam duplici definitione. Prima definitio talis est, *species est, quæ subicitur generi & de qua genus in quid prædicatur*. Per quam explicaretur species secundum habitudinem, quæ habet ad genus, à qua dicitur species subicibilis.

2. definitio speciei est, *Species est quæ prædicatur de pluribus differentiis specie in eo quod quid*. Per quæ explicatur species secundum habitudinem, quam habet ad individua, & ut est secundum prædicabile, & hæc Porphy. in 2. par. In tertia proponit ordinem prædicationem in prædicamento substantiali, quod his quinque prædicatis constat, substantia, corpus, vivens, animal, homo. Sed ut intelligatur, tria ait esse in eo consideranda. Primum est, tria in eo reperiri, nempe supre-

um genus, quod ita est genus, ut non sit species. Ut substantia, infima speciem, quæ ita est species, ut non sit genus, ut homo, aut leo, & inter media genera, quæ simul sunt genera respectu inferiorum specierum, & species respectu superioris generis. Individua vero non collocantur in prædicamento, tamquam partes eius, sed tanquam fundamentum omnium prædicamentorum essentialium, ex quibus tanquam partibus componitur prædicamentum. Gratia exempli, substantia est superius genus, homo infima species. Et hæc sunt quasi extrema prædicamenti, animal vivens, & corpus dicuntur inter media, quia ita sunt genera, ut simul sint species; animal enim est genus hominis, & species viventis, & ideo vocatur hæc genera subalterna, quia ita sunt genera, ut sub alio genere collocentur, respectu cuius species dicuntur, & hoc est simul esse genera, & species respectu diversorum.

Secundo considerandum est, suprema genera esse decem, nempe, substantiam, quantitatem, relationem, qualitatem, actionem, passionem ubi, situm, quod, habere, & cum hæc sint quasi capita prædicationum, decem quoque sunt prædicamenta, species vero infima finitæ sunt, & eodem modo inter media genera, sed individua in infimis procedunt, quia quibuscunque datis aliis, & aliis multiplicantur in infinitum, & ita à scientia prædicamentorum desciunt.

Tertio considerandum est, hanc esse 3 differentiam inter ascensum, & descensum prædicamentalem, quod descensum sit per divisionem unius in plura, nempe, generis in plures species per differentias, ascensus vero per collectionem plurium in unum, ut dum descendimus à supremo genere, substantiæ usque ad infimam speciem hominis, procedimus dividendo illud in substantiam.

Cap. 3. de specie. q. i.

substantiam corpoream, & incorpoream, & hanc in viuentein; & non viuentein vsque ad hominem. Sed dum ascendimus, plures species colligimus in vno genus, vt hominem, leonem, & ceteras species animalis in vnum genus animalis, & ita vsque ad supremum genus substantiæ. Et hæc Porphyrius in 3. parte. In vltima vero, quia speciem vt prædicabilem definiuit per indiuidua tanquam per terminū relationis eius, explicat naturam indiuidui duabus definitionibus, quarum prima est. *Indiuiduum est, quod de vno solo prædicatur.* Vt Petrus de seipso in hac prædicatione identica, Petrus est Petrus.

Secunda definitio. *Indiuiduum est, cuius collectio proprietatū, quæ in vno est, in alio non potest reperiri.* Quæ sic explicatur. Proprietates specificæ, vt risibilitas, & admiratio, communes sunt omnibus indiuiduis humanæ speciei, & plures etiam proprietates indiuiduales cuiuslibet indiuidui possunt conuenire aliis, sed collectio omnium, quæ in vno reperiuntur, non possunt in alio reperiri. Exempli gratia: quælibet proprietas indiuidualis Petri potest conuenire Ioanni, sed omnes simul sumptæ non possunt ei conuenire. Hæc Porphyrius in toto capite.

QVÆSTIO I.

Vtrum species fuerit definita a Porphyrio duabus, vel tribus definitionibus.

4 **C**irca numerum definitionum, quibus species definita est à Porphyrio, certum est apud omnes interpretes eius duabus saltem definitionibus definitam esse secun-

dum duas habitudines, vel respectus, quos habet; vnum ad genus, à quo species subiicibilis vocatur; alterum ad indiuidua, à quo dicitur species prædicabilis. Sed an duabus tantum definita fuerit, vel tribus, diuersæ sūt opiniones.

Prima est Soti asserentis duabus tantum esse definitam, ita vt prima illa, quæ asserit, speciem esse, quæ sub assignato genere collocatur, non sit definitio, sed acceptio tantum logica speciei, aut nuda explicatio vocis. Altera vero, qua dicitur speciem esse, quæ subiicitur generi, & de qua genus in quid prædicatur, definitionem esse, non tamen duplicem, sed vnam tantum, quia eundem respectum explicat, nam idem est subiici generi, & genus prædicari de illa. Et cum præter hanc, tantum sit alia, per quā explicatur species vt prædicabilis, tantum erunt duæ.

Probat hoc argumento. Species solum habet duos respectus, vnum ad genus, vt est subiicibilis; alterum ad indiuidua, vt est prædicabilis; ergo solum habet duas rationes formales explicabiles per definitionē, & ideo duabus solum definitionibus explicari potest.

Alii vero omnes asserunt tribus definitionibus fuisse definitam, sed non eodem modo eas enumerant, nā Toletus primam solum esse explanationem vocis ait, sed secundam distinguit in duas, ita vt vna sit, *Species est quæ subiicitur generi*, & altera, *species est de qua genus prædicatur in quid*, & ideo cum alia, per quam explicatur species, vt prædicabilis esse tres. Probat quia eundem respectum ad genus diuerso modo vtrique explicat: nam aliud speciem respicere genus, aliud genus respicere speciem, dum prædicatur de illa.

Caic.

Caictanus vero , & Canterus ita
asserunt tres esse definitiones, vt pri-
ma non sit sola acceptio , aut vocis
explicatio, sed simul definitio, secun-
dam vero vnam tantum esse , quia
vnam tantum habitudinem ad genus,
omnia illa verba explicant, & hæc
videtur mihi probabilior sententia,
& magis ad mentem Porphyrii. Et
probatur primum, quod illa verba,
species est, quæ sub assignato gene-
re collocatur, non sint sola acceptio,
sed etiam definitio, quia Porphyrius
dum aliam definitionem proposuit,
sic asseruit, *Assignant ergo, & sic speciei,
species est, quæ ponitur sub genere, & de
qua genus in quid prædicatur.* Quibus
verbis docet se aliã definitionem post
primam iam traditam assignare. Præ-
terea, priusquam secundam definitio-
nem proponeret , rationem reddit,
propter quam , cum genus per spe-
ciem definierit, cap. præcedenti, nunc
speciem per genus explicauerit, quia
cum sint relatiua, vnum per alterum
definiendum erat , ergo fatetur iam
definiisse speciem, antequam secun-
dam definitionem proponeret, quod
non esset verum, si prima solum esset
acceptio, & non definitio.

Probatur secundum, quod sint defi-
nitiones distinctæ prima, & secunda,
per quas species definiatur vt subii-
cibilis, hoc argumento. Species vt su-
biicitur generi, habet duas rationes
formales diuersas, ergo non vna, sed
duabus definitionibus debuit expli-
cari. Consequentia evidens est, quia
vna definitio, vnam tantum rationem
formalem explicare potest. Sed pro-
batur antecedens, quia in genere di-
uersæ rationes formales sunt , esse
vniuersale , hoc est vnum in multis
speciebus , & esse prædicabile de
illis; & ratio vniuersalis prior est, &
essentialis illi; ratio vero prædicabi-

lis posterior , & propria passio eius,
& sub vtraque ratione respicit spe-
ciem , ergo etiam in specie debent
correspondere diuersæ rationes for-
males, nempe esse subiectum, in quo
est genus , & esse subiectum, de quo
prædicatur, ita vt illa sit prior, & qua
si essentialis speciei , vt subii-
cibili, hæc vero posterior, & quasi propria
passio eius, sed diuersæ illæ rationes
formales in genere explicantur di-
uersis definitionibus , nempe vnum
in multis speciebus , & prædicabile
de illis, ergo etiam diuersæ rationes
ex parte speciei debent explicari per
diuersas definitiones. Et ita factum
est à Porphyrio , qui per illa verba.
*Species est, quæ sub assignato genere collo-
catur.* Explicuit speciem subii-
cibilem, vt est subiectum, in quo est genus, per
secundam vero, vt est subiectum, de
quo prædicatur.

Sed quod secunda definitio non sit
duplex, sed vna probatur, quia prima
verba, *species est, quæ subicitur generi,*
eandem prorsus rationem speciei ex-
plicant, quæ per primam definitionem
fuerat explicata , nempe esse subie-
ctum in quo est genus, quare solum
videntur repetitio primæ definitio-
nis. Alia vero verba, nempe, *De qua
genus in quid prædicatur.* Explicant
aliã rationem formalem eiusdem
speciei subii-
cibilis, videlicet esse sub-
iectum, de quo prædicatur genus.
Duas igitur tradit Porphyrius spe-
ciei subii-
cibilis, secundum duas ratio-
nes formales eius, & tertiam eiusdem
speciei, vt prædicabilis.

Ad argum. Soti, & Toleti eadem
solutione respondetur, nam dum di-
citur speciem solum habere respectus
ad genus, & indiuidua, concedendum
est ; dicendum tamen respectum ad
genus duplicem habere rationem
formalem diuersam , quia diuerso
modo.

Cap. 3. de specie. quæst. 2:

môdo respicit genus, nempe, vt subiectum in quo, & vt subiectum de quo, licet genus diuersa. ratione respicit eandem speciem, nempe. vt subiectum in quo est, & de quo prædicatur, ideo diuersis definitionibus debuit explicari.

Sed duo restant breuissima dubia.

Primum, qua ratione agat Porphyrius de specie subiicibili, nam cum opus hoc prædicabili sit, non pertinet ad ipsum species, nisi vt prædicabilis, sed nō est prædicabilis vt respicit genus, sed indiuidua, ergo non debuit definiri nisi respectu eorum. Et ideo vnica definitione, & nō pluribus, Respondetur agere Porphyriū dē specie subiicibili. r. quia est subiectū generis, & subiectū ad eandem considerationem pertinet, ad quam prædicatum, quia terminus relationis eius est, sine quo non potest cognosci. 2. quia subiectum opponitur prædicato, oppositorum vero eadem est scientia, & ideo duabus definitionibus debuit species definiri vt subiicibilis, quia duobus modis formaliter diuersis est subiectum generis.

7 Sed circa vtramque eius definitionem est 2. dubium, quia videtur conuenire indiuiduis, cū sub assignato genere collocetur, vt hoc, vel illud animal sub animali, atque etiam Petrus, & Ioannes, & eidem generi subiiciantur, quod de illis prædicatur in quid sicut de speciebus. Respondetur, collocari sub genere, aut esse subiectum eius duobus modis posse intelligi, per se quidem, ratione sui, & immediate; aut ratione alterius, & remote; & primo modo conuenit soli speciei, indiuiduis vero solum secundo modo. Et ratio huius est, quia genus per se, & immediate descendit ad species per differentias, ad indiuidua vero nō nisi ratione speciei, ergo species sola est, quæ per se pri-

mo collocatur sub genere, indiuidua vero, non nisi per speciem. Definiones igitur speciei subiicibilis secundum primum modum intelliguntur à Porphyrio, ita vt sensus primus sit, species est, quæ sub assignato genere, per se primo, atque immediate collocatur. Sensus vero secundus, species est, quæ per se primo, & immediate subiicitur generi, & de qua genus per se primo, & immediate prædicatur in quid, & ita excluduntur indiuidua, quæ non sic ponuntur sub genere, nec ei subiiciuntur.

QVAESTIO II.

Vtrum species subiicibilis, ut subiicibilis est, sit vniuersalis, vel quonam modo se habeant habitudines istæ speciei inter se, vniuersalitatis, prædicabilitatis, & subiicibilitatis.

VT intelligatur quæstio, præsupponenda sunt duo tanquā certa apud omnes. Primum, hos duos respectus speciei, nempe prædicabilitatis, & subiicibilitatis, quasi oppositos esse, cum conueniant ei respectu diuersorum, & quasi oppositorum terminorum, nam respectus subiicibilitatis conuenit speciei in ordine ad superius genus, respectus prædicabilitatis in ordine ad inferiora indiuidua. Secundo certum est, respectum prædicabilitatis conuenire speciei, vt vniuersali. Probatur, quia vt superius probatum est, vniuersalitas se habet tanquam essentia vniuersalis, prædicabilitas vero tanquam propria passio eius; ergo verum est speciem vt vniuersalem esse prædicabilem, sicut verū est hominem esse risibilem, vt est rationalis. Quæstio igitur est, an etiā conueniat speciei respectus subiicibilitatis, in quātū est vniuersalis.

Circa

Circa quam duæ sunt opiniones. Prima Caietani cap. presenti, ubi ait ita esse connexas hæc duas rationes speciei, nempe, vniuersalitatem, & prædicabilitatem cum tertia, quæ est subiicibilitas, ut hæc se habeat tanquã essentia, à qua illæ duæ procedunt tanquam propriæ passionēs. Vnde sequitur, speciem, ut subiicibilem esse vniuersalem, sicut verum est, hominem esse risibilem, in quantum est homo, quia risibilitas procedit à rationalitate, tanquam propria passio ab essentia.

Secunda opinio est Cardinalis Toleti q. 1. huius capituli. Vbi asserit vniuersalitatem esse essentiam speciei, & ab ea procedere duas passionēs, vna est prædicabilitas de multis respectu indiuiduorum, alia subiicibilitas respectu generis, ex quo sequitur, speciem ut respicit genus, esse vniuersale subiicibile, & ut respicit indiuidua esse vniuersale prædicabile, & ut vno verbo hanc sententiam explicemus, ita ait speciem ut subiicibilem esse vniuersalem, sicut vniuersalis est in quantum prædicabilis.

Probat. duplici ratione, prima, vniuersale (inquit) est genus ad quod quæ prædicabilia, sicut animal ad hominem, & leonem, ergo quodlibet prædicabile respicit illud tanquam proprium genus, cuius rationem participat: sed species respectu generis sunt subiicibiles, ergo prædicabilia, ut species subiicibiles participant rationem genericam vniuersalem, sicut homo, & leo rationem animalis, quare ut subiicibiles sunt vniuersales.

9. Secunda, species subiicibilis ut subiicibilis est, non est singularis, ergo vniuersalis. Consequentia necessaria est, quia inter vniuersale, & singulare non datur medium. Sed probatur antecedens, quia species subiicibilis

non est natura contracta per conditiones singulares, ut natura petri, sed abstracta ab illis, natura vero abstracta communis est multis, ergo est vniuersalis, & ideo in quantum subiicibilis erit vniuersalis.

Et confirmatur, quia species subiicibilis in quantum subiicibilis, est communis huic, & illi speciei subiicibili, de quibus prædicatur in his prædicationibus; Hæc species subiicibilis est species subiicibilis: Et illa species subiicibilis est species subiicibilis, ergo est vniuersalis. Probat. consequentia, quia prædicabile sequitur ex vniuersali, tanquam propria passio ex essentia.

Utraque hæc sententia falsa est. Probat. hoc argumentum. Vniuersalitas, & prædicabilitas sunt respectus naturæ ad inferiora, subiicibilitas vero est respectus eiusdem ad superiora, ergo respectus iste oppositus est illis: sed vnum oppositorum non potest procedere ab alio tanquã propria passio ab essentia, ergo vniuersalitas, & prædicabilitas non procedunt à subiicibilitate tanquam ab essentia, ut affirmat Caietanus, nec subiicibilitas procedit ab vniuersalitate tanquã ab essentia, ut affirmat Toletus.

Vera igitur sententia tria affirmat. Primum, vniuersalitatem, & prædicabilitatem non esse respectus oppositos, sed se habere tanquam essentiam, & propriam passionem, probatur hoc, quia uterque habet pro termino inferiora, quomodo diuerso modo considerata, ut quæstione præcedenti explicatum est.

Secundum, hos respectus esse quasi oppositos subiicibilitati, & ideo nec ab ea procedere possunt tanquã propria passio ab essentia, nec subiicibilitas ab illis. Vtrumque probatum est contra Caietanum, & Toletum.

Ter-

Cap. 3. de specie. quæst. 2.

Tertium, speciem subiicibilem, vt subiicibilis est, non esse vniuersalem, sed subiectum commune, atque primum generis. Hoc sequitur eundem ex duobus primis, & probatur hoc argumen. Respectus oppositi nō possunt eidem rei sub eadem ratione formali conuenire, sed vniuersalitas, & subiicibilitas sunt respectus oppositi, vt probatum est, ergo nō possunt species sub eadem ratione conuenire, ideo nec vt vniuersalis est subiicibilis, neque vt subiicibilis est vniuersalis.

Ad primum argumentum secundæ opinionis concedendum est antecedens, quod vniuersale sit genus ad quinque prædicabilia, & etiam prima consequentia, quod naturam eius participant: sed negandum est, quod eam participant, vt sunt species subiicibiles, sed eam quidem participant secundum propriam essentiam, ex participatione vero resultat in eis accidentaliter respectus subiicibilitatis, secundum quem non sunt vniuersales, sed subiecta generis. Quod hoc exemplo declaratur: Animal est genus hominis, & leonis secundum proprias naturas sensitivas, & hoc modo naturam eius participant, & animalia sunt formaliter. Ex hoc vero resultat in eis denominatio specierū subiicibilium, accidentalem quidem, cum sit eis tributa ab intellectu, & ideo vt sunt species subiicibiles, nō sunt animalia, sed subiecta. Eadem ratione prædicabilia secundum proprias naturas participant essentiam vniuersalis, quod est genus eorum, propria autem natura prædicabilium est, esse secundas intentiones denominantes naturas vniuersales, vt primi prædicabilis denominare naturā vniuersalē in multis speciebus, secundū prædicabilis in multis differentiis nunc

ro in quid, & sic de reliquis. Vnde hoc modo participat naturā vniuersalem, & essentialiter sūt vniuersalia, sed de nominatio speciei subiicibilis accidē taliter ea consequitur, & ideo secundum eam non possunt esse vniuersales, sicut neque homo, & leo, vt sunt species subiicibiles, sunt animalia.

Ad secundum concedendum est II antecedens, nempe speciem, vt subiicibilem non esse singularem, sed neganda est consequentia, quod sit vniuersalis, nam inter vniuersale, & singulare datur medium, quod est subiectum commune, id est natura abstracta communis negatiue, quia nulli singulari appropriata est, neque illa respicit, sed solū genus, ad quod cōparatur, & sub quo collocatur, vt autem vniuersalis sit formaliter, necesse est ad indiuidua cōparetur, & referatur.

Ad confirmationem respondeo, speciem subiicibilem comparatam ad hanc, & illam speciem subiicibilem non esse secundum rem subiicibilem, sed solo nomine, quia non comparatur ad genus, nec illud respicit, verē autem prædicabilem, & vniuersalē, cum sit vnum in multis, & de multis: quare non probatur, quod, vt subiicibilis secundum rem sit vniuersalis.

Ex dictis in hac quæstione tria intelliguntur, primū quod ex duplici respectu prædicabilitatis, & subiicibilitatis: secundus conuenit primæ speciei. Cuius ratio est, quia primū, quod habet species, est esse compositū ex genere & differentiā, postquā vero cōposita ex eis est, participatur ab indiuiduis; ergo primo consequitur naturam eius respectus ad genus, quā ad indiuidua.

Secundum, quod intelligitur est, respectum prædicabilitatis nobiliorē

in

in ea esse respectu subiicibilitatis, & ideo nobiliorem denominationem speciei ab eo cōsequitur. Quod sic probō, prædicatum nobilius est subiecto, cum sit forma eius; ergo respectus prædicabilis nobilior est respectu subiicibilis. Intelligitur tandem speciem respectu subiicibilis, & prædicabilis æquiuocum nomen esse. Probatur, quia respectus subiicibilitatis, & prædicabilitatis sunt oppositi, & omnino diuersi, ita ut sub nomine speciei in nullo conueniant, ergo solum habent nomen commune, quod proprium est æquiuocorum.

QVÆSTIO III.

An species possit conseruari in unico indiuiduo, & genus in unica specie.

12 **V**T facilius intelligatur, atque soluatur quæstio, annotandum est, genus, & speciem tribus modis considerari posse 1. secundum entitatem physicam, & realem, 2. Logice in quantum genus est prædicabile de multis differentibus specie in quid, & species de pluribus differentibus numero 3. Metaphysice in quantum genus est rotum potentiale contrahibile per oppositas differentias, aut pars speciei eam componens cum differentia, & secundum considerationem physicam certum est apud omnes genus posse conseruari in vna specie, imo in vno solo indiuiduo, atque etiam species, & huius ratio manifesta est, quia tota entitas generis, & speciei, ut animalis, & hominis reperitur in quolibet indiuiduo, ut in Pëtro, aut Ioanne.

Secundum Logicam etiam considerationem est certum genus non conseruari in vna specie, nec speciem in vno indiuiduo. Probatur hoc ex definitionibus vtriusque, nam genus est prædicabile de multis speciebus, & species de multis indiuiduis, ergo vtrumque postulat plura ad sui conseruationem, in quo æqualia sunt. Sed an genus postulet plures species actu existentes, & species plura indiuidua, vel sufficiat eis vnum actu, dam modo plura sint in potentia, ad sui conseruationem, de specie nemo dubitat, quin possit conseruari in vno indiuiduo, si plura sint possibilia. Probatur euidenti experientia; quia sol, & luna, sunt species Logicæ, & non habent nisi vnum indiuiduum actu existens, plura tamen possibilia; ergo hoc sufficet ad conseruationem Logicæ speciei.

Degeneri vero logico asserit Toletus quæstione vnica huius capituli non posse conseruari in vna specie actu existente, quamuis plures sint possibiles, sed plures actu existentes postulare ad sui conseruationem. Probat 1. testimonio Aristotelis 4. lib. Topicorum cap. 3. vbi ita ait, *Quoniam in speciem, dum autem omni generis plures species, in speciem, dum si non contingit alteram speciem esse dicti generis, nam si non est, manifestum quoniam non erit genus omnino.* Deinde ratione, quia genus contrahitur ad speciem per differentiam, sed differentia non constituit speciem, nisi distinguendo illam ab aliis, ergo requirit genus plures species actu existentes, probatur consequentia, quia differentia non distinguit speciem ab aliis non existentibus, sed ab his tantum, quæ actu sunt.

Hæc tamen sententia falsa est, quod probatur hoc argumento, ge-

G nus

Cap. 3. de specie. quæst. 3.

nos logicum est prædicabile de pluribus differentibus specie, etiam si actu non prædicetur, vt definitio eius ostendit, sed etiam si in vna tantum sit specie actu existente: sufficit alias esse possibles, vt sit prædicabile de pluribus, ergo conseruabitur in vna, si plures sint possibles, & non requirit plures actu existentes, sed quantum ad considerationem Logicam æqualis est ratio de genere, & specie, ita vt vtrumque postulet plura ad sui conseruationem, non actu existentia, sed vnum actu, & plura in potentia. Circa tertiam considerationem Metaphysicam primo certum est apud omnes degenerate, vt est totum potentiale, quod non possit conseruari in vni- ea specie, nisi alia sint possibles. Et ratio est manifesta, quia vt est totum potentiale, essentialiter est contrahibile per oppositas differentias ad constitutionem diuersarum specierum, ergo plures saltem possibles postulat ad sui conseruationem.

Secundo certum est, de eodem genere, vt est pars actualis speciei, quod possit conseruari in vna specie, etiam si plures non sint possibles. Probat hoc, quia vt est pars actualis speciei, solum petit vnā differentiam, cui actu coniungitur, ergo solum petit ad sui conseruationem vnā speciem, quam cum ea composit.

De specie vero Metaphysica non est ita certum, an in vno individuo conseruari possit, vel plura postulet saltem possible. Sed duæ sunt opinioniones contrariæ, primam tenet Oñs quæst. 2. huius capituli arti. 2. affirmans æqualia esse genus & speciem Metaphysicam, ita vt sicut genus postulat plures species, vnā actu, &

aliā saltem in potentia, ita species non potest conseruari in vno individuo, si non sint plura possible.

Probat hoc argumento. Ideo genus non potest conseruari in vna specie, quia est contrahibile per oppositas differentias specificas. hoc est, tales, quæ non possunt esse in eadem specie, vt animal per rationale, & irrationale, sed etiam species est contrahibilis per differentias indiuiduales oppositas, hoc est, non potentes conuenire eidem indiuiduo, vt homo per differentias Petri, & Ioannis, ergo sicut genus non potest conseruari in vna specie, sic species non poterit conseruari in vno indiuiduo. Sed hæc etiam sententia falsa probatur hoc argumento. Species Metaphysica secundum essentiam solum dicit quid compositum ex genere, & differentia, & per solum genus, & differentia diffinitur; sed in vno solo indiuiduo, etiam si alia non sint possible, saluari potest compositio ex genere, & differentia, ergo etiam saluabitur, aut conseruabitur species Metaphysica. Probat minor, quia differentia indiuiduales extra genus, & differentiam sunt, ergo compositio speciei ex genere, & differentia non dependet essentialiter ab illis, & ideo, non minus in vno indiuiduo, quam in multis conseruatur, & ex consequenti species. Et confirmatur, quia probabile est, species Angelorum nec habere, nec posse habere nisi vnicum indiuiduum, & tamen nullus negat, quod sint vere species compositæ ex genere, & differentia.

Nostri igitur sententia duo asserit, primum, quod genus, & species secundum Logicam considerationem æqualia sunt, ita vt nec genus pos-

sit.

14.

fit conseruari in vna specie, nisi alia saltem sit possibilis; nec species in vno individuo, nisi alterum saltem sit possibile, neutrum tamen postulare plura actu existentia ad sui conseruationem.

Secundum quod asserit est, genus, & speciem secundum considerationem Metaphysicam nõ esse æqualia, sed genus vt est totum potentiale non posse conseruari in vna specie, nisi altera saltem sit possibilis, quamuis vt est pars speciei, in vna conseruari possit, speciem vero conseruari posse in vno individuo, etiam si aliud non sit possibile. Vtrumque autem probatum est iam ex refutatione aliarum opinionum.

15 Sed vt veritas secundi magis fiat manifesta, & argumētum oppositum facilius soluatur, annotandum est, hæc esse differentiam inter genus & speciem Metaphysicæ considerata, quod genus est totum potentiale, & imperfectum essentialiter, perfectibile tamen per differentias specificas tanquam per alios gradus perfectionis essentialis distinctos. Vt animal dicit naturam sensitiuam essentialiter imperfectam, perfectibilem vero per rationale, & irrationale, tanquam per diuersos gradus essentialis perfectionis. Vnde sequitur. 1. genus essentialiter esse contrahibile per oppositas differentias ad constitutionem diuersarum specierum. Species vero totum actuale, & perfectum est, ita vt non possit vltiorem perfectionem essentialem suscipere (loquimur autem de specie infima, quæ ita est species, vt non sit genus) quare non est contrahibilis per differentias essentielles, quæ sint gradus essentialis perfectionis, sed solum multiplicatur in indiuiduis per differen-

tias indiuiduales, quæ non sunt essentielles, sed omnino extra essentialitatem eius, accidentales enim sunt, vel ad summum modi quidam substantiales. Secundo sequitur speciem non esse essentialiter contrahibilem per differentias indiuiduales, sed sine tali contractione esse perfectam, & completam essentialiter, & ideo siue per plures determinetur ad plura indiuidua, vel per vnam tantum ad vnam, & siue alix sint possibiles, vel non, perfecta erit, atque completa species essentialiter in vno, non minus quam in multis, & ideo in solo illo conseruabitur, quia determinatio per tales differentias non est ei essentialis, sed vel accidentalis, vel modalis, & omnino extra essentialitatem.

Ad testimonium Aristotelis, quod adduxit Toletus respondet, sensum Aristotelis esse, quod genus Logicum non possit conseruari, nisi cognoscatur ab intellectu in ordine ad plures species, quia non nisi per comparisonem ad plures fit ab intellectu, nec aliud esse habet, quam ab eo cognosci, non tamen requirit plures existentes à parte rei, sed in vna conseruatur, si alix sint possibiles.

Ad argumentum eiusdem opinionis respondetur, differentiam constituere speciem, & distinguere eam ab aliis, existentibus quidem, aut possibilibus, nam cum distinctio specifica per differentias sit essentialis, non necessario dependet ab actuali existentia specierum. Quod probatur euidenter, quia diuersæ species florum non minus distinguuntur specie in hyeme, quando actu non existunt, quàm dum actu sunt, bene ergo potest differentia constituere speciem, & distinguere eam ab aliis etiam

Cap. 3. de specie. quæst. 4.

actu non existentibus, sed solum possibilebus.

Ad argumen. secundæ opinionis, quod de specie Metaphysica procedebat. ex annotata doctrina responsum est, quæ sic est applicanda ad formam eius, ut dum dicitur genus non posse conservari in una specie, quia est contrahibile per differentias oppositas, concedendum sit antecedens, sed minor distinguenda, nam species non est essentialiter contrahibilis per differentias individuales, sicut genus per específicas, sed determinatio ad individua extra essentiam eius est, & ideo non minus in uno, quam in multis potest conservari essentialiter.

QVÆSTIO. III.

Utrum definitio postrema speciei, illis speciebus conveniat, quæ unum tantum individuum habere possunt.

177 **N**ulla reperitur natura specifica, de qua certum sit non posse habere plura individua, sed de Angelis, & corporibus cælestibus plures opinantur ita se habere, ut quælibet species, nec habeat, nec habere illo modo possit plura, sed omnes Angelos specie distinctos esse, & non posse distingui solo numero, sicut Petrum, & Ioannem. Quæstio igitur hæc conditionalis est, & non absoluta, & sensus eius est. An supposito, quod aliquæ sint species, quibus repugnet habere plura individua, eis conveniat ultima definitio Porphyrii, quod sint prædicabiles de pluribus differentibus specie in quid.

Sed priusquam probabiles opinio-

nes circa eam proponamus, refutandum est illud, quod sine fundamento rationis quidam asserunt, nempe his speciebus convenire definitionem Porphyrii per non repugnantiam. Quod ita declarant, ut quavis non conveniat eis prædicabiles esse de pluribus, in quantum tales species sunt non multiplicabiles per plura individua, sed si considerentur sub communi ratione speciei, non repugnat eis de multis prædicari, quia species, ut species, prædicabilis est de multis. Quod aperte falsum esse probatur. 1. quia definitiones debent convenire rebus positivæ, cum naturam positivam earum explicent, sed non repugnantia solum est quædam negatio, ergo non sufficit, ut definitio eis conveniat. 2. quia, si talis non repugnantia sufficeret, ut dicatur his speciebus convenire, sequitur etiam convenire cui libet individuo, ut Petro, aut Ioanni: probatur consequentia, quia licet ei repugnet prædicari de multis, in quantum est res singularis, sed si consideretur sub ratione communi hominis, non repugnabit; cum homo sit prædicabilis de multis; ideo quodlibet individuum erit species prædicabilis, quod absurdum est.

Hoc igitur refutato, prima opinio est Caietani, 1. part. quæstione 3. artic. 9. in opusculo de ente, & essentia cap. 5. & cap. præsentis dubio 3. circa ultimam definitionem speciei, asserentis his speciebus vere convenire. Quod ut declararet, distinguit duplicem potentiam in natura ad plura individua, Physicam, & Logicam, potentiam physicam vocat realem, quam habet à parte rei, in quantum ex suis principiis potest multiplicari in pluribus individuis,

ut

vt natura humana : Logicam vero, quam non habet , nisi vt à nobis intelligitur : & quia nos intelligimus naturas spirituales Angelorum per similitudinem specierum materialium habentium plura individua , & eas abstrahimus ab illo vno individuo, quod habent, sicut naturas materiales à multis, vt hominem à Petro, & Ioannes hinc est, quod non minus illis attribuamus denominationē prædicabilis de pluribus indiuiduis, quam his, quæ plura habent indiuidua.

Probatur hæc sententia sic explicata autoritate Aristotelis, qui in ca. de substantia duo asserit. Primum secundas substantias esse genera , & species, vt homo, & animal; primas vero indiuidua, vt Petrus , & Ioannes. Secundum, easdem secundas substantias esse prædicabiles de primis , sed naturæ angelorum sunt genera , & species: vt spiritus est gen^{us}, Michael, & Gabriel sunt species, ergo sunt secundæ substantiæ , & consequenter erunt prædicabiles de pluribus.

Probatur etiam ratione , quia si species Michaelis non potest habere nisi illud vnicum indiuiduum Michaelis, sequitur differentiam specificam eius , & indiuidualem eandem esse secundum rem , ratione tamen distinctam vt specifica est à seipsa, vt est indiuidualis , quia vt specifica componit speciem simul cum genere; vt indiuidualis vero determinat speciem iam compositam ad tale indiuiduum. Quo supposito poterit intellectus considerare naturam Michaelis vt compositam ex genere, & differentia, vt specifica, non considerata eadem differentia, vt indiuiduali, & hoc erit abstrahere naturam ab illo vno indiuiduo. Sic autem abstracta prædicari poterit de illo, nō præ

dicatōne identica, quia ratione formali distinguitur ab indiuiduo , nec prædicatōne æquali, quia indiuiduum inferius est respectu speciei, ergo prædicatōne superioris de inferiori: sed prædicatō superioris est prædicatō vniuersalis, ergo prædicabitur prædicatōne vniuersali de singulari, eritque vere prædicabilis de multis, cui cōueniat definitio speciei. Probatur consequentia , quia vniuersale, & prædicabile conuertuntur. Hanc sententiam secuntur Cantetus in 2. parte huius cap. dub. 2. & Mercatus q. vnica ar. 2.

Secunda opinio est multorum modernorum , quod his speciebus non cōueniat vllō modo definitio Porphyrii, & videtur mihi probabilior, & tenenda.

Sed vt eam efficaciter probemus, vnum est notandum, nempe, ita nos intelligere Deum , & Angelos per species, aut similitudines rerum materialium , vt ex ea non formemus conceptus eis repugnantes, sed proprios, hoc est, quibus solis cōueniāt, & cum eis conuertantur. Gratia exempli , per similitudinem rei corporeæ intelligimus Deum, imperfectionem ab eo auferentes, & ideo concipientes de illo, quod corpore careat, & purus spiritus sit ; & per naturam compositam ex genere, & differentia auferentes ab eo imperfectionem compositionis, intelligimus esse simplicissimum. Et eodem modo intelligimus angelicam naturam per species rerum corporearum proprium conceptum de ea formantes, nempe, quod incorporea sit , & spiritualis; & per species naturarum materialium, quæ in pluribus indiuiduis multiplicantur , intelligimus Angelos non posse multiplicari secundum probabilem sententiam multorum. Et

Cap. 3. de specie. quæst. 4.

hæc doctrina vera est , quia si non formaremus proprios, & veros conceptus de rebus spiritualibus, quamuis imperfectos, & per alienas species rerum corporearum, nec vere eas intelligeremus, sed multa eis attribueremus falsa, & naturæ earum repugnantia.

20. Eadem igitur doctrina probatur r. nostra sententia contra Cate. quia licet intelligamus naturas spirituales per species corporum, non tamen attribuiamus proprietates corporum eis repugnantes, sed potius eas remouentes ab illis, intelligimus incorporeas esse; ergo supposito quod intelligamus non posse habere plura individua, sicut habent corporeæ naturæ, per quarum species eas intelligimus, impossibile est, quod eis tribuat intellectus denominationes vniuersalium, aut prædicabilium.

Et in hoc decipitur. r. Cate. quia putat ex eo, quod per species rerum materialium à nobis intelliguntur denominari ab intellectu vniuersales, & prædicabiles de pluribus, quod non est verum, sicut nec verum est, quod intelligamus esse corporeas. Secundo decipitur in sua illa diuisione potentia Physicæ, & Logicæ, nam potentia Logica fundamentum saltem remotum habere debet in natura, etiam vt à nobis intelligitur, vt vera sit, & non ficta, sed nullum habet fundamentum in natura angelica, etiam vt à nobis intelligitur multiplicatio indiuiduorum, cum potius intelligamus ei repugnare; ergo nec habet potentiam physicam, nec Logicam, secundum quam possit denominari prædicabilis de multis.

Secundo probatur, quia Deum intelligimus per species rerum materialium sicut Angelos, ergo si ange-

lica natura vniuersalis est, vt sic à nobis abstracta, & intellecta, Deus etiam erit vniuersalis, & prædicabilis de multis, quod patet esse falsum. Et si respondeas adhuc esse diuersam rationem de Deo, & Angelis, quia species angelica componitur ex genere, & differentia & ideo potest ei attribui intentio vniuersalitatis, Deo vero non potest attribui, quia caret tali compositione. Solutio hæc nihil valet, quia speciei non attribuitur denominatio vniuersalis, aut prædicabilis ex eo, quod componatur ex genere, & differentia, sed quia comparatur ad plura individua. Probatur hoc in speciebus subalternis, quæ licet componantur ex genere, & differentia, non sunt species prædicabiles, sed tantum subiicibiles; ergo licet species angelica componatur ex genere, & differentia, non ideo capax est denominationis vniuersalis, aut prædicabilis, sed repugnat ei, sicut multiplicitas indiuiduorum.

Ex quibus sequitur, non omnem speciem subiicibilem esse prædicabilem (etiam si infima sit) sed posse esse subiicibilem, & non prædicabilem. Quod euidentius est in speciebus subalternis, quæ non sunt prædicabiles, sed subiicibiles tantum, in infimis quoque verum erit; si repugnet illis pluralitas indiuiduorum, & ratio eius est, quia ad speciem subiicibilem satis est, quod componatur ex genere, & differentia; ad prædicabilem vero de multis requiritur necessario multitudo indiuiduorum actu existentium, aut possibilem.

Ad testimonium Aristotelis pro sententia Cate. adductum, respondent aliqui negando, quod naturæ Angelorum sint secundæ sub-

stantiæ,

stantiæ, sed hoc contrarium est verbis eiusdem Aristotelis, quod ita probo, quia Aristoteles asserit expressse genera, & species esse secundas substantias, sed naturæ angelorum sunt species compositæ ex genere, & differentia: ergo sunt secundæ substantiæ. Continent etiam prædicata superiora, & spiritualia accidentia sustentant, & ideo dicuntur eis subsistere, non minus quam species materiales, nec solum prout singulares sunt, aut primæ substantiæ, sed etiam, ut sunt species, ergo negari non potest in doctrina Aristotelis, quod sint secundæ substantiæ.

Concedendum est ergo, quod tales species sint secundæ substantiæ: negandum vero, quod eis non conveniat univærsalis proprietas assignata ab Aristotele, nempe quod de primis prædicentur: nam hæc proprietas singulis speciebus applicanda est iuxta earum naturam, ita ut si plures habuerint primas substantias, de omnibus prædicentur; si unam tantum solum de illa, quod factis est ad veritatem univærsalis locutionis, videlicet, proprium est secundis substantiis prædicari de primis. Ad argumentum concedendum est, quamlibet harum specierum abstrahi posse à suo individuo, negandum tamen, quod sic abstractæ possit ei attribui relatio rationis, per quam sit prædicabilis de multis, nam idemmet intellectus eam abstrahens præsupponit ei repugnare plura individua. Nec sequitur, intellectus eam abstrahit per species rerum materialium, quibus abstrahit alias naturas plura individua habentes, ergo sicut has denominat univærsales, sic illas. Nam ex eo,

quod per tales species rerum materialium eas intelligit, non format eundem conceptum earum, ac materialium rerum, sed diversum, iuxta naturam cuiuscunque, ita ut has intelligat esse multiplicabiles in pluribus individuis, illas vero ad unicum esse determinatas. De quo cõcedimus prædicari posse, non prædicatione identica, nec prædicatione superioris, sed æqualis, ad modum, quo differentia ultima prædicatur de sua specie. Et ratio huius est, quia supposito, quod natura Michaelis non potest habere plura individua, solum dicit ordinem ad unam differentiam individualement, etiam si ab illa abstrahatur, ideo non magis coarctatur per illam, sed quomodo docunque accipitur, cum ea convertitur. Talis autem prædicatione eiusdem speciei de suo individuo licet similis sit prædicationi ultimæ differentie de sua specie, ratione æqualitatis, sed quia prædicatur in quid tanquam totum actuale, & completum ad secundum prædicabile potius reducenda est. Species igitur, quibus repugnat pluralitas individuum: subiectiones tantum sunt, quibus conveniunt duæ definitiones assignatæ à Porphyrio, nam species Michaelis subicitur suo generi proximo, quod est spiritus, & etiam remoto, quod est substantia incorporea, aut spiritualis, sed

non sunt species prædicabiles,
ideo non convenit eis
ultima definitio.



G 4 Q V A ES.

QVÆSTIO. V.

An species distinguatur a genere per
illas particulas suæ definitionis,
(*prædicari de pluribus differ-*
entibus numero.)

23 **Q**UÆSTIO hæc occasionem sump-
sit ex Porphyrio, qui cap. de ge-
nere docuit, speciem distingui
à genere, quia genus de pluribus dif-
ferentibus specie prædicatur: species
vero de pluribus differentibus nu-
mero. Sed in præsentī capite, & etiā
in ultimo huius libri concedit genus
etiā de pluribus differentibus nu-
mero prædicari; quia cum sit prædi-
catum superius respectu speciei, ut
animal respectu hominis, necesse est
prædicari de quibuscunque prædica-
tur species: quare non videtur exclu-
di posse à definitione ultima speciei,
per illas particulas (*prædicari de plu-*
ribus differentibus numero), nec est alia
per quam excludatur. Et ideo non
erit bona definitio, quia non distin-
guit secundum prædicabile à primo.

Est igitur prima opinio Alberti Ma-
gni tractatu de prædicabilibus ca. 1.
asserentis, speciem distingui à gene-
re per illas particulas (*prædicari de plu-*
ribus differentibus numero) quia in hoc
sensu intelliguntur à Porphyrio, ut
species per seipsam, & immediate præ-
dicetur de indiuiduis, genus vero nõ
per seipsam, aut immediate, sed me-
diante specie. Et ratio huius senten-
tiæ est, quia species per se componi-
tur ex genere, & differentia, & ideo
per seipsam participat naturam ge-
neris; indiuidua vero non componū-
tur per se ex genere, & differentia,
sed solum participant naturam ge-
neris, quia participant naturam spe-
ciei, in qua continentur; ideo enim Pe-

trus est animal, quia est indiuiduum
speciei humanæ compositæ ex natu-
ra sensitiva, & rationali.

Hæc expositio probatur falsa duo-
bus argumentis. Primo, genus prædi-
catur per seipsam, aut immediate de
indiuiduis, ergo per hoc non distin-
guitur ab eo species. Probatur ante-
cedens: In his prædicationibus, hoc
animal est animal, hoc viuens est vi-
uens, quæ verè sunt immediatæ, &
non solo nomine, nam prædicatum
significat naturam sensitivam in cõ-
muni, & subiectum eandem naturam
singularizatam: sed inter naturam in
communi sumptam, & in singulari
nullum potest esse medium, ergo im-
mediate prædicatur genus de indi-
uiduis.

Secundo, quia indiuidua duobus 24-
modis considerari possunt, 1. ut sunt
à parte rei, & sic nullum est, quod
non contineatur sub aliqua specie, &
ea mediante participet naturam ge-
nericam, & ideo vocantur indiuidua
speciei, ut Petrus, & Ioannes sub his
nominibus. Alio modo in quantum
conciipiuntur ab intellectu sub gra-
du naturæ superioris, non considera-
to gradu specifico, quem reuera par-
ticipant: ut si Petrus consideretur
sub gradu naturæ sensitivæ, non con-
siderato gradu rationali, quem parti-
cipat ab specie humana, in qua ac-
ceptione significatur nomine huius
animalis, & indiuidua hoc modo con-
siderata vocantur generica, quia for-
maliter, & immediate significant, &
participant naturam genericam. Vnde
sequitur, quod licet de indiuiduis
specificis prædicetur genus media
specie, de genericis vero per seipsam,
& immediate prædicatur: quare dū
prædicatur de indiuiduis hoc mo-
do consideratis, non distinguetur ab
specie.

Idco

Ideo Secunda opinio Auicene cōcedens genus per seipsum, & immediate prædicari de indiuiduis asserit illa verba definitionis (quod prædicatur de pluribus differentiibus numero) cum duplici limitatione intelligenda esse, vt per ea distinguatur species à genere, nempe de his, quæ solo numero distincta sunt, & de his tantum, & non de aliis, quæ plusquam numero distinguuntur. Vnde cum genus non de indiuiduis tantum, sed etiam de speciebus, excluditur per illa verba sic exposita à definitione speciei.

Sed hæc etiam sententia insufficiens est. Probatur primo, quia sicut definitio debet conuenire definitioni, & non tantum per negationem, sic etiam debet illud distinguere ab aliis per differentiam positivam, & non per solam negationem, quia sola negatio non potest esse differentia distinguens species, sed prædicari de indiuiduis, & non de aliis magis diuersis est pura negatio; ergo non potest distinguere secundum prædicabile à primo.

Secundo, si semel concedatur genus immediate prædicari de indiuiduis sicut speciem, etiam si de speciebus prædicetur, non sequitur non esse speciem, sed non esse solum speciem, sed etiam genus, cum definitio vtriusque ei conueniat, ergo non distinguitur ab specie per illas particularas.

Propterea tertia opinio tenet non distingui per illas materialiter consideratas, sed formaliter, hoc est, sub tali modo prædicandi speciei proprio, quia species prædicatur de indiuiduis complete, hoc est, vt totum actuale, & completum, prædicans de illis totam essentiam; genus vero prædicatur incomplete, quia licet per

modum totius potentialis prædicetur, tantum prædicat partem, vt animal non prædicat totam naturam Petri, sed solum sensitiuam, quæ pars illius est. Et hoc modo intelligi debet Porphyrius, dum distinguit speciem à genere per prædicari de pluribus differentiibus numero.

Hæc etiam opinio falsa probatur argumento ad hominem, ex eo, quod cōcedit desumpto, nempe, genus prædicari per seipsum, & immediate de indiuiduis generis, vt animal de hoc, & illo animali. Quo supposito, sic arguo: animal prædicatur per se, & immediate de hoc, & illo animali; ergo natura sensitiua sumitur in his prædicationibus vt immediate participata ab eis, & non media aliqua specie: sed non sumitur genus vt totum potenziale, & incompletum, atque cōtrahibile per differentias, nisi in quantum per illas descendit ad species; ergo nec prædicatur incomplete, nisi de speciebus, aut de indiuiduis eis mediantibus, ideo impossibile est immediate prædicari de indiuiduis, & prædicari incomplete. Quare nec potest distingui ab specie per modum prædicandi incompletum de indiuiduis.

His sententiis refutatis duabus cōclusionibus explicatur nostra. Prima est, genus non prædicatur de indiuiduis per seipsum, & immediate tanquam genus, sed per modum speciei, & ideo tales prædicationes non ad primum, sed ad secundum prædicabile pertinent. Hæc cōclusio primo explicanda est, deinde probanda. Explicatur autem hoc modo: Genus non prædicatur per seipsum, aut immediate, nisi de indiuiduis genericis, vt animal de hoc, & illo animali, & in his prædicationibus significatur natura generica vt immediate participata

Cap. 3. de specie. quæst. 3.

pata: ab indiuiduis, & non mediante aliqua specie, quare non cõi leratur vt contrahibilis per differentias essentielles, & ideo nec vt imperfecta, & incompleta, sed vt completa ex genere, & differentia, & immediatè determinata ad indiuidua per differentias indiuiduales proprias, & non alterius naturæ inferioris, quæ propria sunt infimæ speciei, vnde in eisdem prædicationibus immediatis formaliter sumitur per modum infimæ speciei, & non tanquam genus, nec prædicatione generis prædicatur, sed tanquam species, & prædicatione speciei.

28 Sic autem explicata conclusio probatur duplici argumento. Primo, cum genus prædicatur immediatè de indiuiduis generis, concipitur natura generica vt immediate participata ab eisdem indiuiduis; ergo vt immediatè contracta per differentias indiuiduales sibi proprias, sed immediatè contrahi per differentias indiuiduales conuenit speciei, & non generi, vt genus est; ergo in his prædicationibus non habet modum generis, sed speciei. Probatur minor, quia genus vt genus non contrahitur immediatè per differentias indiuiduales, sed specificas; ergo dum formaliter concipitur in eisdem prædicationibus tanquam contractum immediatè per indiuiduales propriæ naturæ, non concipitur tanquam genus, sed per modum speciei.

Secundo, id quod concipitur tanquam immediatè contractum per differentias indiuiduales, concipitur, vt quid iam completum in sua natura, sed animal in hac prædicatione, hoc animal est animal, consideratur vt immediatè contractum per differentias indiuiduales eius-

dem naturæ sensitiuæ; ergo significatur vt quid completum in sua natura composita ex genere, & differentia, nempe ex viuente, & sensibili, & ideo non vt incompletum, neque vt genus, sed per modum speciei.

Secunda conclusio, genus vt genus non prædicatur de indiuiduis per seipsum, sed per speciem. Hæc satis est manifesta supposita præcedenti, nam si genus non prædicatur immediatè de indiuiduis tanquam genus, sed per modum speciei, sequitur, quod dum prædicatur de illis tanquam genus, non per seipsum, & immediatè prædicatur, sed per speciem, & diuerso etiam modo, atque species: quia per modum totius potentialis, & contrahibilis solum prædicans partem essentialis, cum tamen species prædicetur, vt totum completum, atque perfectum. Et ex his intelligitur benè fuisse exclusum a Porphyrio genus à definitione speciei, per illas particulas, *quod prædicatur de pluribus differentibus numero*, sic ab eo intellectas, vt per se, & non per aliud prædicetur species de indiuiduis, atque etiam completè, cum tamen neutrum conuenire possit generi, vt genus est.

Ad formam argumenti primæ opinionis respondeo, solam speciem componi per se ex genere, & differentia, & ideo solam speciem per se participare naturam generis, vt genus est, indiuidua vero media specie, sed eadem natura generica, vt consideratur immediatè contracta ad propria indiuidua, immediatè etiam participatur ab eis, non tamen sub ratione generis, sed speciei, cui conuenit immediatè contrahi per differentias indiuiduales. Talis

29

Talia autem individua ita considerata non existunt à parte rei, sed formaliter accipiuntur ab intellectu sub gradu naturæ superioris, & genericæ.

QVAESTIO VI.

An detur una ratio communis, atque realis individuorum, quæ definiatur per secundam definitionem in diuidui.

DE individuo agit Porphyrius cap. præsentis, quia est terminus relationis speciei, per quem definita est species ultima definitione, & ideo ex eius notitia dependet notitia speciei. Sed duplici definitione definiunt individuum. Prima, in quantum est prædicabile de vno, per terminos secundæ intentionis; & propterea secundæ intentionali ter intelligitur talis definitio ab expertioribus. Secundâ vero tradidit per proprietates reales dicēs, individuū esse, cuius collectio proprietatum, quæ in vno sunt, in alio reperiri non possunt, quare hæc est veluti fundamentum primæ, & ideo prius est à nobis examinanda, quam illa. Et quia definitio quæcunque explicare debet aliquam rationē communem omnibus, quæ sub definito continētor, vt definitio hominis rationem hominis cōmunem omnibus hominibus, quærit titulus quæstionis, an per hanc definitionem individui definiatur aliqua ratio realis communis omnibus individuis.

30 Et est prima opinio Særi, quæst. vnica huius capituli in solutione ad secundū asserentis, nihil dari reale, quod omnibus indiuiduis sit commune, & per hanc definitionem explice

tur, sed definitū formale, & vt quod esse secundam intentionem indiuidui; materiale vero, & vt, quod, reale indiuiduum, non secundum esse reale commune omnibus, sed vt denominatur à secundâ intentione, sicut in definitione generis diximus definiunt naturam genericam, prout denominatur à secundâ intentione.

Habet autem hæc opinio duo argumenta quibus probatur nihil dari reale cōmune omnibus indiuiduis, quod definiari possit. Primum, quia indiuidua duo habent, vnum est participatio naturæ specificæ, sub qua vniuersè conueniunt, vt Petrus, & Ioannes in eo, quod vterque est homo, sed cōmunis hæc ratio specifica est, & non indiuidualis, quare non potest esse definitum huius definitionis, sed per definitionem potius speciei explicatur. Aliud quod habent est differentia indiuidualis propria, atque distincta, per quam contrahitur natura specifica, & fit singularis, & per hanc differentiam constituuntur in ratione singularium, aut indiuiduorū, & distinguuntur inter se. Gratia exempli, Petrus habet naturam humanam, per quam est homo, & conuenit cum Ioanne, & differentiam indiuidualem, per quam est talis homo singularis, & distinguitur à Ioanne, & sub prima ratione certum est non definiari, quia sub ea consideratus non est singularis, sed sub secunda. Sed sub ratione singularium non possunt conuenire indiuidua; ergo nihil reale commune eis commune, quod definiatur. Minorem sic probō, differentiz indiuiduales sūt primo diuersæ, & per quas ultimo distinguuntur indiuidua; ergo ratione illarum non possunt conuenire, quare nihil reale cōmune habere possunt, quod definiatur, sicut in quantum diuersa sunt, non possunt conuenire.

Secun-

Cap. 3. de specie. quæst. 6.

32 Secundo, singularia vt distincta sunt propriis, ac diuersis nominibus significantur, vt Petrus, & Ioannes; ergo sub propria, & vltima ratione singularitatis non conueniunt. Probatur consequentia, quia si sub ea conuenirent, per alias differentias indiuiduales deberent distingui, quarum ratione conuenire etiam possent, si ratione earum, quas modo habent, conueniunt, & tunc per alias differentias distinguerentur, dareturque processus in infinitum.

Et confirmari potest arg. hoc modo. Si indiuidua, vt indiuidua sūt realia, habent conuenientiam vniocam abstractam à Petro, & Ioanne, ac ceteris, sequitur species etiam reales a totas, vt distinctas habere conuenientiam realem vniocam, ita vt ab homine, & equo, non solum vt conueniunt in animali, sed etiam vt sunt species distincte per rationale, & irrationale, possit abstrahi vnus cōceptus realis eis cōmunis, & vniocus, quod patet esse falsum.

33 Secunda opinio affirmat, dari aliquid reale commune, & vniocum indiuiduis, quod per hanc definitionem Porphyrii definiatur. Hæc est D. Thom. 1. part. quæst. 30. art. 4. Caiet. cap. præf. & 1. part. quæst. 29. art. 1. & Canteri in expositione huius definitionis, & cap. de substantia in expositione definitionis primæ substantiæ; quam secuntur plures moderni, & mihi videtur probabilior.

Sed duo sunt probanda aduersus primam opinionem, vt maior probabilitas secundæ constet. Primum est, quod non definiatur secunda intentio, vel natura indiuidui, vt ab ea denominatur. Secundum, quod definiatur aliquid reale. Probatur primum, quia omnia verba in definitione posita significant proprietates reales

indiuidui, per quarum collectionem distinguitur vnus ab altero, nam licet in multis cōuenire possint, sed quodlibet habet aliquam sibi propriam diuersam à propriis aliorum: vnde collectio, quæ ex communibus, & propria constat, distincta est in singulari, & per illā distinguuntur; ergo collectio per quā definitur indiuiduū, constat ex proprietatibus realibus, vt reales sunt, & non vt denominantur à secunda intentione. Probatur consequentia, quia indiuiduum constituitur per proprietates reales ante operationem intellectus; ergo si ne vlllo ordine ad secundam intentionem.

Probatur secundum, duplici ratione. Prima, definitio hæc communis est omnibus indiuiduis substantiæ, quæ per eam definiuntur; ergo aliquid commune definitur per eam, non sola vox, quia æquiuocum esset: quod definiretur, vt canis, quod constat non posse definiri; ergo definitur aliquid cōmune per vocem significatum, vt reale, vt probatum est, nempe ratio indiuiduationis realem in concreto.

33 Secundo, à quacunque conuenientia reali vnioca abstrahi potest cōceptus realis vniocus, sed indiuidua conueniunt vniocè in modo particulari essendi; ergo talis modus abstrahi potest ab eis, & vt in eo equaliter conueniunt, poterunt definiri. Probatur minor, quia æquè conuenit Petro, & Ioanni modus particularis essendi, per quem determinatur natura humana, vt sit singularis in vtroque. Hoc autem commune definitur, & confirmari potest hoc modo. Syllogismus iste constituitur in dari, Omne indiuiduum est in cōmunicabile, Petrus est indiuiduum; ergo est in cōmunicabile; sed si nihil cōmune datur

datur indiuiduis, sequitur esse vitiosum; ergo dicendum est aliquid reale commune eis dari. Probatur minor, quia mediū erit æquivocum, nempe indiuiduum nihil commune indiuiduis significans præter vocem.

Pro solutione argumentorum notandum est, tribus modis considerari posse indiuidua. Primo, in quantum conueniunt in natura specifica, vt Petrus, & Ioannes in natura humana, ratione cuius conuenientia: quilibet vocatur homo; & conceptus iste non est indiuiduorum, vt indiuidua sunt, sed conceptus speciei. Secundo modo considerantur, vt sunt particulares, ac determinati homines, per proprias differentias indiuiduales, & iste conceptus non est naturæ, sed indiuiduationis. Quem adhuc dupliciter consideramus. Primo, vt talis indiuidui est, nomine particulari, & proprio significari; Petri, aut Ioannis. Secundo, vt est rei singularis, & indiuidua, non determinando hanc differentiam in diuidualem Petri, aut Ioannis, sed differentiam indiuidualem vt sic, abstrahendo à determinatis, Petri, & Ioannis; & secundum primam considerationem, nihil commune habere possunt; in secunda vero communis est eis conceptus indiuidui vt sic, per quem significatur differentia indiuidualis, & non aliqua determinata, & in concreto indiuiduum sub ratione indiuidui non determinando hoc, vel illud.

35 Vnde sequitur cōceptum communem, quem indiuidua habere dicimus, non esse conceptum rei, aut naturæ, sed conceptum modi determinantis naturam, & sub tali conceptu definiri indiuiduum in hac definitione.

Ad primum arg. concessa maiori, negatur minor, quod indiuidua, vt

indiuidua sunt, nihil commune habere possint, nam licet differentia indiuiduales sint primo diuersa, & vt tales nihil propriis rationibus commune habere possint, sed in officio conueniunt, nempe in determinando naturam specificam ad particularem modum essendi, quod est constituere eam in indiuiduo, licet quælibet secundum propriam rationem constituat indiuiduum determinatum, ac diuersum.

Ad secundum respondetur: distinguendo consequens, nempe singularia sub vltima ratione singularitatis non conuenire. Nam propriæ singularitates Petri, & Ioannis duobus modis considerari possunt, vt singularitates sūt, & vt tales singularitates. Et si primo modo consideratur, conueniunt, quia commune est eis officium singularizandi naturam; si vero secundo modo, conuenire non possunt. Nec datur processus in infinitum, quia sub illa ratione communis considerata indiuidua, non distinguuntur per alias differentias indiuiduales, sed per easdem consideratas sub vltima ratione particulari, ac determinata, quibus hoc modo sūptis nihil commune datur, & ideo nec est necessarium per alias differentias distinguere.

Et quod de indiuidualibus differentis dicimus, de specificis intelligendum est, quæ licet secundum proprias rationes non conueniant in aliquo, sed sint primo diuersæ, vt rationale, & inihile, sed in officio diuidendi genus, & constituendi speciem conueniant: quam conuenientiam definiuit Porphyrius, cap. de differentia, dicens. *Differentia est, qua diuidit genus & constituit speciem.* Et conuenientia hæc specierum, vt per differentias specificas constituuntur, etiam est modalis, quia non est ratione naturæ differentiarum, sed solum ratione officii

con-

Cap. 3. de specie. quæst. 7.

constituendi speciem, & ideo nō est media inter proximū genus, & species. Ad naturā generis proximē descendit ad species per differentias: licet differentiæ ipsæ, & species per eas modaliter conueniant, vt expositum est. Si autem inquiras, ad quod prædicabile pertineat indiuiduū reale sub hac ratione communi, sub qua definitur: Respondet Caiet. speciale prædicabile distinctum à cæteris pro eo esse ponendum, quia habet modum prædicandi distinctum, non enim prædicatur in quid, neque in quale quid, sed in cuiusmodi, nec est prædicatum accidentale, sed substantiale. Dicendum tamen est, non posse speciale prædicabile cōstituere, quia nō est prædicatum naturæ, aut alicuius gradus essentialis eius, sed modi substantialis eiusdem naturæ specificæ, & ideo ad prædicabile speciei reduci debet propter maximam similitudinem cum ea, quia prædicatur de pluribus differentibus numero substantialiter.

QVÆSTIO VII.

An secunda intentio indiuidui per primam definitionem indiuidui definita sit una.

Questio hæc præsupponit vnum, & quærit alterum: illud quod præsupponit est, quod secunda intentio indiuidui in cōmuni considerata, hoc est abstracta ab hac, & illa secunda intentione indiuidui denominantibus Petrum, & Ioannē prædicabiles de vno sit definitum primæ definitionis indiuidui, nempe indiuiduum est, quod de vno prædicatur. Quærit vero, an sit vna, id est, an habeat vnā rationē cōmunem, & vniuocam respectu secundarū intentionū

denominatiū particularia indiuidua.

Sed hoc quod præsupponit, videtur falsum, vt probat hæc arg. Secunda intentio indiuidui in cōmuni considerata prædicatur de hac, & illa secunda intentione indiuidui denominantibus Petrum, & Ioannē; ergo est prædicabilis de multis: sed definitio asserit indiuiduum esse prædicabile de vno; ergo non potest illi conuenire, sed potius conueniet ei definitio speciei, cum prædicatur de pluribus differentibus numero in quid.

Secūdo probatur: quod non sit vna, ex quo etiam colligitur, quod nō sit definitū, quia definitū vnum debet esse, hoc est vniuocum respectu omnium, quib⁹ definitio cōuenit, sed nō omne indiuiduū prædicatur de vno, sed quædam de pluribus; ergo secunda intentio indiuidui, quæ est eis ratio prædicandi, non habebit vnā rationem cōmunē vniuocā respectu omnium. Consequentia euidens est, quia ab eo, quod prædicatur de vno, & ab alio, quod prædicatur de pluribus, nō potest abstrahi ratio cōmunis prædicandi de vno, cui cōuenit definitio hæc. Sed probatur antecedēs, quia indiuiduum vagum, vt quidam homo, prædicatur de pluribus vniuocē, vt de Petro, & Ioannē; & indiuiduum ex demonstratione, vt hoc albū, prædicatur de eisdem; ergo quædam secunda intentio indiuidui erit ratio prædicandi de vno, alia vero ratio prædicandi de multis.

Pro solutione huius questionis notandum est, quod sicut in definitione generis diximus duplex esse definitū, quo, & quod; definitū, quod, esse naturā genericam, vt denominatā à secunda intentione generis, & definitum, quo, eandem secundam intentionem vt denominantem naturam: & ex vtroque sic ordinato fieri vnū

nota-

totale, atque cōpletum. Præterea tã definitum, quod, quã definitum, quo, duplex esse, adæquatū, & proximum, & inadæquatum, atque remotum, ita ut natura generica in cōmuni sūpta sit definitum adæquatū, & proximum: remotū uero, & inadæquatum, quācumque naturam genericam particularem, ut animal, vel color, & definitum quo, adæquatum, & proximum esse secundam intentionem generis in cōmuni sumptam, inadæquatum uero, & remotum, particularem intentionem, denominantem animal, aut colorem. Ita dicendum est modo definitum, quod, proximum, & adæquatum, esse naturam individui in cōmuni acceptam, ut denominatur à secūda intentione prædicabilis de vno: inadæquatum, & remotum quodlibet individuum in particulari. Et definitum, quo, adæquatum, & proximum esse secundā intentionem individui in cōmuni sumptam, ut est ratio denominans individuum in cōmuni prædicabile de vno: remotum uero, & inadæquatum, quamcunque intentionem individui denominantem Petrum, aut Ioannem prædicabilem de vno. Et ex utroque definito, quo, & quod, ut ordinato ad alterum sit vnum completum, & adæquatum, quod per definitionem explicatur, quæ definitio conuenit, ut quod, naturæ individui ut denominatæ à secūda intentione prædicabili de vno, & secundæ intentioni, ut denominanti eandem naturam.

39 Ex quibus colligitur vnica conclusio, per quam respondemus quæstioni, & est talis. Secūda intentio individui in cōmuni accepta, ut est ratio denominans naturam individui, etiam in cōmuni acceptam, est vna, atque vniuoca, & est etiam

definitum formale huius definitionis, sicut natura individui denominata est vna, & est definitum materiale. Probat utrumque hæc ratione. Secūda intentio individui equaliter denominat quodlibet individuum, prædicabile de vno, & natura individui in cōmuni equaliter est denominata ab ea; ergo vtraque est vniuoca, & suo modo definitum huius definitionis.

Pro solutione primi arg. notandū est, secundā intentionē individui in cōmuni dupliciter posse considerari, ut quo & ut quod, & prima consideratio formalis est, quia consideratur ut forma denominans naturā individui prædicabile de vno. Secūda uero materialis, quia consideratur tanquam id, quod prædicatur de multis secundis intentionibus individuorū. Vnde secundum primam considerationem tantū, pertinet ad præsentē definitionem, ut formale definitum eius, secundū aliam uero ad prædicabile speciei pertinet, quia prædicatur de pluribus differētibus numero in quid: pertinet quidē, non propriē, sed reductiue, & impropriē, quia sicut individū quodcūque non prædicatur prædicatione propria pertinēte ad artē, & sciētiā, sed impropriissima, & quæ vocatur identica, & naturalis, ita secūda intētio individuoī tanquā incōpletū quid, & impropriē prædicatur de hac, & illa secūda intentione individui, & ideo solū per quandā similitudinem denominatur à secūda intentione speciei, sicut naturæ cōpletæ denominatur propriē. Arg. uero procedit de secūda intētionē individui materialiter considerata, & ideo nihil probat contra nostram conclusionem.

Ad secūdū respōdeo, quod per hanc 40 definitionē non definitur quodlibet indi-

Cap. 4. de differentia. quæst. i.

indiuuū, sed propriū, ac determinatum, quod de vno prædicatur, hoc est de seipso prædicatione identica, & ideo nec definitū formale est, nisi secunda intentio propria indiuiui, quæ est ratio prædicandi de vno. De indiuiuo vero vago asserunt quidam, nō definiti hac definitione, quia est complexum, vt quidā homo. Alii vero dicunt nō definiti, quia nihil determinatum significat, sed vagum quid, quod ad singularia omnia eiusdem naturæ se extendit nullum determinando. Sed vtrumque est falsum. Primum quidem, quia quidam, vel aliquis signa quædam sunt nō significancia rem distinctam à nomine, cui adiunguntur, sed particulare modum essendi, qui est indiuiualis differentia, à qua denominatur: res autē determinata per modū, vna, & eadem est; ergo indiuiuum vagum, aut ex demonstratione res simplex, & nomen, quod significatur incomplexum, quamuis voce videatur complexum, vt quidam homo significat naturam humanam singularizata, non significādo vltimas rationes singularium, per quas distinguitur in diuersis indiuiuis. Hanc vero rem determinatam esse, aut determinatum conceptum manifestum est, quamuis non determinet aliquod indiuiuū, de quo verificetur in propositione, sed sufficiat in vno, aut altero verificari. Ex quo patet falsum esse secundū. Quare dicendum est indiuiuū vagum non esse propriē indiuiuum, cum de multis prædicetur, & ideo non pertinere ad præsentem definitionem.

41 Si autem aliquis obijciat aduersus hanc definitionem indiuiui, illud quod asserit Arist. in prædicamento substantiæ, nempe, *a prima substantia nulla est prædicatio*, quod est idem, ac si

dicatur: ab indiuiuo nulla est prædicatio, cum indiuiuū, & prima substantia idem sint, vnde ex eo videtur sequi indiuiuum nullo modo prædicari, & consequēter nec de vno, vt in definitione dicitur. Respondetur duplicem esse prædicationem, vnā propriā, & doctrinalem, cuius prædicatum aliquo modo diuersum est à subiecto: alterā impropriā, & non aptam ad doctrinam, vel scientiam, sed quasi naturalem, in qua idē est prædicatum, & subiectum; dū ergo Arist. asseruit à prima substantia, vel ab indiuiuo nullam dari prædicationem, de doctrinali loquitur, & naturalem, seu identicam non excludit, de qua intelligitur hæc definitio Porphyrii. *Indiuiuum est, quod de vno solo prædicatur.*

CAPVT IIII. DE differentia.

TEX. PORPHYR.

Differētia vero, & communiter, & proprie, & proprii si me dicatur, &c.

Breuis expositio textus.

Intentam Porphyrii in præsentia capite est explicare naturam tertii prædicabilis, quod est differentia. Diuiditur autem caput in duas partes, in quarum prima diuidit differentiam quinque diuisionibus. In secunda eā definit quinque aliis definitionibus.

Prima diuisio est, differentia vna est cōmunis, alia propria, & alia propriissima. Communis differentia est illa, qua aliqua differunt accideri cōmuni, vt albedo Petri est differentia cōmunis, qua differt Petrus albus à Ioan-

à Ioanne nigro. Differentia propria est, qua differunt aliqua accidenti in separabili, vt albedo cigni, per quam differt à coruo. Propriissima tandem differentia vocatur illa, per quam distinguuntur aliqua specie, vt rationale, per quod differt homo à leone.

Secunda diuisio differentie est secundum officium propriū eius, quod est diuersū facere, & sic se habet. Differentia quædā est, quæ facit diuersum per se, vt essentialis, alia quæ facit diuersum per accidens, vt accidentalis. Hæc diuisio nō est minus vniuersalis, quā præcedens, quamuis duo tantum membra habeat, quia sub membro eius continentur duo membra primæ, nempe differentia communis, & propria.

Tertia diuisio dimiditur etiam differentia secundū totam suam latitudinem in separabile, & in inseparabilem, ita vt sub secundo membro comprehendatur differentia communis, & propria. Nam differentia separabilis est, qua differunt aliqua accidenti separabili, vt albedo parietis; inseparabilis vero, qua differunt inseparabiliter, vt rationalitate, aut risibilitate.

Quarta diuisio est differentie inseparabilis, in inseparabile per se, vt rationale, & inseparabile per accidens, vt albedo cigni, & est minus vniuersalis, quam præcedentes, quia sub diuisio est vnus membri tertie diuisionis, nempe differentie inseparabilis, & duo tantū membra cōtinet primæ, videlicet propriā differentiā, & propriissimā.

Vltima diuisio est, differentia vna est, quæ diuidit genus, alia, quæ constituit speciem, exemplū ponit in animalibus, cuius differentia constitutiva est sensitivus; diuisua vero rationale. Et diuisio hæc minus comprehendit, quam præcedens, cū sit subdiuisio quædā vnus membri eius, nempe differentie in-

separabilis per se, potestque vtrūque membrū eius cōuenire eidem differentie, nō tamen eadem ratione, nec respectu eiusdem, sed diuersorum, quia vtrumque officium exercere potest, vt rationale est differentia diuisua animalis, & constitutiva hominis.

In secunda parte cap. definit differentiam quinque definitionibus, quarū prima talis est. Differentia est, quæ species excedit genus, vt homo excedit animal, quia præter naturā sensitivā eius cōtinet rationalem, non contentā actu in eodē animali. Hæc vero differentia asserit habere speciem, non à se, nec ex nihilo, sed ab ipso genere in cuius potestate cōtinetur, & ab intellectu educitur de potētia eius, & tribuitur speciei, vt ex ea simul cū genere componatur.

Secunda definitio talis est. Differentia est, quæ prædicatur de pluribus differentibus specie in quale quid. Probat Porphyrius differentiam prædicari in quale quid, quia ad quæstionē sciam de specie, per quid, propriæ respondemus per genus; ad quæstionē vero factā per quale, non minus propriè per differentiam. Vt si inquiratur quid est homo, propriè respondemus esse animal; si vero quale animal, nō minus propriè dicimus esse rationale, ergo genus prædicatur in quid, sed differentia in quale, non quidē absolute, quia nō est qualitas accidentalis, sed pars essentialis speciei, & ideo prædicatur in quale, addito, quid, vt denotetur prædicari in quale essentiali.

Tertia definitio est, differentia separata ea, quæ sub eodē genere conueniunt, vt rationale separat hominē à leone, cum quo conuenit in animali.

Quarta definitio, differentia est, qua differunt à se singula, vt per rationale differt homo à leone; differentia enim constituit speciem, & ab aliis separat ea.

H Vlti-

Ultima definitio magis propria videtur, quæ præcedens, quia explicat potissimum actum eius. Aut enim, differentia cõfert ad substantiã rei, & est pars essentia, ac definitionis eius. Vtrũque habet rationale, cõfert enim, hoc est, iungat per se ad substantiam hominis & cum eũ componat cũ animali, est vera pars essentia ipsius; & ultima quidẽ, vt per hoc distinguitur à genere. Per has quinque definitiones solũ definit Porphyr. differentiam propriissimã, quia hæc sola est essentialis, & sola etiã pertinet ad terminũ prædicabile.

QVAESTIO I.

Vtr. prima diuisio differentie in cõmunẽ propriã, & propriissimã sit sufficiens.

- 3 **D** Vobis modis intelligi potest in sufficientem esse aliquã diuisionem, vel quia aliquod mēbrum ei deficit, aut quia aliud continet superflũ. Vtroque autẽ modo insufficientis probatur hæc diuisio differentie. Et primo, quod aliqua mēbra contineat, quæ non cõtinentur sub diuisio hoc arg. diuisum huius diuisionis est tertiũ prædicabile, sed differentia cõmunis, & propria nõ pertinet ad tertiũ prædicabile, sed ad quintũ; ergo non continentur sub diuiso. Probatur minor, quia differentia cõmunis, & propria sunt accidens separabile, & inseparabile, sed hæc pertinent ad quintũ prædicabile, vt notũ est; ergo nõ possũt pertinere ad hãc diuisionẽ.
- 4 **Q**uod vero alia mēbra ei deficient, duobus aliis arg. probatur. Primo, quia differentia indiuidualis per quã differt vnũ indiuiduũ ab altero, non est cõmunis, nec propria, cũ non sit accidens, nec est propriissimã; ergo nõ continetur sub aliquo mēbro diuisionis, sed aliud pro illa addendũ

est. Probatur non esse propriissimã, quia differentia propriissimã est specificã, vt docet expressẽ Porphyrius in eadẽ diuisione, sed indiuidualis non est specificã, vt notũ est; ergo nec est propriissimã differentia.

Secũdo, propriæ passionis specierũ, vt visibilitas, faciunt differre easdem species accidenti inseparabili, & tamen nõ sunt differentie propriæ, ergo nec pertinent ad hanc diuisionẽ. Consequẽtia euidentis est, quia nõ possunt ad aduũ alia mēbra pertinere, cum nec sint accidentia separabilia, nec differentie specificæ. Sed probatur minor, quia differentia propria, vt Porphyrius asserit in explicatione quartæ diuisionis, suscipiunt magis, & minus, quod cõtat non cõuenire propriis passionibus specierũ.

Tenendum tamen est diuisionem hanc sufficientem esse. Quod non solum probatur autoritatẽ Porphyrii, & expositorum omnium, sed hac ratione: Sufficiens diuisio est illa, cui nullũ membrũ deficit, nec aliquod habet, quod non contineatur sub diuiso, sed talis est hæc; ergo sufficiens. Minor probabitur ex solutione argumenti. Et ad primum, quo probabatur communem, & propriam differentiam, non pertinere ad hanc diuisionem; distinguenda est minor, nam differentia communis, & propria, dupliciter considerari possunt. Primò, vt sunt accidentia quædam, & hoc modo pertinent ad quartum, vel quintum prædicabile. Secundo, vt faciunt differre vnum ab altero accidenti separabili, aut inseparabili: & hoc modo pertinet ad hanc diuisionẽ, cuius diuisum nõ est tertium prædicabile: sed quid vnuerfalius, nempe differentia secundum communem rationem, ad essentialẽ, & accidentialem, sed tertium prædicabile sola propriissimã cõstituit.

4. Et ceteræ vero explicantur, ut ex earum rationibus magis manifesta fiat differentia propriissima, unde non pertinet ad duo predicabilia, sed ad unum tantum, quævis in hoc tertio adducantur ad faciliorem eius intelligentiam.

Circa differentiam individualemente de qua procedit primus ag. alterius partis modernæ, quidam asserunt essentialium esse, quia individuum non potest sine illa esse, nec intelligi, quod si verum est, erit propriissima differentia. Sed probatur falsum hoc arg. Essentialia ea solum appellantur, quæ prædicata sunt ex aliquo gradu ipsius essentialitatis desumpta, ut rationale, ex gradu rationalitatis; & sensitivum ex gradu sentiendo; sed differentia individualis non accipitur ex aliquo gradu essentialitatis; ergo non est essentialis. Probatur minor, quia ultimus gradus essentialitatis, aut naturæ est differentia ultima, per quam constituitur ultima species, sed differentia individualis determinat ultimam speciem iam constitutam per ultimam differentiam; ergo non potest esse essentialis, sed extra essentialiam individui.

6 Et ita tenendum est, modum potius substantialem esse extra essentialiam, aut naturam, quam determinat, atque constituit singularem, aut individuum, & ideo non est differentia propriissima, sed propter similitudinem, quam habet, cum differentia specifica reducitur ad propriissimam differentiam. Quod vero sine illa non possit esse, nec intelligi, individuum, non probat esse essentialem, sed solum esse modum intrinsecum naturam, vel essentialitatem determinans, nam in relictis notum est, non posse unum esse, nec intelligi, sine alio, ut patet sine filio, & tamen unum non est de essentialitate alterius.

Circa proprietates denique spe-

cierum est prima opinio Soti, Mercati, & Canteri in expositione textus, asserentium non pertinere ad hanc divisionem. Quod tamen videtur tenere Toletum in explanatione huius divisionis. Et ratio eorum est, quia Porphyrius loquens de differentia propria, semper ponit exempla in proprietatibus individuorum, quibus individua differunt accidenti inseparabili. Et in quarta divisione vocat differentias proprias inseparabiles per accidens, quod non convenit propriis passionibus specierum, quæ propriis sunt inseparabiles per se.

Alii vero affirmant, proprias passionibus specierum reduci ad differentiam propriissimam, quia Porphyrius in 2. divisione posuit exemplum differentiarum inseparabilium per se (quas constitat esse propriissimas) in propriis passionibus, ut in capacitate disciplinæ, ergo scilicet esse differentias propriissimas. Cõmentarii tamen sententia, & vera doct. affert. Primum, proprias passionibus specierum proprie pertinere ad hanc divisionem adversus primam sententiam, & non esse differentias propriissimas, sed proprias, & ideo in secundo tertio divisionis collocari adversus secundam. Probatur primum hoc argum. proprietates individuorum ideo sunt differentie proprie, quia faciunt differre individua accidenti inseparabili, sed proprietates specierum faciunt differre eandem speciem accidenti inseparabili, ergo sunt differentie propriæ.

7 Probatur 2. quod non sint propriissimæ, testimonio Porphy. & ratione; Porphyrius enim in 2. divisione ita ait. Universaliter ergo omnis differentia addita alteri alteratum facit; sed hæc quidem, quæ communiter, et proprie sunt, alteratum faciunt, quæ vero propriissima aliud. Sed propria passio speciei facit alteratum, & non aliud, ergo ex mente

H 2

Porphy-

Cap. 4. de differentia. q. 12. 2.

Porphirii, nō est differentia propriissima, sed propria. Probatum primum, quia alteratum est accidentaliter diuer sum, cū alteratio sit motus circa qualitatem, sed propria passio speciei est verum accidens, & vera qualitas, ut risibilitas; ergo facit alteratum. Probatum secundum, quia illud est aliud ab altero, quod differt ab eo essentia, aut natura, sed propria passio non facit differre vnā speciem ab altera essentia, aut natura, sed quoddā accidenti proprio; ergo non est differentia propriissima. Probatum etiam ratione, quia differentia propriissima est omnium maxima, cū maximā efficiat differentiam, nempe essentialē, atque specificam, sed propria passio non facit differentiam essentialē inter species; ergo nō est maxima differentia, nec erit differentia propriissima.

Ad vltimum igitur arg. neganda est minor, quod propriae passionis specierum non sint differentiae propriae, & quod Porphyrius asserit, differentias proprias suscipere magis, & minus, non de omnibus intelligit, sed de his, quae conueniant indiuiduis, in quibus exempla posuit potius quā in propriis passionibus specierum, quia communiter sunt nobis notiores.

Q. V. AESTIO. II.

An diuisio differentiae in communem, propriam, & propriissimam sit generis in species, aut analogi in analogata.

8 **V**T intelligatur difficultas questionis, supponendum est, tantum eertem apud omnes, membra huius diuisionis, non conuenire in sola voce, sicut conueniunt signi-

ficata nominis aequiuoci, sed etiam aliquo modo in re significata, quae est esse differentias, per quas vnum differt ab altero, ille enim conceptus faciendo differre communis est eis: unde certum est apud omnes, diuisionem non esse equiuocam. Sed an sit vniuoca, aut analogica, in hoc cōsistit difficultas questionis.

Cuius solutio maximē dependet ex alia, nempe, an sumatur diuisio realiter, hoc est, pro realibus differentis facientibus differre vnum ab altero ante operationem intellectus, aut pro secundis intentionibus, seu differentis realibus, non ut reales sunt, sed ut denominantur à secundis intentionibus, & ideo hoc in primis determinandum est.

Circa quod duae sunt opiniones. Prima tenet, diuisionem non sumi pro differentis realibus, ut reales sunt, sed pro eisdem, ut denominantur à secundis intentionibus, vel pro eisdem secundis intentionibus, ut eas denominant, quemadmodū genus, & species in suis definitionibus. Haec est Caiet. cap. praesenti, quem secuntur aliqui ex recentioribus.

Probatum hoc arg. quia si pro realibus differentis acciperetur, membra eius coinciderent, ita ut eadem differentia esset communis, propria, atque propriissima, & ideo nulla esset diuisio. Probatum antecedens, quia differentia albedinis respectu parietis est communis, respectu cigni propria, & respectu sui propriissima.

Probatum secundo, quia diuisum huius diuisionis est differentia formaliter, & in communi considerata, & membra sunt differentiae particulares, etiam formaliter acceptae, sed differentia formaliter estens rationis, sicut genus, & species; ergo accipienda est diuisio pro secundis intentionibus.

Secun-

Secunda opinio est cōmunis, quod non pro secundis intentionibus accipitur diuisio, nec pro differentiis ut denominatur à secundis intentionibus, sed pro eisdē secūdu actus reales faciēdi differe. Ita sentiūt Auicenna, Albertus Magnus, Scotus, & plures moderni in presenti capite & mihi videtur probabilior sententia.

Probat testimonio Porphyrii, & ratione, verba Porphyrii sunt. *Differentia, quæ alicui adiuuata facit illud diuersum ab alio, vna est communis, alia propria, propriissima altera.* Sed alicui coniungi, & illud facere diuersum ab altero, non conuenit secundis intentionibus, nec differentiis, ut ab eis denominantur, sed secundum actus reales faciēdi differe vnum ab altero realiter, ergo realiter in diuisione accipiuntur à Porphyrio, & non pro secundis intentionibus.

Ratio vero talis est. Differentiæ istæ possunt sumi, ut prædicabiles sunt, vel ut faciunt differe vnum ab altero, & in prima consideratione non pertinet ad terciū prædicabile, sed ad quartum, & quintum, cū prædicentur in quale accidentale, & nō in quale quid: in secunda vero non possunt sumi, ut denominantur à secundis intentionibus, quia actus faciēdi differe vnum ab altero, realis est, & ante operationem intellectus eis conuenit, imo sine vlla dependentia ab intellectu, ut patet in albedine, quæ sine dependentia ab intellectu facit differe hominem album à nigro; ergo non potest sumi diuisio hæc pro secundis intentionibus.

Ad primum arg. respondeo, mēbra bonæ diuisionis coincidere posse in eadē re, dummodo distinguantur ratione formali, quod patet in diuisione, boni, in honestū, vtile, & delecta-

bile, cuius membra in virtute realiter coincidunt, satis est distingui rationes eorum formales, quia alia est ratio honestatis, alia vtilis, & alia delectabilis in eadem virtute. Ita ergo differentia cōmunis, propria, & propriissima coincidunt in eadem re, sed semper habent rationes formales distinctas, quia alia est ratio eiusdem differentię albedinis, ut communis est differentia, alia, ut est propria, aut propriissima.

Ad secundū distinguenda est maior, quia ratio formalis differentię duplex est, vna est ratio prædicabilis, alia est ratio faciēdi differe: dū ergo dicitur differentiam in hac diuisione sumi formaliter, si sensus sit de ratione formali prædicandi falsum est antecedens; si vero de ratione formali faciēdi differe verum: sed tūc neganda est minor, quod differentia hoc modo considerata formaliter sic ens rationis, est enim reale potius per realem actum faciēdi differe vnum ab altero.

Hoc iam supposito, de alio agendū est, quod principaliter queritur, an diuisio sit vniuoca, vel analoga. Et est prima opinio eorum, qui tenēt diuisionem sumi pro secundis intentionibus, & propterea esse diuisionē vniuocam generis in species, ita ut differentia in communi prout denominatur à secunda intentione, g nus sit ad differentiam communem, propriā, & propriissimam, prout denominatur etiam à secundis intentionibus, consideratas.

Probant ex Porphyrio, qui in textu vocat mēbra huius diuisionis tres species differentię; sentit ergo diuisā esse tanquā genus in suas species.

Deinde ratione, quia licet sumpta diuisione realiter nō possint mēbra eius vniuocē cōuenire, cū sola diffe-

Cap. 2. de differentia. quæst. 2.

rétia propriiſſima faciat differe ſim-
plicitèr, cæterę vero non niſi ſecun-
dum quid, quia ſolum faciunt differe
accidentaliter, ſed vt denominan-
tur à ſecunda intentione differentię,
ęqualiter conuenit illis ratio differ-
entię, ſicut ratio generis pro ſe-
cunda intentione æqualiter conue-
nit generibus ſubſtantię, & accidētis.

12. Secunda ſententia eſt aliorum om-
nium, qui tenuerunt, diuiſionem hęc
ſumi realiter à Porphyrio, & conſe-
quenter aſſerunt, eſſe analogi in ana-
logata: quod etiam tenet Caiet. quā-
uis ſentiat ſumi pro ſecundis inten-
tionibus. Et hæc eſt probabilior ſen-
tentia.

Itaque duo aſſerimus. Primum eſt,
diuiſionem ſumptam realiter eſſe a-
nalogi in analogata, quod concedūt
auctores vtriuſque opinionis. Et pro-
batur euidenter, quia illa, quę diffe-
runt ſubſtantialiter, differunt ſimpli-
citer: quę vero differunt acciden-
tialiter, differunt ſecundum quid, ſed ſo-
la differentia propriiſſima facit diffe-
rre ſubſtantialiter; duę vero alię
ſolum accidentaliter; ergo in ratio-
ne faciendi differre realiter, non v-
niuocè, ſed ſolum analogicè coueni-
re poſſunt.

Secundo aſſerimus, quod etiam ſi
accipiatur diuiſio pro ſecundis intē-
tionibus, aut pro differentiis, vt ab
eis denominantur, non eſt generis in
ſpecie, ſed analogi in analogata, vt
aſſeruit Caiet. Quod probatur hoc
arg. Membra huius diuiſionis, vel cō-
ſiderantur ſub ratione prædicabilis,
vel ſub ratione faciēdi differre, & in
prima conſideratione, communis, &
propria non pertinent ad tertium
prædicabile, quia non prædicantur
in quale quid, ſed ad quartū, & quin-
tum, cum prædicentur in quale acci-
dentale, proprio, vel cōmuni. Et cer-

tè ſi in ratione prædicabilis differen-
tia in cōmuni eſſet genus, & mem-
bra eſſent ſpecies, diſtinguerēt ſpe-
cie in ratione prædicabilis, & ideo
duo, aut tria prædicabilia differen-
tię eſſent multiplicanda. In ſecunda
vero non denominantur à ſecundis
intentionibus, quia facere differre
accidenti proprio, aut cōmuni, non
dependet ab intellectu, ſed eſt actus
realis ante operationem intellectus
eis conueniens, in quo non poſſunt
vniuocè conuenire cōm differentia
propriiſſima, quia iſtę nō faciūt diffe-
rre, niſi ſecundum quid, & per at-
tributionem ad differentiā propriiſ-
ſimam, quę ſola facit differre ſubſtan-
tialiter, & ſimplicitèr, ergo repugnat
membris huius diuiſionis habere cō-
uenientiam vniuocam. Sed etiā ſi in
ratione faciendi differre, denomina-
rentur à ſecundis intentionibus, nō
poſſent cōuenire vniuocè. Probatur,
quia facere differre in cōmuni ſum-
ptum, analogum eſt, cum primo, &
per ſe conueniat differētię propriiſ-
ſime faciēti differre ſubſtācialiter,
& ſolum ſecundum quid cæteris fa-
ciētibz differre accidentaliter, er-
go nec ſecundę intentiones denomi-
nantes hæc membra poſſunt conue-
nire vniuocè. Probatur conſequen-
tia, quia vna eſt ratio faciēdi differre
ſimplicitèr, alia faciēdi differre
ſecundū quid; ergo ſicut facere diffe-
rre in cōmuni eſt analogum,
ſic etiam ratio faciēdi differre in
cōmuni erit analogæ.

Ad teſtimonium Porphyrii pro a-
lia ſentētia facile reſpondeo, tres ſpe-
cies differētię appellāſſe mēbra hu-
ius diuiſionis, id eſt, tres modos diffe-
rentię, non propriè de ſpecie loquēs,
ſed per ſimilitudinem.

Ad arg. negandum eſt antecedēs
ex ea parte, qua dicit membra huius

us diuisionis, vt denominatur à secūdis intentionibus vniocē conuenire, quia nec denominantur ab illis, cum non pendeant ab intellectu in ratione faciendi differre, & etiam si denominarentur, non possent vniocē denominari, quia conceptus faciēdi differre quantumcumque abstrahatur, non potest æqualiter participari ab his, quæ non faciunt differre, nisi accidentaliter, & ab eo, quod facit differre substantialiter, sicut cōceptus entis nō potest abstrahi, quin diuerso inodo participabilis sit ab ente simpliciter, quod est substantia, & ab ente secundum quid, quod est accidens.

Et si dicatur verum hoc esse, si
 14 membra diuisionis accipiantur realiter, sed vt denominantur à secūdis intentionibus æqualiter eis conuenire rationem communē faciendi differre, sicut generibus substantiæ, & accidentis, vt animali, & colori vniocē conuenit ratio generis, quia æqualiter denominantur à secunda intentione, quamuis sumpta realiter, nihil commune vniocum habere possint. Respondeo diuersam esse rationem de generibus, & differentiis, sub ratione faciendi differre sumptis, quia genera substantiæ, & accidentis eodem modo sunt in multis speciebus, & de illis prædicantur in quid, & ideo vnioca est eis denominatio vniuersalis, & generis à secunda intentione: sed differentis substantialibus & accidentalibus non potest esse vnioca ratio faciēdi differre, sed semper est inæqualis, quia simpliciter à propriissima tanquam à substantiali, & secundum quid participat ab aliis tanquam ab accidentalibus, sicut ratio entis à substantia, & accidenti. Vnde quantumcumque abstrahatur, aut consideretur in ordine ad

secundas intentiones, semper adducit secū inæqualitatē, & analogiam.

QVAESTIO III.

An verum sit genus sumi à materia, & differentia à forma, & quomodo intelligendum.

His locutionibus, genus sumitur à materia, & differentia sumitur à forma, vtitur Arist. 8. Metaph. tex. 9. vbi inquit. *Aliquid de ali. quo significat ratio definitiua, & oportet, hic quidem vt materiam, illud vero vt formā esse.* Et eas supsit ab eo tota schola, præcipue D. Tho. in opus. de ente & essentia, c. 7. & 9. & 1. p. quæst. 35. art. 5. ad 3.

Sed hoc arg. probatur falsæ. Multa sunt, in quibus datur vera genera, & veræ differentiæ, quæ nō possunt sumi à materia, nec à forma; ergo locutiones istæ nō sunt vniuersaliter veræ. Probatur antecedēs in Angelis; in quibus est, aut esse potest distinctio specifica; ergo verum genus, & vera differentia: sed nō habet materiā, nec formam, à quibus sumatur, cum sint substantiæ spirituales, & simplices, hoc est, non cōpositæ ex materia, & forma, ergo non est verū, genus sumi à materia, & differentia à forma.

Tota difficultas huius quæst. consistit in explicandis his locutionibus, nā ex earum explicatione constabit, in quo sensu verę sint. Tria autē sunt in quibus reperiuntur genus, & differentia, nēpe substantiæ corporeę, substantiæ spirituales, & accidentia: ideo de singulis eodem ordine explicandum est, quomodo, aut à quo in eis sumatur genus, & differentia.

Et primo de substantiis corporeis, in quibus, vt veritas harum locutionum intelligatur, tria sunt notanda. Primum est, compositionem

H 4 spe-

Cap. 4. de differentia. quæst. 3.

speciei ex genere, & differentia non est: Physicam, sed Metaphysicam, & ideo non est ex rebus, sed ex conceptibus, non quidem formalibus, quia conceptus formales sunt qualitates, & accidentia in intellectu inherētia, sed obiectiuis, qui representantur per formiles, ut compositio hominis, non est ex conceptibus formalibus animalis, & rationalis in intellectu existētibus sed ex gradibus naturæ sensitivæ, & rationalis, qui proprios representantur. Unde genus, & differentia non sunt diuersæ res, etiā parciales sicut materia & forma, nec ex eis componitur aliqua tertia res distincta à quolibet, sicut componitur ex materia, & forma tertia quædam res Physica distincta realiter à qualibet, quamuis non ab eisdem simul sumptis, & unitis, sed genus & differentia sunt diuersi conceptus obiectiui eiusdem rei, & species ex eis composita, non est res distincta ab utroque, nec à quolibet eorum, sed conceptus quidam obiectiuis totalis, & completus, ex conceptibus generis, & differentie compositis.

- 17 Secundo notandū est, conceptum generis, & differentie sic se habere, ut ille sit potentialis, atque imperfectus, determinabilis tamen, & perfectibilis per conceptum differentie, & conceptū differentie habere modū actus cum determinantis, atque contrahētis. Unde sequitur genus ex imperfectiori gradu naturæ desumi, differentiam vero ex perfectiori, & quia radix totius potentialitatis in rebus materialibus est materia, quæ in sua essentia nullum habet actum, sed est pura potentia determinabilis per formam, tanquā per propriū actū, & radix totius actualitatis est forma, per quam determinatur materia ad talē speciē, ideo dictū est ab Arist. genus inni à materia, & differentia à forma,

quod solum intellexit in rebus materialibus, in quib⁹ compositio Metaphysica ex genere, & differentia præsupponit tanquā fundamentū compositionem Physicam ex materia, & forma.

Tertio notanda est differentia, quā ponit D. Tho. ubi supra inter materiā, & formam ex vna parte, & genus, ac differentia ex alia, quod illæ solæ habeant modū, & officium partium, & ideo nunquā prædicantur de toto; non quam enim verē est, hominē esse animam, aut corpus, sed genus, & differentia utroque habent respectū speciei, nempe rationem totius, & partis. Et huius ratio est, quia duo officia exercēt respectu illius, prædicatorū, vniuersalium, & partium, vtrumque enim per se sumptum prædicatur de specie, & ex eisdem tanquā ex partibus si nūc concurrentibus componitur. Unde cum componere sit officium partis, & ex alia parte nihil prædicatur de altero formaliter per modum partis, sed per modum totius, sequitur quod genus, & differentia, ut componunt speciem, habeant modum partis, & ut prædicantur de illa, modum totius; genus quidem modū totius potentialis; differentia vero modum totius actualis, ita ut genus proprium gradum imperfectæ naturæ actū includat: differentiam vero solum in potentia, & differentia vtrumque gradum actū, sed genericū quasi præsuppositū, & pro materialis; propriū vero pro formali, ut animal gradū naturæ sensitivæ actū, & rationalis in potentia: rationale vero gradū naturæ sensitivæ pro materiali, & quasi præsuppositū: gradū vero naturæ rationalis formaliter.

Ultimo notandū, quod compositio speciei potest dupliciter considerari, in fieri, & in facto esse, vel clarius dū fit, vel dū iā est facta, & si consideretur in fieri,

fieri verū est speciem cōponi ex genere, vt genus est formaliter, hoc est vt totum potentiale, & ex differentia vt totum actuale, sed in facto esse non componitur ex genere, vt genus est, nec ex differentia, vt differentia est, sed ex natura generica, & differentiali tanquam ex partibus. Et ratio huius est, quia licet genus in principio compositionis sit totum potentiale, sed dum iam est actu coniunctum cum differentia, coarctatum est, atque determinatum, ita vt ad alias species vt sic non se extendat. In quo differt à materia, quæ etiam dum est coniuncta vni formæ, habet potentiam ad alias: sed genus vt iā actu coniunctum vni differentia, non habet potentiam ad alias: & ratio huius differentia est, quia potentia materiæ ad omnes formas est naturalis, & ideo non amittitur per cōiunctionem cum vna, aut altera forma, sed potentia generis provenit illi ex eo, quod tali modo concipitur ab intellectu, nempe per modum habentis, sed imperfecti, & perfectibilis per aliud, quod est concipi vt totum potentiale, quando vero actu coniungitur ab intellectu cum differentia, alio modo concipitur, non quidem per modum habentis, sed per modum actualis componentis hanc speciem determinatam, & pertinentis ad naturam eius cum qua idem est, quia animal in homine homo est: vnde vt sic conceptum limitato modo non habet potentiam, vt coniungatur differentia leonis. Itaque potentia generis solum proveniebat ei, ex eo quod concipiebatur per modum totius contrahibilis, sed dum iam consideratur actu coniunctum cum differentia, non permanet idem modus concipiendi, sed alio modo diverso concipitur; ergo non perma-

net eadem potentia, quæ tamen per manet in materia, quia eam habet à natura, & natura non variatur.

Ex tota hac doctrina secūtur duæ conclusiones, quibus respondemus 19 ad primam partem questionis. Prima conclusio est, in rebus materialibus prima radix totius potentialitatis est materia, & prima radix totius actualitatis forma, & ideo verum est in eis genus sumi formaliter à tota ipsa natura, vt concipitur sub gradu imperfecto, & perfectibili per differentiam, radicaliter vero à materia. Et differentiam sumi formaliter etiā à tota natura vt concepta sub gradu perfecto, radicaliter vero à forma. Prima pars per se nota est in rebus physicis, quare non indiget probatione. Secunda vero probatur, quia propria & formalis ratio generis Metaphysici est esse totum potentiale contrahibile per differentias oppositas, & propria ratio differentia est esse actum, per quem idem genus cōtrahitur ad constituendam speciem, & vtrumque est prædicatum vniuersale speciei, quod necesse est totum continere, quod species secundum proprium modum; genus quidem actu simul, & potentia; differentia vero actu, licet diversa ratione, atque species: vnde necesse est vtrumque sumi à tota natura speciei formaliter, radicaliter vero à materia genus; & differentia à forma. Quia verum est primam radicem generis in his rebus esse materiam, & primam radicem differentia formam, in quo sensu dictum est ab Aristotele, & à ceteris omnibus intellectum, quod genus sumatur à materia, & differentia à forma, in rebus quidem materialibus, in quibus solum potest esse verum. Et ex hoc solum est argum. in principio propositum.

H. 5. Secunda

Cap. 4. de differentia. quæst. 3.

Secundo explicandum est breuiter, à quo sumatur ratio generis, & differentie in substantiis spiritualibus. In quibus certum est, non sumi à materia, nec à forma, cum eas non habeant; dicimus ergo etiam in his sumi genus ab aliquo habente similitudinem materie, & differentiam ab aliquo habente similitudinem forme. Quod hoc modo intelligendum est.

10

A Qualitas, atque perfectio essentia creatæ, per quam est, & sit extra causas, esse actualis existentie, realiter, aut sola ratione ab eadem essentiâ distinctum. Vnde, quo magis gradus essentia, aut essentialia prædicata proxima sunt eidem actui, perfectiora esse intelliguntur, & ideo magis habere de actu, & minus de potentia; & quo magis ab eo distant, minus actualia, & magis potèntialia. Gratia exempli, inter gradus essentialis hominis proxime accedit ad actum essendi rationalis, quia ei conuenit proxime, aut immediate existentia, nā ultimus gradus essentialis perfectio nis est, ultra quem non est alius, sed solum substantialis modus actualis existentia. Gradus vero animalis minus proxime, & remotissime gradus substantia; quare gradus iste erit magis potentialis, cum magis distet ab actu. Cum ergo genus sit potèntiale quid, atque contrahibile per differentias, & differentia actus, per quem genus contrahitur, primum genus cuiuslibet speciei substantialis à tota ipsa essentia secundū gradū substantia sumitur, tanquam à prima potentia in genere Metaphysico materie simili, & sic de cæteris generibus intermediis secundū maiore, vel minorem approximationem ad speciem ultimam, quæ proxima est actuali existentia. Ut genus corporis etiam à to

ta ipsa natura hominis sub gradu corporeitatis accepta, & genus viuētis à tota natura sub gradu vitæ concepta, & tandem genus animalis à tota natura sub gradu sentiendi, & hoc est ultimum genus, cum ultra illud nullus sit alius gradus potentialis nature, sed infimæ tantum species. Ultimus vero gradus secundum quem eadem natura hominis proxime capax est actualis existentia, rationalis est; vnde cum differentia sit actus contrahens genus, à tota natura hominis sub gradu rationalis considerata sumitur, tanquam ab actu forme simili, sicque de cæteris differentiis specierum.

21

Ex his intelligitur quonam modo accipiantur genus, & differentia in Angelis. Cōueniūt enim cum corporibus in gradu substantia remotissimo ab actuali existentia, & ideo primum genus eorum à tota ipsa natura spirituali sub gradu substantia maxime potentiali, materie quæ simili sumitur. Secundum vero à tota eadē natura sub gradu spirituali, aut incorporeo adhuc omnibus communi, sed minus remoto ab actuali existentia. Et si quæ sunt alia intermedia genera nobis incognita, eodem modo sumuntur à tota natura sub aliquo gradu concepta, magis, aut minus remoto ab existentia. Differentia vero à tota etiam natura sub gradu proximo eidem actuali existentia. Loquor autem de differentia ultima; nam sub alternæ inter media genera contrahentes tanquam imperfectiores ab aliis gradibus nature imperfectioribus sumantur, quemadmodum differentia substantia corporeæ, quod facile potest intelligi.

De accidentibus tandem dicimus esse in duplici differentia, nam quædam sunt relatiua, de quibus in præ-

dica-

dicamento ad aliquid dicitur, quoniam modo, vel à quo genus, & differentiam sumant. Alia vero absoluta, de quibus illud est certum, quod essentialis sit eis attributio ad substantiam, cum aliquid eius sint, & non tam entia appellantur, quam entis entia, hoc est substantię: cui inherere nata sunt ex propria natura. Primum igitur eorum genus sumitur à gradu essendi: quem participat ab ente universalissimo, cum attributione ad substantiam tanquam remotissimo ab actuali existentia, & ideo magis potentiali ad similitudinem materię. Ut primum genus quantitatis à gradu, seu modo extendendi substantię, & alia inter media genera ab aliis gradibus secundum proportionem iam explicatam.

Differentia vero desumitur per ordinem ad proprium principium, aut causam, à quo causatur, quod in propriis passionibus manifestum est, nam differentia risibilitatis per ordinem ad rationalitatem, ex qua tanquam ex proprio principio naturaliter procedit, desumenda est, & sic de ceteris. Et eodem fere modo in accidentibus communibus, quia licet plura habeant subiecta, semper tamen habent aliquam propriam causam in eis ad quam ordinantur, & per ordinem ad illam sumitur differentia eorum, & hæc est causa propter quam semper, & necessario definiuntur accidentia per subiectum, siue in concreto, vel in abstracto definiuntur, quia tam in genere, quam in differentia eorum essentialiter includitur ordo ad subiectum, quem vocare solent inherentiā aptitudinalē.

QVAESTIO IIII.

An compositio speciei ex genere, & differentia sit realis, vel tantum rationis.

DE speciebus naturę realis præcedit questio, an compositio Metaphysica earum sit realis, vel rationis, ut compositio hominis ex animali, & rationali: nam de speciebus, quę reperiuntur in entibus rationis, certum est non esse reales, quia natura entis rationis non est realis, sed facta ab intellectu, ergo nulla compositio in ea fieri potest, quę sit realis.

Ad compositionem vero realem duę sunt conditiones necessarię, & quę sufficiunt, ut talis dicatur. Prima est, quod partes, aut componentia sint realia. Probatur, quia ex compositione reali, aliquid etiam reale debet resultare, sed si componentia non sint realia, nihil reale ex eorum compositione resultabit, ut notum est, ergo realia esse debent.

Secunda conditio est, quod sint distincta realiter, aut ex natura rei, nam si solum per intellectum non efficiunt compositionem realem, sed rationis tantum: & huius ratio est, quia compositio est quasi unio multorum, si vero multa hæc non distinguuntur realiter, non erunt multa realiter, ergo non efficiunt compositionem realem.

Et de prima conditione certum est, apud omnes concurrere in compositione Metaphysica speciei ex genere, & differentia, nam conceptus obiectivi ex quibus fit, sunt gradus naturę genericę, & differentialis, qui verè sunt reales, ut gradus naturę sensitiuę, quem dicit animal, & gradus naturę rationalis, quem dicit rationale reales sunt, ergo componentia sunt realia.

Ad secundam igitur conditionem reducitur tota differentia questionis, an gradus isti, vel conceptus obiectivi sint realiter distincti: nam si distincti fuerint realiter, realis erit compositio; si vero

Cap. 4. de differentia. quæst. 4.

si vero distinguatur sola ratione, non sed ante erit realis, sed rationis, sed distinctio triplex est una realis, alia ex natura rei, & tertia est distinctio rationis. Realis dicitur illa, quæ est inter duas res, ut inter Prerogativam, & Iohannem, distinctio ex natura rei ponitur inter rem, & modum eius, ut inter punctum, & lineam, vel etiam ponitur ab aliis inter rationes formales eiusdem rei, sed distinctas ante operationem intellectus, ut inter actionem, & passionem, quæ sunt idem motus realiter, ponit Scotus distinctionem ex natura rei, quia asserit distingui rationem formalem actionis, & passionis ante operationem intellectus. Distinctio vero rationis vocatur ab omnibus illa, quæ non est inter aliquam à parte rei, sed fit ab intellectu.

His suppositis, duæ sunt opiniones, prima Scoti in 2. d. 3. quæst. 1. & 7. Metaphysicæ q. 16. ubi affirmat gradum generis, & differentie distingui ex natura rei, in quantum sunt rationes formales distinctæ ante operationem intellectus, & cum ex eis fiat compositio speciei, consequenter debet concedere talem compositionem esse realem; si non ex rebus diversis, saltem ex rationibus formalibus eiusdem rei, ante operationem intellectus distinctis. Scotum secuntur Antonius Andreas in 2. loco citato, Ferrar. 1. lib. contra gentes cap. 24. & 42. Fonseca 2. lib. Metaphysicæ cap. 2. textu 11. & lib. 4. cap. 2. q. 4. sectio 3.

Probat 1. quia gradus differentialis realiter perficit gradum genericum, & non tantum per intellectum, ergo differentia ex natura rei contrahit genus: sed contrahere genus, est componere cum eo speciem, ergo realiter componit speciem, quare erit compositio realis. Utraque co-

sequentia potest probari hoc exemplo, nam gradus rationalitatis perficit gradum naturæ sensitivæ, & perficit perfectione reali, quia natura sensitiva magis perfecta est realiter in homine, quam in animali. ideo realiter dicitur contrahere genus, quia contrahere nihil aliud est, quam de terminare, atque perficere.

Secundo probatur, quia si rationale non esset distinctum realiter ab animali, non esset distinctum realiter ab equo: consequens est falsum, ergo etiam antecedens. Probatur consequentia, nam quæcumque sunt eadem uni tertio, sunt eadem inter se, si ergo rationale est idem cum animali, ergo etiam inhibibile, quod est differentia equi, erit idem cum eodem animali. Et ita rationale, & inhibibile erunt idem realiter, & consequenter rationale, & equus, quod patet esse falsum. Et confirmari potest, quia ea distinguuntur realiter, quorum unum potest separari ab altero, sed quilibet differentia potest separari à genere, & separabitur, si species quam constituit pereat, ergo distinguuntur realiter ab eo.

Secunda opinio tenet, gradum generis, & differentie, aut conceptus obiectivi utriusque, nec distingui realiter, nec ex natura rei, sed tantum per intellectum, & ideo tantum distinctione rationis. Et consequenter compositionem speciei non esse realem, sed factam ab intellectu. Hæc est D. Thom. in opus. de ente, & essentia cap. 4. 7. Metaphysicæ. 4. & 1. part. quæst. 50. art. 4. ad 1. & q. 76. art. 3. ad 4. quam secuntur Alexan. Alenf. 7. Metaphysicæ. tit. 11. & lib. 5. titu. 10. Duran. in 2. d. 3. quæst. 2. nu. 14. Hervæus, quod lib. 1. q. 9. Greg. in 1. d. 38. & ibidem Gab. cum cæteris nominalibus, Capreol. in 1. d. 8. q. 2. ar. 3. Caie. de ente,

essentia

essentia ca. 4. quæst. 6. §. ad 2. dubiū,
Sancinas 7. Met. a. quæst. 3. 6. Iacel. ibi-
dem. q. 18. Nimphus in elucidario
lib. 7. disput. 15. cap. 3. & 4. Sotus q. 1.
vniuersalium, concl. 3. & quæst. 3. art.
2. Toletus quæst. 3. vniuers. & est com-
munis iam in schola, & vera.

26 Sed explicanda prius est, deinde
probanda, & pro eius explicatione
notandum 1. compositionem speciei,
ex genere, & differentia metaphysi-
cam esse, & non physicam, & ideo
non fieri ex eis tanquam ex diuer-
sis rebus, vt fit compositio physica
ex materia, & forma, quæ sunt res
diuersæ, sed tanquam ex diuersis gra-
dibus essentialibus eiusdem rei, vt
compositio hominis ex gradu natu-
ræ sensitivæ, & rationalis. Quare de
compositione physica non est dubiū,
quin sit realis, sed de compositione
Metaphysica maxima dubitandi ratio
esse potest, quia non est certum, an
gradus isti, aut conceptus distincti
sint ex natura rei, vel solum distin-
guantur per intellectum.

27 Secundo notandum, genus, & diffe-
rentiam tribus modis sumi posse, 1.
vt sunt in diuersis speciebus, & indi-
uiduis, vt animal in leone, aut hoc
leone, & rationale in homine, & in
hoc, aut illo homine. Et hoc modo
certum est, non solum ex natura rei,
sed realiter distingui, nam animal,
quod est in homine, aliud est essentia
liter ab animali, quod est in equo.
quia per conjunctionem cum differe-
ntia rationali fit homo, & per coniu-
ctionem cū differentia equi fit equus
licet. vt abstractum à differentiis sit
vnum, & idem vnitate solum generi-
ca, quæ non tollit distinctionem spe-
cificā, quam habet in diuersis specie-
bus per diuersas differentias, vt ani-
mal, quod est in hoc homine, & ani-
mal, quod est in hoc leone, distincta

habent entitatem realem. Secundo
modo sumuntur prout sunt in eadē
specie, aut in eodem indiuiduo, vt in
homine animal, & rationale, & in le-
one hoc animal, & hoc rationale. Ter-
tio prout genus consideratur abstra-
ctum ab speciebus, & differentis, &
vt contrahibile per eas, & hoo-
modo dicitur esse extra rationem diffe-
rentiarum, quia eas non includit ac-
tu, sed gradum proprium suæ natu-
ræ, vt animal abstractum solum actu
includit gradum naturæ sensitivæ,
non rationalis, aut irrationalis, nisi
in potentia tantum. Et de gradu ge-
neris, & differentie his duobus mo-
dis postremis sumptis, affirmat Scotus
ante operationem intellectus, & ex
natura rei distingui, sed negat D.
Thom. & qui eum secuntur, & asse-
runt solum distingui per intellectuū,
& ideo solum ratione.

Tertio notandum, quod licet Sco-
tus, & alii sentiant, gradus omnes ge-
nericos, & differentiales eiusdem spe-
ciei à diuersis formis substantialibus
procedere, sed D. Thom. cuius senten-
tia communis est iam in schola, tenet
ab eadem forma substantiali tribui,
vt omnes gradus essentialis homi-
ni, nempe gradum substantiæ, gradum
corporis, gradum viuētis, gradum
naturæ sensitivæ, & rationalis ab ea-
dem anima rationali procedere, nec
esse aliam formam substantialem in
homine. Cū tamen Scotus pro gradu
substantiæ, & gradu corporis ponat vnā
formā substantialem, quā vocat formā
corporeitatis, & pro reliquis gradibus
inferioribus aliam distinctā realiter,
nempe animam rationalem. Et hæc
diuersitas formarum videtur argue-
re distinctionem aliquam ex natura
rei inter gradus essentialis ab eis
provenientibus. Sicut identitas for-
mæ, substantialis apud D. Thomam
arguit

arguit identitatem eorum.
 28 His prænotatis, probatur commu-
 nis sententia duplici argum. 1. quia
 si genus distinguitur ex natura rei
 à differentis, aut distinguitur vt ab-
 stractum ab eis, hoc est tanquam gra-
 dus vniuersalis à particularibus, vt
 animal in communi ab equo, & ieo-
 ne; vel vt contractum in speciebus,
 & indiuiduis, vt in Petro hoc animal,
 & hoc rationale; sed neutro modo
 distingui potest, ergo non distin-
 guuntur isti gradus ex natura rei.
 Maior est necessaria, quia his tantum
 duobus modis cōsiderari possunt in
 ordine Metaphysico, vt notauimus,
 sed probatur minor, nam si distingū-
 tur tanquam vniuersale à particula-
 ribus; ergo datur vniuersale ante o-
 perationem intellectus, quod superi-
 us probauimus falsum. Quod vero
 non possint distingui tāquam diner-
 si gradus singularizati in Petro, pro-
 bo. Quia in vno indiuiduo tantū da-
 tur vna differentia indiuidualis rea-
 liter, per quam omnes gradus generi-
 ci, & differentiales fiunt singulares
 (licet vnique gradui correspon-
 deat sua differentia indiuidualis sola
 ratione distincta, vt gradui corpo-
 ris, hoc corpus, & gradus animalis
 hoc animal, &c.) sed gradus omnes,
 & singuli sunt idem ex natura rei
 cum differentia indiuiduali Petri eos
 contrahente, ergo sunt idem inter se.
 Probatur minor, nam si ex natura
 rei distinguerentur, eodem modo se-
 quitur dari vniuersale ex natura rei,
 & ante operationem intellectus dis-
 tinctum à singulari.

Secundo, omnes isti gradus generi-
 ci, & differentiales tribuuntur ab ea-
 dem forma substantiali, omnes sumū-
 tur ab eadem natura reali, imo om-
 nes reperiūtur in eadem forma phy-
 sica, quæ est eadem entitas simplex,

ergo non possunt distingui nisi à so-
 lo intellectu. Consequentia euidens
 est, quia in eadem entitate simplici,
 in eadem essentia, & natura, nihil po-
 test esse distinctum ex natura rei. Sed
 probatur antecedens, quia ab eadem
 natura humana reali sumuntur om-
 nes gradus generici, & differentia-
 les, a substantia vsque ad naturā sen-
 sitiuam, & rationalem, omnes etiam
 in eadem natura reali Petri reperiū-
 tur, cum qua eadem res sunt, omnes
 denique in eadē entitate simplici i-
 nta animæ rationalis in qua sudātur,
 nā eadē est forma substantialis, corpo-
 rea, vitalis, sensitua, & rationalis; er-
 go sicut gradus isti physice loquen-
 do, non possunt distingui, nisi ab in-
 tellectu, minus distingui poterūt Me-
 taphysicē eos accipiendo.

29 Sed si non distinguuntur nisi sola
 ratione, explicandum est, quā distin-
 ctione rationis: quia duplex distingui
 solet, vna habens fundamentum in
 re ipsa cōcepta, quæ appellatur distin-
 ctio rationis ratiocinata; alia in solo
 intellectu imperfecte cōcipiēte, hoc
 est per plures cōceptus ea, quæ per
 vnū cōcipi possunt, quā vocāt distin-
 ctionē rationis ratiocinantis, vt qua
 distinguitur Petrus à seipso in hac
 prædicatione idētica, Petrus est Pe-
 trus. Respōdeodistingui genus à diffe-
 rentia distinctione rationis ratiocina-
 tæ. Et ratio est manifesta, quia in ea
 dē essentia specificā reperiuntur vterque
 gradus, & secundū eos habet opera-
 tiones realiter distinctas. Vt homo se-
 cundū gradū genericum animalis ha-
 bet operationes sensitivas, vt videre,
 & audire, & secundū gradū differen-
 tiæ habet operationes rationales in
 intellectu, & voluntatis; ergo habet
 fundamētū ex parte sua, vt intellectus
 distinguat in ea gradū genericū à dif-
 ferentiali. Verū quidē est, quod in
 tellectu

tellectus noster nō distingueret hos gradus, nisi imperfecto modo cognosceret, sed nec sufficeret imperfectus modus cognoscendi, nisi in re ipsa daretur fundamentum, & cū nō detur in Petro fundamentū distinguendi eū à seipso, nō potest intellectus tali distinctione eū distinguere, sed solū alia, minori, quæ vocatur ratio nis rationis: ocinātis

30 Ex his omnib' colligitur hæc conclusio, quæ respondetur quæstioni, licet compositio speciei ex genere, & differentia realis sit ex parte componentium realium, sed ex parte distinctionis eorum nō est realis, sed rationis, & cū utraq; compositio necessaria sit ad realem compositionem, nempe, compositio esse realia, & realiter, aut ex natura rei distincta, simpliciter loquendo nō est compositio realis vocanda, sed rationis, facta ab intellectu eodem modo, quod fieret ex natura rei, si gradus genericius, & differentialis essent distincti ex natura rei.

Ad 2. negandū est antecedens, quod gradus differentialis perficiat genericū ex natura rei, nā cū nō sint distincti ex natura rei, sed idē, nec ex natura rei coniungi possunt, & ideo nec unū perficere alterū: nam si non sint distincti, nō erūt unus, & alter, solū ergo perficit illū imposita distinctione facta ab intellectu inter eos, & ideo solū per intellectū unus perficit alterū, sicut solū per intellectū distinguētem eos coniungitur illi. Itaq; realis est perfectio, quā habet gradus genericus in specie, per gradū differentialem, & nō ens rationis, sed sicut ex natura rei nō sūt distincti, ita ex natura rei eadē est perfectio in eo semper: sed quia intellectus distinguūt ea, quæ ex natura rei nō sūt distincta, considerat unū nō considerato alio, & ideo sub esse quodam imperfecto, & perfectibili per aliū, dicitur unus perficere aliū, quod nō est verū ex natu

ra rei, cū nec sine distinctiōe, sed solum per intellectū distinguētem, realis ergo est perfectio ipsa, quā unus accipit ab alio supposito distinctione, quā facit intellectus, & ideo propter defectū distinctionis falsū est, quod unus perficiat alterū ex natura rei, nā utrumque requiritur, ut verū sit, nempe, quod sint distincti ex natura rei, & etiā ex natura rei unū contrahat, aut alteri net alteri: quare deficere altero, deficiet etiam veritas antecedentis.

Ad 2. neganda est consequentia, & dū sic probatur, si rationale est idem cū animali, ergo etiā cū equo, iterum neganda est consequentia, nā animal, nō est quid terminū respectu rationalis & inhumilis, nisi solum per intellectū quia à parte rei distinctū animal est in homine, & equo, & ideo nō sequitur, quod si rationale est idem cū animali, & etiam inhumile, sint idē inter se, quia nō sunt idē cū eo, tanquā cū aliquo tertio ex natura rei, sed tanquā aliquo tertio secundum rationē. Bene autē potest intelligi quod duobusque sint idē cū aliquo tertio sola ratione ab eis distincto, & nō sint eadē inter se, ut Petrus, & Ioannes sunt idē cū homine abstracto ab eis, & inter se distinguuntur realiter. Itaq; ut principium illud verū sit, quocumque sunt eadē in tertio, sunt eadē inter se, requiritur, quod sit tertium ex natura rei distinctū ab utroque: defectu igitur distinctionis sit, ut cū genus nō sit tertium ante operationē intellectus respectu differentiarū & specierū, nō possint eū eo comparari ex natura rei, sed solum per intellectū illud abstractū, & distinguētem, & ideo ut nō possit inferri identitas realis differentiarū oppositarū inter se, ex eo quod sint idē cū genere ab eis abstracto per intellectū.

Ad confirmationem eodem fere modo respondetur, quod cum genus non sit distinctum à differentia, nisi

31

Cap. 4. de differentia. quæst. 5:

nisi per intellectum illud abstrahere ab eis, non dicuntur ei aduenire, aut ab eo separari realiter, sed solum per intellectum, & secundum rationem, & hoc tantum modo potest quælibet ab eo separari, salva eius essentia, ex quo non sequitur distingui realiter, aut ex natura rei, sed sola ratione.

Vnum restat argumen. non facile aduersus nostram sententiam, quia si compositio ex genere, & differentia non est realis, sed rationis, ergo nihil reale ponit in natura, in qua reperitur, & si nihil reale, nihil etiam perfectionis, aut imperfectionis. Probatur utraque consequentia, quia ex eo, quod intellectus aliquid intelligit vno, aut alio modo, solum pronuntietur ei denominatio extrinseca intellecti eo modo, extrinseca vero denominatio nihil imperfectionis in ea ponere potest. Quæ si ita se habent, sequitur in Deo posse reperiri compositionem ex genere, & differentia, quod non videtur vlllo modo concedendum; cum summe simplicitati eius repugnet quælibet compositio, Responderetur talem compositionem non esse admittendam in Deo secundum communem sententiam scholæ. Cuius duplex est ratio. (ommissis aliis) Prima, quia conceptus generis, tria dicit sibi intrinseca, nempe esse limitatum, & extra rationem differentiarum, esse imperfectum, & per alium perfectibilem essentialiter, & hæc quidem cum fundamento in re ipsa, quæ omnia intrinsecam imperfectionem significat, & ideo aliena sunt à Deo summe perfecto, in quo nihil limitatum, aut finitum concipimus, neque aliquid, quod essentialiter sit extra alia, aut essentialiter imperfectum, & per aliud perfectibile, sed immensas diuina, & infinita perfectio eius, atque esse purissimum actum ea excludunt,

etiam ut à nobis imperfecto modo intellectum.

Secunda ratio, quia conceptus generis duo alia habet intrinseca, primum, quod communis esse posset, atque vniuocus multis speciebus, sed talem conceptum in Deo reperiri repugnat, ergo dari in eo genus, & differentiam. Probatur minor, quia conceptus de Deo formatus à nobis, non potest esse communis multis diis specie differentibus, quos euidenter cognoscimus esse impossibiles, ergo solum potest esse communis Deo, & creaturis, plusquam specie differentiibus: sed Deo, & creaturis minus potest dari aliquid commune vniuocum, quam substantiæ, & accidenti, ergo sicut ens non potest esse genus ad illa, ita neque in Deo dari potest conceptus vniuocus à nobis formatus, qui sit vniuocus, & consequenter, neque qui sit genus.

QVÆSTIO V.

Vtrum differentia superior includatur in inferiori, & de illa prædicetur.

Duplex distinctio differentiarum necessaria est ad explicandum titulum quæstionis. Prima est, differentiarum superioris, & inferioris, & differentia superior vocatur illa, quæ constituit speciem magis vniuersalem, inferior vero, quæ constituit speciem inferiorem: ut differentia superior est corporeum, respectu differentiarum viventis, & hæc respectu sensibilis, & sensibile respectu rationalis. Petit igitur titulus quæstionis, an corporeum includatur in vivente, & sensibile in rationali, & vera sit prædictio, rationale est sensibile.

Secun

Secunda distinctio est differentiarum cuiuslibet, quæ duobus modis sumi potest, materialiter, & formaliter: sumitur autem materialiter in quantum totum dicit, quod species ipsa, nempe gradum generis quasi pro materiali, & gradum proprium quasi pro formali, ut rationale dicitur pro materiali naturam sensitivam, pro formali vero gradum rationalitatis, sed formaliter sumitur pro solo gradu rationalitatis, quemadmodum album materialiter sumptum dicit corpus affectum albedine, sed dum sumitur formaliter solam albedinem denominantem corpus. Et utramque acceptionem habet significata in concreto, sicut utramque habet album. Nam rationale, & pro tota natura hominis sumitur, & etiam pro solo ultimo gradu eius, significatio tamen in concreto. Unde falso putant aliqui, differentiam formaliter sumi, dum significatur in abstracto, ut nomine rationalitatis, aut sensibilitatis, hoc enim modo significata non est differentia, sed principium differentiarum, ut natura generis nomine abstracto significata solum ut principium generis, & non ut genus significatur. In concreto ergo significatur etiam dum formaliter sumitur, sed tantum pro gradu ultimo, atque proprio.

35 Et quidem si differentiam inferiorem materialiter accipiamus, certum est, quod superiorem includat, & hæc illa prædicatur; unde vera est hæc, rationale est sensibile, quamvis non sit formalis. Nam rationale saltem pro materiali dicit naturam animalem, in qua includitur differentia eius, nempe sensibile, ergo includit etiam sensibile, quæ est differentia superior.

Difficultas igitur questionis est de differentia inferiori formaliter sum-

pta, an includat superiorem, & hæc de illa prædicetur, ut an rationale sumptum, prout de formali dicit ultimum gradum naturæ rationalis, per quem constituitur homo, includat sensibile, & ceteras differentias superiores.

Et prima opinio affirmat formaliter includi, & prædicari, quam Soncinas 7. Metaphysicæ quæst. 37. asserit se defendere exercitum gratia, licet opposita ei magis placeat. In eam etiam inclinat Sotus cap. de genere quæst. unica ad 3. sed expressè eam tenet Canterus in expositione huius capituli.

Præbatur 1. ex doctrina Aristotelis 7. Meta. textu 43. ubi tria docet de differentiis. Primum, nihil referre, siue sola ultima differentia ponatur in definitione, vel etiam omnes superiores, quia ultima includit omnes. Unde eodem modo definimus hominem, si solum dicamus esse animal rationale, ac si omnes superiores differentias ponamus, dicentes. Homo est substantia, corporea, animata, sensitiva rationalis. Secundo asserit, ultimam differentiam esse totam substantiam speciei, & ideo si ea ponatur in definitione, non licere superiorem aliam addere, quia committeretur vitium nugationis, idem bis repetendo, ut si dicamus, homo est animal rationale sensibile, nugatorium definitionem assignamus.

36 Asserit 3. ad inveniendam differentiam ultimam alicuius speciei dividendam esse superiorem, per duas inferiores oppositas, ut bipedem, quæ est differentia animalis (accidentalis quidem). Sed qua utitur Aristoteles loco essentialis per filios, & non filios pedes habentem, hoc est, scissos, vel non scissos: nam filios habere pedes (inquit) differentia inferior est respectu
1 bipedis.

Cap. 4. de differentia. quæst. 5.

bipedis, cum fîsio pedis sit quædam pedalitas, idest cum fîsio pedis includat pedalitatem idem significantem, quod habere pedes.

Ex quolibet autem horum trium videtur euidenter sequi, quod differentia inferior includat superiorem. Ex primo quidem, quia formaliter sumitur differentia, dū in definitione ponitur, sed vltima differentia, quæ inferior est posita in definitione: tantum valet, ac si omnes superiores ponantur; ergo eas includit, nam si non includeret, non tantum valeret. Ex secundo vero, quia non posset esse tota substantia rei, nisi superiores includeret, quas certum est ad substantiam in finem speciei pertinere. Sed ex postremo efficacius sequitur, quia si ad inueniendum vltimam differentiam diuidenda est superior per duas inferiores oppositas, ergo in vtraque includitur formaliter, & de vtraque formaliter prædicatur. Probatur euidenter consequentia, quia in bona diuisione, diuisum formaliter sumptum includitur in singulis membris diuisiuentibus, & de illis prædicatur etiā formaliter, vt animal de animali rationali, & irrationali. Et tandem Aristoteles ipse prædicat differentiam superiorem de inferiori formaliter sumpta, dum ait verum esse, quod fîsio pedis sit pedalitas, hæc enim superior differentia est, & illa inferior.

37 Probatur deinde ratione primo, quia rationale formaliter sumptum est substantia, corporea igitur, aut in corporea, & cum corporea sit, includet formaliter differentiam superiorem, vt etiā probat hic syllogismus in Datîs. Omnis homo formaliter est sensibilis, homo formaliter est rationalis, ergo rationale formaliter est sensibile.

Secundo, si differentia inferior

non includeret superiorem, maxime quia est conceptus simplex, & ideo non potest componi, nec resolui in plures alios conceptus, quia iam daretur processus in infinitum, sed conceptus genericus est etiam simplex, & nihilominus includit genera superiora, vt animal includit viuens, corpus, & substantiam, ergo etiam si differentia sit simplex conceptus, includere poterit differentias superiores.

Secunda opinio negat differentiam inferiorem formaliter sumptam includere superiorem, & cōsequenter, quod hæc prædicetur de illa formaliter. Quam secuntur Scotus in 4. d. 11. quæst. 3. §. ad rationes, Capreol. in 1. d. 8. quæst. 2. in solutio. ad 5. argumentum. Sor. Card. Toletus cap. de substantia dub. 2. Mercatus 1. post. cap. 4. q. 2. ad 3. Fonseca. 5. Metaphysicæ cap. 28. quæst. 18. sect. 1. & videtur mihi non solum probabilior, sed vera, & quæ euidenter colligitur ex doctrina Arist. & D. Thom.

Vt autem hæc ita esse probemus, duo sunt præsupponenda tanquam fundamenta certa, ac necessaria. Primum est, differentiam quācumque, siue inferiorem, siue superiorem includi formaliter in sua specie, quam constituit, vt rationale formaliter in homine, & sensibile formaliter in animali. Quod probatur euidenter, quia differentia formaliter constituit speciem, ergo formalis pars illius est; sed pars includitur formaliter in toto, ergo differentia includitur formaliter in specie.

Secundū fundamētum est, omnes species subalternas esse genera respectu inferiorū, vt animal respectu equi, & leonis, & viuens respectu animalis, & plantæ. Ex quibus sequitur, quod in quocūque includitur formaliter.

38

liter differentia subalterna, formaliter etiam includitur genus subalternum, quod est subalterna species per eandem differentiam constituta. Gratia exempli, animal est species subalterna constituta formaliter per differentiam sensibilem, quam necesse est includere formaliter, ergo in quocūq; includitur formaliter sensibile, includitur etiam formaliter animal, sicut in quocūq; includitur formaliter rationale, includitur formaliter homo. Eadem igitur est quæstio, an differentia inferior formaliter sumpta includat superiorem, & an includat genus, quod est species subalterna per eam constituta, ut eadem quæstio est, an rationale formaliter sumptum includat sensibile, & an includat animal. Unde si probatū fuerit, non includere genus superius, probatū erit, quod non includat differentia superiorē; & cōclusio vera ē esse nostra sententiam.

Probat autem expressis testimoniis Aristotelis, & D. Tho. deinde ratione. Arist enim 4. li. Top. ca. 2. loco 18. sic ait. *Manifestum igitur, quoniam non participat genus differentia, quare neque impar species erit, sed differentia, quoniam non participat genus, & loco. 22. de pluribus (inquit) genus, quam differentiam oportet dici, & non participare differentiam.* Et D. Tho. 3. lib. Meta. lect. 8. ait. *Genus per se sumptū non potest predicari de differentia, quia differentia non participat genus, ut dicitur in 4. Top. &c.*

Probat etiam ratione, 1. quia genus & differentia formaliter sumpta duo habent, primū, quod formaliter importat diuersos gradus perfectionis essentialis, ut animal gradum naturæ sensitivæ, & rationale gradum naturæ rationalis. Secūdo, quod se habent tanquam contrahens, & contrahibile, & ideo tanquam actus, & potestas, sed ex utroq; sequitur, quod non

se includant formaliter, ergo nec differentia inferior includet superiorem. Minorem sic probō, gradus diuersi essentialis perfectionis habent rationes formales diuersas, actus quoque, & potentia formaliter differunt, ergo nec illi, nec isti, possunt formaliter se includere; & cōsequenter nec genus, & differentia, per quam contrahitur. Consequentia vero, quod nec differentia inferior includat superiorem, probatur hoc syllogismo. Illud quod non est formaliter animal, non est formaliter sensibile, sed rationale formaliter sumptum non est animal, ergo nec erit formaliter sensibile, quare non includet formaliter differentiam superiorem.

Secūdo, si differentie inferiores includerent formaliter superiores, ergo 39 rationale, & irrationale includerent formaliter sensibile, & cōsequenter cōueniret in eo formaliter sicut homo, & equus, sed quæcūq; cōueniētia essentialiter in aliquo gradu perfectionis essentialis, debent à tali cōuenientia separari per differentias, ut homo, & equus separantur à cōueniētia essentiali in eodē sensibili, per differentias rationale, & inhiabile; ergo differentie ipsæ per alias deberent separari à tali cōuenientia essentiali in gradu sensibilis, & ita daretur processus in infinitū, quia illæ etiam differentie per quas separarentur, haberent similem cōuenientiam in differentia superiori, quā includerent, à qua deberent per alias differentias separari, nec possent separari per seipsas, quia per seipsas formaliter cōueniunt, sed per alios gradus perfectionis deberent separari, & cōsequenter per alias differentias. Ad testimonium Arist. respondetur se 40 cūdū expositionē D. Th. in Cōmēt. ipsius, & Scoti in 4. d. 11. q. 3. §. ad rationes, ubi propriū ei⁹ sensū hūc esse asse-

Cap. 4. de differentia. quæst. 5.

rant, vt duobus modis rem definien-
dam esse docuerit, videlicet per su-
premum genus, & omnes differen-
tias superiores, & inferiores vsque
ad vltimam, vel per solū genus pro-
ximum, & vltimam differentiam, ne-
que vnum modum esse alteri contra-
rium, sed rationem primi esse, quia
differentiæ intermediæ constituūt spe-
cies subalternas, quæ sunt interme-
dia genera, ideo eisdem differentiis
in definitione positis sufficienter ex-
plicantur rationes formales eorum.
Quod patet si sic definiamus homi-
nem, Homo est substantia, corporea,
animata, sensitiua, rationalis. Ratio-
nem vero secundi, quia genus proxi-
mum formaliter continet rationes
omnium superiorum, ergo sola vlti-
ma differentia ei addita sufficienter
explicatur tota ratio definiti; et ideo
si post eam addatur aliqua ex supe-
rioribus; vitium negationis, aut inu-
tilis repetitionis committitur, quia
sufficienter explicatur talis differen-
tia posito genere proximo, in quo in-
cluditur formaliter. Gratia exempli,
animal formaliter continet viuens,
corpus, & substantiam, & omnes dif-
ferentias eorum, quare addito ei so-
lo rationali, sufficienter explicat to-
tam rationem essentialē hominis;
& si post rationale addideris sensibi-
le, vel corporeum, inutilem repeti-
tionem committis, quia sufficienter,
explicatæ sunt tales differentiæ posi-
to animalij in quo formaliter inclu-
duntur.

41. Et ex hac explicatione responde-
tur ad primum, eundem modum de-
finiendi esse, per supremum genus,
& omnes differentias intermedias
vsque ad vltimam, & per solam vlti-
mā cū proximo genere, non quia vl-
tima includit superiores, sed quia in
proximo genere includuntur forma-

liger: & ideo eo solo posito sufficien-
ter explicantur.

Dum vero asserit Aristoteles vlti-
mam differentiam esse totam substā-
tiam speciei, non totaliter, sed com-
pletive intelligendum esse docent,
ita vt præsupposito genere proximo
quod contrahit, & supra quod cadit
in definitione, totam substantiam rei
compleat. Tertium vero quod asse-
rit Aristoteles de diuisione superio-
ris differentię in inferiores opposi-
tas, ita exponunt, vt differentia, non
ratione sui, sed ratione generis, quod
cōstituit, vt speciem subalternam, &
quod formaliter includit, diuidatur
non quidem in differentiās, sed in spe-
cies per differentias: vnde nec genus
superius includitur in differentiis in-
ferioribus, sed in speciebus, & multo
minus differentię superiores in infe-
rioribus. Illa autem verba Arist. hisio
pedis est pedalitas, non sic intelligū-
tur, vt vnā velit prædicare; de altera
formaliter, sed sensus eius est, quod
hisio sit differentia per se diuisiua
pedalitis, & non per accidens.

Ad primū arg. distinguendū est an-
tecedens nempe rationale est substā-
tia, nam si pro substantia completa,
quæ est supremum genus prædicamē-
ti accipiatur, falsum est, cū rationale
& quæcunque differentia formaliter
sit pars speciei, & ideo substantia in-
completa; si vero accipiatur substan-
tia vniuersalius, prout abstrahit, à cō-
pleta, & incōpleta, verū est rationa-
le esse substantiam, non prædicamē-
talem, sed analogam ad completas,
& in completas substantias. Vnde ad
formam argumenti negandum est,
quod sit substātia, quæ diuiditur in
corporeā & incorporeā, & cōsequēter,
quod includat differentia superiorē.

Syllogismum vero qui adduci-
tur, concedimus esse in modo, &
figura,

figura, & ideo euidenter concludere, quod differentia inferior includat superiorem, non tamen insensu formali, nec id necessarium est ad formam syllogisticam, cuius virtute, infertur quidem conclusionem stare in veritate cum præmissis, sed non semper in eodem sensu, ut hoc exemplo omnino simili potest probari, omnis homo est animal, omnis homo est risibilis, ergo risibile est animal, cuius præmissæ veræ sunt in sensu formali, conclusio vero non potest esse vera formaliter, sed solum in sensu materiali.

Ad secundū concessa maiori distinguenda est minor, quia genus non est tam simplex sicut differentia, quod cum sit species subalterna, componitur ex genere, & differentia, sed differentia non potest habere talem compositionem, quia cum ex propria ratione sit ultimus actus speciei, non potest esse illo modo composita, nec tamen est purus actus, quia cum sit pars, potentiam includit ad componendum totum, & intrinsecam imperfectionem ex ratione partis ei prouenientem.

QVÆSTIO VI.

An differentia semper, & necessario sit perfectior genere, quod contrahit.

- 43 **Q**uodlibet genus contrahitur per plures differentias oppositas diuersæ perfectionis: ita ut alix sint nobiliores aliis, & ex eis quædam eleuent genus ipsum ad gradum altioris naturæ, alix vero intra proprium gradum illud contrahant. Gratia exempli, animal contrahitur per rationale, & irrationale, & rationale eleuat illud ad altiorum

gradum naturæ rationalis, irrationale vero non eleuat, sed intra propriū gradum naturæ sensitiuæ relinquit. Et de differentia eleuante certum est nobiliorem esse genere ipso, ut de rationali, quod sit nobilius animali, sed de differentiis non eleuantibus procedit quæstio, an sint nobiliores genere, vel minus nobiles, aut nobilitate æquales.

Et prima opinio tenet, non omnes differentias esse nobiliores genere, quod contrahunt, sed solum eas, per quas eleuatur ad gradum perfectioris naturæ, ceteras vero minus nobiles eo esse, vel ad summum eiusdem nobilitatis, ut omnes differentias animalis, excepta rationali, & omnes differentias Angelorum, per quas genus eorum, quod est substantia spiritalis, aut incorporea, non eleuatur ad altiorum gradum essentialis perfectionis. Hanc secūtur moderni quidam.

Eamque probant duplici argumento, primum est, quia perfectior gradus naturæ radix est perfectioris operationis; ergo illa differentia, quæ ad perfectiorem operationem, vel perfectiorem saltē modum operandi non eleuat naturam generis, non potest esse eo perfectior, sed plures sunt differentię genus neutro modo eleuantes, ergo nulla earum erit nobilior genere. Probatur minor in differentiis animalis, ex quibus nulla constituit speciem perfectiorem aliam operationem habentem sensitiuam, quæ gradui generis propria est, & etiam in speciebus Angelorum, nec aliam operationem perfectiorem habentes præter intellectionem, nec alium modum perfectiorem operandi præter intelligere sine discursu.

Secundo, inter species animalis 44
I 3 plures

rentia eleuat genus, & ideo semper est perfectior illo.

Ad secundū concessio antecedenti neganda est consequentia, nam licet imperfecte reperiatur gradus sentiendi in illis speciebus, adhuc reperiatur perfectius, quam in genere, quia determinatus, & specificus est, in genere vero nec determinatus, nec perfectior, sed confusus abstrahens à perfecto, & imperfecto; quod autem determinatum, atque distinctum est perfectius est indeterminato, atque confuso. Et ideo adhuc differentiarum harum specierum perfectiores genere sunt.

QVAESTIO VII.

An secunda definitio differentie possit conuenire ultimis differentiis.

DVŌ præsupponit titulus questionis tanquam certa, i. duplicē esse differentiam, subalternam, & ultimam, subalterna est, quæ constituit speciem subalternam, ut corporeum, & sensibile: ultima quæ constituit speciem ultimam, ut rationale. Præsupponit secundo, secundam definitionem conuenire differentiis subalternis, cum notum sit de pluribus differentibus specie prædicari, ut sensibile de homine, & leone. Sed dubitat, an possit etiam conuenire ultimis. Et ratio dubitandi est manifestissima, quia non prædicantur de pluribus speciebus, sed de vna tantum, & indiuiduis eius, ut rationale de solo homine, & singularibus hominibus; ergo non cōuenit eis definitio, quæ asserit, differentiā esse, quæ prædicatur de pluribus differentibus specie inuale quid.

Et est prima opinio, quæ tenet

etiam cōuenire ultimis differentiis, ut autem modum quo eis conueniat, explicet, sic esse exponendam definitionem docet; ut dum dicitur differentia est, quæ prædicatur de pluribus differentibus specie, sensus sit, & pluribus quæ inter sese, aut ab aliis distinguuntur specie. In quo sensu manifestum est, differentiis subalternis, atque etiam ultimis conuenire, nam illæ prædicantur de pluribus differentibus specie inter sese, ut sensibile de equo, & leone; differentia vero ultima ut rationale, prædicatur de pluribus differentibus specie; non inter se, sed ab aliis, ut de homine, qui specie differt ab equo, & de Petro, & Ioāne, qui ab indiuiduis aliarum specierum specie distinguuntur per idem rationale. Hanc sententiam tenuerunt nonnulli, quos attulit Auicenna cap. præfenti.

Sed probatur falsa duplici argu, Primo, hæc definitio differentiæ eodem modo, & in eodem sensu assignatur à Porphyrio, in quo assignatæ sunt definitiones aliorum prædicabilium, sed aliæ definitiones, ut speciei, & generis sic intelliguntur, ut hæc de pluribus differentibus numero inter se, illud de pluribus inter se differentibus specie prædicari debeat, ut probant exempla in eis adducta à Porphyrio; ergo eodem modo intelligenda est hæc definitio differentiæ: sed sic intellecta patet non conuenire ultimis differentiis; ergo non fuerunt definitæ à Porphyrio.

Secundo, si sensus ille admittendus esset, ut conueniret ultimis differentiis, sequitur euidenter definitionē generis, etiam conuenire speciei. Probatur consequentia, quia prædicatur de pluribus differentibus specie, licet non inter sese, bene tamē ab indiuiduis aliarum specierum.

I 4 Secun-

Cap. 4. de differentia. quæst. 7.

Secūda opinio est Caietani in expositione huius definitionis, dabitur unico, ubi duo præsupponit ad explicandum sensum definitionis, in quo ultimis differentis cōueniat, primū est. Per hanc definitionem definitam esse differentiam sub ratione communi differentie abstrahere à subalterna, & vltima. Quia sub ratione communi denominatur à secunda intentione tertii prædicabilis. Secundo, verba alicuius definitionis duobus modis posse applicari his, quæ continentur sub definito, positiuè, hoc est affirmatiuè, aut etiam negatiuè, hoc est per non repugnantiam, & utroque modo applicatur definitio hæc diuersis differentiis. Positiue quidem subalternis, quæ vere prædicantur de pluribus differentiis specie: ultimis vero per non repugnantiam, quia verum est, eis in quantum differētiz sunt non repugnare, quod prædicentur de pluribus differentiis specie. Itaque vltimæ duobus modis considerantur, nempe sub communi ratione differentie, & sub particulari ratione vltimarum, & hoc modo omnino eis repugnat definitio, sed non primo. Nā si eis, ut differētiz sunt, repugnet, nullis differentiis etiam subalternis posset conuenire, & cum non definiantur ut vltimæ, sed ut differentie, absolute dicendum est, eis conuenire definitionem negatiue, aut per non repugnantiam. Hanc sententiam Caietani, sequitur Scotus cap. presenti quæstione. vnica ad 6. pro qua etiam referuntur Auicenna cap. vltimo prædicabilium, & Isamblicus cap. de differentia. Et Tolerus quæstione vnica huius capitis probabilem esse docet, quamuis non ad mentem Porphyrii. Probat Caie. hoc argumento. Definitio quanti est, quod sit diuisibile

in partes, & non conuenit corpori celesti positiuè, quia cum sit incorruptibile, non potest diuidi, alioquin per diuisionem corrumpetur, sed conuenit ei negatiue, hoc est per non repugnantiam, ut est quantum, non ut est corpus incorruptibile, quia ut quantum est, non repugnat ei diuidi, quāuis repugnet ei diuisio, ut tali quāto incorruptibili. Et tamen sufficit ita ei conuenire, ut dicatur definitio conuenire ei absolute: ergo sufficiet quod ultimis differentiis cōueniat per non repugnantiam, ut differentie sunt, quāuis repugnet eis ut ultimis.

Mihi vero nullā fere probabilitatem habere videtur. Vade neque vllus fere iam eam defendit. Probatur primo, definitio rei si essentialis sit, cōtinet essentiali omnium, quæ definiuntur: & si descriptiua aliquā propriā passionē eorum, sed essentia, & propria passio non possunt rebus cōuenire negatiue, aut per non repugnantiam, sed necesse est eis positiuè conueniant: ergo repugnat definitioni conuenire alicui per non repugnantiam.

Secundo, quia si ex eo solū cōuenit definitio ultimis differētis, quia non repugnat eis sub communi ratione differētiz consideratis prædicari de pluribus differētibus specie; quāuis repugnet, ut sunt differētiz vltimæ, sequitur definitionē hominis cōuenire leoni, imo, & definitionē cuiuslibet speciei cōuenire ceteris speciebus eiusdem generis. Cōsequens est absurdum, ergo & antecedens erit falsum. Probatur consequentia, quia licet definitio hominis repugnet leoni sub ratione specifica leonis, non repugnat ei sub ratione communi animalis considerata.

Tertia opinio communis, & verateneq, per hanc definitionē solū definisse Porphyrium differentias subalternas, non vero vltimas. Ita Com-

mentator, Auicena, & Alfarabius, quos citat, & sequitur Albertus Magnus, tract. 5. de differentia, cap. 6. Iauellus, Lobanienſes, Sorus, Cantellus, Mercatus, Villalpandus, Tolerus, & Fonseca, cap. præſenti, in explicatione eiufdem definitionis. Et probatur ex impugnatione aliarum opinionum, quia nullo modo poſteſt conuenire vltimis differentiis.

50 Sed quare has non definiuit Porphyrius? Reſpondent quidam, quia eas nō cognouit. Sed falſum hoc eſt, quia certum eſt, ſpecies vltimas cognouiſſe, quarum mentionem fecit cap. de ſpecie in ordinatione prædicamentali; ergo cognouit etiam vltimas differentias, ſaltem in ratione communi vltimarum, quamuis particulares ignorauerit, & in hoc cap. & vltimo huius libri, differentiam vltimam hominis dixit eſſe rationale mortale; vnde ſequitur etiam in particulari aliquam cognouiſſe.

51 Ideo alii eas non definiſſe aſſerunt, quia exiſtimauit non eſſe ſimplices, ſed compoſitas, aut cōplexas, vt rationale mortale eſſe differentiā hominis; complexa vero non pertinent ad prædicabilia, quæ ſimplicia eſſe debēt, aut incomplexa, vt in vltima quæſt. vniuerſali diximus. Hæc tamen ratio contra mentem Porphyrii eſt, cap. vlt. huius libri, vbi comparans differentiam cum ſpecie, ita ait. *Differentia quidem ſape in pluribus ſpeciebus conſideratur; ſpecies vero in ſolis his, quæ ſub ſpectu ſunt indiuidui eſſe, &c.* Si ergo ſæpe in pluribus ſpeciebus differentia eſt, non ſemper ex mente Porphyrii, apud quem dabitur vltima differentia prædicabilis, quæ cū ſpecie comparetur.

Dicendū igitur eſt, ideo ſolas ſubalternas definiſſe Porphyrium, quia cum nobis notiores ſint, frequentius

eis vtimur in definitionibus. Quod à ſimili probari poſteſt, nam cum duplex ſit proprium; ſubalternū, & inſiſum, hoc ſolum definiuit cap. ſequenti, quia frequentius eo vtimur in demonſtrationibus. Sufficit autem definiſſe differentias ſubalternas, quia cum eodem modo prædicentur omnes, nempe in quale quid, ex harum notitia facile eſt differentias inſimas cognoscere, in quantum pertinent ad tertiū prædicabile; facile eſt etiā definitionem communem ſubalternis, & inſimis aſſignare, quæ talis erit. Differentia eſt, quæ predicatur de pluribus in quale quid.

Ad arg. Caiet. reſpondetur falſum eſſe, quod definitio quāti ab Ariſt. designata non conueniat corpori cæleſti poſitiuè; quia cum verā habeat quantitatem, vere, per ſe, & poſitiuè eſt diuiſibile in partes, quauis actualis diuiſio per accidens impediatur propter incorruptibilitatē ſubſtantialem eiufdem corporis.

CAPVT V. DE proprio.

TEX. PORPHYRII.

Proprium vero quadrifariam diuidunt, &c.

Breuis expositio textus.

Intentum Porphyrii cap. præſenti eſt explicare naturā proprii. quod eſt quartum prædicabile. Diuiditur autem in duas partes, in prima tradit Porphyrius quatuor acceptiones, ſeu modos proprii. In ſecunda, ſolam quartam acceptionem eius docet eſſe propriam; cæteras vero communes aliis accidenſibus.

Proprium primo modo accipitur pro eo quod cōueniat alicui ſpeciei ſo-

I 5. li con-

Cap. 5. de proprio. quæst. 1.

si conuenit, non tamē omnibus indi-
uiduis eius, vt esse medicū, aut philo-
sophū propriū hominis dicitur, quia
soli homini conuenit, licet non omni
homini cōueniat. Secundo modo ac-
cipitur ex opposito, pro eo, quod cō-
uenit omni indiuiduo alicuius spec-
iei, non tamen soli, sed etiā indiui-
duis aliarū, vt esse bipedem, vel duos
habere pedes omnibus hominib⁹ ex
propria natura cōuenit, nō tamen so-
lis, sed quibusdam aliis animalibus
aliarum specierū. Tercio modo acci-
pitur pro eo, quod conuenit alicui
speciei, & omnibus indiuiduis eius;
non tamen omni tēpore, sed quoddā
determinato, vt canescere conuenit
omnibus, & solis hominibus, non sem-
per, sed solū tēpore senectutis. Quar-
to modo accipitur proprium pro eo,
quod conuenit alicui speciei, & omni-
bus indiuiduis eius, non pro deter-
minato tēpore, sed semper, vt risibi-
le conuenit homini, & omni homini,
atque etiā semper, quia licet nō sem-
per homo rideat, semper tamen ha-
bet aptitudinem ad ridēdum, & ideo
semper est risibilis.

Ex his quatuor acceptionibus sola
quarta propria est (inquit Porphy-
rius) quia proprium propriē sumptū
solum est illud, quod conuertitur cū
eo, cuius est propriū, sed solum pro-
priū quarto modo acceptum conuer-
titur; ergo solū in quarta acceptione
conuenit propriē accipitur.

QVÆSTIO I.

An proprium solū quarto modo acce-
ptum constituat quartum prædica-
bile, uel etiam secundū alios
tres modos.

Preæsupponit tanquā certum tien-
las quæstionis, quod propriū se-
cundum quartum modum perti-

neat ad quartum prædicabile; sed dū
bitat, an hoc solum cōstituatur quartū
prædicabile, & tres alii modi potius
pertineant ad quintum, vel ex omni-
bus quatuor modis efficiatur quartū.

Et prima opinio tenet, proprium
non solum secundū quartū modum,
sed etiam secundum alios constitue-
re quartū prædicabile, hoc est, vel se-
cundū omnes, vel salte⁹ secundū mo-
dum tertium. Sic videtur sentire Alber-
tus Magnus, tract. 6. de proprio, ca. 1.
& tract. 7. de accidenti, cap. etiam 1.
Lobanienſes cap. præf. & ibid. Can-
ter. quos saltem quātum ad propriū
tertio modo secuntur nonnulli ex
modernis.

Probatur primo, quia licet propria
aliorū modorū sumpta pro actu sint
communia accidentia; si vero saman-
tur pro aptitudine, vel potentia: pro-
priæ passiones sunt emanātes ab esse
tū, ergo nō pertinent ad 5. prædicabi-
le, sed ad 4. Probatur antecedens in
proprio primi modi, nā esse medicū,
vel philosophū, hoc est, habere ali-
quā sciētiā ex his, cōmune accidēs est,
aptitudo vero ad eas habendas, sicut
& ceteras propria passio hominis, quā
appellare solēt capacitatē disciplinæ.

Secūdo, quia propriū tertio modo
cōuenit omni, & soli; ergo est propria
passio. Probatur cōsequētia, quia es-
se propriam passionē in eo solum cō-
sistit, quod ab essentia emanet; ema-
natio vero nō tollitur ex eo, quod nō
semper conueniat, sed tēpore à natu-
ra statuto, quia eo tēpore, & non alio
reperitur dispositio in subiecto ad ta-
lem emanationem; ergo nec tollitur
ratio propriæ passionis in emanatio-
ne consistentis.

Secūda opinio cōmunis, & vera, ne-
gat vllā acceptionem proprii, præter
quartā constituere quartū prædica-
bile, sed tres priores ad quintū prædi-
cabile

cabile pertinere affirmat, & solū proprium quarto modo cōstitui quatuor prædicabile. Quam tenet D. Tho. opus. 48. c. 7. Iacob. tract. 4. præd. c. 5. Caiet. Sot. & Tol. ca. præf. & est expressa in doctrina Aristot. in qua definitio proprii cōtinetur solū conueniens proprio quarto modo. Et præterea, proprium secundum alias acceptiones ad prædicabile accidentis pertinere dicitur. Vtrūque habetur 1. lib. Topicorū, cap. 4. definitio quidem proprii his verbis. *Proprium est, quod non indicat, quid est esse rei, soli autem inesse, & conuersim prædicatur.* De aliis etiam acceptionibus proprii sic ait. *Nemo enim proprium dicit quod contingit aliis in esse, neque si forsitan per aliquod tempus in eis soli.* Et in fine capituli inquit. *Manifestum est autem ex his, & etiam accidens nihil prohibet, & quando, & ad aliquid proprium fieri, simpliciter autem proprium non erit, &c.* Proprium autem ad aliquid vocat primo, & secundo modo acceptum, quia in ordine ad alia tale dicitur, hoc est, quia conuenit soli, & non omni, vel omni, & non soli. Proprium vero, quando, idem est, ac proprium tertio modo, nam quando significat tempus: & cum proprium tertio modo solum conueniat pro determinato tempore, appellatur ab Aristot. proprium, quando.

4 Nec minus est expressa sententia Porphyrii, nam ultimo huius libri, ubi in tribus distingui docet quartum, & quintum prædicabile. In primo quidem, quia proprium solum conuenit vni speciei, cuius essentia sequitur, eiusque indiuiduis; accedens vero pluribus aliis conuenit. In secundo differunt, quia proprium conuertibiliter prædicatur de subiecto, nō tamen cōmune accidēs. In ultimo vero, quia propriū nō sus-

cipit magis, & minus, sed communia accidentia suscipiunt. Hæc autem in triplex differentia respectu accidentis, solum conuenit proprio quarto modo.

Sed ratione probatur ex testimoniis Aristot. deducta, nam in communi modo concipiendi, & loquendi inquit Aristot. Illud solū appellatur proprium, quod omnibus ita conuenit, ut non sit aliis commune: & præterea quod semper eis cōuenit, quibus est proprium: sed has duas conditiones solum habet propriū quarto modo; ergo hoc tantum erit proprium: reliqua vero accidentia cōmunia, & ideo hoc tantum constituet quartū prædicabile; reliqua vero potius ad quintum pertinebunt. Probatur minor, nam propriū primo, & secundo modo, vel non cōuenit omnibus, vel aliis, etiam commune est: propriū vero tertio modo multis indiuiduis nūquam conuenit: aliis vero omnibus multo saltem tempore non cōuenit; ergo nullum vere proprium appellari debet, neque ad quartum prædicabile pertinere intelligendum est.

Et si dixeris, quare ergo propria aliorū modorum adducuntur à Porphyrio in hoc cap. Respondeo solū adduci, quia aliquam habent similitudinem, & analogiam cum vero proprio quarto modo, ex qua similitudine melius cognoscitur natura, & essentia veri proprii, atque etiam ex dissimilitudine, & improprietate eorum. Quare si propriū in cōmuni accipiat, non vniuocē, sed analogice dicitur de omnibus, & solū de proprio quarto modo simpliciter: de aliis vero, non nisi secundum quid, & per attributionem ad ipsum.

Ad primum arg. distinguendū est antecedēs, nā aptitudo ad sciētias duplex est, vniuersalis, & particularis.

Vniuer-

Cap. 5. de proprio. quæst. 2.

Vniuersalis vocatur capacitas, quam habet homo per intellectum: Particularis vero respectu particularium scientiarum, nam vnus homo particulari inclinationem, & aptitudinem habet ad vnâ scientiam, vel artem, quam non habeat alii, licet vniuersali aptitudine intellectus non careant. Ad formam igitur arg. respondetur, verum esse, quod proprium primo, & secundo modo pro aptitudine vniuersali acceptum sit propria passio, sed hoc modo non est proprium primo, aut secundo modo, sed quarto, quia est proprium dimanans ab essentia hominis specifica; si vero accipitur pro aptitudine particulari, solû est proprietas indiuiduorum, neque omnibus conueniens, licet conueniat solis, & ideo non est proprium simpliciter, sed commune accidens pertineas ad quintum prædicabile.

Pro solutione secundi argum. duplex proprietates distinguenda est, specifica, & indiuidualis; illa dimanat ex principiis essentialibus speciei, quæ sunt genus, & differentia, vt risibilitas ex principiis hominis; indiuidualis vero ex complexione indiuiduali, ad quam concurrunt humores, & aliæ qualitates, & dispositiones materiæ. Vnde sequitur, quod illa semper conueniat, quia essentia specifica eodem modo se habet semper, indiuidualem vero non necesse est semper conuenire, quia non semper sunt humores in eadem dispositione: vnde nec vocatur propria passio simpliciter, sed commune accidens. Talis est canities, etiam si pro aptitudine accipitur; quæ licet soli homini proprie conueniat, aliis vero animalibus per similitudinem tantum ad hominē, vt ex causis eius colligitur, quas tradit Arist. lib. 4. de generatione animalium, cap. 5. non tamen dima-

nat ab essentia specifica eius, sed ex complexione hominum particulari, & ex aliis etiam causis extrinsecis in eisdem, & solis hominibus concurrētibz tempore senectutis, ideo non ad quartum prædicabile, sed ad quintum pertinet.

Ad formam igitur arg. neganda est consequentia, quod proprium tertio modo sit propria passio simpliciter, sed solum habet similitudinem cum propria passione. Et dum dicitur, non esse necessarium semper conuenire, vt sit propria passio, negandum est etiam, quia propria passio simpliciter ex nuda essentia sequitur, vnde non variatur, sed eodem modo se habet, sicut ipsa essentia; proprietates vero indiuiduorum ex aliis causis accidentalibus, & extrinsecis dependent, quæ diuerso tempore diuerso modo se habent, ideo tales proprietates non sunt proprie passionis simpliciter, nec sub nomine proprii constituentem quartum prædicabile comprehenduntur.

QVAESTIO II.

An proprium sit vniuersale, aut quartum prædicabile respectu speciei, vel indiuiduorum.

Pro faciliori intelligentia quæst. annotandum est primo, duplex esse proprium, vnum quod consequitur naturam generis, aut speciei subalternæ, & ideo vocatur proprium subalternum, prædicaturque de genere ipso conuertibiliter, sed cum qualibet speciei non conuertitur, & ideo respectu generis est proprium adæquatū, & respectu cuiuslibet speciei inadæquatū, vt sensibile proprium subalternū est, quod sequitur naturam animalis, cum quo conuertitur,

titur, sed cum nulla eius specie, ideo proprium adæquatum est respectu animalis, sed respectu specierum inadæquatum, de omnibus tamen prædicatur eodem modo, ac de genere, quamvis non proxime, sed remote, hoc est, in quale proprium secundum regulam ante prædicamentalem ab Arist. traditam, cap. 3. ante prædicamentorum. Quod quando aliquid prædicatur de aliquo, quæcunque prædicantur de tali prædicato, prædicantur de eodem subiecto, & de omnibus contentis sub illo, & eodem genere prædicationis secundum omnes Interpretes, ut animal prædicatur de homine, & leone, & sensibile de animali prædicatione proprii, & ideo necesse est, quod idem sensibile prædicetur de homine, & leone sub eodem animali contentis prædicatione etiam proprii. Aliquid est proprium, quod sequitur speciem infimam, & de illa prædicatur proxime, adæquate, & conuertibiliter, de indiuiduis vero eiusdem inadæquate, quia cum nullo cōuertitur, & remote, quia media specie, sed prædicatione proprii, quia in quale proprium.

8. Secundo notandum est, utrumque proprium definitum esse ab Arist. 1. lib. Topicorum, cap. 4. illa definitione. *Proprium est, quod non indicat, quid est esse rei, soli autem inest, & conuertitur cum prædicatur.* Quia non minus conuertitur proprium subalternum cum specie subalterna, quam sequitur, ut sensibile cum animali, ac proprium infimum cum infima specie, ut risibile cum homine, quamvis nec illud cōuertatur cum speciebus inferioribus, neque hoc cum indiuiduis, quia respectu inferiorum neutrum est adæquatum proprium. Quod vero dicitur non indicare quid est esse rei, hoc tantum significat, quod est non per-

tinere ad essentiam, sed esse accidens eius, quamvis à posteriori per illud cognoscamus essentiam, & in hoc sensu videtur indicare, quid est esse rei, sed sensus definitionis prior est, utrumque est etiam definitum à Porphyrio, dam ait, proprium quarto modo (quod solum est proprium simpliciter) esse quod conuenit omni soli, & semper.

De utroque etiam proprio, tam subalterno, quam infimo, quæritur an sit vniuersale, & quantum prædicabile respectu speciei subalternæ, vel infimæ, quam sequitur, vel solum respectu inferiorum, specierum, aut indiuiduorum. Et ratio dubitandi est manifesta, quia nihil est vniuersale, nisi respectu plurius, sed species, quæ sequitur utrumque proprium, una tantum est, nam cum ea conuertitur, ergo respectu illius non erit vniuersale, aut prædicabile, sed solum respectu specierum inferiorum, aut indiuiduorum, quæ plura sunt.

Prima opinio asserit, proprium non esse vniuersale, nec quantum prædicabile respectu generis, aut speciei, quam proxime sequitur, sed respectu inferiorum. Sic Lobaniæses, cap. præsentis, Fonseca 5. Meta. cap. 18. quæst. 19. sect. 2. Et plures modi rationi probant primo, quia vniuersale ad plura se extendit quam subiectum, de quo prædicatur, ergo si cum eo conuertatur non erit respectu illius vniuersale. Probat antecedens, nam vniuersale ex vi nominis significat id, quod non est particulare, sed ad multa particularia extenditur, ergo repugnat esse vniuersale respectu vnius particularis subiecti, unde cum species sit vnum particulare subiectum, non erit proprium vniuersale respectu illius.

Secundo, quia ratio vniuersalis, & ratio

Cap. 5. de proprio. quæst. 2.

ratio proprii opposita sunt; ergo non possunt eidem respectu eiusdem convenire, sed proprium dicitur aliquid respectu speciei, quæ sequitur; ergo repugnat dici universale respectu eiusdem. Probatur antecedens, non universale dicitur respectu multorum, ut probat definitio eius, quod sit unum in multis; proprium vero respectu unius tantum, ut ex eius etiam definitione patet, qua dicitur, *soli autem inesse*; ergo sunt rationes oppositæ.

Secunda opinio affirmat proprium esse universale, & prædicabile respectu speciei, quæ sequitur, & non solum respectu individuorum. Hanc sequitur Alber. Mag. tract. 5. de proprio, ca. 1. Caiet. & Sor. quæst. 1. huius cap. Tolet. in fine eiusdem, & etiam plures moderni.

10 Probatur ex Arist. & Porphyrio. ex Arist. quidem, quia definitio quæ tradit de proprio, non convenit ei respectu inferiorum, sed solum respectu speciei, ait enim, *soli autem inesse, & conversim prædicatur*, hoc est, soli speciei, de qua solum prædicatur convertibiliter, & non de inferioribus speciebus, aut individuis; ergo sentit Arist. proprium respectu solius speciei esse proprium, atque adeo universale, & quantum prædicabile.

Porphyrius etiam, qui proprium quarto modo dicit esse illud, quod convenit omni, soli, & semper, quas conditiones non videtur habere, nisi respectu speciei; & cap. ult. huius libri enumerans ea, quæ conveniunt quarto prædicabili, ait esse prædicabile de specie, quam sequitur.

Sed ratione probatur primo, quia modus prædicandi sequitur modum essendi, quem res habet, ex propria natura, aut ex modo, quo concipitur ab intellectu: sed proprium ex modo naturali essendi, atque etiam ut concipitur ab intellectu, respicit speciem tan-

quam principium proximum, à quo dimanat; species vero inferiores, aut individua remote tantum, & per participationem speciei; ergo rationem universalem, & prædicabilem in quale proprium primo habet respectu speciei, quasi secundo respectu individuorum.

Secundo, prædicabilia ordinantur ad demonstrationem, sicut prædicamenta; ergo propositiones necessariae, & per se, ex quibus demonstratio conficitur, pertinet ad prædicabilia; sed tales sunt illæ, in quibus proprium prædicatur de specie, ut homo est risibilis: pertinebunt igitur ad quartum prædicabile, cum non sit aliud, ad quod pertinere possint, & ideo proprium erit universale, & prædicabile respectu speciei.

11 Nostra sententia duabus conclusionibus explicatur. Prima, proprium non est universale respectu solius speciei, sed respectu inferiorum specierum, vel individuorum. Probatur hæc ex definitione universalis, nempe, *unum in multis, & de multis*, sed species non est multa simpliciter, sed unum, quamvis sit multa secundum rationem virtutalem, qua participatur à multis; ergo respectu illius non potest proprium esse universale. Probatur consequentia, quia multa simpliciter non sunt, nec dicuntur, nisi illa, quæ actu sunt multa, ac distincta; in specie vero, nec individua multa sunt, nec distincta, sed unum, nec species ipsa est in eis multa, sed etiam unum; ergo proprium respectu solius speciei, non est universale.

Secunda conclusio, esse tale universale, hoc est, proprium, aut quartum prædicabile, nec habet proprium in ordine ad solam speciem, nec in ordine ad sola individua, sed in ordine ad individua ut participant rationem speciei. Ut autem conclusio hæc, & præcedens melius intelligatur, notandum est, in proprio sicut

sicut in quocunque alio prædicabili duo esse consideranda, & ratione communem vniuersalis, quâ omnes participant, & in qua cõueniunt, & ratione specialẽ ex tali modo prædicandi desumptã, per quã distinguuntur. Ratio ergo vniuersalis vt sic, petit plura pro termino, & ideo eã non habet propriũ respectũ speciei, vt in prima cõclusionẽ probatũ est, quia species non est multa simpliciter, sed vnũ, ratione vero specialẽ talis vniuersalis, & prædicabilis nõ habet solum respectũ indiuiduorũ, quia non dimanat ab eis, nec primo, & per se est propriũ illorũ, sed speciei, à qua primo, & per se emanat, & de qua per se primo prædicatur in quale propriũ, vnde in ordine ad illã habet per se primo specialẽ modũ prædicãdi, per quẽ distinguitur à cæteris prædicabilibus. Sed quia ad ratione talis vniuersalis requirũtur talia multa, sicut ad ratione vniuersalis in communi multa simpliciter, adhuc propriũ nõ est tale vniuersale respectũ solius speciei, nisi cum ordine ad indiuidua, à quibus ratio essentialis eius, & consequẽter proprium ipsum ab ea dimanans participatur.

12 Ex hac doctrina non solũ declaratur vtraque conclusio, sed colligitur hoc arg. quo probatur secũda. Propriũ, vt est quartum prædicabile, sic definiendũ est. Propriũ est, quod prædicatur de pluribus in quale propriũ, sed primum non habet respectũ solius speciei, nõ esse prædicabile de multis, nec secundũ, nempe in quale propriũ habet respectũ indiuiduorũ, nisi cũ ordine ad speciem, ratione cuius prædicatur de illis in quale propriũ ergo completam definitionem quarti prædicabilis, nec habet à sola specie, nisi cum ordine ad indiuidua, nec à solis indiuiduis, nisi cum

ordine ad speciem.

Arg. vero primæ opinionis solum probant, quod proprium non habet rationem vniuersalis, vt sic, respectũ speciei, sed indiuiduorum, non tamẽ, quod specialem rationem talis vniuersalis ex modo prædicãdi desumptã non habeat ab specie cum ordine ad indiuidua.

Arg. secundæ, solũ probat eandẽ ratione specialem talis vniuersalis, aut quarti prædicabilis habere ab specie, non tamẽ sine ordine ad indiuidua, & quia vtrumque continet nostra sententia, non est necessariũ arg. aliarum in particulari soluere, sed ex annotata doctrina facile à quocunque soluentur.

Solum restat vno verbo explicandum id, quod à quibusdã dubitari solet, an proprium, vt est quartum prædicabile, vna, & eadem relatione secundum speciem referatur ad speciem, & indiuidua, aut ad genus, & inferiores species, vel diuersis, ita vt vna ad speciem, & alia ad indiuidua. Cũ respõdeo vna, & eadem referri, quod ita probõ. Relatio sumit suam vnitatem specificam à termino formali, sed species, & indiuidua habent eandẽ rationem terminandi relationem proprii; ergo vna erit respectũ omnium. Probatur minor, propria referatur ad speciem, & indiuidua, tãquam ad principium, à quo emanat, & tanquam ad subiectum, cum quo conuertitur, sed species, & indiuidua habent eandẽ rationem principii, atque subiecti, cum indiuidua ratione speciei vtrumque habeant; ergo habent eandẽ rationem formalem terminandi, & pro vnicò termino formali accipienda sunt, à qua vnitatem specificam habet relatio proprii.

Cap. 6. de accidenti. quæst. i.

CAPVT VI. DE Accidenti.

TEX. PORPHYR.

Accidens autem est, quod adest,
& abest, præter subiecti corrup-
tionem, &c.

Breuis explicatio textus.

Intentum Porphyrii, cap. præsentis
est, explicare naturam accidentis,
quod est quintū prædicabile. Agit
autem tria in toto Capite. Primum,
tribus diffinitionibus diffinit acci-
dens. Secundū, quadam diuisione il-
lud diuidit. Tertium, cuidam taci-
tæ objectioni respondet.

Prima definitio accidentis est. *Acci-
dens est, quod & adest, & abest, præter
subiecti corruptionem.* Ut albedo in hæ-
ret in pariete, & potest separari ab
illo sine corruptione eius. Secunda
definitio eadem fere est. *Accidens est,
quod contingit eidem inesse, & non inesse.*
Postrema definitio. *Accidens est,
quod neque est genus, nec differentia, ne-
que species, neque proprium, inest autem
subiecto.* Datur hæc definitio per ne-
gationem aliorum prædicabilium à
Porphyrio, vt explicatur proprius
modus prædicandi accidentis.

Diuisio accidentis est, accidens ali-
ud est separabile, vt dormire; aliud
inseparabile, vt albedo eigni. Sed po-
terat obicere aliquis aduersus Por-
phyriū, quod prima definitio accide-
tis non sit bona, vel quod hæc diui-
sio sit mala; quia secundum primam
definitionem omne accidens potest
separari à subiecto; ergo nullum erit
inseparabile: sed diuisio asserit, acci-
dens aliud esse separabile, aliud inse-
parabile; ergo sibi cōtrariantur. Ideo
Respondet Porphyrius in 3. part. hac

distinctione: Duobus modis contin-
git separari à subiecto, secundū rem,
aut secundum considerationem intel-
lectus, & primo modo non omne acci-
dens potest separari à subiecto, be-
ne tamen secundo modo, & definitio
intelligitur primo, aut secundo
modo; diuisio vero solum secundo
modo, ideo non sunt contrariæ.

QVÆSTIO I.

An accidens sit vniuersale, & respo-
du quorum id habeat.

Probatur accidens non esse vni-
uersale duobus arg. Primo, quia
vniuersale non habet à parte rei
aptitudinem essendi in multis, aut
prædicandi de illis, nec respicit infe-
riora relatione reali, sed solum habet
talem aptitudinem per intellectum
abstrahentem illud, vel comparan-
tem ad inferiora, ad quæ solum dicit
respectū rationis: sed accidens à par-
te rei habet aptitudinem essendi in
subiecto, ergo etiam habebit aptitu-
dinem prædicandi de illo, & cum di-
stinguatur ab eo realiter, per rela-
tionem realem illud respiciet, vt al-
bedo hominem; ergo accidens non
est vniuersale respectu subiecti, imo
nec potest prædicari de illo, quia
quod ab alio distinguitur realiter, nō
potest de eo prædicari, cum distin-
ctio realis fallam efficiat prædicatio-
nem.

Secundo, vniuersale dicitur esse
in multis, & posse prædicari de mul-
tis, etiam si illa multa non sint actu
in rerum natura, sed solum in poten-
tia, vt patet de Sole, & Luna: sed acci-
dens non potest prædicari de sub-
iectis, nisi actu existentibus; ergo nō
est vniuersale, nec prædicabile. Pro-
batur minor, quia nullo homine
existen-

existente in rerum natura, falsum erit dicere, homo est albus, aut Petrus est albus.

Pro solutione huius questionis notandum est primo, accidens duobus modis considerari. Primo, in ordine ad sua inferiora quidditativa, ut color respectu albedinis, & nigredinis, aut albedo respectu huius, & illius albedinis, & hoc modo non constituit quintum prædicabile, sed primum, secundum, vel tertium, nam vel genus est, vel species, aut differentia. Secundo consideratur in ordine ad subiecta, quibus inhæret, ut albu in ordine ad hominem, vel parietem. Et hoc modo constituit quintum prædicabile, quia prædicatur in quale accidentale.

4 Secundo notandum, accidens dupliciter considerari, in abstracto, & in concreto: & primo modo consideratum non dicit subiectum, sed solam formam, ut albedo, & color, & cum hæc distinguatur realiter à subiecto, non prædicatur de illo, falsum est enim dicere, homo est albedo; consideratum vero in concreto dicit subiectum, ut albu, & à diuersis subiectis abstractum per intellectum, ut ab homine, & pariete, est vniuersale, & prædicabile respectu illorum, à quibus solum distinguitur ratione, nec habet aptitudinem prædicandi de illis à parte rei, sed solum per intellectum, nec denique ad illa refertur relatione reali, sed rationis, sicut cætera prædicabilia ad sua inferiora, sed quia accidens respicit subiectum secundum modum inhærentiæ actualis in eo, & hoc modo prædicatur de illo, requirit actuale existentiam subiectorum, de quibus prædicatur, alioquin non erunt veræ prædicationes, & in hoc distinguitur à cæteris prædicabilibus, quæ cum essentialia sint, ut genus, spe-

cies, & differentia, vel propria passionis consequentes essentiam, ut quantum prædicabile abstrahunt ab existentia, & prædicantur de inferioribus secundum naturalem connexionem extremorum, ideoque non requirunt actuale egrum existentiam.

His suppositis, conclusio responsiva questionis est, accidens in concreto sumptum esse quantum prædicabile non respectu quidditatiue inferiorum, sed respectu subiectorum, à quibus abstrahitur, & de quibus prædicatur in quale accidentale, & hoc modo sumptum definitur à Porphyrio duplici definitione inferius explicanda. Probat hanc conclusio, quia accidens hoc modo sumptum est vnum in multis accidentaliter, & ideo prædicabile de multis in quale accidentale, distinctumque à cæteris quatuor prædicabilibus.

Ad primum arg. neganda est minor, quod accidens habeat aptitudinem realem inhærendi, aut essendi in multis à parte rei, nam si sumatur in abstracto verum est, sed sic non est vniuersale, nec prædicabile, sed dicit formam accidentalem realiter distinctam à subiectis, & realiter eis inhærentem, sed quæ non potest realiter prædicari de illis, propter realem distinctionem; si vero sumatur in concreto, respectu subiectorum, à quibus abstrahitur, vniuersale est, & prædicabile, ut expositum est.

Ad secundum distinguenda est 6 minor, nam ut accidens sit vniuersale, & prædicabile, satis est, quod plura subiecta secundum potentiam existentia respiciat, sed ad exercitium prædicationum requirit actuale existentiam subiectorum, & in

K primo

Cap. 6. de accidenti. quæst. 2.

primo conuenit cum cæteris prædicabilibus, à quibus distinguitur in hoc secundo, propter modum distinctionis prædicandi accidentalem, quæ habet, nam accidens respicit subiectum secundum actualem inhaerentiam in eo; actualis vero inhaerentia petit actualem existentiam subiecti, quia nihil potest inhaerere, nisi actu existentis; de aliis vero prædicabilibus diuersa est ratio, quantum ad exercitium prædicandi, iam explicata.

QVÆSTIO II.

*An diuisio accidentis in acci-
dens separabile, & inseparabile sit
bona.*

7 Vobis argumentis videtur pro-
uari, quod non sit bona. Pri-
mo, quia accidens secundum
Porphyrium, duobus modis potest
separari à subiecto, secundum rem,
& per intellectum; ergo nullum ac-
cidents erit inseparabile. Probatur
consequentia, quia accidens insepa-
bile secundum rem est separabile
per intellectum; unde non bene
diuiditur accidens in duo mem-
bra.

Secundo, quia si omne accidens
est separabile per intellectum; er-
go hæc diuisio comprehendit pro-
priam passionem, quæ licet non pos-
sit separari secundum rem, potest
per intellectum, ut risibile potest
separari ab homine; quia cum non
sit de essentia eius, potest homo in-
telligi sine illo. Et ex hoc sequitur
quartum prædicabile, & quantum
non distingui. Probatur consequen-
tia, quia propria passio, quæ consti-
tuit quartum prædicabile, pertinet
ad quantum, cum sit accidens insepa-
rabile.

Pro solutione quæstionis annotan-
da est distinctio, quam tradit D. Th.
quæst. vltima de spiritalibus crea-
turis, art. ultimo ad 7. ubi ait, di-
plicem esse operationem intellectus,
per quam vnum separat ab alio, vna
simplex abstractio, per quam illud
sine eo cognoscit sine affirmatione,
& negatione; ut dum intelligimus
albedinem existentem in pariete, nō
intellecto pariete, non tamen ne-
gando, quod in eo sit. Altera est ab-
stractio composita, per quam vnum
sine alio intelligimus illud de eo
negando; ut si dum intelligimus al-
bedinem sine pariete, negemus eam
de pariete, dicentes, paries non est
albus.

Secundo notandum est, quod hæc
est differentia inter accidens sepa-
rabile, & propriam passionem, quæ-
tum ad secundum modum abstra-
ctionis à subiecto, quod subiectum
accidentis inseparabilis, non solum
potest intelligi sine illo, sed etiam
cum opposito, scilicet eius essentia, ut
cignus non solum potest intelligi si-
ne albedine, sed cum nigredine, quæ
non repugnat essentia eius. Sed sub-
iectum propriæ passionis, quamuis
possit intelligi sine illa, non tamen
cum opposita; cuius ratio est, quia
cum propria passio dimanet ab es-
sentia, à qua impossibile est diman-
are oppositam, impossibile est et-
iam, quod cum opposita intelligen-
tur. sed accidens inseparabile non
demanat ab essentia subiecti, ideo nō
repugnat, quod idem subiectum cum
opposito accidenti intelligatur. Ex
plurima, sine risibilitate potest in-
telligi homo, non tamen cum inhi-
bitate, quia repugnat inhiabilitatem
demanare ab essentia eius, sed cignus
non solum potest intelligi sine albe-
dine, sed etiam cum nigredine, quia cū
albedo

albedo non dimanet ab essentia eius, non repugnat, quod cum nigredine opposita intelligatur.

Conclusio nostra est, diuisionem esse bonam. Probat, quia utrumque membrum vere datur in rebus: verum accidens est, & tantum continet quantum diuisum; ergo adequata est, & bona diuisio, sed intelligenda est realiter, & non per intellectum: ita ut sensus sit, accidens vnū est separabile à subiecto realiter, & aliud realiter inseparabile ab eodem, & ex hoc soluitur primum argumentum.

9 Ad secundum neganda est consequentia, quia accidens commune separari potest per intellectum utraque abstractione, simplici, & composita: ita ut non solum negari possit de subiecto, sed etiam oppositum ei attribui, quod non habet passio, quia cum dimanet ab essentia: repugnat oppositum passionem cōuenire subiecto. Itaque commune accidens omnibus modis potest separari per intellectum à subiecto: proprium vero non omnibus modis, & hoc sufficit ut ad quantum prædicabile non pertineat.

10 Sed ut melius natura huius prædicabilis intelligatur, triplex alia differentia notanda est, quam habet respectu proprii. Prima est, quod proprium dimanat ex principiis essentialibus subiecti: accidens commune non dimanat ab eis, sed ex aliis causis prouenit. Secunda, quod passio primo conuenit speciei; secundo vero indiuiduis: accidens commune ex opposito, primo conuenit indiuiduis, & ratione eorum speciei. Et ratio huius differentie est, quia proprium proxime dimanat à natura specifica, sed commune accidens ex particulariibus causis indiuidualibus sequitur.

Tertia differentia est, quod propriū prædicatur per se de subiecto; accidens vero, quod est quantum prædicabile, per accidens.

QVAESTIO III.

An definitiones accidentis intelligantur a Porphyrio de inherencia reali accidentis in subiecto, vel secunde intentionaliter de affirmatione, & negatione.

ET videtur hoc secundo modo intelligi, & non primo, quod probatur ex eodē Porphyrio qui ultimam definitionem assignauit per negationem aliorum prædicabilium; ergo definit accidens, ut prædicabile, & consequenter, non per reale inherenciam, sed per prædicationem. Et præterea, quia ut explicaret diuisionem non esse contrariam primæ definitioni, docuit accidens non solum secundum rem, sed per intellectum posse separari à subiecto; ergo illud asserit posse adesse, & abesse subiecto, in primæ definitione, non de reali inherencia, sed de prædicatione loquitur.

Et ratione deinde probatur. Primo, quia accidens secundum reale inherenciam non pertinet ad Dialecticū, sed ad Philosopherum; ergo in Dialectica non per illā debet definiri, sed per prædicationē Dialecticę propriā.

Secundo, accidentia rationis, qualia sunt secundę intentiones, dū prædicantur de primis, pertinet ad hoc prædicabile, & non habent realem inherenciam in subiecto, sed solum sunt obiectiue in intellectu, & tamen eis conueniunt definiōes accidentis; ergo non intelliguntur de reali inherencia, sed de prædicatione.

K 1 Hunc

Cap. 6. de accidenti. quæst. 4:

Hanc sententiam tenent Caiet. cap. præsentis, dubio 1. Iauel. tract. 4. de quinque prædicabilibus, cap. 6. Sotus in expositione textus, & eandem dicit esse probabilem, Tolet. dub. 3.

12

Secunda opinio affirmat, easdem definitiones intelligi à Porphyrio de reali in hærentia accidētis, & hæc est probabilior. Probat. efficaciter ex Porphyrio, qui ut explicaret primam definitionem non esse contrariam diuisioni, tradit duos modos separationis accidētis à subiecto, nēpe realem, & per intellectum; quod non esset necessarium, si definitio intelligeretur de prædicatione, & non de reali in hærentia, nam prædicationis separationem dicit per intellectum si sit negatiua.

Probat. secundo, quia eodem modo sumitur accidēs in definitionibus & diuisione, sed diuisio nō potest intelligi de prædicatione, sed de reali separatione, nam in primo casu nullum accidens esset inseparabile; ergo definitiones de reali in hærentia intelliguntur.

Ad primum testimonium respondetur, non per solam negationem aliorum prædicabilium definisse Porphyrium accidens, sed per realem in hærentiam; quam in ultimo verbo definitionis posuit. Secundum testimonium potius probat nostram sententiam.

Ad primum argum. respondetur, quod realis in hærentia fundamentum est secundæ intentionis, quam necesse fuit explicare per definitiones, ut natura huius prædicabilis melius intelligeretur.

Ad secundum dicimus, entia rationis non habere realem in hærentiam in subiecto, sed intelligi à nobis per similitudinem ad accidētia realia, quæ illam habent, & ideo de illis etiā loquimur, ac si realiter in hærent: quare per similitudinem applicatur eis definitiones accidentis.

QVAESTIO IIII.

An prima definitio accidentis sit bona.

Ratio dubitandi est, quia multa sunt accidentia, quæ subiectum corrumpunt, ut morbus lethalis, combustio, & mors, ergo eis non conuenit definitio, quia non possunt adesse, & abesse præter subiecti corruptionem.

Difficultas huius quæstionis in eo consistit, an ea quæ enumerantur in argumento, sint accidentia, vel non. Et prima opinio negat esse accidentia, sed potius dicit esse destructiones substantiæ, vel prædicata substantialia priuatiua. Probat, quia corruptio, vel mors est dissolutio principiorum vitæ, sed principia vitæ sunt substantialia; ergo corruptio, & mors erunt potius quid substantiale, quam accidentale.

Pro solutione quæstionis notandum est, mortem dupliciter sumi posse, primo pro corruptionis rei, ut in fieri, hoc est, dum fit; aut pro corruptione infuso esse, vel iā facta: & certum est utroque modo sumptam modum saltem accidētis habere, & consequenter subiectum, & cum sit quasi mutatio priuatiua, non solum habet subiectum, sed etiam terminum, quasi per eam factum; & subiectum eius est materia, quæ à forma, quæ corrumpitur ad formam de nouo aduenientem mutatur, ut ad formam hominis, quæ definit esse in materia, ad formam cadaveris, quæ de nouo aduenit. Terminus autem corruptionis est non esse rei, ut non esse hominis: denominat autem corruptio materiam tanquam subiectum, in quantum est mutatio eius, & etiam terminum, nempe rem corruptam, ad cuius non esse terminatur, & ita materia denominatur priuatiue, mutata

per

per corruptionem tãquam subiectũ huius accidentis priuatiui, & id quod definit esse per eã, dicitur non esse, vel esse mortuum, aut corruptũ, & si cut est accidens materiæ, tanquã subiectũ, in quo intelligitur inherere, ita respectu illius conuenit ei definitio accidentis, quia adest, & abest materiæ præter eius corruptionem, terminũ vero non denominat vt subiectũ, sed tanquã terminũ, quẽ destruit, & ideo non est accidens respectu eius, nec conuenit ei definitio accidentis.

14 Nostra igitur sententia est, illa omnia, quæ in arg. enumerantur esse accidentia, vel saltem modũ accidentiũ habere, quibus suo modo cõuenit definitio. Quod probatur euidenter de morbo etiã lethali hac ratione. Morbus adest, & abest sine subiecti corruptione; ergo conuenit ei definitio accidentis. Probatur antecedens, quia quandiu durat morbus, subiectũ manet, & eo absente, etiam manet; ergo adesse, & abesse potest præter corruptionem eius.

Secũdo probatur de cõbustione, & morte, nã istæ habet modũ mutationis priuatiuæ, sed mutatio habet subiectũ, vt docet Arist. 1. & 5. lib. Phys. ergo est accidens, quare modũ accidentiũ habere debent, quibus definitio conueniat.

Ex ex his respõdetur ad arg. morbũ esse accidens, & posse adesse, & abesse subiecto, præter corruptionẽ eius, quia quandiu durat, nõ est corruptũ, sed manet. De cõbustione vero, & morte dicimus esse accidentia priuatiua materiæ, cui adsunt, & absunt, præter corruptionẽ eius, non tamẽ sunt accidentia hominis, vel domus, sed illũ, & hanc denominant tanquam terminos. Quod vero ad veritatẽ propositionis attinet, nẽpe, homo est mortuus, vel domus est cõbusta, verasse

dicimus, vt cõmunis modus cõcipiendi, & loquendi tenet, quia sensus est, homo definit esse, aut domus; & verus quidẽ, quia non denominatur vt subiecta, sed vt termini corruptionis, quasi dicatur hominẽ, & domum per mortẽ aut cõbustionẽ perisse, mors namq; appellatur corruptio hominis, quia est priuatio vitæ; nõ vero cõbustio domus, sed talis corruptio.

15 Circa rationẽ tandẽ accidentis duo sunt notanda. Primũ, duobus modis sumi accidens, nẽpe pro accidenti prædicamento, & pro accidenti prædicabili, & hæc acceptio est vniuersaliõr, quia non solũ comprehendit vera accidentia, sed illa etiam, quæ licet sint substantiæ: modo quodã accidentali se habent ad alia, & ideo ex parte modi se habendi videtur ea respicere tanquam subiecta, vt differentia respectu generis accidens prædicabile vocatur, licet sæpe sit substantia, quia adesse, & abesse potest generi, salua eius essentia. Accidens vero prædicamentũ solum cõprehendit vera accidentia, sed ex alia parte idẽ accidens, vt prædicabile minus vniuersale est, quia accidens prædicamentũ absolute comprehendit omnia accidentia vera: accidens vero prædicabile non cõprehendit ea, nisi sub limitata consideratione, hoc est, quatenus subiecto adesse, & abesse possunt, vel prædicari, & non prædicari de illo. Albedo enim, aut nigredo, sicq; de cæteris accidentibus duobus modis consideratur. Primo secundum proprias essentias, vt in eis sunt genera, species, & indiuidua, & sic pertinent ad specialia prædicamenta, & non ad quintũ prædicabile, sed ad primũ, secundum, vel tertium: alio modo in ordine ad subiectum, cui adesse, & abesse possunt, & sic pertinent ad quintum prædicabile.

K 3

Ex

Cap. 6. de accidenti. quæst. 5.

Ex quibus intelligitur distinctio quædam satis necessaria prædicationis accidentalis, nā una est accidentalis ab accidenti prædicamento, quādo prædicatū verū est accidens inhærens subiecto, de quo prædicatur. Alia est accidentalis ab accidenti prædicabili, & non prædicamento, cuius prædicatū non est verū accidens subiecti, sed modo accidentali se habet ad illud, in quātum adesse, & abesse potest ei, præter eius corruptionē, vt hæc prædicatione, homo est albus, accidentalis est ab accidenti prædicamēto, & etiam prædicabili; hæc vero, animal est rationale, non ab accidenti prædicamēto, sed solū ab accidenti prædicabili.

16 Secundo notandum est, quod accidens, vt est quantum prædicabile, nō est definiendū per plures species, vel plura individua, tanquam per subiecta, quia licet vera sint subiecta accidentis, tā hæc, quā illa, quodlibet est adæquatū, sed per aliquid vniuersalius, quod sit quasi adæquatū subiectum eius, & in plurali sumptū adæquatus terminus relationis eiusdem accidentis, vt prædicabilis. Vnde talis erit eius adæquata definitio, Accidens est, quod prædicatur de plurib⁹ in quale accidentale. Per quam definitionem ratione vltimæ particulæ patet distingui à cæteris prædicabilibus. Et hæc de prædicabilibus annotasse sufficiat.

QVAESTIO V.

An inhærentia aptitudinalis sit de essentia accidentis.

17 **I**nhærentia duplex est, actualis, & aptitudinalis: actualis est modus quidam, per quem accidens vnitur subiecto, vt ab eo sustentetur, & proportionetur modo per se substantiæ, per quem in se, & per se subsistit

independēter ab alio: vnde sicut modus subsistentiæ est vltimus terminus naturæ substantialis per se existentis, à quo completur, & constituitur in supposito; ita inhærentia actualis est vltimus terminus naturæ accidentalis actu existentis completam, & constituens actu in subiecto, & tandem sicut subsistentia præsupponens actualem existentiam non distinctā realiter à natura substantiali, sed per quam est extra causas, distinguitur ex natura rei ab eadem natura substantiali per se existentis: eadē ratione inhærentia actualis accidentis præsupponens nostro modo intelligendi naturam accidentalem actu existentem, distinguitur ab ea ex natura rei.

Alia est inhærentia aptitudinalis, quæ non est aliud, quam aptitudo eisdem naturæ accidentalis ad actu inhærendum subiecto: vt si Deus separet accidens à subiecto, peribit modus actualis inhærentiæ eius, per quē actu inhærebat subiecto, sed adhuc erit aptum ei inhære, & hæc aptitudo inhærendi vocatur inhærentia aptitudinalis.

Et de inhærentia actuali certum est apud omnes, quod non sit de essentia accidentis, quia sine illa potest esse accidens, si non naturaliter, saltem diuina virtute, & verè manet quantitas Eucharistiæ, sine inhærentia actuali, quam habebat in substantia panis. Ex quo euident argumentum deducitur, probans nō pertinere ad eius essentiam: & cum eadem ratio sit de cæteris accidentibus, sequitur actualem inhærentiam nulli accidenti esse essentialem; in quo etiam assimilatur subsistentiæ substantiali, de qua euident est etiam non pertinere ad essentiam naturæ substantialis: cum sit in natura

cer-

certum naturam humanam Christi non habere propriam subsistentiã, sed terminatam esse subsistentia verbi Divini. Ideo solum quærit titulus quæstionis de inhærentia aptitudinali, an sit de essentia accidentis.

18 Et est prima opinio Scoti in 4. d. 12. quæst. vnica, & Antonii Andrææ 7. Meta. quæst. 1. cum cæteris Scoti discipulis, asserentium, non pertinere ad essentiam eius, sed extra illam esse. Probant, quia inhærentia est relatio accidentis ad subiectum, vel relationem saltem includit; ergo non potest esse de essentia alicuius accidentis absoluti, imo aliquã rationẽ accidentalem debet præsupponere in eo, cui conuenit, per quã fundetur talis relatio, & ex consequenti essentiam accidentis eam fundantẽ, quare extra illam omnino erit.

Secundo, si inhærentia aptitudinalis sit de essentia accidentis. Omnibus eque conuenire debet, quia quæ essẽtialia sunt, omnibus illius ordinis debent eque conuenire, sed neque cõuenit omnibus, neque eque potest cõuenire, ergo non est essentialis. Probatur minor, quia modus, quẽ habet quãtitas Eucharistiæ separata à substantia, est accidẽs; cum terminet naturam accidentalem, & repugnat ei aptitudo inhærendi, cum sit modus essendi per se, & independentẽr à subiecto; ergo non cõuenit omnibus accidentibus, sed neque æqualiter, quia iã conueniret eis vniuocẽ, quod videmus esse falsum.

Secũda opinio est cõmunis, & vera, quod inhærentia aptitudinalis sit de essentia accidentis. Ita D. Th. in 4. d. 18. q. & art. 1. q. etiã 1. Capr. in 4. d. 2. q. 1. ad 1. contra 5. & 6. cõcl. Herue. quodlib. 4. q. 9. Iauel. 7. Meta. q. 1. Caie. 7. c. de ente, & essentia, q. 15. Et colligitur euidentẽr ex doctrina Arist.

7. Meta. tex. 2. vbi asserit accidentia nõ esse entia, sed entis entia, hoc est, substantiæ, ad quã in sua entitate dicunt attributionẽ; sed esse entia substantiæ est posse eã asserere secundũ proprios modos intrinsecos; ergo aptitudo ei inhærendi est eis essentialis ex mente Aristotelis.

Probatur etiã ratione, quia esse p¹⁹ se, & esse in alio, sunt modi intrinseci substantiæ, & accidentis, diuidẽtes per se ens; sed esse per se secundũ aptitudinem, hoc est, aptũ esse subsistendi per se, est de essentia substantiæ; ergo aptũ esse inhærendi eidẽ substantiæ erit de essẽtia accidentis. Probatur minor, quia substantiã esse talem entitatẽ, cui debetur subsistentia per se, essentialẽ est ei, & hoc esse radicẽ, vnde oritur subsistentia, esse ei essentialẽ; ergo etiã est essentialẽ accidenti esse talem naturam, cui debetur actualis inhærentia in subiecto, quod est, esse radicem actualis inhærentiæ, & radix hæc est inhærentia aptitudinalis, quæ etiã erit ei essentialis.

Ad primũ arg. neganda est maior, quod inhærentia actualis sit relatio, sed est modus absolutus includẽs respectum quendã transcendentale: de quo negãda est minor, quod nõ possit esse de essentia absoluti: sicut cõterea prædicata transcendentalia, vt videbimus in prædicamento ad aliquid. Vbi probabimus, quod licet relatio prædicamentalis, quæ vocatur secundũ esse, nõ possit pertinere ad essẽtiã absoluti; respectus vero transcendentales, & secundum dici ad essentiam plurius absolutorum necessario pertinent.

Ad secũdũ negãda est prima cõsequẽtia, quod inhærentia aptitudinalis conueniat æqualiter omnibus accidentibus, aut vniuocẽ, nam cum conueniat eis per attributionem ad

K 4

sub-


Cap. 6. de accidenti. quæst. i.

substantiam, vel sit ipsamet attributio ad substantiam, non potest eis cōuenire vniuocē, quia repugnat attributio vniuocationi. Et præterea vnicuique cōuenit secundum propriū modū attributionis ad substantiam, quod sufficit analogiam constituere, vt in antepredicamentis, cap. 2. ostēdemus. De modo autem per se quantitatis Eucharistiæ non est certum, quod illum habeat, sed probabile, quod immediate sustentetur à Deo, sed etiam si illū habere dicatur, non est natura accidentalis, cui debetur actualis inhærentia, sed modus, cui per se non debetur, sicut inhærentiæ actuali non debetur alia inhærentia, alioqui esset processus in infinitum, sed cum sit ratio, vel modus inhærentiæ, non dicitur proprie inhære, nec

modo illi per se essendi quantitatis debetur inhærentia, quia non est natura accidentalis, sed entitas quædā modalis supernaliter concessa accidenti, vt sit per se, hoc est, sine dependentia actuali à substantia, quæ entitas accidentalis est, quia modum essendi tribuit accidenti. Itaque natura: accidentali tantum cōuenit aptitudinalis inhærentia per se, sicut ei solum debita est actualis; modis vero non conuenit per se, sed ratione naturæ cuius sunt modi, sicut nec per se inhærent, sed ratione naturæ: & cū modus ille, nec sit natura accidentalis, nec modus per se, ex propria natura conueniens accidenti, non est ei vllō modo debita actualis inhærentia, nec erit essentialis ei inhærentia aptitudinalis.

COMMENTARIJ IN LIBRVM CATEGORIARVM Aristotelis Stagiritæ, quæ Prædicamenta appellari consueuerūt, vnā cum dubijs, & quæstio- nibus hac tempestate agi- tari solitis.

BREVE PROOEMIUM De inscriptione huius libri.

1  VAMVIS vocabulum Græcum Categoria, ex prima eius impositione à prædicatione, seu prædicato dictum sit: commu-

ni tamen Dialecticorū, & Philosophorum consensu iam accipitur pro integra ordinatione prædicatorum essentialium, eademque est significatio prædicamenti, quod sic possumus describere. Prædicamentum est dispositi-

dispositio prædicatorum essentialium superiorum, atque inferiorum sub vno quodam supremo genere, quæ nihil est superius, vsque ad indiuiduum, quo nihil est inferius. Vnde liber categoriarum, aut prædicamentorum inferibitorum opus hoc, id est, liber ordinationum, quibus prædicata disponuntur secundum diuersos gradus efficiendi à supremo genere, quod quasi caput totius ordinationis est, vsque ad infimas species, & indiuidua.

De inuentore artis prædicamentalis.

Communis consensus scholæ iam tenet primum inuentorem huius artis fuisse Aristotelem. Ille enim primus fuit, qui omnes gradus efficiendi sic disponere docuit, vt ad certas quasdam classes reducerentur omnes res mundi, & facile possemus naturam, & essentiam cuiuscunque inuenire ad propriam eius categoriam, aut prædicamentum recurriendo.

De fine huius operis.

CV M ex simplicibus, aut in complexis rebus efficiantur prædicamenta, patet ad primam operationem intellectus, quæ est simplicium apprehensio pertinere, & ad perficiendam secundam, quæ versatur circa compositionem, & diuisionem proximè ordinari. Sed tanquam ad finem vltimum ad demonstrationem, ad quam omnia, quæ in Dialectica tractantur ordinari constat.

An de vocibus, uel de rebus agatur in prædicamentis.

AB omnibus refutator sententia nominalium, qui dixerunt de

vocibus principaliter agere opus hoc, sicut & tota scientia Dialecticæ. Quod ex eo probatur, quia voces tantum sunt instrumenta, quibus loco rerum utimur non potentes res: de quibus disputatur ad scholas afferre, vt Arist. docet 1. lib. Elêchorum. Res igitur sunt, ex quibus ordinatio prædicamentalis constituitur medijs vocibus significatis, & ideo de rebus principaliter, minus principaliter de vocibus tanquam de conditionibus necessarijs agit ars prædicamentalis.

De obiecto huius operis.

Obiectum vero huius partis Dialecticæ est categoria, seu prædicamentum in communi consideratum, pro vt omnes ordinationes prædicamentales sub se comprehendit. Quod probatur, quia sub eo proximè continetur omnia, quæ in hac arte tractantur, & rationem eius proximè participant: quæ duo propriæ conditiones obiecti sunt.

De modo procedendi, & ordinatione huius operis cum cæteris partibus Dialecticæ.

Modus procedendi, quem Arist. 2. seruat in hoc opere simplex est. Quia per definitionem, & diuisionem procedit per quas docet, quonam modo simplicia sint ordinanda in prædicamentis.

Quod vero ad ordinem huius operis cum cæteris partibus Dialecticæ attinet, sic explicari debet, vt primum locum teneat inter omnes, quia ordinatio simplicium, & ordinata cognitio eorum quasi iuncta est, per quam ad reliquas partes Dialecticæ, & ad totam ipsam scientiam ingredimur.

Cap. I. de æquiuocis, & vniuer. tex. expositio:

Ad quam scientiam pertineat de prædicamentis agere.

Licet nonnulli asserât, ad nullam scientiam determinatam pertinere artem prædicamentalem, sed intellectum per lumen naturale nulla scientia media notitiam huius artis habere posse, & ideo, nec ad Dialecticam, nec ad Metaphysicam pertinere. Nihilominus cum prædicatorum ordinationes non possint fieri sine arte, vel scientia, necessario dicendum est, ad scientiam pertinere, & in primis ad Metaphysicam, cuius ratio satis est per se manifesta, & nota: quia de ente reali vniuersalissimo agit; ergo ad eam pertinet omnes modos entis realis considerare secundum rationem propriam abstrahendi à materia; sed prædicamenta non sunt aliud, quam rerum ordinationes; ex quibus proprios modos entis cognoscimus, ergo hæc ars ordinandi res secundum diuersos modos essendi ad Metaph. proprie pertinebit, & etiam ad Dialecticam, sed diuersa ratione, nam ad illam secundum proprias entitates, ad Dialecticam vero in ordine ad prædicationes, enuntiationes, & syllogismos.

CAPVT PRIMVM

De æquiuocis, vniuer. & denominariis.

TEXTVS ARIST.

- 3 **Æquiuoca dicuntur, quorum nomen solum commune est, secundum vero nomen substantia ratio diuersa.**

Textus expositio.

Intentum Arist. in hoc primo ca. est, explicare naturam nominum æquiuocorum, vniuer. & denominatiuorum, nam cum ex rebus fiant prædicamenta, vt significantur per voces, ex modo significandi vocum maxime dependet distinctio rerum, quæ in prædicamento collocandæ sunt, & ita ex applicatione harum trium vocum, tria alia constabunt. Primum, quæ nam sint à prædicamentis excludenda. Secundum, ex quibus prædicamenta constituenda sunt. Tertium, quonam modo res vniuersaliter prædicamentis prædicari possint de rebus aliter.

Diuiditur autem caput in tres partes, in quarum prima proponit Arist. definitionem æquiuocorum: in secunda definitionem vniuer. & in tertia definitionem denominatiuorum.

Definitio æquiuocorum talis est. *Æquiuoca dicuntur, quorum nomen commune est, ratio vero substantia nominis accōmodata diuersa.* Quæ duas continet partes. In prima dicitur, quod æquiuoca debent habere nomen commune, vt significetur distincta esse ab eodem nomine, & esse res significatas per ipsum, vt canis latrabilis, sydus cælestis, & piscis marinus, quæ sunt res significatæ per hoc nomen canis, distincta sunt ab eo, sed non dicuntur æquiuoca, nisi vt per nomen significantur; quia res non pertinent ad Dialecticam, nisi vt significantur per voces.

Et ex hoc desumpta est communis illa distinctio, qua distinguuntur æquiuoca, in æquiuoca æquiuocata, & æquiuoca æquiuocantia, ita vt æquiuoca æquiuocata sint res, quæ vt significantur tali nomine, dicuntur si æqui-

ri æquiuoca in eo. Acquiuoca vero æquiuocantia sint voces ipsæ, quæ ex tali modo significandi res efficiunt æquiuocas.

4 Secunda pars definitionis est, in qua dicitur, quod ratio substantiæ accommodata nomini æquiuoco, sit diuersa. Per rationem vero intelligitur definitio, vel conceptus quidditativus, in his quæ non habet definitionem. Definitio igitur, vel conceptus æquiuocorum, vt significantur nomine æquiuoco, omnino diuersus esse debet, ita vt in eo nullo modo conueniant, sed solum habeant nomen commune.

Definitio vniuocorū hæc est. Vniuoca dicuntur, *Quorum & nomen commune est, & secundum nomen eadem substantia ratio.* In qua per rationem substantiæ definitio, vel conceptus vniuocorum intelligitur, qui idem esse debet, & nō diuersus, sicut diuersum esse diximus in æquiuocis.

Definitio denominatiuorū sic habet, *Denominatiua dicuntur, quæcunque ab aliquo solo differentia casu secundum nomen habent appellationem, vt à fortitudine fortis.* In qua tria continentur, quia in denominatione tria sunt, forma denominans, res denominata, & denominatiuum nomen, tali ordine intelligenda, vt res denominata dicatur talis à denominatiuo nomine, & hoc dicatur denominatiuum à forma, & ita forma sit quasi origo totius denominationis. Gratia exempli, fortis, nomen denominatiuum est, in quo res denominata est Petrus ipse, forma vero à qua denominatur, est fortitudo. A qua nomen ipsum denominatiuum casu debet differre, vt significetur derivatio denominationis eiusdem, quam à forma res denominata accipit.

QVÆSTIO VNICA.

Vtrum definitio vniuocorum cōueniat denominatiuis.

Prima opinio tenet denominatiua simul esse vniuoca, sed diuersa ratione; nam in quantum appellationem habent ab alio, dicuntur denominatiua, in ordine tamen ad res denominatas, de quibus prædicantur, vere sunt vniuoca, vt albu, respectu albedinis, à qua denominatur, denominatiuum dicitur, sed respectu huius, & illius corporis, nempe parietis, & hominis, de quibus prædicatur, vniuocum est; quare omnibus denominatiuis conuenit definitio vniuocorum. Ita Sotus q. vnica huius capit. ad secundum. Quam sententiam probabilem dicit esse Caiet. in expositione definitionis denominatiuorum. Et videtur probari ex definitione vniuocorum, quia nomē denominatiuum commune est omnibus subiectis, de quibus dicitur, vt album homini, & parieti, & ratio significata, quæ est forma accidentalis, eadem est etiam in eis, vt albedo in eisdem; ergo conuenit eis integra definitio.

Et potest probari secundo, quia omne vniuersale debet esse vniuocum, vt in questione vltima vniuersalia diximus, sed inter vniuersalia quartum, & quintum prædicabile sunt denominatiua, vt si-
5 sibile, & album probant; ergo denominatiua sunt vniuoca, & eis verè & propriè conuenit definitio vniuocorum.

Secunda opinio est Toleti, qui quamuis negare omnino videatur deno-

Cap. i. de zquicocis & vniuoc.tex.expositio:

denominatiua & vniuoca, vnum tamen asserit, ex quo videtur contrarium colligi, nempe illam particulam definitionis vniuocorum (ratio substantiæ) intelligi de definitione quidditatiua, vel descriptiua, ita vt sufficiat ad rationē vniuoci, quod definitio descriptiua eadem sit in omnibus vniuocatis. Ex quo colligitur nomina proprię passionis, vt sensibile, aut risibile, esse vniuoca respectu subiectorum de quibus prædicatur, vt sensibile respectu hominū, & equi.

Nostra tamen sententia est, denominationis nullo modo conuenire definitionem vniuocorum: ita tenet Caiet. cap. præsentis, & est expressa sententia Aristote. cap. de substantia. Vbi denominatiua asserit non prædicari de subiectis nomine, & ratione, quia forma significata per nomen non est quidditatiua in eis, sed accidentaliter.

6 Et ratione probatur, quia in definitione vniuocorum dicitur (quorū nomen est commune, ratio vero substantiæ eadem) Per rationem autem substantiæ intelligunt omnes, aut de finitionem quidditatiuam, aut quidditatum conceptum, quæ proprię ad substantiam rei pertinent, sed hoc nō reperitur in denominatiuis, quia res significata per illa, neque est definitio quidditatiua respectu inferiorum, nec quidditatus conceptus eorum; sed forma accidentalis; ergo

non sunt vniuoca.

Ad primum argumentum distinguenda est minor, nam ratio significata per nomen duobus modis potest esse communis, vel eadem in inferioribus, essentialiter, aut accidentaliter, & primo modo communis esse debet, vt nomen sit vniuocum, hoc enim intelligit Aristot. per illa verba (ratio substantiæ nomini accommodata) in definitione vniuocorum, quia ratio substantiæ idem est ac ratio essentialis. Significatū vero denominatiuorum solum est commune, & vnum in inferioribus accidentaliter, & ideo non potest eis conuenire definitio vniuocorum.

7 Secundum argumentum soluitur alia distinctione. Vniuocum duobus modis accipitur, proprię pro eo cuius non solum nomen commune est vniuocatis, sed definitio, vel conceptus quidditatiuus, & hoc tantum definiuit Arist. cap. præsentis. Aliud est vniuocum improprium, cuius significatum commune est inferioribus solum accidentaliter, & hoc modo improprio denominatiua possunt dici vniuoca, qui licet non sufficiat, vt eis conueniat definitio vniuocorum, sufficit tamen, vt sint vniuersalia, & prædicabilia, nam ad rationem vniuersalis sufficit aliquid esse vniuocum, solum, vt distinguitur contra equiuocum, & analogum, quod habent denominatiua per impropriam vniuocationem.

TRACTATVS DE NOMINVM

Analogia.



Ratiatio de natura, & ratione analogiæ maxima ex parte pertinet ad Metaphysicam, cum præcipuē

reperiri possit in ente vniuersalissimo, quod proprium obiectum eius est, atque etiam in passionibus eius, & in accidenti, quod nomen prædicamentum.

camentis est commune. Sed proprie pertinet ad Logicam, vt ex ea cognoscatur analogia excludenda esse à prædicamentis, atque etiam à syllogismis, & aliis argumentationibus, quæ in solis terminis vniuocis commode fieri possunt. Aristoteles vero non definit analogia cap. præsentis, sed solum æquiuoca, & vniuoca, quia eū sint quasi media inter hæc extrema, cognitis vniuocis, & æquiuocis, facile est analogia cognoscere. De quibus quinque tantum disputanda sunt. Primum, quid sit analogia, secū dum quod simplex sit, tertium vtrum, analogū possit abstrahi, aut præscindi ab analogarum quartū, an eos sit analogū ad Deū, & creaturas, & ad entia creata substantialia, & accidentalia, & qua analogia hæc omnia significet. Quintum an accedens respectu nouem prædicamentorum accidentium analogam sit, vel vniuocum.

Explicatur, quid sit analogia.

SI analogiam ex ipsiusmet nominis significatione definire velimus, dicendum erit, nō esse aliud quam proportionem aut conuenientiam, seu comparisonem inter multa eodem nomine significata, nā græcam nomen est, quod in latinum transferens Quintilianus, proportionem vocauit, Tullius vero in vno loco, conuenientiam, in alio vero comparisonem, aut proportionem. Et omnes istæ significationes diuersis analogis conuenire possunt, vel eisdem sub diuersa consideratione, vt dum diuersas analogias species enumerabimus constare poterit.

Si vero rem potius significatam nomine analogiæ consideremus, quæ etymologiam eiusdem nominis, definitionem analogorum ex definitionibus æquiuocorum, & vniuocorum

assignatis ab Aristotele cap. præsentis facile possumus colligere. Nā analogia, ex communi sententia scholæ medium quoddam sunt inter æquiuoca, & vniuoca. Acquiuoca vero sic definit Aristoteles. *Quorum nomen est commune, ratio vero substantia nomini accommodata omnino diuersa, vt canis respectu latrabilis, piscis, & fidei celestis. Vniuoca quorum nomen est commune, ratio vero substantia nomini accommodata omnino eadem.* Analogia igitur erunt, *Quorum nomen est commune, ratio vero substantia nomini accommodata, neque omnino diuersa, neque omnino eadem.* Secundum quam analogia vtrumque extremum participant, conueniunt enim eum æquiuocis, & vniuocis in nomine, quod commune debet esse in omnibus, in re vero, aut conceptu per nomē significato partim conueniunt, & partim differunt: conueniunt quidem cum æquiuocis in eo, quod diuersus debet esse simpliciter, & in hoc differunt ab vniuocis, in quibus idem simpliciter debet esse: sed differunt ab eisdem æquiuocis in eo, quod non omnino diuersus est, sed aliquo modo vnus, vel idem, & in hoc assimulantur vniuocis. Vnde sequitur maiorem similitudinem habere cum æquiuocis. Et hæc est ratio propter quam cum æquiuocis enumerari solent, & etiam æquiuoca appellari, quia parum ab eis distinguuntur.

Itaque conceptus analogi quantum ad res significatas non est vnus, sed plures, quia analogata diuersa sunt, ratione tamen proportionis, vel attributionis, seu proportionalitatis quandam habent similitudinē, & eius ratione aliqualem unitatem, & hoc est rationem substantiæ nomini accommodatam non esse omnino diuersam, nec omnino eandem, sed proportionalem, vel similem.

Quota-

Tractatus de analogia:

Quotuplex sit analogia.

CAietanus in epus. de analogia nominum cap. 1. 2. & 3. triplicem analogiam distinguit. Primam inæqualitatis, quæ reperitur in generibus respectu suarum specierum à quibus ratione differentiarum secundum inæqualitatem perfectionis participatur, ut in animali, respectu hominis, & leonis, perfectius enim participatur ab homine ratione perfectioris differentia, & ideo in aqualiter ab utroque, sed hanc analogiam dicit non esse talem simpliciter, nec facere nomen analogum, quia in generibus vere uniuocis reperitur: & solum potest vocari analogia physica, quia procedit ex diuersis formis physici maioris, & minoris perfectionis.

Secunda species analogiæ est proportionis unius ad alterum, vel plurimum ad vnum, & hæc etiam vocatur attributionis, quia proportio quam habet vnum ad alterum, vel multa ad vnum, habendo quædam ad illud est, quæ attributio etiam vocatur: ut sanum dicitur analogum proportionis, & attributionis, quia de vrina, & medicina dicitur, secundum proportionem, quam habent cum sanitate animalis, in quantum vrina est signum sanitatis, medicina vero causa, & hoc est dici per attributionem ad illam, quare sanum respectu animalis, vrinæ, & medicinæ dicitur analogum proportionis, seu attributionis.

- 12 Tertia species analogiæ est proportionalitatis. Proportionalitas vero non est aliud, quam similitudo, vel proportio duarum proportionum. Gratia exempli, inter tria, & sex reperitur proportio dupla: & eadem reperitur inter quatuor, & octo:

deinde inter has duas proportiones duplas reperitur alia proportio, aut similitudo in eo consistens, quod sicut se habent tria ad sex, ita quatuor ad octo. Hæc igitur proportio, & similitudo duarum proportionum vocatur proportionalitas. Et ideo nomen illud, quod significat plura, inter quæ reperitur, vocatur analogum proportionalitatis. Ut risus significat risum hominis verum, & quasi metaphoricum risum prati, quod dum floret, quandam hilaritatem ostendit similem ei, quam ostendit homo, dum ridet. Dicitur autem de vitro que nomen risus, nempe de homine ridente, & de prato florido secundum proportionalitatem, quia sicut se habet risus hominis ad hominem, sic floriditas prati ad pratum. Quare analogum proportionalitatis vocatur.

Ex his tribus speciebus analogiæ, prima anullo reputatur vera, nec sufficiens ad constituendum nomen analogum, sed omnes dicunt non esse analogiam simpliciter, sed solum secundum quid. Et ratio omnium est, quia in generibus, & pluribus aliis uniuocis reperitur sine præiudicio uniuocationis.

Analogiam vero proportionis, seu attributionis recipiunt enes taxquam veram, & sufficientem ad constituendum nomen analogum. Et ratio est manifesta, quia sola attributio unius ad alterum, vel multiterum ad vnum efficit, ut non omnia eodem modo, nec æqualiter significetur, sed illud vnum simpliciter tale appellatur, cetera vero non, nisi secundum quid, ergo sola attributio facit nomen analogum. Probatur consequentia ex definitione analogorum, Analoga sunt, quorum nomen est commune, ratio vero substantiæ, nec omnino eadem

eadem, nec omnino diuersa, sed eo ipso, quod significata ita se habent, vt omnia dicatur per attributionem ad vnũ, ratio sub qua significata primo, per se, & principaliter ei conuenit, ceteris vero per attributionem ad illud; ergo non est omnino eadem in omnibus, quia si eadem esset, æquẽ primo, & sine dependẽtia ab aliis cõueniret singulis, vt patet in vniocis: quare necesse est dicere, quod sola attributio efficiat analogiam.

Secundo, sola attributio tollit vniocationem; ergo sola facit nomen analogum. Euidens est consequentia, quia vbi est attributio significatorũ, non est æquiuocatio nominis, cum aliquid sit eis commune, præter nomen, nempe similitudo illa, & correspondentia, quam facit attributio; si ergo attributio tollit vniocationem, necesse est efficere nomen analogũ, quia nullum datur medium inter vniuncum, & æquiuocum præter analogum. Sed probatur primum antecedens ex definitione vniocorum. Vniocæ sunt, quorum nomen est commune, ratio vero substantiæ nomini accommodata omnino eadem, sed attributio efficit, vt ratio non sit omnino eadem, nec æqualiter participetur ab omnibus, sed primo ab vno, à reliquis vero cum dependẽtia ab eo; ergo tollit vniocationem.

De analogia vero proportionalitatis non est certũ, quod sit talis simpliciter, ita vt sola sufficiat efficere nomen analogum, sed prima opinio tenet, quod sufficiens sit, non minus quam analogia attributionis. Ita Ciceranus vbi supra, ita etiam videtur sentire D. Thom. de veritate q. 2. arti. 11. ita denique plures moderni.

Secũda opinio est aliorum modorum, qui hac distinctione vrantur. Proportionalitas duobus modis po-

test reperiri inter significata nominis, primo, ita vt non significetur ipsa per illud nomen, sed alia ratio cõmunis eorum, & hoc modo sumpta non sufficit ad efficiendum nomen analogum. Quod vero non significetur per nomen, videtur manifestum, quia animal solum significat naturam sensitivam communem speciebus, non proportionalitatem inter eas repperam.

Si vero per nomen significetur, sufficiens erit ad cõstituendum illud analogum; & quia nullum est nomẽ impositum, quo significetur, nulla datur talis analogia, daretur tamen si imponeretur nomen ad eam significandam. Cuius rationem, vel exemplum non afferunt, sed vtrumque asserere possumus: exemplum quidem in hoc nomine, principium, quod analogice dicitur de fundamento domus, de puncto, quod est principium lineæ, & de premisis demonstrationis per se notis, & inter hæc nulla est attributio, sed omnia æqualiter, & per se significantur, sola proportionalitas reperitur, quia sicut se habet fundamentum domus ad domum ab eo incipientem, sic se habet punctum ad lineam, & principia demonstrationis ad demonstrationem; & quia per nomen significatur (cum ratione proportionalitatis videantur significari tria illa, & non ratione alterius conceptus eis communis) sufficit constituere analogiam.

Ratione vero probari potest, quia proportionalitas præsupponit necessario diuersa esse illa inter quæ reperitur, sed ab ea recipere aliquã similitudinẽ, & vnitarẽ; ergo efficit, vt ratio significata per nomẽ nõ sit omnino diuersa, sed nec omnino eadem, quia aliqualis est similitudo, & vnitas in ea, quare sola efficit nomẽ analogũ.

Tertia

Tractatus de analogia.

16 Tertia opinio tenet proportionalitatem quomocumque repertam inter significata eiusdem nominis non sufficere ad constituendum nomen analogum, sed necesse est, ut sic reperitur, quod unum eorum sit absolute tale per suam formam, aut per suum esse; aliud vero non sit absolute tale per suum esse, sed ut substat tali proportioni, vel comparationi ad aliud. Exemplum esse potest in risu, qui ita significat risum hominis, & floriditatem prati, ut ille quidem per proprium esse sit absolute talis, hæc vero non nisi in quantum talem habet proportionem, aut proportionalitatem cum eo. Manifestum est enim floriditatem prati non esse, nec vocari risum, nisi per ordinem ad risum hominis. Ita sentit pater Franciscus Summus tomo 2. suæ Metaphysicæ disp. 28. sect. 3. nu. 11. Nostra sententia tribus conclusionibus explicatur, prima est, proportionalitas non est vera analogia, nec sufficit analogum nomen facere, nisi per illud significetur. Hæc videtur mihi evidens, ut probat hoc argumentum. Res non habent analogiam, aut univocationem, nisi in quantum per voces significatur; ergo nec sunt analogæ proportionis, vel attributionis, nisi in quantum ut eam habentes significantur. Cuius evidens signum est, quod quia diverso modo significantur per diversas voces, fieri potest, ut æquivoce per unam, univoce per aliam significantur: Ut canis latrabilis, piscis, & cydus æquivoce significantur per nomen canis, & univoce per nomen substantia: ex eo, quod substantia significat convenientiam essentialium eorum, canis vero nullam. Ut igitur nomen sit univocum, necesse est, significet convenientiam multorum; & eodem modo ut sit analogum, necesse est, ut significet diver-

sitatem simul, & convenientiam multorum, sed analogata habent convenientiam, aut similitudinem ratione proportionalitatis, aut attributionis, cum sint diversa simpliciter: ergo non possunt ut analogata significari, nisi proportionalitas ipsa, vel attributio significetur.

Secundo probatur, quia licet significata alicuius nominis univocam habeant convenientiam, si tamen non significantur ut eam habent, non erunt univocata, nec nomen quo significantur univocum, sed convenientia se habebit materialiter tantum, aut concomitanter, & erit quasi non esset ad effectum efficiendi nomen analogum, ergo licet aliqua habeant inter se convenientiam analogicam, si hæc non significantur, materialiter, & quasi concomitanter se habebit, & erit quasi non esset ad effectum constituendi nomen analogum. Quare necesse est per nomen significari.

Secunda conclusio. Proportionalitas aliquando significatur per nomen analogum, & ideo si significata sufficit constituere speciem distinctam ab analogia attributionis, efficiet eam distinctam, & ita fatendum erit effectum in rerum natura diversæ species analogiæ. Hæc est contra secundam opinionem, quæ negat diversas esse species analogiæ, & analogorum, nempe proportionalitatis, & attributionis, quamvis fateatur esse possibiles, si nomen imponatur ad significandam proportionalitatem multorum.

Sed probatur efficaciter exemplo risus, quo significatur floriditas prati simul cum risu vero hominis, ex eo solum, quia sic se habet pratam dum florere ostendens quandam hilaritatem, sicut se habet homo, dum rider,

ridet, sed hæc est proportionalitas; ergo significatur floriditas prati; in quâtu habet proportionalitatem cû risu hominis:quare falsum erit, quod proportionalitas nunquam significetur per nomen analogum, & consequenter erit necessarium secundum eandem sententiam, quod ita significata efficiat distinctam speciem analogiæ, & analogum specie distinctum ab analogia, & analogis attributionis. Et si dicatur per nomen risus non significari floriditatem prati, nisi ut habet similitudinem cum risu hominis, non proportionalitatem. Et ideo nec significari ipsam proportionalitatem, sed attributionem. Cõtra hoc est, quod floriditas prati non significatur, ut habet similitudinem in communi, sed in particulari, hoc est talem, ut sicut risus est actus vitalis, quo ostenditur hilaritas cordis, in hoc sit similis ei floriditas prati, quia ostendit quandam hilaritatem, hoc est, ita se habet ac homo ostendens hilaritatem, & hoc est proportionalitas, quæ verè significatur per nomen risus. Et certe non potest aliud nomen imponi, quo melius significetur proportionalitas hæc, quam nomen risus.

18 Tertia conclusio, proportionalitas etiã significata per nomen, & adhuc in his analogatis reperta, quorum vnum est tale per suum esse, aliud vero non nisi ratione proportionalitatis, non facit ex se, aut per se sola veram speciem, & distinctam analogiæ, nec nomen analogum, sed ratio ne attributionis, cui coniungitur, & ideo eandem cum analogia attributionis; & ita nec secundum actum, nec secundum possibilitatem distinguendæ sunt diversæ species analogiæ, sed sola analogia attributionis ponenda est.

Conclusio hæc est contra secundam, & tertiam opinionem, & prius declaranda est, deinde probanda. Declaratur autem sic. Proportionalitas ex se indifferens est, ut reperiri possit inter significata, quorum utriusque conveniat formaliter, & intrinsece significatum nominis, & inter ea, cui solum vni conveniat formaliter, aliis vero per extrinsecam denominationem, imo & inter ea etiam, quæ sub tali nomine nullam habet convenientiam, ut æquinoctia. Probatur evidenter, quia inter species eiusdem generis reperitur, ut inter hominem, & leonem, & etiam inter canem latrabilem, piscem, & sydus, & tandem inter risum hominis, & floriditatem prati, quia verum est de his omnibus, quod sicut se habet vnum eorum ad suum esse, sic aliud ad suum; & quamvis per nomen significetur, potest eodem modo reperiri in eisdem. Quod non minus efficaciter probatur, quia sic se habere quodlibet ad suum esse, sicut aliud ad suum, non efficit ea magis, vel minus diversa in apprehensione intellectus, quam si eam non haberent; ergo nec efficit ea magis aut minus diversa, nec magis, & minus eadem, etiam si per nomen significetur. Evidens est cõsequentiã; quia res significantur per voces, ut apprehenduntur ab intellectu. Sed probatur antecedens, quia æqualiter reperitur in apprehensione intellectus inter res omnino diversas, ac inter res eiusdem rationis, non enim, ut minus diversæ apprehenduntur significata canis ex eo, quod intelligantur sic se habere quodlibet ad suum esse, sicut aliud ad suum, nec minus dissimilia album, & nigrum, ex eo quod apprehendantur sub eadem proportionalitate, quam ea non apprehensa. Probatur iam cõclusio sic explicata aduersus

19

L sus

Tractatus de analogia.

sus secundam opinionem, hac ratio-
 one. Analoga sunt media inter equi-
 uoca, & uniuoca; ergo nō possunt re-
 periri simul cum aliquo extremo; ita
 ut idem nomen respectu eorūde
 significatorum sit analogum simul,
 20 & æquiuocum, vel analogum, & uni-
 uocū, sed proportionalitas sola, etiā
 per nomē significata potest reperiri
 simul cum vno, & altero extremo; er-
 go non facit medium, quod est non
 efficere nomen analogum. Probatur
 minor, quia etiā si species animalis
 apprehendantur ab intellectu sub pro-
 portionalitate, hoc est, ut itā se ha-
 bet leo ad suum esse animalis, quod
 participat ab animali, sicut homo ad
 suum, quod ab eodem participat; ead-
 em intelligitur natura animalis in
 eis; ergo non desinunt esse uniuoca,
 & ex consequenti non apprehendun-
 tur ut analogi, nec essent analogi, si
 sub eadem proportionalitate signifi-
 carentur per nomen, quia ut probatū
 est, eodem modo significatur per no-
 men, quo apprehenduntur per intelle-
 ctum.

21 Probatur deinde aduersus tertiā,
 quia proportionalitas ratione sui nō
 facit floriditatem prati esse, aut voca-
 ri risū, sed ratione attributionis, quā
 causat in ea ad risum hominis; ergo
 nec ratione sui facit eam analogatū
 risus, aut risum esse analogum, sed ra-
 tione attributionis. Probatur minor,
 quia si ratione sui faceret eam ana-
 logatū, omnia alia, in quibus reperi-
 tur, faceret analogata, sed probaui-
 mus ea non facere, ergo nec facit flo-
 riditatem prati analogatū risus, nisi
 ratione attributionis, quam causat
 in ea, quia attributio vera est analog-
 ia, & per se efficit nomē analogū.

Ex his cōclusionibus sequitur, pro-
 portionalitatem non esse veram ana-
 logiā, nisi ut per se cōiunctā attribu-

tioni, & ratione huius, non ratione
 sui, & ideo non facere distictā spe-
 ciem analogorum vilo modo, sed em-
 pta analogia esse attributionis, ut do-
 cuit expresse D. Th. 1. p. q. 13. ar. 6. ubi
 ita ait, *in omnibus nominibus, quae de plu-
 ribus analogice dicuntur, necesse est, quod om-
 nia dicantur per respectū ad vnum & ideo
 illud vnum oportet, quod ponatur in defini-
 tione omnium.*

Et probatur hac ratione, in æqua-
 litas sola non sufficit analogum face-
 re, nec sola proportionalitas, etiā per
 nomen significata, sed præter has so-
 la attributio restat, de qua probatum
 est per se facere nomē analogū; ergo
 solum datur analogia attributionis,
 & solum analogia attributionis. No-
 mine autē attributionis intelligimus
 quamcūque habitudinem vnius ad al-
 terum, vel multorū ad vnū, per ordi-
 nē, ad quod dicuntur talia. Et hoc mo-
 do intellecta tertia opinio vera esse
 potest, asserens proportionalitatē nō
 facere analogiā, nisi vnū eorū inter
 quæ reperitur, dicatur absolute tale
 per suū esse, aliud vero, non nisi per
 habitudinem ad illud; eiusmodi enim
 habitudo sub nomine attributionis
 comprehenditur, & proportionalitas
 à qua causatur, ratione illius, & non
 ratione sui facit nomen analogum.

Ad exemplū primæ opinionis res-
 pondent aliqui, principū esse æquiva-
 cum à cōsilio, quia à cōsilio impos-
 situm est ad diuersa significanda. Alii
 vero dicūt esse analogū proportiona-
 litatis. Sed utrūque videtur falsū: pri-
 mū quidē, quia Ari. 5. li. Met. c. 1. enu-
 merans principia omnia diuersæ ra-
 tionis asserit conuenire in ratione
 principii, his verbis: *Omnibus igitur
 principiis commune est esse primum, unde
 aut est, aut fit, aut cognoscitur.* Ergo prin-
 cipiū non est æquiuocū. Preter huc cō-
 sequentia, quia æquiuoca nō possunt

con-

conuenire nisi in solo nomine. Quod vero nō sit analogū proportionalitatis ex dictis sequitur, quia proportionalitas nō sufficit ad efficiendū nomē analogū. Dicit ergo posset, principū esse analogū attributionis, quia primo, & per se significat principium a quo per verā originē procedit aliud secundū esse, & per attributionē ad hoc principū dicitur de reliquis. Vel cui nō placuerit analogū hoc modo esse, dicat potius esse vniuocū, quam æquiuocū, quia hoc vltimum expresse est contra Aristotelem.

Ad rationē vero negadū est antecedēs, quod proportionalitas præsupponat diuersa esse illa: inter quæ reperitur, nā licet supponat esse distincta, sed indifferenter potest reperiri inter ea, quæ vniuoce conueniunt, & inter ea, quæ cōueniūt solo nomine, & ideo nō facit per se nomē analogū. Ad testimoniu D. Th. respōdeo. Ea sententiā absq; dubio retractasse in eodē loco primæ partis a nobis citato, vbi tam expresse tenet oppositam.

An necesse sit rem, vel cōceptum significatū nomine analogi intrinsece solum reperiri in principali analogato, in ceteris uero solū per extrinsecam denominationem.

23 **S**upposito, quod solū dētur analogia proportionis, seu attributionis, dubitatur, an necesse sit, quod significatū eorū solū reperjatur formaliter in principali analogato, in ceteris uero, nō formaliter, sed solū per extrinsecā denominationē, vt videm⁹ in hoc nomine, sanū, quod significat sanitatem, & hæc solū reperitur formaliter in animali, quod est principale analogatū, in vrina uero, & medici na solū per extrinsecā denominatio nem, in illa quidē tāquam in signo,

& in hac tanquam in causa.

Et prima opinio aliquorū asserit necessariū esse, quod in solo principali reperjatur formaliter, & intrinsecē. Quod probari potest, quia in eo solo reperitur per se primo, cetera uero solū vidētur esse quasi attributiones ad illud: ideo Arist. de accidētibus dixit nō esse entia, sed entis entia, hoc est aliquid substantiæ; sed attributio non videtur esse, nisi quædā extrinsecā denominatio; ergo solū in eis reperitur per extrinsecā denominationē.

Secūda opinio est cōmunis omnium modernorū, negans hoc esse necessariū, sed indifferenter esse posse in omnibus formaliter, vel solū in principali secundū diuersam naturā, & cōditionē eorū. Et hæc est expressa sententiā D. Th. in 1. d. 19. q. 5. & est vera, & a nobis amplectēda. Probat̃ur ratione, & exēplis, ratione quidē, quia attributio est, quæ facit analogiā, sed hæc potest reperiri inter ea, quæ formaliter participat rationē, vel conceptū analogi, sicut reperitur inter ea, quorū vnū tantum formaliter eā participat; ergo vtroq; modo se habere possunt analogi, & nō vno tantū, vt asserit prima opinio. Probat̃ur minor, quia bene potest intelligi, quod vnū vel plura participēt rationē formale significatam, quā non habeant, nisi cum depēdētia, & attributione ad vnum, in quo per se primo reperitur.

Probat̃ur 2. exēplis. Nā ens dicitur analogice de substantia, & accidenti, atq; etiā de Deo, & creaturis: vt inferius probabitur, sed entitas, quā significat, nō solū reperitur formaliter in substantia, sed etiā in accidētibus, nec solū in Deo, sed etiā in creaturis; ergo nō est necessariū, quod solū in principali analogato reperjatur formaliter. Probat̃ur minor, quia creatura entitatē habet intrinsecā, & formale,

L 2

pro-

24

Tractatus de analogia.

productam in rerum natura per creationem, aut per aliam actionem: ergo non reperitur in solo Deo, quamvis per se in eo tantum, & per participationem, & attributionem ad ipsum in creatura. Et in accidentibus reperitur etiam entitas propria, formalis, & intrinseca, quamvis non sine intrinseca dependentia à substantia, ut in quantitate, & qualitate manifestum est.

Sed respondent pro prima opinione, accidens non esse ens, sed entis ens, hoc est esse aliquid substantiæ, ut sæpe asserit Aristoteles, & hoc est non habere aliam entitatem, nisi attributionem ad substantiam in quadam denominatione extrinseca consistentem, sibi autem intrinsecam, & essentialem. Sed hoc non potest esse verum, ut ex eadem solutione in primis colligitur. Nam si accidens est entis ens, ergo est ens substantiæ, habet igitur veram entitatem, per quam aspicitur substantiam. Quod videtur probari evidentius his experienciis. Quæritas in eucharistia non inhæret substantiæ, sed ab ea est separata, & tamen est vera entitas, quam videmus, & tangimus. Albedinem etiam sentimus per visum, & calorem per tactum, ergo evidenter probatur, quod hæc accidentia, & similia non sint extrinsecæ attributiones, aut denominationes, sed veræ entitates reales, quia sola denominatio extrinseca non sentitur, nec potest esse per se obiectum sensus.

25 Et confirmari potest, quia accidentia hæc habent suos effectus formales in subiectis, in quibus sunt: nec solum formales, sed reales, & physicos, ut albedo facit parietem realiter, & formaliter album, & calor facit aquam realiter, & formaliter calidam, sed effectus isti non possunt procedere

à causis in sola denominatione extrinseca consistentibus, sed ab his, quæ veram, & intrinsecam habent entitatem realem, per cuius realem virtutum eos producant; ergo accidentia veram, & intrinsecam habent entitatem, alioqui, intellectus, & voluntas, quæ sunt accidentia superaddita substantiæ animæ rationalis ad operandum, non erunt nisi denominationes extrinsecæ ei superadditæ. Quod patet esse falsum, cum sint potentie reales; per quas tanquam per virtutes reales eliciuntur animæ veras, & reales operationes.

Ad argumentum vero neganda est consequentia, quia licet solum in principali analogato reperitur prima, & per se ratio significata per analogum, in ceteris vero solum per attributionem ad illud, intrinsece tamen, & formaliter reperiri potest, quia attributio hoc non tollit, ut probatum est.

An conceptus formalis analogis, sit unus & abstractus ab analogatis, vel multiplex, & ab eis abstrahi non possit.

26 **C**onceptus quem format intellectus de aliquo, duplex est, ut cap. de differentia notavimus, formalis, & obiectivus. Conceptus formalis est qualitas mentis, quam intellectus producit, ut sibi faciat obiectum actui præsens, & illud intelligat nam per hanc qualitatem sibi perfecte representatur. Conceptus vero obiectivus est obiectum, quod intelligitur, in quantum per formalem representatur. Et de utroque procedit questio, & ideo habebit duplicem partem: in prima disputabimus de unitate conceptus formalis: in secunda de unitate conceptus obiectivi.

Sed

Sed conceptus formalis etiam est duplex, vnus est conceptus vocis significantis, alter conceptus rei significatæ: & de primo certum est, quod sit vnus, quia nomen analogum est vna vox simplex, ergo per vnum simplicem conceptum a nobis intelligitur. De conceptu vero formali rei significatæ per nomē analogum proædit quæstio, an sit vnus.

Prima opinio tenet dari vnum conceptum formalem rei significatæ per analogum, ita Scotus loco inferius citando, Herueus quodlib. 2. quæst. 7. Sotus cap. præsentis, Fonseca 4. Metaph. cap. 2. q. 12. sect. 5. P. Franciscus Suarius tomo 1. sup. Metaph. dispu. 2. sectio. 1. sed diuerso modo procedant, nam Scotus vnam cōceptum formalem ponit, quia tenet ens esse vniuocum, vniuoca vero vnico conceptu formali medio sua vniuocata significant. P. Suarius ideo ponit vnum conceptum formalem, quia vnum etiam ponit obiectiuum abstractum ab analogatis. Herueus, & Sotus licet non ponant eundem conceptum obiectiuum, asserunt formalem esse vnum. Et tandem Fonseca ponit vnum formalem, non distinctum sed confusum, quia non representat distincte analogata, sed confuse.

27 Probatur duplici argumēto. primo, quia analogum non solum est vna vox simplex, & non æquiuoca, sed vnam habens significationem ex sua impositione: sed voces significant mediis conceptibus; ergo significabit medio vnico conceptu formali. Quod experientia videtur probari, nam audito nomine entis, aut alterius analogi non concipit intellectus analogata sub determinato conceptu, vt substantiam, vel accidens, sed vnum quid, nempe entitatem; ergo non format plures conceptus forma-

les eorum, sed vnum eiusdem entitatis.

Secundo, quia si conceptus formalis analogi non est vnus, sed plures, ergo tot formabit conceptus intellectus audito nomine, quod analogata haberet: vnde si hæc fuerint decem, vt contingit in ente significante omnia prædicamenta, vel etiam si fuerint viginti, tot conceptus simul formabit intellectus, quod videtur impossibile. Probatur cōsequētia, quia si plures format, nō est maior ratio, quare duos tantum, & non plures. Nec etiam quare format conceptum horum, quam aliorum; ergo vel tot, quot sunt analogata, vel tantum vnum.

Secunda opinio negat conceptum 28 formalem analogi esse vnum, quam sequitur Ferrà. 1. contra gent. cap. 34. & cum eo plures moderni, & hæc videtur nobis probabilior.

Et probatur primo, quia analogum conuenit cum æquiuoco in eo, quod significat multa simpliciter diuersa, non tamen omnino diuersa, sed secundum quid eadem, & in hoc distinguitur: sed audito nomine æquiuoco format intellectus diuersos conceptus formales propter diuersitatem significatorum; ergo audito nomine analogo, formabit etiam plures simpliciter, licet non omnino diuersos, sed aliqualem similitudinem habentes.

Secundo, vnitas conceptus formalis sumitur ex vnitatem conceptus obiectiui per illum representati, sicut vnitas imaginis ex vnitatem rei representatæ: sed conceptus obiectiui analogi non est vnus, vt in secunda parte quæstionis probabitur; ergo nec erit vnus formalis. Errant enim satis aperte illi, qui non ponentes vnum cōceptum obiectiuum

Tractatus de analogia.

analogorum sed plures, admittunt nihilominus unitatem conceptus formalis, contra quos euidenter concludit ad hominem hoc argumentum, quia nullam potest habere unitatem conceptus formalis, quam non accipiat ab obiectiuo.

Ad primum argumentum concedendum est antecedens ex ea parte, qua dicit analogum esse vnam vocem simplicem, & ideo vnus datur conceptus eius: sed negandum, quod vnam habeat significationem, sicut non habet vnam rem significatam, sed plures, atque diuersas simpliciter, ad quas significandas vnica impositione fuit imposita quia licet plures sint res, omnes habent attributionem ad vnam, & ideo vnica voce, & vnica impositione ad eas significandas possunt significari.

29 Ad experientiam vero in eodem argumento adductam concedimus, quod audito nomine analogo non concipit intellectus analogata sub expresso, aut distincto conceptu, bene tamen sub confuso actuali; ut in secunda parte dicetur. Nec tamen concipit vnum quid eis commune, sed plura simpliciter diuersa, sub ratione tamen communi solum secundum quid propter attributionem, quam habent ad vnum.

Ad secundum concedendum est totum, quod assumit, & negandum esse impossibile, quod decem conceptus forment intellectus, si decem sint significata analogi: ut contingit in ente; vel etiam plures, si plura habeat significata. Non est enim impossibile intellectum tot simul formare conceptus sub unitate eiusdem vocis tot res significantis, quod satis est manifestum in æquiuoco: quo audito nullus negat tot forma-

re conceptus intellectum, quot sunt significata eius, plura vel pauciora, & in analogo est alia ratio particularis, quia non solum plures conceptus habet ordinem ad vnam vocem, sed etiam ad vnam rem, principaliter significatam, ad cuius conceptum ordinantur omnes alii.

Et ex hoc intelligitur non dari conceptum formalem analogi communem, atque distinctum à conceptibus analogorum, sed plures tantum eorum. Vnde nullus datur conceptus formalis entis, præter conceptus prædicamentorum.

Secunda pars questionis de unitate conceptus obiectus analogorum.

Duplicia sunt analogia, ut dubio 30 præcedenti insinuauimus: quædam sunt, quorum significatum non reperitur formaliter, & intrinsece, nisi in principali analogato, in cæteris vero per denominationem extrinsecam; ut sanum, quod sanitas significat, sicut album significat albedinem, & tamen sanitas non reperitur formaliter, nisi in solo animali; in vrina vero, & medicina solum per denominationem extrinsecam, signi, vel causæ. Alia sunt analogia, quorum significatum reperitur formaliter in omnibus analogatis, sed per se primo, & principaliter in vno tantum, in reliquis vero per intrinsecam dependentiam, & attributionem ad illud, & de vtrisque procedit questio, an habeant vnum conceptum communem, & abstrahibilem ab analogatis. Sed de primis primo dicendum est, deinde de aliis.

Est igitur prima opinio modernorum,

norum, quod hæc analogia ſignificet vnum conceptum obiectiuum, quem intellectus abſtrahit ab analogis. Probatuꝝ primo, quia hæc analogia non ſunt æquiuoca; ergo non habent ſolam vocem communem, ſed aliquid etiam per illam ſignificatū: ſed quæcunque ratio communis poteſt abſtrahi à particularibus, quæ in ea conueniunt; ergo datur conceptus horum analogorum abſtrahi bilis ab eis.

Secundo, quia audito nomine, ſanum, poteſt aliquis concipere aliquā rationem communē ſanitatis, non cōſiderando rationes particulares, aut diſtinguendo diuerſas, quæ habet in animali, vrina, & medicina, & conceptus iſte communis eſt eis; ergo eſt vnus, & abſtractus ab eiſdem ſecundum particulares rationes conſideratis.

Secunda opinio eſt communis, & vera, quod ab his analogis non poſſit abſtrahi conceptus communis, ſed proxime ſignificare rationes particulares analogatorum aliquo modo ſimiles, vel proportionatas in ordine ad vnum principale. Ita Caiet. opus. de analogia nimirum cap. 5. Sotus cap. præſenti. q. 1. ar. 2. Corol 3. Fonſeca 4 Metaph. cap. 2. quaſt. 1. ſect. 6. verſi. 3. diſcrimen.

31 Et probatur ratione, quia hæc analogia ſignificant vnā formam ſolum exiſtentem in principali analogato, non in aliis, in quibus ſolum eſt per extrinſecā denominationem, vt ſanum ſignificat formam ſanitatis in ſolo animali inhaerentem, non in vrina, & medicina, quæ ſolum dicuntur ſana per extrinſecum reſpectum eaoꝝ, vel ſigni ad ſanitatē animalis, ſed à re formaliter ſignificata, & per ſolam extrinſecam denominationem non eſt abſtrahibilis vna ra-

tio, vel conceptus communis, quia forma, & ſignum, vel cauſa ſe habet tanquam cauſa, & effectus, quorum rationes diuerſæ ſunt, licet ordinem dependentiæ, vel attributionis habeant, & ideo non datur conceptus eis communis; ergo nec dabitur conceptus communis horum analogatorum.

Secundo, quia conceptus vnus, & communis multis formaliter debet in eis reperiri, ſed conceptus horum analogorum ſolum reperitur formaliter in principali analogato, vt patet de conceptu ſanitatis; ergo non eſt vnus, pro omnibus eis communis.

Sed reſpondent aliqui pro prima ſententia, conceptum horum analogatorum non eſſe ſolius formæ, ſed abſtrahere ab inſuſione formæ, aut ratione ſigni, vel cauſæ, ita vt vniuerſalior ſit ſolum dicens vniuerſalem rationem ſanitatis, & non particularem ſanitatis formalis, & hunc conceptum abſtractum formaliter reperiri in omnibus, nam eſſe cauſam ſanitatis formaliter, & intrinſece reperitur in medicina, & eſſe ſignum formaliter conuenit vrinæ; ſicut ſanitas actualis formaliter conuenit animali.

Hæc tamen ſolutio falſum ſupponit, quia nomen, ſanum, impoſitum eſt ad ſignificandam veram, & actua lem ſanitatē: vnde in communimodo loquendi, & concipiendi illud ſolum vocatur ſanum, quod formalem habet ſanitatē, ſicut nomen, riſus, impoſitum eſt ad ſignificandam verum riſum hominis, quem ſolum intelligimus audito nomine; ergo non ſignificant eiufmodi analogia vniuerſaliorē illam rationem, ſed ex eo ſignificant minus principalia analogata, quia intrinſecam habent attri-

L 4 butio-

Tractatus de analogia.

butionem ad formam existentem in principali analogato per nomen primario significatā. Nec vera est illa ratio cōmunis vniuersalior, & abstrahēs à formali, & extrinseca sanitate, quā obicit argumentum, sed ficta, quia formæ, signo, & causæ, nihil datur commune, sed solum hæc appellantur sana per attributionem ad illam, propter quam ei aliquo modo assimilantur, sed similitudo non est intelligibilis sine rationibus particularibus eorum, & ideo nec est ab eis abstrahibilis, imo nec intelligibilia sunt particularia significata nisi actu intellectus rationibus particularibus, non quidem distincte, & expresse, vt significantur propriis nominibus, sed confuse tantum, & hoc modo significantur nomine communi, & analogo, cuius ideo non est debilis conceptus obiectiuus communis abstractus ab analogatis.

- 33 Ad primum argumentum concedendum est antecedens cum prima consequentia, minor vero distinguenda: nam ratio communis duplex est, communis simpliciter, aut secundum quid; illa reperitur in vniuersis, hæc in analogis, & illa solum abstrahibilis est à particularibus rationibus vniuersaliorum; hæc vero nullo modo potest abstrahi à particularibus rationibus analogatorum, sed necessario debet eas actu confuso includere. Ratio huius discriminis est, quia ratio communis simpliciter est ratio naturæ, aut modi in inferioribus existentis, communis vero secundum quid nihil est præter proportionem, aut attributionem inter particulares, & ideo non est intelligibilis sine inclusione actuali particularium saltem confusa, & ex consequenti nisi intellectus particularibus actu confuso, hoc est non di-

stincte nec expresse, vt significantur propriis nominibus; & hoc est non esse abstrahibilem conceptum commune ab eis, quia conceptus qui à particularibus abstrahitur, non includit ea actu, sed solum in potentia.

Ad secundum, distinguendum est 34 antecedens, quia dupliciter contingit concipere rationem communem audito nomine analogo, non conceptis particularibus distincte, & expresse, aut solum confuse, sed actu, & primo modo concipi potest ratio communis secundum quid, non conceptis particularibus, sed non secundo modo, quia communis illa ratio, non est aliud præter particulares proportionatas, & ideo necessario conceptas actu eodem conceptu, non actu expresse, aut explicito, sed confuso, & quasi implicito.

Maiores est difficultas de aliis analogis, quorum ratio, vel forma significata formaliter, & intrinsece reperitur in omnibus analogatis, licet primo, & per se in vno, in aliis vero per intrinsecam dependentiam, & attributionem ad illud: & tale analogum est ens secundum commune, & veram sententiam, & ideo in illo placet exemplum ponere. Cum enim forma significata, quæ est entitas formaliter reperiatur in substantia, & accidentibus, videtur abstrahi posse rationem communem entitatis, à particularibus rationibus prædicamentorum, quæ participabunt omnia tanquam formam intrinsecam.

Et est prima opinio, quæ asserit 35 conceptum analogi vnum simpliciter esse, & abstractum à particularibus rationibus analogorum, & ideo ratione distinctum ab eis. Ita lauelles

4. Me-

4. *Meta.* quæst. 1. Sotus ubi supra. Probatur testimoniis Arist. & D. Th. deinde rationibus, Arist. *4. Meta.* tex. 7. afferit Metaphysicam considerare ens in quantum ens, quasi dicat non ut substantiam, vel accidens, sed sub ratione vniuersaliori entitatis realis; datur ergo ratio vniuersalior substantia, & accidente, quam necesse est esse abstractam ab eis, vnam, atque communem. Probatur consequentia, quia vniuersale est quid abstractum à particulabus, eisque commune.

36 Et D. Tho. 1. part. quæst. 5. art. 3. ad primum, ait, substantiam quantitatem, & qualitatem contrahere ens applicando illud ad aliquam quidditatem, seu naturam, sed contractio non potest intelligi, nisi respectu alicuius communis, quod determinatur ad particularia; ergo scitur ens, & quodcumque ex his analogis significare conceptum communem, & abstractum ab analogis.

Probatur etiam ratione; primo, quia entitas formaliter, & intrinsece est in substantia, & accidente; ergo in eo conueniunt, vel assimilantur, quod utrumque formaliter est ens, sed cuiuscumque conuenientiae abstrahi potest conceptus communis eis, quæ eam habent; ergo abstrahibilis est conceptus communis entitatis, in qua assimilantur substantia, & accidens. & iste erit vnus, atque ratione distinctus ab eis.

Secundo, quia concipere possumus de re aliqua, quod sit ens, & dubitare an sit substantia, vel accidens; ergo in conceptu entis neutrum includitur secundum particularem rationem, aut modum intrinsecum. Probatur consequentia, quia si includerentur speciales rationes, certo cognosceremus, quænam ei conueniret, eo ipso quod concipimus esse ens, & ideo non

haberet locum dubitatio. Sed si non includuntur speciales rationes in eo conceptu, erit abstractus, & vnus: cum nihil includat diuersitatis, sed solam conuenientiam, ergo datur vnus conceptus analogi abstractus ab analogis.

37 Probatur tertio, quia si non datur conceptus abstractus, & communis entis, erit quasi aggregatus ex omnibus rationibus specialibus prædicamentorum. Ita ut qui dicit ens, dicat substantiam, quantitatem, qualitatem, & cetera prædicamenta: sed talis conceptus de nullo analogato potest prædicari; ergo falsæ erunt omnes istæ prædicationes, substantia est ens, quantitas est ens, qualitas est ens, quod est absurdum. Probatur consequentia, quia sensus earum erit, substantia est substantia, quantitas, & qualitas, & sic de cæteris, qui est manifeste falsus.

Hanc sententiam defendit P. Franciscus Suarius 1. tom. suæ *Meta. disp.* 2. sect. 1. additque tria. Primum, hunc conceptum obiectiuum entis sic esse præcisum ab inferioribus, ut in eo non includantur actus distincti, vel confuso modi intrinseci eorum, vide licet per se, & in alio. Secundum, ens non significare immediate substantiam, & accidens, sed illum conceptum communem, & abstractum, quo medio descendit ens ad utrumque. Tertium, hunc conceptum communem non solum esse vnum, ut abstractum ab inferioribus, sed etiam, ut ad illa comparatur, & hoc addidit propter quædam opinionem aliorum modernorum, qui dicunt, ut abstractum esse vnum, non tamen, ut comparatum ad inferiora, quia in illis, ut exersse conceptus diuersificatur, quam sententiam specialiter referre necessarium non puto. In his autem tribus satis

L 5 con-

Tractatus de analogia.

consequēter loquitur doctissimus pa-
ter.

Secunda opinio est aliorū moder-
norum, qui concedunt conceptū en-
tis abstrahi posse à particularibus
substantiæ, & accidētis, & ut sic ab-
strahū ab eis esse vnum simpliciter,
sed cōparatus cum eis dē, vel confide-
ratus in eis expresse cōceptis, hoc est
ut propriis nominibus significatur,
non esse vnū, sed fieri in eis diuersū.
Quod probari potest, quia cōmuni ra-
tio entitatis, ut est in substantia, & ac-
cidēti nō distinguitur ab eis, licet in
abstractione distinguatur, sed cōce-
ptus expressi eorū sunt diuersi; ergo
ratio entis, ut in eis existes, nō potest
esse vna, sed debet esse diuersa.

Tertia opinio negat omnino dari
vnū conceptū obiectiuum simpliciter
abstrahū ab analogia, is, quā recūtur
Capre. in 2 d. 2. q. 1. & apud ipsum Au-
reol. Ferrar. 1. cont. gent. cap. 30. De q. 1
Hispalens. in 1. d. 2. q. 1. Caiet. in opul.
de ente, & essentia, ca. 1. q. 2. & tract.
de nom. analog. c. 5. & 6. Soncin. 4.
Meta. q. 2. Peret. 2. lib. Phys. c. 2 in fi-
ne. Fland. 4. Meta. q. 5. art. 6. Fonf. 4.
Meta. c. 2. q. 2. P. Gabr. Vazquez 1. p.
d. 22. c. 5. & d. 11. 4. c. 2. & plures alii, &
hæc est probabilior sententia.

Probat̃ur aduersus primā, & secū-
dā, testimoniis Arist. & D. Tho. Arist.
enim 4. Meta. c. 2. duo asserit, nempe
quod ens multipliciter dicitur, &
quod dicitur ad vnum, vel ad vnā
naturam: ex vtroque autem colligi-
tur, quod non detur vnus conceptus
eius abstractus ab analogatis, quod
sic probō. Nā si multipliciter dicitur,
ergo nō vno modo, nec per vnū cōce-
ptum, sed per plures; & si dicitur in
ordine ad vnum, ergo in suo conce-
ptu includit multa. Probat̃ur conse-
quētia, quia vbi datur vnū, vel mul-
ta ad vnū ordinata, ibi est multiplici-

ras, sed si multa includit in suo conce-
ptu, nō potest talis conceptus esse v-
nus, quia multa diuersa sunt; ergo nō
datur vnus cōceptus obiectiuus en-
tis. Et 8. Meta. c. 6. tex. 16. asserit ens
katū esse substantiā, quātitatē, & qua-
litatē, hoc est, immediate ad illa des-
cendere, & non ut vniuersū quod nō
nisi medio vnico cōceptu eis cōmuni
descendit ad vniuersa, ut animal ad
hominē, & equum; ergo sentit nō ha-
bere conceptū cōmunē, nam come-
diante descenderet ad substantiam,
& accidens.

Et D. Tho. 1. p. q. 13. art. 5. ita ait.
Neque enim in his, quæ analogice dicuntur
est vna ratio sicut in vniuersis, nec totaliter
diuersa sicut in æquiuocis, sed nomen, quod
sic multipliciter dicitur, si, nificat diuersas
proportiones in ordine ad vnum &c.

Ex quibus verbis hoc arg. colligi-
tur Conceptus entis apud D. Thom.
significat diuersas proportionēs in
ordine ad vnum: sed nō potest signi-
ficare diuersas proportionēs in or-
dine ad vnum, nisi diuersa illa, quæ
tales habent proportionēs, simul si-
gnificet. & hæc sunt analogata; ergo
non potest abstrahi cōceptus eius ab
analogatis, nec esse vnus simplici-
ter.

Probat̃ur deinde ratione aduersus
primā sententiā delumpta ex defini-
tione analogorum, quam admittunt
omnes. Analogi sunt, quorum nomen
est cōmune, ratio vero substantia no-
mini accommodata, nec cōmuni eadē,
neq; omnino diuersa, sed ratio, sub-
stantiæ est conceptus obiecti vniuersi;
ergo iste non est omnino, idem, nec
omnino diuersus, sed diuersus sim-
pliciter, & idem secundum quid ra-
tione attributionis: quare sequitur
non esse abstrahibilem ab analogatis,
inter quæ attributio, & diuersitas
repe-

40

reperitur, nec potest esse vnus simpliciter.

Secundo, si conceptus entis abstractus, aut prescinditur à substantia, & accidenti; ergo distinguitur ratione ab illis, sed quæ distinguuntur aliqua distinctione, vt sic distincta, non se includunt; ergo conceptus entis, vt sic præcisus à modis intrinsicis substantiæ, & accidentis, nec eos potest includere, nec in eis includi. Primum probatum est falsum, sed probatur etiam falsum esse secundum, quia conceptus entis est transcendens; ergo includitur in quacunque entitate, siue sit completa, siue incompleta, siue sit natura, vel modus: alioqui si non includat ens, erit nihil.

41

Probatur tertio, quia si conceptus entis est abstractus simpliciter à modis intrinsicis, & eos non includit actum, vt patetur prima sententia, sequitur sic esse vnum, vt nullam includat diuersitatem. Probatur consequentia, quia tota diuersitas substantiæ, & accidentis est per modos intrinsicos per se, & in alio; si ergo hos non includit actum, sicut genus non includit actum differentias, erit vnus simpliciter, & consequenter vniuocus.

Respondet prima sententia, quod licet non includat actum modos, & in hoc conueniat cum vniuoco, differt tamen ab eo, quod conceptus vniuocæ eodem modo, aut æqualiter participabilis est ab vniuocatis: conceptus vero analogis vt entis ex propria natura est diuerso modo participabilis ab analogatis secundum attributionem vnus, vel multorum ad vnum, & hoc satis est, vt non sit vniuocus, sed analogus. Sed hæc solutio sic impugnatur, conceptus entis non potest esse diuerso modo par-

ticipabilis, nec potest vllam habere diuersitatem, nisi per diuersos modos intrinsicos per se, & in alio, per quos determinatur ad esse substantiæ, & accidentium; ergo repugnat vllam habere diuersitatem, aut diuerso modo esse participabilem, nisi per ipsos modos; sed dum ab eis abstrahitur, eos non includit; ergo non potest esse diuerso modo participabilis.

42

Et confirmari efficaciter potest hoc modo. Conceptum commune abstrahi à particularibus non est aliud, quam rationem communem cognosci sine particularibus, aut eis non cognitis; ergo conceptum entis abstrahi à modis per se, & in alio est cognosci rationem entis, non consideratis modis, neque ordine ad illos; nam eo ipso, quod consideraretur ordo ad illos, non esset conceptus abstractus: sed nullam potest habere diuersitatem ratio entis sine modis, aut sine ordine ad illos, ergo si ab eis abstrahatur erit: conceptus omnino vnus, & idem, non minus, quam conceptus vniuocus, & ens ipsum non erit analogum, sed vniuocum.

Probatur deinde aduersus secundam opinionem. Primo, quia si semel admittitur conceptus entis abstractus à particularibus substantiæ, & accidentis, & esse vnum, sequitur ens esse vniuocum. Probatur consequentia, quia illum conceptum abstractum, & vnum significat primo ens; ergo ratio significata per nomen est eadem, & nomen commune, vt dicitur in definitione vniuocorum. Secundo, quia repugnat conceptum in abstractione esse vni, & non in inferioribus expressis; ergo semper est vnus. Probatur antecedens, quia si semel abstrahitur ab eis; ergo distiq.

Tractatus de analogia.

distinguitur ratione sic abstractus ab eiuſdem, vt expreſſis, ſed comparatus ad eos eſt idē conceptus, qui cōſideratur in abſtractione, & nō alijs; ergo erit etiam ratione diſtinctus; & ideo eandem habebit vnitatem, quā ei tribuunt in abſtractione.

Quoniam modo conceptus analogi contineat analogata.

Noſtra igitur ſententia tenet, conceptum obiectiuum entis, & cuiuſcunque analogi nō eſſe ſimpliciter abſtrahibilem ab analogatis, ſed eos neceſſario includere. Circa modum vero, quo ea includat non conueniunt omnes, qui eam ſecuntur. Duo tamen ſunt apud eos recepta. Primum, quod ea includat actū, & non ſolum in potentia, quia hoc vltimum nec tollit vnitatem cōceptus, nec vniuocationem nominis. Secundum, quod non includat eos actū explicito, diſtincto, vel expreſſo, quod eſt dicere non includere eos; vt ſignificantur proprijs nominibus, ſed in quantum ſub nomine communis ſignificantur, vt ſub nomine entitatis, vt de ente loquamur. Et ratio huius eſt, quia ens ſignificat ſubſtantiam, & accidens, in quantum habent attributionem, ſed ſub proprijs nominibus eam non habent, ſed ſub nomini comuni entis ſignificata, & conſuſe contenta; ergo hoc tantum modo ſignificantur nomine analogo, & continentur in conceptu eius, & non ſub expreſſis cōceptibus, aut nominibus.

43

Diſſerunt igitur quantum ad modum eos includendi, nam Soncinas, & Herueus vbi ſupra aſſerunt conceptum, quē immediate ſignificat ens, eſſe hoc diſiunctum, ſubſtantiam,

vel accidens. Hoc tamen ab omnibus fere reicitur. Primo, quia cōceptus per determinatam vocem ſignificatus, debet eſſe determinatus; diſiunctum vero illud, nec determinate dicit ſubſtantiam, neque accidens. Secundo, quia ens ſignificat multa per attributionem ad vnum; ergo ſignificat omnia ſimpliciter, hoc eſt, ſine diſiunctione. Probatur conſequētia, quia attributio non verſatur inter multa diſiunctiue ſignificata, ſed abſolute.

Nec etiam ſignificat analogū ſua analogata copulatiue, ita vt conceptus entis ſit ſubſtantia, & accidens, quia ex eo ſequeretur omnes propoſitiones, in quibus prædicatur de quolibet eorum eſſe falſas, vt ſubſtantia eſt ens, accidens eſt ens, quia ſenſus earum eſſet, ſubſtantia eſt ſubſtantia, vel accidens, accidens eſſe ſubſtantiam, vel accidens.

Propterea eſt ſecūda opinio aliorum, quod ens primaria ſignificatione ſignificet ens per ſe, quod eſt ſubſtantia, & ens ſimpliciter; ſecundario vero accidentia, tanquam aliquid eiufdem ſubſtantix, ſed hoc etiam videtur falſum, quia analogum per ſe primo ſignificat multa cū attributione; ergo non ſignificat primo ſolum analogatum principale, ſed omnia, quamuis principale ſignificatum ſit dignitate primum.

Tertia opinio eſt Ferræ. & Caiet. vbi ſupra, quod analogum ſignificet immediate, & per ſe omnia analogata, in quantum inter ſeſe habent attributionem, & ens ſignificet immediate decem prædicamenta, in quantum nouem accidentium dicuntur per attributionem ad ſubſtantiam, & hac eſt probabilior, & tenenda.

Sed pro eius explicatione tanquā certum debet præſupponi, quod ana-

44

analogum aliquo modo sit superior: cuiuslibet analogato, ut bene Caiet. in opusculo de analogia, cap. 5. non solum secundum vocem, quæ communis est analogatis, nam hoc etiam habet æquiuocum, sed aliquo modo secundum rationem, aut conceptum significatum, qui cum aliquo modo debeat etiam communis esse, consequenter debet esse superior; & si communis est, aliquo modo debet esse abstractus ab eis.

Sed ut hæc intelligantur melius, adnotat bene Caiet. ubi supra, duplicem esse abstractionem, quæ vni abstractitur ab aliis, vna est per quam vnum cognoscitur sine alio, aut eorum non cognito; alia per quam eadē res cognoscitur alio modo, ac est in se, ut cum in se habeat modum expressum, atque distinctum, cognoscitur quasi implicite, & confuse. Et primus modus abstractionis constituit abstractionem simpliciter, & pertinet ad vniuersalem, quæ sic abstractuntur à suis vniuersalitatibus. Secundus non facit, nisi abstractionem secundum quid, & pertinet ad analogia, quæ non possunt primo modo abstrahi, nec alio, nisi secundo. Itaque substantia duobus modis considerabilis est, aut secundum conceptum expressum per proprium nomen substantiæ significatum, aut secundum conceptum confusum, & quasi implicitum, qui non videtur esse alius, quam entitatis principalis, cui attribuantur accidentia, & hoc modo significatur nomine entis, cuius proprius conceptus est entitatis primæ, ac principalis, & minus principalium, quæ sunt accidentia secundum particulares modos inherendi ei attributa, quæ est substantia, & conceptus iste aliquo modo est abstractus, respectu conceptum expressum, inter quos, ut sic expressos nulla

attributio, nullus ordo, nulla dependentia, aut similitudo significatur: & ratio abstractionis in eo consistit, quod licet per conceptum entis omnia concipiamus actu, & similiter, dum omnia simul concipimus per propria nomina, sed per conceptum entis concipimus ea, cum attributione, & similitudine, per conceptus autem proprios representata nullam habent attributionem, nullum ordinem, nullam similitudinem, unde sequitur conceptum entis, ita predicari de quocunque, ut suo etiam modo predicatur de aliis, & hoc est esse aliquo modo superiorem respectu singulorum, & ex consequenti abstractum eodem modo ab eis, & ut talem predicari de singulis.

Sed ut modus predicandi entis de singulis predicamenti intelligatur, adnotamus secundo, quod licet conceptus entis includat substantiam, & accidens actu confuso, ut explicatum est: in predicatione tamen applicatur singulis, iuxta propriam naturam, ut dum predicatur de substantia applicatur ei, ut primo enti, cui attribuantur accidentia, & dum predicatur de aliquo accidente, applicatur ei, ut dem, ut attributo substantiæ. Sensus igitur huius propositionis, substantia est ens, iste est substantia & entitas prima, cui attribuantur accidentia, & quantitas est ens, id est habet entitatem per modum extensionis attributam substantiæ. Et ratio huius est, quia omnia significantur secundum attributionem ad vnum, ergo de illo vno predicatur tanquam de eorum cui attribuantur cætera, & de cæteris, ut illi attribuantur, & eadem attributio est ratio propter quam huiusmodi conceptus entis multa, ac diuersa contineat, vere possit predicari de singulis, quia dum de quolibet prædi-

Tractatus de analogia.

predicatur, ex proprio modo ipsius applicationis, & attributionis, illud tantum dicitur in recto; cetera vero in obliquo, ut attributio ipsa significata inter eos petit.

46

Si autem dicas secundum sensum harum predicationum, non predicari ens de singulis predicamentis; tantumquam superius, sed tanquam æquale, imo predicatione identica, aduersus id, quod dictum est, superius esse, saltem secundum quid. Probatur utrūque. Primum quidem, nam predicationum huius propositionis, substantia est ens, non est aliud, quam substantia est entitas prima; cui proportionantur accidentia; & hoc patet conuerti cum subiecto, imo esse idē prorsus cū eo, & ideo nō solū esse propositionē æqualis, sed identicā. Respondeo predicari predicatione æquali simpliciter; superioris vero secundū quid, identica vero nullo modo. Primum manifestum erit, si consideremus conceptum entis secundū diuersos modos, quibus predicatur de omnibus, nam de substantia, ut de primo, cui cetera attribuuntur, & de singulis accidentibus secundum particulares modos, quibus attribuuntur substantiæ. Consideratas igitur cōceptus entis cū his omnibus modis, qui ei conueniunt; ut analogo adæquate sumpto, cum ei conueniat ratione analogiæ attributionis, superior erit formaliter respectu singulorum analogatorum, licet tantum secundum quid, quamuis æquale simpliciter seclusa hac consideratione. Et quod sit superior formaliter secundum quid, probō, quia dum predicatur de vno secundum modum applicationis ad illud, predicari potest de ceteris, secundum proprios modos eorum, quod manifestum est non habere subiectum, ergo secundum modum predicandi

non conuertantur; licet quantum ad rem significatam conuertantur.

Et ex hoc sequitur eandem propositiones non esse identicas, sed formales analogi, quia licet eadem res sit predicatum, & subiectum, diuersum habet modum in predicato, quā in subiecto in duobus consistentem, in primo quidem, nam in predicato maiorem habet extensionem, cū sic predicetur de vno secundū propriū modum illius, ut possit etiam predicari de ceteris, secundum proprios modos eorum. In secundo vero, quia licet tam predicatum, quam subiectum huius predicationis, substantia est ens, significet eandem rem, expressius tamē, atque distinctius significatur per subiectum, tanquam per proprium nomen, quam per predicationem, tanquam per nomen commune; & modus iste significandi diuersus efficit, ut propositio sit formalis, & ideo non identica, sicut non est identica predicationis, in qua definitio predicatur de definito, licet eadem res sint, ex eo solum, quod expressius significatur per predicatum, quā per subiectum.

47

Et ex his non erit difficile arguere contrariæ opinionis soluere, nam testimonium Aristot. verum continet, quod Metaphysica considerat ens, in quantum ens, hoc est, non secundum aliquam rationem particularem alicuius predicamenti, nec secundum rationes omnium expressas, atque distinctas, sed secundum rationem attributionis ad vnum, nempe ad substantiam, hanc enim non habent sub propriis nominibus significata, sed sub nomine entis omnibus communi, sub quo similitudinem quandam in entitate habent, & vnitatem secundum quid, sub qua abstrahi possunt etiam secundum quid à propriis

48

priis rationibus expresse significatis & sic abstractum ens consideratur in quâta ens, & potest esse obiectum Metaphysica, quia licet sit analogum, consideratum tamen sub tali modo abstrahendi à materia, ut consideratur in Metaphysica, vnam rationem, sub qua obiectum habet, à qua scientia ipsa sumit unitatem specificam.

49 Testimonium vero D. Thom. petit modum, quo ens contrahatur per modos particulares substantiæ, & accidentis, & difficultas consistit in hoc, quia si non datur communis conceptus eius ab eisdem modis abstractus, sed includens eos, non videtur posse contrahi per illos, quia contrahens debet esse extra rationem contrahibilis, nam si in eo includatur, iam erit contractum per illud. Respondeo, eodem modo contrahi ens per modos per se, & in alio, quo ab eisdem abstractum est; sed abstrahitur ab eis, solum secundum quid, hoc est, sicut idem à se ipso diverso modo significato, ideo solum potest contrahi per seipsum, vt diverso modo significatum. Gratia exempli, ens in suo conceptu includit modos intrinsecos per se, & in alio, actu quidem, non tamen sub expresse conceptu, sed sub implicito, & confuso, hoc est, non vt propriis nominibus significatur, sed nomine communi entis, & diversus iste modus includendi eos sufficit vt dicatur abstractus ab eis secundum quid; conceptus vero non contrahitur, nisi vt abstractus est, nam contrahitio, & abstractio mutuo se correspondent; ergo eodem modo contrahitur conceptus entis per modos intrinsecos sub expresse conceptu significatos, quos tamen hoc modo non includit, sed sub confusa ratione, vt semper sit

verum (adhuc in contractione analogi, quæ solum est secundum quid; sicut abstractio) quod contrahens sit extra rationem contrahibilis. Hunc sensum explicuit D. Tho; inatio soluto, & ita vnum testimonium explicamus per alterum. Locus autem est, quæst. 1. de veritate, art. 1. vbi sic ait. *Quod primo intellectus concipit quasi notissimum, & in quâ omnes conceptiones refutur, est ens: unde oportet, quod omnes alie conceptiones intellectus accipiantur ex additione ad ens, sed ensi nihil potest addi, quasi extranea natura per modum, quo differentia additur generi, quia qualibet natura essentialiter est ens, sed secundum hoc aliqua dicuntur addere supra ens, in quantum exprimunt ipsius modum, qui nomine ipsius entis non exprimitur. Et infra. Substantia non addit supra ens aliquam differentiam, sed nomine substantia exprimitur specialis modus essendi.*

Ad primum argum. concesso primo enthymemate distinguenda est minor syllogismi, quia qualis fuerit convenientia multorum, talis erit abstractabilis conceptus ab eis; si conueniant simpliciter, abstractibilis erit conceptus simpliciter communis, & vnus, vt in vniuersis; si vero solū conueniant secundum quid, solum erit abstractibilis conceptus communis, & vnus secundum quid, & ita est in analogis, atque etiam in ente, cum sit analogum. Quid autem sit abstracti secundum quid, iam explicatum est.

Ad secundum concesso antecedenti distinguendum est consequens, nam actualis inclusio duplex est, confusa, seu implicita, & distincta, vel expressa, & de hac concedendum est; negandum vero de illa, dicendumque, ex eo posse dubitationem procedere an substantia sit vel accidens illud, de quo certo scimus esse ens, quia

51

quia conceptus entis confuse tantum includit rationes particulares substantiarum, & accidentis, non distincte; ratione vero confusionis occurrit dubitatio in eo consistens, quod intellectus non cognoscit distincte, ad quod significatum determinetur ens.

Ad ultimum negandum est illud, quod in antecedenti sumitur, nempe conceptum entis esse aggregatum ex particularibus conceptibus predicamentorum, quia non includit eos per modum aggregationis, sed per modum attributionis: in qua includitur essentialiter ordo multorum ad unum; aggregato vero repugnat ordo, cum ex eo sit aggregatum, quia plura includit sine ordine. Includere autem omnia secundum ordinem attributionis, est includere unum quasi in recto, & alia in obliquo. Unde sequitur, quod dum predicatur ens de quolibet analogato, ut in hac propositione, substantia est ens, non sit sensus, substantia est substantia, & accidens, quia in hoc sensu non significatur attributio, sed talis est sensus, substantia habet entitatem primam, vel est entitas prima, cui attribuuntur accidentia, & est verissimus. Nec tollit veritatem eius, quod in conceptu entis praeter substantiam ita significatam in recto significetur accidentia in obliquo, sicut nec tollit veritatem propositionis, in qua predicatur de accidenti, quod substantia significetur in obliquo, ita ut sensus sit, accidens habet entitatem, vel est ens attributum substantiae, tanquam aliquid eius. Ratio autem obquam tales sensus efficiunt praedicationes istae, est natura ipsa attributionis, sub qua significantur analogata per nomen analogum, ideo enim cuiuslibet applicatur idem analogum in praedicationibus secundum exigen-

tiam eiusdem attributionis.

Vnum adnotandum est in hoc loco, nempe unitatem secundum quid conceptus analogi sufficere, ut diuidi possit in sua analogata, atque etiam ut analogata ipsa comparari possint ut ab eo significata, ita ut dicamus substantiam esse perfectius ens, quam accidens; & tandem ut possit esse obiectum intellectus, & scientiae. Ratio primi est, quia diuisio procedit ab uno ad multa; ergo in tantum aliquid diuisionis capax est, in quantum est unum, nam si sit multiplex, secum affert diuisionem: unde sicut diuisio aequiuoci in sua aequiuocata, non est diuisio rei, sed solius vocis, quia sola vox est communis: simili modo diuisio analogi simpliciter est diuisio vocis, & secundum quid diuisio rei, quia vox est communis simpliciter, sed res significata non est communis, neque una simpliciter, sed multiplex; una vero solum secundum quid, & ideo diuisio analogi, si ad rem attendamus, non est diuisio simpliciter, sed solum secundum quid, ad quam sufficit unitas conceptus eius secundum quid; uniuocum vero, quia tam ex parte vocis, quam rei significatae unum est, simpliciter diuidi potest, & sola diuisio eius simpliciter talis vocari debet.

Et eodem modo reddenda est ratio comparationis, nam comparatio in una aliqua ratione fieri debet, ideo simpliciter in uniuoco debet fieri, & si propria sit in specie infima, ut docet Arist. 7. lib. Phys. qualiscunque vero etiam potest fieri in analogo, ad quam sufficit unitas secundum quid.

Ut autem possit esse obiectum intellectus, & scientiae analogum, sufficit eadem unitas, quia scientia, aut potentia non sumit unitatem specificam ex ob-

52

53

ex obiecto materiali, sed ex ratione formali obiectiva, sub qua in illud tendit potentia, vel consideratur à scientia, à qua maiorem accipit unitatem analogum, dum est obiectum potentiae, vel scientiae.

An ens sit uniuocum respectu substantiae, & accidentis, aut analogum, & qua analogia.

Hoc est quartum, quod proposuimus tractandum, sed pro eius notitia notari debet, ens duobus modis sumi posse, pro ente creato, quod diuiditur in decem prædicamenta, aut vniuersalius pro ente communi respectu creati, & increati, aut Dei, & creaturarum, & de ente utroque modo sumpto potest esse questio, quam ideo in duas partes diuidimus. In prima agemus de ente creato, an sit uniuocum respectu prædicamentorum, vel analogum, & qua analogia. In secunda eadem inquiremus de eodem ente respectu Dei, & creaturarum.

Prima pars questionis.

Circa primam partem duæ sunt opinioniones extremæ, & altera media. Prima opinio extrema est Aureoli apud Capreolum in 1. d. 2. q. 1. afferentis, ens esse æquiuocum respectu substantiæ, & accidentis. Probatur testimoniis Arist. & Porphy. nam Arist. 8. Meta. cap. 6. textu 16. ait, quodlibet prædicamentum statim quippiam esse, hoc est, seipso esse tale, atque diuersum ab alio, quod aliis verbis dici solet prædicamenta seipsa esse diuersa, & non per differentias, sed esse seipsa diuersa, est se totis esse diuersa, & se totis esse diuer-

sa idem, ac esse omnino diuersa, quod proprium est æquiuocorum; erit igitur æquiuocum ens.

Porphyrius vero cap. de specie ex mente eiusdem Arist. dixit ens æquiuocum esse.

Hæc tamen sententia (si de propria æquiuocatione loquitur, & non de communi prout comprehendit analogiam) contraria est doctrinæ eiusdem Arist. & rationi. Probatur primum ex 4. Meta. cap. 2. & tex. 2. ubi ait Arist. *Ens autem multipliciter dicitur, non æquiuoce, sed ad unam naturam sicut sanum*, hoc est, per attributionem multorum ad unam.

Probatur secundum, quod sit contra rationem, ex definitione æquiuocorum, Æquiuoca sunt, quorum nomen est commune; ratio vero substantiæ nomini accomodata omnino diuersa, sed substantia, & accidentis conveniunt aliquo modo in ratione entis, cum utrūque sit ens, licet diuersum ab alio, & ei attributum; ergo non sunt omnino diuersa, quare nec ens potest esse æquiuocum.

Secunda opinio extrema tenet ens esse uniuocum, ita Scot. in 1. d. 3. q. 3. & in 3. d. 8. q. 2. & omnes eius discipuli, Antonius Andreas 4. Meta. cap. 2. atque etiam nominales omnes, ut testatur, Gab. in 1. d. 2. q. 4. Et probatur duplici ratione. Prima ex definitione uniuocorum desumpta. Uniuoca sunt, quorum nomen est commune; ratio vero substantiæ nomini accomodata eadem, hoc est, conceptus per nomen significatus: sed nomen ens constat esse commune substantiæ, & accidenti, & conceptus tam formalis, quam obiectivus est unus, & idem in inferioribus; ergo nomen erit uniuocum. Probatur minor, quia substantia, & accidentis conveniunt in ratione entis, & di-

M. stinguun-

Tractatus de analogia.

stinguntur per modos intrinsecos per se, & in alio: sed modi distinguuntur ratione ab entitate, cum eam determinent, atque contrahant ad substantiam, & accidens; ergo potest intellectus concipere entitatem nullo modo conceptis modis. Probatur hæc ultima consequentia, nam ea quæ distinguuntur ratione, bene potest intellectus separare, & ut sic separata non se includent; quare poterit concipere rationem entis communem substantiæ, & accidentis, in qua non includantur modi, & talis conceptus formalis, & obiectivus erit vnus simpliciter nullam includens diuersitatem.

Secundo, quia si aliquid obstarat, quo minus conceptus entis non esset vnus simpliciter, & communis substantiæ, & accidentis, maxime diuersitas in modo essendi vtriusque, quia substantia habet vtrumque essendi per se; accidens vero modum essendi in alio, sed hæc non obstat, ergo erit vnus simpliciter. Probatur minor, quia hæc ratio diuersitatis non est in entitate, nisi ratione modorum; ergo non tollit vnā rationem entitatis, atque adeo vniuocam, quemadmodum non tollit vnitatem conceptus animalis diuersitas per rationale, & irrationale, quia non est ratione naturæ sensitivæ, sed differentiarum.

Tertio, intellectus potest esse certus de aliquo, quod sit ens, & dubius an sit substantia, vel accidens: ut si quis dubitet, an aliqua Hostia sit consecrata, vel non, certo cognoscit esse ens; dubitat vero, an ibi sit substantia, vel solum accidens. Hoc autem non posset contingere, nisi intellectus concipiat rationem entis, non conceptis rationibus particularibus substantiæ, & accidentis: qui conceptus communis erit eis, & vnus

simpliciter, cum non includat aliquid, ratione cuius possit vllam diuersitatem habere. Et ex consequenti nomen ens significans talem conceptum, erit vniuocum.

Tertia sententia media inter hæc extrema asserit, ens non esse æquiuocum, neque vniuocum, sed analogum. Et est communis in scholâ, & vera, quam sequuntur Auerroës, Alexander, & D. Thom. in Commentariis locorum Arist. inferius citandis, Porphyrius, Albertus, & Ammonius, cap. de specie in prædicabilibus, & ceteri omnes, præter citatos pro sententia Scoti.

Colligitur efficaciter ex doctrina Aristotel. 4. Met. cap. 2. lib. 7. cap. 1. & 4. & 1. lib. Ethicorum, cap. 6. vbi expresse docet, ens multipliciter dici, & non æquiuoce, sed sicut sanum de vrina, Medicina, & animali ad vnā naturam, hoc est, per attributionem multorum ad vnum. Quibus verbis excludit vtramque extremam sententiam, nam dum dicit ens multipliciter dici sicut sanum, tollit vniuocationē, contra Scotum; dum vero addit non æquiuoce, tollit æquiuocationem contra Aureolum.

Probatur deinde ratione. Primo, ex definitione analogorum, analogæ sunt, quorum nomen est commune; ratio vero substantiæ nomini accommodata, nec omnino eadem, neque omnino diuersa, sed ita se habet ens respectu substantiæ, & accidentis; ergo est analogum, & non vniuocum. Minorem ita probō. Substantia est primum ens, habet entitatē per se independētē ab aliis; accidēs vero est entitas alterius, nempe substantiæ, & ideo Arist. 4. Met. c. 2. dixit, accidēs nō est ens, sed entis ens; ergo nō habet p se entitatē, sed per attributionē ad substantiam: quare, in ipsamet ratione entitatis.

57 tis reperitur imprimis maxima diuer-
 fitas, & ideo in cōceptu significato p
 nomē ens. Deinde reperitur aliqua-
 lis cōueniētia ratione eiūsdē attri-
 butionis: ergo ratio entis per nomē
 significata, nec est omnino diuersa,
 neque omnino eadem, & hoc est ens
 esse analogum, & ideo non vniuocū,
 Si autē dixerit Scotus diuersitatē
 inter substantiā, & accidēs nō proue-
 nire ex parte entitatis, sed ex parte
 modorum per se, & in alio, à quibus
 abstrahi potest ratio entitatis, & sic
 abstracta erit vna, quia si à diuersitate
 abstrahitur, ergo vt sic abstracta nō
 includit eā, quare erit vna simpliciter,
 & nomē ens eā immediate signi-
 ficās erit vniuocū; nō ergo probatur
 analogū esse, aut nō esse vniuocum.
 Hoc nō tollit vim arg. quia modi in-
 trinseci substantiæ, & accidētis nō sūt
 gradus perfectionis distincti ab enti-
 tate, sed ipsamet entitas expressi^o cō-
 cepta, & significata, quā significatur
 nomine entis, vnde nec ens est extra
 rationē eorū, nec ipsi extra rationē
 entis: vnde sequitur primo, quod nec
 possit entitas cōcipi, sine illis actū sal-
 tē confuso inclusis, nec ipsi sine enti-
 tate. Secundo sequitur idē esse, quod
 diuersitas substantiæ, & accidētis, vt sig-
 nificatur nomine entis proueniat ex
 modis intrinsecis per se, & in alio: &
 quod proueniat ex ipsamet entitate,
 idē etiam esse, quod per eosdē mo-
 dos sint diuersa, & quod seipsis sint
 diuersa, & tādē, quod sicut entitas nō
 potest à seipsa abstrahi, sic nec possit
 abstrahi ab eis dē modis, & ideo, neq;
 conceptū entis eos necessario inclu-
 dens possit esse vnus simpliciter, nec
 vniuocus. An vero ens nō in tota sua
 vniuersalitate sumptū, sed pro ente
 tantū cōpleto abstrahi possit à sub-
 stantiā, & accidenti, & respectu eorū
 sit vniuocum, statim dicemus.

Ad testimonium Arist. pro prima
 sententia respondeo prædicamenta
 esse primo diuersa, hunc sensum effi-
 cere, quod non differāt sicut species
 per differentias continētes diuersum
 gradū perfectionis à genere, in quo
 conueniunt, sed per modos, qui sunt
 ipsamet prædicamentorū entitas spe-
 ciali modo concepta: vnde verū est
 per proprias entitates ita conceptas
 esse diuersa, & hoc est etiam seipsis
 differre. Et cū inferatur se totis dis-
 ferre distinguendum est: nā si sensus
 sit per totam entitatem suā vnū es-
 se diuersum ab alio, verum est; si ve-
 ro per totam entitatem omnibus mo-
 dis conceptam falsum, quia entitates
 eorū concipi possunt tanquam di-
 uersæ simpliciter, atque etiam tan-
 quam similes, & eadem secundum
 quid ratione attributionis, & ideo
 non concipiuntur, vt oranibus modis
 diuersæ, neque in hoc sensu verū est
 se totis differre, esse tamen necessa-
 rium, vt ens esset æquiuocum, quia
 æquiuocata vt sub eo nomine concipi-
 untur, & significatur, nullo modo
 conueniunt, & ideo non probatur ex
 illo testimonio, quod ens sit æquiuo-
 cū; Porphyrius vero de æquiuoco lo-
 quitur secundum communem acce-
 ptionem, sub qua analogum compre-
 hendit, nam ad intentum eius, quod
 erat ens non esse genus rerum om-
 nium, sufficiebat esse analogum.

Ad primū arg. secundæ opinionis
 negāda est minor, quod cōceptus en-
 tis sit vnus simpliciter, & cum dicitur
 modos distingui ratione ab enti-
 tate, distinguendū est: nā duobus mo-
 dis cōtingit aliqua distingui ratione.
 1. distinctione totali, ita vt cōceptus
 vnus sic distinguatur ab alio, vt il-
 lum nō includat, & hoc modo distin-
 guitur ratione differentia à genere;
 alio modo nō distinctione totali, sed

M 2 inclu-

Tractatus de analogia.

includentis, & inclusi; & ita verum est, quod conceptus entis distinguatur à modis, quos includit, & à quibus includitur, in quantū addunt supra conceptū eius rationem expressionis. Et si distingueretur cōceptus entis ratione à modis in primo sensu, posset abstrahi ab eis, sed cum nō distinguatur, nisi in secundo, negandum est, quod possit abstrahi, aut sine illis concipi.

Ad secundum neganda est minor, quod ratio diuersitatis substantiæ, & accidentis non sit in entitate, sed ratione modorum: impossibile est enim, quod ratione modorum sit, & non ratione entitatis, cum modi entitates sint, & ideo in conceptu entitatis includantur: est igitur ratione vtriusque, & ideo repugnat concipi ens sine diuersitate, aut ab ea abstrahi, ita vt conceptus eius sit vnus simpliciter.

Ad vltimum, concessa maiori distinguenda est minor, nam concipere rationem entis non conceptis rationibus particularibus substantiæ, & accidentis, duobus modis contingit. Primo, non conceptis distincte, & expresse. Secundo, non conceptis actu implicito, & confuso, & in casu argumenti concedendum est, quod concipiatur sine modis in primo sensu, non tamē in secundo: ex eo autē quod concipitur, non conceptis modis in primo sensu, fit, vt possit dubitare intellectus, an ens quod concipitur sit substantia, vel accidentis, quare talis dubitatio non probat, quod detur conceptus entis vnus simpliciter abstractus à substantia, & accidente, ratione cuius vniuocū esse possit.

An saltem ens completum sit vniuocū respectu substantiæ, & accidentis completi.

Ratio dubitandi pro affirmatiua parte specialis est de ente completo, quia non videtur includi posse in differentiis, nec in modis intrinsecis, per quos diuersa sunt accidentēs, & substantia, quia de modis, atque differentiis manifestū est esse entia in completa; ergo abstrahi poterit ab eis conceptus entis nullam diuersitatem includens. Probatur consequentia, quia totā diuersitatem efficiūt modi.

Communis tamen sententia tenenda est rāquam vera, quod neque ens completū possit esse vniuocum ad substantiā completam, & accidentēs cōpletum, sed non minus esse analogū, quam si in tota sua vniuersalitate accipiat. Cuius ratio non eadem alsignatur ab omnib*, qui ita sentiūt. Sed mihi videtur eodē fere modo probandum esse, quod ens completum non sit vniuocū, sed analogum, quo probatum est vniuersaliter sumptū analogum esse. Probat ergo duplici ratione. Prima, sicut ens vniuersaliter sumptum includit actu quamlibet entitatem, quantūcunque minimā, siue sit entitas rei, siue modi, & etiā includitur in ea formaliter, & essentia liter, ita ens cōpletum includit actu quamcūque entitatem cōpletā, tā accidentalem, quā substantialem, quia esse entitatem substantialem, aut accidentalem nō sunt gradus perfectionis ab eadē entitate distincti, sed sunt eadēmet entitas expressiori quodāmodo cōcepta & significata; ergo tota diuersitas, tota attributio, quā habet inter sese includitur in cōceptu entis cōpleti, & ex consequenti tota analogia: quare repugnat conceptum entis completū esse vnum simpliciter, & vniuocum.

Secūda ratio sumitur ex definitione vniuocorum. Vniuoca sūt quorū nomen est commune; ratio vero substantiæ omnino eadē; ergo vniuoca de-

debent participare ex æquo, & simpliciter conceptum vniocci, sed substantia, & accidens completum, non participant ex æquo, nec simpliciter rationem entis completi; ergo non potest esse vniocum respectu eorum. Probatur minor, quia illa participat ex æquo rationem communem, quorum quodlibet participat eam per se, hoc est, sine dependentia essentiali in eadem ab altero; & illa participant eam simpliciter, quorum quodlibet dicitur simpliciter tale, ut eam participat: sed accidens completum non participat rationem entis completi, nisi cum essentiali dependentia à substantia, nec dicitur simpliciter ens completum, sed tantum secundum quid, imo non dicitur ens completum, sed entis ens, ut ex Arist. attulimus; ergo non potest participare vniocum rationem entis completi, neque ens completum potest esse vniocum respectu vtriusque. Et quod dicimus de ente completo, dicendum est de ente perfecto in ordine ad substantiam perfectam, & accidens perfectum, quia quantum ad præsentem divisionem entis attinet, eadem est ratio de utroque, & ideo eadem rationes eodem modo probant de utroque.

Ad arg. pro ratione dubitandi positum respondetur, quod siue licet ens completum non includat modos intrinsecos per se, & in alio, ut separatim conceptos à substantia, & accidenti, & eodem modo nec differentias, nec etiam in eis sic conceptis includatur, sed eos includit, & in eis includitur, ut concipiuntur in constitutione substantiæ, & accidentis, aut specierum. Et ratio huius est manifesta, quia ens completum, ut probauimus, includit substantiam, & accidens completum, & ab eis includitur formaliter, & essentialiter,

sed non constat substantia completa, & incompleta sine modis, ut eam constituentibus; ergo ut sic concepta includuntur in ente completo, & illud includunt, quæ inclusio sufficit, ut conceptus entis diuersitatem includat sufficientem ad tollendam vniocationem, & efficiendam analogiam.

An ens sit vniocum respectu aliquarum rerum eiusdem prædicamenti, vel diuersorum prædicamentorum.

Explicata iam analogia entis vniuersalisissimi respectu substantiæ, & accidentis, & entis completi respectu substantiæ completæ, & accidentis completi, restant duæ aliæ comparationes entis magis particulares. Prima est, an respectu duarum specierum eiusdem prædicamenti, ut hominis & equi, Petri, & Ioannis, aut albedinis, & nigredinis, vel respectu duarum rerum diuersorum prædicamentorum accidentium, ut albedinis, & quantitatis ens sit vniocum, vel analogum, & non loquimur de ente pro completo, sed secundum se sumpto.

Prima opinio tenet ens vniocum esse respectu duarum rerum eiusdem prædicamenti, tamen substantiæ, quæ accidentis, atque etiam diuersorum prædicamentorum accidentium. Eam tenet quantum ad primum Fons. 4. Met. c. 1. q. 1. sect. 5. non negans secundum, & quantum ad utrumque P. Franz. Suarius in Met. dif. 32. sect. 2. n. 21. Probat utrumque hoc arg. duæ substantiæ, & duo accidentia eiusdem prædicamenti, aut diuersorum participant rationem entis sine vlla attributione vnius ad alterum, imo sine vilo ordine, sed æque primo; ergo non conuenit illis analogice, sed vniocum.

Tractatus de analogia.

Secunda opinio est aliorum, qui tenent utroque modo comparatū ens esse analogū proportionalitatis. Probant, quia ens est analogum attributionis simul, & proportionis, sed in his comparationibus non significat membra illa secundum attributionē vnius ad alterū; ergo nō potest habere aliam analogiā, nisi proportionalitatis. Quod vero hāc habeat manifestum est, quia verū est, ita se habere quālibet speciem eiusdem, vel diuersorum prædicamentorū accidentium ad suam entitatem, quam participat ab ente, sicut alterā ad suam, & hæc est proportionalitas; ergo erit ens respectu illarum analogum attributionis.

64 Pro solutione huius dubii notandum est, quod in his cōparationibus duobus modis potest sumi ens. Primo secundū limitatum conceptū eiusdē prædicamenti & hoc modo cōparatum ad duas substantias, idē est cum supremo genere substantiæ. Secundo modo potest sumi in tota sua vniuersalitate, prout significat substantiā, & accidens. Omitto tertiam considerationem eius, quam ponūt alii quasi mediam inter utranque, ita ut accipiat pro conceptu minus vniuersali eo, quem habet in secunda acceptione, sed magis vniuersali, quam supremo generi prædicamenti, & ita sit eo superius, quia conceptus iste coincidit cum secūdo, quantū pertinet ad analogiam, aut vniuationem: nam repugnat accipi vniuersalius, quam pro rebus vnius prædicamenti, & non accipi, prout communi aliquo modo multis prædicamentis. Idē est autem accipi pro duobus, ac prout est commune omnibus, quantum pertinet ad analogiam, aut vniuationem, iuxta cōmunem, & probabiliorem sententiā; ergo de hac acce-

ptione non est curandum.

Hoc supposito, duo asserit nostra sententia. Primum, ens primo modo sumptum vniuocum esse respectu rerum eiusdem prædicamenti. Probat, quia idem est ens ita sumptum cum supremo genere eiusdem prædicamenti, sed hoc est vniuocum respectu rerum eiusdem prædicamenti; ergo etiam ens.

Secundū est, si ens secundo modo accipiat in omnibus his cōparationibus, est analogū & non vniuocum, quod sic probat. Analogū in sua propria, & integra significatione prædicatur analogice de singulari analogatis per se sumptis, ut la. ū se animal per se, aut de vniu. & medicina per se, sed ens in sua propria, & integra significatione est analogū, ergo ut analogū prædicatur de substantia per se, & de quolibet accidente per se, & ex cōsequenti de rebus eiusdē prædicamenti, vel diuersorū prædicamentorum accidentium, sed sic sumitur in secūda acceptione, ergo prædicatur analogice de singulari analogatis.

Ad arg. primæ sententiæ distinguendum est antecedēs secundū varias cōsiderationes entis explicatas, nā si secundum primā accipiat, verū est sine attributione, aut respectu participari à duabus speciebus eiusdē prædicamenti, sicut participator supremū genus eiusdem prædicamenti, cū quo conuertitur; si vero accipiat iuxta secūda, negandum est, quia licet dux illæ species non participant rationē entis, cū attributione inter sese, cā tamen participant cū attributione accidentiū ad ipsas, quemadmodū verū est, ac necessarium supremū genus earum participare rationē entis cū attributione accidentiū ad illud in hac prædicatione, substantia est ens, alioqui non esset prædicatio analogi

65

logi formaliter. Quod patet eſſe falſū

Ad rationē alterius opinionis reſponderetur ex doctrina ſuperius tradita, quod proportionalitas nullomodo efficit per ſe nomē analogum: vn de eo ipſo, quod ens non prædicatur ſecundū attributionē, non poteſt prædicari vt analogū, ſed de hoc ſtatim dicemus.

Secunda pars quæſtionis.

An ens ſit analogum comparatum ad ens creatum, & increatum, uel ad Deum, & creaturas.

66 **D**iuerſa eſt cōparatio entis hæc à præcedentibus, quia non ſumitur ens in ſua vniuerſalitate reſpectu ſubſtantię, & accidentis, ſed reſpectu Dei, & creaturarū Per creaturas vero non intelligimus accidentia, nam cum Deus ſit ſubſtantia, manifeſtum eſt ex dictis in prima parte quæſtionis, non poſſe conuenire vniuoce ſub nomine entis cum accidentibus; ſolum ergo intelligitur nomine creaturarum ſubſtantia creata; vnde ſenſus quæſtionis eſt, an ſubſtantia creata, & increata vniuoce conueniant ſub nomine entis.

Et prima opinio aſſerit, ens ad Deum, & creaturas non eſſe vniuocum, ſed æquiucum. Huius ſententię mentionem fecit D. Tho. 1. p. q. 13. art. 5. & q. 7. de potentia, art. 7. & eam videtur tenere Aureolus in. 1. d. 2. quæſt. 1. (niſi forte de æquiuoco loquitur ſub communi acceptione, vt comprehendit analogum,) & po- teſt probari, quia entitas creata al- terius longe rationis eſt ab increata, & in infinitū ab ea diuerſa; ergo ni- hil poteſt habere cōmune cū increa- ta, præter ſolā vocē, & hoc eſt nomē vtrique ſignificans eſſe æquiucū.

Secūda opinio eſt Scot. in 1. d. 3. q.

1. & 3. aſſerētis ens reſpectu ſubſtantię creatę, & increatę habere vnū cōce- ptum communē, & diſtinctū ex natu- ra rei ab vtraque, ſicut ſuperius dixe- rat de cōceptu entis, & ideo eſſe vni- uocum. Eum ſecuntur eius diſcipuli.

Probat̃ur à ſufficienti diuiſione, 67. Ens ita comparatum non eſt æquiuo- cum, non eſt analogum; ergo erit v- niuocum. Probat̃ur prima pars ante- cedentis, nam ſubſtantia creata non eſt omnino diuerſa ab increata, ſed ei ſimilis; ergo non conuenit cum ea in ſola voce, ſed aliquo modo in en- titate ipſa: quare non poteſt ens re- ſpectu vtriuſque eſſe æquiucū. Pro- bat̃ur ſecūda pars hoc modo. Ens nō eſt analogum proportionalitatis, ne- que attributionis; ergo nullo modo. Antecedens probō, quia nomen ens reſpectu Dei, & creaturarum non ſig- nificat proportionalitatē, quod ne- ceſſarium eſt, vt ſit analogum; ergo non eſt analogum proportionalita- tis, ſed nec ſignificat attributionem, nam creatura ſimpliciter eſt ens; ergo non per attributionem ad Deū.

Tertia opinio eſt D. Tho. 1. p. q. 13. art. 5. quod ens reſpectu Dei, & crea- turarū nō ſit æquiucū, nec vniuocū, ſed analogum, quā ſequūt̃ur iam ſe- c omnes, præſertim Ferrar. 1. cōt. gent. c. 32. Scot. q. 4. ante prædicam. P. Fran- ciſ. Suarius in Met. diſp. 28. ſect. 3. P. Vazquez 1. p. d. 22. ca. 5. in fine, & eſt vera, & tenēda. Et quod nō ſit æqui- uocum cōtra primā opinionē effica- citer probatum eſt arg. ſecundę opi- nionis. Sed probatur, quod non ſit v- niuocum aduerſus ſecundam, hac ra- tione. Analogum eſt, quod non parti- cipatur æqualiter, nec ſimpliciter ab analogatis, ſed ab vno per ſe pri- mo, atque ſimpliciter, ab alio, vel aliis non per ſe primo, nec ſimplici- ter, ſed cum eſſentiali attributione,

M 4 ac de-

Tractatus de analogia.

ac dependentia ab illo, sed ita se habet ens respectu Dei, & creaturæ; ergo analogum est, & non vniuocum. Probatur minor, quia entitas conuenit Deo per se, & à se, & conuenit ei simpliciter, sed creaturæ, vt creatura est, non per se primo, nec à se, sed per participationem, & ideo non simpliciter, sed secundum quid.

Ad arg. primę opinionis cōcesso antecedenti neganda est consequentia, nā licet infinita sit distantia inter entitatē creatā, & increatā, aliqua est similitudo per attributionē significata, quia entitas creata est quædā participatio entitatis diuinę, & hoc sufficit, vt nō sint omnino diuersæ, & vt respectu illarum non sit nomē æquiuocum ens.

Ad arg. secūde opinionis, negandū est antecedēs, & rursus dū probatur, quod ens non significat Deū, & creaturam secundū attributionem, quia creatura est ens simpliciter, distinguendū est, nā duobus modis potest significari creatura: primo nomine entis, secūdo nomine entis creati, vt significatur cōparatione Dei per nomen ens, vt commune ad ens creatū, & increatum: & si primo modo accipiat, non significatur cum attributione ad Deum, sed absolute, & ideo dicitur simpliciter ens; significata vero secundo modo attributionem dicit, & ratione illius non vocatur ens simpliciter, sed secundum quid, hoc est, ens per participationem: & ex hoc habetur, quod nomen ens, vt significat ens creatum, & increatum, analogum sit, & non vniuocum.

Quæ analogia dicatur ens respectu substantiæ, & accidentis, atque etiam respectu Dei, & creaturarum.

(?)

Prima opinio est aliquorum modernorum, qui vtramque analogiā proportionalitatis, & attributionis tribuūt enti respectu substantiæ, & accidentis, atque etiam respectu Dei, & creaturarum. Probant hoc arg. Illud est analogum proportionalitatis, & attributionis, inter cuius analogata reperitur proportionalitas, & attributio, sed inter substantiam, & accidens, & inter ens creatū, & increatum reperitur vtraque; ergo dicitur analogum proportionalitatis, & attributionis. Probatur minor, nam verum imprimis est, quod sicut se habet substantia ad suū esse, quod participat ab ente, ita accidens ad suum, quod participat ab eodem; ergo habent inter se proportionalitatem. De attributione vero videtur manifestum, quia accidens dicitur ens per attributionem ad substantiam, & ens creatū per participationē, & attributionem ad increatum.

Secundā opinio est, non esse analogiā attributionis, sed proportionalitatis tantū, quia accidēs vocatur absolute ens in cōmuni modo loquendi, & multo melius substantia creata; ergo nō sunt entia per attributionē. Probatur cōsequentia, quia quod tale est per solam attributionem ad aliud, non dicitur tale simpliciter, sed secundum quid, vt de vrina, & Medicina patet.

Tertia sententia est, non esse analogiā proportionalitatis, sed solius attributionis, hæc est, conformis doctrinæ D. Thom. & probabilior, ideo eam sequitur iam maior modernorum pars. Sed non omnes in eodem sensu, aut propter eandem rationem eam tenet: nam quidam fatentur, non solam attributionem reperiri inter analogata, sed etiam proportionalitatem, sed hanc ideo.

69

ideo non facere ens analogum, quia non significatur per illud; non enim significatur substantia, & accidens nomine entis, in quantum quodlibet sic se habet ad suum esse, sicut alterum, licet hanc proportionalitatem habeant, & secundum eam possint concipi ab intellectu; ergo talis proportionalitas non efficit ens analogum proportionalitatis. Probatur consequentia, quia non dicuntur aliqua analogata alicuius nominis analogi, nec nomen ipsum dicitur analogum respectu illorum, nisi ea significet, ut talem habent analogiam, sed non potest ea ita significare, nisi analogiam significando; ergo si eam non significet, ut probatum est non significare ens, non dicitur ab illa analogum, quamvis inter res significatas reperitur.

70 Nos vero alia via hanc sententiam defendimus, (ut superius diximus) fatemur enim proportionalitatem reperiri inter utraque analogata entis, sed dicimus proportionalitatem, siue significetur per nomen analogum, siue non, sufficientem non esse ad efficiendum illud analogum, quod superius agentes de speciebus analogiae probauimus. Ideo non datur analogum proportionalitatis, nec ens tale vocari debet; sed analogum attributionis, quia sola attributio vera analogia reputanda est, & sola illa analogum facit nomen, & semper significatur per nomen analogum. Necessarium est enim analogiam significari per nomen, ut illud analogum constituat, quod efficaciter probatum est argumento illo pro nostra sententia ab his, qui eam alia via defendunt.

Sed ad argumentum alterius opinionis distinguendum est antecedens, dum dicitur accidens vocari simpli-

citer ens, & etiam ens creatum, nam aliquid esse, aut dici simpliciter ens duplicem sensum habere potest, primus est, ut sit ens intrinsece, formaliter, & non per solam denominationem extrinsecam, & in hoc sensu verum est accidens esse ens simpliciter, & etiam ens creatum. Alter sensus est, quod aliquid sit ens sine addito, & hoc modo de nullo analogato minus principali prædicatur simpliciter analogum, sed de omnibus cum illo addito (secundum quid) & ratio huius est, quia licet formaliter participet rationem analogi, non nisi per essentialem dependentiam, & attributionem ad principale analogatum, & ideo non nisi secundum quid; quod ut significaret Aristoteles asseruit accidens non esse ens, sed entis ens. Et ita loquendum est de quocunque alio analogato minus principali cuiuslibet analogi, cum probatum sit, omne analogum esse attributionis. Et hoc significat etiam illud commune proloquium (analogum per se sumptum stat pro famosiori significato) cuius sensus est, quod licet omnia significet, sed principale tantum simpliciter, & sine addito, quare dum absolute profertur analogum, pro eo tantum supponit.

Et si dixeris, ex hoc sequi hanc propositionem esse veram, omne ens est substantia, imo esse identicam, quod sic probatur. Ens absolute sumptum solum supponit pro substantia; ergo subiectum, & prædicatum idem sunt. Respondeo neutrum sequi, non primum, quod propositio sit vera, quia analogum absolute sumptum semper significat omnia sua analogata, sed pro solo primo stare dicitur, si per se accipitur; quia reliqua non sunt talia sine addito: in subiecto autem illius propositionis, omne ens

M 5 est-

Tractatus de analogia.

est substantia non sumitur absolutè, aut per se ens, sed cum addito distributionis, quæ in nomen analogum fertur, secundum significationem analogi, & ideo in omnia analogata, quare sicut non pro solo principali distribuitur, sic non pro solo illo supponitur, & ideo non est vera propositio, quia prædicatum solum continet vnum analogatum, subiectum vero distributive omnia: & hæc est ratio propter quam non potest verificari de subiecto. Quod vero non sit identica, ex eodem est manifestum, cum plus significet subiectum, quam prædicatum; atque etiam ex alio, quia licet subiectum solum pro substantia supponeret, non significat eam expresse ac distinctè, sed confuse tantum, & in prædicato significatur distinctè, & expresse: diversus autem modus significandi prædicati, & subiecti sufficit, ut propositio non sit identica.

72 Ad argumētum primæ opinionis dupliciter respondetur. Primo distinguendo antecedens, nam duobus modis potest reperiri proportionalitas inter analogata: primo, ita ut per nomen analogū significetur, & si ita reperiretur, sufficeret facere illud analogum: alio modo reperitur non significata, sed quam potest intellectus in eis concipere; & sic non facit nomen analogum. Et hoc modo non solum in analogis, sed in æquivocis, & univocis reperitur: primo vero modo in nullis, sed si imponeretur nomen aliquod, à quo significarentur analogata; ut habent proportionalitatem, ex ea sola esset analogum, sed per nomen ens non significatur, & ideo non probatur, quod sit analogū attributionis.

Secundo respondetur negando absolute antecedens, quod proportio-

nalitas ex se, siue significata, siue nō significata efficiat nomen analogū: unde licet reperiatur inter significata entis, non sequitur esse analogum proportionalitatis.

Ad argumentum secundæ, distinguendum est antecedens, nam si ens simpliciter idem sit, quod ens intrinsece, & formaliter, verum est: si vero simpliciter sumatur prout distinguitur: contra secundū quid, falsum est, ut probauimus; cum ex attributione proneniat, quod minus principalia analogata non dicantur talia, nisi secundum quid, non probatur, quod ens non sit analogum attributionis.

*Virum accidēs sit uniuocum ad nomen
prædicamenta accidentium,
uel analogum.*

MAior difficultas est de accidenti respectu omnium accidentium, an sit uniuocum, vel analogum. In qua præsupponendum est primo, quæstionem non procedere de accidenti vniuersalissimè sumpto prout ut communi ad accidentia realia, & rationis, nam sic certū est esse analogum, cum accidentia rationis non sint accidentia, nisi per similitudinem, & attributionem ad accidentia realia, quare non potest abstrahi ab utrisque cōceptus communis uniuocus. Secundo, certum est, nec etiam procedere de accidenti reali prout significat tam accidentia intrinseca, hoc est vere inhærentia in subiecto, quam extrinsecas denominationes reales, ut dexteritatem, & similes, quæ passim reperiuntur in sex ultimis prædicamentis, (quamvis ego non intelligam ex sola denominatione extrinseca posse fieri prædicamentum reale ut suo loco probabo)

naup

nam denominationes istæ non sunt vera accidentia, sed solum per attributionem, & similitudinem ad ea, quæ inherent subiecto, dicuntur: unde respectu omnium non potest accidens esse uniuocum. Sed solum loquimur de accidenti reali, prout significat ea solum, quæ inherent subiectis; de quo inquirimus, an sit uniuocum, vel analogum.

73 Et prima opinio asserit esse uniuocum, ita Sotus quaest. 2. ante prædicamentorum, & plures moderni: sed dissentit à Soto in eo, quod ita asserunt esse uniuocum, ut etiam sit genus constituens vnum prædicamentum omnium accidentium, sicut substantia constituit vnum prædicamentum omnium substantiarum, Sotus vero negat esse genus.

Duo possunt probari pro hac sententia. Primum, quod accidens non sit analogum. Secundum, quod sit uniuocum. Et hoc secundum eisdem propositis argumentis probari solet, quibus probatum est superius ens esse uniuocum: & ideo non sunt hoc loco repetenda; sed solum probabitur primum ex definitione analogorum: Analogi sunt, quorum nomen est commune, ratio vero substantiæ, nec omnino eadem, nec omnino diuersa: sed ratio accidentis omnino est eadem; ergo non est analogum, sed uniuocum. Probatur minor, ratio accidentis est esse in subiecto, sed esse in subiecto formaliter, & intrinsece conuenit omnibus accidentibus, & etiam æqualiter & simpliciter, ergo non est diuersa in eis, sed eadem.

74 Huic argumento solet responderi, quod licet accidentia non dicantur per attributionem ad vnum accidens, sed omnia dicunt attributionem ad substantiam, & intrinsecam dependentiam ab ea, & hæc sufficit

ut inter sese dicantur analogice sub nomine accidentis. Sed probatur hoc non sufficere duplici ratione, prima, quia ut attributio constituat analogiam, inter significata analogata versari debet, sicut analogia ipsa; sed substantia non est analogatum accidentis, cum non significetur eo nomine; ergo attributio accidentium ad illam, non constituit accidens analogum, sed solum ens, à quo significatur omnia.

Secundo, attributio ad substantiam æquè primo conuenit omnibus accidentibus, atque etiam intrinsece, & formaliter: ergo uniuoce conueniunt in ea: sed secundum talem attributionem significatur nomine accidentis; ergo uniuoce, & non analogice significantur.

Secunda opinio tenet accidens non esse uniuocum, sed analogum, ita Soncinas 4. Metaphysicæ, quaest. 1. ad 1. Caic. de ente, & essentia cap. 7. quaest. 15. ad 4. pater Franciscus Soarius in Meta. dispu. 59. q. 3. pater Vazquez. 1. p. d. 14. cap. 2. Fonseca 5. Meta. cap. 7. q. 2. sect. 4. & hæc est probabilior, & tenenda.

Sed diuersis modis probatur à diuersis, & ratio aliquorum est proportionalitas, quæ reperitur inter accidentia, quia sicut vnum se habet ad suum esse, quod ab accidenti participat, sic se habet aliud, & hæc sufficit, ut accidens sit analogum respectu omnium. Sed hæc ratio insufficiens est; nam ut superius probauimus, proportionalitas non significatur per nomen, & ideo non sufficit illud facere analogum, & etiam si significaretur non sufficeret.

Ideo alii, qui solâ attributionem verâ constituere analogatâ nobiscum sentiant, dicunt reperiri attributionem inter accidentia, quia omnia dicuntur talia

Tractatus de analogia.

talia in ordine ad quantitatem, ratio
ne cuius inhxerent subiecto. Sed hoc
probatu falsum, quia nullū accidēs
spirituale inhxeret subiecto media
quantitate, neque omnia accidentia
corporea; nam generatio substantia-
lis inhxeret materiæ primæ antequā
ritatem, & relatio totius substantia-
lis ad materiam, & formam, & rela-
tio materiæ, & formæ inter sese; ergo
falsum est, quod dicantur per at-
tributionem ad quantitatem.

Alii denique probant accidens nō
esse vniuocum, quia saltem respectu
accidentis absoluti, & relatiui non
potest habere rationem vniuocam:
nam vel conceptus abstractus ab
utroque est absolutus, aut relatiuus:
non absolutus, quia non conueniret
inferiori accidenti relatiuo, nec po-
test esse relatiuus, quia non conueni-
ret inferiori absoluto; ergo nec po-
test esse vniuocus, & si dicās, nec esse
relatiuum, nec absolutum, sed abstra-
here ab utraque ratione, vt abstra-
hūt cetera vniuoca à particularibus
rationibus vniuocatorum. Probatu
hoc esse falsum; quia si talis concep-
tus abstrahit à relatiuo & absoluto,
eo ipso debet esse absolutus; nam si
abstrahit à relatiuo, ergo iam non
respicit terminum: sed quod non res-
picit terminum est absolutum; ergo
talis conceptus absolutus erit, &
non abstrahet ab absoluto, & rela-
tiuo.

76 Hæc tamen ratio insufficiens mi-
hi videtur, quia non probat talem
conceptum non posse abstrahere ab
absoluto, & relatiuo, & ideo non pro-
bat, quod vniuocus esse non possit.
Nam dicam ego relationem duplicē
conceptum habere, primum, quo res-
picit subiectum, & hic est ei commu-
nis cum accidentibus absolutis. Secū-
dum, quo respicit terminum, & iste

est conceptus specialis, quo distin-
guitur à ceteris prædicamentis; &
per primum conceptum non respicit
relatio terminum, sed per secūdum.
Dum autem sic arguitur, ille concep-
tus non respicit terminum, ergo est
absolutus, neganda est consequentia,
quia medium dari potest inter con-
ceptum absolutum, & respicientem
terminum, & tale medium est conce-
ptus abstrahens ab absoluto, & rela-
tiuo, qui nec respicit terminum, nec
excludit respectum ad terminum,
sed solum dicit rationem communē
contrahibilem per respectum ad ter-
minum, & per rationem absolutam,
quæ non solum non dicit respectum
ad terminum, sed eum excludit, quē
non excludit conceptus communis
abstrahens à relatiuo, & absoluto.
Non ergo probatur illa ratione,
quod accidens non possit esse vni-
uocum.

Vt igitur hoc efficaciter probetur, 77
annotanda est doctrina D. Thom. 1.
par. quæst. 13. art. 5. vbi de analogis lo-
quens ait. Nomen analogum duobus
modis significare attributionem, vel
vnius ad alterum, vel multorum ad
vnum, & ponit exemplum vtriusque
in sano, quod analogum est attribu-
tionis respectu medicinæ, & anima-
lis, per attributionem vnius ad alte-
rum, nam medicina dicitur sana, quia
est causa sanitatis animalis: sed idem
sanū dicitur analogice respectu vrin-
æ, & medicinæ, non quia vnum ho-
rum habeat attributionem ad alte-
rum; sed quia vtrumque dicitur ta-
le per attributionem ad tertium, nē
pe ad animal, vrina quidem tāquam
signum sanitatis eius, medicina vero
tāquam causa.

Ex hac doctrina applicata ad pro-
positū colligi potest argumentū effi-
cax, ad probandum accidens esse ana-
logum,

logam, nam vterque modus attributionis, nempe vnus ad alterum, vel multorum ad vnum efficit nomen analogum: sed in accidentibus reperitur secundus modus attributionis; ergo accidens erit analogum attributionis respectu eorum, sicut sanū respectu vrinæ, & medicinæ. Probatur consequentia, quia omnia accidentia significantur cū intrinseca attributione ad substantiam. Sed contra hoc sic arguo. Nā imprimis videtur non bene colligi argum. ex doctrina D. Thom. neque habere vllam vim ad probandum analogiam accidentis, quia D. Thom. vtrumque illum modum attributionis assignat inter significata eiusdem nominis, scilicet, nempe animal, vrinam, & medicinam. Et ita significari necessarium est, vt probat hoc argu. Analogia solum reperitur inter significata eiusdem nominis analogi, & non inter significata diuersorum nominum, vt ex definitione constat. *Analogia sunt, quorum nomen est commune &c.* Sed nomine accidentis non significatur substantia, sed sola accidentia; ergo attributio inter hæc versari debet, vt efficiat nomen accidentis analogum, ita vt attributio sit vnus ad alterum, vel multorum ad vnum per tale nomen significatum, & non sufficit esse inter illa, & substantiam, non significantem eodem nomine.

78 Quod confirmari potest, & declarari simul; nam attributio accidentium ad substantiam facit quidem analogiam attributionis multorum ad vnum in ente, à quo significantur omnia; sed non potest facere analogiam in accidente, à quo non significantur omnia, sicut non facit analogiam in nomine, substantia, licet sit vnum analogatum entis cum accidentibus, & ideo ei attribuantur accidentia,

ex eo solum, quod nomine substantiæ non significantur, non ergo videtur hac via efficaciter probari quod accidens sit analogum. Probatur minor, quia ex eo quod accidentia attribuantur substantiæ, solum sequitur, quod non sint entia simpliciter, non vero, quod non sint accidentia simpliciter, ergo talis attributio ad substantiam facit analogiam in ente: à quo significantur omnia, non in accidenti. Probatur consequentia, quia necessarium est in omnibus analogis, vnū esse tale simpliciter, aliud, vel alia secundum quid. His tamen non obstantibus expressa mens D. Thom. est sufficere talem attributionem ad analogiam, quia non possunt distingui duo illi modi attributionis vnus ad alterum, & multorum ad vnum, vt eos distinguit D. Thom. nisi duobus etiam modis accipiat, scilicet, in quo vtrumque contineri affirmat. Primo quidem respectu solius medicinæ, & vrinæ; deinde respectu solius medicinæ, & animalis: nam si respectu omnium sumatur, necesse est plura attribui eidem; ergo non habebit locum attributio secunda, quæ est vnus ad alterum, probatur consequentia, quia impossibile est sumere ens in ordine ad decem prædicamenta, & constituere in eo attributionem vnus ad alterum, sed solum multorum ad vnum, quia attributio vnus ad alterum inter duo tantum potest reperiri, non inter multa, nisi omnia sumantur pro vno; ergo impossibile est constituere in sano, attributionem vnus ad alterum, hoc est medicinæ ad animal, nisi sumendo illud, pro vt solum significat hæc duo, & ex consequenti constituitur alius modus attributionis distinctus, qui est multorum ad vnum, accipiendo idem nomen prout tantum

Tractatus de analogia.

tantum significat, quæ attribuuntur tertio.

79 Sed ratione probatur, sufficere tale attributionem multorum ad vñũ, etiam si illud vñum non significet per idem nomen: quia quando attributio multorum ad vñum intrinseca est eis, vt per tale nomen significantur, vera est attributio, & per nomen significata licet non significetur per nomen illud vñum ad quod est attributio, nō minus, quam si per nomen significaretur; ergo non minus efficit nomen analogum. Probatur consequentia ex definitione analogorum, quia tale nomen significat plura in quantum habent attributionem, ergo est analogum; deinde quia attributio significata per nomen vera est analogia, & ea quæ cum tali attributione significantur, vera analogata, impertinens igitur est per nomen significari illud, respectu cuius est attributio.

80 Ad obiectionē principalem propositam respondetur negando impri-
mis, quod hæc analogia non sit ex mente D. Thom. deinde negando etiā, quod vtrumque modum attributionis vnus ad alterum, & multorum ad vñum ponat D. Thom. inter ea tantum, quæ significantur eodem nomine; nam expresse asserit, sanum respectu vrinæ, & medicinæ esse analogū attributionis multorum ad vñũ, sed respectu medicinæ, & animalis attributionis vnus ad alterum; ergo non sumit sanū vt significat omnia. Nec id reputat necessarium, sed vt significat minus principalia cum attributione ad principale etiam non significatum. Probatur consequentia, quia si illud accipiat secundum integram significationem omnium, non potest vtrumque modum attributionis distinguere, quia attributio vnus ad al-

terum non est nisi inter duo. Præterea D. Thom. expresse docet, quemlibet modum attributionis per se facere analogiam, sed modus attributionis multorum ad vñum reperitur in analogatis, etiam si illud vñum non significetur per nomen, vt iam probaui, ergo sufficit nomen analogum facere.

Ad argumē. vero distinguendum est antecedens, quia modus attributionis efficiens nomen analogum duplex est, vt asserit D. Tho. vel vnus ad alterum, & secundum hunc modum attributionis nō potest esse analogia, nisi vtrumque significetur eodem nomine, vel multorum ad vñũ, & modus iste reperitur quidem inter significata eiusdem nominis, sed quia est in ordine ad tertium, vtroque modo contingit, nempe ad tertium significatum eodem nomine, vel diuerso. Et ratio huius est, quia cum ea quæ attribuuntur alteri, sint multa, potest talis attributio adæquate, atque complete significari per nomen commune omnium, vel quasi inadæquate, & partialiter, quod est, quasi diuidi in totalem, & partialem. Et ita est in sano, atque etiam in ente, & accidente, nam sanum potest accipi in sua integra significatione, & tunc efficit quasi completam analogiam; vel potest coarctari ad sola analogata minus principalia, & efficit quasi incompletam, aut partialem, sed sufficientem; quia cū attributio ad principale sit eis intrinseca, non possunt sine illa significari: significata autē cum attributione non possunt nisi analogice significari. Probatur efficaciter, quia vniuersis repugnat significari cum attributione ad principale analogatum, cum quo apta sunt analogiam facere; ergo analogata sunt, siue eodē nomine significetur

prin-

principale, vel diuerso. Analogia qui-
dem quasi inadæquata, & partiali,
cum tamen ex modo, quo significan-
tur apta sint efficere analogiam cõ-
pletã sub nomine vniuersaliori, quo
significentur omnia, & hoc modo in-
telligenda est analogia accidentis.
Secundo possemus etiam resõdere,
aliquemodo significari substantiam
nomine accidentis, non in recto, sed
in obliquo, quia accidēs idem est ac-
cētis ens, vt dixit Aristotel. id est ens
substantiæ: sufficit autem ita signifi-
cari, vt attributio accidētium ad sub-
stantiã aliquo modo dicatur esse in-
ter significata eiusdem nominis ana-
logi, atque etiam vt aliquo modo no-
men accidentis sit commune accidē-
tibus, & substantiæ.

Nec contrarium est hoc definitio-
ni analogiæ, qua dicitur nomen ana-
logum commune esse analogatis, nã
commune est nomen his, quibus con-
uenit attributio, licet non sit cõmun-
e ei, ad quod habent attributionē,
quia hoc non est analogatũ talis no-
minis, sed illa tantum.

Ad confirmationem negãdum est
antecedens, quod attributio acciden-
tium ad substantiam solum efficiat
analogiam in ente, & non in acciden-
te, sed dicendum in vtroque eã effi-
cere, quia per vtrumque nomen sig-
nificatur: sed in ente efficit quasi cõ-
pletam, & totalem; in accidente ve-
ro incompletam, & partialem, quia
in trìnsece præsupponentem illam, &
intrinsece ab ea dependentem. In no-
mine autem substantiæ non fit ana-
logia, quia nec substantia habet at-
tributionem ad accidētia, nec etiam
si haberet eam, significaretur eo no-
mine, vt superius prebatum est.

Aliud tandem quod in eadem cõ-
firmatione dicitur, attributionem ac-
cidentium ad substantiam solum ef-

ficere, quod sint entia secundũ quid,
non vero quod sint accidentia secun-
dum quid, concedendum est, negan-
da tamen consequentia, quod non
efficiat analogiam sub nomine acci-
dentis; nam ad analogiam attributio-
nis non requiritur necessario, quod
analogata, vel aliquod eorum sit ta-
le secundum quid sub particulari no-
mine, quo ea tantum significantur,
sed sufficit, quod sint talia secundũ
quid respectu eius, ad quod attribui-
tur, nam ex hoc habetur esse analo-
gata cum eo sub nomine vniuersalio-
ri, completa, & totali analogia; & cõ-
sequenter analogia incompleta ac-
dependenti sub particulari nomine,
quo significantur, sub quo nõ est ne-
cessarium dici talia secundum quid,
sed illud esse secundũ quid, quod ha-
bēt ex propria natura, dicitur de eis
simpliciter, vt significantur particu-
lari nomine, & ideo sub eo dicuntur
talìa secundum quid simpliciter (vt
sic loquamur) Et hoc patet in acci-
dentibus, nã dici accidētia simpliciter,
non est aliud, quam dici simpliciter
entia secundum quid: atque etiam
in sano respectu solius medicinæ, &
vrinæ. Imo ex hec satis clare intelli-
gitur vtroque nomine analogice sig-
nificari, cum vtroque nomine signifi-
centur cum attributione, & propter
eandem attributionem, cum qua sig-
nificatur, vt sub vtroque nomine sig-
nificata dicantur talia secundum quid
formaliter, vel præsuppositiue præ-
suppositione eis in trìnseca; quæ om-
nia vniuersis repugnant. Et si tandẽ
objiciatur, omnes potentias ordinari
ad obiectum, & hoc non sufficere vt
potentia in communi sit analogum
ad illas. Respondeo, non dicere ordi-
nẽ attributionis, sicut accidentia ad
substantiam, sed specificationis tan-
tum, & ideo non esse analogata.

83

An

Tractatus de analogia.

*An necesse sit accidens esse genus, si sit
vniuocum.*

84 **M**ulti ex his, qui tenent accidens esse vniuocum, negant esse genus, ut Iauellus, & Sotus ubi supra; sed non assignant eandem rationem, nam Iauellus ait, ideo non esse genus, quia non est extra rationem differentiarum & modorum, sed cum transcendens sit, in eis necessario includitur, at hoc est contra rationem generis, quod, ut supra probauimus, debet esse extra rationem differentiarum, alioqui non poterit per eas contrahi. Hæc tamen ratio insufficiens est, quia, ut superius probauimus, non potest accidens includi in modis intrinsecis, & ultimis differentis, quin eas etiam in se includat actus, licet confusio sint entitates quædam accidentales: sed eas includens non potest habere conceptum ab eis abstractum, ut constat, ergo neque vniuocum. Probatur consequentia, quia talis conceptus non abstrahit à diuersitate, sed eam includit; ergo non est vniuocum, si non sit genus.

Secunda opinio est Soti asserentis, ideo accidens non esse genus, licet sit vniuocum, quia genus pertinet ad quidditatem specierum; sed accidens non significat quidditatem accidentium, sed esse eorum in substantia, ergo non est genus. Hoc autem probatur falsum duplici ratione. Prima, quia non minus pertinet ad rationem vniuoci esse de quidditate inferiorum, quam ad rationem generis; si ergo accidens ideo non est genus, quia non dicit quidditatem accidentium, sequitur eadem ratione non esse vniuocum. Probatur maior ex definitione vniuocorum: Vniuoca enim

sunt, quorum nomen est commune, ratio vero substantiæ eadem. Per rationem autem substantiæ intelligit Aristoteles, & omnes definitionem, vel conceptam quidditatum: in his quæ definitione carent, ergo repugnat aliquid esse vniuocum, & non esse de quidditate inferiorum.

Secunda, quia falsum est, quod accidens non dicat quidditatem accidentium, quod sic probō. Eos pertinet ad quidditatem entium particularium, & diuiditur, ut tale in substantiam, & accidens, tanquam in membra opposita, & adæquata rationi eius: sed substantia dicit quidditatem substantiarum inferiorum; ergo accidens quidditatem inferiorum accidentium.

Nostra igitur sententia est, non posse accidens esse vniuocum, quin eo ipso sit genus omnium accidentium; unde qui asserit vniuocum esse, consequenter dicere debet esse genus. Probatur, quia nulla potest assignari ratio sufficiens excludendi vniuocum à ratione generis, ut probatum est ex refutatione aliarum opinionum.

An saltem respectu aliquorum accidentium, aut predicamentorum possit esse accidens vniuocum.

Prima opinio tenet, accidens respectu aliquorum accidentium, ut quantitatis, & qualitatis, aut etiam ceterorum intrinsecorum esse vniuocum. Ita pater Franciscus Suarius in Metaph. disp. 39. sectione 3. no. 15. & probat hoc argu. Accidens respectu horum non est analogum proportionalitatis, nec attributionis, ergo nullam habet analogiam, sed est vniuocum. Euidens est consequentia, quia

quia nullus ponit plures modos analogiz. Sed probat antecedens, quia analogia proportionalitatis nullam habent conuenientiam intrinsecam, ut patet de risu hominis, & prati, sed accidentia hæc habent conuenientiam intrinsecam, cum omnia inhæreant realiter subjecto; ergo non potest esse analogum proportionalitatis accidens respectu eorum. De analogia vero attributionis probat, quia nullum accidens horum dicitur tale per attributionem ad alterum, ut satis est manifestum; ergo non est accidens respectu eorum analogum attributionis.

87 Nostra tamen sententia opposita est, quod nec respectu horum accidentium possit accidens esse uniuocum, sed analogum. Probatur duplici ratione. Prima, quia sicut accidens respectu omnium accidentium non potest abstrahi à modis intrinsecis eorum, ita nec respectu accidentium intrinsecorum potest abstrahi à modis eorum, ergo sicut non est uniuocum, sed analogum respectu omnium, ita nec respectu horum. Probatur antecedens, quia ideo respectu omnium non potest abstrahi à modis, quia modi non sunt aliud, quam entitates quædam accidentales expressius significatæ, & propterea necesse est, ut sub significatione uniuersali accidentis, actu licet confuse comprehendantur. Quo supposito, conceptus accidentis nec abstractus, neque vnus esse potest, sed eodem modo se habet ad intrinsecam, si cum illis solis comparetur, ut ex se patet; ergo nec respectu eorum potest esse uniuocum.

88 Quod vero sit analogum, eadem ratione probatur, qua probauimus esse analogum respectu omnium, quia intrinseca accidentia

significat cum attributione ad substantiam, sicut sanum, si respectu sanorum extrinsecorum, quæ sunt vrina, & medicina, solum accipitur; ergo continet modum attributionis multorum ad vnum sufficientem ad efficiendum nomen analogum, ut probatum est.

Ad argumentum alterius sententiz, negandum est antecedens, quod accidens respectu intrinsecorum non sit analogum attributionis, quia licet non significet ea cum modo attributionis vnus ad alterum, bene tamen cum attributione multorum ad vnum, nempe ad substantiam, cuius aliquid sunt, & ut aliquid eius significatur, ut de accidenti respectu omnium diximus.

Ex quibus sequitur, quia analogia accidens sit analogum, tam respectu omnium accidentium, quam solum respectu intrinsecorum, nempe analogia attributionis multorum ad vnum.

An vero respectu accidentium completorum uniuocum esse possit, vel etiam sit analogum, eodem modo respondendum est, & eisdem rationibus probandum, quod non sit uniuocum, sed analogum, quibus probatum est de ente in ordine ad sola entia incompleta. Et hæc sint satis de analogia nominum.

CAPVT SECVNDVM
de diuisione eorum, quæ
dicuntur, &
sunt,

TEXTVS ARIST.

Eorum quæ sunt, alia de subie-

N & o

Ca.3.de regulis prædicatorū essentialiū.q.vnica:

cto aliquo dicuntur,in subie-
cto vero nullo sunt, &c.

Textus expositio.

Intentum Aristotelis est tradere
duas diuisiones, vnā eorum quæ
dicuntur, aliam eorum quæ sunt,
& hoc tantum agit in toto capite,
quod ideo non eget diuisione.

Prima diuisio non est rerum, sed
vorum, vt significant res; quia com-
plexio non conuenit rebus, sed vo-
cibus, vt eas significant. Afferit er-
go Aristotel. ea quæ dicuntur, quæ-
dam cum complexione, alia sine com-
plexione dicuntur, quasi dicat vo-
ces, quæ significant res alias esse com-
plexas, vt homo albus; alias incom-
plexas, vt color, aut animal. Quod
idem est, ac si dicatur, quædam esse
simplices, alias compositas.

Secunda diuisio rerum est, sed vt
intelligatur notari debet, quod esse
in subiecto, & dici de subiecto parti-
culari quodam modo sumuntur ab
Aristotel. in ea, nam esse in subiecto
sumit pro vera, & reali inhaerentia in
eo, & dici de subiecto, tanquam de
quidditate inferiori, vt animal de
homine, & homo de Petro.

Hoc supposito diuisio talis est,
eorum quæ sunt, quædam de subie-
cto dicuntur, & in subiecto nō sunt,
vt homo, qui dicitur de Petro, non
est tamen in eo per realem inhaeren-
tiam, sed substantialiter, ideo non vt
in subiecto. Alia in subiecto sunt,
sed de nullo subiecto dicuntur, vt ac-
cidentia singularia, nam hæc albe-
do in pariete inhaeret, sed de nullo
subiecto dicitur, quia non habet in-
feriora quidditatiuē, de quibus præ-
dicari possit; licet accidentaliter di-
catur de pariete, & aliis corporibus.

Alia de subiecto dicuntur, & in sub-
iecto sunt, vt accidentia abstracta
à suis inferioribus, nempe genus ab
speciebus, & species ab indiuiduis;
color enim de albedine, & nigredine
dicitur, & in pariete, & homine
inhaeret. Alia denique sunt, quæ
nec sunt in subiecto, nec dicuntur de
subiecto, vt singulares substantiæ,
Petrus, & Ioannes.

CAPVT TERTIVM de regulis prædicatorū essentialiū.

TEX. ARISTOTELIS.

Quando alterum de altero præ-
dicatur vt de subiecto, quæ-
cunque de eo, quod prædica-
tur dicuntur, omnia etiam de
subiecto dicuntur.

Textus expositio.

Intentum Aristotelis est tradere
duas regulas prædicatorum essen-
tialium, & hoc tantum agit in to-
to capite. Prima diuisio est, quan-
do aliquid prædicatur de aliquo tan-
quam de subiecto, hoc est, tanquam
de quidditate inferiori, quæcun-
que dicuntur de prædicato, necesse
est prædicari de subiecto. Ita se ha-
bent quæcunque prædicata posita
in recta linea prædicamentali, vt ani-
mal prædicatur de homine, & leo-
ne; ideo quæcunque prædicatur de
animali, necesse est prædicari de ho-
mine.

Secundā

Secunda regula obscurior est, & sic habetur in translatione Boetii, diuersorum generum, & non subalternatim positum diuersæ sunt specie differentiz, vt animalis, & scientiz. Si vero subalternatim ponantur, eandem differentias habere possunt. Vt animal, & viuens eandem habent differentiam, quia differentiz viuents includuntur in animali.

QVAESTIO VNICA.

An genera non subalternatim posita possint habere aliquam differentiam communem.

3 **D**vas habet partes quæstio hæc, prima quærit, quid intelligat Aristoteles per genera subalternatim posita, & non subalternatim posita. Secundum, an possint habere aliquam differentiam communem.

Prima pars quæstionis.

Circa primam partem duæ sunt opiniones. Prima asserit, genera subalternatim posita ea solum esse, quorum vnum collocatur sub altero, vt animal, & viuens: & non subalternatim posita, ea, quorum vnū non est sub altero, sed ambo sunt sub tertio, vt animal, & planta, vel etiam, quæ nec vnum sub altero, nec ambo sub tertio, vt sunt ea, quæ in diuersis prædicamentis collocantur, qualia sunt animal, & scientia. Ita Sotus in expositione huius regulæ.

Probat duobus testimoniis Ari-

stotelis, primum in hoc capite, vbi secundum translationem Argiropoli vocantur genera subalternatim posita ea, quorum vnum est sub altero, & non subalternatim posita, quorum vnum non est sub altero. Alterum testimonium habetur primo lib. Topicorum capite 13. vbi genera subalternata vocat Aristoteles subalternatim posita, sed genera subalternata sunt, quorum vnum est sub altero; ergo non subalternatim posita erunt illa, quorum vnum non est sub altero, licet vtrumque sit sub tertio.

Probat deinde ratione, quia si per genera subalternatim posita, non solum intelliguntur ea, quorum vnū non est sub altero, sed etiam illa quæ sunt sub tertio; sequitur genera non subalternatim posita ea solum esse quæ in diuersis prædicamentis sunt; de quibus euident est, non posse habere differentiam communem, cum sint in diuerso gradu effendi: quare nihil difficultatis haberet regula hæc; quam tamen difficilem efficiunt omnes interpretes.

Nostri sententia est, per genera non subalternatim posita intelligi non solum ea, quorum vnum non est sub altero, sed etiam, quæ sunt sub tertio. Et ideo non subalternatim posita ea solum esse, quæ in diuersis prædicamentis sunt.

Probat expresse testimonio Aristotelis 6. lib. Topicorum capit. 2. loco 47. vbi duo asserit. Primum, genera subalterna non solum appellari ea, quorum vnum est sub altero, sed etiam, quæ sunt sub tertio. Secundum, genera illa, quæ sunt sub tertio habere differentiam communem, vt animal gressibile, & animal volatile ha-

N 2 bent

Cap.3.de regulis prædic.essentialiũ.q.vnica.

bent bipedem pro differentia communi. Ex quo sequitur quod vel non dicatur non subalternatim posita, vel falsa sit regula Aristotelis, quod genera non subalternatim posita non possint habere differentiam communem.

Deinde probatur ratione. Primo, quia genera non subalternatim posita, ex Aristotele non possunt habere differentiam communem; sed ea quorum vnum non est sub altero, sed ambo sub tertio habent differentiam communem; ergo non dicuntur non subalternatim posita ab Aristotele. Probatur minor, quia quantitas diuiditur in successiuam, & permanentem tanquam in duo genera, quorum vnum non est sub altero, & habent differentiam communem, nam differentia continui communis est utrique, atque etiam differentia discreti, siquidem, tam quantitas permanens, quã successiua diuiditur in continuam, & discretam.

Secundo, quia eadem sunt genera subalterna, & subalternatim posita, sed ea quorum vtrumque est sub tertio, sunt subalterna respectu illius; cum vtrumque sit sub eo, ergo erunt subalternatim posita.

Ad primum testimonium respondetur, quod cum diuerso modo habeatur in diuersis translationibus, per aliud expressum à nobis citatum explicari, & intelligi debet; in quo non potest esse dubium nostram sententiam contineri.

Ad aliud testimonium dicimus, genera subalterna, aut subalternatim posita vtraque comprehendere, nempe ea, quorum vnum est sub altero, & quorum ambo sunt sub tertio.

Ad argumentum concedendum est antecedens cum consequentia, &

dicendum ita esse, quod regula Aristotelis quantum ad hanc partem clarissima est, si per alia testimonia expressa eiusdem intelligatur, eam vero difficilem fecerunt, qui prædicta testimonia non viderunt.

Secunda pars quæstionis.

Secunda pars quæstionis quærit, 4
an genera non subalternatim posita possint habere differentiam communem. Quod ut melius intelligatur notandum est, duplicem esse differentiam constitutiuam, & diuisiuam, superiorem, etiam atque inferiorem. Ut sensibile est constitutiuum animalis, & diuisiua viuientis; & corporeum est differentia superior respectu viuientis; sensibile vero inferior respectu eiusdem. Intelligitur ergo quæstio de inferiori diuisiua, nam de superioribus non est dubium, quin possint esse communes. Circa quam est prima opinio Soti asserentis, genera non subalternatim posita, quorum vnum non est sub altero in eodem prædicamento, sed vtrumque sub tertio non posse habere differentiam communem, & multo minus genera diuersorum prædicamentorum. Quem etiam secuntur alii, etiam si nobiscum dicant, hæc esse subalternatim posita.

Probant duplici testimonio Aristotelis 1. lib. Topicorum cap. 2. loco 22. vbi affirmat, de pluribus prædicari genus, quam differentiam. Secundam habetur 1. lib. de partibus animalium cap. 3. vbi dicit, tot esse differentias, quot sunt species; sed si eadem differentia duobus generibus, quæ sunt sub tertio, communis sit, vtrumque erit falsum: ergo non est admitte-
dum. Probatur minor, nam si eadẽ

Ca.3. De regulis prædic. essentialiũ. q. vnica. 99

differentia diuisiua viuents communis est duabus speciebus subalternis sub eo contentis, cum de illis prædicetur genus; prædicabitur etiam hæc differentia communis, & ideo non prædicabitur differentia de paucioribus quam genus. Et præterea, in minori numero erunt differentia, quam species, cum vna differentia sit communis duabus speciebus.

Probant deinde ratione, quia si cut repugnat idem indiuiduum esse sub duplici specie, ita repugnat eandem speciem esse sub duplici genere; sed si eadem differentia diuisiua sit communis duobus generibus: sequitur eandem speciem contineri sub duplici genere; ergo impossibile erit. Probatur minor; quia differentia diuisiua generis constituit speciem sub eo, vt rationale diuidens animal constituit hominem sub eo; ergo si animal, & planta habent differentiam communem, talis differentia constituet speciem sub utroque genere, & eadem erit species animalis, & plantæ, quod absurdum est.

Secunda opinio tenet genera non subalternatim posita non semper, aut necessario habere differentiam communem, sed aliqua posse eam habere. Et hæc est probabilior, & tenenda, & explicatur duabus conclusionibus. Prima, genera subalternatim posita, quorum vnum est sub altero, habent omnes differentias constitutivas superiorum generum communes; & diuisiuas aliquas, non tamen omnes. Exempli gratia, animal, & viuens habent differentiam diuisiuam substantię communẽ, vt corporeum, & etiam constitutiua corporis; sed nentrum habet differentiam constitutiua alterius, quæ diuisiua est proximi generis. Ita Aristoteles in

vtimis verbis huius capitis. Et colligitur euidenter ex prima regula huius capitis, quia si genus superius prædicatur de generibus inferioribus, quæ sunt species subalternæ, sequitur de eisdem prædicari etiam constitutiua eiusdem generis superioris, quæ illud constituit, & de illo prædicatur.

Secunda conclusio. Genera non subalternatim posita secundum primam opinionem, quorum vnum non est sub altero, sed vtrunque sub tertio, easdem differentias constitutivas superiorum generum habent communes, & aliquam diuisiuam superioris generis possunt habere communem, licet nõ necessario nec semper habeant; sed genera diuerform prædicamentorum, quæ sola dicuntur nõ subalternatim posita, nullam. Prima pars huius conclusionis euidentis est in animali, & planta, quæ habent differentiam diuisiuam & constitutiua corporis communem.

Secunda vero expressa est apud Aristotelem 6. Topicorum cap. 2. loco. 41. vbi eam probat hac ratione. Animal diuiditur ingressibile, & volatile, tanquam in diuersas species subalternas, & ideo in diuersa genera, quæ sub se habent alias species, & tamen vtrique generi communis est differentia bipedis; ergo duo genera non subalternatim posita communem habent differentiam diuisiuam superioris generis. Vtitur autem Aristoteles his differentiis loco essentialium, quas ignoramus. Et confirmatur, quia quantitas diuiditur in successiuam, & permanentem, tanquam in diuersas species subalternas, quarum vna non est sub altera, sed vtraque sub tertia, & habent communes differentias continui, & discreti. Si autem dicatur, quæ sit ra

Ca.3.de regulis prædicatorū essentialiū.q.vñica.

tio propter quam , non semper, nec necessario habent talia genera differentiam communem , sed aliqua, & alia non. Respondeo rationem esse, quia aliqua sunt magis similia aliis & ideo possunt habere maiorem convenientiam.

Pro solutione argumenti notandum primo, quod differentia communis, quam habent aliquando illa genera, quorum vnum non est sub altero, sed vtrumque sub tertio, eo ipso, quod communis est non est ultimatè constitutiva eorum , quia differentia ultimatè constitutiva distinguit speciem, quam constituit à quacunque alia : sed differentia communis non distinguit inter sese illas species, quibus est communis; ergo non est ultimatè constitutiva earum. Gratia exempli; differentia continui, & discreti communes permanenti, & successivæ quantitati, non distinguunt eas inter se, sed solum quantitatem continuam à discreta; & ideo harum sunt ultimatè constitutivæ, non illarum.

Secundo notandum , differentias quasdam esse vniuersales, quæ totam lineam prædicamenti diuidunt, vt corporeum, & incorporeum: Alias vero particulares solum diuidentes vnum, vel alterum genus particulare alicuius partialis lineæ. Vt differentia diuidentes animal; & ideo genera etiam sunt duplicia , quædam vniuersalia quorum quodlibet continet integram lineam, vt corpus, & spiritus; alia particularia partialis lineæ vt animal, vel planta. Et differentia vniuersales non possunt esse communes, nec vniuersalia genera possunt habere aliquam differentiam communem. Et huius ratio est manifestæ, quia vniuersales differentia habent vniuersalem oppositio-

nem. Particulares vero oppositæ non sunt formaliter oppositæ, sed diuersæ, ideo repugnat illas esse communes, non istas.

Tertio notandum, quod cum dicimus, genera vniuersalia, quæ continentur sub tertio, non posse habere differentiam communem, & particularia posse habere; non loquimur de differentia constitutiva superiori, quam certum est, & necessarium habere communem; nam corpus, & spiritus sunt vniuersalia genera, & habent communem modum intrinsicè eum substantiæ, qui licet non sit differentia, quia substantia non est genus, est tamen similis superiori differentia, & non minus eum includerent, si esset vera differentia. Et ratio huius est euidens, quia, quidquid includitur in prædicato superiori, debet includi in inferiori; sed differentia constitutiva superioris generis includitur in eo; ergo necesse est includi in quolibet genere inferiori. Loquimur ergo de differentia diuisiva superioris generis. De qua dicimus communem esse posse inferioribus, licet hoc non sit necessarium, nec semper contingat, sed aliquando, vt differentia continui, & discreti, quæ sunt diuisivæ quantitatibus, communes sunt quantitati permanenti, atque successivæ.

Notandum quarto, quod hæc differentia diuisiva superioris generis, quam dicimus posse esse communem duobus generibus sub eo contentis, non est adæquata alicui eorum, sed inadæquata, ita vt per alias differentias distinctas ab ea adæquate constituantur. Gratia exempli, bipes communis est differentia, gressibilis, & volatilis animalis, sed inadæquata vtrique, quia per proprias differentias gressibilem, & volatilem.

lem adæquate constituuntur.

Ex his respondetur ad vtrumque testimonium Aristotelis negando minorem, nempe quod ex nostra sententia sequatur genus non prædicari de pluribus, quam differentia, aut non esse tot differentias, quot sunt species. Neutrum enim sequitur. Nam cum differentia, quæ potest esse communis duobus generibus, quæ continentur sub tertio superiori, non sit constitutiva eiusdem superioris generis, sed diuisiva, & ideo inferior, necesse est de paucioribus prædicari, quam genus ipsum, ut bipes de paucioribus, quam animal. Et de hac loquitur Aristoteles in primo testimonio, non de constitutiva, de qua manifestum est, quod de eisdem omnino prædicetur, de quibus prædicatur genus, quod constituit. De tot enim prædicatur sensibile, de quot prædicatur animal. Quod vero dixit Aristoteles in secundo testimonio, tot esse differentias, quot sunt species, verissimum est, nam licet vna possit esse communis duabus speciebus subalternis positis sub tertio genere superiori, non est vltimate constitutiva earum, sed habent alias, per quas constituuntur, & distinguuntur. Illa vero quæ communis est, licet non constituat eas adæquate: suam habet speciem propriam: quam adæquate constituit. Ut bipes non constituit adæquate animal volatile, aut gressibile, sed adæquate constituit animal habens duos pedes: unde intelligitur, quod etiam si vna differentia inadæquata communis sit duabus speciebus, nihilominus tot sunt differentie, quot species; cum nulla sit species, quæ non habeat propriam differentiam adæquate constitutivam; neque vlla differentia, quæ non constituat adæquate suam speciem.

Ad argumentum negandum est antecedens, quod sicut non potest idem indiuiduum esse sub duplici specie, sic non possit vna species esse sub duplici genere; est enim diuersa ratio de indiuiduo, ac de specie, nam differentia indiuidualis adæquate, & vltimate determinat speciem, & ideo repugnat eandem differentiam indiuidualem determinare duplicem speciem diuersam; sed differentia specifica, cum sit prædicatum commune, & possit inadæquate conuenire duobus, & neutrum adæquate, aut vltimate constituere, potest ex consequenti esse communis illis.

CAPVT QVARTVM continens diuisionem in- complexorum in de- cem prædica- menta.

TEX. ARISTOTELIS.

Eorum, quæ secundum nullam complexionem dicuntur, vnū quodque, aut substantiam significat, aut quantum, &c.

Textus expositio.

Intentum Aristotelis in presenti capite est, explicare simplicia esse debere illa, ex quibus prædicamentum constituenda sunt. Diuiditur autem in duas partes, in quarum prima ponit Aristoteles vniuersalem diuisionem incomplexorum in decem prædicamenta. In secunda asserit, &

N 4 probat

Cap. 4. de incomplexis. quæst. i.

probat eadem incomplexa, ex quibus prædicamentum fit, non esse affirmationes, aut negationes, sed ex eis posse affirmationes, & negationis fieri.

Divisio talis est. Ens incomplexum, aut simplex, aliud est substantia, ut homo, vel equus; aliud quantum, ut corpus, aut linea; aliud quale, ut album, aliud ad aliquid, ut duplum, dimidium; aliud, ubi, ut esse in foro, aliud, quando, ut heri, aut hodie; aliud, situs, ut iacere, sedere; aliud habere, ut armatum esse; aliud agere, ut secare; aliud pati, ut secari.

Sed simplicia hæc (inquit Aristoteles in secunda parte) secundum se considerata non sunt affirmationes, nec negationes, quamvis ex eis si aliquo verbo, aut copula uniantur, possint fieri affirmationes, & negationes. Quod ita probat. Omnis assertio, & negatio est vera, aut falsa, sed simplicia, ut homo, aut, albedo per se sumpta non dicunt veritatem, aut falsitatem, ut notum est; ergo non sunt affirmationes, aut negationes. Sed si ea coniungas verbo aliquo, affirmationem, aut negationem statim efficies, ut si homini & albo adiungas verbum, est, resultabit hæc assertio, homo est albus, in qua iam reperitur veritas, aut falsitas.

QVAESTIO I.

Ex quibusnam rebus per se componatur prædicamentum.

Quinq̃ue sunt, de quibus dubitari potest, an, & quomodo pertineant ad prædicamentum, ut exclusis his, quæ ad ipsum non possunt pertinere, intelligi possit, ex

quibusnam per se componatur. Primum est ens rationis, quæ ex eo videtur primo ad prædicamentum pertinere, quia prædicamentum, sicut propositio, aut syllogismus quoddam ens rationis est; ergo non quomodo-cunque, sed formaliter pertinebit ens rationis ad prædicamentum.

Secundo, prædicamentum fit ex generibus, & speciebus; sed genera, & species sunt entia rationis, ergo ex entibus rationis fiet prædicamentum.

Vera tamen sententia est ex solis entibus realibus fieri, & ideo entia rationis non pertinere ad prædicamentum, nisi per quandam similitudinem; ratione cuius, quoddam prædicamentum, vel potius similitudo prædicamenti excogitare possumus, ut in tractatu nostro de natura entis rationis diximus. Ita sentiunt D. Th. 5. lib. Metaphysicæ, lectio. 9. & quæst. 7. de potentia artic. 9. Capreol. in 1. d. 8. quæst. 2. & di. 29. q. 1. ad 5. Sotus cap. 4. ante prædicament. quæst. 2. ad 4. Fonseca. 5. Metaph. cap. 7. q. 6. lectio. 1. & ceteri omnes.

Probatur testimonio Aristotelis, 5. lib. Metaphysicæ cap. 7. textu 14. ubi docet entia per se dividi in decem prædicamenta, ens autem per se apud ipsum (ubique de eo loquitur) & ens reale idem sunt.

Probatur deinde ratione; quia entia rationis nec veram habent entitatem, nec veram essentiam, sed ab intellectu excogitatum ad similitudinem entitatis, & essentia realis; sed verum prædicamentum ex vero ente; veramque essentiam habente debet fieri; ergo non fit ex entibus rationis, sed solum ex realibus. Quod constabit, si per singula prædicamenta discurremus; videbimus enim, prædicamentum substantia, quali-

qualitatis, & quantitatis ex veris naturis realibus fieri.

3 Sed pro solutione arg. notandum est, prædicamentum fieri ex prædicatis realibus, non tamen realiter, aut ex natura rei distinctis, quia ut probauimus cap. de differentia, genus, & differentia eiusdem rei conceptus reales obiectiui sunt, diuersos gradus essentialis significantes, & solū ab intellectu distincti; species vero ex eis componitur, non tanquam tertia res ab eis distincta, sed tanquam tertius conceptus obiectiuus, totalis, atque completus, & ideo non est compositio realis, sed rationis, quia licet reales sint conceptus componentes, & compositi, non tamen distincti, nisi ratione, quare non possunt realem compositionem facere. Ita ergo de prædicamento intelligendum est, ab intellectu distinguente prædicata essentialia fieri, ita ut sicut ante operationem eius non sunt distincta prædicata, nec ideo plura, sic non potest prædicamentum dari, sed opus est eiusdem intellectus, qui distinguens prædicata, ea ordinat, ac disponit, prædicamentumque, ex eis efficit.

4 Secundo, notandum prædicamentum duobus modis considerari. Primo, quasi pro materiali, nempe pro naturis rerum, ac prædicatis earum, quæ in linea prædicamentali ordinantur, & sic acceptum reale est, quia tam prædicata essentialia, quam naturæ, in quibus fundantur realia sunt, licet non realiter distincta. Secundo modo consideratur quasi pro formali, hoc est, pro ordinatione ipsa, ac dispositione prædicamentorum, quæ necessario supponit distinctionem eorum: & hoc modo sumptum non est quid reale, sed rationis: unde sequitur prædicamentum formaliter sumptum ens rationis esse, & pro fundamento esse

ens reale, & hoc secundo modo consideratur à Meta. sed primo modo à Dialectica.

His explicatis ad utrumque arg. simul respondemus, concedendo, quod genera, species, & prædicamentum formaliter sumpta entia rationis sunt; negamus tamen, quod aliquo modo pertineant ad prædicamentum, quia illa solum dicuntur pertinere ad prædicamentum, ex quibus prædicamentum fit: sed prædicamentum solum fit ex prædicatis, quæ in eo ordinantur, & non ex ordinatione ipsa, sicut cetera entia artificialia solum dicuntur fieri ex materia, ut statua ex ligno, domus ex lignis, & lapidibus: ergo entia rationis non pertinent ad prædicamentum, nec genera, & species formaliter sumpta, sed solū pro fundamentis realibus.

De complexis.

5 Secundum, de quo dubitari potest, sunt complexa, quæ sic distinguuntur à quibusdam: Quædam sunt complexa, quæ vnam tantum rem significant, & æquivalent voci simplici eam significanti, & talia sunt definitiones substantiarum, ut animal rationale, aut viuens sensibile. Alia sunt complexa, quæ non vnam rem, sed plures significant, & talia sunt definitiones accidentium, in quibus præter illa, quæ pertinent ad essentiam accidentis, includitur subiectum, ut per illud explicetur intrinsecus ordo accidentis ad ipsum, & complexa illa pertinent per se ad prædicamentum; hæc vero ab eo excludenda sunt.

Probant ex Porphyrio, cap. de specie, ubi prædicamentum substantiæ constituens, pro genere viuientis posuit corpus animatum, & etiam ani-

N 5 mali

Cap. 4. de incomplexis. quæst. i.

mal rationale, pro quodâ genere, in quo ex istinuit homines, cum demonibus coaenire, sed hæc sunt complexa substantialia; ergo ex mente Porphyrii ponenda sunt in prædicamentis.

Deinde ratione, quia loco definiti, licet ponere definitionem eius nihil extrinsecum includentem, ut loco hominis animal rationale, quia talis definitio simplici definito æquivalens; ergo in recta linea prædicamentali licet ponere loco generis, & speciei, cuiuscunque propriam definitionem, quæcum sit complexum quid, sequitur ex complexis substantialibus fieri per se prædicamentum.

- 6 Nostra sententia est opposita, quod nullum complexum pertineat ad prædicamentum, & est expressa apud Arist. c. præsentis, ubi ita ait. *Eorum, quæ secundum nullam complexionem dicuntur, numquodque aut substantiam significat, aut quantum, aut quale, aut ad aliquid, &c.* Quibus verbis complexa omnia, siue substantialia, siue accidentalialia sunt, excludit à prædicamento, & solum ens incomplexum dividit in decem prædicamenta.

Sed ratione probatur, quia recta linea prædicamentalis ex solis generibus, & speciebus fit, ut in prædicamento substantiæ, ex substantia, corpore, viuenti, animali, & homine, sed complexa, siue sint definitiones substantiarum, siue accidentiũ, non sunt genera, neque species; ergo ex eis nõ fit prædicamentum. Quod probatur etiam ex definitione eius, nam prædicamentum est prædicabilem ordinatio, sed prædicabilia sunt quædam vniuersalia, de quorum ratione est esse simplicia, ut quæstione vltima vniuersali vidimus; ergo ex solis simplicibus fit prædicamen-

tum, non ex complexis.

Ad Porphyrium respondetur, 7 complexa posuisse loco simplicium, non quia intelligeret ad prædicamentum pertinere, sed vel maioris explicationis gratia, vel quia simplicia genera non cognouit. Propter primam rationem posuit corpus animatum pro viuenti, & propter secundam animal rationale pro genere hominum, ac demonum.

Ad rationem vero negamus, quod semper loco definiti, licet ponere definitionem, etiam nihil includentem extrinsecum, sed solum licet quantum ad æquivalentiam veritatis, quia de quibus prædicatur definitum, necesse est prædicari definitionem: sed ubi modus significandi determinatus esse debet, atque distinctus in definitione, & definito, non licet eam loco definiti ponere: & ita est in proposito, quia res non ponitur in prædicamento, quomodocumque significata, aut concepta, sed per modum generis, aut speciei, & ideo per modum incomplexi; cum ergo definitio non habeat modum generis, aut speciei ratione complexionis, sequitur, nec habere modum prædicamentalem, quare non potest loco definiti in prædicamento poni. Ad formam ergo argum. dum dicitur, definitio licet sit complexa æquivalet simplici definito, distinguendum est antecedens, quia æquivalet definito, quantum ad veritatem rei; non tamen quantum ad modum significandi simplicem, & omnino necessarium ad lineam prædicamentalem, & ideo non potest loco eius in prædicamento poni, quamuis in propositione, vel in aliis casibus ponatur.

De partibus Physicis, & Meta-
physicis.

8 **P**Artes rei duplices sunt, Physicæ,
& Metaphysicæ; & partes Physi-
cæ adhuc duplices, quædam sunt
essentiales, ut materia, & forma; &
aliæ integrantes, quæ adhuc sunt in
duplici differentia: nã quædam sunt
eiusdem rationis, ut partes aquæ, aut
ligni, & ideo vocari solent homoge-
næ; aliæ diuersæ rationis, ut caput,
& manus, & vocantur eterogenæ,
& integrantes non sunt essentielles,
sed substantiales, aut entitatiuæ ap-
pellari possunt. Partes Metaph. sunt
genus, & differentia; sed de genere
certum est, quod per se pertineat ad
prædicamentum, quia habet modum
substantiæ cõpletæ; de solis ergo dis-
ferentiis tanquam de partibus Meta. &
de materia, & forma, ac partibus in-
tegrantibus, tanquã Physicis proce-
dit quæstio, an per se sint in prædica-
mento; & primo de his dicendũ est,
deinde de partibus Metaphysicis.

Sed prius explicandum est, quid
sit per se pertinere ad prædicamen-
tum: duo sunt in prædicamẽto. Primũ
est series ipsa, seu ordinatio prædica-
mentalís superiorum, & inferiorum,
ex quibus fit, quasi quædam linea re-
cta, per quam ascendere, atque descẽ-
dere possumus, ab individuo, quod to-
tius lineæ fundamentũ est, usque ad
genus supremum, quod est quasi ca-
put, ut linea prædicamẽti substantię,
procedit à genere supremo, quod est
substantia, per diuisionẽ eius in species,
quæ sunt corpus, & spiritus: & rursus
per diuisionẽ corporis in viuens, &
non viuens: deinde per diuisionẽ vi-
uentis in animal, & plantã: & tandẽ
per diuisionem animalis in hominẽ,
equum, & leonẽ, & ex his diuisionib.

generum in species per differentias
resultat linea hæc, quæ appellatur se-
ries, aut ordinatio, nempe substantia
corpus, viuens, animal, homo, Petrus.
Et pro hac linea recta supponit præ-
dicamentum, quotiescũque de eo lo-
quimur. Præter hanc vero habet præ-
dicamentũ quasi duo latera, quibus
quasi circumdatur: & latera hæc fiũt
ex differentiis oppositis, per quas ge-
nus diuiditur in species, ut latus e-
iusdem prædicamenti substantiæ no-
bis notissimũ fit ex his quatuor dif-
ferentiis, corporeum, animatum, sen-
sitivum, rationale.

Ex his intelligitur iã, quid sit esse 9
se per se in prædicamento, vel ex
quibus fiat per se prædicamentum,
idem est enim, ac poni in recta lineã
prædicamẽtali, vel ex aliquo fieri eã
dẽ rectam lineam, nã latera prædica-
mẽti extra ipsũ sunt, & quasi ornatus
eius; dũ ergo querimus de partibus
tam Physicis, quã Metaphysicis, an p-
se sint in prædicamẽto, vel ex eis fiat,
sensus est, an per se sint in recta li-
nea prædicamentali.

Et de partibus Physicis tenet pri-
ma opinio, quod per se collocentur
in prædicamẽto, ita Villalpandus, &
Lobanienſes, cap. de substantia, quos
secũtur alii. Probant primo, quia cõ-
pleta substantia componitur essentialiter
ex materia, & forma, & integra-
tur substantialiter ex partibus in-
tegrantibus; ergo repugnat cõpletam
substantiã poni per se in prædicamẽ-
to, quin partes etiã ponantur, & per
se quidẽ, cum per se eam cõponant.

Secũdo, quia in partibus substantiæ
intelligimus genera, & species; ergo
ex his potest ordinari prædicamen-
tum sicut ordinatur ex generibus, &
speciebus substantiæ totalis. Proba-
tur antecedens, quia sicut diuidimus
completam substantiam in corporeã,

& in-

Cap. 4. de incomplexis. quæst. 1.

& incorpoream, & sic de cæteris generibus, sic possumus diuidere partialem.

10 Et confirmari potest de partibus homogeneis, quia eiusdem rationis sunt cum tota substantia, & possunt per diuisionem fieri completæ substantiæ: ut si diuidamus aquam, tot substantias cõpletas efficiemus, quot partes separamus; nam postquam separatae sunt, nec dependent à tota substantia, nec partes eius sunt, sed quælibet incipit esse completa substantia; ergo per se pertinet ad prædicamentum.

Secunda opinio excludit partes substantiæ Physicas à prædicamento, & est D. Thom. 1. part. quæst. 29. art. 4. ad 5. & de veritate quæst. 27. art. 1. ad 8. Scoti quæst. 15. prædicamentorum, Aegidii Romani in 1. d. 2. quæst. 3. Caiet. & Soti, cap. de substantia, Toleti quæst. 5. eiusdem prædicamēti, Fonse. 5. Meta. cap. 7. quæst. 7. sect. 2. & cap. 8. quæst. 3. & hæc est vera, & tenenda.

Probatum primo, quia prædicamentum solum fit per se ex generibus, & speciebus, ut iam ostendimus; sed genera, & species sunt substantiæ completæ; ergo partes, quæ incompletæ sunt substantiæ, non possunt prædicamentum per se constituere, aut in eo per se collocari.

11 Secundo, substantiæ completæ, & incompletæ nihil datur commune vniuocum; ergo nec dabitur genus commune utrique, sub quo collocari possint incompletæ: quare non pertinebunt per se ad prædicamentum.

Ad primum concedendum est antecedens, sed neganda consequentia, quia res non pertinent ad prædicamentum secundum entitatem, quam à parte rei habent, sed secundum modum, quo talis entitas concipitur ab

intellectu, & modus iste ad constitutionem prædicamenti necessarius cõpletæ entitatis esse debet: unde cū partes solum sint incompleta entia, non possunt, ut talia per se efficere prædicamentum, quamuis componant per se substantiam completam; ex qua per se fit. Solum autem concedi potest partibus, quod reductiue, aut quasi indirecte collocentur in recta linea prædicamentali, ubi collocatur species, aut genus, cuius partes sunt.

Ad secundum, negandū est, quod in partibus possint intelligi vera genera, & veræ species, sed solū possunt ex eis formari conceptus, quodammodo similes generibus, & speciebus. Et ratio est, quia non possunt concipi partes, nisi tanquam incompletæ, quamuis in communi concipiantur abstractæ à partibus singularibus, in quo consistit aliqua similitudo, & cū genera, & species ex proprio modo, quo concipiuntur, sint cõpleta, repugnat in partibus vera genera, & veras species concipere, aut in eis verā ordinationē prædicamentalem.

Ad cõfirmationem de partibus integrantibus homogeneis concedimus, quod sint eiusdem rationis cū toto, quantum ad entitatem, atque etiam, quod possint fieri substantiæ cõpletæ: negamus tamen, quod per se pertineant ad prædicamentum. Et ratio est, quia quamdiu sunt in toto, ab eo dependent, & incompletū modum essendi habent. Quod vero separari possint ab eo, solum probat, quod dum separatae fuerint: pertinebunt per se ad prædicamentum, quia non erunt iam partes, hoc vero solū est, posse pertinere, non vero pertinere actu.

De partibus vero Metaph. quales sunt differentie, dixerunt quidam, quos

quos citat Fonseca s. Meta. ca. 8. q. 2 pertinere ad prædicamentum qualitatis, cum prædicentur de speciebus in quale quid. Sed hoc aperte falsum est, quia licet aliquam similitudinem habeant cum qualitatibus in modo prædicandi, vere sunt conceptus essentialiter, & ut tales concipiuntur ab intellectu componente speciẽ ex eis simul, ac generibus; ergo nõ sunt vere qualitates, nec ut vere qualitates concipiuntur, sed per quandam similitudinẽ earum: & ideo nõ possunt pertinere ad prædicamentum qualitatis. Solum potest esse dubium, an singulæ differentię per se pertineant ad illud prædicamentum, in quo collocantur genera, quæ diuidunt, & species quas constituunt.

13 Et est prima sententia Ammonii, cap. de substantia, afferentis per se pertinere qualibet differentias ad proprium prædicamentũ, quod probat hoc argum. Nam aut differentię excluduntur à prædicamento, quia simplices cõceptus sunt, vel quia incompleti; sed utraque ratio concurret in generibus; ergo vel genera excludi debent, vel collocari differentias, sed genera excludi nõ possunt, ut notum est; ergo nec differentię excludi debẽt. Probatur minor, quia conceptus generis, ut talis non est cõpositus, quamvis, si sit species subalterna, in quantum species componatur; ergo est simplex, & est vera pars speciei, non minus, quam differentias; ergo incompletum quid.

Nec soluitur argum. si dicatur genus esse totum potentiale, quia etiã differentia est totum actuale, ut prædicatur de specie, continens totum, quod species; nam ut pars non posset de ea prædicari; ergo pertinebit ad prædicamentum sicut genus.

Communis sententia omnium expo-

storum, cap. præsentis, & sequenti differentias excludit à recta linea prædicamentali, & solum eis concedit, ut latera prædicamenti constituent, quod est extra prædicamentum simpliciter esse.

Et probatur duplice ratione. Prima, differentia formaliter sumpta solum dicit partem speciei; ergo formaliter est quid incompletum, sed recta linea prædicamenti solum constituitur ex prædicatis completis, quæ sunt genera, & species; ergo differentię non pertinent per se ad illam.

Et si dicas totum includere, quod species, cum includat genus saltem materialiter; ergo habet modum totius completi, sicut genus, ex eo solũ, quod includit differentias in potentia dicitur habere modum totius cõpleti, & pertinere per se ad prædicamentum. Contra hoc est, quod differentia eodem modo includit genus, ac accidens in concreto, nempe per modum subiecti, & ideo significatur nomine adiectiuo, ut rationale, quare non includit per se totum, quod species, sed quasi per accidens: unde nec habet modum vnus per se, sed genus per se, & formaliter est totum potentiale; per se, & formaliter includit totum, quod species, quamvis vnum actu, nempe gradum propriæ naturæ, & aliud in potentia, nempe gradum differentialem, & ideo modum habet totius, atque cõpleti per se, & per se efficitur ex eo prædicamentum.

Secundo probatur, recta linea prædicamenti constituitur ex prædicatis per se, formaliter, & essentialiter ordinatis, sed differentia non ordinatur per se, & formaliter cum genere; ergo, non pertinet per se ad rectam lineam prædicamenti. Probatur minor,

14

15

minor, quia differentia non includit per se, & formaliter genus, vt rationale non includit per se, & formaliter animal, sed extra rationem eius animal; est ergo non potest cum eo constituere lineam prædicamentalem, nec per se pertinere ad prædicamentum.

Ad argum. alterius opinionis iam responsum est, quia differentia formaliter, & per se non est totius, sed pars; genus vero formaliter, & essentialiter habet rationem totius potentialis, & completi, & ideo per se, & formaliter collocatur in prædicamento, à quo excluditur differentia propter rationem incompletam.

An, & quo modo indiuidua ponantur in prædicamento.

16 **P**rima opinio est Iauelli in sua Logica, tit. 5. cap. 1. afferentis, indiuiduum per se non pertinere ad prædicamentum, sed reductiue ratione speciei, quam participat. Quod probari potest ex Porphyrio cap. de specie, vbi terminos quibus clauditur prædicamentum, asserit esse supremum genus, & infimam speciem, vltra quam non licet ascendere ad indiuidua, quia sunt infinita; ergo sentit non pertinere per se ad prædicamentum, & præterea si infinita sunt, quæmadmodum de illis non datur scientia, ita ad prædicamentum non per se pertinebunt, quæ pars Dialecticæ scientiæ est.

17 **S**ed opposita opinio, quod indiuiduum per se sit in prædicamento tamquam Basis, & fundamentum eius, vera est, & tenenda; eam sequitur Fonseca 5. Metaph. cap. 7. quæst. 7. sect. 2. & quæst. 8. sect. 3.

Et ratione probatur, quia indiuiduum est ens per se completum, & in

se continens omnia prædicata rectæ lineæ prædicamentalis, quibus per se subiicitur, & de quo per se, & formaliter prædicantur, vt de Petro, substantia, corpus, viuens, animal, & homo; ergo nihil ei deficit, vt in prædicamento sit tanquam fundamentum eius.

17 **A**d argum. respondetur, Porphyrium posuisse pro extremis prædicatis essentialibus prædicamenti genus supremum, & infimam speciem: præsupponens indiuiduum esse extremum, tanquam fundamentum omnium prædicatorum. Quod verò sint infinita indiuidua, non tollit indiuiduum pertinere per se ad prædicamentum, etiam si actu essent infinita, quia non pertinent ad prædicamentum vt distincta, vel vt efficiunt numerum, sed vt participant prædicatis essentialibus, & ea sustentant, & hæc ratio eadem est in omnibus, siue sint infinita, aut solum finita. Ex quo etiam intelligitur, indiuiduum ad scientiam prædicamentalem pertinere posse, non quidem vt obiectum eius, sed tanquam id, ex quo, vt fundamento integratur obiectum, nempe prædicamentum, quod est pars totius obiecti Dialecticæ scientiæ.

Quonam modo res infinite ponantur, aut excludantur a prædicamento.

18 **I**n communi tantum dicendum est hoc loco de rebus infinitis, nam in particulari suis locis de illis agemus, nempe in prædicamento substantiæ, & quantitatatis; nunc vero hac distinctione explicandum est dubium hoc. Duobus modis potest esse aliquid infinitum, aut secundum essentiam, vt Deus; aut secundum aliquam ratio-

rationem accidentalem extensionis, aut intensionis, vt linea si daretur infinita, aut albedo habens infinitos gradus intensionis, & infinitum secundum essentiam non pertinet ad prædicamentum, vt probabitur cap. sequenti; de reliquis vero probabitur cap. de quantitate, quod ad prædicamenta propria per se pertineret, non minus, quam finitæ quantitates, aut qualitates.

QVAESTIO II.

An res sint ponendæ in prædicamentis sub nominibus abstractis, vel concretis.

19 **D**E his, quæ pertinent ad prædicamentum substantiæ, certum est sub nominibus concretis collocanda esse in prædicamento, & non sub nominibus abstractis, vt species humana, & genus animalis, sub nominibus hominis, & animalis, & non sub nominibus animalitatis, & humanitatis, & sic de reliquis. Et huius ratio est, quia prædicamentum fit ex rebus completis, sed per nomina abstracta non significantur substantiæ, tanquam entia completa, sed solum per concreta; ergo sub concretis, & non abstractis ad prædicamentum pertinebunt. Probatur minor, quia per nomina abstracta significantur non vt species, vel genera, sed vt principia generis, & speciei, vt nomine animalitatis significatur natura sensitiva, vt principium animalis; & nomine humanitatis natura rationalis, vt principium hominis; ergo significantur modo incompleto, & non prædicamentali.

De solis ergo accidentibus procedit quæstio, an abstracta, vt albedo, & color, vel concreta potius, vt

album, & coloratum, ponantur in prædicamento qualitatis, & sic de cæteris prædicamentis.

Et antequam alias sententias proponamus, reiicienda est ea, quam 20 Caietan. tenet, opusc. de ente, & essentia, cap. 7. vbi distinguit duas considerationes prædicamentorum, Logicam, & Metaphysicam, & in prædicamentis Logicè consideratis abstracta esse collocanda, non concreta, quia ordinantur ad prædicationes, quæ melius in abstractis, quam in concretis exercentur: sed sub consideratione Metaphysica concreta, & non abstracta. Hoc tamen ab omnibus refutatur, quia prædicamenta eadem sunt in Logica, & Metaphysica; ergo eisdem rebus, & eodem modo conceptis significantur. Quod vero in ordine ad prædicationes potius abstracta, quam concreta ponenda sint, etiam est falsum, quia cum concreta, quibus significantur formæ accidentales, vt sunt in subiecto, notiora nobis sint, melius in concretis exercentur prædicationes. Sed hæc ratio non est sufficiens ad variandum modum significandi rerum prædicamentaliū, & ideo sub vtraque consideratione Logica, & Metaphysica disponendæ sunt in prædicamentis.

Tenet ergo prima opinio abstracta accidentium non collocari in prædicamento, sed sola concreta. Ita Niphus 5. Meta. quæst. 3. & 7. Toletus quæst. 2. post prædicamentorum, & alii ex modernis. Et probat ex Arist. ipso, cap. præsentis, vbi prædicamenta in concreto enumerauit, iuxta translationem Boetii, quauis Argiropylus in abstracto ea posuerit, & 1. lib. Topicor. cap. 7. & lib. 4. ca. 1. loco 4. etiam in concreto secundum vtranque translationem.

Pro-

Cap. 4. de incōplexis. quæst. 2.

21 Probat deinde ratione. Primo, quod abstracta non ponantur. Secundo, quod ponantur cōcreta. Ratio primi est, quia perfectior est substantia accidentibus, sed substantiæ non ponuntur in abstracto, quia significantur tanquam partes, & ideo modo incompleto; ergo multo minus collocanda erunt accidentia in abstracto.

Ratio secundi est, quia si non ponentur concreta, maxime quia sunt entia per accidens, cum significant formam, & connotent subiectum, ut album, & ex forma, & subiecto tanquam ex duobus entibus in actu nō fiat vnum per se, sed per accidens, sed hoc est falsum; ergo non sunt à prædicamento excludenda. Probatur minor, quia ex actu, & potentia secundum Arist. 2. lib. de anima, textu 2. fit vnum per se, sed subiectum se habet ut potentia, & forma ut actus; ergo ex tali compositione resultabit vnum per se, quod est concretum.

Secunda opinio opposita est, quia sola abstracta accidentium dicit collocanda esse in prædicamento, ita D. Thom. opus. de ente, & essentia, cap. 7. ad finem, Scotus quæst. 5. vniuersaliū, & quæst. 11. prædicamentorū, Auicena lib. 3. suæ Metaph. cap. 3. Iauellus 5. Metaph. quæst. 16. Scotus cap. de quantitate, quæst. 1. Venetus, cap. præfati, Villalpandus cap. de genere, quæst. 4.

22 Probatur testimonio Arist. 3. lib. Topicorū, cap. 1. loco 3. & 4. ubi asserit iustitiam esse in genere, hoc est, in prædicamento, non iustum.

Et etiam ratione, quia concretum significat res diuersorum prædicamentorum, nempe subiectum, quod est substantia, & formam, quæ est accidens; ergo non potest pertinere ad

vnam prædicamentum determinatam. Imo ad nullum potest pertinere, quia prædicamenta fiunt ex entibus per se, sed ex rebus diuersorum prædicamentorum: cum sint primo diuersæ, & in actu, non potest fieri vnum per se; ergo concretum nō potest collocari in prædicamento. Probatur minor quantum ad hoc vltimum ex Arist. 7. Metaph. textu 25. ubi docet expresse album, & musicum non habere vnam essentiam determinatam, & per se, & ideo non posse per vnam definitionem essentialem explicari, sed esse entia per accidens.

Pro solutione huius quæstionis **23** duo notanda sunt circa concreta, & abstracta accidentium. Primum est circa naturam concreti, quæ explicanda est per similitudinē concreti substantialis. Natura autem substantialis habet actualement existentiam, per quā est in rerum natura, sola ratione ab ea distincta, & ultra hanc habet subsistentiam, quæ est modus quidam substantialis, per quam vltimo terminatur, atque completur, & constituitur in supposito, si non sit rationalis, & si rationalis sit; constituitur in supposito simul, & persona, ut natura humana Petri habet actualement existentiam, per quam est in rerum natura, & subsistentiam, quæ est vltimus actus eius, & per quam constituitur persona; unde persona Petri est composita ex humanitate actu existente, & subsistentia, quæ personalitate: & cum humanitas se habeat per modum potentie, hoc est, terminabilis per subsistentiam, & subsistentia tanquam actus substantialis eam terminas, atque complens, sequitur personam esse vnum per se substantiale. Est etiam concretum singulare quolibet persona, & à multis personis abstrahitur natura

natura communis sic terminata, & completa. Et sic abstracta significatur nomine concreto communi, ut nomen homo, significat naturam humanam subsistentem, & completam in communi, quæ est idem, ac homo in communi.

- 24 Simili modo natura accidentalis, ut albedo, habet actuale existentiā, per quam est in rerum natura sola ratione à se distinctam, & etiam aliū modum, per quem ultimo terminatur, & completur, qui modus non est subsistentia, sed actualis inhaerentia in subiecto. Ex hac igitur natura accidentali actu existenti in rerum natura, & ex modo actualis inhaerentia in subiecto componitur hoc cōcretū, quod est hoc albū, vel illud, & ab his cōcretis singularibus abstrahitur concretū commune, ut albū significans naturā albedinis actu inhaerentē in subiecto; & cōpositio hæc est per se, quia fit ex natura accidentali se habente, tanquā potentia quasi substantiali, hoc est, ex natura, ut terminabili, & ex modo actualis inhaerentia, tanquam ex actu quasi substantiali eā terminante: ex potentia autē substantiali, & actu substantiali fit unū per se, & ideo cōcretum accidentale resultans ex tali cōpositione est unū per se, sed quia modus iste, quo terminatur natura accidentalis, est actualis inhaerentia in subiecto, concretū hoc per se, ut album connotat subiectū, in quo inhaeret natura accidentalis, ita completa, & terminata. Cōnotare autem subiectū nō est aliud, quā simul denotare illud, tāquam quid extrinsecū, cui quasi affixa est natura accidentalis. Et ratio huius cōnotationis est, quia modus per quē terminatur hæc natura, imperfectus est sicut ipsa, & ideo nō potest per se illā sustentare, sed indiget adiniculo subiecti extrinseci, cui quasi

affixa sit; & propterea talis modus non dicitur subsistentia, aut existentiā per se, sed actualis inhaerentia, vel actualis inexistentiā.

Ex quibus intelligitur concretum accidentale duobus modis sumi posse. 25 Primo, ut solū significat compositum quid ex natura accidentali, & proprio modo actualis inhaerentia, connotat vero ex consequenti subiectū, in quo inhaeret, & concretum hoc est unum per se, quia non componitur ex natura accidentali, & subiecto, sed ex sola illa, & termino, seu actu proprio substantiali, qui est actualis inhaerentia, eo modo, quo componitur concretum substantiale ex natura substantiali, & proprio modo subsistentia; subiectum vero non pertinet ad hanc compositionem, sed extra illam connotatur, tanquam quid extrinsecum, cui affixa est natura per actuale inhaerentiam, connotatur tamen per se. Alio modo sumitur concretū accidentale per modum aggregati ex utroque, nempe ex natura accidentali, & subiecto, ita ut tanquam compositum ex utroque significetur, & hoc modo non est unum per se, sed per accidens, quia licet componatur ex subiecto, ut ex potentia, & ex forma accidentali, ut ex actu: sed potentia illa subiecti, quam habet ad recipiendam formam accidentalem, accidentalis est, quia omnibus modis est extra essentiam eius, iam omnino cōpletam per principia, & partes substantiales: ex potentia autem accidentali, & actu etiam accidentali nō potest fieri unum per se, sed per accidens, quia fit ex duobus entibus iam completis in proprio esse substantiali, & ad diversa prædicamenta pertinentibus, nempe ex subiecto, & natura accidentali iā completa per propriū modū actualis inhaerentia, & hoc est fieri

De partibus Physicis, & Meta-
physicis.

8 **P**Artes rei duplices sunt, Physicæ,
& Metaphysicæ; & partes Physi-
cæ adhuc duplices, quædam sunt
essentiales, ut materia, & formæ; &
aliæ integrantes, quæ adhuc sunt in
duplici differentia: nā quædam sunt
eiusdem rationis, ut partes aquæ, aut
ligni, & ideo vocari solent homoge-
næ; aliæ diuersæ rationis, ut caput,
& manus, & vocantur eterogenæ,
& integrantes non sunt essentielles,
sed substantiales, aut entitativæ ap-
pellari possunt. Partes Metaph. sunt
genus, & differentia; sed de genere
certum est, quod per se pertineat ad
prædicamentum, quia habet modum
substantiæ cōpletæ; de solis ergo diffe-
rentiis tanquam de partibus Meta. &
de materia, & forma, ac partibus in-
tegrantibus, tanquā Physicis proce-
dit quæstio, an per se sint in prædica-
mento; & primo de his dicendū est,
deinde de partibus Metaphysicis.

Sed prius explicandum est, quid
sit per se pertinere ad prædicamen-
tum: duo sunt in prædicamēto. Primū
est series ipsa, seu ordinatio prædica-
mentalis superiorum, & inferiorum,
ex quibus fit, quasi quædam linea re-
cta, per quam ascendere, atque de scē-
dere possumus, ab individuo, quod to-
tius lineæ fundamentū est, usque ad
genus supremum, quod est quasi ca-
put, ut linea prædicamēti substantiæ,
procedit à genere supremo, quod est
substantia, per divisionē eius in species,
quæ sunt corpus, & spiritus: & rursus
per divisionē corporis in viuens, &
non viuens: deinde per divisionē vi-
uentis in animal, & plantā: & tandē
per divisionem animalis in hominē,
equum, & leonē, & ex his divisionib⁹

generum in species per differentias
resultat linea hæc, quæ appellatur se-
ries, aut ordinatio, nempe substantia
corpus, viuens, animal, homo, Petrus.
Et pro hac linea recta supponit præ-
dicamentum, quotiescūque de eo lo-
quimur. Præter hanc vero habet præ-
dicamentū quasi duo latera, quibus
quasi circumdatur: & latera hæc fiūt
ex differentiis oppositis, per quas ge-
nus diuiditur in species, ut latus e-
iusdem prædicamenti substantiæ no-
bis notissimū fit ex his quatuor dif-
ferentiis, corporeum, animatum, sen-
sitivum, rationale.

Ex his intelligitur iā, quid sit esse 9
se per se in prædicamento, vel ex
quibus fiat per se prædicamentum,
idem est enim, ac poni in recta lineā
prædicamēti, vel ex aliquo fieri eā
dē rectam lineam, nā latera prædica-
mēti extra ipsū sunt, & quasi ornates
eius; dū ergo querimus de partibus
tam Physicis, quā Metaphysicis, an p
se sint in prædicamēto, vel ex eis fiat,
sensus est, an per se sint in recta li-
nea prædicamentali.

Et de partibus Physicis tenet pri-
ma opinio, quod per se collocentur
in prædicamēto, ita Villalpandus, &
Lobanienſes, cap. de substantia, quos
secūtur alii. Probant primo, quia cō-
pleta substantia componitur essentialiter
ex materia, & forma, & integra-
tur substantialiter ex partibus inte-
grantibus; ergo repugnat cōpletam
substantiā poni per se in prædicamē-
to, quin partes etiā ponantur, & per
se quidē, cum per se eam cōponant.

Secūdo, quia in partibus substantiæ
intelligimus genera, & species; ergo
ex his potest ordinari prædicamen-
tum sicut ordinatur ex generibus, &
speciebus substantiæ totalis. Probatur
anteceſſens, quia sicut diuidimus
cōpletam substantiam in corporeā,
& in-

Cap. 4. de incomplexis. quæst. 1.

& incorpoream, & sic de cæteris generibus, sic possumus diuidere partialem.

10 Et confirmari potest de partibus homogeneis, quia eiusdem rationis sunt cum tota substantia, & possunt per diuisionem fieri completæ substantiæ: vt si diuidamus aquam, tot substantias cõpletas efficiemus, quot partes separamus; nam postquam separatae sunt, nec dependent à tota substantia, nec partes eius sunt, sed quælibet incipit esse completa substantia; ergo per se pertinens ad prædicamentum.

Secunda opinio excludit partes substantiæ Physicas à prædicamento, & est D. Thom. 1. part. quæst. 29. art. 4. ad 5. & de veritate quæst. 27. art. 1. ad 8. Scoti quæst. 15. prædicamentorum, Aegidii Romani in 1. d. 2. quæst. 3. Caiet. & Soti, cap. de substantia, Toleti quæst. 5. eiusdem prædicamēti, Fonsc. 5. Metaph. cap. 7. quæst. 7. sect. 2. & cap. 8. quæst. 3. & hæc est vera, & tenenda.

Probatum primo, quia prædicamentum solum fit per se ex generibus, & speciebus, vt iam ostendimus; sed genera, & species sunt substantiæ completæ; ergo partes, quæ incompletæ sunt substantiæ, non possunt prædicamentum per se constituere, aut in eo per se collocari.

11 Secundo, substantiæ completæ, & incompletæ nihil datur commune vniuocum; ergo nec dabitur genus commune vt risque, sub quo collocari possint incompletæ: quare non pertinebunt per se ad prædicamentum.

Ad primum concedendum est antecedens, sed neganda consequentia, quia res non pertinent ad prædicamentum secundum entitatem, quam à parte rei habent, sed secundum modum, quo talis entitas concipitur ab

intellectu, & modus iste ad constitutionem prædicamenti necessarius cõpletæ entitatis esse debet: vnde cū partes solum sint incompleta entia, non possunt, vt talia per se efficere prædicamentum, quamuis componant per se substantiam completam; ex qua per se fit. Solum autem concedi potest partibus, quod reductiue, aut quasi indirecte collocentur in recta linea prædicamentali, vbi collocatur species, aut genus, cuius partes sunt.

Ad secundū, negandū est, quod in partibus possint intelligi vera genera, & veræ species, sed solū possunt ex eis formari conceptus, quodammodo similes generibus, & speciebus. Et ratio est, quia non possunt concipi partes, nisi tanquam incompletæ, quamuis in communi concipiantur abstractæ à partibus singularibus, in quo consistit aliqua similitudo, & cū genera, & species ex proprio modo, quo concipiuntur, sint cõpleta, repugnat in partibus vera genera, & veras species concipere, aut in eis verā ordinationē prædicamentalem.

Ad cõfirmationem de partibus integrantibus homogeneis concedimus, quod sint eiusdem rationis cū toto, quantum ad entitatem, atque etiam, quod possint fieri substantiæ cõpletæ: negamus tamen, quod per se pertineant ad prædicamentum. Et ratio est, quia quamdiu sunt in toto, ab eo dependent, & incompletū modum essendi habent. Quod vero separari possint ab eo, solum probat, quod dum separatae fuerint: pertinebunt per se ad prædicamentum, quia non erunt iam partes, hoc vero solū est, posse pertinere, non vero pertinere actu.

De partibus vero Metaph. quales sunt differentiæ, dixerunt quidam, quos

quos citat Fonseca 5. Meta.ca.8.q.2 pertinere ad prædicamentum qualitatibus, cum prædicentur de speciebus in quale quid. Sed hoc aperte falsum est, quia licet aliquam similitudinem habeant cum qualitatibus in modo prædicandi, vere sunt conceptus essentialiter, & ut tales concipiuntur ab intellectu componente specie ex eis simul, ac generibus; ergo non sunt vere qualitates, nec ut vere qualitates concipiuntur, sed per quandam similitudinem earum; & ideo non possunt pertinere ad prædicamentum qualitatis. Solum potest esse dubium, an singulæ differentię per se pertineant ad illud prædicamentum, in quo collocantur genera, quæ diuidunt, & species quas constituunt.

13 Et est prima sententia Ammonii, cap. de substantia, asserentis per se pertinere quilibet differentias ad proprium prædicamentum, quod probat hoc argum. Nam aut differentię excluduntur à prædicamento, quia simplices conceptus sunt, vel quia incompletis; sed utraque ratio concurrat in generibus; ergo vel genera excludi debent, vel collocari differentias, sed genera excludi non possunt, ut notum est; ergo nec differentię excludi debent. Probatur minor, quia conceptus generis, ut talis non est compositus, quamvis, si sit species subalterna, in quantum species componatur; ergo est simplex, & est vera pars speciei, non minus, quam differentia; ergo incompletum quid.

Nec soluitur argum. si dicatur genus esse totum potentiale, quia etiã differentia est totum actuale, ut prædicatur de specie, continens totum, quod species; nam ut pars non posset de ea prædicari; ergo pertinebit ad prædicamentum sicut genus.

Communis sententia omnium expo-

sitorum, cap. præsentis, & sequenti differentias excludit à recta linea prædicamentali, & solum eis concedit, ut latera prædicamenti constituent, quod est extra prædicamentum simpliciter esse.

Et probatur duplici ratione. Prima, differentia formaliter sumpta solum dicit partem speciei; ergo formaliter est quid incompletum, sed recta linea prædicamenti solum constituitur ex prædicatis completis, quæ sunt genera, & species; ergo differentię non pertinent per se ad illam.

Et si dicas totum includere, quod species, cum includat genus saltem materialiter; ergo habet modum totius completi, sicut genus, ex eo solum, quod includit differentias in potentia dicitur habere modum totius completi, & pertinere per se ad prædicamentum. Contra hoc est, quod differentia eodem modo includit genus, ac accidens in concreto, nempe per modum subiecti, & ideo significatur nomine adiectivo, ut rationale, quare non includit per se totum, quod species, sed quasi per accidens: unde nec habet modum unius per se, sed genus per se, & formaliter est totum potentiale per se, & formaliter includit totum, quod species, quamvis unum actu, nempe gradum propriæ naturæ, & aliud in potentia, nempe gradum differentialem, & ideo modum habet totius, atque completi per se, & per se efficitur ex eo prædicamentum.

Secundo probatur, recta linea prædicamenti constituitur ex prædicatis per se, formaliter, & essentialiter ordinatis, sed differentia non ordinatur per se, & formaliter cum generibus; ergo non pertinet per se ad rectam lineam prædicamenti. Probatur

minor,

Cap. 4. de incomplexis. quæst. i.

minor, quia differentia non includit per se, & formaliter genus, vt rationale non includit per se, & formaliter animal, sed extra rationem eius animal est; ergo non potest cum eo constituere lineam prædicamentalem, nec per se pertinere ad prædicamentum.

Ad argum. alterius opinionis iam responsum est, quia differentia formaliter, & per se non est totum, sed pars; genus vero formaliter, & essentialiter habet rationem totius potentialis, & completi, & ideo per se, & formaliter collocatur in prædicamento, à quo excluditur differentia propter rationem incompletam.

An, & quo modo indiuidua ponantur in prædicamento.

16 **P**rima opinio est Iauelli in sua Logica, tit. 5. cap. 1. asserentis, indiuiduum per se non pertinere ad prædicamentum, sed reductiue ratione speciei, quam participat. Quod probari potest ex Porphyrio cap. de specie, vbi terminos quibus clauditur prædicamentum, asserit esse supremum genus, & infimam speciem, vltra quam non licet ascendere ad indiuidua, quia sunt infinita; ergo sentit non pertinere per se ad prædicamentum, & præterea si infinita sunt, quemadmodum de illis non datur scientia, ita ad prædicamentum non per se pertinebunt, quæ pars Dialecticæ scientiæ est.

Sed opposita opinio, quod indiuiduum per se sit in prædicamento tãquam Basis, & fundamentum eius, vera est, & tenenda; eam sequitur Fonseca 5. Metaph. cap. 7. quæst. 7. sect. 2. & quæst. 8. sect. 3.

Et ratione probatur, quia indiuiduum est ens per se completum, & in

se continens omnia prædicata rectæ lineæ prædicamentalis, quibus per se subiicitur, & de quo per se, & formaliter prædicantur, vt de Petro, substantia, corpus, viuens, animal, & homo; ergo nihil ei deficit, vt in prædicamento sit tanquam fundamentum eius.

Ad argum. respondetur, Porphyrium posuisse pro extremis prædicatis essentialibus prædicamenti genus supremum, & infimam speciem: præsupponens indiuiduum esse extremum, tanquam fundamentum omnium prædicatorum. Quod verò sint infinita indiuidua, non tollit indiuiduum pertinere per se ad prædicamentum, etiam si acta essent infinita, quia non pertinent ad prædicamentum vt distincta, vel vt efficiunt numerum, sed vt participant prædicatis essentialibus, & ea sustentant, & hæc ratio eadem est in omnibus, siue sint infinita, aut solum finita. Ex quo etiam intelligitur, indiuiduum ad scientiam prædicamentalem pertinere posse, non quidem vt obiectum eius, sed tanquam id, ex quo, vt fundamento integratur obiectum, nempe prædicamentum, quod est pars totius obiecti Dialecticæ scientiæ.

Quoniam modo res infinite ponantur, aut excludantur a prædicamento.

18 **I**n communi tantum dicendum est hoc loco de rebus infinitis, nam in particulari suis locis de illis agemus, nempe in prædicamento substantiæ, & quantitatis; nunc vero hac distinctione explicandum est dubium hoc. Duobus modis potest esse aliquid infinitum, aut secundum essentiam, vt Deus; aut secundum aliquam ratio-

rationem accidentalem extensionis, aut intensionis, ut linea si daretur infinita, aut albedo habens infinitos gradus intensionis, & infinitum secundum essentiam non pertinet ad prædicamentum, ut probabitur cap. sequenti; de reliquis vero probabitur cap. de quantitate, quod ad prædicamenta propria per se pertinerent, non minus, quam finitæ quantitates, aut qualitates.

QVÆSTIO II.

An res sint ponende in prædicamentis sub nominibus abstractis, vel concretis.

19 **D**E his, quæ pertinent ad prædicamentum substantiæ, certum est sub nominibus concretis collocanda esse in prædicamento, & non sub nominibus abstractis, ut species humana, & genus animalis, sub nominibus hominis, & animalis, & non sub nominibus animalitatis, & humanitatis, & sic de reliquis. Et huius ratio est, quia prædicamentum fit ex rebus completis, sed per nomina abstracta non significantur substantiæ, tanquam entia completa, sed solum per concreta; ergo sub concretis, & non abstractis ad prædicamentum pertinebunt. Probat minor, quia per nomina abstracta significantur non ut species, vel genera, sed ut principia generis, & speciei, ut nomine animalitatis significatur natura sensitiva, ut principium animalis; & nomine humanitatis natura rationalis, ut principium hominis; ergo significantur modo incompleto, & non prædicamentali.

De solis ergo accidentibus procedit quæstio, an abstracta, ut albedo, & color, vel concreta potius, ut

album, & coloratum, ponantur in prædicamento qualitatis, & sic de cæteris prædicamentis.

20 Et antequam alias sententias proponamus, reiicienda est ea, quam Caietan. tenet, opusc. de ente, & essentia, cap. 7. ubi distinguit duas considerationes prædicamentorum, Logicam, & Metaphysicam, & in prædicamentis Logicè consideratis abstracta esse collocanda, non concreta, quia ordinantur ad prædicationes, quæ melius in abstractis, quam in concretis exercentur: sed sub consideratione Metaphysica concreta, & non abstracta. Hoc tamen ab omnibus refutatur, quia prædicamenta eadem sunt in Logica, & Metaphysica; ergo ex eisdem rebus, & eodem modo conceptis significatur. Quod vero in ordine ad prædicationes potius abstracta, quam concreta ponenda sint, etiam est falsum, quia cum concreta, quibus significantur formæ accidentales, ut sunt in subiecto, notiora nobis sint, melius in concretis exercentur prædicationes. Sed hæc ratio non est sufficiens ad variandum modum significandi rerum prædicamentarium, & ideo sub utraque consideratione Logica, & Metaphysica disponendæ sunt in prædicamentis.

Tenet ergo prima opinio abstracta accidentium non collocari in prædicamento, sed sola concreta. Ita Ninphus 5. Meta. quæst. 3. & 7. Toletus quæst. 2. post prædicamentorum, & alii ex modernis. Et probat ex Arist. ipso, cap. præsentis, ubi prædicamenta in concreto enumeravit, iuxta translationem Boetii, quantum Argiropolus in abstracto ea posuerit, & 1. lib. Topicor. cap. 7. & lib. 4. ca. 1. loco 4. etiam in concreto secundum utramque translationem.

Pro-

natura communis sic terminata, & completa. Et sic abstracta significatur nomine concreto communi, ut nomen homo, significat naturam humanam subsistentem, & completam in communi, quæ est idem, ac homo in communi.

24 Simili modo natura accidentalis, ut albedo, habet actualē existētiā, per quam est in rerum natura sola ratione à se distinctā, & etiam aliū modum, per quem ultimo terminatur, & completur, qui modus non est subsistētia, sed actualis inhærentia in subiecto. Ex hac igitur natura accidentali actu existēti in rerū natura, & ex modo actualis inhærentiæ in subiecto cōponitur hoc cōcretū, quod est hoc albū, vel illud, & ab his cōcretis singularibus abstrahitur concretū commune, ut albū significans naturā albedinis actu inhærentē in subiecto; & cōpositio hæc est per se, quia fit ex natura accidentali se habente, tanquā potentia quasi substantiāli, hoc est, ex natura, ut terminabili, & ex modo actualis inhærentiæ, tanquā ex actu quasi substantiāli eā termināte: ex potentia autē substantiāli, & actu substantiāli fit vnū per se, & ideo cōcretum accidentale resultans ex tali cōpositione est vnū per se, sed quia modus iste, quo terminatur natura accidentalis, est actualis inhærentia in subiecto, concretū hoc per se, ut album connotat subiectū, in quo inhæret natura accidentalis, ita completa, & terminata. Cōnotare autem subiectū nō est aliud, quā simul denotare illud, tāquam quid extrinsecū, cui quasi affixa est natura accidentalis. Et ratio huius cōnotationis est, quia modus per quē terminatur hæc natura, imperfectus est sicut ipsa, & ideo nō potest per se illā sustentare, sed indiget adminiculo subiecti extrinseci, cui quasi

affixa sit; & propterea talis modus non dicitur subsistētia, aut existētia per se, sed actualis inhærentia, vel actualis inexistētia.

25 Ex quibus intelligitur concretum accidentale duobus modis sumi posse. Primo, ut solū significat cōpositum quid ex natura accidentali, & proprio modo actualis inhærentiæ, connotat vero ex consequēti subiectū, in quo inhæret, & concretum hoc est vnū per se, quia non componitur ex natura accidentali, & subiecto, sed ex sola illa, & termino, seu actu proprio substantiāli, qui est actualis inhærentia, eo modo, quo componitur concretum substantiale ex natura substantiāli, & proprio modo subsistentiæ; subiectum vero non pertinet ad hanc compositionem, sed extra illam connotatur, tanquā quid extrinsecum, cui affixa est natura per actualē inhærentiam, connotatur tamen per se. Alio modo sumitur concretū accidentale per modum aggregati ex utroque, nempe ex natura accidentali, & subiecto, ita ut tanquā cōpositum ex utroque significetur, & hoc modo non est vnū per se, sed per accidens, quia licet componatur ex subiecto, ut ex potentia, & ex forma accidentali, ut ex actu: sed potentia illa subiecti, quam habet ad recipiendam formam accidentalem, accidentalis est, quia omnibus modis est extra essentiam eius, iam omnino cōpletam per principia, & partes substantiales: ex potentia autem accidentali, & actu etiam accidentali nō potest fieri vnū per se, sed per accidens, quia fit ex duobus entibus iam completis in proprio esse substantiāli, & ad diuersa prædicamenta pertinentibus, nempe ex subiecto, & natura accidentali ita completa per propriū modū actualis inhærentiæ, & hoc est

O fieri

Cap. 4. de incomplexis. quæst. 2.

fieri ex duobus entibus in actu, ex quo inferitur esse vnum per accidens. Et si dicatur, quod sicut ex potentia substantiali, & actu substantiali fit vnum per se substantiale, ita ex potentia accidentali subiecti, & actu accidentalis formæ, potest fieri vnum per se accidentale. Respondeo impossibile esse, quod sit vnum accidentale, & per se, quia potentia accidentalis subiecti non potest esse per se respectu illius, quia est alterius generis à substantia; ergo respectu subiecti est potentia per accidens, sed subiectum concurret per talem potentiam ad componendum concretum, simul cum forma accidentali; ergo concurret per potentiam, non per se, sed per accidens: quare non potest per illam efficere vnum per se componendo simul cum alio, sed eo ipso, quod efficit vnum accidentale, cum ipsamet sit substantia, efficit vnum per accidens.

27 Secundo notandum est circa naturam abstractorum accidentium, quod ut in communis modo concipiendi, & loquendi accipiuntur, significant naturam accidentalem, ut abstractum à subiecto abstractione Physica, & non Metaphysica, quia abstrahuntur vniuersalia à particularibus: unde significant eam, non per modum inherētis in subiecto, sed per modum quasi per se subsistentis ad similitudinem substantiarum: ut albedo, quæ vere inheret subiecto, nomine albi significatur per modum inherētis, sed nomine abstracto albedinis significatur, ut abstracta Physicè à subiecto, & propterea non per modum inherētis, sed per modum per se subsistentis completi, & ideo tanquam vnum per se.

Ex tota hac doctrina colligo tres conclusiones, quibus nostra sententia explicatur. Prima est, concretum

accidentale ex sola natura accidentali, & proprio modo actualis inherētiae compositum per se collocatur in prædicamento. Probatur hac ratione. Prædicamentum fit ex entibus per se, & completis, sed concretum hoc est vnum per se, & completum; ergo per se pertinet ad prædicamentum. Probatur minor, ex potentia substantiali, & actu substantiali componitur vnum per se, ut docet Arist. 2. lib. de anima, textu 2. sed concretum accidentale compositum ex natura accidentali, ut terminabili, & ex proprio modo actualis inherētiae terminante componitur ex eadem natura, ut in potentia substantiali ad suum terminum, tanquam ad actum substantialem, & ex termino ipso tantumquam actus eius substantialis; ergo est vnum per se, atque completum, cum contineat naturam accidentalem completam per proprium modum.

Secunda conclusio. Concretum secundum modo sumptum, ut significat compositum Physicum ex subiecto, & forma accidentali, non ponitur in prædicamento. Probatur, quia prædicamentum fit ex entibus per se, sed concretum accidentale hoc modo sumptum est ens per accidens; ergo non pertinet ad prædicamentum. Minorem probo, quia ens per accidens est, quod componitur ex pluribus entibus in actu, hoc est, iam completis in suo esse substantiali, sed concretum sic sumptum componitur ex subiecto iam completo in toto suo esse substantiali, & ex natura accidentali, etiam completa per proprium modum actualis inherētiae; ergo ex multis entibus in actu.

Tertia conclusio, abstracta Physica accidentium, ut in communis modo concipiendi, & loquendi significantur, per se pertinent ad prædicamentum.

28

22

mentum, ut albedo, calor, &c. Probatur, quia significant naturam accidentalem per modum per se existentis, ac subsistentis; ergo tanquam unum quid per se, & prædicamentale. Si vero ab his abstractis abstractione Physica (quæ potius habent modum concretorum substantialium) accipiantur alia abstracta Metaphysica, ut ab albedine albedinitas, & à colore coloreitas, abstracta hæc non pertinent per se ad prædicamentum, sicut nec abstracta substantiarum, quia significant naturam modo incompleto, hoc est, non tanquam genus, aut speciem, sed tanquam principia generis, & speciei.

Ad testimonium Arist. pro prima sententia concedendum est, utroque modo enumerasse prædicamenta, in concreto, & in abstracto, quia tam concretum per se, quam abstractum per se pertinent ad prædicamenta, & solum concretum per accidens excluditur.

Ad primum argum. distinguenda est maior, quia duobus modis possumus loqui de rebus, aut secundum se, & hoc modo perfectiora sunt abstracta substantiarum, quam accidentium, vel, ut tali modo abstrahuntur ab intellectu, & sic accepta perfectiora sunt abstracta accidentium, in communi modo concipiendi, & loquendi, quia significant naturam, licet accidentalem, ut abstractam abstractione Physica, & ideo per modum naturarum per se subsistentium, atque completarum; abstracta vero substantiarum significant naturam, licet substantialem, abstractam tamen abstractione Metaphysica, & ideo modo quodam incompleto, tanquam principium generis, & speciei: quare illa pertinet per se ad prædicamentum, hæc non, sed abstracta accidentium, quæ accipiuntur Metaphysice, etiam excluduntur à prædicamento.

Ad aliud; quod de concretis dicitur in eodem arg. respondeo concretum, ut compositum ex subiecto, & accidenti esse unum per accidens, licet componatur ex potentia, & actu, quia non sunt potentia, & actus substantiales, ex quibus Arist. affirmat fieri unum per se, sed potentia accidentalis, substantiæ, & actus accidentalis formæ, ex quibus fit unum per accidens.

Ad testimonium Arist. pro secunda opinione respondetur, quod si loquatur de genere pro prædicamento, istud sumit pro concreto accidentali, & hoc modo sumptum verum est non esse in genere, hoc est, in prædicamento, ut expositum est.

Et eodem modo respondetur ad arg. quod concretum, ut significat compositum ex rebus diversorum prædicamentorum, non potest pertinere ad unum prædicamentum determinatum, imo nec ad usum prædicamentum bene tamen, ut significat compositum ex sola natura, & proprio eius modo actualis inhaerentiæ, quod est unum per se.

Si autem aduersus nostram sententiam aliquis ita arguat, accidentia in concreto definiuntur unica definitione, ut albi, quod sit segregatiui visus, vel etiam genus, aut species, & definiuntur, ut dicunt subiectum, & formam accidentalem, ita, ut subiectum sit definitum materiale, tanquam denominatum à forma, & hæc sit definitum formale, ut denominans subiectum; ergo sunt unum per se, etiam ut includunt subiectum, & ideo pertinebunt ad prædicamentum contra secundam conclusionem nostram. Respondeo, quod concretum duobus modis includit subiectum, ut ex nostra doctrina est manifestum. Primo, tanquam per se connotatum, & non significatum, & tunc concretum est unum per se, quia solum

O 2 significat

Cap. 4. de incomplexis. quæst. 3.

significat naturam per propriū modum actualis inhaerentiæ completā: subiectum vero per se connotat. Secundo modo includit subiectum, ut per se significatum; & hoc modo est vnum per accidēs. Dam ergo definitur in concreto primo modo sumitur, & est vnū per se includens naturā, & subiectum, ut per se connotatū, nō ut cōponentia vnū, sed ut ordinata, quia cū subiectum per se connotetur, per se ordinatur cū natura cōpleta illud cōnotante, ideo efficit vnum per se, nō entitate, sed ordine, quod per vnā definitionē explicari potest.

QVAESTIO III.

An necesse sit prædicamēta distingui realiter, aut ex natura rei, uel sufficiat distingui ratione.

Prima opinio affirmat necessario esse ponendam distinctionē realē inter prædicamenta. Ita Venet. 3. lib. suę Meta. cap. 31. Nymph^o 4. Meta. quæst. 4. & lib. 5. quæst. 12 quos videtur sequi Caiet. 1. par. quæst. 28. art. 1.

Probant primo, quia diuisio entis in decē prædicamēta est realis; ergo diuiditur ens in diuersas entitates reales, sed diuersæ entitates reales sunt realiter distinctæ; quia quę sola ratione distinguuntur: sunt eadē entitas reals; ergo necesse est prædicamēta distingui realiter. Probatur prima consequentia, quia sicut animal diuiditur in diuersa animalia, & color in diuersos colores, ita ens in diuersas entitates.

Secundo, prædicamenta sunt primo diuersa; ergo in entitate non cōueniunt vniuerse, sed si non distinguantur realiter, conuenirent in vna aliqua entitate multis communi; ergo sicut repugnat eis talis conueniē

tia, sic repugnat identitas realis, aut non distinctio; necesse est ergo distinguui realiter.

Secunda opinio non ponit distinctionem realem inter omnia prædicamenta, sed realem, vel formalem, saltem ante operationē intellectus, ita ut necessarium sit habere rationes formales ex se, & sine dependentia ab intellectu distinctas. Et quia hanc distinctionē formale solent vocare ex natura rei, dicunt necessariū esse, quod prædicamēta distinguantur realiter, aut ex natura rei, ita ut nō sit possibile solū per intellectum distinguui. Ita Ioānes Gaudensis, quē citat Fonseca 5. Meta. cap. 7. q. 6. sect. 1. & licet eum refutare videatur, section. 2. concl. 2. sect. tamen 3. in fine sententiam eius sequi videtur. Affirmans prædicamentorum distinctionem, non pendere ab intellectu, sed ante operationem eius omnia distinguui.

Et probatur hoc argum. Prædicamenta continēt diuersos modos essendi; ergo diuersas rationes formales ante operationem intellectus distinctas, quod est non distinguui sola ratione, sed quasi ex natura rei. Probatur consequentia, quia modus essendi rerum non pendet ab intellectu; ergo nec dependebit ab eius operatione, quod diuersi sint, vel non, sed ex propria natura erunt distincti.

Tertia opinio ferē communis est iam in schola, quod nec prædicamenta necessario distinguantur realiter, nec ex natura rei, sed satis sit, aliqua distinguui ratione, cum fundamento in re. Ita D. Tho. 11. lib. Meta. lect. 9. quæst. 2. ad 18. Sotus cap. de quantitate, quæst. 1. Toletus quæst. 5. ex cōmunibus prædicamētis omnibus, & ex modernis multi.

Et

54 Et quod nō sit necessaria distinctio realis inter prædicamenta, euidenter colligitur ex duobus locis Arist. nam in hoc libro prædicamentorum distinguit duo prædicamenta actionis, & passionis. Et 3. lib. Physicorū. tex. 19. asserit, & probat actionē, & passionem non distingui realiter, sed eundem motum realem esse actionē, prout procedit ab agente, & passionē prout recipitur in passio, vt eandem calefactionem, per quam ignis calefacit lignum, esse actionem, prout ab eodem igne procedit, & passionem, prout recipitur in ligno; ergo euidenter sequitur ex utroque testimonio non esse necessario ponendam distinctionē realem inter prædicamēta.

35 Probat secundum, quod non sit necessario ponenda distinctio ex natura rei, sed rationis sufficiat. Primo quia inter diuersos gradus essentialis eiusdem rei, nō est necessario ponenda distinctio ex natura rei, sed sufficit per intellectū distingui, vt cap. de differētia probauimus: sed prædicamenta possunt in eadē entitate contineri, in qua reperiatur ratio vtriusque, & nō distinguuntur rationes eorū per diuersos gradus essentialis, sed solū per diuersos modos essendi, vt substantia ab accidentibus per modum per se, & accidentia inter sese per diuersos modos inherēdi in substantia; ergo non est necessariū distingui ex natura rei, sed sufficit per intellectū. Probat consequentia, quia minus differūt modi, quā gradus essentialis.

Secundo probatur, quia non est ponenda distinctio ex natura rei, vbi sufficit distinctio per intellectū, sed sufficit distinctio rationis ab intellectu facta inter prædicamēta; ergo nō est ponenda formalis, aut ex natura rei. Minore prob., quia quotiescūque aliqua sunt distincta ex natura rei,

non possunt in eodem reperiiri, nisi per realem compositionem, cum sint multa, ex quibus resultat vnū, quod non potest fieri, nisi per compositionem: sed actio, & passio, quæ sic distinguuntur, sunt in eodem motu sine cōpositione, & in multis aliis plures reperiūtur rationes formales sine cōpositione reali, vt in attributis diuinis, iustitiæ, & misericordiæ; ergo nō debent poni distinctæ ex natura rei, vel ante intellectū, sed satis est ab intellectu distingui.

Sed talis distinctio facta ab intellectu inter aliqua prædicamēta, quæ 36 nō sunt distincta realiter, necessario esse debet cum fundamento in re, & ideo distinctio rationis ratiocinata, nam cū sint rationes formales primo diuersæ, non possunt separari ab intellectu in eadem re, nisi virtualiter in ea contineantur, & hæc virtualis continētia fundamentū est, vt possit intellectus vtrāque separare, ac distinguere, cōcipiendo vnā sine alia. Gratia exēpli, in Petro nullū est fundamentū distinguēdi illum a seipso, quia repugnat, quod differat à se formaliter, & ideo non potest distinguere distinctio rationis ratiocinata, sed solū rationis ratiocinatæ, hoc est, solū officio intellectus. Sed actio, & passio, quæ reperiūtur in eodem motu, quasi virtualiter distinctæ sunt ante intellectū, quia vere ante operationē eius reperiuntur in motu, quod procedat ab agēte, & recipiatur in passio, & ideo fundamentū tribuunt eidē intellectui, vt cōcipiat motū, vt procedentē ab agente, nō concipiendo illū, vt receptū in passio eodē conceptu, sed alio, & diuerso quidē: quia verū est procedere ab agēte ita conceptum non esse recipi in passio, & hoc est distincta esse ab intellectu actio, & formaliter illa, quæ à parte rei solū

O 3 erant

erant distincta virtualiter: esse autē distincta virtualiter nō est aliud, quā posse formaliter distingui. Et hæc distinctiōe rationis ratiocinata dicimus sufficere inter aliqua prædicamēta, licet alia distinguatur realiter, sed nulla esse distincta formaliter autē operationē intellectus, quia talē distinctiōe formale nō admittimus.

37 Ad primum arg. distinguendū est antecedēs, quia duobus modis potest intelligi diuisionem esse realem. Primo, ita vt tam diuisum, quam membra sint realia, & non entia rationis. In quo sensu admittimus diuisionem entis in decem prædicamēta esse realem. Secundo, potest intelligi esse realem, ita vt membra sint realiter distincta, & in hoc sensu negamus, quod sit realis. Et possumus exemplum ponere in diuisione boni in honestum, vile, & delectabile, quā omnes concedunt esse realem in primo sensu, & negant in secundo: quia sæpe contingit membra non esse distincta realiter, aut ex natura rei, sed sola ratione. Et hæc distinctiōe supposita negāda est etiam consequētia, quod sit diuisio entis in diuersas entitates reales, si per diuersas entitates reales intelligātur realiter distinctæ.

Ad secundū respondeo distinguēdo antecedens, quod prædicamēta sint primo diuersa, hoc enim dupliciter potest intelligi: primo, secundū rationes formales, & in hoc sensu verū est: sed sic intelligendū, vt non cōueniant vniuocē in aliquo gradu superioris naturæ, nec distinguantur per alios gradus inferiores essentialis perfectionis, sicut distinguuntur species per gradus essentialis perfectionis diuersos à genere, sed distincta sint prædicamēta per diuersos modos effēdi in terinsecos, atq; inclusos in eadē ratione entitatis, in qua analogicē cōue-

niunt, & ita verū est per easdē suas entitates, & nō per alios gradus perfectionis esse diuersa, & ideo seipsis esse diuersa; quod vere, & proprie est esse primo diuersa, nec speciebus cōuenit, sed per differētiās dicūtur differre. Secundo modo potest intelligi esse primo diuersa secundū entitates reales, ita vt nō possint in eadē entitate reali plura cōuenire, & hoc modo aperte falsū est, vt de actione, & passione ostendimus: quarū rationes formales in eodē motu reali reperit̃ur, sed nihilominus sic reperta, & ab intellectu distincta primo diuersa sūt modo iam explicato.

QVAESTIO IIII.

Vtr. prædicamento sint decem, ita ut nec plura, nec pauciora.

38 Vidē, quos citat Plot. lib. 1. Acenes de 6. vsque adeo prædicamēta multiplicarūt, vt infinita posuerint, sed eorū sentētia hac ratione falsa probatur: quia si verū est d' omnibus rebus à Deo factis, quod in numero, pōdere, & mēsurā sint ab eo factę, vt sacrę literę docēt, quāto magis de generibus, atq; speciebus, quibus essētiæ rerū cōtinētur, sed ex his efficiūtur prædicamēta; ergo finita erūt.

Sed inter eos, qui pro certo tenēt finita esse, tres sunt opinionēs diuersæ. Prima eorū, qui plura quā decem posuerūt, quos citat. Simplicius in cōmento prædicamētōrū. Et potest probari hoc arg. Pro causā efficiēte ponitur prædicamentū actionis, & pro causā materiali receptiua eiusdem actionis ponitur prædicamentū passionis; ergo pro aliis duabus causis, formali, & finali debent poni duo alia prædicamenta, quia non est maior ratio, ob quam pro illis, quam pro his multiplicentur.

Secunda opinio fuit eorū, qui pauciora

ciora, quam decem posuerant, sed diuisi sunt. Nam Plato in Dialogis de ente, & vno, qui aliis nominibus vocantur, Sophista, y Parmenides, vnum tantum prædicamentum videtur ponere vniuersalissimū entis, quod supremum genus rerum omnium vocat, sub quo particularia genera, & species collocantur.

39 Probat̃ur hoc arg. Ens est genus vniuersalissimum entis; ergo sub eo ordinari possunt genera omnia, & species: sed vna ordinatio sub vno primo genere est vnum prædicamentum; ergo. vnum tantum prædicamentum ponendū est, & non plura. Probat̃ur maior, quia si ens non esset genus, maxime quia est transcendens, & propter transcendentiam includitur in omnibus differentiis, cōtra propriam conditionē generis, quod debet esse extra. rationem differentiārum: sed hæc ratio non est sufficiens; nam licet ens vniuersaliter sumptū, prout cōmune est, tam entibus in cōpletis, quam completis, hoc habeat, sed si pro solis completis accipiat̃ur, non includetur in differentiis, quia differentiæ non sunt entia completa, & eadē ratione, neque in modis intrinsecis, & ideo poterit esse vniuersalissimum genus omnium rerum cōpletarū, ex quibus fit prædicamentū.

40 Sed iam quod ens non possit esse genus omnium rerum, accidens salte videtur esse genus omnium accidentium, & ideo vnum tantum prædicamentum omnium accidentium esse ponendum, & aliud substantiæ, & ita duo tantum, &. Hæc fuit sententia Zenocratis, & Andronici, quos citat Simplicius vbi supra.

Alii vero antiquiores Philosophi, quod citat Plotinus lib. 1. Aeneade 6. cap. 29. posuerunt quatuor, nempe substantiam, qualitatem, relatio-

nem, & modum rei. Et potest probari ex doctrina Arist. qui 1. lib. Topicorum, cap. 7. quatuor posuit prædicata, sed prædicamentum non est aliud, quam prædicatorum ordinatio; ergo ex quatuor prædicatis non possunt plura, quā quatuor fieri prædicamēta. Plotin. vero lib. 2. Aeneade 6. ca. 13. quinque posuit, nempe, motū, quietē, idētitatē, diuersitatē, & ens;

Scaliger vero exercitatione 65. posuit nouem, quia prædicamentū vbi, vel prædicamentum, quando, ad quātitatem reducit.

Tertia opinio est eorum, qui decē tantum prædicamēta ponunt, ita vt nec plura sint, nec pauciora, quā primus videtur insinuasse Architas Tarentinus, Pythagoræ discipulus, & postea Arist. eam in scholas introduxit. Et hæc est iam communis, & tenenda, quam secutus est D. August. lib. 10. Categoriarum, cap. 8. & D. Tho. non solum eā sequitur, sed probat 3. li. Phys. lect. 9. & 5. Met. lect. 5.

Ratio autem D. Tho. hæc est. Prima substantia, quæ est indiuiduū substantiæ, vt Petrus, aut Ioānes est fundamentum omnium prædicatorum essentialium; ergo secundum diuersos modos essendi, & prædicandi de illa numerus prædicamentorū sumi debet: sed vno ex tribus modis potest se habere prædicatum respectu eius, nam vel pertinet ad quidditatē illius, vel extra illā est; & si ad quidditatē pertinet, est prædicamentum substantiæ; si vero est extra illam, vel sumitur ab aliquo ei formaliter inherēte, & ex hoc distinguuntur tria prædicamēta, quia prædicatum ab aliquo inherēte sumptū, vel conuenit primæ substantiæ modo absoluto, aut cū respectu ad aliud. Si modo absoluto, vel ratione materiæ, & est prædicamentū quantitatis, vel ratione formæ, &

Cap 4^o de Incomplexis. quæst. 3.

est prædicamentum qualitatis: si vero conuenit cum respectu ad aliud, est prædicamentum ad aliquid, vel sumitur ab aliquo extrinseco, hoc est, non inherente primæ substantiæ, & ex hoc distinguuntur sex alia prædicamēta, quia vel sumitur ab eo, quod est mensura extrinseca quasi per modum continentis. quæ dicitur locus, & erit prædicamentum ubi, nam ubi naturaliter saltem dicitur esse in loco, aut circumscribi loco. Aut ex tali dispositione, quam corpus habet in loco, quia stat, vel sedet, & est prædicamentum situs. Vel ab eo, quod est mensura extrinseca successiua, quale est tempus, & est prædicamentum, quando, quod non videtur esse aliud quam tempori accommodari, & ab eo mensurari. Si vero prædicatum accipitur ab extrinseco, quod non est mensura, sed proprie dicitur habere, ut habere vestem, aut arma, quod est vestitum, aut armatum esse, efficitur prædicamentum habitus. Et si accipitur ab extrinseco, à quo procedit efficienter, est prædicamentum actionis; & si ab extrinseco, cui actio, aut effectus imprimitur est prædicamentum passionis; sequitur ergo decem tantum esse prædicamēta, nec plura esse multiplicanda, quia ad hæc decē capita facile reduci possunt omnia entia creata.

4: Ad argum. primæ opinionis respondet D. Tho. 3. lib. Physicæ. q. 5. post medium, negando consequentiā, quod pro causa formali, & finali ponenda sint duo alia prædicamenta, quia causa formalis simul cum materiali intrinseca partes substantiæ sunt, ex quibus componitur, & ideo ad prædicamentum eiusdem substantiæ reducuntur, causa autem finalis non habet specialem modum prædicamentalem, sicut efficiens, sed solum mouet uoluntatem, attrahendo eā ad sui

amorem; & motio hæc extrinseca quædam ratio est, minime prædicamentalis: quare pro ea non est multiplicandū prædicamentum sicut pro efficiente, à quo egreditur actio secundum specialem modum prædicamentum constituentem.

Ad argum. de ente, & accidente in fauorem Platonis, & aliorum Philosophorū vnū, vel duo tantum prædicamenta ponentiū proposita, respondetur, ideo ens non esse genus omnium entium, nec accidens omnium accidentium, quia genus debet esse vniuersum, ens vero, & accidens nō sunt vniuersa, sed analogæ, ut superius probauimus; ergo non sunt genera.

Ad argum. illorum, qui quatuor ponebant prædicamēta propter quatuor prædicata Dialectica, quæ posuit Arist. Respondeo, prædicata Dialectica, diuerso modo sumi, ac prædicamenta, nempe ex ordine ad commune subiectum, cum quo possunt constitui propositionem Dialecticam; prædicamenta vero ex diuersis modis essendi vniuersalissimis, & ideo maiorem habent extensionem, & maiorem numerum efficiunt, quæ prædicata, ut quæst. 5. vniuersalium probauimus.

Ad arg. tandē pro sententiā Sciligeri dereductione prædicamenti, ubi ad locum, vel prædicamentū, quando, ad quantitatem respondemus diuersā ratione formali habere, ubi, à loco, & quando, etiā à quantitate (ut superius locis probabitur) & ideo non posse ad prædicamentū quantitatis reduci, sed distincta prædicamēta ab ea consistere, quare nec pauciora sunt ponenda prædicamēta, quam decē, nec plura.

CAPVT QVINTVM,
continens prædicamentum
substantiæ.

T E X.

TEX. ARISTOTELIS.

Substantia autem est, quæ proprie & principaliter, & maxime dicitur, quæ neque in subiecto aliquo est, neque de subiecto aliquo dicitur, &c.

Textus expositio.

Intentum Aristotelis est explicare naturam substantiæ, quæ est primum prædicamentum. Diuiditur autem caput in tres partes, in prima præsupposita diuisione substantiæ in primam, & secundam substantiam, explicat quid sit prima, & quid sit secunda substantia. In secunda parte comparat primam & secundam substantiam inter se, atque etiam inter se secundas, & docet, quoniam sit perfectior altera, in tertia enumerat sex proprietates substantiæ.

Definitio primæ substantiæ his verbis continetur. *Substantia, quæ proprie, principaliter & maxime dicitur est, quæ neque de subiecto aliquo dicitur, neque in subiecto aliquo est.* Et tria illa verba, quæ proprie, principaliter, & maxime dicitur ad definitum pertinet, non ad definitionem. Et sensus eorū est: Substantia non sub ratione communi, & impropria accepta pro essentia rei, siue substantialis, aut accidentalis, sed proprie pro ente per se; & quæ ratione sui, hoc est propria virtute subsistat, siue sustentat tam accidentia, quam secundas substantias, & ideo maxime vocatur substantia, est illa, quæ neque de subiecto aliquo dicitur, id est, de quidditative inferiori, nec in subiecto aliquo est per realē inhaerentiam, ut Petrus proprie est substantia, cum sit ens per se, & propria virtute subsistat, siue susten-

ter, non solum albedinem, & cetera accidentia, sed etiam secundas substantias, quæ sunt prædicata vniuersalia superiora: ut hominem, animal, viuens, & substantiam, non dicitur de subiecto, quia nullam habet inferioris se quidditative, de quo dicatur; nec est in subiecto, quia non inhaeret alicui.

Definit deinde secundam substantiam in plurali dicens. *Secunda substantia sunt species. & genera, in quibus prima substantia inest.* Ut homo, & animal sunt secundæ substantiæ, in quibus primæ substantiæ, ut Petrus & Ioannes inest, id est sub quibus, tanquam subiecta sub prædicatis continentur, nam secundæ substantiæ sunt in primis, tanquam superiora prædicata in subiectis quidditative inferioribus; & ideo actū & formaliter. Primæ vero in secundis tanquam subiecta, de quibus prædicantur, & propterea, non actū, & formaliter, sed quasi sub potentia earū, eo tere modo, quo species dicuntur esse in genere.

Comparat in tertia parte primas substantias cum secundis; deinde secundas inter se. Et inter primam, & secundas substantias asserit, primam esse perfectiorem: probatque, quia substantia est, quæ subsistat aliis, aut quæ sustentat alia: sed prima substantia propria virtute subsistat, & omnes subsistat, id est non solum accidentibus, sed ipsimet secundis substantiis, secunda vero substantia non subsistat ratione sui, sed ratione primæ, in qua, & à qua sustentatur, nec subsistat primis substantiis, ergo prima substantia est magis substantia, quam secunda: ut Petrus est magis substantia, quam homo; quia ratione sui subsistat albedini, & reliquis accidentibus, atque etiam eidem homini, homo

O 5 vero

Cap. 5. de substantia. textus expositio.

Verò, non ratione sui, sed ratione Petri in quo sustentatur; dicitur sustentare accidentia; nec Petrum ipsum sustentat, sed ab eo sustentatur.

Comparat deinde secundas substantias, & ait, quod si species comparetur cum genere, magis substantia est quam genus; si vero cum alia specie, æqualis est ratio substantiæ in utraque. Probat primum duplici argumento. Primo, quia illud est perfectius in quocunque ordine rerum, quod magis accedit ad perfectissimum eiusdem ordinis. Ut inter species animalis illa erit perfectior, quæ magis accedit ad humanam, quæ est perfectissima species talis generis, sed species magis accedit ad primam substantiæ, quæ est perfectissima quæ genus, ut homo magis accedit ad Petrum quam animal; ergo erit perfectior substantia genere. Secundo, inter substantias illa est perfectissima, quæ omnibus substat, ergo ex aliis illa erit perfectior altera, quæ pluribus substat: sed species pluribus substat quam genus; ergo erit perfectior illo. Probat minor, quia substat omnibus, quibus substat genus, hoc est eisdem accidentibus, & eisdem prædicatis superioribus, & præterea substat eidem generi; genus vero non substat speciei. Gratia exempli, homo substat omnibus accidentibus, & omnibus prædicatis superioribus; quibus substat animal, & etiam ipsi animali; at vero animal non substat homini, sed in eo sustentatur.

Si vero species comparetur inter se, ut homo cum leone, neutra dicitur magis substantiis quam alia. Probat, quia una non substat pluribus, sed eisdem prorsus accidentibus, & prædicatis superioribus substat, &

una non substat alteri, quia neutra est in alia.

In ultima parte capituli enumerat sex proprietates substantiæ, quarum prima est, non esse in subiecto, & de prima substantia evidens esse ait, quia Petrus in nullo subiecto est, sed in se, & per se subsistit. Sed quod conveniat secundis substantiis, probat duplici ratione. Prima, quia si in aliquo essent tanquam in subiecto, maxime in prima substantia, in qua inhererent omnia accidentia, sed in ea non possunt esse tanquam in subiecto; ergo in nullo. Probat minorem, quia secundæ substantiæ prædicantur de primis tanquam de quidditatibus inferioribus; ergo non sunt in illis tanquam in subiectis. Probat consequentia, quia esse in aliquo tanquam in subiecto, est esse in eo per realem inherentiam, sicut est accidens: sed secundæ substantiæ sunt de quidditate primarum, ut homo, & animal de quidditate Petri; ergo non sunt in eo tanquam in subiecto.

Secunda ratio, est quæ sunt in aliquo tanquam in subiecto, ut accidentia, prædicantur quidem nomine de subiectis, sed ratione non possunt prædicari, quia ratio est definitio, seu conceptus quædilatatus, sed definitio albi non est definitio hominis, ergo non prædicatur de illo nomine, & ratione, sicut prædicantur uniuoca, sed solo nomine: at vero secundæ substantiæ prædicantur de primis nomine, & ratione; ut homo de Petro, quia definitio hominis est definitio Petri; ergo non possunt esse in eis tanquam in subiecto. Et ideo non solum primis substantiis conveniunt hæc proprietates, videlicet non esse in subiecto, sed etiā secundis.

Secunda proprietas substantiæ est,
 vni-

vnioce prædicari: quod intelligitur de prima substantia, & ideo certum est hanc proprietatem solum conuenire secundis. Sed non solum conuenire ait generibus, & speciebus, quæ vere, & propriæ sunt secundæ substantiæ, sed etiam differentiis earum, quia de quibus prædicatur species vnioce, necesse est etiam prædicetur eius differentia. Quod vero secundis substantiis, & differentiis conueniat, probat Aristoteles hac ratione. Vnioca sunt, quorum nomen est commune, ratio vero substantiæ eadem: sed nomen secundæ substantiæ commune est primis, de quibus prædicatur, & definitio eadem, vt nomen homo commune est Petro, & Ioanni, & definitio eius etiam est eadem, atque illis communis, vt notum est: ergo prædicatur de eis vnioce.

Tertia proprietas est, hoc aliquid significare. Quid autem intelligat per hoc aliquid, certum est intelligere substantiam singularem, & per se subsistentem: & ideo asserit, quod licet videatur hæc proprietas conuenire secundis substantiis, quia homo, & animal videntur significare aliquid per se subsistens, sed solum conuenit primis, secundæ vero non significant hoc aliquid, sed potius quale quid, quale quidem significant, quia sunt quasi formæ vniuersales primarum substantiarum, & formæ videntur habere similitudinem qualitatis, cuius vna species est forma, & figura, sed quia sunt prædicata substantialia, dicuntur significare quale quid.

Quarta proprietas substantiæ est, nullam habere contrarium, vt Petro aut Ioanni nihil contrarium esse potest: & hæc proprietas tam primis quam secundis substantiis conuenit,

sed non quarto modo (inquit Aristoteles) quia aliis etiam, vt quantitatis est communis.

Quinta proprietas est, non suscipere magis, & minus, quemadmodum suscipiunt qualitates: nam vnum calidum magis est calidum, quam alterum, quia plures habet gradus intensiōnis, hos autem gradus non habet substantia, & ideo dicitur non suscipere magis, & minus.

Ultima proprietas substantiæ est, vt vna numero permanens contraria suscipere possit, vt Petrus idem numero permanens modo potest esse calidus, & postea frigidus. Hæc autem proprietas non videtur conuenire secundis substantiis, sed solum primis, quia solum prima substantia est vna numero, secunda vero vna specie, vel genere: ergo quod vna numero perseverans suscipiat in se contraria soli primæ conuenire potest.

Sed aduersus hanc proprietatem proponit argumentum Aristoteles. Quia videtur conuenire alteri, nempe propositioni, quæ vna numero permanens de vera fit falsa, & de falsa fit vera. Vt hæc propositio, Petrus sedet vera est eo sedente, stante vero falsa, & permanet eadem: ergo conuenit illi, quod vna numero permanens suscipiat contraria. Et respondet duobus modis. Primo, quod licet suscipiat contraria, non tamen eodem modo, ac substantia, sed diuerso, nam substantia suscipit contraria per sui mutationem, quia suscipit ea in se formaliter, & ideo mutatur ea suscipiens. Sed propositio sine sui mutatione, sed solum per mutationem alterius extrinseci, nempe rei, de qua aliquid enuntiatur. Dum ergo dicitur propriam esse substantiæ suscipere contraria, in-

telligit

Cap. 5. de substantia. quæst. i.

teligitur per sui mutationem, & hoc modo, nec propositione, neque aliis conuenit. Secunda solutio eadem ferre est, negat enim propositionem suscipere contraria, quia suscipere contraria est subiectum moueri ab vno in alterum, amittendo vnum, & acquirendo alterum. Propositio vero, dum ex vera fit falsa, non mouetur à veritate in falsitatem, nec amittit vnam, & acquirit alteram, sed mutatio solum se tenet ex parte rei significatæ, & ideo propositio non dicitur suscipere contraria.

QVÆSTIO I.

Quodnam sit supremum genus prædicamenti substantiæ.

8 **V**idetur nullum habere genus supremum, quod sic probatur. Si haberet aliquod maxime substantia, sed hæc non potest esse genus, ergo nullum habebit. Minor est probatio, quia si substantia in communi, ut ab omnibus substantiis abstracta esset supremum genus huius prædicamenti, sub quo comprehenderentur omnes substantiæ, & ideo vnum tantum esset prædicamentum pro eis constituendum; sequitur etiam accidens in communi esse supremum genus omnium accidentium, & ita vnum prædicamentum constituere, sub quo ponantur accidentia omnia; quare duo tantum prædicamenta erunt. Probatur consequentia, quia sicut substantia vniuersaliter sumpta, prout communis est completis, & partialibus, transcendens est, & in ultimis differentiis includitur, nec vniuoca respectu omnium, sed analogæ, quia prius de completis substantiis, posterius vero de partibus, & cum intrinsecâ

dependentia ab illis dicitur, & ideo non potest esse genus, quia genus debet esse vniuocum, & non transcendens, ne includatur in ultimis differentiis, sed extrarationem earum sit. Si tamen pro substantia completa in communi accipitur, nec erit transcendens, quia non includetur in differentiis, nec analogæ, sed vniuoca, quia æqualiter de omnibus dicitur, & ideo poterit esse genus. Eodem modo accidens, quamuis vniuersaliter sumptum sit transcendens, & analogum, & ideo non possit esse genus, si tamen pro completo tantum, non erit transcendens, neque analogum, sed vniuocum, quia æqualiter dicitur de omnibus accidentibus completis, & ideo poterit esse genus.

Pro solutione huius questionis notandum est, quinque esseceptiones substantiæ, ut colligitur ex doctrina Aristotelis, cap. præsentis, & 5. Metaph. ca. 8. textu, 15. atque etiam ex D. Thom. in Commentariis eiusdem loci. & de potentia, quæst. 9. ar. 1. ad 4. & 5. primo accipitur pro essentia rei, & hæc acceptio communis est accidentibus, in quibus etiam reperitur essentia, & ideo non est propria, neque vniuoca, sed analogæ, quia nihil reale potest dari commune, & vniuocum substantiæ, & accidentibus.

Secundo accipitur substantia pro ente per se, in quo duo includuntur, vnum negatiuum, quod est non esse in alio; aliud positiuum, quod est esse entitatem adeo perfectam, cui debetur existentia, & substantia per se, ita ut sine adminiculo alterius sustinetur. Unde acceptio hæc duas includit. Primam, & quæ in ordine erit secunda, quæ accipitur substantia pro ente, quod non inhaeret alteri, vel ut dici solet, prout distinguitur contra
accidens,

accidens, quod constat inhærere. Et hæc etiam acceptio communis est, & analogæ, & ideo impropria, quia sub ea comprehendit substantia non solum completas substantias, sed etiã incompletas, seu partiales, de quibus verum est, quod non inhæreant; nam licet sint in toto, non per realem inhærentiam, sed componendo illud substantialiter, substantia vero de cõpletis, & incompletis non vniuocæ, sed analogice dicitur.

Tertia acceptio in ordine est pro iñso positio, quod includit eadẽ particula per se, nempe pro entitate cõpleta, cui debetur existentia, & subsistentia per se. Sed adhuc acceptio hæc cõmunis est, & analogæ, & ideo non ita propria, quia comprehendit substantiam finitam, & infinitam, creatam, & increatam, quibus nihil potest esse commune vniuocum, nam substantia creata intrinsecam dependentiam & attributionem dicit ad increatam, quæ est Deus, quare substantia completa, cui debetur existentia, & subsistentia per se, analogæ erit respectu vtriusque.

10 Quarto modo accipitur pro substantia completa, & finita in communi, hoc est, abstracta à particularibus substantiis completis, & finitis. Et hoc modo sumpta est supremum genus prædicamenti substantiæ, quod diuiditur in corporeã, & incorpoream prima diuisione, ex qua resultat secundum genus corporis, quod diuiditur in viuens, & non viuens, & rursus, viuens, in sensibile, & insensibile. Et eadẽ, sensibile, quod est animal, in hominem, equum, & leonem, & ex his diuisionibus resultat prædicamentum substantiæ his prædicatis constans, substantia, corpus, viuens, animal, homo, vsque ad Petrum.

Vltima acceptio est pro completa substantia secundum quandam proprietatem eius, quæ est subsistere accidentibus, aut etiam prædicatis superioribus quidditatiuis. Subsistere vero idem significat, quod sustentare illa, & substantiam hoc modo sumptam diuisit Aristoteles in principio huius capituli in primam, & secundã, sed in hac acceptione non potest prædicamentum constituere, quia non sumitur essentialiter.

Ex his colligitur conclusio hæc, per quam respondetur quæstioni, prædicamentum substantiæ habet supremum genus determinatum, & hoc est, substantia completa, & finita in communi considerata. Probatur hoc argumen. Supremum genus prædicamenti est illud, à quo deriuantur genera, & species eiusdem prædicamenti, & ipsam non deriuatur ab alio, sed has condiciones habet substantia completa, & finita; ergo est supremum genus prædicamenti substantiæ. Probatur minor, quia hæc non deriuatur ab alio prædicato superiori vniuoco, sed immediate continetur sub ente analogo, & ab ea deriuantur genera, & species: ex quibus efficitur recta linea prædicamenti, vt exemplis probatum est.

Ad argumentum respondetur negando consequentiam, quia diuersa est ratio de substantia, & accidenti, in duobus: in primo quidem nam substantia dicit particularem, & determinatum modum essendi; accidens vero plures modos essendi dicit nulum determinans, sed confusa ratione. Secundo, accidens quantumcunque abstrahatur, aut sumatur pro solo accidenti incompleto, analogum est, propter intrinsecam attributionem ad substantiam cum qua significat accidentia omnia, & ideo non potest,

II

Cap. 5. de substantia. quæst. 2:

potest esse genus, nec determinatū genus vnius prædicamenti. Substantia vero inempta pro completa, & finita vniuocam rationem, atque communem dicit respectu omnium substantiarum completarum, ex quibus fit prædicamentum, & propterea potest esse supremum genus determinati prædicamenti.

QVAESTIO II.

Vtrum Demonstratur in prædicamento substantia.

12 **Q**Uamuis ex his, quæ in quæstione præcedenti diximus, nempe substantiam completam, & finitam esse supremum genus prædicamenti substantiæ, colligi posset Deum, qui substantia infinita est, non pertinere ad hoc prædicamentum; plures tamen eum in prædicamento esse affirmant, & ideo specialem disputationem postulat.

Tenet igitur prima opinio Deum esse in prædicamento substantiæ. Ita Greg. & Gab. in 1. d. 8. q. 3. Holcoth. quæst. 6. & Ioannes Baconius d. 9. q. 1. & probatur testimonio Aristotelis 4. Topicorū cap. 2. loco 17. ubi ait Deū esse in genere animalis, & separari ab homine per propriam differentiam immortale. In verbis, *si differentiam, ut genus assignauit, ut si immortale genus Dei, nam differentia est animalis immortale.* Et loco secundo eiusdem capituli, *si differentiam in specie posuit, ut immortale id ipsum, quod est Deus esse, &c.*

Deinde probatur ratione. Primo, quia si aliquid obstat, quo minus Deus esset in prædicamento, maxime esse substantiam infinitam, sed hoc non obstat, ergo nihil. Probo minorem, quia esse aliquid infinitū non

obstat quo minus sit in aliis prædicamentis, ut si daretur linea infinita esset in prædicamento substantiæ; & si daretur calor infinite perfectus secundum intensiōem, esset in prædicamento qualitatis; ergo etiā si Deus sit substantia infinita poterit esse in prædicamento substantiæ.

Secundo, per mysterium incarnationis Deus factus est homo vniuocē nobiscum; ergo vere, & proprie est in specie humana tanquam indiuiduum huius naturæ, & etiam sub genere animalis: sed quod est sub genere, & specie, est etiam in prædicamento, quod ex generibus, atque speciebus fit; ergo Deus verè, & proprie est in prædicamento substantiæ per humanam naturam, quam assumpsit.

Secunda opinio negat Deum, ut Deus est, in prædicamento collocari. Et hæc est communis, & vera, quam ex philosophis tenuerunt Mercurius Trismegistus in Epimandro cap. 1. Auerroes disputatione 7. contra Algazelē cap. vltimo, Auicēna 3. Metaphy. cap. 4. & cum his omnes interpretes Aristotelis. Ex sanctis patribus August. lib. de Cognitiōe veræ vitæ cap. 3. Anselmus in Monologio cap. 26. & cum eis Boetius 1. lib. de Trinitate cap. 6. Ex scholasticis vero omnes, præter Nominales illos pro opposita sententia citatos. Ita mag. in 1. d. 8. & ibidem Albertus Magnus, Scotus d. bona, Richard. Duran. Egidius, D. Thom. 1. lib. contra gentes cap. 24. & 25. & ibidem Ferrar. & 1. par. quæst. 3. art. 5. & ibidem Caiet. Alexand. Auenis 1. par. q. 48. memb. 5. art. 2. & 3.

Et probatur duplici ratione. Prima, quia Deus ita est purus actus, ut tam essentialē sit ei suum esse actuale, quam sua essentia, ergo nihil est

13

est potentiale in Deo, quod per modum contrahibilis concipi possit, quare repugnat in Deo esse genus. Probat̃ur vltima consequentia, quia genus essentialiter est contrahibile, sed quod non est in genere, non est in prædicamēto, ergo repugnat Deū esse in prædicamento.

Secundo, quia si Deus esset in prædicamento, aliquod genus daretur commune Deo, & creaturis, sed nulum genus potest dari eis commune, ergo non erit Deus in prædicamento. Minorem probō, quia genus debet esse vniuocum, sed nihil potest dari commune vniuocum Deo, & creaturis propter intrinsecam dependentiam, & attributionem creaturarum ad Deum, sine qua non possunt intelligi; ergo nec potest dari genus commune.

Ad testimonium Aristotelis respōdetur, deorum nomine non veros Deos intelligere, cum certum fuerit apud ipsum, vnum tantum esse, sed substantias quasdam superiores subtilissima corpora habentes, quas plures philosophi rationales esse dixerunt, homine quidem perfectiores, quia immortales, cum eo tamen conuenire sub genere animalis rationalis, distinguī vero per differentias, mortale, & immortale; de quibus asserit, quod in prædicamento sint collocandæ, si verum est, quod den-
tur.

14 Ad primum argumentum cōcessa maiori distinguenda est minor, quia esse aliquid infinitum dupliciter intelligi potest, aut secundum essentiam, aut secundum aliquam rationem accidentalem extensionis, aut intensiōis: & infinitum primo modo non potest esse in aliquo prædicamento, ideoque Deus excluditur à prædicamento, quia est ens infini-

tum secundum essentiam. Infinitum secundo modo ad prædicamentum pertinere potest, quia licet sit infinitum secundum rationem accidentalem, finitum tamen est secundum essentiam, per quam in prædicamento collocari debet, & non ratione accidentis. Et talis esset linea infinita, si daretur, aut calor infinitus secundum intensiōem, nam linea finitam haberet essentiam quantitatis continuæ, & calor etiam finitam essentiam qualitat̃is, licet illa haberet infinitam extensionem longitudinis accidentalem, & calor infinitam intensiōem gradualem, quæ accidentia infinita non obstarent, quo minus in suis prædicamentis collocarentur: & huius ratio est, quia prædicamenta constituuntur ex rerum essentiis, non ex earum accidentibus.

Ad secundum argumentum respondeo Christū verē, & proprie esse in genere, & specie, atque etiam in prædicamento ratione humanæ naturæ, & consequenter verbum Diuinū, cui natura humana unita est in persona, per illam ponitur in prædicamento substantiæ. Sed ex hoc non sequitur, quod verbum Diuinum ratione diuinæ naturæ, aut diuinæ personæ ponatur in prædicamento. Sic igitur loquendum est in hac materia, vt absolute dicamus primo, Christum esse in prædicamēto substantiæ, quia simpliciter, & absolute est homo, & hic homo. Secundo Deum etiam absolute esse in prædicamento substantiæ, quia absolute verum est Deum esse hominem, sed quia hoc habet ratione humanæ naturæ, & non ratione naturæ diuinæ, aut diuinæ personæ, negandum est, Deum, vt Deus est, vel, vt persona diuina, esse
in

Cap. 5. de substantia. quæst. 3.

in prædicamento. Et hoc modo intelligitur communis, & vera opinio, quam sequimur, quæ non minus vera est modo, quam fuit priusquam Deus fieret homo, quia ea, quæ conveniunt Deo post incarnationem pertinentia ad humanam naturam, non conveniunt ratione sui, sed ratione eiusdem humanæ naturæ, & ideo nihil ponunt in Deo, ut Deus est, quod non habuerit semper. Sed quæret aliquis, an licet Deus non sit per se in prædicamento, reductivè saltem in aliquo possit collocari. Cui respondet Fonseca, posse quidem in illis prædicamentis, quæ extrinsecam de nominationem continent, ut in prædicamento, ubi, in prædicamento actionis, & habitus. Ego vero nec reductivè in prædicamento esse admitto, quia ita tenet D. Thom. 1. p. quæst. 3. art. 5. & cum eo Richardus in 1. d. 8. art. 4. quæst. 1. Probatque hac ratio. Res illa dicitur pertinere ad aliquod prædicamentum reductivè, quæ deficit à ratione perfecta, & completa talis prædicamenti, ut partes, & modi, sic enim punctum pertinet ad prædicamentum quantitatis, & brachium ad prædicamentum substantiæ. Sed Deus excedit potius in infinitum omnes rationes prædicamentales; ergo non est reductivè in aliquo prædicamento. Quod D. Aug. his verbis docuit 5 lib. de Trinitate c. 1. *Sic intelligamus Deum (si possumus) sine qualitate bonum sine quantitate magnum, sine intelligentiæ creatorem sine finem præsentem, sine habitu omnia continentem, sine loco ubique totum, sine tempore sempiternum, sine ulla sui mutatione mirabilia facientem, nihilque patientem.*

Hæc Augustin. ex quibus intelligitur etiam denominationes extrinsecas aliquorum prædicamentorum, non proprie, sed abusivè Deo conue-

nire, ideo non eadem ratione, aut univoce in eisdem convenire cum creaturis, & consequenter propter illas nec reductivè pertinere ad aliquod prædicamentum.

QVÆSTIO III.

Verum Angel, & corpora caelestia sint in prædicamento substantiæ.

Circa corpora caelestia, & Angelos in ordine ad constitutionem prædicamentalem prima opinio fuit Commentatoris 10. Metaphys. cap. ultimo, commento 16. excludentis verasque substantias à prædicamento. Quam sententiam secuti sunt Ioannes Gandauensis 10. Met. quæst. 12. Nimphus ibidem quæst. 9. & quantum ad solos Angelos Plotinus lib. 1. Aeneade. 6. Egidius Romanus in Commentariis huius prædicamenti, & quod lib. 1. quæst. 8. Albertus Magnus in prædicamenti tract. de substantia cap. 12.

Et de corporibus caelestibus probant hoc argument. corruptibile, & incorruptibile differunt genere, ergo differunt prædicamento, sed corpora caelestia sunt substantiæ incorruptibiles; ergo differunt prædicamento à substantiis corruptibilibus. Probatur antecedens ex Aristotelo 10. Meta. cap. ultimo, ubi id expresse docet. Deinde substantiæ corruptibiles ponuntur in hoc prædicamento; ergo corpora caelestia non sunt in eodem, nec etiam in alio, cum non sint in aliquo prædicamento accidentiū, quare non erunt omnino in prædicamento.

De Angelis vero probatur testimonio Aristotelis 10. Meta. textu 30. vbi

vbi præter primum principiū, quod est Deus, ponit quasdam alias substantias, quas vocat intelligentias, ad mouendum corpora celestia. Et has dicit non habere materiam, sed esse puros actus, ac sempiternos: sed substantia, quæ est purus actus, nihil habet potentiz, ergo non habet genus. Probatur consequentia, quia genus est totum potentiale. Deinde ea, quæ non habent genus, non possunt habere speciem, nec prædicamentum, quia species componitur ex genere, & differentia, & prædicamentum fit ex generibus, & speciebus; ergo ex sententia Aristotelis intelligentiz, quas nos vocamus Angelos, non sunt in prædicamento; qui simplices etiam substantias eas appellauit, 9. lib. Metaphysicæ textu 22. quasi nullam habentes compositionem: ex quo etiam sequitur nec habere prædicamentum, quia ea quæ sunt in prædicamento, composita esse debent saltem ex genere, & differentia.

17 Vnde sequitur euidenter falsam esse sententiam Duran. & contradictionem implicare in 2. d. 3. quæst. 1. num. 12. & Marsili in 1. q. 2. qui cum Angelos ponant in hoc prædicamento, negant vllam prorsus habere compositionem, etiam ex genere, & differentia.

Probatur deinde ratione, quia Angeli sunt substantiæ simplices, in quibus non est compositio ex materia, & forma, ergo nec est compositio realis ex potentia, & actu, sed compositio ex genere, & differentia, quæ est ex potentia, & actu Metaphysicis, fundatur in compositione reali ex potentia, & actu, ergo nec est in illis compositio ex genere, & differentia, & consequenter non sunt in prædicamento.

Secunda opinio tenet, non solum corpora celestia, sed etiam Angelos collocari in hoc prædicamento. Et hæc est communis, & vera. Quam secuntur quantum ad corpora celestia omnes interpretes Aristotelis in præsentī capite. Et quantum ad Angelos non solum illi, sed scholastici omnes (præter citatos pro opposita) cum magistro in 1. d. 8. & D. Tho. 1. p. q. 50. ar. 2. ad 1. & 3. & q. 88. ar. 2. ad 4. Et probatur in primis de corporibus celestibus testimonio Aristotelis 5. Met. textu 15. 7. Meta. textu 5. & lib. 8. textu 2. quibus locis expresse docet esse composita, non solum ex materia, & forma, sed etiam ex partibus integrantibus, eo modo, quo corpus nostrum componitur ex capite, brachio, & ceteris membris. Ergo etiam ex mente eius erunt composita ex genere, & differentia. Probatur consequentia, quia compositio hæc minor est aliis, & in compositione ex materia, & forma fundatur.

Probatur etiam ratione, quia corpora celestia, præter compositiones 18 physicas ex materia, & forma, atque ex partibus integrantibus habent etiam physicam, ex subiecto, & accidenti materialibus, nam & quantitates habent, & lucem recipiunt à sole; ergo habent omnes compositiones physicas posibles, quia præter prædictas tres, non possunt aliæ ex cogitari, ergo necesse est esse composita ex genere, & differentia. Probatur consequentia, quia vbi potentia realis est, & actus realis, poterit intellectus conceptum potentialem sub ratione contrahibilis formare: qui est conceptus genericus, & etiā conceptum actuale, & contrahentem, qui est conceptus differentialis, & ex utroque componere speciem. Quod vero genus, & speciem habet, in præ-

P dica-

Cap. 5. de substantia. quæst. 3.

dicamento ponitur, ergo evidens est corpora cælestia in prædicamento substantiæ collocari.

De Angelis vero, tria asserunt doctores omnes citati, præcipue D. Th. Primum, quod in eis sit vera, & realis compositio ex acta, & potentia, aut ex esse, & essentia. Secundum, quod verè componantur ex genere, & differentia. Tertio, quod per se ponantur in prædicamento substantiæ, & omnia sunt vera, ac necessaria.

- 19 Sed probanda sunt singula, & vt probet primum D. Thom. vbi supra, nempe, quod in Angelis sit compositio realis ex acta, & potetia, præsupponit, quod in rebus materialibus duplex compositio realis reperitur, prima ex materia, & forma, ex quibus natura earum componitur, vt natura humana ex corpore, & anima. Natura vero ita composita adhuc non est completa, sed respicit actum realem per quem completur, & actus iste vocatur esse eius, per quod constituitur suppositum, aut persona; ergo natura est potentia realis respectu proprii esse, per quod completur, & esse est actus realis eius, & ex vtroque fit vnum, nempe suppositum, aut persona, quod non potest fieri, nisi per realem compositionem, quia compositio realis est, per quam ex duobus ex natura rei distinctis fit vnus ergo præter compositionem ex materia, & forma, reperitur in his rebus compositio realis ex essentia, & esse, siue ex natura, & proprio actu, per quod completur.

- 2 Hoc supposito probati, quod licet prima compositio non reperiat in Angelis, quia earent materia, secundum necessario sit in eis ponenda. Quia hæc est differentia inter esse diuinum, & creatum, quod diuinum

non est receptum ab alio, sed essentialiter habetur, quia prædicatū est essentialiter Dei; sicut esse bonum, aut sapientem, esse autem creatum extra essentiam rei creatæ est, & ideo non habet illud essentia, nisi à Deo communicetur, & hoc est esse receptum à Deo; ergo essentia creata, vere, & realiter est impotentia ad recipiendum esse à Deo; & esse receptū à Deo actus realis eius est. Vnde sequitur intra substantiam Angeli reperiri potentiam realem, & realem actum, ex quibus eum fiat vnum, nempe completa substantia eius, non potest fieri, nisi per realem compositionem, & ita probatum est primum.

Ex quo probari potest secundum, quod sit in eis compositio ex genere, & differentia hoc argumen. Intellectus cognoscit naturam Angeli tamquam potentiam realem determinabilem per actum essendi; ergo potest formare in eadem natura conceptum perfectibilem, ac determinabilem, & conceptum perfectientem, ac determinantem, sed isti sunt conceptus generici, & differentialis, ex quibus componitur species; ergo in Angelo est compositio speciei, ex genere, & differentia.

Ex quo euidenter probatur tertium, quod Angelus sit in prædicamento, quia prædicamentum sit ex generibus, & speciebus essentialiter ordinatis, sed Angelus habet genus, & speciem; ergo ordinabilis erit in prædicamento.

- Ad argumen. primæ opinionis de corporibus cælestibus respondet D. Thom. l. p. q. 66. art. 2. ad 2. & quæst. 88. art. 2. ad 4. distinguendo maiorem, quia genus duplex est, physicū, & logicū, seu intellectuale. Genus physicum est materia, quia pri-

mo reperitur in ea potentia realis, quæ prima radix est, & fundamentum Metaphysici generis in rebus materiæ. Genus autem logicum, aut Metaphysicum est natura abstracta ab speciebus, & differentiis, ut substantia à corporea, & incorporea. Ad formam igitur argumenti, dum in maiori dicitur, corruptibile, & incorruptibile differre genere, distinguendum est, de genere physico, & logico, & de illo concedendum, quia corpora incorruptibilia constant materia diversæ speciei, à materia corporum corruptibiliū, & ideo dicuntur differre genere physico, quod est materia, & ita intelligendum est testimonium Aristotelis, in quo propositio illa continetur, sed de genere logico non est verum, nec de eo loquitur Aristoteles, quia corpus corruptibile, & incorruptibile commune genus habent, nempe corpus abstractum ab utroque, & sub illo collocantur in prædicamento substantiæ. Non ergo sequitur differre genere physico, ergo differunt prædicamento, quia genus physicum, quod est materia, non est genus prædicamentale, sequeretur autem bene, si differrēt genere logico.

Quamvis etiam posset secundo responderi, loqui Aristotelem de genere logico, aut metaphysico: sed alio modo esset eadem maior distinguenda, dum dicitur corruptibile, & incorruptibile differre genere, nam genus prædicamentale duplex est, supremum & intermedium, & concedendum est differre genere intermedio, non supremo, quia corpus dividitur in corpus corruptibile, & incorruptibile tanquam in duo genera intermedia, & sub vno continetur corpora cælestia, sub alio cor-

ruptibilia, & ita differunt genere intermedio, sed non supremo, quia sub eodem genere corporis, & substantiæ continentur, & in eo conniunt. Vnde nec differunt prædicamento, quia ea solum dicuntur differre prædicamento, quæ sub diversis generibus supremis continentur, ut animal, & scientia, illud enim sub supremo genere substantiæ, scientia vero sub supremo genere qualitatis continetur.

Ad testimonia Aristotelis, in quibus loquitur de intelligentiis, respondet deo sempiternas esse, & materia carente, & ideo non habere potentiam ad non essendum, quia non habent principium corruptionis, sicut substantiæ corporum corruptibilium, quæ ratione materiæ habeant in se principium non essendi, & ideo vocantur ab Aristotele intelligentiæ actus, non tamen puri, quia cum triplicem compositionem habeant necessario, nempe ex esse, & essentia, ex subiecto, & accidenti, habentes intellectum, & voluntatem, quæ sunt vera accidentia superaddita substantiæ eorum. Et præterea ex genere, & differentia, necesse est triplicem quoque potentiam habere, quia quilibet compositio suo modo fit ex actu, & potentia. Quare sicut ab his potentiis eas non excludit, sic nec potuit excludere à prædicamento.

Ad argumentum negandum est antecedens, quod Angeli, ita sint substantiæ simplices, ut in eis non sit compositio realis ex potentia, & actu, atque etiam ex genere, & differentia: non enim sequitur, non habent compositionem ex materia, & forma, ergo nec ex actu, & potentia: quia compositio ex actu, & potentia universione est compositio

Cap. 5. de substantia. quæst. 4.

sitione ex materia & forma, & communis substantiis materialibus, & im materialibus, quia non fundatur necessario in materia, sed in natura ipsa reperitur, ex eo quod creata est, & esse receptum ab alio habet, & cū talis sit natura Angelorum (licet spiritualis) necessario includit hanc compositionem intra propriam substantiam, & consequenter compositionem ex genere, & differentia, quæ proxime in ea fundatur, quamvis radicaliter, & remote fundetur in materia in rebus materialibus.

QVAESTIO IIII.

Qualis nam sit diuisio substantie in primam, & secundam, uniuersalem, & analogam.

25 **V**T melius intelligatur quæstio, notandum est, quatuor modis accipi posse tam diuisum quam membra huius diuisionis. Primo sic accipiuntur, ut diuisum sit reale, & membra sint secundæ intentiones. Sed tunc diuisum secundum esse reale duobus modis accipi potest. Primo, pro substantia reali secundum essentiam, aut secundum proprietatem substantiandi: & si primo modo accipitur, sensus diuisionis erit, substantia realis, una est uniuersalis, alia particularis; aut una est subiectum, alia prædicatum, & erit diuisio subiecti realis in diuersa accidentia rationis. Si vero secundo modo, diuersus erit sensus, nempe, substantia realis, ut substantia, una est primum subiectum in propositione, alia secundum. Et erit diuisio quasi accidentis realis in diuersa accidentia rationis.

Secundo modo potest accipi, ex 26 opposito, ita ut diuisum sit ens rationis, & membra realia. Videlicet prima, & secunda substantia secundum esse reale, eritque sensus, subiectum in propositione unum est prima substantia realis, aliud secunda substantia realis, & erit diuisio accidentis rationis, in diuersa subiecta realia.

Tertio modo accipitur, ita ut tam diuisum quam membra sint entia rationis, & sensus sit, subiectum propositionis aliud est primum, aliud secundum; vel aliud particulare, aliud commune, & cum hæc diuersa subiecta sint quasi species subiecti abstracti à communi, & particulari, erit diuisio sic sumpta generis in species.

Vltimo accipi possunt tam diuisum, quam membra pro substantia reali secundum proprietatem realem substantiandi, eritque sensus, substantia realiter substantans accidentibus, & prædicatis superioribus, una est prima, quæ propria virtute substantat; alia secunda, quæ substantat virtute primæ. Et erit diuisio analogi in analogata, quia secunda substantia non dicitur substantare, nisi per attributionem ad primam, cum eius virtute substantat.

Ex his quatuor modis sumendi hæc diuisionem, secundus excludi debet, 27 quia nullus est, qui sic accipiat diuisionem, & verè est præter mentem Aristotelis, atque impertinens ad propositam eius, quia eum diuisum ordinetur ad cognitionem membrorum, si pro ente rationis accipitur, non poterit deferre ad ea cognoscenda. Hoc ergo modo prætermisso, secundum alios tres sunt quatuor opiniones diuersæ.

Prima asserit esse diuisionem subiecti in

in accidentia, quia primo modo eā considerat. Ita Canterus in principio huius capituli. Probat à sufficienti diuisione, quia hæc diuisio nō est æquiuoci in æquiuocata, cum aliquid præter nomen diuidatur. Nec est diuisio totius in partes, quia diuisum prædicatur de membris, imo vauum membrum de alio, nam verum est, quod prima substantia sit substantia, & cum secunda substantia sit vniuersalis, verum est etiam prædicari de prima, quæ est singularis, & tamen neque totum prædicatur de partibus, neque vna pars de alia, ergo non diuiditur per hanc diuisionem substantia tanquam totum in suas partes. Nec est diuisio generis in species, quia vna species non prædicatur de alia, secunda vero substantia prædicatur de prima. Et præterea si diuisio esset generica, daretur genus superius generalissimum huius prædicamenti, quod cum sit secunda substantia, erit alterum membrum huius diuisionis, & ideo inferius diuiso, tanquam species sub genere. Nec tādē est analoga, primo quia si substantia realis in ratione substādi diuiditur, cum substare non sit essentia substātiæ, sed proprietates eius, nō diuidetur substātiæ, sed quædā propria passio. Deinde, diuisum non cōueniret secundæ substantiæ, quia diuisum est substantia sub ratione substādi, cum substare sit subiectum, & secunda substantia non sit esse subiectum, sed prædicatum, non posset ei cōuenire.

- 28 Secunda opinio eodem modo accipit diuisum, pro substantia reali, & membra pro secundis intentionibus, non tamen pro substantia reali secundum essentiam, sed secundum proprietatem realem substādi, & affirmat esse diuisionē accidentis rea-

lis, in accidentia rationis, quia propria passio substādi accidens reale est, membra vero accidentia rationis, nempe substantia vniuersalis, & particularis. Pro hac sententia referuntur Lobanienſes, & Toleſus, sed nihil tale apud eos inuenire potui.

Tertia opinio integram diuisionem sumens pro secundis intentionibus, asserit esse generis in species: quam secuntur plures moderni. Et probant hac ratione. Diuisum, quod est subiectum in communi, & qualiter participatur à prima, & secunda substantia, & ab vna sine dependentia ab altera, ergo est diuisio vniuoca, atque generica. Probatur antecedens, quia quādo in propositione copula absoluitur à tempore, non pendet veritas eius à singularibus, ut in hac, homo est risibilis; ergo non substāti homo, qui est secunda substātia prædicato risibili cum dependentia à prima substantia. Et in propositionibus contingentibus singularibus non dependet veritas à secundis substātiis, sed solum à primis, quibus conueniunt accidentia sine dependentia à secundis.

Vltima sententia tenet, diuisionē esse analogi in analogata. Sed qui eā secuntur, non eodem modo eam accipiunt, sed quidam diuisum pro reali substantia, & membra pro secundis intentionibus secundum primum modum; & ita substantia realis diuiditur in diuersas secundas intentiones vniuersalem, & singularem, ac subiecti, & prædicati. Ita Sotus quæst. 1. ad primum, & Caiet. cap. etiam præfati. Sed plures alii analogam esse affirmant, tam diuisum, quam membra accipientes realiter. Ita Albertus Magnus in prædicamentis tractatu 2. de substantia cap. 3. lauellas

Cap. 5. de substantia. quæst. 4:

1. Metaphy. q. 7. Toletus q. 1. & expresse D. Thom. q. 9. de potentia ar. 1. ad 6. & hæc videtur mihi probabilior.

30 Sed duo sunt probanda, vt maior probabilitas eius fiat manifesta. Primum, quod tam diuisum, quam membra sumantur realiter, & non pro secundis intentionibus. Secundum, quod sic accepta sit diuisio analogi in analogata. Probatur primum ex Aristotele, qui non posuit hanc diuisionem expresse, sed eam posuisse intelligimus ex eo, quod vtrumque membrum definiuit. Ergo sic sunt membra diuisionis, sicut definiuntur. Sed definiuntur secundum esse reale; ergo efficiunt diuisionem realem. Probatur minor, quia prima sic definitur. Substantia, quæ proprie, principaliter, & maxime dicitur, &c. Sed excellentiæ istæ non conueniunt ei ratione secundæ intentionis, sed propter naturam realem perfectissimam; ergo realiter, & non per secundam intentionem definitur. Secundæ etiam substantiæ definiuntur, quod sint genera, & species quibus insunt primæ, id est sub quibus ponuntur in prædicamēto; ergo definiuntur, vt ponuntur in prædicamēto: sed non ponuntur in prædicamēto, vt denominantur à secundis intentionibus, sed vt sūt genera, & species Metaphysicæ, atq; realia; ergo realiter definiuntur.

31 Præterea, comparans Arist. vtrumque membrum diuisionis ait, primam substantiam esse magis substantiam, quā secundam, quia propria virtute subsistat accidentibus: sed subsistere est actus realis, cum sit realiter sustentare accidentia; ergo comparatur secundum esse reale, & non intentionale, & ideo reale diuisionem efficiunt.

Probatur tandem, quia eandem substantiam diuidit Aristoteles in pri-

mam, & secundam, cuius proprietates postea enumerat, sed proprietates sunt reales, vt manifestum est; ergo substantia realiter diuiditur in primam, & secundam.

Probatur deinde ratione. Primo, quia repugnat diuisum, & membra sumi pro secundis intentionibus, vt ponunt alix sententiæ; ergo omnes sunt falsæ. Probatur antecedens de diuiso, nam membra diuisionis sunt secundæ intentiones subiecti, & prædicati vt ex definitionibus vtriusque colligitur secundæ intentionali-ter intellectis, sed nulla datur secunda intentio communis subiecto, & prædicato, præter rationem vniuersalem entis rationis; ergo hæc erit diuisum. Et sensus diuisionis erit, ens rationis aliud est subiectum, aliud prædicatum, quod patet esse absurdum: cum ens rationis in communi consideratum nihil denominet, & si denominaret non magis substantiam, quam accidentia. Ex quo intelligitur nec diuisum huius diuisionis posse esse subiectum incommuni, quia non magis denominat substantiam quam accidentis, siquidem vtrumque potest indifferenter esse subiectum propositionis. Probatur etiam de membris, quod non accipiantur pro secundis intentionibus, nam membra sunt subiectum, & prædicatur, vt asserit prima opinio, sed prædicatum est nobilius subiecto, cū sit forma propositionis; ergo secunda substantia vt est membrum diuisionis, erit nobilior prima, quod expresse est contra Arist. sæpe docere in textu primam substantiam esse nobiliorem secunda.

Hoc supposito probandum est secundum, quod diuisio sit analogi in analogata, sed vt probetur notandum est, substantiam tribus modis posse considerari, secundum essentiam, secundum

32-

33

dum vltimum actum substantialem eius, qui est substantia, vel secundum proprietatem sustentandi accidentia. Essentia substantiæ est, esse gradum quendam entitatis realis perfectæ, hoc est independentis ab alio, & cui deberetur substantia per se: & licet non possit esse in rerum natura, nisi actu existens, neque completa, nisi per substantiam, neutra tamen pertinet ad essentiam eius, sed extra illam est, nec tamen sunt accidentia, sed actus quidam substantiales eius, ita ut per existentiam sit in rerum natura, & per substantiam vltimo compleatur, & in persona, aut supposito constitutur. Proprietas vero substantiæ sequitur substantiam iam completam, aut iam substantialem. Itaque hæc tria ita se habent, ut esse entitatem perfectam, & ex se independentem sit essentia substantiæ, ex quo duo alia procedunt hoc ordine, ut substantia prius, deinde vero illa media, procedit substantia: illa quidem tanquam modus substantialis, substantia vero tanquam proprietas, sed utrumque extra essentiam eiusdem naturæ. Quæ quidem ponitur in prædicamento secundum essentiam, sed quia hæc non facile cognoscitur à nobis, voluit eam Aristoteles manifestare per intimam proprietatem sustentandi accidentia, & ideo substantiam diuisit secundum proprietatem substantiæ, ut definitio primæ substantiæ euidenter ostendat. Vnde sensus diuisionis est, substantia, quæ est ens completum, atque perfectum, cui deberetur substantia per se, ratione cuius est quasi sustentatio aliorum, vna est prima, alia secunda, hoc est, primo, & per se habet in singulari, & quasi secundario in vniuersali.

Ex hac doctrina colligitur hoc argo. quo probatur diuisionem realiter

sumptam esse analogi in analogata. Analogum est nomen, quod ita conuenit suis significatis, ut vni per se primo, atque simpliciter, aliis vero non nisi cum intrinseca dependentia, & attributione ad illud, sicut ens conuenit substantiæ, & accidenti. Sed substantia sumpta realiter in ratione substantiæ (ut probatum est sumi in hac diuisione) conuenit primæ, substantiæ primo, & per se, secundæ vero non nisi cum intrinseca dependentia, & attributione ad illam; ergo habet se ut analogum respectu vtriusque, & ut tale diuiditur in ea tanquam in analogata. Probatur minor, quia substantia, aut substantia realiter alia propria virtute conuenit primæ substantiæ, & per participationem eius conuenit secundis.

34

Arg. primæ sententiæ contendebat probare diuisionem non esse analogam propter duo: primum, quia diuisum est substantia in ratione substantiæ, ergo non diuiditur substantia, sed quædam propria passio eius. Et respondetur concedendo, quod non diuiditur substantia secundum essentiam, sed in quantum conuenit illi propria passio substantiæ per quam manifestatur eius essentia, sicut posset diuidi animal, in quantum est sensibile. Secundum erat, quod si substantia diuiditur in ratione substantiæ, non poterit conuenire secundæ substantiæ, quia substantia est esse subiectum, & secunda substantia est prædicatum. Respondetur secundas substantias vtrique rationem habere subiecti, & prædicati, & ad hanc diuisionem potius pertinet, tanquam subiecta, quæ realiter substantiæ accidentibus, quam ut prædicata. Fuit autem conuenientius diuidere substantiam per illam proprietatem realem substantiæ, quam per secundas intentiones, ut ratio prædicamentalis ei manifesta fieret, & etiam constaret, quo modo potest esse fundamentum secundæ intentionis.

Cap. 5. de substantia. quæst. 5.

QVAESTIO V.

*Quod sit formale definitum definitio-
nis primæ substantiæ.*

35 **P**rima opinio est Soti, quam secū-
tur plures moderni, definitū for-
male huius definitionis esse secū-
dam intentionem primæ substantiæ
in communi, quæ abstrahitur à par-
ticularibus secundis intentionibus
denominantibus Petrum, & Ioannē,
ceterasque secundas substantias; ma-
teriale vero rationem primæ substā-
tiæ realem, in qua conveniunt om-
nes primæ substantiæ, non ut realis
est, sed ut denominatur à secunda in-
tentione, & ex utraque fieri vnum
definitum totale, atque completum.
Sicut in definitione generis diximus
formale definitum esse secundam in-
tentionem generis, materiale vero
naturam genericam in communi ab
ea denominatam.

Probat ex definitione primæ
substātiæ tradita ab Aristotele, quæ
sic habet. Prima substantia est, quæ
nec de subiecto aliquo dicitur, nec
in subiecto aliquo est, & continet ne-
gationem prædicationis, & negatio-
nem fundamenti, nam ex eo non præ-
dicatur de subiecto prima substātia,
quia non est in subiecto, ergo defini-
tum erit prima substantia realis pro
fundamento, & quasi pro materiali,
& secunda intentio, aut negatio eius
pro formali.

Deinde probatur ratione secūdo,
quia primæ substātiæ, ut Petrus, &
Ioannes duobus modis possunt consi-
derari, aut secundum esse reale sub-
stantiæ singularis, vel ut denominā-
tur à secunda intentione; & si pri-
mo modo considerentur nihil reale
commune, & univocam habere pos-
sunt, ergo neque aliquid reale eis cō-

mune potest esse definitum. Proba-
tur antecedens, quia singularia, ut
singularia sunt primo diversa, sicut
sunt ultimum distincta; ergo non pos-
sunt habere univocā conveniētiā;
nam si eam haberent: per alias diffe-
rentias essent ab ea separanda, & sic
procederetur in infinitum: ex quo se-
quitur, solum posse definiri primam
substantiam, ut denominatā à secun-
da intentione.

36 **T**ertio, si aliquid reale commune
esset definitum, duo absurda seque-
rentur: primum quod definitio non
conveniret definito. Quod sic pro-
bo. Definitum est aliquid reale com-
mune omnibus primis substantiis; er-
go prædicatur de illis atque in illis
est, sed definitio asserit primam sub-
stantiā non dici de subiecto, nec esse
in subiecto, ergo non potest ei cō-
venire. Secundum, quod sequitur est,
definitum non esse primam substan-
tiam, sed secundam. Probat consequen-
tia, quia prima substantia nō est
prædicatum commune, sed subiectū
singulare. Secunda vero substantia
est prædicatum commune, quod præ-
dicatur de primis, sed illud reale est
prædicatum commune, quod prædi-
catur de primis substantiis; ergo est
secunda substantia, quare non potest
esse definitum in definitione primæ.

37 **S**ecunda opinio est Caietani cap.
præsentis, ubi asserit, individua, aut
primas substantias, ut Petrus, & Ioan-
nes, duobus modis considerari posse;
ut participant naturam humanam,
vel ut habent modum particularem
subsistendi, & utroque modo ha-
bent convenientiam univocam, sed
prima est convenientia naturæ, se-
cunda vero modi, & ideo illa voca-
tur specifica, hæc modalis, nā subsistē-
tia in qua cōveniūt mod⁹ est naturæ.
Et prima convenientia significatur

per

per hoc nomen, homo; secunda per hoc nomen, prima substantia, quia prima substantia significat substantiam per se subsistentem abstractam ab hac, & illa prima substantia, ut à Petro, & Ioanne. Definitum ergo huius definitionis quasi materiale, sunt omnes primæ substantiæ; formale vero est communis illa ratio particulariter subsistendi, & adæquatum primæ ipsæ substantiæ, ut conveniunt in eadē ratione modali. Hæc est expressa sententia D. Thomæ, 1. part. quæst. 29. art. 1. ad 1. ubi ita ait, Licet hoc singulare, vel illud definiri non possit, tamen id quod pertinet ad communem rationem singularitatis definiri potest, & sic Philosophus definit substantiam primam, & hoc modo definit Boetius personam, & quæst. 30. art. 4. ad 2. licet persona sit incommunicabilis, tamen ipse modus existendi incommunicabiliter potest esse pluribus communis. Et hæc videtur mihi probabilior, & tenenda.

38 Quæ probatur testimonio Arist. & ratione. Arist. enim volens definire primam substantiam, his verbis eam explicavit. *Substantia, quæ proprie, principaliter, & maxime dicitur, &c.* Quibus evidens est significari proprias excellentias primæ substantiæ, quæ non possunt ei convenire in ordine ad secundam intentionem, sed secundum propriam naturam reale per se subsistentem; ergo secundum eam definitur, & non ut denominata à secunda intentione. Et sic potius definiri debuit, quam per secundam intentionem, quia nisi cognoscatur natura realis eius, non potest intelligi modus, quo fundamentum est secundæ intentionis.

Sed ratione probatur eadem sententia. Primo, quia prima substantia,

& persona solum in hoc distinguuntur, quod prima substantia ad quam libet naturam substantialem se extendit; persona vero solum ad naturam rationalem, atque intellectualem; sed personam definiuit Boetius, secundum modum realem subsistendi, lib. de duabus naturis in principio (inquiens.) *Persona est rationalis natura individua substantia.* Ita enim intellexit hanc definitionem schola Theologorum; ergo prima substantia eodem modo potuit definiri ad Arist. Quod vero sic fuerit definita, probat testimonium citatum.

Secundo, quia prima substantia definitur secundum rationem, per quā ponitur in prædicamento, tanquam fundamentum reale totius prædicamenti, sed evidens est in prædicamento non collocari, ut denominatur à secunda intentione, quia sic non est fundamentum reale: sed secundum realem naturam per se subsistentē, & sustentantem omnia, ergo secundum eam definitur, & non ut denominatur à secunda intentione subiecti.

Ad testimonium Arist. pro prima sententia, respondetur; quod prima substantia per proprium modum realem subsistendi habet etiam reales negationes inherendi in subiecto, & prædicandi de illo, & ideo definitio secundum has negationes reales intelligenda est, & non secundum negationes intentionales.

Ad primum arg. respondetur negando minorem, quod Petrus, & Iohannes, ut sunt singulares homines, non conveniunt, quia à modo singularitatis utriusque abstrahibilis est conceptus communis modi singularitatis. Et eodem modo primæ substantiæ conveniunt in modo subsistendi per se, à qua convenientia non est necesse

P 5 sepa-

Cap. 5. de substantia. quæst. 5.

separentur per alias differentias, sed per easdem substantias, ut determinatas, atque distinctas sufficienter separentur, & ideo non dabitur processus in infinitum.

40 Ad secundum negamus, quod duo illa absurda sequantur, si definiatur aliquid commune primis substantiis, nam illud commune non est cui conuenit definitio, sed ratio, sub qua conuenit primis substantiis, quare nec est in subiecto, aut de subiecto dicitur, sed est communis ratio eorum, quæ nec sunt in subiecto, nec dicuntur de subiecto.

Nec etiam sequitur secundum, quod conueniat definitio secundis substantiis; quia secunda substantia non est, quodcumque prædicatur de primis: sed quod prædicatur de illa, tanquam natura generica, aut specifica: quod probatur ex definitione secundarum substantiarum, quæ sic habet. Secundæ substantiæ sunt genera, & species, quibus primæ substantiæ insunt; communis autem illa ratio, sub qua definiuntur primæ substantiæ, non est naturæ, & ideo non est generica, nec differentialis, sed solum modalis.

PRIMUM DVBIUM circa comparationes primarum, & secundarum substantiarum.

41 **D**uo restant explicanda circa textum Arist. Primum pertinet ad comparationes, quas fecit inter primas, & secundas substantias. Secundum ad proprietates eiusdem substantiæ. Hæc autem breuiter gratia, quibusdam dubiis explicabuntur. Primum est circa comparationes, an sint veræ. Sunt autem quatuor, nam primo comparat pri-

mas substantias cum secundis, & asserit primam esse magis substantiam, quam secundam. Secundo, comparat secundas substantias inter sese dupliciter, nempe genus cum specie, & species inter se, & affirmat speciem esse magis substantiam, quam genus: sed inter species unam non esse magis substantiam, quam alteram. Vltimo comparat primas inter se, affirmans etiam unam non esse magis substantiam, quam aliam.

Sed aduersus has comparationes, tria argumenta proponuntur. Primum, aduersus omnes, quia videntur contradicere cuidam proprietati eiusdem substantiæ, qua dicitur, substantiam non suscipere magis, & minus: quod si ita est, falsum erit, quod una substantia sit magis substantia, quam alia, siue prima sit, vel secunda.

Secundum argumentum est contra primam comparationem, in qua dicitur, quod prima substantia est magis substantia, quam secundas: nam secunda substantia est species, ut homo; & prima substantia est indiuiduum, ut Petrus: sed species perfectior est indiuiduo; ergo secunda substantia erit perfectior prima, & ideo erit magis substantia, quam illa. Probatur minor, quia perfectio essentialis rei sumitur ex prædicatis essentialibus, sed prædicata essentialia primo conueniunt speciei, & per participationem eius indiuiduo; ergo perfectior erit species.

42 Tertium est contra comparationem secundarum substantiarum, atque primarum inter sese, in qua dicit Aristot. unam speciem non esse magis substantiam, quam alteram. Quod probo esse falsum: nam illa est magis substantia, quam altera, quæ

quæ pluribus substat, sed vna species pluribus substat, quam alia; ergo erit magis substantia. Probatur minor, quia coruus substat pluribus prædicatis, quam homo, quia substat omnibus, quibus substat homo, & duobus aliis, nempe bruto, & aui, quæ sunt genera inferiora animali, & inter primas substantias, vna etiam substat pluribus, quam alia: nam coruus iste singularis substat eisdem generibus, quibus sicut non substat homo, ita nec Petrus; ergo erit magis substantia, quam Petrus.

Pro solutione primi argumenti, notandum est, magis, & minus duobus modis sumi posse, proprie, & improprie. Sumitur autem proprie pro intensiōe graduāli qualitatis, secundum quam calidum, vt quatuor magis calidum dicitur proprie, quam calidum, vt duo, quia plures habet gradus intensiōis eiusdem caloris. Improperie vero sumuntur magis, & minus, pro magis, & minus perfecto, sub quacunque consideratione, siue essentiali, siue accidentali, siue intensiua, aut extensiua; in qua acceptione homo dicitur magis substantia, quam equus, hoc est, perfectior essentialiter; dum ergo Aristoteles in principio capituli dicit, primam substantiam esse magis substantiam, quam secundam, & inter secundas speciem magis substantiam, quam genus: in secunda significatione accipit verba illa magis, & minus, sed dum asserit in fine capituli substantiam, non suscipere magis, & minus, accipit ea primo modo, & ideo non est sibi contrarius.

Pro solutione secundi argumenti notandum est substantiā duobus modis

sumi posse. Primo, quantū ad essentiā abstrahentem ab actuali existentia, & substantia, & ideo, quæ solum respicit essentialia prædicata. Secundo sumitur pro essentiā in ordine ad actuale entitatē, quam habet extra causas per actuale existentiam, & completam quidem per substantiam, & substantiam hoc modo sumptam sequitur proprietas substandi accidentibus, & prædicatis superioribus, nam ex eo, quod substantia per se subsistit, potest sustentare omnia; nunc ergo si substantia primo modo accipitur, perfectius conuenit secundæ substantiæ, quam primæ, & hoc probat argumentum; sed non sic accipitur ab Aristotele, sed in secunda acceptione, & in quantum illi conuenit proprietas substandi: & hoc modo verum est, quod prima substantia sit perfectior, quā secunda, quia propria virtute substat; secunda vero non nisi virtute eius.

Tertium argumentum alia distinctione soluendum est, nam sub- 43
stare duobus modis sumitur, intensiue, & extensiue: intensiue accipitur in ordine ad virtutem substandi, & hoc modo illud dicitur magis substat, quod propria virtute substat; & illud minus, quod virtute alterius; extensiue autem in ordine ad plura, vel pauciora, quibus aliquid substat. Et ex hoc respondetur ad argumentum, quod dum Aristoteles ait, primam substantiam esse magis substantiam, quam secundam: utroque modo intelligit hanc comparisonem, tam intensiue, quam extensiue, & utroque modo verum est, quia prima substantia pluribus substat, quam 44
secunda, & etiam propria virtute substat,

Cap. 4. de substantia. quæst. 5.

substat; secundavero non nisi virtute primæ; alias vero comparationes intensiue intelliguntur, non extensiue, & ideo verum est inter species nullam esse, quæ substat virtute alterius. Arg. vero solum probat magis substat extensiue, quod est pluribus substat, & eodem modo verum est inter primas substantias, vnam non magis substat, quam alteram intensiue, quia vna non substat virtute alterius, sed quælibet virtute propria. Species vero magis substantia dicitur, quam genus vtroque modo; extensiue quidem, nam & pluribus substat, cum substat ipsi generi, & cæteris. Et etiam intensiue, quia licet non substat propria virtute, sicut nec genus, sed propinquius accedit ad id, quod substat propria virtute, nempe ad primam substantiam, & hoc sufficit, ut dicatur magis substat extensiue.

D V B I V M S E C V N D U M circa tertiam proprietatem substantiæ.

An verum sit, & in quo sensu secundas substantias significare quale quid.

45 **Q**uod secundæ substantiæ non significant quale quid, ut Aristot. docet, duobus argumentis probat. Primo, quia duo tantum possunt considerari in nomine aliquo, ex quibus intelligatur significare, quid, vel quale quid, nempe res significata, an sit substantia, vel qualitas, & modus eam significanti. Nomina secundarum substantiarum ex parte vtriusque significant, quid, hoc est, substantiam, & non quale quid; ergo falsum est, quod quid significare. Probat minor,

nam ex parte rei significata substantiam significant, & etiam ex parte modi, cum sint nomina substantiua significantia rem per modum substantientis.

Secundo, ex modo significanti sumitur modus prædicandi; ergo si secundæ substantiæ, quæ sunt genera, & species, significant quale quid, sequitur, quod prædicentur de primis in quale quid. Consequens est falsum; ergo & antecedens. Probo minorem, auctoritate, & ratione, nam Porphyrius cap. de genere, & speciei docuit expresse genus, & speciem prædicari in quid. Et ratio ipsa conuincit, quia ad interrogationem factam de specie per quid, respondemus per genus: & ad interrogationem factam de individuo per speciem. ut si inquiras, quid est homo, respondemus esse animal, & si inquiras quid sit Petrus, esse hominem; ergo vtraque secundæ substantiæ prædicatur in quid, & non in quale quid.

Circa sensum huius proprietatis diuerso modo locuntur auctores: & 46 primus modus dicendi est Alberti Magni, tract. 7. prædicamentorum, cap. 8. ubi inquit genera, & species, quæ sunt secundæ substantiæ, ratione naturæ genericæ significant, quid, sed propter differentiam, quam species continet actus, & genus potentia, significant, quales; & ideo ratione vtriusque, quale quid, & hanc fuisse sententiam Aristotelis.

Hic tamen modus dicendi hoc argum. probatur falsus, si genus, & species ratione vtriusque partis essentialis significant quale quid; ergo prædicantur in quale quid contra sententiam Porphyrii, qui sciens speciem continere genus, & differentiam, & genus differentiam in potentia docuit expresse, vtrumque prædicari

in

in quid, & non in quale quid, & contra rationem, quia si prædicarentur in quale quid, non distinguerentur à prædicabili differentia. Ideo hanc sententiam merito refutauit Caiet. cap. præsentis.

Ipsæ vero Caiet. secundum modum dicendi proponit duo distinguens in genere, & specie, nempe naturam genericam, aut specificam, quæ denominatur genus, & secundam intentionem, à qua denominantur, & propter naturam genericam, atque specificam, quæ sunt substantiæ, significant aliquid; sed propter secundam intentionem, quæ est accidens, & modum habet qualitatis, sicut albedo, & color significant quale, & ideo propter utramque significant quale quid.

Sed hic modus dicendi non est minus falsus, quàm primus, quod sic probetur. Secundæ substantiæ significant quale ratione secundæ intentionis, quæ est accidens; ergo significant quale accidentale, sicut album significat quale ratione albedinis, & ideo quale accidentale. Ex quo sequitur, quod prædicentur de primis substantiis in quale accidentale, & ideo prædicatione quinti prædicabilis, quod est absurdum. Et si aliquis pro Caieta respondeat significare quale accidentale, sed circa substantiam, quia naturæ generis, & speciei denominatæ substantiales sunt. Non satisfacit solutio, quia etiam album significat qualitatem circa substantiam, cum subiectum, cui inhaeret albedo, substantia sit; ergo eodem modo significant quale, ac album, aut coloratum, sed hæc prædicantur in quale accidentale; ergo etiam secundæ substantiæ de primis.

Pro solutione igitur huius dubii, & argumentorum notandum est, quale quid duobus modis accipi posse,

proprio, & communi. Et cum utroque modo sumatur per similitudinem ad veram qualitatem, quæ est forma accidentalis quarti prædicamenti, ex propria, & communi similitudine ad illam accipiendus est uterque modus; nam qualitas duo habet, & inherere subiecto, à quo abesse potest, ipsumque circumstare, ac tali modo determinare, ut ad interrogationem de ipso factam, per quale proprie respondeamus per illam. Et hæc est ratio propriæ, cui assimilatur differentia, quæ ad genus comparatur tantumquam ad potentiam extra cuius rationem est, & cui adesse, & abesse potest, & ideo tanquam determinans genus ad constitutionem speciei per modum adiacentis adiectiuo nomine significata prædicatur de specie; & hoc est assimilari qualitati secundum propriam rationem eius. Aliud habet qualitas commune cum cæteris accidentibus, quod à subiecto determinetur quantum ad actualem eius inhaerentiam, & aliquo saltem modo quantum ad indiuiduationem, & secundæ substantiæ assimilantur qualitati secundum hanc rationem communem, & impropiam consideratæ, quia sunt quasi communes conceptus, & communes formæ, quæ determinantur quantum ad substantiam, & indiuiduationem à primis substantiis, in quibus subsistunt; & propter hanc similitudinem docuit Arist. non significare hoc aliquid, hoc est, substantiam singularem, & subsistentem aduersus Platonem, qui eas ponebat separatas à singularibus, & extra illa subsistentes, sed quale, ita ut sint quasi formæ abstractæ à singularibus solum per intellectum, & ab eisdem determinabiles, quantum ad substantiam, & indiuiduationem ad modum accidentaliū; & quia vere sunt substantiæ significare

Cap. 5. de substantia. quæst. 5.

ficare quale quid. Deinde cum ratio substantialis cōueniat eis proprie: ratio vero qualitatis solum per similitudinem in ratione cōmuni, & impropria qualitatis: aominibus substantiis significantur, prædicata quidditativa appellantur, & in quid, non in quale quid, sicut differentia dicitur prædicari, quia differentia similitudinem propriam habet cum qualitate; secundæ vero substantiæ eadem secundum communem, & impropriam rationem assimulantur, & ideo non prædicantur in quale quid, quia modus specialis prædicandi ex propria ratione, non ex communi sumi debet. Et hæc est ratio, propter quam Arist. docuit secundas substantias significare quale quid, & non prædicari in quale quid.

50 Ad primum argumentum in principio positum concedendum est totum, quod assumit, sed distinguendum consequens, dum inferitur non significare quale quid, nam si de proprio quale quid intelligatur, verum est, si de improprio falsum. Itaque bene stat simul significare quid simpliciter propter rem significatam, quæ est substantia, & propter modum significandi nominum substantiuorum, & significare etiam quale improprium, propter quandam similitudinem cum qualitate, & ideo quodam modo quale quid.

Ad secundum distinguenda est maior, nam ex modo significandi proprio sumitur modus prædicandi, non ex improprio: & quia secundæ substantiæ proprie significant quid, & quadam ratione communi, & impropria quale quid, potius prædicantur in quid, quam in quale quid.

(?)

D V B I V M T E R T I V M circa quartam proprietatem substantiæ.

An verum sit substantiam non habere contrarium.

IN hac proprietate substantiæ videtur Arist. sibi contrarius, quod 51 ita probo. Nam 1. lib. Physicorum textu 50. asserit principia, ex quibus substantia generatur, & componitur esse contraria, imo esse prima contraria, & in vno quoque genere, seu prædicamento esse vnam contrarietatem, & ideo in substantia, quæ vnum genus est vnam contrarietatem reperiri; falsum est ergo, quod capite præsentis docet, proprium esse substantiæ non habere contrarium.

Et ratione probatur, quod substantia habeat contrarium, nam elementa contraria sunt, ut ignis, & aqua, aer, & terra; & tamen sunt substantiæ quædam. Et si respondeas elementa esse contraria, non ut sunt substantiæ, sed ratione primarum qualitatum, quæ sunt accidentia eorum, ut ratione caloris, & frigiditatis, humiditatis, & siccitatis. Contra hoc est, quod qualitates istæ procedunt ab ipsa substantia elementorum; ergo ab ea capiunt contrarietatem: quare primo erit in substantia, & per participationem ab ea in accidentibus.

52 Pro huius debili solutione notandum est, quatuor esse genera oppositionis, ut docet Aristoteles in hoc libro, capite de oppositis, & 5. Metaphysicæ, capite 10. Alia est oppositio privatiua inter formam, & priuationem eius, ut inter lucem, & tenebras; alia contradi-

ctoria

storia inter-affirmationem, & negationem, vt inter hominem, & non hominem, seu inter propositionem affirmatiuam, & negatiuam; alia relatiua, vt inter patrem, & filium; alia denique contraria, vt inter calidum, & frigidum, quæ explicanda est; cum de ea sit dubium, an reperiatur in substantia.

Contrarietas duobus modis accipitur. Primo sub ratione communi, & impropria pro quacunq; oppositione. In qua acceptione contraria appellamus quocunque modo opposita. Secundo, proprie pro ultimo tantum genere oppositionis ex quatuor enumeratis: Cuius talis definitio colligitur ex Aristot. locis citatis. *Contraria sunt, quæ sub eodem genere maxime distant, & ab eodem subiecto mutuo se expellant.* Vt calidum, & frigidum sub genere qualitatis maxime distant, hoc est, quasi extrema sunt, & à corpore, in quo vnum inheret, expellitur ab alio: vt ab aqua, in qua est frigiditas, expellitur à calore. Duas igitur condiciones ad propositum necessarias debent habere contraria. Primam, quod sint forinæ positivæ, quia sunt species eiusdem generis. Secundam, quod respiciant idem subiectum, in quo vtraque inherere potest, & aliam ab eo expellere.

53. Ex quibus intelligitur primo, quod ex quatuor generibus oppositionis tria reperiuntur in substantia, nempe priuatiua, quia substantia, dū generatur, sit ex priuatione sci, vt homo ex non homine, idest ex materia, in qua est priuatio animæ rationalis, Contradictoria, vt inter hominem, & non hominem; relatiua vt inter Petrum, & Ioannem: quatenus sunt eiusdem speciei. Sola oppositio contraria ei repugnat, propter perfe-

ctionem suæ naturæ, quia cum substantia tam perfectæ naturæ sit, vt ei debeat substantia per se, repugnat ei, quod sit forma inherens subiecto, & ideo, quod cum alia forma se expellat ab illo, vt in definitione contrariorum dicitur, nec in tota latitudine sui prædicamenti potest talis imperfectio reperiri. Et hoc est potissimum fundamentum huius proprietatis, quam ei tribuit Arist.

Secundo intelligitur, quonam modo concedendum sit substantiam habere contrarium, & quo etiam modo negandum, nam de impropria contrarietate pro quacunq; oppositione concedendum est, de propria vero pro ultimo tantum genere oppositionis enumerato negandū. Et quia quarta proprietas intelligitur ab Arist. solum de propria, verissima est eius sententia, quod substantiæ nihil sit contrarium.

Pro solutione argumentorum notandum est, quod inter oppositiones, prima, & quasi fundamentum cæterarum est priuatiua, quæ in quocunque genere, & prædicamento reperitur, nam ex duabus differentiis oppositis: per quas diuiditur genus, vna se habet respectu alterius, tanquā priuatiua, quia imperfectior est illa, & ideo quasi priuatur perfectione alterius, vt in differentiis, per quas diuiditur viues in sensibile, & insensibile, & animal in rationale, & irrationale patet, nam insensibile quasi priuatio sensus intelligitur; & irrationale, quasi ratione carens. Quod vero sit fundamentum aliarum probatur, quia substantia est fundamentum aliarum rerū, inter quas reperiuntur aliæ oppositiones, sed priuatiua oppositio reperitur in prima generatione eiusdem substantiæ, quia quælibet substantia generatur ex priuatione sui

54

110

Cap. 5. de substantia. quæst. 5.

in materia, ut homo ex nō homine, & ex consequenti, quæcūque alia generantur, vel sunt, ex sui privatione fieri intelliguntur, ut calidum ex nō calido, hoc est, ex privatione caloris in subiecto, in quo, & ex quo fit. Unde sequitur, quod sicut privatiua oppositio est prima, & fundamentum aliarum, ita substantia, in qua primo reperitur, est quasi radix, à qua procedunt omnes oppositiones, quæ ideo primo reperiuntur in ea, formaliter quidem privatiua, contradictoria, & relatiua; contraria vero non formaliter, sed solum virtualiter, quia formalis repugnat cum perfectione eius.

Ex hac doctrina facile soluuntur argumenta, nam testimonia Arist. loquuntur de contrarietate sub ratione communi, & impropria, pro quocunque genere oppositionis, sed præcipue pro oppositione privatiua, de qua intelligitur, quod principia generationis substantiæ sint contraria, & quod prima contrarietas reperiatur in substantia, hoc est, prima oppositio, quæ est privatiua. Sed dum substantiam asserit in hoc prædicamento non habere contrarium, loquitur de contrarietate propria, ut expositum est.

Ad argum. respondetur distinguendo antecedens, nam elementa ratione substantiæ, non sunt formaliter, nec proprie contraria, sed ratione qualitatum. Et dum dicitur qualitates procedere à substantia, concedendum est, sed distinguendum consequens: quod in substantia primo reperiatur vera contrarietas, nam virtualiter reperitur tanquam in prima radice, à qua procedit, non formaliter; Arist. vero dum negat in hac proprietate quartam, quod substantia habeat contrarium, de forma

li intelligit, non de virtuali, quia hæc non dicit imperfectionem repugnātem naturæ substantiali; illa vero cūcius perfectione pugnat.

D V B I V M Q V A R T V M

circa ultimam proprietatem substantiæ.

An solis primis substantiis conveniat esse susceptivus contrariorum, vel etiam secundis, & accidentibus.

Vltimam proprietatem substantiæ dixit Arist. esse, quod una numero cum sit, contraria possit in se suscipere. Et cum sola prima substantia sit una numero; secundæ vero unitatem tantum specificam, & genericam habeant, ei soli videtur attributa ab Arist. ita ut secundis non conveniat, & multo minus accidentibus, sed primæ substantiæ quaro modo, hoc est, omni, soli, & semper,

Sed videtur, nec omnibus primis substantiis convenire, nec solis, sed etiam accidentibus; nam propositio accidens est, & tamen eadē permanēs nunc est vera, si res ita se habeat, ut per eam enuntiatur; postea vero falsa, si res mutetur; ergo suscipit contraria. Probatur consequentia, quia veritas, & falsitas contraria sunt. Nec videtur satisfacere solutio, quam tribuit Arist. huic argum. dicens, suscipere contraria idem esse, ac mutari de uno ad alterum, quod vero mutatur mutationem ipsam in se recipit, atque etiam terminum eiusdem mutationis, ut quod mutatur, dum sit calidum ex frigido utrumque in se recipit, sed propositio non mutatur dum sit vera ex falsa, sed solum mutatur

tatur res, & ex eius mutatione fit propositio vera, aut falsa; & ideo nō dicitur suscipere cōtraria: hæc in quâ solutio non satisfacit argu. quod ita probō. Veritas, & falsitas formalis, aut cōplexa non est formaliter in rebus, sed virtualiter tantum, vt in causa, 58
qui eam causant in intellectu; in hoc vero reperitur formaliter vt enuntiāte, aut iudicāte, nec reperitur, nisi media propositione mentali, per quā enūnciat; ergo in propositione mētali, aut in intellectu per eā enuntiāte reperitur veritas, & falsitas tanquā in subiecto, quod formaliter mutatur, dū propositio fit falsa ex vera, quare necesse est concedere, quod suscipiat contraria, cum per veram sui mutationem suscipiat. Sed intellectus, & propositio mentalis sunt accidentia; ergo accidentibus conuenit suscipere contraria, & non solis primis substantiis. Quod etiam de quantitate verum est, nam accidentia corporea vere contraria prius in quantitate recipiuntur, quam in substantia, vt calor, & frigus; ergo quantitas etiam vna numero cum sit, erit susceptiua contrariorum.

Sed quod non conueniat omnibus primis substantiis, probatur, quia substantia spiritalis vt Angelos, non suscipit in se vlla contraria, imo nec substantia corporea incorruptibilis, qualis est Cælum; ergo non omnis substantia prima incorruptibilis contrariorū. Antecedens probatur, quia contraria disponunt subiectum, in quo sunt ad corruptionem, vt calor, & frigiditas; sed Angeli, & corpora Cælestia sunt incorruptibiles substantiæ; ergo non sunt capaces contrariorū. Probatur antecedens, quia contrariæ qualitates disponunt subiectū ad diuersas formas substantiales: vt calor ad formam ignis, & frigiditas ad

formā aquæ, sed diuersæ formæ substantiales nō possunt simul esse in eadē materia, vel subiecto, nec vna expelli ab eo, nisi per corruptionē cōpositi; ergo cōtraria ordinantur ad corruptionem eius, quare non possunt esse in subiecto incorruptibili.

Vt hoc dubiū plenē soluatur, tria 59
sunt determinanda. Primum, an hæc proprietas cōueniat solis substantiis, vel etiā accidentibus. Secundū, an dicitur, quod conueniat solis substantiis, conueniat, non solū primis, sed etiā secundis. Tertiū, an si solis primis cōueniat quibusdam tantū conueniat, vel etiā omnibus, & ex determinatione horū triū colligi poterit, an sit proprietas substantiæ quarto modo ei cōueniens.

Pro solutione primi notandum est, primā substantiā duo habere, quorū ratione cōuenit illi hæc proprietas. Primum est, quod sit hoc aliquid (vt verbis Aristot. vtamur) hoc est, substantia singularis & per se subsistens, & ideo indepēdens ab aliis. Secundum, quod sit primum subiectum omnium accidentium, & ratione primi conuenit illi esse vnā numero perseverās sub diuersis accidentibus: ratione secundi, quod sit contrariorū susceptiua. Nam cōtrarie opposita accidentia sunt, & ideo ratione vtriusque cōuenit illi integra proprietas, nempe, vt vna numero cum sit, contraria in se suscipiat; sed cum neutrū conueniat accidentibus (vt notum est) nec potest eis conuenire eadem proprietas.

Ad arg. vero de propositione 60
respondetur hac distinctione. Propositio duplex est, vna vocalis, aut scripta, & mētalis alia; & de vocali, & scripta euidēs est nō recipere in se veritatem, aut falsitatem formalem, sed solū est in eis veritas, tanquam in signo, quod est esse per solā denominationem

Q

nem

Cap. 5. de substantia. quæst. 5.

nem extrinseca, vnde licet transeât de veritate in falsitatem, non per sui mutationem, quia non recipiunt hæc accidentia in se formaliter, sed solû per mutationem rei, vnde nec suscipiunt in se contraria. De mentali vero negari non potest, quod cõtineat in se veritatem, aut falsitatem formalem, cum formaliter representet rem sicuti est, aut sicut nẽ est: nec etiã negari potest, quod in intellectu iudicãte sit veritas formaliter, sed adhuc non dicitur propositio mentalis, aut intellectus iudicans suscipere cõtraria, quia non est principale subiectũ veritatis, aut falsitatis, sed medium, per quod recipiuntur in anima, & adhuc non habent tanquam mediũ cõtraria suscipere ratione sui, aut virtute propria; & ex consequenti, nec habent simpliciter, sed virtute substantiæ, cuius accidentia sunt; & ideo substantia sola est, quæ tanquã præcipuum subiectum, propriæque virtute suscipit contraria, non accidentia.

61 Circa secundum, an proprietates hæc conveniant secundis substantiis, Caiet. / cap. præsentis, ait, hanc particulã vñã (nã numero) distinguendã esse, nam vel à parte subiecti ponitur, vel à parte prædicati; & à parte subiecti posita hunc sensum efficere, proprium est substantiæ, quæ est vna numero esse contrariorum susceptivam, in quo evidẽs est soli primæ substantiæ convenire, quia sola est vna numero; si vero ponatur à parte prædicati, talis erit sensus: proprium est substantiæ, vt servata unitate numerica possit cõtraria suscipere, & sic intellecta proprietates, etiã est evidens convenire secundis substantiis, quia servata unitate numerica, quã habet in primis: contraria suscipere possunt: vt homo servata unitate numerica, quã habet in Petro, po-

test suscipere calorem, & frigiditatẽ. Hoc etiã modo intelligitur proprietas hæc ab aliis expositoribus, vt Alberto Magno, Simplicio, & Villalpando, dicuntq; sic esse locutũ Arist. vt hanc proprietatem communem esse omnibus substantiis efficeret.

Alii veronegãt posse secundis substantiis accommodari, vt Annum. & Cant. in expositionibus huius capitis.

62 Sed nostra sententia est, hæc distinctione respondendũ esse. De hac proprietate substantiæ duobus modis loqui possumus. Primo, in eo sensu, in quo locutus est Arist. Secũdo, sine vlla limitatione verborum. Et si primo modo loquendũ est, solis primis substantiis cõvenit hæc proprietates; secundis vero nullo modo. Probatur hoc contra Caiet. r. Arist. asserit, maxime propriũ esse substantiæ, vna numero cũ sit, cõtraria suscipere posse; ergo proprietates hæc nõ potest cõvenire substantiæ, nisi sit vna numero; sed secũda substantia, neque in se, neq; in prima substantia habet unitatẽ numericã; ergo nullo modo ei cõvenit: Probatur minor. Secũda substantia in se cõsideratur, vt est abstracta à primã, sed, vt abstracta à primã non est vna numero, cũ sit cõmunis omnib; primis substantiis; sed solũ vna genere, aut specie; ergo non cõvenit ei hæc proprietates, sed, vt est cõtracta in primã; est quidẽ vna numero, nõ tamen est secũda substantia; sed prima, quia homo vlt cõtractus ad Petrũ, realiter, & formaliter est hic homo, sed hic homo formaliter est singularis homo, ergo formaliter prima substantia, & nullo modo secũda. Quare idẽ est dicere, quod secundis substantiis cõveniat hæc proprietates, vt habent unitatẽ numericã in primis, ac dicere, quod solis primis conveniat.

Secundo probatur ex definitione 63
secun-

secundarum substantiarum, quæ ita habet. *Secunda substantia sunt genera, & species, quibus prima substantia insit.* Sed nō sunt genera, & species, vt sunt cōtractæ ad primā, vel vt in ea habent substantiam, sed in quantum considerantur ab eadē abstractæ: sub hac autem consideratione repugnat eis conuenire, cum non habeant vnitatem numericam; ergo secundis substantiis, vt sunt secundæ substantiæ, non potest accomodari hæc proprietas, vt ab Arist. assignata, sed idem fuit dicere, proprium esse substantiæ, vt vna numero cū sit, contraria possit suscipere, ac excludere ab hac proprietate secundas substantias.

Si vero accipiatur eadem proprietas secūdo modo sine vlla limitatione verborum, sed ita, vt dicamus maxime proprium esse substantiæ suscipere contraria; conuenit omni substantiæ eodem modo, atque proprietas substādi, sed analogicē, hoc est, per se primo, & ratione sui primæ; secundis vero non nisi cum dependentia, & attributione ad illam.

Circa tertium, an proprietas hæc conueniat omnibus primis substantiis, non conueniunt omnes, sed primus modus dicendi est, solis primis substantiis corporis, & corruptibilibus conuenire, propter arg. a nobis factum in principio, ita Porphyrius, & Ammonius in explicatione huius proprietatis.

64 Secundus modus dicendi est communis omnium aliorum Interpretū, quod omnibus primis substantiis conueniat, & ita tenēdū. Sestēdo duo sunt breuiter notāda, vt intelligatur Primum, quod Arist. nō loquitur de solis contrariis strictē acceptis, qualia sunt primæ, & secundæ qualitates, nā veritas, & falsitas nō sūt ita propriæ contraria, de quib⁹ loquitur in textu,

negās quod propositio dicatur casus suscipere, sed loquitur de cōtrariis, vniuersali⁹. Secundo notādū est, quod vt proprietas hæc cōueniat alicui substantiæ, nō est necessariū eā suscipere omnia cōtraria, sed sufficit aliqua posse suscipere secundū conuenientiā suæ naturæ. Vnde satis est, vt corpora cælestia sint susceptiua contrariorum, quod possint suscipere motus cōtrarios, vnū ab Oriente in Occidentē; alterū ab Occidente in Orientem. Aut motum augmenti, & decrementi circa lucē, quos cōstat suscipere Lunā à Sole. Sufficit etiam, quod Angeli possint suscipere veritatem, & falsitatem medio intellectu, & bonitatem, & malitiam moralem, media voluntate, & actibus eius, vt dicantur esse primas substantias susceptiuas contrariorum.

Ad arg. vero distinguendum est 65 antecedens, quia contraria duplicia sunt, propria quidē, vt primæ, & secundæ qualitates, quæ ad corruptionem subiecti solent disponere; alia minus propria non respicientes corruptionem subiecti: & licet Angeli, & corpora cælestia non possint suscipere contraria illa, quia neque corrumpi possunt, susceptiua tamē sunt aliorum contrariorum, & hoc sufficit, vt proprietas hæc illis cōueniat, quia nō de solis primis cōtrariis intelligitur ab Arist. sed de his, vel aliis.

Ex his, quæ dicta sunt, sequitur hæc proprietatē vltimā substantiæ cōuenire primis substantiis quarto modo, quia omni primæ substantiæ, soli, & sē per cōuenit. Et ideo Arist. dixit, maxime propriū esse substantiæ, vt vna numero cū sit, contraria suscipere possit, vt significaret alias proprietates nō conuenire ei modo, sed accidētibus esse communes, hæc solis primis substantiis, cum quibus conuertitur.

Q 2 CAPVT

Cap. 6. de quantitate. tex. expositio:

CAPVT SEXTVM, conticens prædicamentū quantitatis.

TEX. ARISTOTELIS.

Quantum autem aliud quidem
est discretum, aliud autem cō-
tinuum.

Brevis expositio textus.

Post substantiam statim disputat
Arist. de quātitate, quia inter ac-
cidentia corporea. Primum est
proxime consequens naturam eius-
dem substantiæ, & medium, quo illi
inhærent. Et intentum eius est expli-
care naturam quantitatis. Diuiditur
autem caput in tres partes. In pri-
ma diuidit quantitatem tribus diui-
sionibus, ex quibus colligit numerū
specierum quantitatis. In secunda
explicat singulas species. Et in tertia
enumerat tres proprietates eiusdem
quantitatis.

Prima diuisio quantitatis non afsi-
gnatur expresse ab Arist. sed præsup-
ponitur, & insinuat, nam eo ipso,
quod agit de quātitate per se, præsup-
ponit diuisionē eius in quantitatem
per se, & per accidens, quantum per
se est illud, quod à se habet partes
extensionis, vt linea, aut superficies;
quantum per accidens, quod non ha-
bet à se extensionem, sed ab alio ex-
tenditur, vt album dicitur quantum
per accidens, quia albedo non ha-
bet à se partes extensas, sed eas ac-
cipit à superficie illius corporis, in
quo extenditur.

Secunda diuisio est (licet ter-
tio loco ponatur ab Aristotele) Quā-
tum aliud est continuum, aliud dis-
cretum. Continuum est, cuius par-

tes copulantur termino communi,
vt partes lineæ copulantur punctis.
Discretum vero, cuius partes non
copulantur termino communi, vt
numerus discreta quantitas est,
quia vnitates non coniunguntur a-
liquo termino, sed separatæ perma-
nent.

Tertia diuisio, quantum aliud ²
habet positionem partium in conti-
nuo; aliud non habet talem positio-
nem. Positio autem in continuo
duplex est, vna quam habent par-
tes quantitatis in ordine ad locum,
ratione cuius dicitur aliquid se-
dere, iacere, aut stare. Et hæc po-
sitisio partium non pertinet ad hoc
prædicamentum, sed ad prædica-
mentum situs; alia est positio, quam
habent partes, non in ordine ad lo-
cum, sed inter se., secundum quam
vna dicitur anterior, alia posterior;
vna dextra, alia sinistra; vna sur-
sum, alia deorsum, & hæc est pro-
pria huius prædicamenti, secundum
quam intelligitur diuisio, quæ ait,
quibusdam quantis conuenire, a-
liis non. Duæ sunt enim conditio-
nes necessariæ, vt quantum aliquod
dicatur habere positionem in con-
tinuo. Prima, quod continuum sit.
Secunda, quod sit permanens. Et de-
fectu primæ conditionis nulla spe-
cies quantitatis discretæ habet talē
positionem. Defectu secundæ ex quā
titatibus continuis tempus non ha-
bet positionem, sed reliquæ quatuor
illam habent, vt linea, superficies,
corpus, & locus, quia habent vtram-
que conditionem.

Species quantitatis continuæ sunt ³
quinque, linea, superficies, & corpus,
tempus, & locus; species vero quan-
titatis discretæ duæ tantum, nēpe nu-
merus, & oratio. Sed probat de singu-
lis, quod sint species quātitatis, vel si
hoc

hoc notum sit de aliquibus. Probat saltem, quod sint quantitates continue, vel discretæ, & incipit à numero, de quo non probat esse quantitatem, quia per se est notum, sed quod sit quantitas discreta hac ratione. Quantitas discreta est, cuius partes non copulantur termino communi, sed partes numeri, quæ sunt unitates, non copulantur aliquo termino communi, sed separatæ manent; ergo numerus est quantitas discreta.

De oratione vero utrumque probat, & esse quantitatem, & esse discretam, quia neutrum est per se manifestum. Probat quod sit quantitas hoc argum. Longum, & breue sunt passionis quantitatis, sed oratio mensuratur syllaba longa, & breui, (loquitur enim de sola vocali, quia hæc sola potest esse species quantitatis;) ergo est quantitas. Quod vero sit quantitas discreta, probat, sicut probauerat de numero, quia partes orationis quæ sunt syllabæ, non copulantur termino communi, sed separatæ manent.

4 De continuis etiam probat eodem modo, & primo de linea, superficie, & corpore, quod sint quantitates continuæ (præsupposito tanquam manifestum, quod sint quantitates) hac ratione. Quantitas continua est, cuius partes copulantur termino communi, sed partes harum trium specierum copulantur termino communi; ergo sunt quantitates continuæ. Minorem ita probat. Linea est longitudo sine latitudine, cuius partes copulantur punctis; superficies est longitudo, & latitudo sine profunditate, cuius partes copulantur lineis, & corpus est longitudo, latitudo, & profunditas, cuius partes copulantur superficiibus; ergo partes harum trium specierum copulantur termino communi.

5 De tempore vero, & loco suppo-

nit tanquam manifestum, quod sint quanta, & probat, quod sint continuæ, de tempore quidem hac ratione. Partes temporis, quæ sunt, præsens, præteritum, & futurum, copulantur instanti, ratione cuius sunt unum tempus; ergo tempus est quantum continuum. De loco vero hoc modo. Locus, ita continet corpus locatum, ut aqua arborem, ut partibus eiusdem locati corresponsdeant partes loci, sed partes locati: cum sit corpus, copulantur termino communi; ergo etiam partes loci: & ita erit locus quantitas continua, sicut corpus locatum.

Priima proprietas quantitatis est non habere contrarium, ut bicubitum, aut tricubitum, quæ sunt quantitates, nullum habent contrarium: & hæc proprietas communis est quantitati cum substantia, ut cap. præcedenti docuit Aristoteles.

Secunda proprietas est non suscipere gradus intensiōis, aut remissionis, aut quod aliis verbis dicitur, non suscipere magis, & minus, sicut suscipit calor, quem dicimus esse intensum secundum duos, aut tres gradus: non est enim unum tempus magistèpus, quam aliud, quia nec habet plures gradus perfectionis, & sic de ceteris speciebus quantitatis. Hæc etiam est communis proprietas quantitatis cum substantia, & aliis, & ideo non conveniunt quo modo quantitati sicut nec prima.

Teritia proprietas quantitatis est, quod secundum eam res dicatur æquales, & inæquales, ut duo corpora, quæ vere sunt substantia, si habeant eandem longitudinem, dicuntur equalia, sed ratione quantitatis, quia longitudo quantitas est: & hæc proprietas convenit quarto modo quantitati, quia convenit omnibus speciebus eius, solis, & semper.

Q3

QV AE.

QVAESTIO I.

In quo nam sit ponenda essentialis ratio quantitatis.

6 Prima opinio ponit rationem essentialem quantitatis in mensura, hoc est, in eo, quod quælibet quantitas sit mensurabilis per alteram, vel saltem suis partibus mēsuretur, atque etiam sit aliarum rerum mensura. Et potest probari testimonio Aristot. qui 4. lib. Physicorū agens de tēpore, quod est vna species quantitatis, illud definit dicens, esse numerum, seu mensuram motus secundum prius, & posterius.

Probatum etiam ratione, quia species quantitatis debent distingui per rationes essentielles, sed quædā sunt, quæ non possunt distingui, nisi per rationem mensuræ; ergo hæc erit ratio essentialis quantitatis. Probatum minor. In loco, & superficie, quas nō distinguunt, nisi ex eo, quod superficies est mensura intrinseca corporis continentis, in quo est, vt aeris, aut aquæ; & extrinseca corporis contēti, hoc enim modo considerata, habet rationem loci. Hæc sententia attribuitur D. Thom. opusc. 53. de natura loci in fine.

Secunda opinio est Scoti in prædicamentis, quæst. 17. & 5. Met. quæst. 9. vbi essentiam quantitatis asserit esse diuisibilitatem in proprias partes integrantes; ita etiā Anto. Andr. 5. Met. quæst. 10. Capreo. in 2. d. 3. q. 1. Sonci. 5. Met. q. 12. Iauel. q. 10. & eandem tenere videtur D. Th. lect. 15. eiusdē lib. & in 1. d. 19. q. 1. art. 1. ad 1. Probat eam Scot. testimonio Arist. & ratione. Arist. enim 5. lib. Met. cap. 13. definit quantum, quod sit diuisibile in ea, quæ insunt, hoc est, in proprias partes integrantes, ex quibus componitur: sed definitio illa explicat

essentiam quantitatis; ergo hæc erit ratio diuisibilitatis.

Ratione vero, quia omnes distinguunt species quantitatis per diuisibilitatem dicentes diuisibile secundum vnam dimensionem longitudinis esse lineam; secundum duas dimensiones longitudinis, & latitudinis superficiem; & secundum tres dimensiones longitudinis, latitudinis, & profunditatis corpus; sicque de cæteris secundum proprias rationes diuisibilitatis. sed distinctio specifica debet esse essentialis; ergo distinguuntur essentialiter, per diuisibilitatē, quare hæc erit ratio essentialis quantitatis.

Tertia opinio negat essentiam quantitatis esse mensuram, aut diuisibilitatem, sed eam ponit in extensione partium, quæ est vnam partem esse extra aliam. Ita Duran. in 1. d. 34. q. 1. num. 26. Nimphus. 5. Met. quæst. 9. Sotus, & Toletus, quæst. 1. huius prædicamenti, Canterus in expositione textus, Fonseca 5. Met. cap. 13. quæst. 1. lect. 3. Et hæc est probabilior sententia.

Sed non eodem modo explicatur ab omnibus. Pro eius tamen intelligentia notanda est prima distinctio quantitatis, quam tradit D. Tho. 1. p. quæst. 42. artic. 1. ad 2. accepta ex D. August. 6. lib. de Trinitate, ca. 8. circa medium. Quantitas alia est molis, alia virtutis; quantitas molis est, quæ in substantia corporea inherēs partes eius sic facit extēsas, vt molem, aut magnitudinem eis tribuat. Quantitas virtutis est perfectio essentialis cuiuscunque rei, secundū quam magna dicitur, vel parua; id est in maiori, vel minori gradu perfectionis constituta; vt Angelus dicitur maior homine, & homo maior leone, quia essentialiter perfectior. Hæc autem quantitas virtutis, seu perfectionis ad omnia.

omnia prædicamenta pertinet, ideo non agimus modo de illa, sed solum de quantitate molis, quæ constituit hæc prædicamentum. Et eam definit Arist. 5. lib. Meta. cap. 13. his verbis. *Quantum est diuisibile in ea, quæ insunt, quorum utrumque, aut singulum, vñ quid, aut quod quid aptum est esse.*

9 Sic autem explicanda est definitio, vt diuisibile appelletur quantum ad differentiam punctorum, & aliorum indiuisibilium, & in ea, quæ insunt diuisibile dicitur, id est in partes integrantes, ex quibus componitur, quæ ideo formaliter ei insunt, & non solum virtualiter, sicut elementa dicuntur esse in mixto, ex eo solû, quod virtutes eorum, vt calor, frigiditas, humiditas, & siccitas in mixtis sunt, non tamen elementa ipsa secûdum formas substantiales, & ideo non dicuntur esse in eis formaliter. Quorum utrumque, si duas partes habeat, vel certe duas medietates, in quas diuidi solet quodlibet continuum, vel vnumquodque, si plures, sic autem in eas diuiditur, vt potest diuisionem, quælibet possit separata ab eo existere per se. Gratia exempli, lignum vnus palmi diuisibile est in duas medietates, ita vt quælibet earum facta diuisione existat iam per se, & independeret a toto, in quo distinguitur continuum à toto Physico, quod componitur ex materia, & forma, tanquam ex partibus, & à toto Metaph. quod cõponitur ex genere, & differentia, ita tamen, vt non possit diuidi in has partes potentes per se separatas existere naturaliter, quia nec forma materialis sine materia, nec materia sine forma naturaliter esse potest. De partibus igitur integrantes intelligitur definitio, dū dicitur, continuū esse diuisibile in ea, quæ insunt.

10 Secundo notandū est, partes integrantes esse in duplici differētia, quædam sunt substantiales, aut entitatiuæ, quæ potius dicuntur partes entitatis, quā extensionis, & has dicunt plures habere ex se substantiā, & accidētia corporea, & nō recipere eas à quantitate. Alię sunt partes molis, aut magnitudinis, quæ vocātur partes extensionis, quia ex propria natura sunt occupatiuæ loci, & sicut quælibet est distincta ab alia, ita cuiuslibet debetur distincta pars loci, ita vt nō possint plures occupare eandē partē loci, nec in ea esse simul cū alio corpore, aut parte eius. Gratia exēpli, duæ medietates digiti sunt diuersæ partes extensionis, quia quælibet nata est occupare distinctā partē loci: ita vt nec possit naturaliter, occupare simul eandē partē loci cū alia, nec etiā cū alio corpore, aut parte eius, & hæc, extensionē partium vocamus molē, vel magnitudinē, quā sola quantitas habet, & eā tribuit substantiæ, ac cæteris accidētibus corporeis, & in hac extensione molis dicimus cōsistere essentiā quātitatis. Quæ aliis verbis explicari solet; nēpe extensionē quātitatis esse habere partē extra partē, vel vnā partē extra aliā, nō secundū entitatē, nā hoc modo etiam substantia, & cætera accidētia habent partē extra partē, sed secundum molem: ita vt cuiuslibet debeat distincta pars loci, quam nata est occupare. Partes vero integrantes substantiæ, & aliorum accidentium, (quas entitatiuas vocamus) non sunt loci occupatiuæ, sed omnes possunt in eadem parte loci esse, imo in eodem loco indiuisibili.

11 Tercio notandū est, quod ab hac extensione partium secundum molē, quæ est essentia quātitatis, procedūt

Q. 4. pro-

Cap. 6. de quantitate. quæst. i.

propriæ passionis eiusdem, quarum prima est diuisibilitas in easdem partes extensionis, quæ aptitudo, vel potentia, ut diuidatur vocari potest. Nā statim ac intelligimus quantitatem habere partem extra partem, in quo consistit extensio ei essentialis, consequenter concipimus esse diuisibilem in easdem partes.

Secunda proprietas est mensura, hoc est, quod quantitas ipsa sit mensurabilis per aliam, vel per proprias partes.

Tertia, finitam esse, vel infinitam.

Quarta, quod sit fundamentum æqualitatis, & inæqualitatis.

Quinta est extensio earundem partium in ordine ad locum, quæ nō est aliud, quam eam sic replere locum, ut singulis eius partibus, singulæ etiam, atque distinctæ partes loci correspondeant. Quæ extensio sic est se paranda ab extensione essentiali, à qua procedit, ut intelligamus aliud esse, quod partes sint extensæ inter se; aliud, quod sint extensæ in ordine ad locum: esse extensas inter se, est habere distinctam magnitudinem, & molem, quam à posteriori explicamus per id, quod est esse occupatiuas distinctæ partis loci; partes vero esse extensas in ordine ad locum, est occupare, aut replere distinctas partes loci, quæ longe diuersa sunt. Nam etiam si quantitas non occupet locum, nec in eo extendantur partes eius, habebunt tamen distinctam molem, & eius ratione erūt distinctæ partes loci occupatiuæ, licet eum actū nō occupent. Distinctio vtriusque extensionis sit manifesta in corpore Christi existentis in Eucharistia: cuius quantitas habet partes extensas inter se, & occupatiuas distinctarum partium loci, sed non habet extensionem in ordine ad locū,

quia nec totum ipsum corpus, nec partes eius occupant locum, sed modum habent essendi indiuisibilem in ordine ad locum. & ideo totum corpus est sub tota Hostia, & totū etiam sub qualibet minima parte eiusdem: vnde habet extensionem essentialē, in qua dicimus consistere essentiam quātitatis, sed non habet aliam extensionem in ordine ad locum, quam dicimus esse propriā passionem eiusdē quantitatis, sed per miraculum est essentia sine propria passione. Vltima proprietas est, quod vna quantitas non possit se penetrare cum alia in eodem loco, se autem penetrare non est aliud, quam occupare eundem locum, vel eandem partem eius: ita ut si Petrus, & Ioannes essent in eodem loco, dicerentur se penetrare, sed penetratio corporum nō est naturaliter possibilis, itaque vno verbo possumus explicare hanc proprietatem si eam appellemus impenetrabilitatem formalem.

His explicatis, duobus modis intelligitur, & explicatur essentia quātitatis ab his, qui dicūt in extensione partium positam esse, nam moderni quidam dicunt in eo consistere, quod quantitas sit radix impenetrabilitatis modo explicatæ; cæteri vero omnes citati in eo, quod est quantitatē habere partem extra partem.

Nos vero vtrumque horū pro eodem reputamus, & solo nomine differre censemus. nam cum extensio partium sit radix impenetrabilitatis, sicut aliarum passionum, idem est dicere essentiam quantitatis consistere in extensione partiū, atque in eo, quod quantitas sit radix impenetrabilitatis. Sed clarius explicari dicimus extensionē, per id quod est habere vnā partē extra aliam secundū molem, aut magnitudinē occupati-

uam

13

14

nam diuersæ partis loci iam à nobis declaratam.

Conclusio igitur nostræ sententiæ, & cõmunis est, quod essentia quãtita-
tis non consistat in diuisibilitate, aut
mensura, sed in extensione partiũ.
Probatum hoc argumen. ex doctrina
tradita desumpto. Essentia rei in eo
debet consistere, quod primo de illa
concepimus, non in alijs, quæ ex eo
consequi intelligimus: sed primam,
quod concepimus de quantitate est
extensio partium, ex qua intelligi-
mus sequi diuisibilitatem, & mensu-
ram; ergo extensio erit essentia quã-
titatis, potius quam diuisibilitas, aut
mensura. Minorem probam, quia pri-
mum est habere partes, quam esse
diuisibile in eas, aut per eas mensu-
rabile; ergo prius est habere partes
extensas, quam esse diuisibile in par-
tes extensas, aut per eas mensurabi-
le, & ex illo secuntur hæc, & ideo
illud erit essentia quantitates, diui-
sibilitas vero, & mensura propriæ
passiones eius.

Ad testimonium Aristotelis pro
prima opinione respondeo, quod dũ
dixit tempus esse numerum motus,
per numerum non intellexit men-
suram, sed discretionem, aut distinctio-
nem partium motus secundum prius
& posterius: hanc enim proprie sig-
nificat numerus, ut in nostris Com-
mentarijs super quartum librũ phy-
sicorum expositum reperitur.

Ad argumentum eiusdem opinio-
nis concedenda est maior, sed minor
neganda: quia si locus species est di-
stinctus à superficie, non potest distin-
gui per solam rationem mēsuræ, sed
prius debet distinguì per extensio-
nem, ratione cuius conuenit ei men-
sura.

Ad testimoniũ Aristotelis pro sen-
tentia Scoti concedimus, Aristotelẽ

defuisse quantitatẽ per diuisibili-
tatẽ, sed neganda est minor, quod
definitio sit essentialis, sed descripti-
ua potius censenda est, quia datur
per propriam passionem diuisibilita-
tis, Aristoteles autem per passionem
voluit describere quantitatẽ, quia
notior nobis est diuisibilitas, quam
extensio partium: & ita per illam fit
nobis extensio manifesta. Vel secun-
do respondemus diuisibilitatẽ duo-
bus modis sumi posse. Primo pro for-
mali aptitudine ad diuisionem, alio
pro radice eius, quam possumus ap-
pellare diuisibilitatẽ radicalem, &
est idem prorsus cum extensio-
ne partium, à qua diximus procedere di-
uisibilitatẽ formalem tanquam ab es-
sentia. Hoc supposito cõcedere pos-
sumus eandem minorem argumen.
quod definitio sit essentialis, sed per
diuisibilitatẽ in ea positam non in-
telligitur formalis, sed radicalis, quæ
idem est cum extensione. Quare idẽ
est etiam per diuisibilitatẽ sic sum-
ptam definitam esse quantitatẽ, ac
per extensionem in qua potius con-
sistit essentia quantitatũ, quam in di-
uisibilitate formali.

Ad secundũ concedimus, per diui-
sibilitatẽ distinguì à multis species
quantitatũ tanquam per propriam
passionem nobis notio-rem, ex qua
cognoscimus distinctionem essentia-
lem, quam habent per extensionem.
Vel secundo dicimus distinguere eas
per diuisibilitatẽ radicalitẽ sum-
ptam, quæ idem est cum extensione,
& tunc distinctio est essentialis.

QVAESTIO II.

*Verum linea superficies, & corpus sint
tres species distinctæ quanti-
tatis continuæ.*

Q. Ve

Cap. 6. de quantitate. quæst. 2.

VT ratio harum specierum intelligatur, notandum est ex D. Thom. opus. 48. tract. 3. cap. 3. quod licet punctum à linea non separaretur realiter, nec linea à superficie, nec superficies à corpore, per intellectum tamen apprehendere possumus punctum, quod omnino est indivisibile realiter separatum à linea, & fingere quod per planum ducatur, & tunc ex ductu eius remanebit vestigium longum, sed nec latum, nec profundum; quod vestigium, si versus latera extendatur, relinquetur aliud, non solum longum, sed etiam latum; & tandem si hoc elevetur, aut deprimatur, relinquetur tertium aliud vestigium longum, latum, atque profundum, hoc est habens grossitiem. Primum ergo vestigium est continuum, & divisibile secundum longitudinem & appellatur linea, & cum sit vestigium relictum ex ductu puncti, continuatur punctis: continuari vero est, quaslibet duas partes eius copulari puncto indivisibili, & ita effici vnum continuum. Vestigium secundum est longum, & latum, sed caret profunditate, quia non habet grossitiem (ut sic loquamur) & ideo est divisibile secundum longitudinem, & latitudinem; sed caret profunditate, & ideo est indivisibile secundum profunditatem, & cum sit vestigium relictum ex extensione linearum, continuatur lineis, & appellatur superficies. Tertium vestigium est longum, latum, & profundum, & cum sit relictum ex elevatione, aut depressione superficiei, partes eius continuantur superficiebus, & est divisibile secundum longitudinem, latitudinem, & profunditatem, quæ appellantur dimensiones quantitatis, quia quantitatem continuam his tribus modis quasi dimeteri possumus, hoc est secundum longitudi-

nem, latitudinem, & profunditatem: & quia non sunt plures dimensiones, corpus dicitur divisibile secundum omnem dimensionem.

De his ergo tribus, linea, superficie, & corpore, duo possent disputari. Primum, an distinguantur realiter, aut ex natura rei, possintque separari realiter, sed quæstio hæc philosophica est, & ideo non pertinet ad propositum nostrum. Sed nunc supponendum est tanquam communis opinio, quod distinguantur realiter, aut ex natura rei, sine dependentia ab intellectu, & quod naturaliter saltem nullum eorum potest separari realiter ab aliis. Secundum, quod potest disputari est, an distinguantur specie, & ideo sint species distinctæ quantitatis continuæ, & hoc quæritur titulus quæstionis.

Circa quam est prima opinio Duran. in 2. d. 2. quæst. 4. asserentis, lineam, & superficiem non esse veras species quantitatis, sed solum negationes quasdam dimensionum, ut lineam negationem latitudinis, superficiem negationem profunditatis.

Probat hoc argumentum, quia differentia constituens, atque distinguens speciem, debet esse positiva, cum se habeat tanquam forma; sed linea, & superficies non habent differentiam positivam; per quam constituantur, & distinguantur; ergo non sunt veræ species quantitatis. Probat minor, quia solum distinguitur linea à superficie, quia caret latitudine, & superficies à corpore, quia caret profunditate, ergo solum sunt negationes quasdam latitudinis, & profunditatis, & non veræ species.

Secunda opinio tenet lineam, & superficiem esse entitates positivas, & non solas negationes, sed non distinguuntur specie. Probat hac ratione. Si linea,

linea, & superficies distinguerentur specie inter se, & à corpore, maxime per longitudinem, & latitudinem, sed per has non ergo nullo modo. Probatur minor, quia superficies includit longitudinem, & latitudinē; ergo non distinguitur ab ea linea per longitudinem. Deinde corpus includit longitudinem, latitudinem, & profunditatem, ergo non distinguuntur ab eo linea, & superficies, per longitudinem, & latitudinem.

Tertia sententia est communis, & vera, quod linea, superficies, & corpus sint veræ species quantitatis cōtinuæ, atque distinctæ. Hæc est expressa apud Aristotelem, non solum capite præsentis, sed 5. Meta. cap. 13. ubi singulas has species suis descriptionibus explicat, & omnes eius interpretes in Commentariis viriūq; loci eam sequuntur.

Sed ratione probatur primo, quod sint veræ species quantitatis; quia extensio partium intrinseca ratio quantitatis est, & divisibilitas in partes propria passio eius; sed utraq; ratio convenit formaliter lineæ, & superfici ei; illi quidem, secundum longitudinem, huic vero secundum latitudinem, & corpori secundum profunditatem, secundum quas dimensiones extenduntur partes eorum; ergo sunt veræ species quantitatis.

22

Probatur deinde, quod sint species distinctæ, primo, quia multa demonstrantur in mathematicis de his speciebus, tanquā de distinctis, Geometra enim agit de sola linea tanquā de proprio obiecto, nihil considerans de latitudine, aut superficie, & perspectivus de linea visuali, ergo distincta species est à superficie, & corpore.

Secundo, quia rationes formales diversæ distinguunt diversas species, sed longitudo, quam dicit linea est

diversa ratio formalis à latitudine, quā dicit superficies, & à profunditate, quā dicit corpus, ut ex se patet; ergo distinguitur specie ab eis, & idē potest probari de superficie, & corpore.

Sed tota difficultas distinguendi has species in eo consistit, quod videtur posteriores includere priores, ut corpus superficiem, & lineam, & superficies lineam. Ut ergo fiat manifestum hanc inclusionem non tollere differentiam specificam, notandum est, primo, lineam, & superficiem duobus modis sumi posse: primo, ut sint indivisibiles, linea quidem secundum latitudinem, & superficies secundum profunditatem, & hoc modo nō sunt species quantitatis, sive punctum nō est species quantitatis, sed terminativum, & continuativum partium linearum. Probatur utrunque, quia quantitas essentialiter est divisibilis; ergo linea, & superficies, ut sunt indivisibiles, nō possunt esse species quantitatis; sed sunt terminativæ, & continuativæ alterius speciei; linea continuativa partium superficiei, & superficies continuativa partium corporis. Secundo modo accipiuntur, ut divisibiles sunt secundum proprias dimensiones; linea secundum longitudinē, & superficies secundum latitudinem, & habet sua indivisibilia, quibus partes eorū continuantur, & terminantur; linea terminatur, & continuatur punctis; superficies vero continuatur lineis, ut indivisibilibus secundum latitudinem. Et hoc modo sunt species quantitatis distinctæ, & pertinet per se, & directe ad prædicamentum, sed secundum primam considerationem solum pertinet reductivè ad speciem illam, cuius partes copulant, ut linea ad speciem superficiei, & hæc ad speciem corporis. Sed dū dicimus lineam esse indivisibilem secundum latitudinē, & superficiē secundum profunditatem, per

Cap. 6. de quantitate. quæst. 2.

per indivisibilitatem non debemus intelligere puram negationem dimensionis, sed modum positivum, qui per negationem indivisibilitatis explicatur, sicut per punctum omnino indivisibile non intelligimus puram negationem, sed modum positivum quo copulantur partes linearum. Ratio huius est, quia officium copulandi partes reale est, & positivum, ergo non potest à pura negatione fieri, sed ab entitate positiva.

Secundo, notandum est ex doctrina D. Thom. ubi supra, sic se habere has duas species, superficiem, & corpus, ut quilibet dicat unam tantum dimensionem de formali, nempe ultimam; aliam vero, vel alias de materiali, & quasi præsuppositivè, ut superficies de formali solum dicit latitudinem, de materiali vero longitudinem, & corpus profunditatem de formali, longitudinem vero, & latitudinem, quasi de materiali: & ratio huius est, quia cum profunditas sit dimensio continua copulari debent partes eius indivisibilibus secundum profunditatem, & tales sunt superficies, quæ cum habeant dimensionem latitudinis, necesse est eam habere corpus: & quia superficies copulari debet indivisibilibus secundum latitudinem, quæ sunt linearum habentes longitudinem, ideo necesse est superficiem habere longitudinem, sed ex hoc fit manifestum, quod eas non habeat formaliter, sed solum materialiter, & quasi per accidens, quia propria indivisibilia, quæ per se includunt, simul sunt divisibilia secundum easdem dimensiones. Vnde quia indivisibilia linearum, quæ sunt puncta, non sunt divisibilia secundum aliam dimensionem, nec linea de materiali, aut per accidens ullam aliam dimensionem præter longitudinem importat.

Ultimo notandum est, genus, & differentiam ita esse accipiendam in his speciebus, ut definitiones earum possimus designare, quod commune, & proximum genus earum sit quantitas continua, sub qua collocantur, differentia vero accipienda est in ordine ad proprias dimensiones singularum, & ita definitio linearum talis erit. Linea est quantitas continua extensa secundum dimensionem formalem longitudinis, superficies est quantitas continua extensa secundum dimensionem formalem latitudinis, corpus vero quantitas continua extensa secundum dimensionem formalem profunditatis. Nec enim ponuntur longitudo in definitione superficie, nec latitudo in definitione corporis, quia licet has etiam dimensiones necessario includant, non tamen formaliter, sed solum materialiter, imo nec per se, sed per accidens: quod hac ratione probatur. Una species nec componitur ex altera formaliter, nec in ea includi potest: sed linea superficies, & corpus sunt species diversæ quantitaris; ergo neutra potest aliam, aut alias includere formaliter.

Ex tota hac doctrina intelligitur, quoniam modo distinguatur linea, superficies, & corpus, non quidem, ut nonnulli opinantur per negationem alicuius dimensionis, ut linea à superficie per negationem latitudinis, & superficies à corpore per negationem profunditatis, sed distinguuntur per positivam extensionem secundum dimensionem propriam, ita ut linea distinguatur à superficie per positivam extensionem partium secundum longitudinem, & superficies à corpore per positivam extensionem latitudinis, & corpus ab utraque per positivam extensionem secundum dimensionem profunditatis.

Si autē dicatur Aristotelem 5. Metaph. c. 13. alio modo has species definisse, nempe lineam esse magnitudinem continuam ad unum, hoc est secundum unam dimensionem longitudinis. Superficiem ad duo, id est secundum duas dimensiones longitudinis, & latitudinis. Et corpus ad tria, id est secundum tres dimensiones longitudinis, latitudinis, & profunditatis. Respondeo ita definisse, sed definitiones istæ non sunt distinctæ à nostris, sed eadem cum eis, & differre videtur, quia Aristoteles non solum formales dimensiones posuit, per quas constituuntur, ac distinguuntur, sed etiam materiales, in quibus superficies, & corpus conveniunt. Nos vero solum per formales definimus eas, non curantes de materialibus, quas præsupponimus necessario includere.

26 Ad argumen. primæ opinionis neganda est minor, quod solum per negationem alicuius dimensionis distinguantur linea, & superficies. Non enim distinguuntur, nisi per positivam extensionis secundum propriam extensionem, quamvis una dicat negationem dimensionis, quam includit altera, quod commune est omnibus speciebus cuiuscunque generis, nam homo eo ipso, quod est rationalis, dicit negationem cuiusque speciei irrationalis.

Ad argumentum secundæ opinionis concessa maiori neganda est minor, quod non distinguantur linea, & superficies per longitudinem, & latitudinem, quia licet superficies includat longitudinem, non tamen formaliter sicut linea, sed materialiter tantum; & licet corpus includat profunditatem, non formaliter, sed materialiter; & cum distinctio debeat esse per aliquid formale, distinguuntur

istæ species per singulas dimensiones, quas includunt formaliter, & quæ non includuntur formaliter ab aliis, ut expositum est. Et si aliquis dicere vellet, superficiem dicere longitudinem aliam distinctam à longitudine lineæ, & corpus aliam longitudinem distinctam à longitudine lineæ, & superficiem, & aliam latitudinem distinctam à latitudine superficiem, & ita distingui à superficie, & lineam, non solum per unam dimensionem formalem, sed per tres etiam formales, & sibi proprias, & superficiem à lineam, & corpore per duas formales, & sibi proprias longitudinis, & latitudinis. Quod manifestum fieret, si istæ species saltem per potentiam Dei absolutam separarentur realiter: tunc enim corpus haberet trinam dimensionem, essetque longum, latum, & profundum, & superficies longa, & lata, linea vero solum longa. Respondetur, hunc modum distinguendi has species, per solam imaginationem ex cogitari posse, sed secundum rationem implicare contradictionem. Probatur, quia ex eo sequeretur corpus habere tres longitudes distinctas, & distinctas solo numero, & eas includere formaliter; & eodem modo duas latitudines, imo, & triplicata puncta, quibus continuantur diversæ longitudes, & utrumque est impossibile. Primum quidem, quia longitudes omnes sunt eiusdem speciei, cum habeant eundem modum extensionis partium, eundem modum continuationis per puncta, & eundem effectum formalem in subiecto, repugnat autem, quod aliquid includat formaliter, & essentialiter tria prædicata eiusdem speciei. Probatur secundum esse impossibile, quia repugnat multa accidentia pure absoluta, & eiusdem speciei, qualia sunt dimensiones;

27

Cap.6. de quantitate. quæst.3.

iones, simul esse in eodem subiecto, à quo aliquo modo accipiunt indiuiduationem. Hoc autem sequeretur, si superficies, & corpus tot haberent longitudines, & latitudines, quas omnes tribuerent subiecto, in quo inhærerent.

Quod vero dicitur has species posse realiter separari per potentiâ Dei absolutam, falsum est, quia manifestam contradictionem implicat. Quod sic probetur. Si corpus esset separatum à superficie, esset quantitas continua diuisibilis secundum longitudinem, latitudinem, & profunditatem; ergo longitudo eius continuaretur punctis, & ideo esset linea, quia linea nihil aliud est, nisi longitudo continuata punctis, latitudo etiam eius continuaretur lineis, & ideo esset superficies, quare non esset separatum à linea, & superficie, ut supponitur: implicat ergo contradictionem separari, quod potest eodem modo probari de superficie, ut intelligenti patet.

28 Ratio autem fundamentalis prop-
ter quam repugnat separari ullo modo has species est, quia non est dabilis, imo nec intelligibilis substantia, cui quantitas inherere possit, nisi corporea, quæ ex sua natura, & essentia non potest suscipere quantitatem, nisi triplex dimensionis, nempe longitudinis, latitudinis, & profunditatis; quare nec potest dari quantitas, quæ illas omnes non habeat.

QVÆSTIO III.

Utrum tempus sit uera species quantitatis continuæ.

Occasionem dedit Aristoteles ipse huic quæstioni, nam capite præsentis tempus enumerauit

inter species quantitatis continuæ. Sed 5. Metaph. cap. 13. idem tempus cum motu docuit esse quantum per accidens, ita ut à mobili, & spatio, seu alia forma, circa quam versatur motus continuationem, & extensionem accipiat: sicut albedo eam accipit à corpore, cui inhæret. Ideo diuersæ sunt opiniones.

Prima tenet, tempus non esse speciem quantitatis, nec habere extensionem per se, sed per accidens, sicut motum, ita pater Franciscus Suardus tomo 2. suæ Metaph. dispo. 40. lectione 9. num. 8. & cum eo multi recentiores. Habetque hæc sententia, præter testimonium Aristotelis plura argu. sed tria hæc sunt potissima, & difficilia. Primum, species quantitatis debent esse entia realia, quia quantitas est prædicamentum reale. Sed tempus non est ens reale: ergo non est species quantitatis. Probat minor, nam ens reale, quod est totum, debet habere partes reales, sed tempus cum sit totum comprehendens sub se præteritum tempus, præsens, & futurum, non habet partes reales; ergo non est ens reale. Probo iterum minorem, quia reale est illud, quod est in rerum natura, sed nulla pars temporis est in rerum natura, nam tempus præteritum iam non est, futurum nondum est, præsens vero solum potest esse instans, seu momentum indiuisibile, quia, cum tempus sit successiuum, nullam partem potest habere præsentem, præter indiuisibile, ergo nullam habebit præsentem, & ideo nec realiter existentem.

Secundo probatur, quia tempus, ut 29
definit Aristoteles 4. lib. Physicorum cap. 11. textu 100. est numerus motus secundum prius, & posterius: sed non est numerus discretus, qui sit species quantitatis discretæ, cum verè sit con-

continuum, nec habet aliam extensionem distinctam ab extensione motus, cum quo identificatur realiter; ergo sicut motus non est quantus per se, sed per accidens, sic etiam tempus. Probatur minor, quia tempus non est aliud quam duratio motus; ergo non potest habere aliam extensionem partium distinctam ab extensione partium motus, de quo Aristoteles affirmat, & omnes ferè expositores eius, quod sit quantus per accidens.

Tertio, impossibile est, quod species alicuius generis pertineat ad aliud quod prædicamentum, quin genus eius ac ceteræ species ad id prædicamentum substantiæ, necesse est animal in eodẽ prædicamentum collocari ut si homo pertinet ad prædicamentum substantiæ; sed duratio est genus ad durationem Angelorum, quæ vocatur ævum, ad durationem substantiæ corporeæ, & ad durationem motus, quæ vocatur tempus; ergo omnes collocantur in eodẽ prædicamento; sed durationes substantiarum non collocantur in hoc prædicamento, cū sint indivisibiles nullam habentes extensionem, ergo nec poterit in se collocari tempus.

30 Secunda opinio distinguit duplicem considerationem temporis, & ait, si tempus consideretur sub ratione extensionis partium, & divisibilitatis in eas, non est quantum per se, sed per accidens: unde nec est species quantitatis. Si vero consideretur sub ratione mensuræ, hoc est, in quantum est mensura motus, sic est quantum per se, & species quantitatis continuæ. Aristoteles vero loquitur de eo, Meta. sub prima consideratione, & propterea ipsum connumerat inter quanta per accidens, sed cap. præsentis sub secunda, & ideo dicit esse speciem per se quantitatis continuæ. Hanc sententiam videntur sub hac distinctione tem-

poris ex cogitasse antiqui interpretes Aristotelis, ut commentator, D. Thom. & alii ad concilianda diversa loca Aristotelis citata, & eos sequitur Soncinas 5. Meta. q. 8.

Tertia opinio affirmat, tempus esse speciem quantitatis per se distinctam à cæteris, non solum in ratione mensuræ, sed extensionis. Sic Fonseca 5. Meta. cap. 13. q. 10. Toletus q. 2. huius capituli, & alii interpretes Aristotelis & Aristoteles ipse cap. præsentis, & hæc videtur nobis probabilior, & tenenda. Probatur hac potissimè ratione insinuata à D. Th. opus. 42. cap. 2. Essentialis ratio quantitatis est extensio partium, sed tempus habet distinctam extensionem partium à motu; ergo non accipit extensionem ab eo, sed habet per se. Probatur minor, nam fieri potest, ut motus habeat parvam extensionem, & tempus magnam; & ex opposito tempus parvam, & motus magnam, ergo sunt distinctæ extensiones, & una non accipitur ab alia. Antecedens probatur, quia motus factus per idemmet spatium eiusdem longitudinis non habet maiorem extensionem, siue sit tardus, siue velox, & tamen extensior est duratio eius. Nam si velox sit, durabit per dimidiam horam, si vero tardus per integram: ergo habet maiorem extensionem, atque distinctam à motu.

Respondet huic arg. moderni, quod si duratio tardioris motus cõparetur ad tempus extrinsecum, quod est duratio motus primi mobilis, vel ad tempus imaginariū, maior dicitur; si vero ad durationem intrinsecam eiusdem motus, non erit maior; vel extensior, quā motus ipse, sed potius in motu velociori quasi cõprimuntur partes eius, sicut cõprimuntur partes motus ratione velocitatis: unde non sequitur durationem intrinsecam habere distinctam extensionem a suo motu, 31

Cap. 6. de quantitatē e. quāst. 3.

moto, quem sequitur, licet distinctā habeat extensionem ab eo duratio extrinseca primi mobilis, quæ etiam non erit distincta à suo illo motu primi mobilis, quem sequitur, ut ita verum semper sit nullam durationem habere extensionem distinctam à suo motu, sed eam, quam habet ab eo accipere.

Contra hanc tamen solutionem sic arguo. Non solum duratio extrinseca celestis motus maiorem habet extensionem, quam motus ille velox, sed etiam duratio propria eius; ergo solutio est falsa. Probatur antecedens, quia duratio propria æquivalet horæ, & ei coexistit coexistentia formalis, quia utraque duratio est formaliter successiva; sed hora est duratio extrinseca temporis celestis, ergo sunt formaliter æquales: duratio autem extrinseca extēsiōr est motu tardiori; ergo erit etiam extēsiōr duratio intrinseca, & propria, quare non erit accepta ab eo.

- 32 Vnde sequitur nō minus falsū esse, quod in eadem solutione dicitur, partes intrinsecę durationis comprimi, sicut partes motus, quia partes motus comprimuntur ratione velocitatis, quæ est quidam modus earum, sicut condensatio est modus, quo partes aquæ, aut alterius corporis comprimuntur, sed tempus non est capax velocitatis, aut tarditatis, ut docet, & probat Aristoteles 4. lib. Physico. textu 96. his verbis. *Motus quidem omnis velocior, aut tardior est, tempus autem non est, tardum enim & velox tempore definiuntur; velox enim est, quod in paucis tempore multum movetur. Tardum autem, quod in multis parum, tempus autem non definitur tempore, &c.* Ergo reppugnat partes durationis comprimi, & ideo falsum est, quod duratio ipsa nō sit maior, vel extēsiōr tardiori motu.

Secūdo probatur in tempore, quod est duratio motus primi mobilis. Nā si vna circulatio cæli, per quam sol movetur ab oriente in occidentem, quæ modo fit spatio 12. horarum, fieret spatio 24. horarum, evidens esset durationem in tali motu consumptā duplo maiorem esse ea, quæ modo cōsumitur, & ideo habere extensionem duplo maiorem ea, quam modo habet; sed circulatio ipsa non haberet maiorem extensionem, quam habet modo; ergo extensio durationis distincta est ab extensione motus. Probatum minor, quia extensio motus sumitur ab extensione spatii, aut localis præsentia, quæ per motum acquiritur, sed spatium est idem, & ex consequenti præsentia localis in eo est eiusdem extensionis; ergo motus per illud factus, siue tardus, aut velox eiusdem erit extensionis, & non maioris, cum evidens sit durationem eius duplo maiorem extensionem habere.

33 Ut autem nostra sententia, & communis melius intelligatur, notandū est, tempus sic esse definitum ab Aristotele 4. lib. physico. tempus est numerus motus secundum prius, & posterius. In qua definitione duo dicuntur de motu. Primum, quod sit duratio prioris, & posterioris motus, ex quo sequitur aliud, nempe quod sit numerus partium eius, sed numerus dicit discretionem, seu separationē, quæ duobus modis sumitur, secundū quantitatem, & sic est species quantitatis discretæ, ut fria corpora, quæ realiter sunt discreta, aut separata, sed cum certo ordine numerabilitatis inter sese, secundum prius, & posterius, quia secunda unitas est posterior prima, & prior tertia, alio modo sumitur discretio, seu separatio, non secundum quantitatem, sed secundum

dom qualitatem, ita ut licet partes sint continuæ secundum quantitatem, diuersas habeant qualitates, quarum ratione discretæ, aut separatæ dicantur. Dum ergo dicitur tempus esse numerum motus, non de numero quantitatis, sed secundum qualitatem intelligitur, quia pars prior distinctam habet qualitatem à posteriori, & qualitas hæc modus ipse prioritatis, & posterioritatis esse intelligitur. Ideo tempus non est species quantitatis, in quantum numerus dicitur, sed in quantum est duratio continua motus habens partes priores, & posteriores copulatas termino communi, quod est instans.

34 Secundo notandum, non esse certum quo modo distinguatur tempus à motu, sed quidam dicunt distinguere ex natura rei, & ante intellectum, quod ego probabilius esse existimo, ut in nostris Commentariis super quartum librum Physicorum ostenditur. Alii vero non nisi ratione distinguere tenent, ratiocinata tamē, hoc est habente fundamentum in re ipsa. sicut distinguuntur actio, & passio in eodem motu. Siue autem hoc, vel illud dicatur, satis est, ut possimus intelligere tempus habere distinctam extensionem realem, vel formalem à motu quæ est extensio durationis.

Tertio notandum est, motum duplicem habere extensionem, ynam, in quantum est via inter duos terminos à quo, & ad quē, aliam, in quantum durat, & dicitur extensio durationis, & neutram habet à se, sed primā à mobili, & spatio, seu termino ad quē, secundam vero à tempore, quæ proprie loquendo est extensio durationis. Ex quo intelligitur utroque modo, & omni ratione esse quantum per accidens. Tempus vero neutro modo habet extensionem à mo-

tu, aut mobili, vel spatio, sed eam habet propriam, & à se, & vocatur extensio prioris, & posterioris secundum durationem distincta ex natura rei à motu, à mobili, & spatio, & ideo dicitur intrinseca. Sed eam habet dependentem à causa efficiente motum, à qua producitur idem tempus secundum suum esse medio motu, non tanquam causa, sed tanquam causatione, quod patet non tollere, quin eam habeat per se, & ab intrinseco, nam ceteræ omnes species quantitatis habent suas extensiones, sicut, & suas entitates à causa efficiente, à qua producantur.

35 Quarto notandum, quod cum tempus sit duratio motus, & motus sit duplex, duplex est etiā duratio: vna est duratio primi motus, hoc est celestis, qui cum sit primum corpus, motus eius dicitur primus, & cum motus ille primus sit regularissimus, hoc est eodem modo se habens semper, quantum ad velocitatem, & ab eo dependeant ceteri motus inferiorum corporum, omnes etiā per eum mensurantur, & ideo dicitur mensura omnium, quia mensura debet esse certissima, & propterea eodem modo semper se habens. Et hæc est ratio propter quam in communi modo loquendi hæc sola duratio vocatur tempus, quia tempus videtur communis mensura omnium motuum: est tamen mensura extrinseca, cū sit distincta à ceteris motibus per eā mensuratis. Alię sunt durationes particulares, & inferiorum motuum, quia cuiuslibet motui correspondet sua duratio particularis, & intrinseca, sicut quilibet habet suas partes priores, & posteriores, quæ necessario inferunt particulares, & proprias durationes. Sed quia istę non secuntur ex motibus regularibus, sed modo velocioribus, modo tar-

R diori.

Cap. 6. de quantitate. quæst. 3.

dioribus, ideo nec vocantur proprie tempora, sed tempus absolute dicatur vnum, pro illa prima duratione primi motus.

36 Ex his credo intelligitur aliquo modo natura temporis, & ex ea, quæ sensum tenuerit Aristoteles, dum tēpus enumeravit inter quanta per accidens in 5. Metaphy. videlicet non habere extensionem omnino absolutam, sicut cæteras species quātitatis, sed cum ordine ad aliud, nempe ad motum, & ideo esse quasi quantum per aliud, non tamen per accidens si erit motus, qui non habet propriam extensionem, sed quam accipit à spatio, & subiecto. Tempus vero habet quidem propriam, non omnino absolutam, sed cum ordine ad aliud, ideo non est tam per se quantum, ac ceteræ species. Sed primum argumentū petit distinctionem illam rerum permanentium, & successivarum, quæ etiam habet partes diuersæ rationis, nam res permanentes habent partes, quæ simul existunt, vt lignum, vel lapidis, res vero successivæ non habent partes simul existentes, sed in successionem, & transitu, vt motus, cuius partes non simul existunt, sed quædam sunt futuræ, aliæ præteritæ, & futuræ sunt primo præsentis, deinde præteritæ, sed nec præsentis sunt per modum permanentis, aut simul existentis, sed per modum successivæ transeuntis; sed tam partes futuræ quam præsentis, & præteritæ copulantur per instantia indivisibilia etiam fluentia, & fiunt vnum tempus, & vna quātitas continua, & successiva. Quare licet nulla pars temporis sit præsens, vel existens permanentiter, aut tota simul, habet tamen vtrumque per modum successionis, & fluxus.

Ad formam igitur primi argumenti neganda est minor, quod tem-

pus non sit ens reale, aut non habeat partes reales actu existentes: quia licet non existunt per modum permanentis, existunt tamen per modum successivæ, hoc est continue fluentis, & ita tempus futurum sit præsens, & præteritum. Et licet tempus futurum nondum sit, & præteritum iam non sit, est tamen tempus præsens, non solum ratione instantis, sed vt tempus est, non tamen habet præsentiam permanentem, sed fluentē, esse autem vnum tempus continuum cum præterito, & futuro ratione instantis, per quod cum eis copulatur.

Vnde sequitur falsam esse, & non necessariam ad entitatem realem tēporis dependentiam ab intellectu, quam aliqui ponunt in tempore, dicentes, tempus complementum suæ essentia ab ea accipere, ita vt ante operationem intellectus non sit completa. Quia cū sit numerus motus, & numerus compleatur ab intellectu, ita tēpus. Dico falsum hoc esse, quia ex eo sequitur, tempus formaliter esse ens rationis, & non dari ante operationem intellectus. Probatur consequentia, quia nihil reale potest accipere ab intellectu, si ergo accipit essentialiter complementum; ergo complementum hoc est ens rationis, & ita essentia temporis erit ens rationis, cum per ipsum compleatur. Quare non dabitur ante operationem intellectus, quod constat esse falsum, cum ante operationem intellectus detur duratio primi motus, quæ est verum tempus. Quod vero tale complementum non sit necessarium probatur, quia sine illo habet tempus veras, ac reales partes influxu reali consistentes iuxta naturam entis successivæ, non minus quam motus, de quo evidens est non dependere ab intellectu.

37

intellectu, sicut videbimus non de-
dere numerum.

Ad secundum concedenda est mi-
nor, quod tempus non sit numerus
realiter discretus discretionē quanti-
tatiua, neque species quantitatis ex
eo quod sit numerus, sed ex eo quod
est continua duratio motus, à quo
negandum est non distingui reali-
ter, & licet solum distinguatur ratio
ne formali, sufficit, vt sit ens com-
pletum, & per se extensum, quamuis
motus sit incompletus, atque exten-
sus per accidens, nam actio, & passio
identificantur realiter, cum motu,
& sufficit distinctio rationis, vt ac-
tio, & passio sint entia completa, &
prædicamētalita, quamuis motus neu-
trum habeat.

38 Ad vltimum concessa maiori, ne-
ganda est minor, quod duratio in cō-
muni sit genus ad durationes substan-
tiarum, & ad tempus; sed est analo-
gum, quod præsertim verum est ac
necessarium apud eosdem moder-
nos, qui asserunt durationem sola ra-
tione distingui ab existentia rei du-
rantis. Quo supposito duratio sub-
stantiarum erit idem ac existentia
earum, & duratio accidentium idem
ac actualis inhærentia eorum, sed
substantiæ, & accidenti nihil datur
commune vniuocum; ergo nec dura-
tionibus eorum. Et etiam si ex natu-
ra rei distinguitur duratio ab exi-
stentia rei durantis, cum eam conse-
quatur naturaliter, non potest dura-
tio in communi esse vniuoca respec-
tu vtriusque; quia sicut accidens ha-
bet esse secundum quid, ita duratio
consequens naturam eius erit talis
secundum quid per attributionem
ad durationem substantiæ, nec habe-
re poterunt rationem vniuocam du-
rationis; quare nec sequitur dura-
tionem motus non esse speciem quā-

titatis, quia durationes substantia-
rum non sunt in hoc prædicamen-
to.

QVAESTIO III.

*An locus sit species quantitatis contin-
ua distincta a super-
ficie.*

Occasionem dedit Aristoteles
huic quæstioni, quia licet capite 39
præsentī enumerauerit lo-
cum inter species quantitatis, sed 5.
Metaphysicæ capite 13. vbi de eodem
prædicamento ex professo egit, &
alias species quantitatis enumera-
uit, nullam fecit mentionem loci.
Ideo prima opinio asserit locum es-
se speciem quantitatis distinctam à
superficie, non quidem in ratione
extensionis essentiali quantitatis, sed
solum in ratione mensuræ. Probat
vtrumque; quia illa distinguuntur spe-
cie in ratione extensionis, quæ ha-
beat distinctam extensionem, sed
locus, & superficies non habent ex-
tensionem distinctam, sed eandem;
ergo in ratione extensionis non di-
stinguntur. Minor probatur, quia
locus est superficies quædam; ergo
est extensa secundum longitudi-
nem, & latitudinem, addit vero con-
tinentiam locati, ratione cuius non
habet nouam aliquam dimensionem,
sed solum nouam correspondentiam
ad locatum; ergo non habet nouam,
aut distinctam extensionem, bene
tamen nouam rationem mensuræ;
quia ex eo, quod continet locatum,
est mensura extrinseca eius, su-
perficie vero non est mensura ex-
trinseca locati, sed intrinseca lo-
cantis, in quo inhæret. Ideo Aristoteles
capite præsentī vbi rationem
mensu-

Cap. 6: de quantitate quæst. 4:

mensuræ præcipue considerabat; in quantitate locum numerauit tanquam speciem distinctam à superficie, sed 5. Metaphys. ubi de quantitate agebat præcipue secundum rationem essentialem extensionis, non fecit mentionem loci, quia sub hac consideratione non distinguitur à superficie. Vnde connumerās superficiem sufficienter cōnumerauit locum. Itā sentit Sotus in hoc capite, & Maius disp. de quātitate sectio. 3. quæst. 4.

40. Secunda opinio tenet, locum esse distinctam speciem à superficie etiā sub ratione essentiali extensionis, non quidem realiter, sed solum formaliter. Hanc secutus Albertus Magnus tracta. 8. predicamentorum ca. 5. Iauellus tractatu 5. Canterus in expositione textus, & Toletus quæst. 2. huius capitis. Probant testimonio Aristotelis in hoc cap: ubi non solum docuit, sed probauit, locum esse speciem quantitatis continuæ distinctā ab alijs.

Deinde ratione. Primo, quia distinctus modus formalis extensionis sufficit distinguere rationem formalem, & specificam duarum quantitatum, sed locus habet distinctum modum formalem extensionis; ergo distinguitur formaliter, atque specie à superficie. Probat minor, quia superficies, ut superficies, solum habet extensionem secundum longitudinem, & latitudinem, sed ut locus addit nouū modum extensionis correspondentem loco, quod circumscribit, in quarum partes eius correspondent partibus locati, & puncta punctis; & ex tali correspondentia habet nouum modum diuisibilitatis, quia diuisibilis est ad diuisionem locati; ergo habet distinctam rationem quantitatiuam, quæ sufficit ut sit distincta species à superficie, licet non distingua-

tur ab ea realiter.

Secundo, quia proprietas maxima quantitatis est, æquale, & inæquale, sed locus ut locus est æqualis locato, ut docet Aristoteles 4. lib. Physico. textu 13; ergo ut tale cōuenit ei essentia quantitatis, per quam erit distincta species à superficie, cui sicut non cōuenit ei æqualitas cum locato, nec cōueniet formalis ratio, & propria extensionis loci.

Tertia opinio duo asserit. Primum, 41. quod locus sit vera species quantitatis. Secundum, quod non sit species distincta à superficie, nec in ratione extensionis, nec in ratione mensuræ, sed solū distinguatur ab ea per quamdam rationem accidentalem, & extrinsecam, quæ est continentia, aut circumscripcio locati. Hæc est expressa. D. Tho. 5. Meta. lectione. 15. & in 2. d. 12. quæst. unica arti. 5. ad 2. & cāsecuntur Sotinus 5. Meta. q. 40. Albertus Saxonia 4. lib. phys. q. 1. Venetus cap. præsentis, Valessius controuersia 23. ad tyrones, Fonseca 5. Meta. cap. 13. q. 3. Pater Francisc. Suarez 2. tomo sææ Meta. disp. 51. sect. 2. no. 9. & multi ex modernis. Et hæc videtur mihi probabilior.

Vt autem illam probemus, notandum est locum duobus modis considerari. Primo mathematicè solū pro superficie continentē aliud corpus. Secundo, physicè, prout addit quādam immobilitatem, ratione cuius respicit motum localem, aut etiam virtutem conseruationem locati. Et utramque rationem eius explicuit Aristoteles 4. lib. Physicorum textu 36. sic eum definiēs. Locus est vltima superficies corporis continentis immobilis. Cap. autem præsentis solum considerat locum secundum primam rationem, ut est vltima superficies cōtinēs corpus, immobilitatem vero

ad

ad liberos Physicorum remittit, & secundum illam asserit esse speciem quantitatis. Et hoc est primum, quod nostra sententia affirmat.

42 Sed probatur secundum, quod non sit species distincta à superficie. Primo, quia species distinguuntur per differencias, contentas sub eodem genere; ergo species quantitatis continuæ per differencias eiusdem generis, quæ aliquem gradum perfectionis supra illud addant; ut igitur superficies, ut locus distincta species sit à superficie, ut superficie, novam rationem formalem extensionis, aut mensuræ supra eam addere debet: sed nullam addit; ergo non est distincta species. Probatur minor, quia vel consideramus superficiem, ut actum continentem locatum, vel solum, ut aptam continere, quod habebit, si locus, qui modo repletur corpore; vacuus remaneat, non est enim alia ratio considerandi eam ut locum: sed nentro modo considerata addit novam rationem extensionis, aut mensuræ; ergo non est illo modo distincta species, à se ipsa ut superficie. Probo iterum minorem, quia ut actum continentem nihil addit intrinsecum, sed continere, vel circumscribere aliud, sola denominationatio extrinseca est in circumscribente, ut patet: aptitudo vero continendi talis debet esse, qualis est actualis continentia, cum potentia ab actu somat speciem; ergo solum erit potentia denominandi aliud extrinsece contentum, vel circumdatum, sicut aptitudo in veste denominandi corpus vestitum, sed sola denominationatio extrinseca, vel sola aptitudo ad illam non potest esse novus gradus perfectionis sub genere extensionis quantitativæ, quod ex se dicit aliquid intrinsecum, & formale; cum sit accidens pure absolutum; ergo

non potest distinguere specie locus à superficie.

Et confirmari potest, quia si continere actiue locatum, quamvis extrinsece addit novum modum extensionis distinctum à superficie, ut tali, & ideo facit distinctam speciem quantitatis, sequitur corpus passivæ contineri à loco addere novum modum supra dimensiones eiusdem corporis contenti, & ideo pro continentia passiva aliam speciem esse distinguendam, quod nemo concedit.

Secundo probatur, quia continere locatum extrinsece, vel aptam esse superficiem ad illud continentem, aut etiam correspondentia illa partium, aut partium, cum partibus, & punctis locati, non potest intelligi aliud esse præter relationem: sed sola relatio non potest distinguere species quantitatis, quia differentia quantitatis debet esse absoluta sicut genus: ergo non distinguitur locus specie à superficie sub genere quantitatis per continentiam locati, nec aliud addere intelligitur, per quod sub eodem genere distinguatur.

Ad argumen. primæ opinionis distinguenda est minor, ex ea parte, quæ dicit locum addere novam rationem mensuræ. nam mensura duplex est, ut inferius explicabitur, actiua, & passiva, & illa solum est extrinseca ratio quantitatis: passiva vero, quæ appellatur mensurabilitas, est intrinseca, & propria passio eius, ab illa igitur non possunt distinguere species quantitatis, quia extrinseca, sed neque ab hac, quia communis omnibus, licet omnibus intrinseca tanquam communis passio.

Ad primum argumentum secundæ opinionis cenceffa maiori, neganda est minor, quia continentia actiua locati, aut correspondentia

R 3 secun-

Cap. 6. de quantitate. quæst. 5.

secundum partes , & puncta non est nouus modus extensionis , sed sola denominatio extrinseca in superficie , & forte noua relatio ad corpus contentum , quæ non possunt locum distinguere à superficie sub genere quantitatis continuæ.

44 Ad secundū negandum est antecedens , quod proprium sit quantitati esse æqualem , vel inæqualem alteri , sed est accidens commune , proprietates vero eius est , quod secundum eam omnia dicantur æqualia , vel in æqualia , & hæc proprietates communis est omnibus speciebus , & ideo non potest eas distinguere ; unde , quod superficies continens sit æqualis locato accidens eius est , sicut est accidens vnum corpus , aut vnam lineam esse æqualem alteri ; quare non potest ex hoc distinguere à superficie , sicut nec superficies locati potest distinguere specie à superficie loci , ex eo quod sit ei æqualis.

Ad Aristotelem vero respondetur , enumerasse locum capite præsentis tanquam speciem distinctam à superficie , quia nondum determinauerat , quid nomen locus esset vsque ad quartum lib. Physicorum . Et iuxta varias sententias posset distinguere , vel non distinguere à superficie , interim tamen propter extrinsecam continentiam distinguere docuit , non essentialiter , sed accidentaliter . Vt ex hac distinctione intelligeretur modo quodam diuerso se habere ad prædicationes . In Metaphysica vero , vbi iam constabat esse ultimam superficiem continentem , non fecit mentionem eius , sed connumerata superficie , à qua non distinguatur specie : sufficienter connumerari intellexit.

QVAESTIO V.

An motus sit species quantitatis continuæ.

PRIMA opinio affirmat esse speciem distinctam à cæteris , quam tenet Fonseca 5. lib. Metaphysicæ . cap. 13. quæst. 8. secti. 1. 2. & 3. & cum eo Cornubricenses 3. li. Physicæ . cap. 2. quæst. 2. art. 3. in fine . Vbi asserunt motum sex modis considerari posse , primo vt procedit ab agente , & sic pertinet ad prædicamentum actionis , 2. vt recipitur in passio , & pertinet ad prædicamentum passionis , 3. vt est quasi forma imperfecta tendens ad perfectionem . 4. vt est acquisitio perfectæ formæ , vt est successiuus , & his tribus modis ad nullum prædicamentum per se pertinet , quia est quid incompletum essentialiter . Sed potest 6. considerari , vt est continuus , & hoc modo pertinet ad hoc prædicamentum sicut tempus , sed est distincta species ab eo , quia partes temporis copulantur instantibus indivisibilibus , partes vero motus copulantur mutatis esse etiam indivisibilibus , quæ valde diuersa sunt ab eis , & ideo arguunt distinctas esse species quantitatis .

Probatur testimonio Aristotelis 3. lib. Physicæ . in principio , vbi ait motum esse degenerem continuorum , sed genus continuorum non reperitur , nisi in hoc prædicamento : ergo sentit collocari sub genere continuæ quantitatis , quod est esse speciem eius .

Probatur deinde ratione , quia continuū est genus quantitatis : ergo species eius erit , quid quid habet contrarietatem per se , & distincta species , si habeat distinctam continuitatem , sed motus habet utrumque : ergo est species .

species quantitatis continuæ distincta à cæteris. Probatum minor, quia continuus motus est distincta à continuitate spatii, aut termini, qui fit per eum, & etiam à continuitate subiecti, mobilis, cui inhæret, & tandem à continuitate temporis; ergo non accipit eam ab aliquo horum, sed à se illam habet, & ideo erit per se quantum, atque continuum. Minor probatur, quia continuus mobilis, spatii, aut termini, qui fit per motum, siue sit qualitas, siue quantitas, vel quid aliud, est permanens, sed continuus motus est successivus, sicut ipse motus; ergo est distincta à continuitate eorum, atque etiam à continuitate temporis successivæ, quia cum motus tardus est, continuus eius est brevis, si breve sit spatium, quod mobile pertransit, continuus temporis longus; ergo diversa est una ab altera. Quod etiam colligitur ex continuativis, quæ in tempore sunt instantia, in motu vero mutata esse valde diversa.

Secunda opinio negat motum esse quantum per se, & ex consequenti speciem quantitatis, & est communis, & vera, quam tenet expresse Aristoteles, non solum capite præsentis, sed etiam 5. lib. Meta. cap. 13. quibus locis expressis verbis docet motum esse quantum per accidens, sicut album. Et cum eo omnes fere expositores, D. Thom. 5. Metaphys. sectione 15. Albertus Magnus tractatu 8. de quantitate, cap. 4. Socrinus 5. Metaphys. quæst. 24. Lobanienfes, Caiet. Iauellus, Sotus, Toletus, Mercatus in Commentariis huius cap. P. Pereira lib. 13. cap. 1. pater Franciscus Suarius 2. tomo suæ Metaphys. dis. 40. sectione 8. & probatur duplici argumento. Primo, quia motus est continuus, quia est

successivus; si enim in instanti fieret, nullam posset habere successionem, sed non habet per se successionem, sed ratione termini, qui fit per ipsum; ergo nec habet per se continuitatem, sed ab eo. Minorem probat, quia motus calefactionis ideo successivus est, quia calor per eum factus habet quandam latitudinem gradualem contrariam frigiditati existenti in eodem subiecto: quam frigiditatem, quia non potest agens naturale finitum simul, & in momento, vincere, sed paulatim, vincitur successivæ, & ideo successivæ producit calor: unde si detur agens infinitæ virtutis, quale est Deus potens in momento vincere totam resistentiam frigiditatis, in momento etiam, & sine successione produceretur calor, & non habebit calefactionis ullam successionem, neque continuationem, signum igitur evidens est, quod utraq; habet à termino, & non per se, quare nec erit continuum per se, sed per accidens.

Secundo, quia motus essentialiter est via, fluxus, & tendentia inter duos terminos, à quo, & ad quem, & fieri termini, ergo secundum propriam entitatem, & essentialiter est quid incompletum. A quo non constituitur mobile in esse simpliciter, sed in via ad illud, & ideo excluditur ab Aristotele, & eius interpretibus ab omnibus prædicamentis, & inter post prædicamenta collocatur, qui sunt modi quidam in completi rerum: siue ergo continuus pertineat ad essentialitatem eius, siue sit propria passio, erit etiam quid in completo formaliter, quare non pertinebit ad prædicamentum per se, nec motus ipse ratione illius: Falsum est ergo quod ratione continuitatis

R 4 motus

Cap. 6. de quantitate. quæst. 6.

motus sit species per se quantitatis continuæ.

48 Ad testimonium Aristotelis respondetur, verba illius generalia esse, quæ hunc sensum faciunt, motus inter res continuas numerari debet, ex quo non sequitur esse per se continuum, sed habere continuitatem essentialem, vel accidentalem, quem admodum, si quis diceret lignum esse de genere granum corporum, eo ipso non cogeretur admittere gravitatem esse ei essentialem, sed satis esset ad veritatem generalis locutionis modo accidentali ei conuenire.

Et eodem fere modo respondetur ad argumentum, concessa minori, quod motus habet continuitatem distinctam à spatio, & termino; sed negata consequentia, quod eam habeat per se; nam aliud est habere distinctam, & habere per se, quia habere per se dicit ex intrinseca sua ratione habere; habere vero distinctam commune est respectu eius, quod est habere per se, & ab alio, aut per accidens, cum sit evidens posse habere distinctam, & communicatam ab alio, ut hoc exemplo fit manifestum. Albedo habet extensionem, quam participat à superficie corporis, in quo extenditur, & eo ipso distinctam ab extensione eiusdem superficie, quia repugnat eandem extensionem conuenire à se, & ab alio, & nihilominus extensio superficie non est per se, sed per accidens: & ita licet motus habeat extensionem distinctam à mobili, spatio, & termino, non sequitur eam habere per se, sed habet communicatam ab eis, & ideo habet per accidens, quamuis eam quoque habeat distinctam ab extensione temporis.

QVAESTIO VI.

An numerus sit species quantitatis discretæ.

49 **E**xaminatis iam speciebus quantitatis continuæ, ad quantitatem discretam veniendum est, quæ duas habet species, numerum, & orationem. Et prius de numero querimus, an sit vera species quantitatis discretæ. Et difficultas consistit in hoc, an numerus sit vnum per se, nam si ita sit, non erit difficile intelligere, quod sit species quantitatis discretæ, vel non sit, nisi vnum per accidens, quod certum est, non pertinere ad prædicamentum.

Prima opinio tenet numerum esse vnum per accidens, & ideo non pertinere ad prædicamentum, nec esse speciem quantitatis; sed esse vnum tantum per aggregationem, sicut cum lū lapidum, aut aliorum corporum: Aristotelem vero eum enumerasse inter species quantitatis, quia habet quandam extensionem discretam similem extensioni quantitatis, & modum quædam unitatis in vulgari modo loquendi fundatum, quo dicimus ternarium esse vnum quandam numerum, & quaternarium esse alium distinctum. Ita Fonseca 5. lib. Meta. cap. 13. q. 4. sectione 4. pater Franciscus Snarios 2. tomo suæ Meta. & ex modernis multi.

50 Probatur testimonio Aristotelis 3. lib. Physic. cap. 7. textu. 68. ubi de numero ait, *Numerus est una plura, quantum quædam*. Et 10. Meta. cap. 9. textu. 20. *Numerus est multa una*, & lib. 8. cap. 3. textu 10. *Numerum inquit oportet aliquid esse, quo unus, si unus est, aut enim non est, sed quasi congeries; aut dicendum est, quod non illud sit, quod unus ex multis facit*.

Ex

Ex quibus sequitur, numerum ex mēte Aristot. non esse vnum per se, sed per accidens, & ideo non esse speciem quantitatis.

Quod probatur duplici arg. Primo, ens per accidens dicitur illud, quod constat ex pluribus entibus in actu, sed talis est numerus; ergo est ens per accidens. Probatur minor, nam siue accipiamus tres homines, vel tres quantitates separatas, quales sunt tres Hostiæ consecratæ, quælibet est ens actu; ergo numerus ternarius ex eis cōstans erit vnū per accidens. Et si respondeas, vnitates secundum entitates consideratas, non efficere vnum per se, sed vt ordinatas secundum ordinem prioris, & posterioris, in quantum secunda præsupponit primam, & tertia primam, & secundā, & sicut per se ordinantur, ita efficere vnum per se ordine, non vnum per se entitate. Contra hoc est primo, quia ordo iste non est realis, sed rationis; ergo non potest facere vnum per se reale, etiam vnitatem ordinis. Probatur atque, nam vnitates ipsæ non sunt ex se ordinatæ, cum ex se non sit vna prior altera; ergo solum ab intellectu ordinari possunt, sed ordo, quem ab intellectu suscipiunt, non potest esse realis, sed rationis; ergo per talem ordinem non efficiunt vnum reale, quod in prædicamento collocari possit, sed vnum rationis. Secundo, quia etiam si ordo esset realis, & numerus esset vnus ordine, licet non entitate, non sufficit, vt ponatur per se in prædicamento; nam prædicamēta sunt entia realia; ergo debet esse vnum per se, non solū ordine, sed entitate reali, & certe si vnitates ordinis sufficeret, non esset numerus alio modo vnus per se, quam ciuitas, aut exercitus, de quibus constat non esse en-

tia prædicamentalia.

Secundo, vnitates non concurrunt ad compositionem numeri per aliquam vnionem, aut vnitatem realem; ergo non possunt efficere vnū per se, quod sit in prædicamēto. Fui- dens est consequentia, quia repugnat plura efficere vnum per se, nisi per se vniantur. Sed probatur antecedens, quia de ratione quantitatis discretæ est, quod partes eius non copulētur termino communi; ergo repugnat eis quælibet vnio, & ex consequenti, quod efficiant vnum per se.

Et confirmari potest, ac declarari simul, quia ideo fatentur omnes cumulum non esse vnū per se, sed per accidens, quia solum dicit aggregationem plurium vnitatum, abique aliqua vnione superaddita, per quam fiant vnum, sed numerus nihil dicit, præter vnitates; ergo non erit per se vnum, magis, quam cumulus, nec pertinebit ad prædicamentum. Minorē ita probo, quia quælibet vnitates ex qua sit numerus, solum habet esse quantitatem quandam continuam, cum negatione diuisionis; ergo tres vnitates nihil aliud cōtinebunt, præter tres quantitates cum suis negationibus diuisionis, quātitates autē per se nō vniūtur, sed separatę sunt; per negationes vero vniri non possunt, cum vnio debeat esse modus positivus, per quem vnum positivū per se fiat ex multis diuersis; ergo neque potest ex eis resultare aliquid per se vnum, & prædicamentale.

Probatur tandem, quia non potest fieri vnum per se, nisi ex potentia per se, & actu per se, vt docet Aristot. 1. lib. de Anima, cap. 1. sed vnitates non se habent tanquam potētia per se, & actus per se; ergo non efficiunt vnum per se prædicamentale. Minorē probo, quia omnes sunt entia in

R 5 actu;

Cap.6. de quantitate. quæst.6.

Actus; ergo nulla se habet tanquā potentia, imo nec potest se habere, quia non est maior ratio, quare vna se habeat, vt potentia, quā alia: vnde nullam earum talem rationem habere poterit.

Secunda opinio tenet, numerū esse vnum per se, & ideo speciem quantitatis discretæ, hæc est expressa apud Arist. cap. præsentis, & 5. Meta. cap. 13. de prædicamento quantitatis: quibus locis eum enumerat inter species quantitatis discretæ. Nec potest textus vtriusque capituli vllam admittere expositionem, tum quia verba expressa sunt, tum etiam, quia ita sentiunt omnes expositores, Avicena 3. lib. suæ Meta. cap. 4. D. Thom. 7. lib. Meta. lect. vlt. Scotus 5. Meta. q. 9. Henrici. 1. p. summæ art. 29. q. 7, & quodlib. 6. Capreo. in 1. d. 24. quæst. 1. concl. 5. Soncin. 10. Meta. q. 7. Argët. in 1. d. 24. quæst. 1. Iauel. 8. Meta. q. 9. Caiet. Sot. Tolet. Canter. cum cæteris, cap. præsentis, atque etiam ex modis. Et quod plus est, sancti Patres ita sentiunt, præsertim Greg. Nisenus in lib. de historia sex dierū, & Ioannes Damasc. cap. 49. suæ Dialecticæ in principio, & videtur nobis, non quidē facilior, sed probabilior, & tenenda.

Probatur hac potissimum ratione. Vna scientia versatur circa obiectū per se vnum, à quo sumit suam unitatem specificam, sed de numero tanquam de proprio, & vnico obiecto agit Arithmeticus, & de numero sonorus musicus, & sunt veræ scientiæ; ergo habet rationem vnius per se, & poterit collocari in hoc prædicamento, tanquam vera species eius.

53 Et potest confirmari, & declarari simul hoc modo. Officium scientiæ, est demonstrare passiones de subiecto; ergo quod est subiectum scientiæ,

debet habere proprias passiones de se demonstrabiles; sed determinatæ passiones procedunt à determinata essentia; ergo debet habere determinatam essentiam, & cum numerus sit subiectum prædictarum scientiarū, habebit determinatas passiones, & determinatam essentiam, erit igitur vnum per se prædicamentale. Probatur hæc vltima consequentia, quia de ente per accidens non potest dari scientia, vt docet expresse Arist. 6. lib. Meta. textu. 4.

Sed duobus modis intendunt aduersarii hoc arg. soluere. Primo, distinguentes ens per accidens, quod duplex esse inquit, primum secundum entitatem, quod ex multis entibus in actu constat, vt album, aut musicum; aliud casuale, aut fortuitum, quale est inuentio thesauri, & de primo ente per accidens scientia esse potest, de quo non loquitur Arist. sed de secundo; quod ideo non potest esse obiectum scientiæ, quia non habet esse certum, vel fixum, sed casuale, & contingens. Sed hæc solutio contraria est verbis Aristoteli. & rationi. Probatur primum, ex his verbis eiusdem loci. *Signum autem, quod nulli scientiæ cura est illud, neque actiua, neque factiua, neque speculatiua, neque enim, quæ facit domum, facit simul, quæ accidunt, &c.* Probatur etiam secundum, quia ens per accidens secundum entitatem, non habet vnam essentiam determinatam, aut per se, sed multiplicem; ergo vt tale est, nec potest habere determinatas passiones, neque vnā definitionē, per quam possint de eo demonstrari in scientia; ergo falsū est, quod possit esse scientia de illo.

55 Alii vero, vt Fonseca vbi supra, alio modo intendunt soluere argumentum, dcentes numerum dupliciter considerari. Primo, vt est à parte

parte rei, & sic solum dicit unitates reales, & ideo ens reale, est nō per se vnū, sed per accidens, de quo non potest esse sciētia. Alio modo cōsideratur, in quantū unitates eius ordinantur ab intellectu secūdū prius, & posterius, & hoc modo per se vnū est, non entitate, sed ordinatione, nec vnū reale, sed rationis, hoc tamē sufficit, vt sit obiectū Arithmeticæ. Nec est incōueniens, quod scientia realis versetur circa ens rationis, nam multæ sunt scientiæ reales, quæ versantur circa entia rationis, vt sciētia de republica (quam politicam vocant) Musica, & Dialectica.

Sed hæc etiam solutio insufficiens est, & falsum supponit, nā licet scientiæ diuidantur in reales, & rationales; & rationales sint, quæ versantur in dirigendis operibus rationis, quibus nō repugnat versari circa ens rationis, vt de Dialectica cōstat, nullas tamen vocauit Mathematicas disciplinas rationales sciētiās, nepe Geometriā agentē de lineā, aut Arithmeticā de numero, sed vere reales sunt ex cōmuni omniū consensu, quia nō versantur circa operationes dirigēdas, vt Dialectica, sed circa determinatas res. Sed nec politica potest inter rationales sciētiās numerari, quia nō in dirigendis operibus rationis, sed in ordinandis actionibus ciuium, ac reipublicæ versatur, alioqui Ethicam, & omnes scientias morales vocarentur rationales: quod satis falsum est. Ita ergo de politica, sicut de his, verum est apud omnes non esse rationales scientias, sed reales, & quæ circa entia realia versari debent, nō circa ens rationis. Vnde sequitur, quod si numerus formaliter est ens rationis, vt hæc solutio asserit, non possit esse obiectum Arithmeticæ.

56 Probatur secundo nostra sentētia,

quia numerus est sensibile per se, vt docet Arist. 2. lib. de Anima, cap. 6. ergo est ens reale, & per se vnū. Probatur consequētia, quia operationes sensuū non dependent ab intellectu, sed priores sunt actibus eius; ergo nec obiecta sensuū depēdere possunt ab intellectu, sed ante operationē eius dātur in rerū natura, & ideo vera entia realia sunt. Quod vero habeant unitatē per se, probō, quia potentia sensitua suam unitatē accipit ab obiecto per se, sub quo cōprehenditur numerus; ergo debet esse vnū per se, non, vt ab intellectu concipitur, sed à parte rei, quia scūs nō versantur circa sensibilia, vt apprehēditur per intellectū, sed vt in rebus sūt.

Vt autem probabilitas communis sententiæ, quam defendimus, magis pateat, & arg. (quæ vere sunt difficulta) soluatur, explicandum est, quoniam modo numerus sit ens reale, & à quo habeat, quod sit vnum per se, in hoc enim consistit tota difficultas eiusdē sententiæ. Et de numero quantum ad unitates, nemo potest dubitare, quod sit ens reale, quia tres quantitates hominum, vel lapidum reales sunt: sed quæ sit illa ratio realis, à qua constituantur in ratione vnius numeri realis, ita vt separatur acumulo, difficile explicatur, & nō eodem modo ab omnibus, qui eandem sententiā secuntur.

Sed prima opinio est Sori, q. 2. huius cap. concl. 2. asserentis, numerum esse ens reale ex parte unitatū, sed accipere cōplementū essentiale ab intellectu: hoc autem complementum ait esse ordinē prioris, & posterioris, quē intellectus tribuit unitatibus numerans vnā post aliā, terciā post duas, & quartā post tres, & ita constituens numerum ternarium, & quaternarium. Numerus itaque secundum hanc

hanc sententiam constat ex ente reali, nempe ex unitatibus, & ex ente rationis, quod est ordo prioris, & posterioris, & per talem ordinem unum tur unitates, & efficiunt unum per se.

57 Hic tamen modus dicendi sustineri non potest, quia iuxta eum, nec numerus potest esse ens reale, nec species quantitatis. Probo primum, quia vel tres unitates efficiunt numerum ternarium ante operationem intellectus, vel expectanda est operatio intellectus, ut efficiant numerum; si primum dicatur, falsum erit, quod dependeat ab intellectu, vel ab eo accipiat complementum essentiali: si vero dicatur secundum, sequitur non esse ens reale formaliter, sed ens rationis, nec esse unum per se, quia ex ente reali, & rationis non potest fieri unum per se, quod sit species realis prædicamentalis; ergo si numerus pro materiali est realis, & pro formali ens rationis, non poterit esse ens prædicamentale, nec prædicamentalis species. Vtrumque ergo debet habere numerus ante operationem intellectus, & quod ens reale sit, & aliquid per se unum. Ut autem quomodo ea habeat, ostendamus, notandum est, unitates, ex quibus fit numerus duo habere. Primum, quod quælibet sit quantitas continua distincta ab altera. Aliud, quod sint numerabiles ab intellectu secundum prius, & posterius, & hoc est etiam in eis reale, & intrinsecum, sicut realis est aptitudo cuiuscunque rei, ut ab intellectu intelligatur: & sicut hæc aptitudo vocatur intelligibilitas, ita aptitudo unitatum, ut secundum ordinem prioris, & posterioris ordinentur, vocatur numerabilitas, sed sicut rem actu intelligi ab intellectu, non est aliquid reale intrinsecum in ea, nec est ens rationis,

sed denominatio realis extrinseca ab actu reali intellectu, per quem intelligitur, ita numeratio actualis unitatum non est aliquid reale intrinsecum in eis, nec est ens rationis, sed denominatio realis extrinseca ab actu intellectu reali, quo numerantur. Unitates igitur numeri licet sint plura entia in actu secundum quantitatem continuam consideratæ, sed aptitudo realis, ut numerentur realiter secundum prius, & posterius, tribuit eis unitatem, quia ex ea habent, ut constituent unum numerum reale in per se. Gratia exempli, tres homines, aut tres lapides reales unitates sunt secundum quantitates reales, quas habent, & secundum aptitudinem realem, quam habet quælibet, ut numeretur realiter ab intellectu, post aliam, vel ante aliam, efficiunt numerum ternarium per se unum, ex potentia per se, & actu per se, suo modo compositum: nam quælibet unitas est in potentia, ut numeretur ante aliam, vel post aliam, & quæ ante aliam numeratur, se habet ut potentia determinabilis per aliam posterius numerabilem. Et cum utrumque habeant unitates ante operationem intellectus, nempe esse reales quantitates, & realiter numerabiles secundum prius, & posterius per actum realem intellectus, efficiunt unum per se reale, & prædicamentale, nullum complementum accipiens ab intellectu.

Ex hac doctrina duo colliguntur. Primum, quod sicut Aristoteles sepe asserit non esse quærendam eandem certitudinem in omni materia, vel obiecto, de quo potest esse scientia, neque in omni scientia, sed quasdam scientias esse certiores aliis, quia certior est materia, circa quam versantur, secundum maiorem, vel minorem abstractionem

tionem à materia. Ita nec est quærenda in quibuscunque rebus prædicamentibus eadem unitas, aut idem modus unius per se, sed quædam habere maiorem unitatē, & magis esse unum per se; alias vero longè minorem secundum minorem perfectionem suæ naturæ, sed dummodo habeant aliquam sufficiens, ut in prædicamento per se collocetur, tanquā generā, vel species eius. Gratia exempli, in substantia maior reperitur unitas, & perfectior modus unius per se, quā in accidentibus, & inter accidentia maior in uno, quam alio, sed aliquis sufficit, ut per se sint species prædicamentales, saltem imperfectæ. Et huius conditionis est numerus, & omnis quantitas discreta, quæ cum ex propria natura debeat habere partes actū separatas, minorem possunt habere unitatem, sed sufficientem ad constituendas species quædam prædicamentales imperfectas.

Colligitur secundum, nempe, quod ea quæ in uno genere sunt entia per accidentia, in alio sunt entia per se, ut domus in genere naturæ ens per accidens est, cum contineat plura entia naturalia in actū, ut ligna, & lapides, sed in genere artificiali est unum per se; ita ergo de numero dictum est, quod unitates eius in genere quantitatis continuæ sunt multa in actū, quæ in eodem genere non efficiunt unum per se; etiam si in cumulo congregentur, sed in genere quantitatis discretæ efficiunt per se unum numerum; propter numerabilitatem realem, per quam suo modo uniantur per se, ut explicatum est.

Ex hac doctrina respondetur ad argum. & r. ad testimonium Aristoteli dicimus loqui de numero pro materiali significato, nempe pro unitatibus, & hoc modo quanta quædam di-

citur, & una quædam, sed ratione formalis numerabilitatis sunt unum per se, quam numerabilitatem non excludit ibi Aristoteli, sed potius quærit, ideo nihil contra nostram sententiā continent illa testimonia.

Ad primum argum. distinguenda est minor, nā unitates numeri duobus modis considerantur. Primo, secundum rationem materialem, quæ sunt plures quantitates actū separatæ; & hoc modo non efficiunt unum per se. Secundo considerantur, ut sunt numerabiles ab intellectu secundum prius, & posterius, & ex hoc habent unitatem, per quam constituunt unum numerum. Et cum dicitur ordinem prioris, & posterioris inter unitates non esse realem, etiam est distinguendum, nam prius, & posterius potest sumi, ut commotatur per aptitudinem numerabilitatis, & sic est aliquid reale in eisdem unitatibus, quia quilibet ex propria natura potest numerari secundum prius, & posterius; si vero consideretur in actuali numeratione, solū est extrinseca denominatio in eisdem unitatibus, sicut intelligibilitas in quacunque re est aliquid reale, sed actū intelligi solū est denominatio extrinseca. Et ad aliud, quod tandem dicitur, non satis esse, quod numerus sit unus ordine, sed requiritur, quod sit unus entitate. Respondetur, numerabilitatem non dicere solum respectum, sed aliquid etiam absolutum, in quo conveniunt omnes unitates, nempe aptitudinem numerabilitatis, & ideo licet numerus sit unus ordine, aliqua etiam ex parte est unus entitate, & hoc sufficit, ut sit species prædicamentalis.

Ad secundū negandum est antecedens, quod unitates non concurrant ad componendū numerū per aliquā

60

61

VNIC

Cap. 6. de quantitate. quæst. 7.

unionem, nam licet separatæ sint, in quantum sunt quantitates continuæ inter se distinguuntur, sed per aptitudinē numerabilitatis, quam habent in ordine ad intellectum, uniguntur inter se ad efficiendum vnam quantitatem discretam, de cuius ratione est, ut partes eius non copulentur termino communi materiali, hoc est, puncto indivisibili, aut quouis alio, non tamen quod non uniantur formaliter ad constitutendum vnum discretum: unde licet separatæ sint unitates, separatione continui, sunt tamen unitæ vniione discretæ, & ideo licet non efficiant vnum continuum, efficiant tamen vnum discretum, ut expositum est.

Et eodem modo respondetur ad confirmationem negando minorem, quod numerus nihil aliud dicat, præter unitates, dicit enim aptitudinem numerabilitatis secundum prius, & potius eandem unitatum in ordine ad intellectum, à quo habet unitatem sufficientem ad efficiendum vnum per se discretum, quod non habent eadem unitates, ut sunt in cumulo, in quo talem ordinem numerabilitatis non dicunt, & ideo cumulus est vnum per accidens, sed numerus vnum per se.

Ad tertium concessa maiori distinguenda est minor, quod unitates numeri non se habeant tanquam potestates per se, & actus per se: nam duplex est potestas, vna receptiva actus per modum informationis, qualis est materia physica, ex qua fit ens naturale; alia non receptiva, sed determinabilis per actum, & est similis potestati generis, quod non recipit in se actum differentie, sed determinatur per eum ad constitutionem speciei, & talis est potentia in qualibet unitate, ut determinetur per aliam ad constitutionem numeri, & ita determinans se

habet tanquam actus per se, & determinata tanquam potestas per se; & hoc sufficit, ut ex eis fiat vnum per se imperfecta quadam unitate, per quam constituntur vnam speciem quantitatis discretæ. Hæc doctrina colligitur ex Arist. 8. Meta. cap. 8. tex. 15.

QVAESTIO VII.

An forma numeri sumenda sit ab ultima unitate, vel ab omnibus.

Questio hæc procedit supposita communi opinione, quam sequitur sumus questione præcedenti, quod numerus sit vera species quantitatis discretæ, nam si esset ens per accidens, & non pertineret ad prædicamentum, nullam haberet formam, aut differentiam, & ideo non esset inquirendum, an ab ultima unitate desumenda sit, vel ab omnibus.

Est igitur prima opinio Capreoli in 1. d. 24. q. 1. conclus. distinguentis duplicem formam numeri, partialem, & totalem, sicut debet distinguere in quibusque speciebus substantiæ. Ut in homine forma partialis est illa, quæ cum materia componit naturam hominis, & natura ipsa composita ex materia, & forma dicitur forma totalis; ut humanitas dicitur forma totalis hominis, quia simul cum suo modo substantiali, qui est substantia, componit hominem significante naturam completam in supposito. Formam igitur partialem numeri aut esse ultimam unitatem, quæ determinat præcedentes, & ita se habet per modum actus, & formæ, & præcedentes per modum materiæ, ut forma binarii est secunda unitas determinans primam ad constitutionem talis speciei, forma ternarii est tertia præsupponens duas tanquam materiam, & eas determinans per modum formæ. Formam vero totalem (inquit) non esse ultimam unitatem, neque

neque omnes, sed naturā ipsam numeri resultantē ex cōpositione, ex qua natura simul cum modo actualis inherentiæ sit cōpletus numerus in concreto. Probat hoc vltimū, quia in quibuscunque rebus forma totalis, quæ est natura, resultat ex vnione partiū, sed nec vltima vnitas, nec omnes simul resultat ex vnione partiū, sed potius sunt partes, ex quibus resultat natura ipsa numeri; ergo non possunt esse forma totalis eius. Primū vero non probat, quia per se est manifestū. Hanc sententiā secutus est prius Alber. Mag. in prædicamentis, tit. 8. de quātitate, & in Cōmen. sup. s. c. D. Dionys. de diuinis nominibus. Imo & D. Tho. 8. Meta. lect. 3. & postea Iaueillus 8. Meta. quæst. 10.

64 Secundā opinionē tenet Sonci. 10. Met. q. 2. vbi alio modo distinguit numerū in eū, qui abstrahitur a particularibus vnitatibus, & solū dicit duo, tria, vel quatuor; & in eū, qui cōtrahitur ad particulares vnitates, & in eis cōsideratur: vt dum dicimus, tria corpora, tres lapides, vel tres homines. Formā igitur numeri abstracti dicit esse vltimā vnitatem, non tamē numeri contracti, sed numerū cōtractū seipso constitui in specie, hoc est, p. suas vnitates simul acceptas, absq. ordine primæ, vel vltimæ, vt ternariū hominū, aut quaternariū lapidū. Et hæc sententiā videtur opposita præcedenti, quia quæst. hæc de numero reali pro quātitatibus ipsis, accepto procedit, cuius formā dicit prima opinio sumendam esse ab vltima vnitate, quod negat hæc secunda.

65 Sed probat Soci. 1. par. suæ opinionis, quod forma numeri abstracti sit vltima vnitas hac ratione. Quia numerus abstracti solū reperitur obiectiue in intellectu cōstituente ordinē prioris, & posterioris inter vnū, duo, & tria, ita vt sicut ad binariū nō perue-

niant, nisi per vnitatē, & ad ternariū p. binariū, sicq. ad ceteros sēpertergo vltima vnitas in apprehensione intellectus præsupponit ceteras, & ideo habet se ad illas per modum formæ determinantis.

Secundā vero partē, quod forma numeri contracti nō sit vltima vnitas, probat duplici arg. Primo, quia vbi est primū, & vltimū realiter, aliquis est ordo realis inter eas: sed inter vnitates numeri nullus est ordo realis; ergo nec datur primæ vnitas realiter, neq. vltima, quæ possit esse forma numeri. Probatur minor, quia si ordo realis daretur inter vnitates, aut naturæ, dignitatis, loci, vbi, vel situs, sed nullus talis datur; ergo nec habebūt realē ordinē. Probo iterū minorem, quia simul tēpore possunt fieri duo, vel tria corpora, ex quibus efficitur ternarius, & ita, vt vnū nō sit causa alteri, nec sit eo dignus; sed nec necesse est habere ordinē loci, vel situs, cū possint in vacuo cōstitui, quare nullū habebant ordinē realem.

Secūdo, vel vltima vnitas est forma numeri realis, in quātū est vnitas, vel in quantum est vltima, nō vt vnitas, quia hæc ratio cōmunis est omnibus sed nec, vt vltima propter duo. Primū, quia esse vltimū habet ab intellectu numeratē; ergo nō potest esse forma realis, quia forma rei debet esse fixa, & inuariabilis, sed esse vltimū sepe variatur pro voluntate numerantis, ita vt vnitas, quæ modo numeratur post alias, possit rursus numerari primæ; unde esse vltimā p. omnes variatur, quare nō potest esse forma num.

Pro solutione huius quæst. notandū est, ex D. Tho. 2. q. 54. ar. 4. in corpore, in accidētibus nō esse cōpositionē essentialē physicā ex materia, & forma, sed esse naturas quasdam adeo imperfectas, vt pot. sin formæ subiectorum per actualē inherentiā in eo, & hu.

Cap. 6. de quantitate. quæst. 7.

& huius ratio est manifesta, quia materia, & forma sunt partes essentialis naturalis, quod est substantia accidentia vero non sunt entia naturalia, sed aliquid entis naturalis; ergo non possunt habere compositionem ex materia, & forma. Vnde ex tribus compositionibus, quæ reperiuntur in substantia, nempe Physica essentialis ex materia, & forma, & quasi entitativa, aut substantialis ex partibus integrantes, & Metaphysica essentialis ex genere, & differentia, solum in accidentibus reperiuntur duæ potestates, in quibus explicandum est, an ultima unitas habeat rationem differentia; vel ab ea sumatur differentia essentialis.

Et ut à compositione ex genere, & differentia tanquam ab essentiali incipiamus, id est in ea forma, & differentia, quia cum fiat ex genere, & differentia, genus se habet, ut materia, & differentia tanquam forma. Videndum igitur est, à quo sumatur differentia in speciebus numerorum, an ab ultima unitate, vel ab omnibus. Et de genere certum est, ab omnibus simul sumptis desumendum est, quia genus proximum numeri est quantitas discreta, discretio vero non reperitur in una sola unitate, sed in omnibus, quare ab omnibus sumitur genus; differentia vero ab omnibus etiam sumi debet, quia differentia continet gradum perfectionis determinantem genus; unde cum genus contineat communem rationem extensionis, aut divisibilitatis discretæ, differentia debet continere gradum perfectionis talis extensionis, aut divisibilitatis, quæ etiam non reperitur in una sola unitate, sed in multis. Ideo non potest à sola ultima, sed etiam ab omnibus sub ratione speciali debet sumi, & ita genus numeri ter-

narii erit quantitas discreta; differentia vero extensio, vel divisibilitas tres unitates, sicque definitur numerus ternarius. Est quantitas discreta extensa secundum tres unitates, ita ordinatas secundum prius, & posterius.

In compositione vero totius ex partibus integrantibus non reperitur materia, neque forma, quia omnes partes integrantes sic sunt in actu, ut nulla recipiat aliam, nec recipiatur ab alia, ut inter brachium, caput, & pedes non est materia, neque forma proprie loquendo, nihilominus inter partes integrantes numeri, una pars se habet ad alias, tanquam forma, in quantum eas determinat, & ita se habet ultima unitas in numero determinans aliam, vel alias ad certum numerum efficiendum, ut secunda unitas determinat primam ad efficiendum binarium, & tertia determinat duas ad efficiendum ternarium, sicque de cæteris.

Nostra igitur sententia duo asserit. Primum est, forma essentialis, quæ potest habere numerus, non sumitur à sola ultima unitate, sed ab omnibus, in quantum habent specialem rationem extensionis discretæ.

Probatum hac ratione deducta ex doctrina tradita. Forma essentialis duplex tantum est, Physica, & Metaphysica; sed numerus non habet formam essentialem Physicam, & Metaphysicam, quam habet: sumitur ab omnibus unitatibus sic ordinatis secundum prius, & posterius; ergo non à sola ultima. Probatum minor, quia differentia in quibusconque rebus sumitur à tota natura sub gradu speciali concepta, ut in homine à tota eius natura sub gradu rationalitatis; ergo differentia numeri sumitur à tota eius natura sub tali gradu extensionis discretæ.

discretæ considerata, talis autem gradus extensionis discretæ non reperitur in sola vltima vnitate, sed in omnibus sic ordinatis, sicut nec discretio ipsa in vno solo reperitur, sed inter multas; ergo nec differentia numeri à sola vltima vnitate desumi potest, sed ab omnibus sic ordinatis, vt forma ternarii à tribus vnitatibus sic ordinatis, vt duæ sint præsuppositæ, & ab vltima determinentur.

68 Secundum, quod asserit nostra sententia est, in numero considerato vt toto integrali, licet non inueniatur propria forma Physica, nec Metaphysica, inuenitur quædam similitudo formæ, & hæc sumitur à sola vltima vnitate, imò illa sola se habet vt forma. Probatur hac ratione, Id quod est determinabile per aliud, habet modum materiæ, & id quod determinat aliud, habet modum formæ, sed inter partes integrantes numeri vltima vnitas se habet vt determinans præcedentes, & istæ vt determinabiles per eam; ergo istæ se habent tanquam materia, & illa tanquam forma. Et hoc voluit prima sententia, dum asseruit, vltimam vnitatem esse quasi partialem formam numeri, & præsertim D. Thom. qui hoc idem intellexit, non de vera forma, sed de aliqua similitudine eius. Et ideo argumentis eiusdem sententiæ nõ est necessarium respondere.

Solum hoc est notandũ, hoc habere speciale partes integrantes numeri, quod cum vna se habeat per modum formæ, & aliz per modum materiæ; variata illa, quæ se habet vt forma, ex consequenti variatur differentia essentialis numeri, quia variatur modus extensionis, ex quo accipitur; vt variata tertia vnitate, is numerus habet extensionem in ordine ad duo, vel ad quatuor, quæ diuersa est.

Secunda autem sententia distinctionem illam de numero abstracto, & contracto, minus bene addoxit, quia nunc loquimur de numero prædicamentali, qui est species quantitatis discretæ, & reperitur in rebus; numerus vero abstractus transcendentalis est, cum in substantiis, ac cæteris accidentibus reperiatur, & ideo non magis ad hoc prædicamentum, quàm ad cætera pertinet, imò ad nullum, & ideo non est de illo curandum.

Ad primum igitur argum. eiusdem sententiæ, neganda est minor, quod non sit ordo realis inter vnitates numeri, nam licet non sit ordo temporis, nec naturæ, loci, vel situs; est tamen ordo numerabilitatis, quem dicit vnitas quælibet ad alias, in quantum prius, ac posterius numerabilis est ab intellectu, hoc est, præsupponendo eas, vel eisdem præsupposita.

Ad secundum distinguenda est maior, quia vnitates numeri dupliciter considerari possunt, vel vt actum numerantur, vel vt sunt numerabiles; & ideo quælibet habet duplicem considerationem vltimæ, nempe in actuali nominatione, aut in aptitudine. Dū ergo dicitur, vel vltima est forma, vt vnitas est, vel vt est vltima, distinguendum est, nā vt vltima in ratione numerabilitatis habet modum formæ realis, non vt vltima in actuali nominatione, quia hæc est ratio extrinseca; & variabilis, illa intrinseca, & inuariabilis eodem modo conueniens omnibus, cum possit quælibet numerari post alias; & ideo cuilibet inuariabiliter conuenit esse vltimam secundum aptitudinem, & hoc non habent ab intellectu, sed ex propria natura, quamvis non sine respectu ad intellectum; bene tamen ante operationem eius; realis igitur est ratio vltimæ in quolibet

S vni-

Cap. 6. de quantitatē. quæst. 8.

vnitate, sicut ratio primæ, aut mediz, vt explicatum est.

QVAESTIO VIII.

An numerus prædicamentalis non solum reperitur in corporibus, sed etiam in rebus spiritibus libus.

70 **S**ensus quæstionis est, an scilicet homines, tres lapides, aut tria quælibet alia corpora efficiunt numerum, qui est species quantitatis discretæ, ita tres Angeli, aut tres anime; & procedit quæstio, supposito, quod numerus sit per se in prædicamento.

Prima opinio affirmat, numerum rerum spiritualium, non minus esse speciem quantitatis discretæ, quam numerum corporum. Ita Richard. in 1. dist. 10. quæst. 1. ad 4. & dist. 24. ar. 1. quæst. 1. & ar. 2. quæst. 1. Marfil. in 1. quæst. 27. ar. 1. & 2. Greg. d. 24. q. 2. ar. 3. Aureol. apud Capreol. eadem dist. & q. vbi etiam Maior, Ockham, & Gabriel, quos sequitur magna modernorum pars.

Probatur testimonio D. Augusti, lib. 2. de libero arbitrio, capit. 16. vbi asserit, numerum esse aliquid intelligibile, & in omnibus rebus inueniri; & Damasc. 3. lib. Fidei, cap. 8. docentis, numerum in quibuslibet rebus inter se diuersis sic reperiri, vt duæ naturæ Diuina, & humana in Christo ad quantitatem discretam pertineant.

Probatur etiam ratione, quia integra ratio numeri constat ex multis vnitatibus realibus, & inter se separatis, atque numerabilibus ab intellectu secundum prius, & posterius, sed hoc totum conuenit tribus An-

gelis; ergo veram habent rationem numeri prædicamentalis. Probatior minor, quia tres Angeli sunt distincti realiter, atque etiam realiter separati, & quilibet est numerabilis ab intellectu ante alios, & post alios.

Secunda opinio negat numerum prædicamentalem reperiri in rebus spiritualibus, sed solum putat ponendum esse in corporibus, Ita D. Tho. quæst. 9. de Potentia. ar. 7. in 1. d. 24. q. 1. ar. 3. & 1. par. q. 3 ar. 3. Capreol. in 1. d. 24. q. 1. Soncin. 10. Meta. q. 13. Ia. uel. lib. 8. quæst. 11. & colligitur ex doctrina Arist. 4. lib. Physi. cap. 6. & 7. vbi docet numerum fieri ex diuisione continui, & 2. de Anima, cap. 6. numerum asserit esse sensibile per se. Sed numerus rerum spiritualium nec fit ex diuisione continui, nec est sensibilis, quia sensus non possunt percipere nisi corporea; ergo non est numerus prædicamentalis ex mente Aristotelis.

Sed ratione probatur primo, quia omnis species debet participare naturam sui generis proximi, atque remoti in eadem linea prædicamentali positi, sed genus proximum numeri est quantitas discreta, & remotum quantitas communis continuæ, atque discretæ; ergo repugnat aliquem esse numerum prædicamentalem, nisi hiis duobus generibus participet. Tunc ultra, numerus rerum spiritualium neutro genere participat; ergo non est species huius prædicamenti. Probatur antecedens, talis numerus non est quantitas; ergo non est quantitas discreta. Evidens est consequentia à superiori ad inferius negatiuè, & antecedens per se notum.

Secundo, quia transcendentia non pertinent ad aliquod speciale prædicamentum.

dicamentum, ut de ente, & accidente manifestum est: sed numerus eo modo, quo reperitur in rebus spiritualibus, reperitur in quibuscunque rebus cuiuslibet prædicamenti ergo transcendentalis est, & non prædicamentalis. Minorem probemus: nam sicut dicimus, tres Angelos, aut tres animas, sic dicimus tres albedines, tres relationes, tres actiones, & passionem, sicque de ceteris prædicamentis.

Pro solutione argumentorum oppositæ opinionis notandum est, quod sicut unitas sumitur duobus modis; primo, prout unum est passio entis, & unitas convertitur cum entitate, & sic accepta est transcendentalis, quia in omnibus rebus reperitur; alia est unitas specialis, quæ fundatur in quantitate rei, & hæc est propria huius prædicamenti. Ita numerus est duplex; transcendentalis, qui constat ex unitatibus transcendentalibus; & specialis, qui fit ex quantitativis, & iste est species quantitativæ discretæ; ille vagatur per omnia prædicamenta, & ideo neque ad hoc, neque ad aliquod aliud pertinet.

Hæc distinctio explicat sensum sanctorum Patrum, qui, ut constat ex antecedentibus, & consequentibus, de numero transcendentali loquuntur, non prædicamentali. Et etiam si aliquod verbum eorum videatur significare numerum prædicamentalem, solum per similitudinem intelligi debet.

73 Ad argumentum distinguendum est antecedens, quia si de numero prædicamentali intelligatur, non est verum, quod solum dicat unitates quascunque discretas, & numerabiles, secundum prius, &

posterius, sed speciales, & quantitativas, quas cum non habeat numerus rerum spiritualium, sed transcendentales, non est numerus prædicamentalis, sed transcendentalis.

QVAESTIO IX.

An oratio sit vera species quantitativæ.

Difficilior est quæstio de oratione, an sit vera species quantitativæ discretæ. Intelligimus autem quæstionem de sola oratione vocali, nam mentalis, & scripta non pertinent ad hoc prædicamentum: cum utraque sit qualitas, illa naturalis, hæc vero quasi per artem facta; vocalis vero, quæ aut voce humana profertur, vel aliis instrumentis fit, quandam extensionem syllabarum habere videtur, & ideo quærimus de illa, an sit species quantitativæ discretæ.

Et est prima opinio Lobanien-
sum in expositione huius capituli; qui negant orationem esse speciem quantitativæ discretæ, putantes esse quantum quoddam per accidens, sicut album, aut motus: & hanc videtur sequi Caietanus capite præfati, & secuntur moderni omnes, qui numerum excludunt ab hoc prædicamento.

Et probatur illis omnibus argu-
mentis, quibus probatum est de
numero esse ens per accidens, &
ideo non pertinere ad hoc prædicamentum quæst. 6. quæ non sunt hoc loco repetenda.

Sed duobus aliis specialibus probanda est. Primo, quia hæc tantum sunt in

S 2 oratio-

Cap. 6. de quantitate. quæst. 8.

oratione, nempe soni syllabarū, motus instrumentorū, aut prolationis, per quæ fiunt tēpora consumpta eisdem prolationibus, ordo syllabarū, & significatio totius orationis, sed ex nullo horū potest oratio esse quāta per se; ergo non est admittēda ad hoc prædicamentū. Probatur minor, quia soni sunt qualitates, motus quātus per accidēs, tēpora quanta quidē per se continua, sed quæ non possunt efficere aliam speciē quantitatis discretæ, ordo syllabarū secundū longitudinem, & breuitatem pro libito mutari potest, & ideo non potest efficere quāta per se orationem, & longe minus significatio syllabarum, quam certum est non habere ex propria natura, sed ex libera impositione hominum.

Secundo, quia successiua non possunt habere unitatem, nisi per continuationē, vt patet in motu, cuius partes si semel interruptantur per morā temporis, sic fiunt diuersæ, vt nullo modo efficiant vnum: sed syllabæ sunt quidā motus prolationis instrumentorum interrupti; ergo sunt omnino diuersi nullā habentes vnionē, aut unitatem, quare non possunt efficere vnā quantitātē. Et si respondeas, ordinabiles esse ab intellectu secundū prius, & posterius, sicut unitates numeri, & per talē ordinabilitatē habere unitatē. Contra hoc est, quia si semel interrupti motus prolationis sunt ordinabiles secundū prius, & posterius; ergo etiam si per longum tēpus interruptantur, erunt ordinabiles: vnde si vna syllaba proferatur hodie, & altera post annum, efficient orationem, non minus, quam si post dimidiam horam proferretur: imo etiam si à diuersis hominibus, quæ non solum falsa, sed absurda videntur.

75
Secunda opinio est Iauelli in Epitome, in 5. lib. Meta. cap. 8. distinguētis duplicem considerationem orationis. Nam si consideretur, ait, in ratione extensionis quantitativæ, non est oratio distincta à motu, neque quantum per se, sed per accedens, sicut motus, cum syllabæ non sint aliud, quam motus quidam prolationis. Si vero consideretur in ratione mensuræ, est quantum per se, & vera species quantitatis discretæ distincta à numero, cum sit mensura discreta, & successiua. Et propterea, inquit, considerans Aristoteles in Dialectica rationem mensuræ in quantitativis, docuit orationem esse speciem quantitatis. Et probauit etiam ex eadem ratione mensuræ, quia mensuratur, inquit, syllaba longa, & breui. At in Metaph. vbi præcipue considerabat rationē extensionis eisdem quantitatis, cum connumerasset alias species, nullam mentionem orationis fecit; quod probatur ex mente eius non esse speciem quantitatis in ratione extensionis, sed solum in ratione mensuræ.

Tertia opinio tenet, orationem esse secundam speciem quantitatis discretæ, quod Aristoteles non solum asseruit, cap. præsentis, sed probauit. Ita D. Thom. opus. 42. & in 4. d. 3. quæst. vnica, art. 2. ad 5. Albertus Magnus tractatu de quantitate, cap. 2. Scotus cap. præsentis, quæst. 8. Soneinas 5. Metaph. quæst. 4. Sotus quæst. 2. huius capitis, & in eodem Canterus, & Toletus, atque moderni plures. Et hæc sententia, quamvis difficilis videtur nobis probabilior, & tenenda.

76
Et probatur hac ratione. Oratio cōstat syllabis vere extensis secundum prius,

prius, & posterius; sicut numerus cōstat unitatibus; ergo sicut numerus est species quātitatis discretæ, sic oratio. Probatur antecedens, quia syllaba una longior est maioremq; habet extensionem soni, quā alia, non solū ratione temporis cōsumpti, quod patet esse maius, sed ratione sui, nempe ut est sonus extensus, quemadmodū tres lapides habent substantiā extensionem per quantitatem, & ideo eius ratione efficiunt specie numeri. Quod verosyllabæ sint ordinabiles ab intellectū secundū prius, & posterius ratione lōgitudinis, aut breuitatis, probatur, quia distincta oratio est, aut distinctus pes carminis ille, qui constat utraque syllaba longa, ab eo, qui cōstat utraque breui, vel una breui, & altera lōga, ex eo quod distincto modo ordinātur syllabæ; ergo ex se sunt ordinabiles.

In quonam sit ponendā quantitas orationis.

Tota difficultas nostræ sententiæ consistit in explicanda quantitate orationis, assignandaq; ratione illa, in qua dicatur consistere, circa quam, non eodem modo sentiunt ii, qui nostram sententiā secuntur.

Sed prima opinio est multorū modernorum, qui quantitatem orationis, nec in syllabis, nec in alio ex his, quæ possunt considerari in oratione quantitatem eius consistere docēt, sed in motibus prolationis discontinuis, & ordinabilibus ab intellectu: ut in tribus motibus prolationis, quibus profertur hæc oratio, Dominus, dicunt consistere quantitatem discretam, & successiuam eius.

Hæc tamen sententia falsa est, quod probō hoc argum. Motus est quantum per accidens; ergo numerus plurium motuum non est prædi-

camentalis. Probatur consequentia, à superiori ad inferius negatiue, numerus trium motuum non est quantitas per se; ergo nec est quātitas discreta. Secundo, quia numerus motuū est sicut numerus alborū, aut Angelorum; ergo est transcendentalis, & non prædicamentalis.

Ideo secunda opinio multorū non in syllabis, nec in motibus prolationis earū, sed solum in tēporibus, quibus motus ipsi prolationis, atque etiā syllabæ mensurantur, quantitatem orationis ponēs, in quātum duo, vel tria tempora consumpta in eis ordinabilia sunt ab intellectu secundū prius, & posterius.

Quod colligunt ex Arist. cap. præfati, qui orationem esse quantitatem probant, quia mensuratur syllaba longa, & breui, sed lōgitudō, aut breuitas syllabarum sumitur ex maiori, aut minori tempore, quo mensurantur; ergo in his temporibus consistit quantitas orationis ex mente Aristotelis.

Sed nec sententia hæc videtur mihi vera, quod ita probō. Sicut numerus est multitudo unitatum ordinabilium ab intellectu secundū prius, & posterius, ita oratio est multitudo syllabarum ordinabilium, secundū lōgitudinem, & breuitatem, ex quarū diuersitate distinguunt omnes diuersas orationes: sed tempora non sunt syllabæ, imo valde ab eis diuersæ; ergo multitudo temporum non potest esse oratio.

Secundo, vel tempora distincta cōstituunt orationem secundū se, vel in quantum sunt mensura syllabarū, vterque modus est impossibilis; ergo non possunt orationem constituere. Probatur minor, quia species quātitatis constituuntur per diuersas rationes extensionis, sed tempora ex

Cap. 6. de quantitate. quæst. 10.

eo, quod sint mensura syllabarum, nō habent specialem rationem extēſionis distinctam ab ea, quam habent secundam, quod sunt multa tempora, nam temporibus non aduenit noua ratio extēſionis, ex eo, quod sint mensura syllabarum, sicut nec ex eo, quod sint mensura aliorum motuū, prolatio namque syllabarum motus quidam localis est instrumentorum; ergo si hoc modo sumpta non efficiunt speciem quantitatis discretæ, nec efficient, ut sunt mensura syllabarum. Quod vero ut sunt discreta tempora, non efficiunt orationem probatur, quia si sic efficerent orationē; ergo ubique reperirentur, etiam sine syllabis eam efficerent. Euidens est consequentia, quia quod alicui conuenit ut tali, ubique reperitur ei conueniet. Et præterea, quia tria tēpora nihil accipiūt à syllabis, ratione cuius efficiāt quāritatē discretā; cōsequens autē falsū est, quia nullus, vnquā dixit, nec intelligi potest, quod tres durationes trium calesfactionum sint oratio.

78

Ut igitur intelligamus, in quo consistat quantitas orationis, notandum est, in voce duo esse consideranda. Primum, quod sit sonus per motum localem lingue, dentium, ac palati, aliorumque instrumentorum factus. Secundum est extensio, seu corpulentia eiusdem soni, vel vocis, quæ non est aliud, quam dilatatio, vel prolongatio eiusdem. Notum est enim syllabam morosē prolatam maiorem habere dilatationem, aut prolongationem, quam eā, quæ cito profertur. Eiusmodi igitur dilatatio, aut prolongatio vocis, est quasi corpulentia, vel magnitudo eius, & ita eius extensio, quemadmodum longitudo, aut latitudo substantiæ est extensio eius: unde sicut substantia est

extensa per accidens, & longitudo eius, aut latitudo est quantitas, aut extensio per se, ita sonus, aut vox est extensa per accidens, eius tamen dilatatio, prolongatio, & corpulentia est quantitas per se, & ita ex multis extēſionibus syllabarum sibi succedentium fit oratio, sicut ex multis extēſionibus substantiæ fit numerus. Nec mirum est suam habere extēſionē sonū ita factū, cum sit qualitas corporea, sicut albedo, & alie suam habentes extēſionem accidentaliter eis conuenientem. Hæc autem extēſio orationis, quam prolongationem, aut dilatationem soni vocamus, non est aliarealiter distincta ab extēſione, seu quantitate aeris verberati, sicut nec vox est aliud, quam sonus ex verberatione aeris per talia instrumenta caufatus, & in eodem aere extensus: sed eadem extensio aeris, à qua sonus ipse, (qui qualitas quedam corporea est) extenditur. Hæc autem extensio syllabarum distincta est à motu prolationis, ut cōstat, & etiam à tempore consumpto in prolatione, sed sub syllaba comprehenditur, & nomine syllabæ significatur, & ideo oratio vocatur multitudo syllabarum sibi succedentium, ut ordinabiles sunt ab intellectu secundum prius, & posterius ratione longitudinis, ac breuitatis.

Et ex hac doctrina facile explicatur testimonium Arist. pro secundo modo dicendi de temporibus adductum, nam argum. eius, quo probauit orationem esse quantitatem, quia mensuratur syllaba longa, & breui, quasi ab exteriori signo est, nam tempora mensura sunt extrinseca syllabarum, sed per talem mensurationem extrinsecam cognoscimus propriam extēſionem oratio-

79

orationis in magnitudine syllabarum, seu dilatione, aut corpulentia earum consistentem, per quam formaliter dicuntur longæ, aut breues formaliter, & quasi intrinsece.

Facile etiam soluantur argumenta primæ opinionis, nam ad primum respondetur, quod in antecedenti non numerantur sufficienter ea, quæ sunt in oratione, sed præcipuum relinquunt, nempe extensio, seu dilatio, & corpulentia soni, in qua consistit propria quantitas syllabarum, sicut in latitudine, aut profunditate consistit extensio substantiæ, aut aliarum qualitatum.

Ad secundū neganda est minor, quod syllabæ sint motus prolationis, sed sunt sonus quidam dearticulati per motus prolationum facti, de quibus negandum est, quod non habeant unitatem sufficientem ad constituendam orationem, habent enim eandem ac nomen, nempe ordinabiles esse ab intellectu secundum prius, & posterius pro ratione longitudinis, & breuitatis. Negandum est etiam, quod syllaba hodie prolata possit ordinari in modum orationis cum ea, quæ profertur post annum, quia cum syllabæ sint ordinabiles ab intellectu profertentis, & in ordine ad concentum, & harmoniam, humanam interruptionem habere debent in ordine ad talem finem, hoc est, tantam, & non maiorem, quæ repugnet eidem fini: repugnaret autem si secunda preferretur post annum, imo si post mensem, aut diem, & forte si post horam, quare non erunt ordinabiles cū tanta interruptione, nec efficiēt orationem.

QVÆSTIO X.

An si daretur linea, superficies, aut corpus, ut alia quantitas, actu infinita collocaretur in hoc prædicamento.

Quæstio hæc non est absoluta; sed conditionalis, quia non dicitur, si daretur aliqua quantitas actu infinita, vel impossibile, sed titulus quæstionis sub conditione querit, an si daretur per possibile, vel impossibile quantitas aliqua actu infinita, collocaretur in hoc prædicamento.

Et pars negativa, quod non collocaretur in prædicamento, probatur testimonio Arist. & D. Thom. Arist. enim 5. lib. Meta. tex. 10. ita ait. *Multitudo igitur quantum quid, si numerabilis est, magnitudo vero, si mensurabilis.* Sed si multitudo daretur actu infinita, non esset numerabilis, nec corpus actu infinitum mensurabile: ergo non essent quanta ex mente Arist. nec proinde collocarentur in hoc prædicamento.

Et D. Tho. in Cōmen. eiusdē loci, lect. 15. docet, quod si longitudo esset actu infinita, non esset linea, quia linea est longitudo mensurabilis, & ideo in definitione lineæ ponitur, quod sit longitudo clausa duobus extremis punctis.

Et ratione probatur primo, quia ita se habet quantitas in suo ordine prædicamentali, sicut substantia in suo, sed substantia actu infinita, qualis est Deus, non ponitur in prædicamento, sicut diximus in 2. quæst. præcedentis capituli; ergo nec poneretur infinita quantitas in prædicamento.

Cap. 6. de quantitate. quæst. 10.

Secundo, eadem est ratio de quantitate continua, & discreta, quantum pertinet ad præsentem quæstionem. sed si daretur multitudo infinita corporum, non poneretur in prædicamento sub genere quantitatis discretæ; ergo si daretur quantitas continua actu infinita, non poneretur in prædicamento sub genere quantitatis continuæ. Minor probatur, quia species numerari variantur per additionem unitatis: ut si binario addideris unam, transit iam in aliam speciem ternarii; si ergo daretur multitudo actu infinita, non haberet determinatam speciem, & quod non habet determinatam speciem, non potest esse sub determinato genere; ergo nec sub determinato prædicamento. Quare infinita multitudo non posset in hoc prædicamento collocari.

Communis tamen sententia scholæ tenet, quod si daretur linea, vel corpus actu infinitum, poneretur in hoc prædicamento, non minus, quam corpus finitum. Ita Soncinas 5. Metaph. quæst. 15. Iauellus ibidem, quæst. 17. Durans in 4. d. 3. quæst. 3. Nimphus 8. lib. Topicorum, loco 73. Sotus quæstione prima huius prædicamenti.

Probatum testimonio Aristotelis 8. lib. Topicorum, loco 73. ubi docet lineam finitam, & infinitam esse eiusdem speciei: ex quo sequitur idem habere genus, & differentiam, & ideo in eodem prædicamento collocari; & hoc idem sentit D. Thom. 1. par. quæst. 58. art. 8. ad 2.

82 Sed probatur ratione, quia quidquid componitur ex genere, & differentia, collocatur in prædicamento; sed linea actu infinita componeretur ex genere, & differentia; ergo collocaretur in hoc prædicamento.

Probatum minor, quia genus lineæ est quantitas continua; differentia vero extensio secundum dimensionem formalem longitudinis, sed linea infinita utrumque haberet, nam esset quantitas continua, quia copularetur punctis, & esset extensa secundum formalem dimensionem longitudinis; ergo esset in hoc prædicamento. Et si respondeas esse quantitatem non finitam, ex qua efficitur prædicamentum, sed infinitam, & ideo excludi à prædicamento. Contra hoc est, quod esse actu infinitam solū est habere partes integras actu infinitas, sed partes integras non pertinent ad essentiam rei, ut per se est manifestum; ergo etiam si sint actu infinitæ, non variabunt essentiam lineæ, sed erit linea infinita eiusdem speciei cum linea finita, ut ex Arist. adduximus. Et ideo collocabitur sub eodem genere, & erit in eodem prædicamento.

83 Pro solutione argumentorum notandum est, aliud esse, quod aliquid sit infinitum secundum substantiam, aut secundum aliquam rationem accidentalem, quia substantia dicit essentiam rei; ergo idem est aliquid esse infinitum secundum substantiam, & esse infinitum secundum essentiam, & quod est infinitum secundum essentiam, est infinitum simpliciter, sed quod est infinitum secundum rationem accidentalem, potest esse finitum secundum essentiam, quia accidentia sunt extra essentiam rei. Unde sequitur, quod cum res omnes collocentur in prædicamento secundum essentias, si sint infinitæ secundum essentiam, non posse collocari in prædicamento. Cuius hæc est ratio: quia prædicamenta sunt gradus essendi finitæ, ac limitatæ perfectionis, & quæ

quæ in eis collocantur sub genere supremo, debent esse composita ex determinato genere, & determinata differentia continente gradum limitatum perfectionis sub tali genere; ergo quod est infinitum secundum essentiam, nec potest collocari sub determinato genere, nec constitui per determinatam differentiam, & consequenter nec collocari in determinato prædicamento. Sed quæ solum sunt infinita secundum rationem accidentalem, bene possunt comprehendendi sub determinato genere, & componi etiam ex determinata differentia, & ideo collocari in prædicamento, quia cum ratio accidentalis extra essentiam sit, eam non variat, sed sub propria limitatione relinquit. Esse autem lineam, vel corpus actu infinitum, ratio accidentalis est, quia non est aliud, quam habere plures partes integrantes, ex quibus non variatur essentia, nec in perfectione crescit. Vt si corpus plures, aut maiores partes integrantes habear, non est propter eas perfectius alio, quod pauciores, vel minores habet, sed solum accidentaliter; ergo habere partes infinitas etiam est perfectio accidentalis, à qua non variatur essentia, & ideo non minus erit finita, & limitata ad certum genus, atque prædicamentum.

Ad testimonia Aristotelis, & D. Thom. respondetur, utrumque loqui de quantitibus existentibus, quæ sunt actu finitæ. Quid vero sentiant de infinitis, si darentur, quantum ad collocacionem in prædicamento, in aliis locis à nobis citatis pro communi sententia explicat; asseruntque non minus in prædicamento, collocari, quam alias quantitates actu finitas. Illa vero definitio lineæ mathematicorum est, qui de solis lineis finitis

agunt, ideo eas solum describunt.

Ad primum argumentum distinguendum est antecedens, quia substantia, & quantitas duobus modis considerari possunt, aut secundum rationem finiti, & infiniti, & hoc modo non ita se habet quantitas ad prædicamentum, sicut substantia, quia hæc si actu sit infinita, non potest esse sub terminato genere, nec componi ex genere, & differentia, & ideo nec in prædicamento collocari, bene tamen quantitas infinita, & rationem huius discriminis tradidimus iam. Si vero considerentur secundum ordinem prædicamentalem, eodem modo ordinantur per diuisionem generum in suas species.

An numerus infinitus esset in prædicamento.

SED an eadem sit ratio de quantitate continua, & discreta, ita ut sicut continua actu infinita collocaretur in prædicamento, ita etiam discreta, ut numerus infinitus, non est certum. Nam Soncinas ubi supra eandem asserit rationem esse de utraque. Et probat, quia sicut lineam esse actu infinitam solum est habere plures partes integrantes, quod non pertinet ad eius essentiam, ita numerum esse actu infinitum, solum est habere plures unitates, quæ sunt partes integrantes eius; ergo sicut linea actu infinita esset in prædicamento, ita numerus actu infinitus. Ego vero contrarium sentio, quod si daretur multitudo corporum actu infinita, non esset per se collocanda in hoc prædicamento. Quod colligo ex doctrina Aristotelis 8. lib. Metaphy. textu 15. ubi de numero ita loquitur. *Quemadmodum de numero ablato, aut addito aliquo, ex quo*

84

85

S 5

bus

bas numerus est, non est amplius idem numerus, sed diuersus, etiam si minimum auferatur, aut addatur, ita nec definitio, nec ipsum, quid, erat esse erit amplius ablato aliquo, aut addito, &c. Ex quibus verbis sequitur manifesta differentia inter quantitatem continuam, & discretam, in eo quod continua per additionem alicuius partis, vel plurius non variatur, sed eadem linea, vel corpus permanet, numerus vero per additionem vnitatis variatur; unde intelligitur vnitates non omnino se habere in numero tanquam partes integrantes, sed ita esse fundamentum generis, & differentiae, ut per additionem, vel deductionem vnitatis varietur differentia, & species numeri. Cuius ratio satis probabilis est, quia addita vnitates variatur dispositio totius numeri, atque adeo discretio eius, seu discreta extensio, quæ consistebat in tali dispositione unitatum; ut extensio specialis ternarii in eo, quod duæ sint dispositæ sub tertia, in qua consistit differentia essentialis eius, & ideo addita vnitates soluitur species numeri, & fit alia. Et quod hæc sit mens Aristotelis, non est dubium, quia si non desineret esse species numeri, & transiret in aliam, non teneret similitudo numerorum cum speciebus, ut per se est manifestum.

86

Vnde ex hoc colligitur, numerum apud Aristotelem esse speciem subalternam, quæ diuiditur tanquam genus in binarium, ternarium, & reliquos, qui omnes sunt species infimæ solum habentes sub se individua, ut ternarius, hunc, & illum ternarium.

Colligitur tandem numerum actu infinitum non collocari in prædicamento. Quod sic probo. Addita vnitates mutatur species numeri, & fit

alia; ergo additis vnitatibus in infinitum, crescet etiam in infinitum perfectio essentialis numeri, & ideo numerus actu infinitus habebit essentialem perfectionem actu infinitam in ratione quantitatis discretæ, quare non poterit habere speciem, quia species constituitur per differentiam determinatæ perfectionis, nec erit sub genere, aut prædicamento.

Secundo, differentia numeri sumitur ex vnitatibus ordinabilibus secundum prius, & posterius, ita ut sub aliqua ordinentur ceteræ, tanquam ei præsuppositæ, sed vnitates actu infinitæ non sunt ordinabiles ab intellectu; ergo non possunt constituere determinatam speciem numeri; & quod non est determinatum secundum speciem, non potest esse sub genere; ergo nec erit in prædicamento. Probatur minor, quia inter infinita actu non est dabilis determinata vnitates, sub qua ordinentur ceteræ, ergo nec erunt ordinabiles ab intellectu.

Argumentum vero pro opposita sententia de quantitate continua ex doctrina à nobis tradita solutum est.

QVAESTIO VLTIMA.

An quantitas sit res distincta a substantia corpora, & ceteris accidentibus absolutis.

NON solum de distinctione reali quantitatis à substantia corpora quærimus, sed ab aliis accidentibus absolutis, quibus tribuitur extensionem partium, ut à qualitatibus, quia eadē est ratio de illis, ac de substantia.

87

Et prima opinio negat esse distinctionem, quam tenuerunt Ocham in sua Dialectica cap. de quantitate in 4. q. 4. quodlib. etiā 4. quæst. 30. & in tractatu de venerabili Sacramento Buchanensis

ziffix per plura capita, quibus locis affirmat, quantitatem esse ipsammet substantiã, prout habet partes situ distinctas, & locabiles, diuersisq; partibus loci correspondentes. Gabriel in 4. d. 10. q. vnica, & d. 12. q. 1. art. 1. & lectio. 43. super canonem missæ, Adamus in 4. q. 5. & Aureolus apud Capreolum in 2. d. 10. q. vnica, art. 1. & videtur fuisse sententia antiquorum philosophorum, ut Platonis, qui ut affirmat Aristoteles 1. h. Meta. tex. 5. loquens de materiali principio rerum posuit vnã materiã pro rebus naturalibus, cuius differentias esse dicebat magnam, & parũ, sentiens eandem rem esse materiã, & quantitatem.

88 Et ratione probatur primo, quia Deus potest separare substantiã corporeã ab omni accidenti absoluto, cum ab eo non dependeat essentialiter; ergo si quantitas est accidens absolutum realiter à substantia distinctum, poterit separari ab ea substantia; & tunc si maneret sine quantitate, queritur an haberet partes loco distinctas sicut prius, vel non; si dicas habere; sequitur non habere extensionem à quantitate, sed à se esse extensum, & occupatiuũ loci, quod est esse ipsammet quantitatem, & ab ea non distingui. Si vero dixeris non habere; sequitur partes eius loco esse cõiunctas, quod est impossibile, quia non potuerunt cõiungi, cum prius essent separate, nisi per motũ localem, cuius non sũt capaces sine quantitate; ergo ab ea non distinguuntur realiter.

Secundo, si quantitas est res distincta à substantia, ei inhærebit, & tunc vel recipitur tota quantitas in tota substantia, & pars in parte, vel tota in tota substantia, & tota etiã in qualibet eius parte, eo modo quo anima rationalis recipitur tota in toto corpore per informationem; & tota etiã in qua

libet parte, sed hoc vltimũ repugnat accideri corpori, & diuisibili haberi partes integrãtes; ergo necessariũ est primũ. Ex quo sequitur substantiã habere à se partes integrãtes, & non à quantitate; cum partes eius præsupponantur partibus quantitatis tanquã subiecta, in quibus recipiuntur, sed nihil habet à se partes integrãtes, nisi sola quantitas, à qua cætera eas recipiunt; ergo substantia eas habet à se, erit ipsamet quantitas, & non distinguetur ab ea realiter.

98 Secunda opinio tenet, quantitatem distinguí realiter à substantia, & cæteris accidentibus absolutis. Ita D. August. 5. lib. de Trinitate cap. 10. D. Thom. 5. Meta. lectio. 15. in fine, Scotus in 2. d. 2. quæst. 9. & in 4. d. 12. q. 2. Rich. in 4. d. 12. art. 1. q. 1. Duran. & Argentinas ibidẽ q. 5. Egidius Romã. in 1. d. 2. q. 2. Albertus Magnus. 5. phisicorum tractatu 2. art. 4. Soncinas 5. Meta q. 19. & ceteri interpretes Arist. ca. præfati, & hæc est vera, & tenenda.

Colligitur euidenter ex doct. Arist. 1. lib. Phys. textu 13. vbi ita arguit contra Melissum antiquũ philosophũ ponentẽ vnũ tantum principium rerum naturalium, & illud infinitum. Si vnũ tantum est principium infinitum, cum finitum, vel infinitum sit propria passio quantitatis, sequitur preter substantiam continere etiam quantitatem, & ideo non esse vnã rem, aut vnũ principium; sed multiplex, &c. Quod argumen. patet nihil probare, nisi quantitas distinguatur realiter à substantia; ergo ex inerte Aristotelis realiter distinguuntur. Et h. 2. de anima tex. 65. docet, substantiã esse sensibilem per accides, quantitatem vero per se, quod non potest esse verum sine distinctione reali.

Sed prob. duplici ratione 1. quia naturaliter repugnat plures magnitudines aut

Cap. 7. de ad aliquid. text. expos.

aut quantitates esse in eodem loco, quia hoc non potest esse sine penetratione earum naturaliter impossibili, ex eo, quod quilibet est occupativa distincti loci, & nata expellere aliam ab eodem; sed utrunque sequitur, si quantitas non distinguatur realiter a substantia, & accidentibus absolutis; ergo necesse est realiter distinguere. Probatum minor, quia si quantitas est idem realiter cum substantia, & albedine in ea existente, ergo quælibet habebit propriam, & distinctam magnitudinem, atque extensionem ab alia, sed constat esse in eodem loco; ergo se penetrabunt.

Secundo, quia certum est in fide catholica in Eucharistia non manere substantiam panis, sed totam converteri in corpus Christi. Sed experientia visus, & tactus docet remanere eandem quantitatem panis, ergo separat realiter quantitas a substantia. Et quæ ita se habent, ut unum possit esse sine alio, distinguuntur realiter: ergo distinguitur realiter quantitas a substantia. Vbi illud obiter aduerto, periculosum esse negare, quod in eucharistia non remaneat eadem quantitas panis, & asserere, corpus illud quantum specierum Sacramentalium non esse dimensiones, vel quantitatem veram huius prædicamenti, sed propriam extensionem aliorum accidentium, ut albedinis, & aliorum.

Ad primum argumentum concedimus primum enthymema, ad id vero quod postea queritur, an substantia permanens sine quantitate haberet partes occupantes locum, vel separatas secundum locum, respondeo non occupare locum substantiam sic permanentem, nec eius partes, nec habere extensionem localem, sed modum indivisibilem, quantum ad occupandum locum pertinet, nec ta-

men coniungi partes per motum localem, quia nec positive essent coniunctæ coniunctione locali, sed negative tantum, ex eo quod ablata quantitate nullam habent distantiam, aut ordinem localem. Sed de his in libris physicorum ex professo disputamus.

Ad secundum concedimus substantiam habere proprias partes integrantes entitativas, sed non extensas, nec loci occupativas, quæ tamen extenduntur a quantitate in eis recepta. In his ergo partibus recipiuntur partes quantitatis, & ita tota quantitas recipitur in tota substantia, & partes in partibus. Negamus tamen consequentiam, quod substantia sit ipsamet quantitas, quia aliud est habere per se partes integrantes entitativas, aliud partes extensionis: & primum conceditur substantiæ, & accidentibus absolutis, secundum vero soli quantitati, a qua omnia recipiunt extensionem, quod sufficit ad distinctionem realem.

CAP V T SEPTIMVM continens prædicamentum ad aliquid.

TEX. ARISTOTELIS.

Ad aliquid vero talia dicuntur, quæcunque hæc ipsa quæ sunt, aliorum esse dicuntur, &c.

Brevi expositio textus.

Intentum Aristotelis capite præsentati est explicare naturam relationum. Dividitur autem in tres partes, in quarum prima definitionem relationum, quæ suo tempore in scholis circumserebatur, proponit cum

enim quatuor proprietatibus, quæ ex ea fecantur. In secunda dubium quoddam circa eandem definitionem, ex cuius solutione minus bonam esse probat. Et tandem propriam definitionem, ex qua veram proprietatem relatiuorum colligit.

Definitio antiqua relatiuorum talis erat. *Ad aliquid talia dicuntur quæcunque hæc ipsa, quæ sunt, aliorum esse dicuntur, vel quomodo libet aliter ad alterum.* Vt duplum dicitur ad dimidium, & magnum respectu parui, scientia habitus, atque potentia ad sua obiecta.

Prima proprietas antiqua relatiuorum erat, quod relatiua habeant contrarium, cuius exemplum facile designari potest: quia si habitus, & virtutes sunt relatiua, inter eos reperiuntur virtus, & vitium, & alii habitus particulares contrarii, ex quibus probatur relatiua habere contrarium.

2 Secunda proprietas est, quod relatiua suscipiunt magis, & minus, nam vnum dicitur magis simile alteri, quam aliud, & idem et vno tempore magis, quam alio simile eidem.

Tertia proprietas est, quod relatiua dicantur ad conuertentiam. Dici autem ad conuertentiam non est conuersim prædicari vnum de altero in recto, quia vnum relatiuum non potest prædicari hoc modo de alio, nisi falsum est, quod pater sit filius. Sed prædicari vnum de altero in obliquo, ut petit natura relatiuorum, ita ut si aliquis est pater, filii pater sit, & si est simile, alicui simile esse debet. Vt autem hæc proprietas conueniat omnibus relatiuis, debet fieri debita assignatio terminis debita autem assignatio terminis fiet, si terminus per se, & non per accidens assignetur. Terminus autem per se ille est, qui formalem rationem ter-

minandi significat. Erratio formalis terminandi est illa, quæ sufficienter terminat relationem exclusis quibuscunque aliis, quæ in termino relationis esse possunt. Gratia exempli, pater est relatiuum, cui pro termino non bene assignatur homo, aut album, vel musicum, sed filius, quia licet filius necessario debeat esse homo, & aliquando sit albus, vel musicus, etiam si hæc per impossibile ab eo removeantur, & sola filiatio remaneat, terminabit sufficienter relationem patris, & dicitur cum eo ad conuertentiam, non cum aliis: non enim dicimus patrem esse hominis patrem, aut albi, vel musici, quia isti sunt materiales, aut accidentales termini, sed esse filii patrem, quia filius est terminus per se, & formalis.

4 Ultima proprietas est, quod relatiua sint simul natura, ad quam duæ requiruntur conditiones, quarum primam tangit Aristoteles cap. præfati, secundam vero in post prædicamentis cap. 3. Prima igitur conditio est, quod vno existente in rerum natura, necesse sit existere aliud; & vno sublato, necesse etiam sit auferri aliud; ut posito patre necesse est poni filium, quocunque autem deficiente necesse est deficere aliud, saltem sub ratione relatiui: ut mortuo filio, etiam si permaneat homo, qui erat pater, iam non permanet in ratione patris. Sed hæc conditio non est sufficiens, quia homo, & risibile ita se habent, & non sunt simul natura, sed homo est natura prior. Alia igitur conditio est, quod vnum relatiuum non sit causa alterius secundum formalem rationem relatiui, licet secundum rationem materiale causam esse possit, ut pater in quantum homo est causa filii, non in quantum pater. His igitur duabus conditionibus concurrentibus,

ex-

Cap.7. de ad aliquid. quæst.1.

explicata manet proprietas hæc ,
quod relatiua sint simul natura.

- 5 Sed aduersus hanc definitionem antiquam proponit dubium Aristoteles, an conueniat substantiæ, aut secundum se, vel secundum suas partes. Et responder, quod substantiæ secundum se non potest conuenire, nã aqua non dicitur esse alicuius tanquam termini (licet possit esse alicuius possessoris) ergo substantia secundum se non est relatiua; sed partibus eius, vt brachio, vel capiti conueniri ait, quia caput alicuius hominis, vel animalis est caput, & etiam brachium. Ex hoc autem, quod substantiæ conueniat talis definitio saltem secundum partes, colligit Aristoteles non esse bonam, quia substantia omnino absoluta est, & prædicamentum constituit primo diuersum à prædicamento ad aliquid, quare vt substantia non potest esse relatiua.

Ideo in vltima parte capitis necessarium esse docet Aristoteles assignare aliam definitionem, quæ solum conueniat veris relatiuis. Assignat autem hanc: ad aliquid ea sunt, quorum totum suum est referri ad aliud: Vt totum esse patris est referri ad filium, & totum esse filii est referri ad patrem. Nihil ergo absolutum debent habere relatiua, vt relatiua, sed totum esse quod habent, est referri ad aliud.

- 6 Ex hac definitione colligit Aristoteles proprietatem relatiuorum esse, non solum, quod sint simul natura, sed etiam simul cognitione, & definitione, ita vt qui definite cognoscit vnum relatiuum, definite etiam cognoscat alterum, quasi dicat, qui cognoscit vnum relatiuum, necesse est simul cognoscat alterum, & qui propriam definitionem vnius scit designare, necesse est, vt sciat designare

definitionem alterius, vt si quis cognoscat patrem, necesse est eo ipso filium cognoscere; & qui scit definire patrem, necesse est, sciat etiam definire filium. Hæc Aristoteles in littera.

QVAESTIO I.

An ad aliquid, vel relatiuum constituat speciale prædicamentum.

DVobis modis considerare possumus prædicamenta accidentium, nempe secundum ordinem dignitatis, & secundum ordinem, quo inhaerent substantiæ, prius, aut posterius, magis, aut minus immediate. Et primam considerationem habuit Aristoteles in Metaphysica, vbi de eis agebat secundum proprias entitates, sed secundam in Dialectica, vbi modum potius quo prædicantur de substantia, & ei inhaerēt attendere debuit, & ideo in 5. Metaph. prius posuit prædicamentum qualitatis, quā ad aliquid, quia nobilior est qualitas, cum sit accidens absolutum, sed in Logica prius posuit relationem, quia prius inhaeret substantiæ quam qualitas, quod sic probatur. Nam quantitas est, quæ proxime inhaeret substantiæ corporeæ extendendo partes eius.

- 7 Sed post quantitatem statim sequitur relatio, quia antequam intelligatur habere qualitates, intelligitur magna, aut parua, dupla, ac dimidia, & æqualis alteri, ergo prius intelligitur relatiua, quam affecta qualitatibus: vnde prius relatio, quam qualitas affectat substantiam, non quidem prioritate temporis, sed rationis, quia cum in primo instanti tem-

poris

poris in quo genita est, habeat relationes & qualitates, prius intelligimus habere illas, quam has.

De relatione vero, quam per nomen ad aliquid intelligimus, primo inquirendum est, an sit speciale genus entis; quod non est aliud ac inquire, an sit ratio vniuersalissima transcendens prædicamenta omnia, vel specialis, quæ specialem modum, aut genus entis contineat, sicut quæritas, & qualitas.

Et fuit prima opinio antiquorum philosophorum, qui Zenonem secuti dixerunt ad aliquid esse permixtum vel inclusum in omnibus prædicamentis, & ideo non esse vnum speciale genus entis. Probatur hac ratione: quia relatio præsupponit necessario alia accidentia in subiecto, vt si sit relatio æqualitatis præsupponit quantitatem, & si relatio similitudinis qualitatem, & sic de cæteris accidentibus, quia inter omnia reperitur relatio: ergo in omnibus includitur, & omnibus permixta est, quare non potest esse speciale genus entis.

Secunda opinio fuit Platonis, à quo eam accepit Aristoteles, quod ad aliquid sit speciale genus entis. Et hæc est iam communis in schola, & omnino vera. Probatur hac ratione. Ens diuiditur in decem prædicamenta tantumquam in diuersos modos essendi, & accidens diuiditur in nouem tantumquam in diuersos modos afficiendi substantiam, sed relatio continet diuersum modum essendi, & afficiendi substantiam: ergo erit speciale genus entis. Probatur minor, quia esse relationis est ad aliud se habere, & substantiam afficit distincto modo, ac cætera accidentia, nam quæritas eam extendendo afficit, qualitas eam qualificando, relatio vero ordinando eam ad aliud, quæ modum nullum aliud accidentium ha-

bet: ergo tam modus essendi quam afficiendi substantiam specialis est, & distinctus à cæteris, quare speciale genus entis erit.

Vt autem veritas huius sententiæ intelligatur, & arguatur alterius melius solui possit, vnum est notandum, nempe relationem vniuersaliter sumptam in tria membra diuidi. Prima est vniuersalis respectus, & intrinsecus omnibus accidentibus, quo respiciunt subiectum vt ei inherere possunt. Alia est respectus quidam minus vniuersalis, qui includitur essentialiter non in omnibus, sed in quibusdam tantum specialibus accidentibus ab solutis, vt respectus, quem habitus, & scientiæ, atque etiam potentiæ dicunt ad obiectum, per quem respectum simul cum ratione absoluta per eum explicata distinguuntur specie. Postrema relatio est respectus non pertinet ad essentiam alicuius accidentis absoluti, nec ordinandam, in qua est ad aliud tantumquam ad subiectum, aut obiectum, vel quid simile, sed solum tantumquam ad terminum.

Et primum genus relationis dicitur transcendente, quia in omnibus accidentibus essentialiter includitur, & ideo non est speciale genus entis. Secundum vero vocatur relatio secundum dici, & pertinet reductione ad illa prædicamenta absoluta, in quorum ratione intrinseca clauditur, vt respectus scientiæ ad obiectum pertinet ad speciem habitus, & relatio potentiæ ad obiectum ad speciem naturalis potentiæ, reductiue quidem, quia aliquid sunt quasi complens essentiam harum specierum. Tertium genus relationis triplicem conditionem habet. Prima non conuenit omnibus accidentibus, sed quibusdam tantum, vt quantitati, qualitati, actioni, &

pæssio-

Cap. 7. de ad aliquid. quæst. 2.

passioni, in quibus fundatur, & non essentialiter, sed accidentaliter. Et in hoc distinguitur à primo, & secundo genere relationum, quia nec transcendit omnia prædicamenta accidentium, sicut primum, quamvis de multis eorum accidentaliter prædicatur: hoc enim non sufficit, ut ad prædicamenta eorum reducat, sed requiritur essentialis inclusio, alioqui omnia accidentia pertinerent ad prædicamentum substantiæ, cum de illa prædicentur accidentaliter. Nec pertinet ad aliquod prædicamentum absolutum, ut secundum; quia non est de essentia alicuius absoluti; unde sequitur specialem esse rationem eius ab omnibus distinctam, & hæc est secunda conditio eius. Tertia vero, quod eius essentiam habeat modum entis completi, & totius potentialis contrahibilis per differentias, ut questione sequenti explicabitur.

11 Ad argumentum igitur oppositæ sententiæ concessio antecedenti, distinguendum est consequens, quod in omnibus includatur, nam si de essentiali inclusionem intelligatur falsum est; si vero de accidentali, concedi potest, quod includatur in omni prædicamento aliquo modo, non tamen essentiali, sed accidentali: unde non sequitur, quod sit transcendens, aut quod pertineat ad plura prædicamenta, nam ad utrumque requiritur inclusio essentialis, ut per se est manifestum.

QVÆSTIO II.

An ad aliquid sit speciale genus entis realis.

Constituto iam in præcedenti questione, quod ad aliquid sit speciale genus entis, sequitur

disputandum in præsentia, an sit speciale genus entis realis, quod idem est, ac si quæretur, an detur relatio realis, quæ constituat speciale prædicamentum.

Est prima opinio, negans omnino relationem realem, & reale prædicamentum ad aliquid, tenensque per solam relationem rationis dictum tale quiddam ad aliud refertur, ut pater, & simile. Ita plures ex antiquioribus philosophis, quos citat commentator 12. lib. Metaphys. commentato 19. quos secuti sunt ex theologis, Henricus quodlib. 9. quæst. 3. Ocham in 1. d. quæst. 1. Aureolus apud Capricolum in 1. d. 3. q. 1. in argument. contra primam conclusionem, & ita tenent moderni quidam, quia putant nullam esse rationem convincentem, quod aliqua sit relatio realis ponenda in rebus.

12 Probatur testimonio Aristotelis 12. lib. Phys. texto 10. ubi affirmat, ad relationem non terminari per se motum: & probat, quia acquiritur sine mutatione subiecti: ut si novo albo cōpluri existente fiat aliud Rem, incipit primum album esse simile sine nova sui mutatione, per solam mutationem alterius, in quo de novo producitur Roma albedo. Ex quo tale argument. colligitur. Aliquid sit relativum sine reali mutatione sui; ergo sine aliqua entitate reali nova in se recepta; ergo relatio non est entitas realis. Probatur evidenter ultima consequentia, quia si esset entitas realis, cum de novo acquiratur, non fieret aliquid de novo relativum sine nova entitate in se recepta, nec sine reali mutatione sui, quia repugnat aliquid recipere de novo in se entitatem realem sine sui mutatione.

Probatur deinde ratione. Primo, quia ens reale adæquate dividitur in sub-

substantiam, & accidens: sed relatio non est substantia, neque accidens; ergo non est ens reale. Probatum minor, quod non sit accidens: (nā quod relatio non sit substantia euidēs est) de intrinseca ratione accidentis realis est inhærere subiecto, si non actui, saltem aptitudinæ, sed relatio non inhæret subiecto villo modo: ergo non est accidens. Minorem probō, quia proprius cōceptus relationis est esse rationem referendi aliud ad terminum; ergo relatio vt relatio non respiciit subiectum, sed terminū, nec potest inhærere, quare non erit accidens.

13 Secundo, si relatio esset speciale prædicamentum, ex propria natura esset accidens reale, cum constet non esse substantiam, quare nec posset esse substantia, neque ens rationis, sed aliquando est substantia, & aliquando ens rationis; ergo non erit speciale prædicamentum. Probatum minor, quia in personis diuinis sunt relationes reales paternitatis, filiationis, & spirationis seu processionis; & non sunt accidentia, quia accidens repugnat Deo; sed sunt relationes substantiales; ergo relatio potest esse substantia. Deinde relatio generis ad speciem, & speciei ad individua est vera relatio, cum totum esse generis sit ad speciem, & totum esse speciei ad individua; & non est accidens reale, sed rationis. Vt vidimus in prædicabilibus; ergo vera relatio potest esse ens rationis, & ideo non erit ex se speciale genus entis realis.

Tertio, quia relatio non est aliud, quam comparatio duorum extremorum, vt similitudo comparatio duorum alborum eiusdem gradus: sed comparatio est opus rationis, quam facit intellectus, postquam naturam vtriusque cognouit; ergo non erit ens reale, sed rationis.

Secunda opinio est totius scholæ, quæ cum Aristotele ponit speciale prædicamentum relationis realis, sub nomine prædicamenti ad aliquid. Et hæc est vera, & tenenda, quæ (nisi ego fallor) efficaciter probari potest, his rationibus, non quidem ex doctrina Aristotelis deductis, quam in hac parte non recipiunt aduerarii, sed ex ipsa natura rerum, & ex fide Catholica.

14 Prima ratio in natura rerum fundatur hoc modo. Ex natura rei, & ante operationem intellectus magis assimilatur vnus homo alteri homini, quam equo vel leoni, & etiam vnum album alteri eiusdem gradus magis, quam ei, quod non habet tam intensam albedinem, sed simile non dicitur tale respectu sui, sed alterius; ergo si naturaliter est alteri simile, naturaliter ordinatur ad alterum; & naturalis ordinatio est realis, ergo vnum ad alterum ordinatur ex natura rei, & ordinatione reali; & ordinatio realis est relatio realis; ergo datur in rebus relationes reales. Et confirmari potest ex creatione, nam anima rationalis ex eo quod creatur à Deo vocatur, & est creatura, sed creatura non dicitur ad se, sed ad aliud; ergo refertur realiter ad creatorē, dabiturque in ea relatio realis.

15 Secunda ratio deducitur ex fide catholica, secundum quam in personis diuinis ponuntur relationes reales paternitatis, filiationis, & spirationis, sed vna persona diuina refertur realiter ad aliam, quia procedit ab ea, aut quia est principium, à quo alia procedit, vt filius ad patrem, quia procedit ab eo per naturalem generationem, & in creaturis vnus homo procedit ab alio per naturalem generationem, vt genitus à generante; ergo iste erit filius, & ille

T pater

Cap. 7. de ad aliquid. quæst. 2.

pater per veras relationes reales.

16 Sed, vt natura relationis melius intelligatur, & argumenta facilius solui possint, notandum est illud, quod D. Thom. asserit 1. p. q. 28. arti. 1. nempe quodlibet prædicamentum duplicem cōceptum habere; communem, in quo omnia conueniunt saltem analogice; & particularem, per quem distinguantur. Communis cōceptus est esse in subiecto actu, vel aptitudine, in quo conuenit relatio cum accedentibus absolutis: cōceptus vero particularis, & proprius non sumitur eodem modo in absolutis, & relatione, sed in illis per modos speciales inhærendi in subiecto, & ideo absoluta vocantur, quia subiectum afficiunt, vt in se est. Vt cōceptus particularis quantitatis est inhære subiecti extendendo partes eius: qualitatis vero qualificando eam, sicque de cæteris; sed particularis cōceptus, & proprius relationis non sumitur per ordinem ad subiectum, sed ad terminum, ad quem refert subiectum, vt cōceptus proprius paternitatis per ordinem ad filium tanquam ad terminum: vnde accidentia absoluta his duobus cōceptibus complentur, nempe inhærendi subiecto, & tali modo inhærendi; relatio vero duobus aliis. Primo quidem inhærendi subiecto, & ideo communi cum absolutis: & secundo, ordinando illud ad terminum, ideo dici solet habere duplicem cōceptum, vnum, qui dicitur esse, in, alium qui dicitur esse, ad,

17 Testimonium Aristotelis hac distinctione explicandum est, mutatio duplex est, vna propria, & per se talis, à naturaque intenta, quæ procedit à principio intrinseco rei, per quam mouetur corpus ad recipiendum in se aliquam perfectionem absolutam, vt materia ad recipiendam

formam substantialem, vel corpus ad recipiendam accidentalem. Alia communis, impropria, & per accidens, quæ non procedit à principio intrinseco rei, nec per se primo intenditur à natura, sed quasi per accedens sequitur. Et per primum genus mutationis non potest acquiri, aut fieri relatio, quia natura non intendit per se relationem, cum non sit perfectio absoluta rei, sed sequitur quasi per accedens in vitro quæ extremo ad acquisitionem aliquius forme absolutæ, atque per se intentæ in eis, vel saltem in aliquo eorum. Vt in exemplo adducto in arg. de albo Romæ facti de nouo, ex cuius mutatione intrinseca mutatur extrinseco aliud album, quod Compluti erat. Bene ergo Aristoteles asserit, ad relationem non terminari per se mutationem, aut motum proprium, & per se, sed acquiri sine illa, non tamen vult, quod sine impropria saltem, & communi acquiratur, cum verum sit ac necessariū, vt subiectum quomodocumque acquirat de nouo relationem realem aliter se habere nunc, & prius, quæ est definitio communis, & improprie mutationis, satis est autem per impropriam mutationem acquiri, vt sit ens reale.

Ad primum argumētum negandum est, 18 relationem non esse accedens, & dū dicitur secundum propriū cōceptū non inhære, distinguendū est; nam si sensus sit, quod proprius cōceptus relationis non sit inhærendū, sed referendi ad terminum, verum est. Et si rursus dicatur secundum hunc cōceptū propriū, qui est, ad, non esse accedens, concedendū est, quia non est accedens, nisi secundū cōceptū cōmunē inhærendi, sed est tale accedens, sicut quodlibet aliud prædicamentū secundū propriū cōceptū non est accedens, sed secundū cōmunem inhærendi.

rendi, in quo cōueniunt omnia. Et si tandē dicatur, communē conceptum inhæredī esse transcēdentalē, & ideo inclusū necessariū in cōceptibus particularibus prædicamentorū, quia si illū non includūt, non erunt cōceptus accidentium, nec proinde reales. Respondeo necessariū illū includere propter transcendentīā, sicut necessariū includūt conceptū entis, cum tamē nō exprimere, aut nō expresse significare, sed quasi implicite, aut confuse, quemadmodū rationale includit cōceptū entis, sed nō exprimit, quia expresse non significat, nisi gradum naturę rationalis, in quo tamen cum includatur ens, dicitur cōceptū entis implicite, aut confuse significare, nō distincte, aut expresse, itaq; cōceptus proprius relationis, per quē distinguitur relatio ab accidentibus absolutis, non exprimit, nisi modum referēdi ad terminū, sed quia est cōceptus formę realis inhærentis, & referētis subiectum, quod constituit ad terminū, etiā includit implicite esse, in, sicut includit conceptum entis.

19 Ratio autē, ob quā non exprimit, est, quia nomen relationis nō est impositum ad significandū conceptū inherēdi, sed conceptū referēdis, in quo tamen implicite includitur idē conceptus inherēdi.

Ad secūdū, distinguendū est antecedens, nā relatio duobus modis accipitur, primo cōmonissime, prout solū dicit rationē referēdi ad terminū abstractādo à ratione reali, vel rationis, imo à ratione substantiāli, vel accidentali, & hoc modo nō efficit prædicamentū reale, quia nō determinat rationem accidentis realis. Secūdo sumitur specialiori modo pro ratione referēdi reali, & accidentali, in qua accēptione constituit tertium prædicamentū, a quo excludūtur in primis relatio-

nes rationis, quia non sunt reales, & ad quod non pertinet relationes substantiales, aut diuine, quia diuina propter sui excellētiam, & immēsitatē, non limitantur ad ordinē prædicamentalem.

Ad tertium cōcessa maiori distinguēda est minor, quia duobus modis cōparantur aliqua: primo ex natura rei, quia rationes naturales eorū nō sunt tales absolute, sed ad alterū, vt sunt similia, aut equalia, & talis cōparatio non est opus intellectus, sed sine dependentia ab eo reperitur in natura aliquarū rerū. Alia est cōparatio, quā nō habēt res ex propria natura, quia non sunt distinctę, aut cū sint absolute, concipiūtur in ordine ad aliud; & talis cōparatio est opus rationis. Primā igitur cōparationem includūt relationes reales, aliāvero relationes rationis, & ideo prima cōparatio tanquam realis pertinet ad hoc prædicamentū, secunda vero tanquā non realis excluditur ab eo.

QVAESTIO III.

Quodnā sit supremum genus prædicamentū ad aliquid.

21 **S**pecialis est ratio inquirendi de supremo genere huius prædicamentū. Quia hoc arg. videtur probari, nullū posse habere, & ideo nec ordinationē prædicamentālē ex relationis fieri posse, quia intrinseca ratio relationis est ordinari ad terminū; ergo siue ponatur pro supremo genere relatiuū in cōmuni, vel ad aliquid, ordinabitur ad terminū, & tunc vel ad terminū inferiorem, vel superiorem, vel æqualē; non ad superiorem, neq; inferiorem propter duo. Primum, quia relatio realis debet esse inter extrema realia, & realiter distincta, vt inferius probabitur: superius autem, &

T 2 infe-

Cap. 7. de ad aliquid quæst. 3.

inferius sunt prædicata solum ratione distincta, vt est manifestum; ergo non potest inter illa dari relatio realis. Secundum, quia relatiua sunt simul natura, superius vero prius natura est inferiori, vt docet Aristoteles in post prædicamentis; ergo inter illa non potest esse relatio realis. Quare relatiuum in communi ad terminum sibi æqualem ordinabitur, & realiter à se distinctum. Vnde sequitur aut duo esse suprema genera huius prædicamenti, aut nullum. Probatur consequentia, quia neutrum ponitur sub altero, sed duo esse repugnat, sicut in eodem corpore duo capita, alioqui duo essent prædicamenta ad aliquid; ergo nullum habebit supremum genus.

22 Propter hoc argu diuisi sunt auctores. Et prima opinio tenet supremum genus huius prædicamenti proprie loquendo non esse relatiuum in concreto, vel ad aliquid, sed relationem in abstracto, quæ est ratio referendi ad aliud, & hoc modo videntur difficultatem argumenti effugere, quia relatio nõ refertur ad aliud, sed est ratio referendi; ideo non colligitur esse duo genera suprema. Ita Fonseca 5. Meta. cap. 25. quæst. 6. sect. 2. & 3. quod ratione vniuersali probat, quia abstracta accidentium potius, quam concreta in prædicamento collocantur; cum significetur tamquam entia per se; concreta vero tamquam entia per accidens. Hæc tamen sententia non potest satisfacere argumentum, quia licet verum esset, abstracta magis proprie in prædicamento collocari, sed quod etiam concreta aliquo modo collocantur, necessario concedendum est, & concedit hæc sententia, quo supposito nõ soluit arg.

Secunda opinio, ad aliquid, aut relatiuum dicit esse supremum genus,

potius quam relationem, ita Albertus Magnus tracta. de prædicamento ad aliquid cap. 2. & 10. Scotus in 1. d. 21. q. vnica. Et tunc ad argu. respondet, supremum genus prædicamenti esse ad aliquid, vel relatiuum in communi, prout dicit conceptum abstractum, in quo conueniunt omnia relatiua. Et hoc modo sumptum nõ refertur per se ad alterum, sed per inferiora relatiua: in quibus exercetur actus referendi, vt per paternitatem, & filiationem, per simile, & dissimile; ipsum vero solum dicit rationem communem eorum, quæ referuntur, & ita vnicum est supremum genus in concreto habens sub se inferiora genera, & species, in quibus habet exercitium referendi.

Sed hæc sententia falsa probatur duplici argumento. Primo, conceptus communis abstractus ab inferioribus debet continere rationem essentialem inferiorum, vt conceptus hominis abstractus à Petro, & Joanne rationem essentialem hominis: sed ratio essentialis quorumcunque relatiuorum particularium est referri ad terminum; ergo hanc debet continere conceptus communis relatiui abstractus à particularibus: vnde sequitur relatiuum in communi referri ad terminum in communi, sicut relatiuum in particulari refertur ad terminum in particulari, vel non esse conceptum relatiui abstractum à particularibus.

Secundo, qui vult definire patrem in communi, non potest, nisi per communem etiam terminum eum definire, videlicet per genitum in communi, aut per filium in communi, ergo pater in communi refertur ad filium in communi, sicut hic pater ad hunc filium; & consequenter relatiuum in communi ad terminum in communi.

Quod

24 Quod vero dicitur exercitium referendi solum habere relationem in singularibus, falsum est, & ex ignorantia procedere videtur, quia exercitium relationis non consistit in aliqua efficientia, neque in actu aliquo ipsius relationis, quem in singularibus habeat, & non in conceptu communi considerata, sed solum est ordinatio naturalis unius ad alterum eodem modo se habens semper, ergo non solum in singularibus exercetur, sed etiam in universalibus. Hæc solum differentia esse potest, quod in singularibus exercetur secundum actualem existentiam in eis, in universalibus vero considerata abstrahit ab existentia, & solum in hoc sensu vera esse potest distinctio relationis à quibusdam assignata in relatione, ut conceptam, & ut exercitam, quasi dicatur relationem, ut actu existentem inter singularia exerceri, quod non habet in universalibus, sed conceptum tantum eiusdem exercitii. Et si aliquid aliud velit eadem sententia, vel eadem distinctio, non est admitenda.

25 Ideo tertia opinio tenet, supremum genus huius prædicamenti in abstracto esse relationem in communi, & in concreto relatum, vel ad aliquid etiam in communi. Hanc tenet Tolemus quæst. 2. huius prædicamenti, & est probabilior, & sequenda. Probaturque ex communi modo concipiendi, & loquendi de aliis prædicamentis accidentium, quæ, ut in ante prædicamenti probauimus, utroque modo sumi possunt, in concreto, & in abstracto, & utroque modo accipiuntur in diuersis locis ab Aristotele. nec excludi potest omnino concretum à prædicamento, nec etià abstractum.

Pro solutione autem argumenti notandum primo, diuersam esse ra-

tionem formalem relatiui, & terminatiui; nam ratio formalis relatiui est referri ad terminum; ratio vero formalis termini non est referri ad aliud, sed terminare relationem alterius: terminare vero non est aliud, quam esse id ad quod relatiui ordinatur, & hoc non videtur ponere aliquid in re quæ terminat, sed est quasi denominatio extrinseca, sicut visum esse in pariete, aut quid simile.

Secundo notandum, quod licet diuersæ sint opiniones circa terminum relationis, an sit absolutus, vel relatiuus, certum tamen est quod in relationibus tertii generis, quæ sunt mensurabilis, & mensuræ, terminus non est relatiuus, sed absolutus; nam mensura absolutum quid est; non dependens à mensurabili. Gratia exempli, scientia sub ratione mensurabilis per suum obiectum refertur ad illud relatione tertii generis, quam relationem terminat obiectum sub ratione mensuræ: obiectum vero non dependet à scientia, licet hæc dependeat ab obiecto, & ideo scientia dicitur mensurabilis per veram relationem, sed obiectum non dicitur mensura per relationem propriam, aut intrinsecam, sed per solam denominationem extrinsecam mensurabilis existentis in scientia: & ideo dixit Aristoteles obiectum non dici mensuram, quia referatur ad mensurabile, sed quia mensurabile refertur ad ipsum tanquam ad absolutum quid. Unde sequitur quod vel omnis terminus relationis absolutus est, vel aliquis saltem, quod sufficit, ut dicamus terminum relationis in communi consideratum, vel esse absolutum, vel abstrahere ab absoluto, & relatiui, quia in quibusdam relationibus absolutus est, & in aliis relatiuus.

Et ex hoc non est difficile respon-

T 3 dere

Cap.7. de ad aliquid. quæst. 4:

dere ad formam argumen. conceden-
do primam consequentiam, quod re-
latiuum in communi, aut ad aliquid
in communi sit supremum genus hu-
ius prædicamenti, & etiam, quod re-
feratur ad terminum in communi, nõ
inferiorem, nec superiorem, sed æqua-
lem sibi. Negando tamen secundam
consequentiam, quod duo sint supre-
ma genera, quia terminus in commu-
ni sub ratione formali termini non
est relatiuum, sed abstrahit ab abso-
luto, & relatiuo, & solum dicit quan-
dam denominationem extrinsecam
terminandi, non prædicamentale, sed
quæ reduci potest ad idẽ prædicamẽ-
tum, quod constituit relatiuum in cõ-
muni tanquam supremum genus, cu-
ius terminus ipse est. Itaq; terminus
in communi nõ potest esse supremũ
genus prædicamenti, quia non est for-
maliter relatiuum, imo nec ad prædi-
camentum per se pertinere, sed so-
lum reduci ad idem prædicamentum
ad aliquid, in quantum aliquo modo
pertinet ad relatiuum in communi
constituens per se hoc prædicamen-
tum.

QVAESTIO IIII.

*An definitio relatiuorum tradita ab
Aristotele ex propria senten-
tia sit bona.*

28 **D**efinitio his verbis continetur
in textu. *Ad aliquid sunt, quibus
hoc ipsum est esse ad aliquid quodam
modo se habere.* Cuius sensus est, relati-
ua sunt, quorum totum suum esse est
ad terminum referri. His autem ar-
gumentis probari potest non esse bo-
nam. Primo, quia relatio duo respi-
cit, nempe subiectum, cui inhæret, &
tale denominat formaliter, & etiam
terminum, ad quem refertur; ergo du-

plicem habebit rationem formalem,
vnam, secundũ quã respicit subiectũ,
& ei inhæret, aliam secundum quam
respicit terminum, & ad eum refert.
Ex quo infero totum esse relationis
non esse ad terminum referre, aut or-
dinare, sed aliquid habere absolutũ,
quatenus respicit subiectum, & ei in-
hæret. Et ideo falsum esse, quod in
definitione dicitur, relatiuũ esse, cu-
ius totũ suũ esse est referri ad aliud.
Probatur consequentia, quia relatiuũ
dicitur tale à relatione, sed totũ esse
relationis non est referre ad termi-
num; ergo nec totũ esse relatiui erit
referri ad terminum.

Et confirmari potest, quia hæc de-
finitio æque conuenit relatiuis ratio-
nis, & realibus, imo relatiuis diuinis,
& creatis: de quibus iam diximus
non collocari in prædicamẽto; ergo
non est bona. Probatur antecedens,
quia commune est omnibus, quod to-
tum suũ esse sit referri ad terminũ;
non enim minus verum est totũ esse
speciei esse ordinari ad genus, & to-
tũ esse Patris æterni ordinari ad filiũ,
quã totũ esse similis ad aliud simile.

Secundo, verba in definitione non
dicunt actum, sed aptitudinẽ, sed de
finitio hæc non potest dicere solam
aptitudinem referendi sed etia actũ;
ergo non est bona. Probatur minor,
quia relatiuum non est, quod potest
referri, sed quod actu refertur, alio-
qui illud, quod non habet relationẽ,
ex eo solum, quod potest eã habere
esset relatiuum, quia sicut potest eã
habere, potest etiam referri, quod pa-
ter esse falsum.

Ut definitio intelligatur, notãdum
est, Aristotelẽ, prius quã singula præ-
dicamenta proponeret, tradidisse vni-
uersalẽ diuisionẽ entis realis in decẽ
prædicamẽta, & cõsequenter diuio-
nẽ accidentis in nouẽ. Vnde sequitur

cx.

ex mente illius sub intelligendū esse ens reale in explicatione substantiæ: ita ut dicamus, substantia est ens reale per se, & in explicationibus prædicamentorum accidentiū accidēs reale, & ita definitio relatiuorū sic debet assignari. *Ad aliquid sunt accidentia realia, quorū totum suum esse est ad aliud referri.* Et per primā particulā excludūtur relationes diuine, quæ nō sunt accidentia; per secundā relationes rationis, quæ nō sunt accidentia realia per ceteras vero excluduntur relationes secundū dici, & transcendētales, quia non sunt rationes referēdi ad terminum, sed ad subiectū, aut obiectum, vel quid simile, relatiua vero huius prædicamenti ad aliud ordinātur tā quā ad purū terminū, de quo illā particulam ad aliud intellexit Aristoteles secundum communem expositionem omnium interpretum.

30 Conclusio igitur nostra est, definitionē Arist. ita explicatā esse bonū, quod probatur ex cōmuni consensu totius scholæ eā recipientis, & etiā ratione. Nā bona definitio est, quæ explicat naturā definiti, & illud distinguit à ceteris, sed hoc efficit præfens definitio relatiuorū, ut cōstat ex tradita expositione eius; ergo est bona.

Ad primū arg. respondent quidam, relationē duplicem cōceptū habere cōmunem cū ceteris accidentibus, qui est inhærentiæ in subiecto, actū, vel aptitudine, & vocatur esse, in, & particularē, per quē distinguitur ab eis, qui est referre ad terminum, & vocatur esse, ad, & ratione primi cōcept⁹ cōcedūt relationē respicere subiectū sicut cetera accidentia, sed ratione particularis nō respicere subiectum, sed terminū, & ideo totū esse relationis, ut relationis esse ad terminū, non relationis, ut accidentis. Et posset probari hic modus dicendi ex D. Th. 1. p.

q. 28. ar. 1. ubi aduersus Gilbertū quēdam (qui asserbat, relationem nihil ponere in subiecto, aut relatio, & ideo nō esse inhærentē in eo, sed quasi extrinsecus assistentē) docet relationem secundū communē conceptū inhærendi in subiecto, aliquid ponere in relatio, & ratione huius inhærentē esse. Sed secundū cōceptū propriū relationis nihil ponere in eo, sed solū esse rationē referendi ad aliud.

Hæc tamē solutio falsa est, & eidē doctōri sancto contraria. Probo primū, quia relatio secundū propriū cōceptū, ad, est forma relatiua, & cōstituit subiectū formaliter relatiuum, ut paternitas sub proprio conceptu paternitatis est forma relatiua, & cōstituit hominē in ratione formali, & intrinseca patris; ergo secundū propriū conceptū ponit aliquid reale, & intrinsecū in subiecto, aut relatio. Euidens est consequentia, sed probatur antecedens, quia denominatio patris, aut similis, & quæcūq; alia relatiua nō est extrinseca, sed formalis, sicut denominatio albi, aut calidi; ergo ponit effectū formalem in subiecto, effectus autem formalis cuiuslibet realis formæ, realis esse debet, ergo necesse est, aliquid reale in subiecto ponere.

Secundo, quia si relatio secundum esse, ad, nihil ponit in subiecto, aut relatio, ergo secundū hunc conceptū non est aliquid reale. Probatur cōsequētia, quia omne ens reale, aut est substantia, aut accidēs; ergo aut estens per se, aut in alio: Sed relatio secundū esse, ad, nō est ens per se; cū nō sit substantia, nec in alio, cū nō ponat aliquid in subiecto; ergo nō erit aliquid reale, nec efficiet prædicamentū reale.

Pro vera igitur solutione argum. 32. notandum est, relationem realem, secundum utrumque conceptum, in, &

T 4 ad,

Cap. 7. de ad aliquid. quæst. 4:

ad, aliquid ponere in subiecto, diuer-
sa tamen ratione, nam secundum esse,
in, ponit aliquam rationem communem,
& abstrahentem à particularibus prædicamentorum, (eo modo,
quo superius diximus analogum abstrahi ab analogatis) sed secundum
esse, ad, ponit rationem propriam relationis,
distinctam à particularibus, quas ponunt cætera prædicamenta.
Vt relatio paternitatis ponit rationem
realem patris in homine, sed hæc ratio
licet ponatur in subiecto, pure relationis
est, quia sic ponitur in subiecto,
ut per illam non sit tale ad se,
sed solum ad aliud, nempe ad terminum,
cætera vero prædicamenta ita
ponunt aliquid in subiecto secundum
proprius conceptus, ut per illam rationem
propriam ad se sit subiectum,
& non referatur ad aliud. Gratia exempli,
quantitas secundum proprium
conceptum ponit extensionem partem
in subiecto, per quam in se, &
ad se dicitur extensum; sed paternitas
ita ponit rationem realem patris
in homine, ut per illam non sit tale
ad se, sed ad filium, sicque de cæteris
relationibus.

Et hoc modo intelligi debet D.
Thom. dum in citato loco asserit, relationem
secundum esse, in, ponere aliquid in subiecto,
sed secundum esse, ad, nihil ponere speciale,
per quod sit tale ad se, sicut ponunt cætera prædicamenta,
sed pure, & omnino ad aliud.
Quem sensum clarissime posuit alio loco,
per quem hunc explicamus, nempe in 1. lib. sentent. d. 8. q. 4. art. 3
ad 4. ubi ita ait. *Debilis est effectus
relationis consideratur secundum inhaerentiam
suis ad subiectum, quia non ponit aliquid
absolutum in subiecto, sed tantum per
respectum ad aliud.*

33 Si autem aliquis dicat, iam ergo
relatio non solum secundum concep-

tum commune accidentis inhaerere
subiecto, sed etiam secundum proprium,
& ultimum relationis, qui vocatur
esse, ad, aduersus illud, quod ex
D. Thom. adduximus quæstione præcedenti,
videlicet conceptum proprium
relationis non sumi in ordine
ad subiectum, sicut sumuntur conceptus
proprii accidentium absolutorum,
sed in ordine ad terminum. Præterea
habebit relatio duos conceptus, qui
vocentur, in; vnum commune cum
accidentibus absolutis, & alium sibi
proprium. Probatur consequentia, quia
tam secundum communem rationem,
quam secundum particularem ponit
aliquid in subiecto; ergo secundum
utramque ei inhaeret, & in eo est.

Respondeo ad primum, secundum
utrumque conceptum inhaerere subiecto,
diuersa tamen ratione, nam secundum
communem inhaeret inhaerentia
communi cum cæteris, & abstrahente
ab inhaerentia absoluta, & respectiva,
sed secundum conceptum proprium
inheret inhaerentia pure relationis,
quod est inhaerere referendo ad
aliud. Quod vero D. Tho. dixit
proprium conceptum relationis non sumi
in ordine ad subiectum, ut in accidentibus
absolutis, verissimum est: sic autem
intelligendum, ut non sumatur
in ordine ad subiectum, ut in se,
& ad se est, sed ut refertur ad aliud
per eandem rationem relationis in eo
positam. In quo valde difert ratio
propria relationis à rationibus particularibus
accidentium absolutorum, quæ sumuntur
in ordine ad subiectum, ut est in se,
& ad se, non ut est ad aliud per
tales rationes.

Ad aliud vero respondeo, relationem
habere esse, in, commune cum cæteris
accidentibus, & esse, in, particulare
per quod subiectum refert ad terminum,
& per hoc esse, in, particulare
de-

determinatur aliud, in, cōmune, & fit vna ratio prædicamētalis ex vtroque, quia ex determinante per se, & determinabili per se semper fit vnū per se, sicut quodlibet accidens absolutum habet esse, in, cōmune, & particulare, & ex vtroque efficitur vnū.

Ad formam igitur primi arg. cōcedendum est primum enthymema, quo probatur relationem habere duplicem conceptam; vnam, quo respicit subiectum; aliam, quo respicit terminum. Negandum tamen est, quod infertur, totam esse relationis, & relationi non esse ad terminum, quia illud esse, quod habet in subiecto, si consideretur in communi, abstrahit ab absolute, & relatione, & contrahitur per esse ad terminum, & per talem contractionem ordinatur ad illam, & fit relatiuum; si vero consideretur in particulari, est esse propriū relationis, & ideo est esse relatiuum: vnde sequitur relatiuum esse, quidquid habet relatio, & quidquid habet relatiuum; & hoc est totum esse relationis, & relatiui esse ad aliud, vt dicitur in definitione Arist. Ad cōfirmationem responsum est per explicationem definitionis.

35 Circa solutionem secundi argum. aliqui distinguūt relatum, & relatiuū, dicētes relatiuū dicere potentiā ad referendū; relatiuū vero actuale exercitium referendi, & in definitione potius explicari ad aliquid, vt relatum, quam vt relatiuum. Hæc tamē distinctio non habet fundamentum, quia vt superius probauimus, exercitium referendi, vel actus referendi non est aliud, quam naturalis ipsa ordinatio vnius relatiui ad aliud, quæ semper eodē modo se habet, & semper est actualis, & semper exercetur inter relatiua, quod necessario dicendum est, nam eo ipso, quod vnum re-

latiuum non referatur actu, vel in exercitio ad aliud, non habebit actu in se relationem, nec erit relatiuum formaliter, & eo ipso, quod habet in se relationem, non potest non referri actu, & secundum exercitium. Idē ergo prorsus sunt secundum rem, & secundum rationem relatum, & relatiuum, sed illud magis distincte explicat actum referendi, quem etiam minus distincte dicit aliud, ideo in definitione Arist. pro vtroque sumitur nomen, ad aliquid, & actum referendi dicit, non potentiam.

Ad arg. ergo respondetur distinguendo illud axioma, quod verba in 36 definitione non dicunt actum, sed aptitudinem; nam res, quæ definiuntur sunt in duplici differentia: quædam quarum ratio, vel essentia in aptitudine, vel potentia consistit, & istæ, licet definiuntur per verba significantis actum, non pro actu, sed pro potentia accipiuntur in definitione: & ratio huius est, quia actus in his non potest esse essentialis, & ideo nō bene definiuntur per actū. Aliæ sunt, quarum ratio, vel essentia non consistit in aptitudine, sed in actu, & in definitione harum non possunt verba accipi pro aptitudine, quia si ita accipiantur, non explicabunt naturā definiti, sed pro actu debent accipi, vt rationem eius explicant. Vt si definitur quantum pro eo, quod habet partem extra partem secundum extensionem molis, non possunt verba huius definitionis dicere aptitudinē, sed actum, quia ratio extensionis in actu consistit, non in aptitudine, sicque de cæteris. Et ita se habet relatiuū, cuius ratio in actuali ordinatione, & relatione consistit, ideo verba definitionis eius pro actu, & non pro aptitudine accipiuntur,

T 5 QVAE.

Cap. 7. de ad aliquid. quæst. 5.

QV AESTIO V.

Vtr. Omnes relationes pertinent ad hoc prædicamentum.

37

TAnquam certum præsupponendum est, nec Diuinas relationes, nec etiã relationes rationis collocari in hoc prædicamento, quia vt in præcedenti quæst. probauimus, prædicamentum ad aliquid est membrũ quoddam generalis diuisionis accidẽtis realis in nouem prædicamenta, & ideo relationum, quod est supremum genus, est accidens reale, atque finitum, quare nec relationes Diuinæ cũ sint substantiales, & infinitæ, possunt pertinere ad hoc prædicamentum, nec relationes rationis, quia nõ sunt accidentia realia.

Solum ergo procedit quæst. de relationibus realibus creaturarum, an omnes ponantur in hoc prædicamento, sed non distinguuntur ab omnibus eodẽ modo, nam quidã asserunt esse in triplici differẽtia; quãdã sunt trãscendentales, quæ in rebus diuersorũ prædicamentorũ reperiuntur, eisque essentialiter cõueniunt quasi cõplemẽtũ essentia; tales sunt respectus inclusi in essentia cuiuslibet accidentis, per quẽ ordinatur ad subiectũ, cui in hærare aptum est. Aliæ sunt relationes, quæ non omnibus accidẽtibus vniuersaliter conueniunt, sed quibusdã tantũ, in quorum essentia etiã includuntur, vt respectus, quem dicunt habitus, potentia; & scientia; ad propria obiecta, & istæ vocantur relationes secundum dici. Alię denique sunt relationes, quæ nulli conueniunt essentialiter, sed accidentaliter conueniunt multis, & dicuntur relationes secundum esse, vt paternitas, similitudo, & æqualitas; alii vero solũ has vltimas relationes admittunt, &

nullam prorsus, quæ ad essentiã alicuius absoluti pertineant. Sic videtur sentire Scotus in 4. d. 12. quæst. vnica. Probantque non esse admittendas. Primo, quia quidquid pertinet ad essentiã substantia; est substantia, & quidquid pertinet ad essentiã quantitatis est quantitas; ergo si relationes reales dantur, quæ pertineant ad essentiã omnium rerum absolutarũ, erunt res absolutæ, vt in substantia erunt substantia; inquantitate quantitas, & in qualitate qualitas. Et si ad essentiã aliarum rerum tantum pertineat, vt ad essentiã habitus, aut potentia; erunt etiam potentia; & habitus. Hæc autẽ falsa sunt, ideo falsum erit tales relationes ponere.

Probatur secũdo, quia si intra essentiã absolutorum admittantur relationes istæ, aliud absurdum erit cõcedendum, nempe, quod tales essentia; componantur ex entitate absoluta, & relatiua diuersis non solum specie, sed genere.

Alii denique, præter relationes accidentales, vel secundum esse admittunt intra essentiã absolutorum trãscendentales, non tamẽ relationes secundũ dici, nisi solo nomine: nam habitus, inquirunt, potentia, & scientia pure absoluta sunt, nec dicunt respectum realem ad obiecta, sed absolutã proportionem cum eis; quam proportionem non possumus intelligere, nec explicare, nisi per quendam respectum, quem intellectus concipit in eis, & ideo de eis loquitur, quasi de respectiuis: cum tamen non sint vere respectiua, sed absoluta, lii et in communi modo loquendi respectiua dicantur, & propterea appellantur relatiua secundum dici.

Vltimus modus dicendi concedit, præter relationes secundũ esse trãscendentales, & secundũ dici, & vtr. scq.

39

38

pertinere ad essentiam absolutorū, sed eas ita confundit, vt omnes esse appellandas transcendentales asserat, & ita relationem realem creatam in duo tantum membra diuidendā esse, nempe in transcendentalem, & prædicamentalem; ita vt sub primo membro, tam respectus, qui omnibus prædicamentis absolutis essentialiter cōueniunt, quam qui aliquibz tantum comprehendantur. Sub secundo vero solum relationes accidentales, quæ vocantur secundum esse, & pertinent ad hoc prædicamentum.

40 Nostra sententia tribus cōclusionibus explicatur. Prima est, necesse est ponere respectus quosdam reales pertinentes ad essentiam accidentiū absolutorum, vt respectus quem includit inhærentia aptitudinalis eorū ad subiectum, & habitus, & potentia ad obiectum, & respectus isti diminutæ quædam relationes sunt complentes essentiam absolutorum. Hanc cōclusionem tenet D. Tho. 1. par. q. 131. art. 7. ad 1. & quæst. 28. art. 1. Caiet. in opus. de ente, & essentia, cap. 7. quæst. 15. Et probatur testimonio Arist. 2. lib. de Anima, textu 33. vbi docet essentiam specificam potētiarum ab actibus, & obiectis sumendā esse, quod non potest esse verum, nisi respectum essentialem ad obiectum includant. Nam euident est nō sic accipiendam esse essentiam specificam potētia ad obiecto, vt obiectum sit de essentia eius: cum sit semper res diuersa ab ea; ergo necesse est sumi per respectum eiusdem potētia ad obiectum, & ideo talē respectum esse ei-essentialem. Probatur consequentia, quia si nec obiectum, nec respectus ad ipsum est de essentia potētiarum, nullo modo accipietur species earum ab obiectis.

Probatur deinde ratione, quia accidentia nō sunt entia simpliciter, sed 41 entis entia, hoc est, aliquid substantiæ, ad quam intrinsecam attributionem dicunt: sed talis attributio nō potest esse, neque intelligi, nisi per aliquem respectum ad eandem substantiam inclusum in essentia accidentium; ergo necessario ponēdi sunt respectus isti essentiales in omnibus accidentibus absolutis.

Secunda conclusio. Ex his respectibus ad essentiam absolutorum pertinentibus plures sunt transcendentales, & plures etiam prædicamentales. Probatur primū, quia transcendente dicitur illud, cuius propria ratio transcendit omnia prædicamenta, vel saltem plura, sed respectus aptitudinalis inhærentiæ ad subiectū, quem in sua essentia includit accidens: transcendit omnia prædicamenta accidentium, sicut accidens ipsum; ergo erit relatio transcendentalis.

Probatur secundum ratione opposita, nam transcendens est, quod multis prædicamentis est commune, sed 42 dantur plures respectus essentiales rebus absolutis, qui non possunt ad plura prædicamenta pertinere; ergo non erunt transcendentales. Probatur minor, quia respectus habituum, & potētiarum ad sua obiecta non possunt ad plura se extendere, quam habitus ipsi, atque potētia, quibus sunt essentiales: sed habitus, & potentia solum pertinent ad prædicamentum qualitatis, imo solum ad determinata genera huius prædicamenti; ergo nec sunt, nec dici debent transcendentales.

Tertia conclusio, ex tribus generibus relationū, nempe transcendentaliū secundū dici, & secundū esse, transcendentales ad nullum prædicamentum perti-

liter includant, & ideo sic definita sunt ab Arist. Relatiua sunt, quorum totum suum esse sit ad aliud se habere. Conueniunt igitur relationes istæ cum transcendentalibus in eo, quod nihil absolutum dicant, sed totum esse earum est esse rationes referendi ad aliud, sed differunt in duobus. In primo quidem, quia respectus secundum dici non sunt tota ratio, totum esse, aut tota essentia relatiuorum, sed quoddam complementum eorum, & ideo ea, quorum complementum sunt, non sunt relatiua simpliciter, sed simpliciter absoluta, & ex consequenti dicuntur quodammodo relatiua, & ex hoc sequitur secunda differentia, quod respectus isti non sunt ad aliud tanquam ad terminum, sed tanquam ad subiectum, vel obiectum, ut petit natura absoluti, quod complement; relationes vero prædicamentales non solum non dicunt aliquid absolutum, sed sunt tota ratio, tota essentia, totum esse relatiuorum, quæ constituunt, & ideo relatiua ab eis constituta nihil absolutum dicunt, sed totum suum esse est referri ad aliud, non quidem tanquam ad obiectum, vel subiectum, sed tanquam ad primum terminum, quia relatio à qua sola constituantur, non petit aliud sub aliqua ratione particulari, ad quem ordinet relatiuum, quod constituit, sed sub ratione præcisa termini.

Ad primum arg. secundæ opinionis contra relationes secundum dici, distinguendum est antecedens, non esse substantiam quicquid pertinet ad essentiam substantiæ, & quantitatem quicquid pertinet ad essentiam quantitatis, duobus modis intelligi potest, in recto, & in obliquo. Et primo modo negandum est, quia non est necessarium re aliquam prædicari in recto de quocunque eius modo, aut cõple-

meto, ita ut dicatur simpliciter substantia, aut quantitas; bene tamen in obliquo, ita ut dicatur aliquid substantiæ, vel quantitatis; & hoc modo verum est hos respectus esse absolutos, vel substantias, id est aliquid rerum absolutarum, vel substantiarum.

Ad secundum negandum est, quod sequatur absoluta illa, in quibus clauduntur isti respectus composita esse ex absoluto, & respectu, quia non includuntur in rebus absolutis per modum generis, aut differentiæ, aut per modum compositionis, sed tam in genere, quam in differentia, atque in specie ipsa ex eis composita per modum cuiusdam complementi, tam compositorum, quam componentium: unde non sequitur compositionem aliquam cum eis facere.

QVAESTIO VI.

An species relationis prædicamentalis a termino sit accipienda.

DE sola relatione prædicamentali procedit quæstio, non de relationibus transcendentalibus, nec secundum dici, quas probauimus quæstione præcedenti non pertinere ad hoc prædicamentum. Ut autem melius intelligantur, quæ de relatione dicenda sunt, quasdam diuisiones relatiuorum adducere oportet. Relatiuum igitur, quod est supremum genus huius prædicamenti, primo diuiditur in tria genera intermedia, secundum tria fundamenta in quibus fundatur enumerata ab Arist. 5. lib. Metaph. cap. 15. Primum genus: relatiuorum est eorum, quæ fundantur in unitate, vel diuersitate generica, aut specifica, & habet sub se tria alia genera,

Cap. 7. de ad aliquid. quæst. 6.

nera, vel species, secundum diuersa fundamenta, in quibus reperitur unitas, aut diuersitas. Nam si reperitur in substantia, erit relatio identitatis, vel diuersitatis; si in qualitate relatio similitudinis, aut dissimilitudinis; & si in quantitate relatio equalitatis, vel inæqualitatis. Secundum genus relatiuorum est eorum, quæ fundantur in actione, & passionem, ut relationes paternitatis, & filiationis, & habet alia genera, vel species subalternas secundum diuersas actiones de presenti, præterito, & futuro. Tertium eorum, quæ fundantur in mensura, ut relationes potentiarum, & scientiarum sub nomine mensurabilis ad sua obiecta sub nomine mensuræ, nam obiectum dicitur mensura scientiæ, & potentiæ; & scientia, atque potentia mensurabilis per obiectum, ex eo, quod ad nihil potest utraque extendi, adu. circa nihil versari, quod non cõtineatur sub proprio obiecto.

48 Secunda diuisio minus vniuersalis est, quæ diuiditur relatiuum in mutuum, & non mutuum. Relatiua mutua sunt, quorum utrũque dicitur tale per relationem realem, ut pater, & filius: non mutua, quorum vnum tantum dicitur tale per relationem realem; in altero vero talis relatio non est, ut mensurabile, & mensura, nam illud dicitur tale per relationem realem; hæc vero non habet talem relationem.

Tertia diuisio est. Relatiua alia sunt æquiparatiuæ, alia disquiparatiuæ. Acquiparatiuæ, quæ eiusdem rationis, & denominationis sunt, ut similia, equalia. Disquiparatiuæ, quæ diuersæ rationis, & denominationis, ut pater, & filius. Quodlibet autem horum generum suas habet species, & de omnibus, & singulis quærit titulus questionis, à quo sumat distinctionem specificam, à termino, vel ab aliquo alio.

Et prima opinio videtur esse D. Tho. 3. p. q. 35. ar. 5. & quodlib. 9. ar. 4. quod relatio, aut relatiuum, non sumat speciem à termino, sed potius à causa, per quã producitur: quod probat hoc arg. Quia si relatio sumeret speciem à termino, sequitur in utroque parte eandem esse relationem ad filium. Probatur cõsequentia, quia filius vnicus terminus est; ergo relatio patris, & matris ad eum terminata erit eadem. Sed consequens est falsum; ergo etiã antecedens, quod relatio sumat speciem à termino. Probatur minor, quia pater est causa efficiens filii; mater vero passiva tantum; ergo habent rationes causarum specie diuersas, quas necessario consequitur diuersa relatio in utroque, paternitatis in patre, & maternitatis in matre.

Secundo probatur, quia species debet sumi ab aliquo intrinseco, quod sit differentia essentialis eius, sed terminus relationis est res diuersa à relatione, & ei extrinseca, ut pater respectu filiationis; ergo non potest sumi ab eo species. Et si respondeas, non ita sumi speciem à termino, ut terminus ipse sit differentia specifica relationis, sed ordinatio ad terminum. Cõtra hoc est, quod relatio ipsa est ordinatio ad terminum; ergo si ex ordine, aut ordinatione ad terminum sumitur species eius, sumet speciem à seipsa, quod patet esse falsum.

Pro hac etiã sententiã adduci potest testimoniũ Arist. quia tria genera relationum distinguit (ut vidimus) non per diuersos terminos, sed per diuersa fundamenta; ergo sentit non esse summendam speciem relationis à termino.

Secunda opinio est cõmunis, & vera, quod relatio, aut relatiuum sumit suam speciem à termino, ita ut illæ relationes sint eiusdem speciei, quæ habent terminum eiusdem speciei, ut omnes

nes paternitates, omnes similitudines; illæ vero sint specie distinctæ, quæ habent terminos specie distinctos, ut similitudo, & dissimilitudo. Probatur ex definitione Arist. quæ ait, relatiua esse, quorū totum suū esse est referri ad aliud, hoc est, ad terminū; ergo talis erit relatio, qualis fuerit terminus, ad quē refert, & hoc est ab eo accipere speciem. Et D. Tho. absq; dubio tenet eandē sententiā 3. p. q. 32. ar. 2. ubi sic ait. *Cum ratio specifica relationis consistat in hoc, quod ad aliud se habet, necesse est dicere, quod duæ relationes non sūt diuersæ secundum speciem si ex opposito una relati- eis corresponsdeat.*

Probatur etiā ratione, quia ex quatuor generibus causarū relatio nō habet materiam, & formam, quæ sunt causæ intrinsecæ, à quibus (saltem à forma) posset sumere speciem: quia ut superius probauimus, accidentia non componuntur ex materia, & forma; solum ergo habet causam efficientem, à qua producitur, & finem, seu terminum, in quem ordinatur relatiuum; sed à causa efficiente non sumunt res suam speciem, quia extrinseca prorsus est; ergo solum restat causa finalis, quæ est terminus, in quē essentialiter ordinatur relatiuum, quare ab eo sumet suam speciem.

51 Sed, ut melius intelligatur hæc specificatio relationis, notandum est. Relationem sicut cætera accidentia non habere compositionem physicā ex materia, & forma, sed metaphysicam ex genere, & differentia; ut ergo intelligatur, à quo sumat speciem, explicandum est, à quo somatur genus, & differentia eius, & quonam modo assignari possit definitio quid sit relatiua cuiuslibet relationis. Genus igitur relationis sumitur à tota eius natura sub cōmuni cōcepto referēdi ad terminū considerata; differentia vero ab eadem concepta sub conce-

ptu speciali, & ultimo determinante genus. nēpe ex eo, quod sit ordinatio ad talē terminū, ut genus paternitatis erit cōmunis cōceptus relationis realis, qui dicit esse ordinē, vel ordinationē ad terminū; differentia vero esse ordinationē ad filium, & ideo definitio paternitatis talis erit. Paternitas est ordo, aut ordinatio patris ad filiū, & sic de ceteris relationibus. Itaq; terminus relationis nō est differentia specifica relationis, sed esse ordinationē ad talē terminū, qui extrinsecus est relationi, sed esse ordinationem ad illum intrinsecū; & quia talis est ordinatio, quia est ad talem terminum, ideo dicitur relationem sumere speciem à termino, per quem cognoscenda, & definienda est relatio, & relatiuum.

Ex hac doctrina constat solum 52 esse secundum arg. quia nec relatio sic specificatur à termino, ut terminus sit differentia essentialis eius, nec specificatur à seipsa, sed à propria differentia, quæ ab eius natura sumitur, ut consideratur sub cōcepto determinato, & ultimo ordinationis ad talē terminum, per quē conceptum contrahitur communis, & genericus.

Ut testimonium Arist. explicetur notandum est, fundamenta esse causas relationum, vel quia ab eis aliquomodo producentur, vel si aliquando non producentur ab eis, naturali saltem sequela positis fundamentis secuntur; unde ex fundamentis diuersæ rationis semper secuntur relationes diuersæ speciei. Et ita concedi potest, quod à fundamentis sumatur species relationum, aut relatiuorum, quasi causaliter, sed à terminis quasi formaliter; inter hos autem duobus modos sumendi speciem relationum patet secundum esse magis proprium, quem posuit Arist. in definitione relatiuorum, & hæc est causa, propter quā
commu-

Cap. 7. de ad aliquid. quæst. 6.

communis modus loquendi scholæ, eo potius, quam primo vitur, sed Arist. & D. Thom. per fundamenta distinguunt illis locis, quia aliquando notiora nobis sunt: & quia modus ille distinguendi non cōtradicit proprio, & formali, sed cum infert: vnde per illum distinguentes non negant proprium, quo fere semper vtuntur.

An filio correspondeat duplex relatio, una in patre, & alia in matre, vel eadem in utroque parente.

53 **S**olutionem primi arg. in vltimum locum remisimus, quia circa illam dubium hoc (licet breuissime) disputandum est, an in patre, & matre vnica sit relatio ad filium, vel duplex, atque diuersa, nempe paternitatis in patre, & maternitatis in matre.

Et est prima opinio D. Thom. 3. p. quæst. 35. ar. 5. quam sequitur ibidē Caiet. & Ferra. 2. lib. contra gentes. cap. 14. quod duplex sit, ac diuersa relatio in patre, & matre, quæ in eo fundatur, quod Arist. quem sequitur D. Tho. asserit patrē, & matrē diuerso modo, aut in diuerso genere causæ concurrere ad generationem filii; patrem quidem tāquam causam efficientem; matrem vero tanquam materiale, sed effectus diuerso modo, diuersaq; dependentia dependet à diuersis generibus causarum, & diuerso modo ab eis respicitur; ergo per diuersas relationes, & ita pater refertur ad filiū relatione causæ efficientis, quæ dicitur paternitas; mater vero per relationē principii passui significatā nomine maternitatis. Et hæc sententia consequenter ponit duplicem relationem, ratione

saltem diuersam in filio; vna, p̄r quā refertur ad patrem, & alia per quam refertur ad matrem; nam cum relatio sumat speciem à termino, impossibile est, quod duæ relationes specie diuersæ habeant eundem terminum formalem: vnde cum filius terminet relationes diuersas vtriusque parentis, necesse est per duas alias relationes formaliter diuersas eas terminare, sed ambæ significantur eodē nomine filiationis.

Secunda opinio opposita tenet, in patre, & matre esse vnā relationē totalem, & completam, sed quasi cōpositam ex duobus relationibus partialibus, & eiusdē rationis patris, & matris; & in filio non nisi vnā eī correspondere, per quam refertur ad vtrumque parentem, tanquā ad terminum adæquatū, & ad quemlibet tanquam ad terminum inadæquatū. Ita Fonseca 5. Metaph. cap. 15. quæstione 5. sect. 3. & habet oppositum fundamentum, videlicet patrem, & matrem in eodem genere causæ efficientis concurrere ad generationem filii, tanquam vnā causam totālē, & adæquatam, quasi ex duplici causa partiali cōpositam: ita enim sentit Galenus, quem omnes Medici sequuntur, & (quibus magna fides in hac re tribuenda est) cum eis Scotus in 3. d. 4. quæst. 1. Ex hoc autem fundamento euidenter sequitur, quod in patre, & matre non sint relationes eiusdē speciei. Probatur consequentia, quia si eodē modo, atque in eodē genere causæ efficientis, & proxime concurrunt ad generationem filii, eodem modo ab eis dependebit, eodem etiam modo ab eis respicitur; quare per relationem eiūsdē speciei, sed partialiter distinctam in vtroque, quia diuersæ sunt causæ partiales, & diuersa subiecta, in quibus non

54

non potest idem numero accidens reperiri, & possumus exemplum adducere de multis hominibus trahentibus nauim, in quibus diuersæ sunt relationes partiales, & inadæquatæ ad eundem effectum, sed ex omnibus integratur vna totalis, & adæquata.

Nostra autem sententia est probabilem esse vtramque opinionem, non solum propter patronos doctissimos, sed propter probabilia fundamenta, ideo liberum erit cuique vnam, vel alteram prohibito sequi.

QVAESTIO VII.

An terminus relationis sit formaliter absolutus, uel formaliter relatiuus.

TRia sunt in relatio, subiectum, fundamentum, & relatio: subiectum est res ipsa, quæ denominatur à relatione; fundamentum vero ratio, aut medium, per quod con-
55 surgit in ea relatio, & hæc est, per quam formaliter dicitur relatiua, vt in patre est homo, qui denominatur pater à relatione, est generatio, vel potentia generandi, in qua fundatur relatio, & est relatio ipsa paternitatis. Ex his tribus certum est, subiectum non esse terminum relationis, nisi materialem, & quasi remotum, de quo non procedit quæstio, sed de duobus aliis, quorum ratione subiectum potest proxime terminare relationem. Et cum fundamentum absolutum sit, vel modum absoluti habeat, ideo titulus quæstionis quærit, an terminus relationis, per quam vnum refertur ad aliud, sit subiectum ipsum ratione fundamenti, quod absoluta res est, vel ratione relationis; nam si ratione primi sit terminus, terminabitur relatio ad absolutum formaliter; si vero ratione relationis, terminabi-

tur formaliter ad relatiuum.

Sed duo possumus considerare in relatione. Primum, quod sit ratio referendi vnum ad alterum. Secundum, quod sit ratio terminandi relationem alterius, vt in paternitate, quod sit ratio referendi patrem ad filium, & quod sit ratio, per quam idem pater terminet relationem filiationis; & cum rationes istæ sint diuersæ in eadem relatione, certum est, per relationem secundum primam considerationem vnum relatiuum non terminare relationem alterius: solum potest esse dubium, an terminet per eam secundo modo consideratam.

Et in hoc sensu quæritur, an terminus relationis sit formaliter relatiuus, id est, an terminet per suam relationem, saltem secundo modo consideratam relationem alterius.

Et circa quæstionem sic explicatam sunt tres opiniones, duæ extremæ, & altera media. Prima opinio extrema asserit, vnum relatiuum semper, & in quocunque genere relationum terminare relationem alterius per propriam relationem, & nunquam per fundamentum, aut rationem absolutam. Ita Caiet. 1. p. q. 13. ar. 7. quæ secuntur nonnulli ex modernis.

Probant ex duplici proprietate relatiuorum approbatæ ab Arist. & omnibus, nempe, quod relatiua sint simul natura, & simul cognitione, & definitione, ita vt nec vnum possit esse prius natura, quam alterum, nec cognosci sine cognitione alterius, nec definiri, nisi alio definito, quæ omnia manifesta sunt in patre, & filio; sed nihil horum potest eis conuenire, nisi vt relatiuis; ergo vt talia referuntur vnum ad alterum, & vnum terminat relationem alterius. Probat minor, quia pater rationi fundamenti est prior natura filio; & filius
57
post-

Cap. 7: de ad aliquid. quæst. 7:

posterior, cum per potentiam generandi, & generationem actiuam, quæ sunt fundamentum relationis, sit causa illius, & causa sit prior natura effectus: & eadem ratione potest cognosci, & definiri sine filio; ergo hoc modo non poterit vnum terminare relationem alterius, & ideo solum per relationem possunt se terminare.

Sed quia relationes aliquæ sunt mutue, & alie non mutue, quæ solum repertiuntur in vno extremo, aliud vero absolutum est; & ideo non videtur posse terminare per relationem, sed per rationem absolutam, non videtur quomodo vera esse possit hæc opinio in omnibus relationibus.

58 Propterea duobus modis defenditur quantum ad relationes non mutuas à diuersis, qui eam secuntur. Primo, à Caieta. qui ait, in his relationibus vnum extremum esse relatiuum formaliter per relationem sibi inhaerentem; aliud vero non per relationem sibi inhaerentem, sed per relationem existentem in altero. Gratia exempli scientia, quæ mensurabilis dicitur, refertur per relationem sibi inhaerentem ad obiectum, tanquam ad mensuram; obiectum vero quod mensura dicitur, refertur ad scientiam, non per relationem sibi inhaerentem, sed per eandem relationem existentem in scientia, & ita vnum relatiuum est intrinsecum, & aliud extrinsecum. Probatur ex Arist. 5. Metaph. cap. 15. expresse asserente in relationibus tertii generis, quæ sunt mensura, & mensurabile, vnum referri per relationem, quam in se habet; alterum vero per relationem, qua aliud refertur ad ipsum.

Secunda via defenditur ab aliis modernis asserentibus, extremum illud, in quo non est relatio realis terminare relationem realem alte-

rius, non per eandem illius relationem, sed per relationem propriam, non realem, quam supponimus non habere, sed rationis: quia eo ipso, quod scientia refertur per relationem realem mensurabilis ad obiectum, acquirit obiectum nouam commensurationem, & correspondentiam cum illa, ratione cuius commensurationis debita est ei denominatio relatiua mensuræ; & cum non possit eam habere realem, quia res absoluta est, habebit à relatione rationis, quæ licet non sit ante operationem intellectus, satis est debita ei esse, & quasi in potentia proxima, ut tribuat ei denominationem relatiui, licet non relati, nam relatiuum dicit potentiam, ut aliquid referatur ad aliud; relatum vero actuale exercitium referendi.

Hæc tamen sententia, siue hoc, 59 siue illo modo defendatur, improbabilis mihi videtur, quia vterque modus eam defendendi euidenter ostenditur falsus. Et primo modum Caiet. sic impugno. Effectus formale relationis est facere relatiuum, sicut effectus formalis albedinis est facere album; sed repugnat aliquid esse album, nisi ab albedine sibi inhaerente; ergo repugnabit esse relatiuum, nisi à relatione sibi inhaerente, factum est ergo, quod asserit Caiet. mensuram referri ad mensurabile per relationem existentem in eodem mensurabili.

60 Secundo, quia relatio cum sit forma relatiua, non potest referre ad alterum, nisi illud, quod constituit relatiuum, sed constituere aliquid relatiuum est tribuere illi proprium effectum formalem, sicut constituere albedinem subiectum album est tribuere illi proprium effectum formalem, & effectum formalem non tribuit forma, nisi per infor-

informationem; ergo repugnat aliquid constitui relationem, aut referri ad aliud per relationem existentem in altero, & non in se.

Secunda via hac ratione probatur falsa. Relationem, & relatium, ut superius probauimus, non se habent sicut potentia, & actus, quia cum relatio sit actualis ordinatio unius ad alterum, eo ipso, quod est in subiecto, refert illud actu ad terminum, & ideo impossibile est aliquid habere relationem in se, per quam dicatur relatum, quin per eandem etiam dicatur relatium. Impossibile est etiam dici relatum ex eo solum, quod potest habere relationem, nisi eam actu habeat, nam homo priusquam relationem habeat paternitatis, non dicitur relatum ad filium. Et sicut hæc vera sunt, & necessaria in relationibus realibus, non sunt minus necessaria in relationibus rationis, quia relatio rationis concipitur ab intellectu ad similitudinem relationis realis; eodem igitur modo erit impossibile, quod mensura referatur ad mensurabile per relationem rationis, priusquam illam actu habeat ab intellectu eam cognoscens, etiam si sit ei debita, sicut est impossibile, quod aliquid dicatur relatum à relatione reali, priusquam eam actu habeat.

61 Secunda opinio extrema tenet terminum, non solum in relationibus non mutuis, sed etiam in mutuis esse formaliter absolutum. Ita Scot. in 1. d. 30. q. 1. quem sequuntur omnes eius discipuli, & ex modernis multi, & in eandem sententiam videtur inclinare Capre. in 1. d. 30. q. 1. ar. 2. ad 3. Soci. 5. Metaph. q. 3. ad 2. Et de relationibus non mutuis, tanquam certum præsupponit hæc sententia, quod ad absolutum terminetur.

Sed ita esse etiam in relationibus mutuis, probatur primo, quia aut rela-

tio, in quantum relatio postulat terminum relatum, aut in quantum relatio mutua, sed neutro modo postulare potest talē terminum; ergo non terminatur per se ad relatum, sed per accidens, & ideo ad absolutum per se. Probatur minor. 1. quod non ut relatio, nam si ut relatio peteret terminum relatum, omnis relatio deberet illum habere, & nulla poterit terminari ad absolutum, sed relationes tertii generis terminantur omnes ad absolutum, ut manifestum est; ergo relatio, ut relatio non petit terminum relatum. Sed quod cum non petat, ut relatio mutua, probatur primo, quia relatio non dicitur mutua per rationem terminandi, sed per rationem referendi, quia utrumque extremum refertur ad aliud; ergo non est necessarium, ut relatio sit mutua, quod sit ratio terminandi, sed satis est esse ratio- 62 nem referendi in utroque extremo, quod verum esse potest, etiam si ad absolutum terminetur. Secundo, quia neque omnis relatio mutua terminatur semper ad relatum, sed aliquando ad absolutum, nam paternitas, aut maternitas, & filiatio sunt relationes mutue, & aliquando datur una sine altera, ut in beatissima Virgine, secundum sententiam D. Thom. 3. part. quæsti. 35. art. 5. datur relatio realis maternitatis ad Christum hominem, in quo non est relatio realis filiationis; ergo relatio maternitatis non terminabitur ad Christum, tanquam ad relatum, sed tanquam ad absolutum per passivam generationem, (quæ accidens absolutum est) terminantem relationem maternitatis. 63

Secundo, si unum relatum terminaretur ad alterum, etiam ut relatum, sequeretur non posse unum 64
V 2 cognos-

Cap. 7. de ad aliquid. quæst. 7.

cognosci, aut definiri, nisi per alterum. Probatur consequentia, quia non potest cognosci, neque definiri relationum, nisi per terminum, sed consequens est falsum; ergo falsum erit etiam antecedens. Probatur minor, quia loco nominis in definitione positi, licet ponere suam definitionem, ut loco animalis positi in definitione hominis, licet ponere vivens sensibile, quæ est eius definitio, dicereque homo est vivens sensibile rationale; ergo si pater definitur per filium, dicemus, pater est qui habet filium, & tunc loco filii licebit ponere definitionem eius, quæ talis erit: filius est, qui habet patrem: & ita definitio patris erit, pater est, qui genuit eum, qui habet patrem, in quatuor vitia committuntur. Primum est nugationis, seu inutilis repetitionis, quia pater ipse, qui definitur, in definitione repetitur. Secundum est, quod ignotum per ignotius definitur, nam dum pater definitur per filium, non solum æque ignotus est filius, sed minus notus, cum nihil de eo possimus cognoscere, nisi per patrem. Tertium, vitiosus quidam circulus, nam unum relationum definitur per alterum, & hoc idem per illud, quod non est aliud, quam definire idem per semetipsum, nam si pater definitur per filium, & rursus filius per patrem, de primo ad ultimum definitur pater per seipsum. Quod reprobat Arist. 5. lib. Metaph. cap. 13 his verbis. *Non est autem intellectus ad illud, cuius intellectus est, idem enim profecto bis esset dictum.* Et 2. lib. de poster. resol. ca. 3. eundem circulum reprobat in demonstrationibus.

- 64 Tertia opinio media inter hæc extreme: nam affirmat relationes non mutuas terminari ad absolutum formaliter; mutuas vero formaliter ad relationem, & ideo relationem in communi, vel ratio-

ne, ut relatio est ad terminum abstractum ab absoluto, & relativo. Ita Ferras. contra gentes, c. 11. Nimp. 5. Metaph. diff. 14. De qua. Hist. in 2. d. 3. q. 1. notab. 3. & ex modernis plures, & hanc existimare esse certam in doctrina Arist. & D. Th. & probabiliorē ceteris. Quam efficaciter probavimus, quantum ad relationes non mutuas, ut mensurabilis, & mensuræ, creaturæ, & creatoris, aduersus primam opinionem Caiet.

Sed probatur aduersus secundam opinionem, quod relationes mutue terminantur formaliter ad relationem, expressis testimoniis Arist. Porph. & D. Th. Arist. enim c. præf. agens de termino relationis, & docet qualis esse debeat, ita ait. *Amplius siquidem conveniunt assignetur, ad quod dicitur omnibus aliis sublati, quatenus accidentia sunt, relicto autem solo illo, ad quod assignatum est, conveniunt semper ad ipsum dicitur circumscriptis omnibus, quæ accidentia sunt domus, ut esse bipedem, vel scientiam susceptibilem, vel hominem; relicto vero solo, quod domus est semper servus enim domus servus dicitur. Si autem non conveniunt ad id, ad quod dicitur assignetur circumscriptis omnibus aliis, relicto autem eo solo, ad quod assignatum est, non dicitur ad ipsum. Assignetur servus hominis, aut alienius, & circumscribatur ab homine esse domum, non amplius servus ad hominem dicitur, cum enim dominus non sit, nec servus est.*

Quibus verbis expresse docet servum terminari formaliter ad dominum, ut dominus est, & dominum ad servum, ut servus est, quia ablati relationibus dominii, & servitutis neuter potest terminare relationem alterius; & relationibus positis, etiam si omnia alia auferantur sufficienter per eas utramque terminare relationem alterius.

Porph. etiam cap. de specie idem tenet non minus expresse, nam asserit se definisse genus per speciem, & rursus speciem per genus, quia

65

quia sunt relatiua, & vnū relatiuum debet definiri per alterū tanquam per terminum suæ relationis.

Quod D.Tho. non minus expresse docet 1.p.q.40.ar.2.ad 4. vbi explicans definitionem relatiuorū traditā ab Arist. & docens quomodo conueniat relatiuis mutuis, inquit. *Cum dicitur, quod relatiui esse est ad aliud se habere, per ly, aliud intelligitur correlatiuum, quod non est prius, sed simul natura.*

Probatior deinde duplici ratione.

1. ex intrinseca ratione relatiuorū deducta. Oppositio relationis reperitur inter relatiua, vt relatiua sūt formaliter; ergo mutua relatio includit essentialiter mutuam oppositionē relationis: sed mutua oppositio relationis essentialiter includit vtramque rationem referendi, & terminandi; ergo vtrumque officium exercent relatiua per relationes, & non per fundamenta absoluta. Omnia constant euidenter, præter minorem, quam non minus euidenter probō. Mutua oppositio consistit in hoc, quod relatiua mutuo se respiciant, & relationes sint rationes mutuo se respiciendi: sed mutuo se respicere est, quodlibet respicere aliud, & ab eo respici; ab eo respici est terminare relationem eius; ergo euidenter est, quod in mutua oppositione includatur essentialiter vtrumque officium referendi, & terminandi, & ex consequenti, quod vtrumque exerceant relatiua per relationes, & non per fundamenta, quia per relationes, & non per fundamenta habet formalem oppositionem.

66 Secunda ratio ex diuinis relationibus sumitur, in quibus euidenter probari videtur, vnū relatiuum non posse per absolutū, sed per relationē terminare alterū. Duo autē præsupponit hæc ratio tãquā certa. Primum est, re-

lationē realem esse non posse, nisi inter extrema realiter distincta, quia nihil potest ad seipsum referri relatione reali. Secundū, in diuinis non posse vnū distinguere realiter ab altero per aliquid absolutū, sed solū per relationes oppositas. Quibus suppositis ita procedit ratio: pater refertur ad filiū & filius ad patrē, vt realiter distinguuntur; ergo vterque terminat relationē alterius, vt realiter ab eo distinctus; quia sicut relatio realis nō potest esse eiusdē ad seipsum realiter, ita nec terminari ad seipsum: sed pater, & filius nō distinguuntur realiter, nisi per solas relationes oppositas; ergo nec refertur vnus ad alterū, nec terminat relationē alterius, nisi per relationē; vt relatiuum igitur, & nō vt absolutū, sed eadem est ratio de relationibus diuinis, & creatis, quantū pertinet ad rationē referendi, & terminandi; ergo etiam relationes creatæ terminantur ad relatiuum, & non ad absolutum.

Hæc arg. duobus modis conatur respondere moderni. Primo, quod licet 67 in diuinis personis nihil distinguat realiter, nisi relatio, & ideo relatiuum sit, quod terminat secundū se, sed vt à nobis cōcipiantur diuinæ personæ potest distinguere fundamentū relationis à relatione ipsa, & cōcipi per modū absoluti, & per ipsum ita conceptū terminabit vna persona relationē alterius: vt in filio possumus cōsiderare generationē patris, à qua dicitur genitus per modū absoluti, tanquam fundamentū filiationis, & per illā terminabit filius relationē paternitatis, nō per filiationem, & sic etiam pater per generationem actiuam per modum absoluti consideratam.

Hæc tamē solutio, nec vera est, nec soluit arg. Probo. 1. quia in personis diuinis nō solū paternitas, & filiatio sunt relationes, sed etiam generatio

Cap.7. de ad aliquid quæst. 7.

actiua, & passiua, quæ vocantur origo actiua, & passiva, dicunt formaliter relationē, alioqui non possent distinguī realiter, sicut certum est distinguī. Deinde à nobis qui scimus nihil distinguī in diuinis, nisi per relationes, cōcipiuntur tanquā relationes; ergo si per illas terminat vna persona relationē alterius, terminabit, vt relatiua formaliter. Probo secundū, quod solutio non soluat argumentū, quia licet à nobis imperfecte intelligentibus cōciperentur generatio actiua, & passiua per modum absoluti, cum tamē sint relatiuæ, sed secundum se nihil habent absolutum; ergo cum relationes terminentur secundū se, & non solum, vt imperfecte concipiuntur à nobis, sequitur euidenter secundum se terminari ad relatiuum formaliter, & non ad absolutū, & etiā vt intelliguntur à Deo, & beatis, qui eas cognoscunt, vt sunt in se.

68 Propterea idem moderni vidētes prædictam solutionem insufficientem esse, aliam tradiderunt concedētes relationes diuinas terminari ad relatiuum formaliter, non tamē creatas. Et differentiam in eo consistere, quod relationes diuinae sunt subsistentes, aut substantiales, ideo non habēt aliud fundamentum, præter seipsas, per quod possit vnum relatiuū terminare relationem alterius: sed relationes creatæ sunt accidentales, & ideo præsupponunt aliud accidens absolutum, tanquam fundamentum, quo medio consurgunt, & per tale fundamentum potest vnum relatiuū terminare alterum.

Sed nec differentia hæc aliquid valet, quod ita probo: quia relationem esse subsistentem, aut inherētem, seu substantiālē, aut accidentālē, nō pertinet ad rationē formālē relationis, aut relatiui, sed materiale quid est;

relationes vero, aut relatiua mutua ex ratione formali taliū relationū, & relatiuorū habent mutuā oppositionem formaliter includentē vtrāque rationem referendi, & terminādi, quæ eadem est in diuinis, & creatis; ergo eadem erit ratio terminandi in vtrisque, sicut eadem est ratio referēdi: quare si ad relatiuū formaliter terminantur diuinæ, & non ad absolutū, etiā terminabuntur creatæ. 69

Arg. primæ opinionis non sunt contra nostram, & ideo nō est necessariū ad ea respondere. Sed ad primū arg. secundæ opinionis cōcessa maiori: concedēda est etiā minor: secundū illam partē, quæ asserit relationē, vt relatio est nō terminari ad relatiuū formaliter, sed negāda quantū ad aliam, quod vt est relatio mutua, nō petat terminū relatiuum, quia relatio, vt relatio cōsideratur tanquā genus abstractū à mutua, & nō mutua; sed vt relatio mutua cōsideratur in specie, certū est autē plura cōuenire alicui rei ratione suæ differētē, vel speciei, quæ non conueniūt ei ratione generis, & ideo cōuenire potest relationi, vt mutua, terminari ad relatiuū, licet non cōueniat ei sub cōmuni ratione relationis, sed sicut hoc modo abstrahit à mutua, & non mutua, ita petit terminū abstrahentē ab absoluto, & relatiuo. Vt autē aliud, quod in eodē arg. adducitur de relationibus mutuis carētibz aliquādo relatione in vno extremo, vt relatio creaturæ ad creatorē, & relatio maternitatis B. Virginis ad Christū Dñm, apud D. Th. soluatur, notandū est. Primo, relatiua duobus modis cōsiderari posse, materialiter, dū pro subiectis, aut fundamentis accipiuntur, vt dum dicitur hunc hominē albū referri ad alium hominē albū, aut generans ad genitum, quo etiam modo solū dicuntur relati-

relatiua accidentaliter, quia acciden-
talis est hæc, generas est pater, vel al-
bum est simile. Alio modo accipiuntur
formaliter, prout significatur nomi-
nibus relatiuis, patris, aut similis, &
sicut relatiua, sic etiam termini acci-
piuntur eisdem modis, vt dū dicimus si
mile referri ad albū, aut patrē ad ge-
nitū, formaliter vero, si dicamus pa-
trē referri ad filium.

70 Secūdo notandū est relationes mu-
tuas perfectas esse, quia oppositionē
relatiuā includūt; nō vero mutuas qua-
si mancas, & imperfectas, in quibus
vnum tantū extremū relatiuæ oppo-
sitionis reperitur: vnde solū intelli-
guntur habere materiales terminos,
nō formales: Vt relatio mensurabilis
ad mensurā solū materialiter dicitur
terminata, & idem de relationibus
mutuis, si in altero extremo suspēde-
retur relatio per possibile, vel impos-
sibile, vt si, eō surgente relatione si-
militudinis in vno albo, suspendere-
tur relatio in alio (si hoc sit possible,
de quo nūc non agimus) tūc enim
solum materialiter maneret termina-
ta relatio alterius.

Ex his respōdetur, relationes illas,
quæ in arg. adducuntur esse non mu-
tuas, quia relationes mutux nō ver-
santur, nisi inter extrema eiusdē or-
dinis sunt, & ideo non habent mu-
tuas relationes, propterea solum ma-
terialiter terminatas, & hoc est termi-
nari ad absolutū; mutux vero opposi-
tionē relatiuā essentialiter dicūt, ra-
tione cuius quælibet est ratio referē-
di ad aliā, & simul ratio terminādi,
quia nō potest oppositio intelligi si-
ne vtraque ratione, & ideo relatiua
mutua, vt talia ad relatiuum forma-
liter terminantur.

**An vnū relatiuū possit, & debeat defi-
niri per aliquid.**

71 Secūdū arg. petit, an vnum rela-
tiuū possit, & debeat definiri per
alterū. Et circa hoc dubiū est du-
plex opinio. Prima negat, quod sic
debeat definiri, quā tenet omnes illi,
qui defendūt relationē nō terminari
ad relatiuū, sed ad absolutū, & prob-
ant ex inconuenientibus, quæ secū-
tur ex tali modo definiendi in eodē
argumento adductis.

Secunda opinio est eorum, qui se-
cuntur nostram sententiā, quod vnū
relatiuum debeat definiri per aliud,
& hæc apud Arist. & D. Tho. est cer-
tissima, vt probant testimonia eorū
adducta in confirmationē nostræ sen-
tentix: est etiā expressa apud Porph.
cap. de specie, vbi asserit, se egisse sta-
tim post genus de specie, quia sunt
relatiua, & ideo necesse est vnū co-
gnoscere, & definire per alterū. Huic
autē testimonio respōdet moderni
nō posuisse Porphy. speciem in defini-
tione generis, vt referatur ad genus,
sed ad indiuidua, & ideo non defini-
se vnū relatiuū per alterū formaliter,
sed miror sane, solutionē tā aper-
te falsā excogitasse, quia luce clarius
est, genus definisse p speciem tanquā
per subiectū, de quo prædicatur, sed
nō est subiectū, de quo prædicatur ge-
nus, vt respicit indiuidua, sed genus
ipsū, vt ex se patet; ergo per illā tan-
quam relatiuum generis definiuit
genus ipsum, sed in ratione est prob-
abilior, & (nisi ego fallor) euidenter
probatur ex diuinis relationib⁹, in qui-
bus fatetur, quod licet nostro modo in-
telligendi imperfecto possimus intel-
ligere, quod terminentur ad funda-
mentum per modum absoluti ad nobis
conceptum, sed si somantur, vt sunt
in se, vel vt à Deo ipso, aut beatis co-
gnoscentur, non possunt vllō mo-
do terminari ad absolutum, quia
cum sint subsistentes, & substan-

V 4 tia

inquit, relative ad hominem, idem in quantum idem bis diceretur, hoc est ad duos terminos, & per duas relationes, quod patet esse impossibile, sed ut potètia solū dicitur relative ad obiectū, hoc est ad intelligibile, ad subiectū vero nō dicitur ut potètia, sed sub alia ratione communi accidentis. Ita exponunt verba Aristotelis Commentator, D. Thom. & Alexander, in Commentariis eorum, & ideo hunc esse germanum sensum eorum credendum est.

75 Ad aliud vero quod in argumentō dicitur definiri ignotum per ignotius, si vnum relatiuum definiatur per alterum, negandum est; sed definitur per extrinsecum æque ignotum, & sine quo non potest per notiora explicari, & hoc nihil refert, quia non requiritur, quod magis notum sit definito, quidquid ponitur in definitione eius per se sumptum, sed satis est, si sit æque notum, vel ignotum, dummodo ex eo, & aliis notioribus resulter integra definitio notior simpliciter definito, & hoc habet definitio relatiui, licet terminus in ea positus tanquam extrinsecum additamentum æque ignotum sit, si per se sumatur, ac definitum.

QVAESTIO VIII.

An unum relatiuum ordinetur ad duos terminos eiusdem speciei per eandem, vel diuersas relationes.

76 Explicatum est iam in precedentiibus, id quod pertinet ad unitatem, & distinctionem specificam relationis, ideo in hac octaua quæstione, quaerimus de unitate numerica, an quādo vnum relatiuum respi-

cit plures terminos eiusdem speciei, ut pater plures filios, aut simile plura similia, respiciat singulos per singulas, atque distinctas numero paternitates, aut similitudines, vel per vnū, & eandem numero extensam ad omnes. Sed respicere vnum relatiuum plures terminos dupliciter contingit: primo, ita ut quilibet sit quasi partialis, & inadæquatus, & ex multis constitutur vnus totalis, & adæquatus, atque etiam necessarius ad terminandam relationem, & hoc modo species respicit indiuidua, & totum plures partes. Et hoc modo certum est relatiuum per eandem numero relationem, & non per plures respicere plures terminos. Secundo modo contingit vnum relatiuum respicere plures terminos adæquatos, & totales, ita ut quilibet solus, & per se possit terminare sufficienter relationem, & hoc modo procedit quæstio, an multiplicatis his terminis, multiplicetur relationes, ita ut pater referatur ad plures filios per plures relationes, vel non multiplicetur, sed per eandem numero paternitatem referatur ad omnes.

Et prima opinio tenet, relatiuum ad plures terminos non eadem relatione, sed multis numero diuersis, ita ut tot habeat relationes, quot filios, ita Scotus in 3. d. 3. quæstione vna, quem secuntur eius discipuli, & plures moderni, & probatur ex doctrina Aristotelis, qui docet in hoc cap. relatiua esse simul natura, & cognitione, ita ut quocunque eorum existente in rerum natura ponatur necessario aliud, & ablato etiam vno, necessario auferatur aliud, cognito etiam vno necessario cognoscatur aliud, sed hac proprietas non potest conuenire relatiuis, si per vnā relationem referantur ad plures ter-

Vs terminos.

nos; ergo hoc non est possibile. Probatur minor, quia posito primo termino ponitur relatio, sed semper ponitur prius tempore, quā sint alii; ergo non erit relatum simul tempore, nec natura cum eis, sed solum cum primo, nec etiā simul cognitio ne, quia prius cognoscitur, quam illi cognoscatur. Deinde sublatis omnibus præter ultimum, qui perit, nō auferatur relatum.

78 Probatur deinde ratione. Primo, quia si pater vnum habeat filiū, per vnā relationem realem ordinabitur ad illum; ergo habito secundo, consurgit in eo noua relatio. Probatur consequentia, relatio est ordinatio ad terminum; ergo noua ordinatio erit noua relatio, sed ordinatur de nouo ad nouum filiū, cum prius non ordinaretur; ergo noua est in eo ordinatio & ideo noua relatio, & sic multiplicabuntur relationes multiplicatis terminis.

Secundo, posito fundamento proximo relationis, & termino ponitur necessario relatio: vt posita albedine in hoc pariete, quæ est fundamentū similitudinis, & posito alio albo, quod est terminus, consurgit necessario similitudo; ergo posito nouo fundamento, & nouo termino consurgit noua relatio: sed genito nouo filio ponitur noua generatio actiua in patre, quæ est nouū fundamentū relationis: ponitur nouus terminus, qui est nouus filius, ergo ponitur noua relatio. Et confirmari potest hoc modo. Si primus filius moriatur ante generationem secundi, definit esse in patre relatio paternitatis, & per generationem secundi consurgit noua, quia nouum est fundamentum, & nouus terminus; ergo etiam si non moreretur primus, consurgeret noua relatio. Probatur consequentia, quia eodem

modo est nouum fundamentum, & nouus terminus.

79 Et si respondeas, viuēte primo nō consurgere nouam relationem, quia relatio est accidens, & vna paternitas est accidens solo numero diuersum ab alia, sed duo accidentia solo numero distincta non possunt esse in eodem subiecto, quia accidentia indiuiduantur ab eo; ergo nec potest consurgere noua relatio permanente prima. Itaque subiectum habens vnā relationem incapax est alterius solo numero distinctæ, & ideo vna relatio impedit, ne consurgat alia. Contra hoc est, quod licet accidentia pure absoluta indiuiduantur à subiecto, & ideo non possint plura esse in eodem solo numero distincta, sed accidentia respectiua nō indiuiduantur à solo subiecto, sed cum ordine ad terminum, vel ad aliquid aliud, quod respiciunt. Vnde plures species visibiles (quas vocant intentionales) simul sunt in eodem oculo vidente simul duo alba, aut duo alia obiecta; ergo cum relatio sit accidens respectiuum non indiuiduatur à subiecto solo, sed cum ordine ad talem terminum, qui si fuerit nouus, capax erit subiectum recipiendi nouam relationem solo numero distinctam: quia nullū erit impedimentum, ratione cuius non multiplicentur relationes multiplicatis terminis.

Secunda opinio negat multiplicari, sed primam relationem extendi affirmat ad nouos terminos superuenientes, & ita per vnā numero relationem referri patrem ad omnes filios. Ita D. Thomas in 3. d. 8. quæst. 1. & 3. par. quæst. 35. arti. 5. Caic. ibidem, Ferrar. lib. cōtra gentes cap. 4. Socinas 5. Meta. q. 32. concl. 3. Toletus quæst. 2. huius prædicamenti.

Potiss.

10 Potissimum fundamentum D. Thom. est, natura accidentium, quæ sicut essentialiter sunt aliquid substantiæ, sic nata sunt ab ea individua-
ri. Duplice autem esse possunt acci-
dentia, nam vel sunt distincta specie,
vel eiusdē, & si specie distincta sint,
iam supponuntur distincta nume-
ro, quia distinctio specifica, cum sit
major, continet minorem, quæ est
numerica; & ideo nullas vnquam du-
bitauit, quin duo accidentia specie
distincta simul sint in eodem subie-
cto, quia experientia notum est in
colore, & calore simul existentes in
homine; si vero sint eiusdem speciei,
non supponuntur distincta, sed nata
sunt à subiecto suscipere indiuidua-
tionem, ac distinctionem; & propte-
rea non possunt multa simul esse in
eodem subiecto, siue pure absoluta
sint, vel respectiua, nam cum sint ali-
quid substantiæ, cui inherent, & quæ
dominantur, quodlibet natum est
esse hoc, in quantum natum est effi-
cere substantiam hanc in specie talis
accidentis, nempe hoc album, aut
hoc calidum: sed repugnat, quod idē
numero subiectum sit simul diuer-
sum numero in eadem specie accide-
nti, vt quod sit duo numero alba,
aut calida; ergo repugnabit habere
duplicem albedinem, aut calorem,
& ex hoc inferitur subiectum indi-
duare accidentia eiusdem speciei,
quia licet admitteretur habere plu-
ra simul, vnum tātum numero esset
in specie eorum, vt vnum numero al-
bum, & non plura; ergo ea traheret
ad propriam indiuiduationem, ita
vt vnum numero fierent, & hoc est
à subiecto accipere indiuiduationē.
Et cum relationes ordinētur ex pro-
pria natura ad constituendum subie-
ctum relatiuum, & non possit con-
stitui duplex numero pater, aut du-

plex numero simile, repugnabit ha-
bere simul duas relationes eiusdem
speciei; sed si termini multiplicen-
tur, per eandem relationem nume-
ro ordinabitur ad omnes. Illi vero,
quia plura sunt subiecta, per plures
relationes terminabunt eandem exi-
stentem in patre, ad omnes se exten-
dente, & sic est intelligenda, & ex-
plicanda opinio D. Thom. quam se-
quimur.

Probatum primo, quia hæc pater-
nitas ponitur vt homo per illam sit,
& denominetur formaliter hic nume-
ro pater; sed per vnā paternita-
tem fit hic numero pater, & per plu-
res etiam, si multiplicentur, non fit
alius pater numero; ergo nec est ca-
pax pluriū relationum: vel si ponā-
tur plures, eo ipso efficiuntur vna
numero omnes, quia per omnes non
fit alius numero pater, sed idem. Si
vero respondeas, fieri hunc numero
patrem per hanc paternitatem in or-
dine ad hūc filium, & per aliam quo-
que eūdem in ordine ad alterum, &
hoc sufficere, vt plures possint, & de-
beant multiplicari. Cōtra hoc sic ar-
go: in ordine ad vnum, & plures fi-
lios est idem numero pater; ergo
per vnā numero formā relatiuā,
& non per plures. Probatum cōsequē-
tia, quia si quolibet est distinctum nu-
mero ab alia, propter distinctum nu-
mero terminum; ergo quolibet nata
est efficere distinctum numero pa-
trem: vnde si non facit distinctum,
nec potest esse distinctum numero ab
alia, etiam si ad distinctum numero
filium ordinetur. Quare non poterūt
multiplicari in eodē patre, sed sicut
idem numero pater est respiciēs plu-
res filios, ita eos respicit per eandem
numero paternitatem.

Secundo probatur, quia non sunt
multiplicandæ entitates reales sine
vigen-

Cap. 7. de ad aliquid. quæst. 8.

urgenti necessitate, sed si multiplicetur relationes eiusdem speciei per multiplicationem terminorum, multiplicatur fere infinitæ entitates reales sine urgenti necessitate; ergo non debent multiplicari. Probatur minor, quia infinita fere sunt alba eiusdem gradus, ad quæ refertur vnũ, & idem. per relationem similitudinis, infiniti fere homines, ad quos refertur quilibet relatione identitatis specificæ; ergo fere infinitas habebit entitates reales quilibet numero distinctas, si pro singulis multiplicentur singulæ relationes. Quod vero necessitas non urgeat, probatur, quia secundum communem sententiam scholæ, pro singulis conclusionibus eiusdem rationis, non multiplicatur in eodem homine singuli habitus scientiæ, sed idem habitus numero se extendit ad omnes, & posset se extendere, etiã si essent infinitas; sed quæ facilius est, quod eadem numero relatio se extendat ad omnes terminos eiusdem rationis; ergo nulla est necessitas multiplicandi singulas pro singulis.

83 Ad testimonium Aristotelis respondetur, patrem esse simul natura, & cognitione cum filio duobus modis intelligi posse, aut iacundum substantiam relationis, aut secundum extensionem eius accidentalem ad plures: & primo modo solum est simul natura cum primo filio: secundo modo cum omnibus, & singulis superuenientibus; & eodem modo loquendum est de cõseruatione eiusdem relationis, nõ cũ singulos respiciat tãquam ad quatuor terminos, ab vno tantum dependet, vt conseruetur quantum ad substantiam; ab omnibus vero, & singulis vt conseruetur quantum ad extensionem, quare quolibet desinente non conseruabitur in eadem

extensione, sed in minori.

Ad primum neganda est consequentia primi enthymematis, & cum dicitur nouam ordinationem esse nouam relationem concedi potest. Sed negandum est, quod adueniente nouo filio, confurgat noua ordinatio in patre, sed solum confurgit noua extensio eiusdem ordinationis, siue eiusdem relationis, sicut adueniente noua conclusione non multiplicatur nouus habitus, sed solum habetur de nouo extensio noua eiusdem.

Ad secundũ concessio antecedenti neganda est cõsequentia, quia nouum fundamentum inducit nouam relationem, si subiectum sit capax: habita autem prima relatione non est capax subiectum nouæ aliæ relationis numero distinctæ (vt probatum est) ideo nouum fundamentum, quod ex se posset nouam inducere relationem, per accidens non inducit eam, quia per accidens fuit subiectum impositum per relationem iam acquisitam. Et datur evidens instantia in cõclusionibus, quarum quolibet est productiua habitus, sed per accidens nõ producitur ab alijs præter primam, quia inueniunt iam productũ, & impositum subiectum.

Secundo respondetur concedendo eandem consequentiam, sed negando minorem subsequẽtem, quod per generationem secundũ filii, nouum ponatur fundamentum. Nam licet ponatur noua generatio, hæc non est fundamentum relationis, sed solum ratio fundandi, fundamentum vero est potentia generandi, vt reducta ad actum per generationem, potentia vero non multiplicatur, ideo nec ponitur nouum fundamentum, nec proinde noua relatio. Ad aliud tandem, quod dicitur de indiuiduatione accidentium, negari posset, quod plures

res species intentionales fiat in eodem subiecto, hoc est in sensu, aut in intellectu, qui non potest simul plura intelligere, nisi per modum vnius, hoc est, nisi ut aliquo modo ordinetur, vel per vnam speciem represententur, si sint obiecta eiusdem speciei. Sed melius forte dicitur diuersam esse rationem de accidentibus intentionalibus, quæ nec denominat subiectum, nec producuntur propter illud, nec ab eo præcipue dependent, sed ab obiecto, propter quod producuntur, ut potentia vniatur, atque de accidentibus realibus habentibus esse physicum, & secundum illud denominantibus, & propter subiectum productis. Quæ proinde ab eodem subiecto indiuiduantur: intentionalia vero potius ex propria entitate cum ordine ad talem actionem, per quam producuntur ab obiectis, sed de hoc suo loco.

QVAESTIO IX.

An entis realis ad non ens, aut ad ens rationis detur relatio realis.

85 **S**ensus quæstionis est, an necesse sit terminum relationis realis esse reale, hoc est, actu existentem, vel etiam si sit ens rationis, aut ens in potentia, referatur ad illud ens actu existens relatione reali.

86 **T**riplex est relatio, prima pertinet ad essentiam absoluti, ut transcendentes, & secundum dici, quales sunt respectus, quos dicunt accidentia ad subiecta, & scientiæ, atque potentia, ad obiecta, & de his certum est apud omnes, quod reales esse possint, & terminari ad ens in potentia, vel ens rationis, quia realis est respectus aptitudinalis inherentiæ, quem dicit quæ-

ritas Eucharistiæ ad substantiam panis, in qua erat, iam non existentem. Realis est etiam respectus, quem dicit Dialectica ad ens rationis tantquam ad proprium obiectum. Alia est relatio non pertinens ad essentiam absoluti, sed quæ omnibus accidit, & hac est prædicamentalis, sed est duplex, quædam mutua, quæ ex parte utriusque extremi realis est, ut similitudo, & æqualitas. Et de hac etiam est certum, quod non possit versari inter ens actu, & ens in potentia, aut inter ens reale, & rationis. Quod probat euidenter hoc argumentum. Relatio realis mutua debet esse ex parte utriusque extremi realis, sed ens in potentia, aut ens rationis, non est capax relationis realis; ergo non potest referri ad ens actu relatione reali. & ex cōsequenti repugnat relationem realem mutuam dari entis in actu ad ens in potentia, vel ad ens rationis.

Difficultas igitur quæstionis ad 87. solas relationes prædicamentales non mutuas, ex quibus constat tertium genus, reducitur, an possint terminari ad ens in potentia, vel ad ens rationis, vel necesse sit habere terminum realem, & actu existentem, quous absolutum.

Et prima opinio affirmat entis in actu ad ens in potetia, vel ad non ens dari posse relationem realem non mutuam, ita Greg. in 1. d. 28. q. 3. Sencinas 5. Met. quæst. 7. & ex modernis non nulli. Et probatur testimonio Aristotelis c. præsentis, ubi ait, calefactiuū referri ad calefactibile, & agēs in actu ad passum in potentia in secundo genere relationum; ergo sentit entis in actu ad ens in potetia dari relationem realem.

Probat deinde ratione. Primo, quia relatio non sumit entitatem realem

Cap. 7. de aliquid. quæst. 9.

lem à termino, sed à fundamento: ergo ut realis sit, non habet à termino, sed à fundamento, quare realis esse poterit, etiam si terminus sit ens rationis, vel ens in potetia. Quod probat Dialectica, quæ cum scientia realis sit, & realis habitus, habet pro obiecto ens rationis.

88 Secundo, potentia, habitus, & scientia sunt mensurabiles per sua obiecta; ergo referuntur ad eam relationem reali mensurabili ad mensuram in tertio genere posita, non tamen referuntur ad illa, ut actu existentia; sed sufficit, quod sint in potentia; ergo hæc relatio non mutua potest dari inter ens actu, & ens in potentia. Probatur minor, quia visibile non dicit actuale existentiam, sed potentiam tantum, & rosa non existente in hyeme datur vera, & realis scientia de illa. Et confirmari potest hoc modo. Hæc est differentia inter officium referendi, & terminandi, quod illud dicit intrinsecam ordinationem relationi ad terminum, & ideo requirit veram relationem inhaerentem relationi, & ex consequenti actualem existentiam eiusdem relationi; sed terminare solum dicit extrinsecam denominationem, & extrinseca denominatio potest convenire rei non existenti, quia cum nihil intrinsecum ponat in ea, non necessario præsupponit actualem existentiam eius; ergo ens in potentia sufficienter potest terminare relationem non mutua

89 Secunda opinio negat, relationem prædicamentalem non mutua potest dari ad ens rationis, vel ad ens in potentia, sed asserit relationem necessariò requirere terminum realem actu existentem. Hæc est D. Thomæ secundo contra gentes cap. 12. & 1. par. quæstione 13. quem secutur

tur in eisdem locis Caiet. & Ferrar. Scotus in 1. d. 3. quæstione unica, Capreolus d. 31. quæst. 1. Scotus quæst. 1. huius capituli, Fonseca 5. Metaphysicæ cap. 15. quæst. 1. sectio. 2. Pater Franciscus Suarez 2. tomo suæ Metaphysicæ, & moderni fere omnes, & videtur nobis probabilior, & sequenda.

Sed explicanda est prius, deinde probanda. Pro explicatione vero notanda est distinctio inter relationes transcendentales, & secundum dici ex una parte, & relationes prædicamentales; quod illæ sunt de essentia absolutorum, quorum essentiam complent, ideo non dicuntur habere fundamentum, nec ex fundamento aliquo consurgere, sed naturam absoluti, cuius essentiam complent, sequuntur; quod si ens prædicamentale fuerit, ad prædicamentum, & speciem eius reduciue pertinebunt. Relationes vero prædicamentales extra essentiam omnium absolutorum sunt, nec per se intenduntur, aut producantur à natura, vel agente aliquo, sed consecuntur rem absolutam per se intentam, atque productam, nec secuntur illam, ut in se est, sed ut cōmensuratur, aut proportionatur alteri. Gratia exempli, relatio similitudinis extra essentiam albi, aut nigri est, nec per se intenditur, aut producit à natura, sed consequitur albedinem, aut nigredinem per se intentam, & productam, nec sequitur illam ut est in se, sed ut cōmensuratur alteri albedini, quia si sola una albedo produceretur in rerum natura, non consequeretur eam relatio similitudinis, & quod de similitudine dicimus, de ceteris relationibus intelligendum est.

Secundo notandum est, in potentiis, habitibus, & scientiis duplicem esse

esse relationem, primam, per quam completur essentia eius, & hæc non significatur nomine scientiæ, sed imbibitur in ratione absoluta eius, ad quam significandam per se est impossibile. Alia est relatio, quæ non pertinet ad essentiam scientiæ, nec sequitur eam, ut est in se, sed ut communis, & adæquatur obiecto, ita ut non possit circa aliquid versari, quod non contineatur sub eo, nec possit non versari circa quodcumque sub eo contentum. Et hæc est relatio mensurabilis, per quam refertur scientia ad obiectum, non sub ratione scibilis, sed sub ratione mensurabilis. Itaque naturam scientiæ iam completæ per respectum ad obiectum in ratione scibilis, consequitur relatio adæquationis, aut mensurabilitatis; unde respectus scientiæ, ut significatur nomine scientiæ ad scibile, est relatio secundum dici; respectus vero eiusdem scientiæ, ut mensurabilis, est relatio secundum esse, & prædicamentalis pertinet ad tertium genus huius prædicamenti.

91 Ex hac doctrina colligitur efficax argument. ad probandam nostram sententiam. Quia relatio prædicamentalis: cum sit extra essentiam absoluti, fundatur in cōmensuratione eius cum alio, & cum sit realis, fundatur in cōmensuratione reali, sed nihil potest habere cōmensurationem, vel adæquationem realem cum altero, nisi etiam sit realis; ergo nec potest consurgere relatio realis in ente reali, ad ens rationis, vel ad ens in potentia. Probatur minor, quia cōmensuratio realis est realis, & naturalis proportio unius rei cum altera, in qua proportionem fundatur relatio realis, ergo non potest esse talis cōmensuratio, aut proportio cum ente rationis, non habente

esse, nisi per operationem intellectus, sed nec cum ente in potentia, quia ens in potentia non habet esse reale in rerum natura, ergo nec ad illud comparari potest realiter, & naturaliter ens reale actu existens, sed solum per operationem intellectus considerantis ipsum, ac si actu esset, quare nec potest esse fundamentum reale in ente reali, ex quo consurgat relatio prædicamentalis respectu entis rationis, vel entis in potentia.

Ad testimonium Aristotelis prima sententia respondeo ita, relationem motui ad mobile, & productioni ad producibile realem esse, si extrema sint actu existentia in rerum natura, ita ut de illis verum sit, unum habere realem potentiam actionem producendi, vel monendi aliud, & hoc habere potentiam passivam, per quam procedit, aut movetur ab alio; si vero utrumque, vel alterum solum sit in potentia, non erit relatio realis, sed rationis tantum.

Ad primum distinguendum est antecedens, quia duplicem sensum habere potest. Primum materiale, nempe relationem sumere entitatem realem à re materiali, quæ est fundamentum, ut in se consideratur: & in hoc sensu negandum est, quia relatio non sequitur rem, in qua fundatur, ut est in se, sed ut cōmensuratur, vel comparatur naturaliter ad alteram. Secundus sensus est, relationem sumere entitatem realem à fundamento ut alteri cōmensurato, & est verus. Sed neganda est consequentia, quod realis possit esse relatio, etiam si terminus, sit ens rationis, vel ens in potentia, quia res quæ est fundamentum, non potest cum his habere realem, & naturalem cōmensurationem, & ideo non potest tribuere entitatem relationi reali.

Cap. 7. de ad aliquid. quæst. 10.

reali, nec proinde esse fundamentum eius.

Ad secundum concedendum est primum enthymema, sed minor distinguenda: nam scientia duobus modis accipitur, atque etiam potentia, & habitus; aut secundum essentialia, & hoc modo respiciunt obiecta, ut scibilia, & ideo non, ut actu existentia: aut secundum realem commensurationem, vel adæquationem, quæ habent cum obiectis, qua ratione cōsequitur eas relatio mensurabilitatis realis ad obiecta, non sub ratione vniuersali scibilibus accepta, sed sub speciali mensuræ, & hoc modo respiciunt obiecta actu existentia, non ita ut actualis existentia sit ratio obiectiua, sed potius natura eorum, secundum quam attinguntur ab eadem scientia: existentia vero necessaria conditio est, ad relationem realem mensurabilitatis, quia nisi actu existant, non potest scientia realiter eō mensurari, aut comparari ad illa, sed solum dicentur scientiæ mensurabiles per relationem rationis mensurabilitatis consurgentem ex comparatione, qua eas comparat intellectus cum obiecto tanquam cum mensura earum.

93 Ratio autem huius differentie inter utramque relationem scientiæ, ut scientiæ, ad obiectum ut scibile, & relationem eiusdem scientiæ ad obiectum ut mensuram est, quod cum relatio illa sit complementum scientiæ (quæ absoluta qualitas est, & ideo non dependens in sua entitate absoluta ab entitate obiecti, sed ab actibus circa illud per quos producit) realis esse potest, etiam si obiectum sit ens rationis, vel solum ens in potentia. Cuius ea est ratio, quia non minus versatur intellectus per actus reales circa obiectum reale, aut actu

existens, quam circa ens rationis, vel ens in potentia; nec minus per tales actus reales producit verum, & realem habitum. Relatio vero realis mensurabilis accedit scientiæ ex commensuratione, & comparatione reali, & naturali cum obiecto, non ut scibili, sed ut mensuræ eius; commensurationem vero, & comparationem realem habere non potest cum eo, nisi actu existenti, & ideo nec relatione realem mensurabilis, sed rationis tantum per comparationem intellectus cum eo existenti in potentia. Non ergo sequitur, quod si relatio secundum dici scientiæ ad scibile realis sit respectu obiecti in potentia, aut respectu entis rationis; realis quoque esse possit relatio prædicamentalis non mutua eiusdem scientiæ, ut mensurabilis ad idem obiectum ut mensuram.

Ad confirmationem concedenda 94 est maior, sed minor distinguenda, nam licet aliqua denominatio extrinseca cōuenire forte possit enti in potentia, non tamen denominatio extrinseca terminandi relationem realem, quia relatio realis fundatur in commensuratione reali relationi cum termino, commensuratio autem realis non potest esse, nisi inter entia realia actu existentia.

QVAESTIO. X

An aliqua relatio prædicamentalis fundetur proxime in substantia.

95 Explicato termino relationis, iam agimus de fundamento eius. Trias fundamenta relationum prædicamentaliū assignauit Aristoteles 1. lib. Metaph. ca. 15. Primum est unitas,

vnitas, quam etiam vocauit numerum, quia principium numeri est. Vnitas vero triplex est, numerica, specifica, & generica, sit de numerica non intelligit esse fundamentum relationis, quia repugnat naturæ eius: nam relatio realis, & prædicamentalis dicit oppositionem realem inter extrema, & ex consequenti distinctione realem, quia nihil opponitur realiter sibi sed individuum, ut est vnum numero, non est vnum cum altero individuo vnitate numerica, sed sibi tantum, & sibi non opponitur realiter, quia non distinguitur à se realiter; ergo non potest fundare relationem vnitatis. Specifica vero, & generica possunt, quia in diuersis individuis, aut speciebus fundantur, & ideo habent extrema realiter distincta, ut natura humana distincta à diuina, nempe Petrum, & Ioannem; & natura sensitiua distincta species, ut hominem, & leonem.

Secundum fundamentum relationis dicit esse actionem, & passionem. Ut generatio, per quam vnus homo generat alterum est actio, & generatio passiva, per quam vnus homo dicitur genitus ab alio, dicitur passio, & illa fundat relationem paternitatis, hæc relationem filiationis.

96. Tertium fundamentum est mensura; hoc est ad quatuor vnus rei cum alia, quæ reperitur in potentiis, habitibus, scientiis, & virtutibus cum suis obiectis, in quantum ad omnia se extendunt, quæ sub obiectis propriis continentur, & ad nihil aliud, quod sub eis non coniungatur; ex qua adæquatione dicuntur obiecta mensuræ eam, & aliæ dicuntur mensurabiles ab eisdem obiectis, & secundum hæc tria fundamenta distinguit Aristoteles tria genera relationum. Pri-

um vocans, quod fundatur in vnitate; sub vnitate etiam intelligens diuersitatem, quia eadem est ratio oppositorum. Secundum genus vocat illud, quod fundatur in actione, & passione. Et tertium, quod fundatur in mensura. Et quantum pertinet ad hanc quæstionem, supponimus relationes secundi generis non fundari proxime in substantia, sed mediis his accidentibus, nempe actione, passione, & mensura. Quare solum procedit quæstio de relationibus primi generis, quæ fundantur in vnitate, an fundentur proxime in substantia. Et de vnitate numerica probauimus non fundare relationem realem, ideo difficultas quæstionis reducitur ad vnitatem genericam, & specificam. In qua tres alias species relationum fundari docet Aristoteles, nam si vnitas specifica sit in substantia, dicit fundare relationem identitatis specificæ, ut vnitas specifica Petri, & Ioannis est fundamentum relationis identitatis specificæ inter eos reperta: Si sit in qualitate, dicit fundare relationem similitudinis, ut inter duo alba. Si sit in quantitate, fundat relationem æqualitatis, qualis est ea, quæ reperitur inter duo corpora eiusdem longitudinis.

97. Sed in fundamentis harum trium specierum relationis duo considerantur, nempe fundamentum, & ratio fundandi, fundamentum est res ipsa fundans relationem, ut substantia, qualitas, & quantitas; ratio vero fundandi est vnitas, aut diuersitas specifica, aut generica, quia ratione illius substantia, qualitas, & quantitas fundant relationem, ita ut vnitas sit ratio fundandi relationem identitatis, similitudinis, aut æqualitatis; diuersitas vero sit ratio fundandi relationem diuersitatis, dissimilitudinis,

nis, & inæqualitatis. Et hanc rationem fundandi vocant alii fundamentum proximum, ipsam vero rem, quæ fundat remotum. Vt albedinem vocant fundamentum remotum, unitatem vero proximum.

Ex his tribus speciebus relationum, nempe identitatis, similitudinis, & æqualitatis, certum est duas postremas non fundari proxime in substantia, sed in qualitate, & quantitate, per quas dicuntur res similes, vel æquales. Solum ergo potest esse quæstio de relationibus identitatis, & diuersitatis genericæ, aut specificæ, an proximum fundamentum earum sit substantia.

8 Et prima opinio asserit, non esse relationes reales, sed rationis, ut relationem identitatis specificæ inter Petrum, & Ioannem, & consequenter tenet nullam relationem realem fundari proxime in substantia. Ita Fonseca 4. lib. Metaphysicæ, cap. 2. quæstione 7. sectio. 8. & lib. 5. cap. 1. q. 1. sectio. 7.

Probat primo, quia unitas specifica aut generica est ratio fundandi has relationes, sed istæ unitates non dantur à parte rei, sed per operationem intellectus abstrahentis naturam ab inferioribus, aut comparantis ad illa, ut quæstione 3. vniuersalius dictum est; ergo relationes, quæ consecuntur has unitates, non dantur à parte rei, sed per intellectum, & ideo non erunt reales, sed rationis.

Secundo, relationes, quæ eodem modo concipiuntur rebus, dum actu existunt, & dum solum sunt in potentia, non possunt esse reales, ut ex quæstione præcedenti patet: sed relationes identitatis, & diuersitatis specificæ, atque genericæ ita se habent; ergo non sunt reales, sed ratio-

nis. Probat minor, quia non minus sunt eiusdem specie Petrus, & Ioannes mortui, quam viui, nec minus distinguuntur specie equus, & leo, siue actu existant, vel solum in potentia; quod etiam de rosa certum est, non minus specie distincta ab alii floribus in hyeme, quam verno tempore; ergo utroque modo se habentes fundant relationes identitatis, & diuersitatis, quæ ideo non poterunt esse reales, sed rationis.

Secunda opinio concedit tales relationes esse reales & proxime conuenire substantiis, sed negat esse prædicamentales, & transcendentales esse vult, & ideo nullam relationem prædicamentalem proxime fundari in substantia. Hanc sententiam citat Soncinas 5. Metaphysicæ, quæst. 31. & sequitur Mercatus cap. præsentis quæstione unica, probatque testimonio dei Thomæ 4. contra gentes cap. 14. ubi inquit, *Relatio non solum præexistit esse substantiæ, sed esse aliorum accidentium, ex quibus causatur, siquidem in quæ antequam causat æqualitatem, & unum in qualitate similitudinem.* Deinde hoc argumens. Vnum, & distinctum, seu diuersum sunt passionibus entis; ergo convertitur cum eo, sed ens est transcendens, ergo & illa: quare relationes consequentes unitatem, & diuersitatem transcendentales erunt, non prædicamentales. Quod probatur etiam, quia unitas specifica, atque generica in omnibus prædicamentis reperitur, ergo transcendentalis est, & consequenter relatio in ea fundata.

99 Tertia opinio dicit asserit, primum relationes identitatis, & diuersitatis esse reales, & prædicamentales secundum, proxime fundari in substantia. Ita Auicenna 3. Metaphysicæ, cap. vel Albertus Magnus tracta. de prædica-

adramento ad aliquid cap. 3. Caieta. 2. part. quæst. 28. art. 1. ad 2. Ferr. 4. contra gentes cap. 7. Sencinas 5. Metaph. y. quæst. 31. Sotus cap. præsentis quæstione 1. & est expressa sententia Aristotelis, & D. Thomæ, & non solum probabilis, sed vera. Aristotelis quidem 5. Metaphysicæ cap. 15. ubi assignat fundamentum relationum primi generis his verbis. *Secundum unum enim omnia dicuntur, eadem enim sunt, quorum substantia una. Similia vero, quorum qualitas una, equalia autem, quorum quantitas una.* Et D. Tho. opusculo 48. tractatu 5. de prædicamento ad aliquid cap. 4. ait. *Nihil tamen obstat, quin relatio possit fundari, immediate in substantia, nam in uno in substantia fundantur identitates, in uno in quantitate fundantur equalitates, in uno in qualitate similitudo.* Et 1. parte quæstione 28. artic. 1. ad 2. docet identitatem numericam esse relationem rationis, genericam vero, & specificam realem, & prædicamentalem.

Sed probatur ratione, quia unitas specifica albedinis fundat relationem realem, & prædicamentalem si similitudinis, & unitas specifica quantitatis relationem aequalitatis; ergo unitas specifica substantiæ fundat relationem realem, & prædicamentalem identitatis. Antecedens evidens est, & conceditur ab adversariis, sed non est minus evidens consequentia, quia omnes conditiones necessariæ ad fundandam relationem realem, & prædicamentalem, quæ reperiuntur inter equalia, & similia, reperiuntur inter ea, quæ sunt eiusdem, aut diversæ species in substantia; ergo non minus fundant relationem realem, & prædicamentalem identitatis.

Quod vero substantia sit proximum fundamentum harum relationum probatur, quia prius quam intelligatur substantia cum aliquo accidenti, intelligitur, & est eadem, vel diversa specie per proprium genus, & differentiam; ergo proximum fundamentum est relationis identitatis, aut diversitatis.

Ad primum argumentum primæ opinionis respondetur, ex doctrina tradita quæstione tertia univ ersalium distinguendo minorem, nam unitas specifica, & generica formalis non datur ante operationem intellectus, datur tamen virtualis, quæ est fundamentum remotum universalitatis, & sufficiens ratio fundandi has relationes reales identitatis.

Ad secundum neganda est minor, quod istæ relationes identitatis eodem modo reperiantur in extremis actu existentibus, & non existentibus; quia dum non existunt Petrus, & Paulus, non sunt eiusdem speciei secundum entitatem realem specificam, sed solum in quantum possunt apprehendi ab intellectu sub eiusdem prædicatis essentialibus, & ideo non possunt fundare relationem realem, sed rationis, quia fundamentum relationis realis debet esse entitas realis, quæ non est nisi actu existens.

Ad testimonium D. Thom. pro secunda opinione adductum respondeo Ferr. ibidem, quod substantia fundat relationem identitatis media unitate tanquam ratione fundandi, quæ unitas licet vere sit substantialis, sed habet modum accidentalis in quantum intelligitur, ut quid superadditum extremis, ut Petro, & Ioanni quæ si superaddita intelligitur unitas specifica eo fere modo, quo intelligitur

X 2 super-

Cap. 7. de aliquid. quæst. 11.

superaddita vnitas albedinis : itaque vniuersaliter verum est, substantiam fundare relationem medio accidenti superaddito, vero quidem, aut per similitudinem accidentis apprehenso. Vel secundo possumus respondere, non de relationibus loqui D. Thomam maiori ex parte, quia maior pars earum conuenit substantiæ medio accidenti, non tamen de omnibus: cum in primo loco expresse doceat, quasdam fundari proxime in substantia.

101. Ad argumentum eiusdem sententiæ distinguendum est primum antecedens, quia vnitas duplex est, generalis, quæ consequitur entitatem; & specialis, quæ vocatur specifica, aut generica, & illa est transcendens, & ideo non potest fundare relationem prædicamentalem: hæc vero quia specialis potest. Quod vero repugnat in omnibus prædicamentis nihil obstat, quia cum ratio eius specialis sit, specialis semper censetur, & secundum specialem, & propriam rationem fundat relationem identitatis.

QVAESTIO XI.

An una relatio realis possit esse fundamentum alterius.

Qualibet relatio per se primo habet esse rationem referendi relatiuum, quod constituit ad terminum sibi oppositum, ut paternitas esse rationem referendi patrem ad filium, habet etiam esse eiusdem generis, aut speciei, vel differens ab altera relatione, ut paternitas est eiusdem speciei, cum alia paternitate, & etiam ei similis vocari potest. Querimus ergo, an per

se referatur ad quamlibet aliam, cui est similis, vel cum quæ est eadem, aut non per se, sed per aliam relationem identitatis: nam si per se referatur non indigens alia relatione, nec erit fundamentum eius, si vero per aliam referatur, sicut quodlibet indiuiduum eiusdem speciei referatur ad alterum per relationem identitatis sibi superadditam, fundamentum talis relationis absque dubio erit.

102. Primam sententiam omnibus modis negantem, quod vna relatio sit fundamentum alterius tenent Ferrar. 4. lib. contra gentes cap. 4. Soncinas 5. Metaphys. quæst. 29. ad 1. Et probatur ex doctrina Aristotelis 5. lib. Metaphys. cap. 15. ubi tria tantum fundamenta relationum posuit, nempe vnitatem substantiæ, qualitatis, & quantitatis pro primo genere, actionem, & passionem pro secundo, & pro tertio mensuram: sed relatio nullum horum est, ut constat: ergo ex mente Aristotelis non potest esse fundamentum relationis.

Probatur etiam testimonio D. Thom. 1. par. quæst. 42. arti. 1. ad 4. ubi vniuersaliter videtur negare, quod vna relatio sit fundamentum alterius, his verbis. *Vna relatio non refertur ad aliam per aliquam aliam relationem: cum enim dicimus, quod paternitas opponitur filiationi, oppositio non est relatio media inter paternitatem, & filiationem.*

Sed ratione probatur primo, quia relatio essentialiter est ratio referendi vnum ad alterum: ergo per seipsam, & non per aliud refertur ad quodcumque ordinari potest. Sicut albedo, quia ex se est ratio albi, non potest per aliam albedinem fieri alba, sed si vna relatio funda-

fundaret aliam, ordinaretur per illam ad alteram; quemadmodum ordinatur cætera, quæ fundant relationem; ergo impossibile est, quod una ratio sit fundamentum alterius.

Secundo, si una ratio fundaret alteram, daretur processus in infinitum in relationibus, iste non est admittendus, quia ex eo sequitur dari infinitas relationes actu; ergo nec admittendum est, quod una ratio sit fundamentum alterius. Probatur antecedens, quia si paternitas fundat aliam relationem, cum illa secunda sit vera ratio, erit etiam fundamentum alterius relationis, & sic de tertia usque ad infinitas.

103 Secunda opinio concedit unam relationem esse fundamentum alterius, quam tenet Scotus in 1. d. 1. quæst. 4. & 5. & in 4. d. 6. quæst. 10. & cum eo Lyketos, & Mayronius eisdem locis, & Antonius Andreas 5. Metaph. quæst. 13. & lib. de sex principiis quæst. 20.

Probat primo ex Euclide 5. Geometriæ, in principio. Vbi definit proportionalitatem, dicens esse similitudinem duarum proportionum, quod non potest esse verum, nisi in proportionem fundetur similitudo, sed proportio est etiam ratio apud omnes; ergo una ratio ex mente Euclidis est fundamentum alterius.

Deinde ratione, quia sicut duæ albedines sunt similes, quia sunt eiusdem speciei; & ideo sunt fundamenta relationis similitudinis, per quam una ordinatur ad aliam; ita duæ paternitates, aut duæ relationes similitudinis sunt similes; ergo fundant alias relationes similitudinis, per quas ordinatur quælibet ad aliam.

Pro solutione huius quæstionis notandum est relationem duobus modis posse considerari. Primo per se,

formaliter, & essentialiter, & hoc modo est ratio referendi unum extremum ad alterum sibi oppositum, ut ratio paternitatis est ratio referendi patrem ad filium.

Secundo consideratur materialiter, & accidentaliter, in quantum conuenit cum alia relatione in essentia, aut est diuersa ab ea, ut una paternitas, aut una similitudo in quantum conuenit cum alia paternitate, vel alia similitudine, aut differt à filiatione, & dissimilitudine, & hoc modo non consideratur, ut ratio referendi, sed ut id quod refertur ad aliud, & propterea dicitur consideratio materialis relationis, quia communis est ei cum rebus absolutis, quæ ad alias referuntur, à quibus separatur per primam considerationem formalem, & essentialem. Dicitur etiam consideratio accidentaliter, quia sicut accidentale est Petrus, quod sit idem in specie cum Ioanne, & huic albedini, quod sit similis alteri, eadem ratione accidentale est paternitati, quod sit eiusdem speciei cum altera, aut ei similis. Probatur paritas rationis euidenter, quia sicut hæc prædicatio, Petrus est idem cum Ioanne, aut ei similis, est in 5. prædicabili, sic etiam ista, hæc paternitas est idem cum illa, aut ei similis.

Hoc supposito, nostra sententia duabus conclusionibus explicatur secundum sensum huius distinctionis. Prima est, ratio formaliter, & essentialiter considerata, hoc est ut ratio referendi relativum ad terminum sibi oppositum, non potest esse fundamentum alterius relationis. Ut paternitas, in quantum est ratio referendi patrem ad filium, non fundat aliam relationem, sed per seipsam, & non per aliam est ratio referendi. Hæc conclusio videtur

X ; mihi

104

Cap. 7. de ad aliquid. quæst. ii.

mibi evidens, ideo nō indigerit probatione.

Sed probatur primo id, quod fundat relationem, refertur per illam ad aliud, ut albedo fundat relationē similitudinis, & per eam refertur ad aliam albedinem. Sed relatio formaliter, & essentialiter sumpta non refertur ad aliam, sed est ratio referendi vnum ad aliud; ergo non est fundamentum alterius relationis.

105

Secundo, una relatio formaliter sumpta dicit formalem oppositionē cum alia relatione terminā, ad quem per se ordinat relatiuum; ergo per se, atque essentialiter est ei opposita, & non per aliam: quare per se, & nō per aliam erit ratio referendi, sicut per se, & non per aliam opponitur eidem relationi, & ideo hoc modo sumpta non indiget alia relatione, cuius fundamentum sit. Probatur prima consequētia, quia si per aliam relationem esset illi opposita, non essentialiter, sed accidentaliter ei opponeretur. Et hoc modo sumpsit D. Thom. in illo testimonio relationē, dum negavit posse esse fundamentū alterius, ut verba citata ostēdunt.

Secunda conclusio. Relatio materialiter, & accidentaliter considerata tanquā, id quod refertur ad aliud, quo pacto comparatur ad relationē non sibi oppositam, sed ad aliam, cui est similis, vel cum qua est eiusdem speciei, fundamentum est alterius relationis, per quam ad eandem relationem refertur. Ut relatio paternitatis non comparata ad filiationem, sed ad aliam paternitatem tanquam id, quod ad eam refertur, ut est eiusdem speciei cum eo, fundat non aliā relationem paternitatis, sed aliam relationem identitatis in primo genere, sicut Petrus ut est eiusdem speciei cum Ioanne. Ut ranque conclu-

sionem nostram tenet pater Franciscus Suarius tomo 1. suæ Metaphysicæ disp. 47. sectio 11. num. 9. sed probatur hæc primo.

Vna relatio solum ordinatur per se ad oppositam, & ad quancunque aliam accidentaliter, ut probatum est: ergo licet non ordinetur ad oppositam per aliam relationem, sed per seipsam, ad aliam tamen non potest ordinari, nisi per relationem suā peradditam accidentaliter. Probatur consequētia, quia si ordinatur accidentaliter ad aliam, sequitur talem ordinationem esse ei accidentalem, sed ordinatio est relatio; ergo per relationem sibi accidentalem ordinatur, quæ non potest fundari in alio præter eandem relationem.

Secundo, duæ paternitates sunt eiusdem speciei, & quælibet est id, quod refertur ad alteram in ratione identitatis specificæ, sicut Petrus refertur ad Ioannem, ergo sic sumptæ pertinent ad primum genus relationis, & non ut paternitates, quia ut sic pertinent ad secundum, ergo sub ratione eiusdem, hoc est ut extrema identitatis specificæ, sed identitas specifica per se fundat relationem primi generis, ergo duæ paternitates sub tali ratione erant fundamentum relationis identitatis, et ideo necessarium erit concedendum, quod una relatio sit fundamentum alterius, non eiusdem generis, sed diversæ.

Quod hoc modo potest confirmari 107
ri. Hæc prædicatio est vera de utraque paternitate, hæc paternitas est eadem in specie cum illa, & identitas est relatio primi generis; ergo est eadem per relationem primi generis: sed ipsa secundum se, aut essentialiter non pertinet ad primum genus, sed ad secundum; ergo pertinet ad.

106

107

ad primum accidentaliter, & ideo accidentaliter de ea prædicabitur relatio primi generis, sed impossibile est relationem prædicari accidentaliter nisi de eo, quod est fundamentum eius, ut patet in qualibet relatione; ergo prædicabitur relatio identitatis de duobus paternitatibus tanquam de his, à quibus fundatur. Probatur tandem in relationibus rationis, in quibus evidens est, quod una relatio materialiter sumpta sit fundamentum alterius. Nam relatio generis constituens primum prædicabile, per se, & essentialiter est ratio prædicandi de speciebus, sed materialiter sumpta, ut est, quod prædicatur de hac, & illa secunda intentione generis tanquam de individuis, pertinet ad prædicabile speciei, & fundat relationem eius, à qua denominatur accidentaliter; ergo etiam in relationibus realibus una fundabit aliam sumpta materialiter.

Ad testimonium Aristotelis respondeo, ex hoc non multiplicari fundamenta: cum relatio una fonder aliam in primo genere. Testimonium D. Tho. iam est expositum per nostram primam conclusionem, cuius sensum continet, loquitur enim de relatione sumpta formaliter, & essentialiter, & hoc modo verum est, non posse fundare aliam relationem, sed materialiter tantum, & accidentaliter consideratam.

Ad primum argumentum distinguendum est consequens primi enthymematis. Nam duobus modis potest ordinari una relatio ad aliam. Primo formaliter, & ut ratio referendi relatiuum ad terminum sibi oppositum, & hoc modo seipsa, & non alia relatione ordinatur, & hoc

solum probat similitudo albedinis. Secundo, per accidens, & materialiter, hoc est tanquam id quod accidentaliter refertur, non ad relationem sibi oppositam, sed ad aliam, cum qua est idem in specie, ad quam non refertur ut paternitas, vel filiatio, sed ut eadem; imo nec per modum relationis, sed absoluti, quod est idem in specie cum alio: quare non potest seipsa referri, sed per aliam sibi superadditam, cuius fundamentum esse necessarium est.

Ad secundum respondent quidam concedendo processum infinitum in relationibus, & nullum esse in convenientiis asserunt, quia tenent relationem sola ratione distingui à fundamento, quo supposito solum sequitur, quod dentur relationes per intellectum distinctæ actu infinitæ, non vero à parte rei, sicut concedendæ sunt in partibus continui actu infinitæ. Hæc tamen solutio non placet, quia probabilius est, relationes distingui ex natura rei à fundamentis, ut inferius probabitur, & ideo concedenda erunt infinita entia distincta à parte rei. Et completa quidem, hoc est prædicamentalia, & composita ex genere, & differentia, quod est in convenientiis. Relationes vero partium continui incompletæ sunt, & partiales, ex quibus quasi una totalis efficitur, & ideo non est in convenientiis admittere, quod sint actu infinitæ.

Respondeo igitur negando, quod detur processus in infinitum in relationibus, nam aliud est dari processum in infinitum in aliquibus, aliud vero, quod in infinitum multiplicari possint: nam illud est da-

Cap.7. de ad aliquid. quæst.12.

ri actū infinitum, hoc vero solum in potentia dari autem infinitum in potentia nullum est in conueniens, sed necessarium in diuisionibus continui, & in indiuiduis cuiuslibet speciei, & hoc tantū datur in relationibus, ex eo, quod vna fundat alteram, non actū infinitas relationes. Quod sic ostendo, nam etiam si duæ paternitates fundent alias relationes identitatis, non sequitur, quod tales relationes identitatis fundatæ fundent alias, sed per illas referuntur inter se, & ad quascunque alias eiusdem speciei, sicut per eandem paternitates referuntur patres, in quibus sunt ad hos filios, & ad omnes alios, quos habebunt. Quod vero possint multiplicari alias relationes diuersitatis, ad quas istæ referantur per alias relationes: etiam diuersitatis nihil refert, quia eodem modo per singulas relationes diuersitatis ordinantur ad omnes alias diuersæ speciei, & non erit vltra procedendum in relationibus actualibus, nec multiplicantur plures, ex eo, quod vna relatio sit fundamentum alterius. Quod vero semper possint multiplicari aliæ, si de nouo fiant relationes in aliis rebus, solum est posse multiplicari in infinitum, & dari infinitum in potentia, vt in diuisionibus continui, & quibuscunque indiuiduis aliarum specierum, & ideo nullum est in conueniens.

QVAESTIO XII.

Vtrum relationes secundæ generis fundentur in potentia, vel in actione.

109. **T**RES modos relationum diuersos enumerauit Aristoteles in hoc secundo genere 5. lib. Me-

ta. cap. 15. & primum dixit fundari in actione præterita, vt calefacientis ad calefactum, & vniuersaliter agentis in actū, ad passum in actū. Secundum in actione futura, vt calefactiui ad calefactibile. Tertium in actione præterita, vt pater, & filius, ille enim fundat relationem paternitatis, quia genuit, iste vero relationem filiationis, quia genitus est: Ex his autem quædam sunt relationes secundum dici tantum, aut etiã relationes rationis, sed omnes quasi per mixtas enumerat Aristoteles, quia ex omnibus simul cognitis melius cognoscitur natura relationum prædicamentalium. Ex his autem omnibus relationibus, illas saltem recipiunt omnes pro prædicamentibus, quæ fundantur in actione præterita, & de his, atque etiã de cæteris prædicamentibus huius secundæ generis inquirimus, an fundantur in actione præterita, præteriti, aut futura, vel in potentia, à qua procedit actio, vt an paternitas, & filiatio fundentur in actione, & passio ne præterita, quas significare solent his nominibus, genuisse, & genitum esse; vel solum in potentia generandi actiua patris, & in potentia passiuæ filii, per quam dicitur genitus.

Potentia vero duobus modis accipi potest; primo pro formali apertitudine, aut virtute agendi, quæ accidens quoddam est superadditum substantiæ corporeæ ad operandū, secundo pro ipsamet substantia, ex qua procedit talis potentia: & illa dicitur potentia formalis, hæc radicalis, quia radix ei est; vt potentia formalis ad ratiocinandum est intellectus, radicalis anima, aut natura rationalis.

His expositis, prima opinio tenet relationes huius generis non in actione, sed in potentia formali fundari, vt paternitatē in potentia generatiua, ita

Scotus

Scotus 5. Metap. cap. 15. & in 4. d. 6. quæst. 10. & d. 13. quæst. 1. Probatur testimonio Arist. 5. Meta. cap. 15. ubi ita ait. *Forum vero, quæ secundum potentiam, etiam secundum tempora iam dicuntur ad aliquid.* Quibus verbis potentiam dicit esse fundamentum harum relationum.

Deinde ratione. Primo, quia quod non est, non potest esse fundamentum relationis realis, sed actio præterita iam non est; ergo in ea non potest fundari relatio realis huius generis.

Secundo, quia non repugnat Deum separare relationem à subiecto, si autem fundetur in actione præterita, repugnabit prorsus; ergo non fundatur in ea. Probatur minor, quia impossibile est actionem præteritam non fuisse; ergo impossibile etiam erit non genuisse eum, qui iam genuit, atque adeo non habere relationem ad genitum actu existentem.

Secunda opinio est huic opposita, relationes huius generis non fundari in potentia, sed in actione, & passionem. Ita Scotus 5. Phys. quæst. 2. art. 2. concl. 1. Quod etiam probatur testimonio Arist. 5. Meta. cap. 15. sic loquentis de fundamento harum relationum. *Sic enim pater, quæque filii pater dicitur, hoc enim facis, ac illud passum quid est.*

III. Et etiam ratione. Primo, quia illud est fundamentum relationis, quo posito, etiam si cætera non ponantur, relatio ponitur; & quo sublato, etiam si permaneant cætera, non consurgit, aut non permanet relatio; sed talis est actio præterita; ergo est fundamentum relationis. Minorem probat, quia eo ipso, quod verum est hominem genuisse, verum est, ac necessarium habere relationem paternitatis ad filium, & quo vsque ponatur

generatio, etiam si sit potentia, & quæcumque alia, non consurgit relatio: ut ex se est manifestum.

Secundo, relatio agentis in actu ad passum in actu non fundatur in potentia, sed in actione præterita; ergo nec relatio paternitatis fundabitur in potentia, sed in actione præterita. Evidens est consequentia, quia Arist. eodem modo de utraque relatione loquitur, & ratio prorsus est eadem. Sed probatur antecedens, quia agens non dicitur tale à potentia, cum videamus eam multo tempore habere, & non vocari agens actu, quousque ab eo procedat actio; ab hac ergo denominatur, & in hac fundatur relatio, quæ habet ad passum, & non in potentia.

Tertia opinio, nec actionem, nec potentiam formalem actiuam, aut passiuam dicit esse fundamentum harum relationum, sed radicalem pro forma substantiali, aut essentia ipsa rei accepta, ex qua procedit formalis. Hanc secuntur moderni quidam propter hoc arg. Relatio non potest dari in subiecto sine suo fundamento, à quo sicut accipit entitatem, ita consequatur in ea, ut sine albedine non potest dari similitudo, aut sine quantitate æqualitas: sed si relatio paternitatis fundetur in potentia generatiua, dari poterit in subiecto sine illa; ergo dabitur sine fundamento proprio. Probat minor, quia postquam homo genuit, amittere potest potentiam generandi; vel Deus saltem eam poterit ab eo auferre vi uente filio, & tunc dabitur relatio in subiecto sine proprio fundamento: ne igitur hoc inconueniens admittatur, asserunt fundari in potentia generandi radicali, quæ est anima, aut natura sensitiua.

Ultima sententia tenet fundamentum

Cap.7. de ad aliquid. quæst. 12:

tam harum relationū esse potentia, non nudam, sed vt reducatam ad actū per actionem, ita vt actio solum sit conditio; fundamentū vero potentia reducta ad actum. Hanc tenet Sonci. 4. Metaph. q. 15., & videtur nobis probabilius, & tenenda.

Quatuor ergo dicimus in hac re. Primum, quod fundamentum proximum harum relationū non sit potentia radicalis pro forma substantiali, vel essetia rei. Quod probatur primo ex doctrina Arist. euidenter, nā 1. Met. c. 15. has relationes in potentia generatiua, actiua, & passiuā fundari expresse docuit, sed per potentia generatiuam, nec Arist. neq; vilius vnquam intellexit formā substantialem, aut essetia rei, quas constat habere hominem, in quo nō est potentia generatiua; ergo tertia illa sententia nō potest defendi in doctrina Arist.

113 Sed probatur esse falsam hoc arg. Relationes huius secūdi generis sunt eius, quod procedit ab alio, tanquam à principio efficienti, & eius, à quo procedit aliud, sed potentia proxima, per quam vnum procedit ab alio, vt filius à patre, est formalis, & non radicalis, nisi remota; ergo si relationes istæ fundantur in potentia (vt admittit eadem sententia) repugnat, quod earum fundamentum proximum sit forma, vel essetia: sed necessario dicendum est, proxime fundari in potentia formali. Probatur minor, quia proximum principium efficiendi est potentia formalis, à qua procedit actio generandi: sicut proximum principium, à quo procedit actio intelligendi est intellectus, & nō anima, nisi remotum.

Secundo dicimus, nudam potentiam, priusquam reducatur ad actum, non esse fundamentum sufficiens

relationis. Probatur hac ratione. Filius procedit à patre, tanquam ab actuali principio sui esse, sed non est actuale principium per solam potentiam, nisi media generatione, vt notum est; ergo nec potentia est sufficiens fundamentum, nisi media generatione reducatur ad actum.

Tertio dicimus, actionem non esse fundamentum harum relationum. 114 Quod probatur primo, quia non est certum, sed in opinione positū, quod relatio distinguatur ex natura rei à fundamento, sed euidenter erit distinguui has relationes, si fundamentum earum sit actio, & non potentia; ergo non est asserendum, probatur minor, quia generatio actiua non permanet in patre, sed transit ad filium, aut saltem in materia prima, ex qua generatur, est tūquā in subiecto, sed relatio paternitatis est in patre; ergo euidenter distingui realiter ab actione, quia euidenter est accidentia inherencia in subiectis adæquatis, & realiter distinctis ex natura rei esse distincta.

Secundo, quia relatio filiationis consequitur hominem genitum; ergo idem est principii vtriusque, sed generatio non est principium, neque causa, sed causatio, aut mediū, quo procedit genitum à principio, & consequenter relatio filiationis; ergo nec potest esse fundamentum relationis. Probatur hæc vltima consequentia, quia in his relationibus processionis vnius ab alio idem est esse principium, à quo procedit aliud, & fundamentum relationis eiusdem principii ad ipsum.

Vltimo dicimus, fundamentū proximum harum relationum esse potentiam, vt reducatam ad actū per actionem, ita vt actio solum sit conditio; 115

tionis; potentia vero, ut ab ea procedit actio, fundamentum. Hæc est expressa sententia Arist. 5. Metaph. cap. 15. ubi fundamentum earum assignans, ait. *Activa vero, & passiva secundum actionem, & passivam potentiam, & potentialium actiones.* Quibus verbis utraque pertinere ad fundamentum docet, nempe potentia, & actionem; illam quidem tanquam principium, & ideo tanquam fundamentum; hanc vero, ut conditionem necessariam, sine qua non potest illa esse fundamentum.

Et probatur rationibus primæ, & secundæ opinionis, quibus hæc addenda est. Filius procedit à patre tanquam à principio efficiēti actuali suæ generationis, & ad ipsum, ut tale refertur, sed non constituitur in ratione actualis principii, nisi per potentiam simul cum actione generandi, per quam reducitur potentia ad actum, & denominat hominem generantem, vel actuale principium generationis; ergo potentia, ut ab ea procedit actio, est fundamentum relationis. Argumenta primæ, & secundæ opinionis ex parte probant nostram sententiam, ideo non est eis respondendum.

116 Pro solutione arg. tertiæ opinionis de separabilitate fundamenti à relatione, explicandum est, quomodo se habeat fundamentum ad relationem, & quo etiam modo hæc dependeat ab illo. Et fundamentum quidē relationis nō est adeo materialiter accipiendū, sicut fundamentū domus, aut parietis, super quod materialiter cōstruuntur, sed in hoc sensu dicitur res aliqua fundamentū relationis, quia illa mediā fit, aut producit relationem in subiecto; dependentia vero relationis à fundamentō non est eadē in omnibus relationibus, sed maior, vel mi-

nor secundū naturam cuiuslibet relationis. Est autē differentia inter relationes secundū generis ex vna parte, & alias omnes ex altera, quod in relationibus primi, & tertiū generis fundamentū habet modum formæ, per quam constituuntur extrema in ratione extremorum, ut albedo, quæ est fundamentū similitudinis, extremorū forma est, quæ mediā relatio inheret extremis: unde si ab eis tolleretur, nō haberent capacitātē recipiendæ relationē, ut si albedinē tollas ab extremis similitudinis, implicat contradictionē talem relationē eis inesse: unde sequitur relationes has non solū in esse, & fieri, sed etiā in conservari dependere à fundamentis, ita ut nō possint villo modo sine illo consistere; fundamenta vero relationū secundū generis alio modo se habent, nō enim sunt formæ extremorū, sed virtutes, aut mediā tantū, quibus effectūve procedit relatio à principio efficiēte, nō quidē per se, sed quasi per accidens, quia nullū est agens, quod per se intendat relationē. Gratia exempli, potentia generandi est virtus efficiētis, per quā producit effectū, & ex consequēti relationē eum consequentē: unde relatio proxime inheret substantiæ, quando mediā potētia, & actione fiat: unde sequitur has relationes solū dependere à suis fundamentis inesse, & fieri, quia eis mediis sunt ab efficiēti, nō tamē dependere in conservari, quia nō dependēt ab eis tanquam à formis extremorū, sicut de cæteris relationibus dictum est.

Et ex his responderetur ad formā argum. negandum est antecesses, quod relationes huius secundū generis nō possint permanere in subiectis sine fundamentis: unde nec repugnat, quod separata potētia generatiua ab hominē, qui genuit, & permanente filio.

Cap. 7. de ad aliquid. quæst. 13.

filio genito permaneat relatio paternitatis, & filiationis, imo extremis permanentibus necesse est eam permanere. Et ratio huius est, quia non dependent à fundamentis in conferuari, sed tantum in esse, & fieri, vt explicatum est.

QVAESTIO. XIII.

An relationes tertii generis sint reales, & predicamentales.

118 **T**ertium genus relationum est mensurabilis, & mensuræ, de quibus non est apud omnes certum, an sint veræ relationes, neque an sint prædicamentales. Sed prima opinio tenet non esse veras relationes, sed solo nomine ita vocari, & hanc esse causam ob quam dicuntur ab Arist. relationes, secundum dici, quasi titulum solum eis concedat; in re vero nihil sint, quare nec pertinent ad hoc prædicamentum, neque ad aliud. Ita Enrricus quodlib. 2. quæst. 4. quæ secuntur in moderni quidam; & probant testimonio Arist. 5. lib. Meta. cap. 15. ubi mensurabile, scibile, & intelligibile, ait, non esse ad aliquid, quia ipsa referantur, sed quia alia referuntur ad ipsa; ergo ex parte mensurabilis nulla datur relatio, sed longe minus ex parte mensuræ, nam mensura absolutum quid est, quare solo nomine dicuntur relatiua, & re ipsa nullam relationem habent, & hoc est esse relatiua, secundum dici, & ad nullum prædicamentum pertinere.

Alii vero eiusmodi relatiua vera, & realia esse concedunt, sed transcendentalia vocant, non prædicamentalia, quia ad multa prædicamenta pertinere possunt, vt ad qualitatem, &

quantitatem, & ideo non collocantur in hoc prædicamento. Quare secundum has duas sententias duo tantum sunt genera relationis prædicamentalis. Primum, quod fundatur in unitate. Secundum, in potentia, & actione. Tertium vero res est de solo titulo, vel titulo sine re.

Tertia opinio est Caiet. quam superius citauimus, asserentis has relationes non solum esse reales, & prædicamentales tertium genus huius prædicamenti constituentes, sed mutuas, hoc est, reales ex parte vtriusque extremi, quorum vnum refertur ad aliud per veram relationem in se existentem, nempe mensurabile ad mensuram; hæc vero refertur ad mensurabile, non per relationem in se existentem, sed per relationem eiusdem mensurabilis ad ipsam. Idque probat eodem testimonio Arist. citato pro prima sententia.

Comunis tamē sententia totius serie scholæ est relationes mensurabilis, & mensuræ veras, & reales esse, & tertium genus huius prædicamenti constituere, sed non mutuas, quia reales tantum ex parte mensurabilis, non ex parte mensuræ. Ita D. Thom. expresse 5. Metaph. lect. 17. & 1. part. quæst. 13. art. 7. & omnes Interpretes Arist. non solum capite presenti, sed 5. Meta. cap. 15. Imo implet Arist. etiam expresse ibidem, postquam primum, & secundum genus relationum posuit, tertium addit, in quo posuit mensurabile, scibile, & intelligibile.

Sed notandum est primo, quod hoc tertium genus relationum explicat, & distinguit à primo, & secundo. D. Thom. eisdem locis, hanc differentiationem inter ipsum, & alia assignans, quod relationes primi, & secundum generis sunt mutue, hoc est, reales ex par-

119

120

ex parte utriusque extremi, ita ut in duobus extremis due sint relationes reales, quarum quilibet suum extremum denominat formaliter, ut in patre, & filio, simili, & aquali est manifestum; in rebus vero tertii generis, solum una relatio realis reperitur, à qua utrumque extremum denominatur: vnum quidem denominatione formali, & intrinseca; alterum vero solum denominatione extrinseca, ut in scientia, & scibili solum reperitur una relatio realis, per quam scientia dicitur formaliter mensurabilis, & per eandem denominatur obiectum mensura eiusdem scientiæ, sed denominatione solum extrinseca, & ideo relationes huius generis dicuntur non mutue.

12 I Secundo notat D. Thom. rationem, propter quam in his rebus tantum sit una relatio realis, à qua utrumque extremum denominatur, cum tamen in aliis duobus generibus singulæ relationes denominent singula extrema, & ideo dicantur relatiua huius tertii generis non mutua. Rationem autem huius esse ait, quia extrema harum relationum non sunt eiusdem ordinis, sed diuersi, & ideo licet vnū ad aliud ordinetur realiter per intrinsecam relationem, non ordinatur aliud ad illud, sed solum dicitur tale à relatione reali alterius. Gratia exempli, scientia, & potentia ordinatur ad propria obiecta, quæ secundum se absoluta sunt, nec pertinent ad ordinem scientiarum, & potentialium, quare nec ordinatur ex se ad easdem scientias, & potentias; & ideo non habent relationem realem intrinsecam, à qua denominantur mensuræ, sed solum denominantur à relationibus earum, ita ut eo ipso, quod scientia, & potentia denominantur formaliter mensurabiles per obiecta

à propriis relationibus realibus, obiecta ipsa ex se absoluta consecuntur denominationem extrinsecam relatiuam mensuræ ab eisdem relationibus. Et hunc esse sensum Arist. (ait **122** D. Thom.) dam asseruit 5. Metaph. **87:** cap. 15. relatiua primi, & secundi generis esse talia, quia referuntur ad aliud, sed relatiua tertii generis, non quia referuntur ad alia, sed quia alia referuntur ad ipsa: quod asseruisse docet non propter utrumque extremum, nam scientia, & potentia etiam dicitur talis, quia refertur ad obiectum; sed propter alterum tantum, nempe propter ipsum obiectum, quod non dicitur scibile, nisi quia scientia versatur circa ipsum: unde hoc non fuit aliud, quam dicere, has relationes non esse mutuas, sed vnā pro utroque extremo deferre, & utrumque denominare, formaliter quidem vnum, & extrinsece aliud.

Tertio notat D. Thom. quod illud extremum harum relationum, in quo non est relatio realis, duobus modis dicitur tale. Primo quidem denominatione reali extrinseca à relatione reali existenti in alio extremo. Secundo, denominatione quasi formali, & intrinseca, non reali, sed rationis. Nam ex eo, quod intellectus videt denominari à relatione scientiæ, & eandem relationem terminare, concipit illud, ac si vere ordinaretur ad scientiam, & tribuit illi relationem rationis, per quam ordinat ad eandem scientiam. Inter utramque vero denominationem hæc est differentia: quod prima, & realis est denominatio relatiua, quia à relatione suscepta, per eam tamen non refertur scibile ad scientiam, sed ad aliquid dicitur, hoc est, relatione denominatur, quia aliud refertur ad ipsum; denominatio vero, quam ei tribuit

intellectus.

Cap. 7. de ad aliquid quæst. 14

intellectus, cum sit relatio ex parte ipsius, aut in ipso concepta, eique attributa; non solum illud denominat relatiue; sed etiam refert ad aliud.

123 Ultimo notandum est, potentiam, habitum, & scientiã, duos habere respectus, vnũ, qui includitur in ratione absoluta earum; & eandem complet essentialiter: alterum, qui extra essentialitatem absolutam est, & ideo ei conuenit solum accidentaliter: & primum respectũ includunt sub nominibus potentialiũ, habituum, & scientiarũ, & ideo secundũ illum nõ sunt relatiua secundũ esse, sed secundũ dici quare nec ipsæ, nec talis earum respectus necipiunt ad hoc prædicamentum, sed ad prædicamentum qualitatũ. Per secundum autem respectum dominantur: mensurabiles ab objectis, & neque aliquid absolutum includunt sub his nominibus, sed solum relationem; & ideo sunt relatiua secundum esse, & constituant hoc tertium genus relationum, quæ omnia tradit D. Thom. eisdem locis, & nos ex mente eius copiosius explicauimus quæst. 6. huius prædicamenti.

124 Testimonium Arist. quod pro se adducit prima opinio Enrrici, & modernorum, explicatum est iam à D. Thom. secundum germanum sensum in fauorem communis sententiæ, quam sequimur: quia eam (absque dubio) continent, sed à modernis in oppositum sensum interpretatur. Intelligent enim Arist. de his relatiuis dixisse, quod nullũ extremum eorum sit vere relatiuum, sed solo nomine talia dicantur; hoc vero falsum est, & verbis Aristotel. cõtrariũ, qui de solo vno extremo eorũ dixit nõ denominari tale per relationẽ, quia ipsum refertur aliud, sed

per eam, qua aliud refertur ad ipsũ, quod non potest esse verum, nisi ex parte alterius extremi daretur vera relatio realis, nam si non datur, nec erit, à quo denominetur. Sensus igitur Arist. est, vnum extremum esse ad aliquid, quia per propriam relationem refertur ad aliud; alterum vero dici ad aliquid, non quia refertur, sed quia denominationem relationem à relatione alterius suscipit. Ex quo etiam patet, non bene intellexisse Caiet. idem testimonium Arist. ex eo colligentem vtrumque extremum harum relationum referri ad aliud, vnum quidem per relationem propriam; aliud vero per relationem alterius: cum tamen repugnet aliquid referri ad aliud, nisi per relationem in se existentem; Arist. ergo relatiuum denominari docuit à relatione alterius, quia relatio non potest tribuere, nisi denominationẽ relatiui; quod vero referatur per alienam relationem, nec vnquam somniauit.

QVAESTIO XIII.

An relatio distinguatur realiter a fundamento, uel solum ratione.

125 **F**undamentum relationis primi generis diximus iam esse substantiam, qualitatem, & quantitatem sub ratione unitatis, aut diuersitatis genericæ, vel specificæ. Fundamentum relationis secundi generis potentiam actiuam, & passiuiam reducam ad actum per actionem, & passionem; adæquationem vero, aut commensurationem vnius rei cum alia, vt scientiæ cum suo objecto, fundamentum relationis tertii generis. Quærimus igitur modo, an

relationes mediis in his fundamentis in extremis insurgentes distinguantur ab eisdem fundamentis realiter; & ante operationem intellectus, vel solū ratione per intellectū, ut paternitas à potentia generatiua, similitudo ab albedine, & æqualitas à quantitate.

126

Et prima opinio asserit, nullam relationem distingui realiter à suo fundamento, sed ratione tantum ratiocinata habente fundamentum in re. Ita sentiunt Nominales, Ochā, & Maior in r. d. 3. quæst. 1. Grego. d. 28. quæst. 2. art. 1. Marsilius in 1. quæst. 32. ar. 1. Hervæus d. 3. quæst. 1. Iacellus 5. Metaphys. quæst. 22. Soccinas ibidem; quæst. 28. Duran. in r. d. 3. quæst. 2. num. 17. Probatur testimonio Aristot. 5. lib. Phys. textu 11. & lib. 11. Metaph. cap. penultimo. Quibus locis asserit, relationem non terminare motum per se, quia sæpè acquiritur sine mutatione subiecti, ut si Compluri sit unum corpus album, & fiat aliud albū Romæ, illud acquirit nouam relationem similitudinis, sine aliqua sui mutatione, imo sine mutatione albedinis in eo existentis; ergo non acquirit nouam entitatem realem distinctam ab albedine. Probatur consequentia, quia si relatio esset noua entitas realis distincta ab albedine, acquireret nouam formam realem, quæ sine mutatione subiecti non potest acquiri, imo nec produceretur ab aliquo talis entitas relationis, quia non est, à quo produci possit, nisi ab eodem agente, à quo Romæ producitur nouum album, sed ab eo produci repugnat: cum non possit agere ad tantam distantiam.

127

Probatur etiam ratione. Primo, quia illa, quæ distinguantur realiter, separari possunt inter se, scilicet per

potentiam Dei absolutam, vel impediri potest consecutio vnus ex altero, sed posito fundamento in vtroque extremo repugnat nō sequi relationē: & permanente etiā vtroque repugnat non permanere relationē, sicut in duobus albis eiusdem gradus est manifestum, à quibus repugnat separari similitudinē; ergo relatio non est entitas realis distincta à fundamento.

Secundo probatur, quia non sunt multiplicandæ entitates sine vrgenti necessitate, sed posita distinctione reali relationis à fundamēto multiplicatur pene infinite entitates in singulis relatiuis, præsertim si ad distinctiones terminos referuntur per distinctas relationes; (ut probabile est) ergo nō est ponēda talis distinctio realis. Probatur consequentia, quia nulla vrget ratio efficax, per quā probe tur, esse ponendam, sed cum relatio non sit aliud, quā modus se habendi ad aliud, absque noua entitate possumus intelligere alio modo, se habere, quod est referri ad aliud.

128

Secūda opinio distinctione vtitur, nam relationes, quæ possunt separari ab extremis, ita ut extrema permanentia cum fundamētis possint esse sine relatione, asserit distingui realiter à fundamētis; ille vero, quæ ab eisdem fundamētis in extremis positis nō possunt separari, nō distinguuntur ab eis, nisi ratione: quæ autē sunt, quæ separari possunt ab extremis, & quæ nō possint, non explicat, imo neque rationē vllam assert ad id confirmādū, quare cōfusse satis loquitur, id solum declarās, quod relationes secūdi generis, quas putat in potentia nuda fundari, & nō in potētia reducta ad actū, nō distinguuntur à fundamēto. Addit autē, quod relationes, quæ identificantur cū substantia, quæcūque ille sint,

non.

non pertinent ad hoc prædicamentum, quia repugnat accidens identificari cum substantia. Alii vero moderni relationes omnes fundatas in substantia realiter distinguunt à fundamento propter eandem rationem.

Tertia opinio distinguit omnes relationes reales à suis fundamentis realiter: quam secutur fere omnes Thomistæ, Caiet. 1. par. quæst. 28. ar. 2. & ibidem Bânes, Capreol. in 1. dist. 3. quæst. 1. Serra. 4. lib. contra gentes, cap. 14. Sotos quæsti. 2. huius prædicamenti, Fonseca 5. lib. Meta. cap. 15. quæst. 2. sect. 1. Et eandem videtur sequi Scotus in 2. d. 1. quæst. 5. & in 3. d. 8. quæsti. 1. & videtur mihi probabilior, & tenenda. Hoc solum addendum est, quod talis distinctio non est realis, qualis reperitur inter duas res, sed qualis reperitur inter rem, & modum eius: nam cum relatio non possit esse in rerum natura sine relatione (vt postea probabitur) non se habet tanquam alia res distincta ab eo, sed tanquam modus eius, idem non distinguitur tanquam vna res ab alia, sed per distinctionem quidem entitatem realem, & sine dependentia ab intellectu, solum tamen modalem, & distinctione non rei, sed modi, & eam sic explicatam secutur iam omnes, fere moderni.

129 Probatur autem ex doctrina D. Thom. qui tria docet de relationibus creaturarum. Primum, quod aliud esse habeant distinctum ab esse substantiæ, & secundum hoc esse ei inhæreant. Secundum, quod in rebus creatis, præter id, quod significatur nomine relatio, inveniatur aliquid aliud, quod est res alia diuersa ab ea, quæ significatur per nomen relationum. Tertium, quod relatio creata sic inhæret subiecto, vt faciat cum eo compositionem realem; relatio ve-

ro diuina non facit compositionem. Primum, & tertium asserit 4. lib. contra gentes, cap. 14. Secundum vero 1. par. quæst. 28. ar. 2. ad 2. Ex quibus euidenter sequitur, relationem distinguere ex natura rei, saltim à substantia, cui inhæret, & quam ordinat ad aliud, quia realis compositio, & realis inhærentia supponit distinctionem realem componentium, atque etiam subiecti, & formæ inhærentis: sed superius probatum est ex communi sententia, relationem primi generis fundari proxime in substantia; ergo de his saltem relationibus euidenter est in doctrina D. Thom. distinguere à substantia ex natura rei: & cum sit eadem ratio de cæteris, sequitur cum sentire, quod omnes distinguantur ex natura rei à suis fundamentis.

Sed ratione probatur. Primo, ex noua, atque reali acquisitione relationis, & ex reali eius deperditione. Nam dum corpus erat album, & non erat simile; fit de nouo simile per productionem noui albi, & dum hoc album corrumpitur desinit esse simile, ex quo sic arguo. Primum album non erat realiter simile, antequam produceretur secundum; ergo cum producit fit realiter, & formaliter simile per realem relationem similitudinis, quam prius non habebat, licet haberet albedinem, quæ est eius fundamentum, sed relatio realis est realis forma relatio; ergo acquirit formam realem rebus, quam non habebat, & realis forma est realis entitas; ergo acquirit realem entitatem, quam non habebat, licet haberet fundamentum: relatio igitur res est à fundamento distincta. Et idem sequitur ex reali separatione eiusdem relationis à subiecto, nā corrupto alio albo, corrumpitur in hoc realis similitudo;

ergo

ergo realis forma relatiua, & ideo realis entitas permanente entitate reali fundamenti, quod non potest esse verum, nisi sint entitates reales distinctæ.

131 Hoc argumentum duobus modis conatur soluere moderni: primo, asserentes, quod dum nouum album producit, nihil nouum acquirit antiquum album, sed solum id habere nouum ex eo, quod de nouo factum est simile, vt nouum extremum connotet, quod prius non connotabat: vnde relatio similitudinis non est aliud (inquiunt) quam albedo, vt connotans terminum, ad quem refertur. Hæc tamen solutio non satisfacit argumento, quia album illud denominatur de nouo simile realiter, & formaliter, atque etiam accidentaliter, cum prius nullo modo denominaretur: sed denominatio realis, & accidentalis non potest fieri, nisi à forma reali inhxerente; ergo noua denominatio non potest fieri, nisi à noua forma reali, & inhxerente: falsum igitur est, quod esse de nouo simile, solum sit noua connotatio termini. Probat consequentia, quia talis connotatio, quæ supponit nouam denominationem realem, formalem, & accidentalem, nec potest esse, nec intelligi sine noua acquisitione realis formæ.

Quare alii respondent secundo, negari non posse, quod antiquum album non acquirat aliquid nouum, non tamen distinctum à fundamento realiter, sed sola ratione: & vt vno verbo dicatur, non comparat nouam entitatem realem, sed nouam rationem formalem relationis, à qua nouam denominationem realem suscipit. Hæc tamen solutio verba solum continet, & ni-

hil aliud, quare nec potest argumentum satisfacere, quod sic probat. Ante operationem intellectus antiquum album sit realiter, formaliter, & accidentaliter simile, cum prius non esset simile, licet haberet albedinem, sed talis denominatio non potest provenire, nisi à forma inhxerente de nouo acquisita, cum denominatio sit noua, & acquirat talem denominationem nouam sine dependentia ab intellectu, imo licet nunquam ab eo cognoscatur; ergo acquirit nouam formam, absque dependentia, vel distinctione intellectus, & ideo ex natura rei distinctam à fundamento, quod habebat prius.

Secundo, de relationibus fundatis in substantia specialiter probatur, quia substantia est ens per se nulli inhxerens, & accidens reale ex propria natura inhxeret substantiæ, sed relatio est accidens reale; ergo inhxeret realiter substantiæ. Sed repugnat, quod eadem entitas realis sit per se, & inhxereat alteri, quia esset simul per se, & non per se; ergo repugnat, quod relatio sit eadem entitas realis, cum substantia: quare necesse est relationem fundatam in substantia, distingui realiter à suo fundamento. Neque aliquid valet, quod solet responderi, relationem non inhxere substantiæ, nisi vt distinctam ratione ab ea. Hoc enim aperte falsum est, quia ante operationem intellectus vna substantia refertur ad alteram per relationem realem, & accidentalem; ergo ante operationem intellectus relatio est in substantia. Tunc ergo, vel est ens per se ante operationem intellectus, vel ens in alio; non per se, quia erit substantia, & non relatio accidentalis; ergo est ens in alio, quod non potest

132

Y

rest intelligi, nisi per realem inhærentiam: & cum idem non possit sibi realiter inhære, sequitur relationem realiter inhærentem distinctam entitatem esse à substantia, cui inhæret, & in qua fundatur.

133

Ad testimonium Aristotelis respondetur hac distinctione, mutari aliquid, duobus modis contingit, per se, & per accidens: per se mutatur illud, cuius mutatio intenta est à natura, vel ab aliquo agente naturali, ut dum lapis mutatur à loco superiori ad inferiorem. Per accidens vero mutatur, si mutatio eius casu contingat, vel ex mutatione alterius extrinseci. Dum ergo Aristoteles ait ad relationem non terminari motum per se, quia relatio solet acquiri sine mutatione subiecti, in quo confurgit, de mutatione per se loquitur, sed non excludit quin mutetur saltem per accidens illud, quod solam relationem de nouo recipit, nec ad intetum eius hoc requirebatur, sed satis est, quod per se non mutetur, ut verum sit, quod ad relationem non sit per se motus.

Ad secundum argumentum prius 134 est respondendum, quam ad primum. Respondemus igitur concessa maiori, & minori, sed negando consequentiam, quod sine urgente necessitate distinguamus entitatem relationis ab entitate fundamenti. Nam rationes adductæ satis urgentes sunt.

Dubium de separatione relationis a fundamento.

CIRCA solutionem secundi argumenti dubitatur, an posito fundamento relationis in utroque extremo, sic necessario confurgat relatio, ut nec per potentiam

Dei absolutam impediri possit talis consecutio, & an postquam iam est in utroque extremo posita, possit ab eis separari, ita ut permaneant duo alba eiusdem gradus intensio- nis sine relatione similitudinis.

135

Et prima opinio tenet, nec posse impediri, quin sequatur, nec postquam iam est in extremis, separari ab eis: ita non nulli ex modernis. Et quod impediri non possit consecutio eius posito fundamento in utroque extremo, probant: quia intelligi non potest, quod unus homo genuerit alterum, quin ille sit pater, & iste filius: (si uterque permaneat) nec possunt intelligi duo alba in eodem gradu, quin intelligantur similia: ergo fieri non potest, quod relatio non sequatur posito fundamento in utroque extremo. Quod vero postquam relationem iam est in utroque extremo, non possit ab eis separari ullo modo, probant hoc argumento. Relatio non est aliud, quam ita se habere unum extremum ad alterum præsupposito fundamento; ergo est modus relationum, sed modus non potest esse separatus à re, cuius est; alioquin iam non esset modus, sed res; ergo nec relatio poterit separari à fundamentis in utroque extremo existentibus.

Nostra tamen sententia est, quod 136 supposita distinctione ex natura rei inter relationem, & fundamentum, quam defendimus, separari potest relatio ab eo, etiam posito in utroque extremo, ita ut impediri possit à Deo, ne sequatur in extremis, atque etiam postquam in eis reperitur, in eisdem esse desinat, non quidem sine eis existens in rerum natura, sed extrema sine illa.

Probantur duo priora hoc argumento.

mento. Relatio est entitas ex natura rei distincta à fundamento, & non pertinet ad essentiam eius, aut extremorum, in quibus est; ergo etiam si naturaliter sequatur ex eo iam posito in utroque extremo, non implicat contradictionem, quod talis consecutio impediatur. Antecedens ex nostra sententia est manifestum, quia relatio non solum est entitas distincta à fundamento, sed rationem formalem, & prædicamentalem habet ab eo diuersam; ergo nulla est repugnantia quin impediatur à Deo consecutio eius ex fundamento in utroque extremo posito, sicut non repugnat propriam passionem distinctam realiter ab essentia, à qua procedit, ab ea non procedere, ut risibilitas ab essentia hominis. Et eadem ratione probatur, quod postquam in eis reperitur, possint sine illa permanere.

137 Sed quia duobus modis intelligi potest, quod ab eis separatur: primo, ita ut sine illis permaneat in rerum natura, atque etiam extrema sine illa, vel non sic; sed ita ut illa destruantur, aut desinat esse, & extrema sine illa permanent. Dicimus secundo modo posse ab eis separari, non primo. Probatur primum, quia non est de essentia illorum, & habet distinctam entitatem ab eis; ergo non repugnat, quod à Deo destruantur permanentibus sine illa extremis. Probatur secundum, quia relatio est modus extremorum, per quem taliter se habet unum in ordine ad alterum; ergo intrinsecum est illi actu referre unum ad alterum, & ideo repugnat permanere in rerum natura, quin actu referat, quia si separata ab eis daretur, nihil referret ad aliud.

Ad primum argumentum oppo-

sitæ opinionis distinguendum est antecedens, quia duo alba esse similia, duobus modis intelligi potest; formaliter, aut fundamentaliter; & si separaretur ab eis relatio, intelligerentur similia fundamentaliter, non formaliter, in quo nulla est repugnantia, & eodem modo generans, & genitus, quasi in fundamento proximo intelligerentur pater, & filius non formaliter.

Ad secundum concedendum est antecedens, quod relatio sit modus extremorum: ex quo solum sequitur, quod ipsa non possit esse in rerum natura sine extremis, non tamē, quod extrema non possint esse sine illa.

Premium dubium.

An relationi conueniat habere contrarium.

Duo restant dubia circa duas proprietates relatiuorum, quarum prima est, quod in eis reperitur contrarietas. Videtur enim Aristoteles sibi contrarius in hac proprietate. Nam capite de quantitate negat expresse, quod relatiua habeant contrarium, sed capite præteriti tanquam proprietatem tribuit illis, quod contrarium habeant. Et videntur eam habere, quia simile, & dissimile contraria sunt, & etiam æquale, & inæquale, & sunt relatiua primi generis.

Prima opinio est Toleti in expositione textus, qui hac distinctione utitur. Relatiua dupliciter considerari possunt. Primo, formaliter prout relatiua sunt. Secundo, materialiter pro fundamentis relationum, ut duo alba considerantur in quantum similia, & in quantum alba, & sub prima consideratione, inquit, non habet contrarium, bene tamē ratione fundamenti:

Y 2 & dum

& dum Aristoteles negavit habere contrarium, formaliter locutus est, sed dum eis tribuit contrarietatem, loquitur fundamentaliter, nam hoc modo contraria sunt dissimilia, ut album, & nigrum.

139 Nostra tamen sententia est, propriam contrarietatem non convenire relatiuis, nec formaliter, nec ratione fundamenti, sed impropria pro quocunque genere oppositionis, etiam formaliter eis convenit. Probat, quod non conveniat eis formaliter propria contrarietas, hac ratione. *Contraria sunt, quæ sub eodem genere maxime distant, & ab eodem subiecto mutuo se expellunt*: Ergo contraria, ut talia sunt, formaliter, & expresse respiciunt subiectum, circa quod se expellunt, sed relatiua, ut relatiua non respiciunt formaliter, & expresse subiectum, sed terminum; ergo, ut relatiua non sunt proprie contraria. Quod vero, nec ratione fundamenti probatur, quia licet fundamenta aliquorum relatiuorum contraria sint, ut albedo, & nigredo, quæ sunt fundamenta dissimilitudinis, per accidens se habet contrarietas ad rationem dissimilitudinis. Probat, quia sola diuersitas specifica sine vlla contrarietate fundat relationem dissimilitudinis, ut albedo, & nigredo, vel alia quæcunque contraria, quæ sunt fundamenta dissimilitudinis, eodem modo eam fundarent, quamuis contraria non essent per solam differentiam specificam; ergo contrarietas per accidens etiam se habet ad fundam. relationem, & ideo, nec ratione fundamenti per se considerati, vel ut fundamentum est, convenit relationi.

Ad Aristotelem vero respondeo,

non esse sibi contrarium, quia capite de quantitate secundum propriam sententiam loquitur negans, quod relatiuis aliquid sit contrarium; in presenti vero tribuit eis contrarietatem, non quod sentiat veram esse proprietatem eorum, sed ut ostendat definitionem antiquorum minus bonam esse, cum ex ea sequatur accidentia absoluta, in quibus reperitur contrarietas, esse relatiua, & relatiuis aliquid esse contrarium; quæ cum sint falsa, sequitur non esse bonam definitionem illam, nec verum, quod veris relatiuis aliquid sit contrarium, nec ex propria sententia id illic quando docuisse Aristotelem. Quod denique impropria contrarietas pro quocunque genere oppositionis eis conveniat, ut relatiuis, evidens est, cum relatio formaliter sumpta includat oppositionem relatiuam, quæ est vnum genus ex quatuor oppositionibus.

Dubium secundum.

An relatiua suscipiant magis, & minus.

140 **D**ubium hoc de solis relatiuis secundum esse, & prædicamentibus procedit. Et ratio dubitandi sumitur ex Aristotele, qui asserit, proprium esse relatiuorum suscipere magis, & minus. Et ne videretur alicui, eum non loqui de veris relatiuis, atque ex propria sententia, sed ex sententia antiquorum, & secundum definitionem eorum, ponit exemplum huius proprietatis in simili, & dissimili, quæ sunt vera relatiua, & prædicamentalia.

Prima opinio distinguit relatiua, nam alia sunt secundum esse, quæ proprie pertinent ad hoc prædicamentum; alia secundum dici, quæ vere sunt absoluta, sed

sed includunt quosdam respectus secundum dici, tanquam completum essentiale, & illa non suscipiunt magis, & minus; hæc vero suscipere possunt. Ita Albertus Magnus tractatu de prædicamento ad aliquid, cap. 5: Et huius sententiæ videtur esse D. Tho. cap. 12. quæst. 82. art. 4. Quam etiam secutur alii, qui secundum veritatem dicunt non suscipere magis, & minus ullum relativum, sed secundum opinionem vulgi aliqua suscipere, ut æqualia, vel similia appellari solent, quæ licet vere æqualia, aut similia non sint, parum a vera æqualitate, aut similitudine distant, & quo minus distant, dicuntur magis æqualia, aut similia. Ita Canterus in expositione huius proprietatis.

Probat primum, quia suscipere magis, & minus, provenit ex maiori, vel minori admixtione contrarii; ut illud dicitur magis calidum, quod minus habet de frigiditate admixtum; illud vero minus calidum, quod plus habet frigiditatis admixtæ, sed vera relativia prædicamentalia non habent contrarium, ut probatum est dubio præcedenti; ergo non suscipiunt magis, & minus.

Secunda opinio distinguit relationem ex parte sui, aut ex parte fundamenti: & ex parte sui negat veram relationem huius prædicamenti suscipere magis, & minus, sed ratione fundamenti suscipere concedit. Ita Caietanus, Sotas, & Toletus, cap. præfenti.

141 Quod probatur experientia, nam dum albedo intenditur in extremo, in quo erat remissa, consequenter fit magis simile alteri, in quo est intensa; ergo albedo, quæ est fundamentum similitudinis per se suscipit magis, & minus, & eius ratione simi-

litudo, & eodem modo, dum aliquid est alteri inæquale, quo magis auferatur de quantitate eius, magis inæquale efficitur; & hoc est relationem inæqualitatis minorem fieri ratione fundamenti. Sed addit hæc sententia non esse necessariū, ut relatio suscipiat magis, & minus ratione fundamenti, quod fundamentum suscipiat magis, & minus, nam quantitas, ratione cuius inæqualitas maior est, vel minor, non suscipit magis, & minus, sed ratione fundamenti dicitur relatio suscipere in hoc sensu: quod non potest suscipere, nisi aliqua variatio fiat in fundamento, quæcumque illa sit: unde magis, & minus distinguenda putat Caietanus, quia vel sumuntur Physice, & hoc modo non fiunt, nisi per admixtionem contrarii, aut Logice, & sic sumpta in eo tantum consistunt, quod est aliquid prædicari de alio cum his adverbis magis, & minus, unde cumque id proveniat. Et Physicæ quidem sumpta non conveniunt vere relationi; Logice vero convenire illi possunt.

Hæc tamen distinctio confundit potius rem, quam eam explicat, quia prædicationes Logicæ in re ipsa debent fundari; ergo nunquam poterunt magis, & minus Logice sumpta convenire relationi, nisi ratione fundamenti realis, & Physici, quare si Physice sumpta nullo modo ei conveniunt, nec Logice poterunt ei convenire.

Nostra igitur sententia hac distinctione præsupposita explicanda est. Magis, & minus duobus modis accipiuntur, communiter, & proprie communiter quidem, pro magis, aut minus perfectum, magis, aut minus proximum, vel distans: unde cum perfectio maior, vel minor proveniat,

Cap. 7: de ad aliquid. quæst. 14:

niat, ex fundamento, ab eo proveniunt magis, & minus in relatione improprie sumptum. Proprie vero accipitur magis, & minus prout ex maiori, vel minori intensiōe procedit.

Nunc vero duabus conclusionibus explicatur. Prima est, relationibus prædicamentalibus (de quibus solum loquimur) non convenit ratione sui magis, aut minus suscipere proprie, nec improprie. Probatur hæc, quia experientia constat relationem ratione sui non mutari ab eo statu, in quo confurgit, nisi aliquo modo varietur fundamentum, & si hoc invariabile permaneat, nonquam ipsa variatur, nec magis, & minus suscipit; ergo non convenit illi ratione sui.

143

Secunda conclusio, magis, & minus proprie, & improprie sumpta conveniunt quibusdam relationibus ratione fundamenti, non tamen omnibus. Probatur utrumque in relationibus primi generis: nam quædam dicuntur magis, & minus inæqualia, magis, & minus similia, sed hoc non convenit illis ratione sui; ergo ratione fundamenti; & similitudini, ac dissimilitudini proprie, quia qualitates, in quibus fundantur, proprie suscipiunt magis, & minus, ut calor, albedo, & nigredo. Quando autem dicimus, his relationibus convenire magis, & minus ratione fundamenti, sensus est, quod aliqua mutatione facta in fundamento semper eis conveniat, & hæc mutatio potest esse in fundamento remissio, & in relatione intensio, quia fundamentum absolute intenditur, cum sit qualitas; relatio vero non nisi comparatione alterius. Quod vero non conveniat hoc, nisi quibusdam relationibus primi generis, manife-

stum est, eis quidem, quarum fundamenta mutari possunt. Ad Aristotelem vero respondetur, quod dum relationibus tribuit proprietatem suscipiendi magis, & minus, etiam de prædicamentalibus loquitur, non tamen intelligit eis convenire ratione sui, sed ratione fundamenti, ut explicatum est, nec etiam intelligit eis adhuc in hoc sensu convenire quarto modo, cum constet, non omnibus convenire, neque etiam solis, quia præcipue cōvenit qualitativis. Proprietas vero conveniens relatiuis prædicamentalibus quarto modo est esse simul natura, & cognitione, ita ut qui definitivè cognoscit unum, necessario debeat cognoscere alterum.

144

Sed dicit aliquis, suscipere magis, & minus procedit ex maiori, vel minori admixtione contrarii, sed dictum est relatiua, nec ratione sui, nec ratione fundamenti habere contrarium; ergo nec ratione sui, nec ratione fundamenti conveniet illis suscipere magis, & minus. Respondetur, quod ratione sui neutrum illis convenit: sed ratione fundamenti non repugnat eis convenire secundum, licet non conveniat primum, etiam ratione fundamenti, quia contrarietas fundamenti per accidens se habet ad illas relationes, in quibus posset esse contrarietas, ut ad similitudinem, & dissimilitudinem (ut probatum est in primo dubio,) magis autem, & minus ex parte fundamenti non se habet omnino per accidens ad magis, & minus relationum, sed quasi naturaliter ex eo sequitur. Ex eo vero, quod relatiua careant contrarietate omnibus modis, solum sequitur, quod non possint ratione sui suscipere magis, & minus.

C A P V T

CAPVT VIII.

Continens prædicamentum qualitatis.

TEXTVS ARISTOT.

Qualitatem vero dico secundum quam, quales quidam esse dicuntur, &c.

Breuis expositio textus.

Intentum Aristotelis capit. præfenti est, explicare naturam, & essentiam qualitatis, quam enumerat quarto loco ante sex alia prædicamenta, quia accidens intrinsecum est formaliter inherens substantiæ, & ideo perfectius reliquis, quæ magna ex parte, in quibuldam extrinsecis denominationibus consistunt. Diuiditur caput in tres partes. In prima definit qualitatem in abstracto, & connumerat quatuor eius species subalternas, quas ideo genera vocat. In secunda parte definit qualitatem in concreto, hoc est, per ordinem ad subiectum, quod denominat, vt per illud magis fiat manifesta. Et tertia, tres proprietates eius assignat.

Definitio qualitatis est hæc: Qualitas est, qua quales esse dicimur, vt albedo, à qua albus denominatur homo, & ideo qualis: quia si interrogas, qualis sit homo, bene respondetur, si dicatur esse albus.

Prima species qualitatis est habitus, & dispositio: habitus sic definitur, est qualitas difficile mobilis à subiecto, vt habitus virtutum, & scientiarum; dispositio vero qualitas: facile mobilis à subiecto, vt ca-

lor, quem ignis producit in aqua, facile ab ea remouetur.

Secundum genus qualitatis est, naturalis potentia, & impotentia, secundum quam naturalem habet inclinationem, vel aptitudinem aliqui ad aliquem actum, aliquodve exercitium, vt ad pugnam, vel ad luctum, & dicuntur pugillatores. Alii vero inepti sunt, aut impotentes ad eundem actum. Dicitur autem naturalis, quia ab ipsa natura habetur, & non est acquisita per actum, nam si talis esset, potius erit habitus, aut dispositio.

Tertium genus est passio, aut passibilis qualitas, & hæc est qualitas nata causare passionem in sensu, vel quæ est effectus passionis permanentis, vt qualitates tangibiles, quæ causant sensationem in tactu, vt calor, & frigiditas, & sic de aliis: albedo, quæ causatur in cera ex nimio calore solis dicitur etiam passibilis qualitas, quia est effectus illius impressionis, quam Sol causat in cera, & permanens quidem, quia albedo producta in cera non statim transit, sed permanet in ea. Passio vero dicitur qualitas, si sit effectus passionis cito transeuntis, vt rubor causatus in facie ex verecundia, & quia passio non est qualitas permanens non denominat subiectum tale simpliciter, sed passum secundum eam: vnde à rubore causato ex verecundia non dicitur homo rubeus, sed ruborem passus, & sic de cæteris passionibus.

Quartum genus qualitatis est forma, & figura, vt rectitudo, curuitas, statua, aut cathedra formæ, ac figuræ dicuntur, & species huius generis.

In secunda parte cap. definit Arist. qualitatem in concreto hoc modo,

Y 4 quale

Cap. 7. de ad aliquid quæst. 14.

intellectus, cum sit relatio ex parte ipsius, aut in ipso concepta, eique attributa, non solum illud denominat relatiue, sed etiam refert ad aliud.

123 Ultimo notandum est, potentiam, habitum, & scientiã, duos habere respectus, vnũ, qui includitur in ratione absoluta earum; & eandem complet essentialiter: alterum, qui extra essentialitatem absolutam est, & ideo ei conuenit solum accidentaliter: & primum respectũ includant sub nominibus potentiarũ, habituum, & scientiarũ, & ideo secundũ illum nõ sunt relationes secundũ esse, sed secundũ dici quare nec ipsæ, nec talis earum respectus pertinet ad hoc prædicamentum, sed ad prædicamentum qualitatũ. Per secundum autem respectum denominantur mensurabiles ab obiectis, & neque aliquid absolutum includunt sub his nominibus, sed solum relationem, & ideo sunt relationes secundum esse, & continent hoc tertium genus relationum, quæ omnia tradit D. Thom. eisdem locis, & nos ex mente eius copiosius explicauimus quæst. 6. huius prædicamenti.

124 Testimonium Arist. quod pro se adducit prima opinio Ennrici, & modernorum, explicatum est iam à D. Thom. secundum germanum sensum in fauorem communis sententiæ, quam sequimur: quia eam (absque dubio) continent, sed à modernis in oppositum sensum interpretatur. Intelligent enim Arist. de his relationibus dixisse, quod nullũ extremum eorum sit vere relatiuum, sed solo nomine talia dicantur; hoc vero falsum est, & verbis Aristotelis contrariũ, qui de solo vno extremo eorũ dixit nõ denominari tale per relationẽ, quia ipsum refertur aliud, sed

per eam, qua aliud refertur ad ipsũ, quod non potest esse verum, nisi ex parte alterius extremi daretur vera relatio realis, nam si non datur, nec erit, à quo denominetur. Sensus igitur Arist. est, vnum extremum esse ad aliquid, quia per propriam relationem refertur ad aliud; alterum vero dici ad aliquid, non quia refertur, sed quia denominationem relationem à relatione alterius suscipit. Ex quo etiam patet, non bene intellexisse Caiet. idem testimonium Arist. ex eo colligentem vtrumque extremum harum relationum referri ad aliud, vnum quidem per relationem propriam; aliud vero per relationem alterius: cum tamen repugnet aliquid referri ad aliud, nisi per relationem in se existentem; Arist. ergo relatiuum denominari docuit à relatione alterius, quia relatio non potest tribuere, nisi denominationẽ relatiui; quod vero referatur per alienam relationem, nec vnquam sonauit.

QVAESTIO XIII.

An relatio distinguatur realiter a fundamento, vel solum ratione.

125 **F**undamentum relationis primi generis diximus iam esse substantiam, qualitatem, & quantitatem sub ratione unitatis, aut diuersitatis generis, vel speciei. Fundamentum relationis secundi generis potentiam actiuam, & passiuam reducam ad actum per actionem, & passionem; adæquationem vero, aut commensurationem vnus rei cum alia, vt scientie cum suo obiecto, fundamentum relationis tertii generis. Quærimus igitur modo, an

relationes mediis in his fundamentis in extremis insurgentes distinguantur ab eisdem fundamentis realiter, & ante operationem intellectus, vel solū ratione per intellectū, ut paternitas à potentia generatiua, similitudo ab albedine, & æqualitas à quantitate.

126

Et prima opinio asserit, nullam relationem distingui realiter à suo fundamento, sed ratione tantum ratiocinata habente fundamentum in re. Ita sentiunt Nominales, Ochā, & Maior in 1. d. 3. quæst. 1. Grego. d. 28. quæst. 2. art. 1. Marfilus in 1. quæst. 32. art. 1. Henricus d. 3. quæst. 1. Izuellos 5. Metaphys. quæst. 22. Soncinas ibidem; quæst. 28. Duran. in 1. d. 3. quæst. 2. num. 17. Probatur testimonio Aristot. 5. lib. Phys. textu 11. & lib. 11. Metaph. cap. penultimo. Quibus locis asserit, relationem non terminare motum per se, quia sæpè acquiritur sine mutatione subiecti, ut si Compluti sit unum corpus album, & fiat aliud albū Romæ, illud acquirit nouam relationem similitudinis, sine aliqua sui mutatione, imo sine mutatione albedinis in eo existentis; ergo non acquirit nouam entitatem realem distinctam ab albedine. Probatur: consequentia, quia si relatio esset noua entitas realis distincta ab albedine, acquireret nouam formam realem, quæ sine mutatione subiecti non potest acquiri, imo nec produceretur ab aliquo talis entitas relationis, quia non est, à quo produci possit, nisi ab eodem agente, à quo Romæ producit nouum album, sed ab eo produci repugnat: cum non possit agere ad tantam distantiam.

127

Probatur etiam ratione. Primo, quia illa, quæ distinguantur realiter, separari possunt inter se, saltē per

potentiam Dei absolutam, vel impediri potest consecutio vnius ex altero, sed posito fundamento in utroque extremo repugnat nō sequi relationē: & permanente etiā utroque repugnat non permanere relationē, sicut in duobus albis eisdem gradus est manifestum, à quibus repugnat separari similitudinē: ergo relatio non est entitas realis distincta à fundamento.

Secundo probatur, quia non sunt multiplicandæ entitates sine vrgenti necessitate, sed posita distinctione reali relationis à fundamento multiplicatur pene infinite entitates in singulis relatiuis, præsertim si ad distinctos terminos referuntur per distinctas relationes; (ut probabile est) ergo nō est ponēda talis distinctio realis. Probatur consequentia, quia nulla vrget ratio efficax, per quā probetur, esse ponendam, sed cum relatio non sit aliud, quā modus se habendi ad aliud, absque noua entitate, possumus intelligere alio modo se habere, quod est referri ad aliud.

Secūda opinio distinctione vtitur, nam relationes, quæ possunt separari ab extremis, ita ut extrema permanentia cum fundamentis possint esse sine relatione, asserit distingui realiter à fundamentis; illæ vero, quæ ab eisdem fundamentis in extremis positis nō possunt separari, nō distinguuntur ab eis, nisi ratione: quæ autē sint, quæ separari possunt ab extremis, & quæ nō possint, non explicat, imo neque rationē vllam affert ad id confirmandū, quare cōfusse satis loquitur, id solum declarās, quod relationes secūdi generis, quas potat in potentia nuda fudari, & nō in potētia reducta ad actū, nō distinguuntur à fundamentis. Adde autē, quod relationes, quæ identificantur cū substantia, quæcūque illæ sint, non.

non pertinent ad hoc prædicamentum, quia repugnat accidens identificari cum substantia. Alii vero moderni relationes omnes fundatas in substantia realiter distinguunt à fundamento propter eandem rationem.

Tertia opinio distinguit omnes relationes reales à suis fundamentis realiter: quam secūtur fere omnes Thomistæ, Caiet. 1. par. quæst. 28. ar. 2. & ibidem Banes, Capreol. in 1. dist. 3. quæst. 1. Serra. 4. lib. contra gentes, cap. 14. Sotos quæsti. 2. huius prædicamenti, Fonseca 5. lib. Meta. cap. 15. quæst. 2. sect. 1. Et eandem videtur sequi Scotus in 2. d. 1. quæst. 5. & in 3. d. 8. quæsti. 1. & videtur mihi probabilior, & tenenda. Hoc solum addendum est, quod talis distinctio non est realis, qualis reperitur inter duas res, sed qualis reperitur inter rem, & modum eius: nam cum relatio non possit esse in rerum natura sine relatione (ut postea probabitur) non se habet tanquam alia res distincta ab eo, sed tanquam modus eius, ideo non distinguitur tanquam una res ab alia, sed per distinctionem quidem entitatem realem, & sine dependentia ab intellectu, solū tamen modalem, & distinctione non rei, sed modi, & eam sic explicatam secuntur iam omnes, fere moderni.

129 Probatur autem ex doctrina D. Thom. quia docet de relationibus creaturarum. Primum, quod aliud esse habeant distinctionem ab esse substantiæ, & secundum hoc esse ei inhæreant. Secundum, quod in rebus creatis, præter id, quod significatur nomine relativo, inveniatur aliquid aliud, quod est res alia diversa ab ea, quæ significatur per nomen relativum. Tertium, quod relatio creata sic inhæret subiecto, ut faciat cum eo compositionem realem; relatio vè

ro divina non facit compositionem. Primum, & tertium asserit 4. lib. contra gentes, cap. 14. Secundum vero 1. par. quæst. 28. ar. 2. ad 2. Ex quibus evidenter sequitur, relationem distinguui ex natura rei, scilicet à substantia, cui inhæret, & quam ordinat ad aliud, quia realis compositio, & realis inhærentia supponit distinctionem realem componentium, atque etiam subiecti, & formæ inhærentis: sed superius probatum est ex communi sententia, relationes primi generis fundari proxime in substantia; ergo de his saltem relationibus evidens est in doctrina D. Thom. distinguui à substantia ex natura rei: & cum sit eadem ratio de cæteris, sequitur eum sentire, quod omnes distinguantur ex natura rei à suis fundamentis.

Sed ratione probatur. Primo, ex nova, atque reali acquisitione relationis, & ex reali eius deperditione. Nam dum corpus erat album, & non erat simile; fit de novo simile per productionem novi albi, & dum hoc album corrumpitur definit esse simile, ex quo sic arguo. Primum album non erat realiter simile, antequam produceretur secundum; ergo cum produciatur fit realiter, & formaliter simile per realem relationem similitudinis, quam prius non habebat, licet haberet albedinem, quæ est eius fundamentum, sed relatio realis est realis forma relationis; ergo acquirit formam realem relatiivam, quam non habebat, & realis forma est realis entitas; ergo acquirit realem entitatem, quam non habebat, licet haberet fundamentum: relatio igitur res est à fundamento distincta. Et idem sequitur ex reali separatione eiusdem relationis à subiecto, nā corrupto alio albo, corrumpitur in hoc realis similitudo; ergo

ergo realis forma relatiua, & ideo realis entitas permanente entitate reali fundamenti, quod non potest esse verum, nisi sint entitates reales distinctæ.

131 Hoc argumentum duobus modis conatur soluere moderni: primo, assertentes, quod dum nouum album producitur, nihil nouum acquirit antiquum album, sed solum id habere nouum ex eo, quod de nouo factum est simile, vt nouum extremum connotet, quod prius non connotabat: vnde relatio similitudinis non est aliud (inquiunt) quam albedo, vt connotans terminum, ad quem refertur. Hæc tamen solutio non satisfacit argumento, quia album illud denominatur de nouo simile realiter, & formaliter, atque etiam accidentaliter, cum prius nullo modo denominaretur: sed denominatio realis, & accidentalis non potest fieri, nisi à forma reali inhxerente; ergo noua denominatio non potest fieri, nisi à noua forma reali, & inhxerente: falsum igitur est, quod esse de nouo simile, solum sit noua connotatio termini. Probatür consequentia, quia talis connotatio, quæ supponit nouam denominationem realem, formalem, & accidentalem, nec potest esse, nec intelligi sine noua acquisitione realis formæ.

Quare alii respondent secundo, negari non posse, quod antiquum album non acquirat aliquid nouum, non tamen distinctum à fundamento realiter, sed sola ratione: & vt vno verbo dicatur, non comparare nouam entitatem realem, sed nouam rationem formalem relatiuam, à qua nouam denominationem realem suscipit. Hæc tamen solutio verba solum continet, & ni-

hil aliud, quare nec potest argumento satisfacere, quod sic probō. Ante operationem intellectus antiquum album sit realiter, formaliter, & accidentaliter simile, cum prius non esset simile, licet haberet albedinem, sed talis denominatio nō potest provenire, nisi à forma inhxerente de nouo acquisita, cum denominatio sit noua, & acquirat talem denominationem nouam sine dependentia ab intellectu, imo licet nunquam ab eo cognoscatur; ergo acquiritur nouam formam, absque dependentia, vel distinctione intellectus, & ideo ex natura rei distinctam à fundamento, quod habebat prius.

Secundo, de relationibus fundatis in substantia specialiter probatur, quia substantia est ens per se nulli inhxerens, & accidens reale ex propria natura inhxeret substantiæ, sed relatio est accidens reale; ergo inhxeret realiter substantiæ. Sed repugnat, quod eadem entitas realis sit per se, & inhxereat alteri, quia esset simul per se, & non per se; ergo repugnat, quod relatio sit eadem entitas realis, cum substantia: quare necesse est relationem fundatam in substantia, distingui realiter à suo fundamento. Neque aliquid valet, quod solet responderi, relationem non inhxerere substantiæ, nisi vt distinctam ratione ab ea. Hoc enim aperte falsum est, quia ante operationem intellectus vna substantia refertur ad alteram per relationem realem, & accidentalem; ergo ante operationem intellectus relatio est in substantia. Tunc ergo, vel est ens per se ante operationem intellectus, vel ens in alio; non per se, quia erit substantia, & non relatio accidentalis; ergo est ens in alio, quod non potest

132

Y test

rest intelligi, nisi per realem in-
herentiam: & cum idem non possit
sibi realiter inherere, sequitur re-
lationem realiter inhaerentem distin-
ctam entitatem esse à substantia, cui
inheret, & in qua fundatur.

133

Ad testimonium Aristotelis re-
spondetur hæc distinctione, muta-
ri aliquid, duobus modis contingit,
per se, & per accidens: per se mu-
tatur illud, cuius mutatio intenta
est à natura, vel ab aliquo agente
naturali, ut dum lapis mutatur à lo-
co superiori ad inferiorem. Per ac-
cidents vero mutatur, si mutatio ei-
us casu contingat, vel ex mutatio-
ne alterius extrinseci. Dum ergo A-
ristoteles ait ad relationem non ter-
minari motum per se, quia relatio
solet acquiri sine mutatione subie-
cti, in quo confurgit, de mutatio-
ne per se loquitur, sed non exclu-
dit quin motetur saltem per ac-
cidents illud, quod solam relationem
de nouo recipit, nec ad intetum eius
hoc requirebatur, sed satis est, quod
per se non mutetur, ut verum sit, quod
ad relationem non sit perse motus.

Ad secundum argumentum prius
est respondendum, quam ad pri-
mum. Respondemus igitur concessa
maiori, & minori, sed negando
consequentiam, quod sine vrgenti
necessitate distinguamus entitatem
relationis ab entitate fundamenti.
Nam rationes adductæ satis vrgen-
tes sunt.

*Dubium de separatione relationis
a fundamento.*

CIRCA solotignem secundi ar-
gumenti dubitatur, an posito
fundamento relationis in vtro-
que extremo, sic necessario confur-
gat relatio, ut nec per potentiam

Dei absolutam impediri possit talis
consecutio, & an postquam iam est
in vtroque extremo posita, possit
ab eis separari, ita ut permanent
duo alba eiusdem gradus intensio-
nis sine relatione similitudinis.

135

Et prima opinio tenet, nec pos-
se impediri, quin sequatur, nec
postquam iam est in extremis, sepa-
rari ab eis: ita non nulli ex modes-
nis. Et quod impediri non possit con-
secutio eius posito fundamento in
vtroque extremo, probant: quia
intelligi non potest, quod vnus ho-
mo genuerit alterum, quin ille sit
pater, & iste filius: (si vterque per-
maneant) nec possant intelligi duo
alba in eodem gradu, quin intelli-
gantur similia: ergo fieri non po-
tess, quod relatio non sequatur po-
sito fundamento in vtroque extre-
mo. Quod vero postquam relatio
iam est in vtroque extremo, non
possit ab eis separari vilo modo, pro-
bant hoc argumento. Relatio non
est aliud, quam ita se habere vnum
extremum ad alterum præsupposi-
to fundamento; ergo est modus re-
lationum, sed modus non potest
esse separatus à re, cuius est; alio-
qui iam non esset modus, sed res;
ergo nec relatio poterit separari à
fundamentis in vtroque extremo exi-
stentibus.

Nostra tamen sententia est, quod
supposita distinctione ex natura rei
inter relationem, & fundamentum,
quam defendimus, separari potest
relatio ab eo, etiam posito in vtro-
que extremo, ita ut impediri pos-
sit à Deo, ne sequatur in extremis,
atque etiam postquam in eis reperit-
ur, in eisdem esse desinat, non qui-
dem sine eis existens in rerum natu-
ra, sed extrema sine illa.

Probantur duo priora hoc argu-
mento.

mento. Relatio est entitas ex natura rei distincta à fundamento, & non pertinet ad essentiã eius, aut extremorum, in quibus est; ergo etiam si naturaliter sequatur ex eo iam posito in utroque extremo, non implicat contradictionem, quod talis consecutio impediatur. Antecedens ex nostra sententia est manifestum, quia realtio non solum est entitas distincta à fundamento, sed rationem formalem, & prædicamentalem habet ab eo diuersam; ergo nulla est repugnantia quin impediatur à Deo consecutio eius ex fundamento in utroque extremo posito, sicut non repugnat propriam passionem distinctam realiter ab essentiã, à qua procedit, ab ea non procedere, vt risibilitas ab essentiã hominis. Et eadem ratione probatur, quod postquam in eis reperitur, possint sine illo permanere.

337 Sed quia duobus modis intelligi potest, quod ab eis separatur: primo, ita vt sine illis permaneat in rerum natura, atque etiam extrema sine illa, vel non sic; sed ita vt illa destruiatur, aut desinat esse, & extrema sine illa permaneant. Dicimus secundo modo posse ab eis separari, non primo. Probatur primum, quia non est de essentiã illorum, & habet distinctam entitatem ab eis; ergo non repugnat, quod à Deo destruiatur permanentibus sine illa extremis. Probatur secundum, quia relatio est modus extremorum, per quem taliter se habet vnum in ordine ad alterum; ergo intrinsecum est illi actu referre vnu ad alterum; & ideo repugnat permanere in rerum natura, quin actu referat, quia si separata ab eis daretur, nihil referret ad aliud.

Ad primum argumentum oppo-

sitæ opinionis distinguendum est antecedens, quia duo alba esse similia, duobus modis intelligi potest; formaliter, aut fundamentaliter; & si separaretur ab eis relatio, intelligerentur similia fundamentaliter, non formaliter, in quo nulla est repugnantia, & eodem modo generans, & genitus, quasi in fundamento proximo intelligeretur pater, & filius non formaliter.

Ad secundum concedendum est antecedens, quod relatio sit modus extremorum: ex quo solum sequitur, quod ipsa non possit esse in rerum natura sine extremis, non tamẽ, quod extrema non possint esse sine illa.

Premium dubium.

An relationi conueniat habere contrarium.

DVo restant dubia circa duas proprietates relatiuorum, quarum prima est, quod in eis reperitur contrarietas. Videtur enim Aristoteles sibi contrarius in hac proprietate. Nam capite de quantitate negat expresse, quod relatiua habeant contrarium, sed capite præteriti tanquam proprietatem tribuit illis, quod contrarium habeant. Et videntur eam habere, quia simile, & dissimile contraria sunt, & etiam æquale, & inæquale, & sunt relatiua primi generis.

Prima opinio est Toleti in expositione textus, qui hac distinctione vitur. Relatiua dupliciter considerari possunt. Primo, formaliter prout relatiua sunt. Secundo, materialiter pro fundamentis relationum, vt duo alba considerantur in quantum similia, & in quantum alba, & sub prima consideratione, inquit, non habet contrarium, bene tamẽ ratione fundamenti: 138

Y 2 & dum

& dum Aristoteles negavit habere contrarium, formaliter locutus est, sed dum eis tribuit contrarietatem, loquitur fundamentaliter, nam hoc modo contraria sunt dissimilia, ut album, & nigrum.

139 Nostri tamen sententia est, propria contrarietatem non convenire relatiuis, nec formaliter, nec ratione fundamenti, sed impropria pro quocunque genere oppositionis, etiam formaliter eis convenit. Probat, quod non conveniat eis formaliter propria contrarietas, hac ratione. *Contraria sunt, quæ sub eodem genere maxime distant, & ab eodem subiecto mutuo se expellunt*: Ergo contraria, ut talia sunt, formaliter, & expresse respiciunt subiectum, circa quod se expellunt, sed relatiua, ut relatiua non respiciunt formaliter, & expresse subiectum, sed terminum; ergo, ut relatiua non sunt proprie contraria. Quod vero, nec ratione fundamenti probatur, quia licet fundamenta aliquorum relatiuorum contraria sint, ut albedo, & nigredo, quæ sunt fundamenta dissimilitudinis, per accidens se habet contrarietas ad rationem dissimilitudinis. Probat, euidenter, quia sola diuersitas specifica sine vlla contrarietate fundat relationem dissimilitudinis, ut albedo, & nigredo, vel alia quæcunque contraria, quæ sunt fundamenta dissimilitudinis, eodem modo eam fundarent, quamuis contraria non essent per solam differentiam specificam; ergo contrarietas per accidens etiam se habet ad fundandam relationem, & ideo, nec ratione fundamenti per se considerati, vel ut fundamentum est, convenit relationi.

Ad Aristotelem vero respondeo,

non esse sibi contrarium, quia capit de quantitate secundum propriam sententiam loquitur negans, quod relatiuis aliquid sit contrarium; in presenti vero tribuit eis contrarietatem, non quod sentiat veram esse proprietatem eorum, sed ut ostendat definitionem antiquorum minus bonam esse, cum ex ea sequatur accidentia absoluta, in quibus reperitur contrarietas, esse relatiua, & relatiuis aliquid esse contrarium; quæ cum sint falsa, sequitur non esse bonam definitionem illam, nec verum, quod veris relatiuis aliquid sit contrarium, nec ex propria sententia id iliquando docuisse Aristotelem. Quod denique impropria contrarietas pro quocunque genere oppositionis eis conveniat, ut relatiuis, euidens est, cum relatio formaliter sumpta includat oppositionem relatiuam, quæ est vnum genus ex quatuor oppositionibus.

Dubium secundum.

An relatiua suscipiant magis, & minus.

140 Dubium hoc de solis relatiuis secundum esse, & prædicamentibus procedit. Et ratio dubitandi sumitur ex Aristotele, qui asserit, proprium esse relatiuorum suscipere magis, & minus. Et ne videretur alicui, eum non loqui de veris relatiuis, atque ex propria sententia, sed ex sententia antiquorum, & secundum definitionem eorum, ponit exemplum huius proprietatis in simili, & dissimili, quæ sunt vera relatiua, & prædicamentalia.

Prima opinio distinguit relatiua, nam alia sunt secundum esse, quæ proprie pertinent ad hoc prædicamentum; alia secundum dici, quæ vere sunt absoluta, sed

sed includunt quosdam respectus secundum dici, tanquam completum essentiale, & illa non suscipiunt magis, & minus; hæc vero suscipere possunt. Ita Albertus Magnus tractatu de prædicamento ad aliquid, cap. 5. Et huius sententiæ videtur esse D. Tho. cap. 12. quæst. 82. art. 4. Quam etiam secuti alii, qui secundum veritatem dicunt non suscipere magis, & minus ullum relativum, sed secundum opinionem vulgi aliqua suscipere, ut æqualia, vel similia appellari solent, quæ licet vere æqualia, aut similia non sint, parum a vera æqualitate, aut similitudine distant, & quo minus distant, dicuntur magis æqualia, aut similia. Ita Canterus in expositione huius proprietatis.

Probatur primum, quia suscipere magis, & minus, provenit ex maiori, vel minori admixtione contrarii; ut illud dicitur magis calidum, quod minus habet de frigiditate admixtum; illud vero minus calidum, quod plus habet frigiditatis admixtæ, sed vera relativa prædicamenta non habent contrarium, ut probatum est dubio præcedenti; ergo non suscipiunt magis, & minus.

Secunda opinio distinguit relationem ex parte sui, aut ex parte fundamenti: & ex parte sui negat veram relationem huius prædicamenti suscipere magis, & minus, sed ratione fundamenti suscipere cõcedit. Ita Caietanus, Sotus, & Toletus, cap. præsentii.

141 Quod probatur experientia, nam dum albedo intenditur in extremo, in quo erat remissa, consequenter fit magis simile alteri, in quo est intentus; ergo albedo, quæ est fundamentum similitudinis per se suscipit magis, & minus, & eius ratione simi-

litudo, & eodem modo, dum aliquid est alteri inæquale, quo magis auferatur de quantitate eius, magis inæquale efficitur; & hoc est relationem inæqualitatis minorem fieri ratione fundamenti. Sed addit hæc sententia non esse necessariū, ut relatio suscipiat magis, & minus ratione fundamenti, quod fundamentum suscipiat magis, & minus, nam quantitas, ratione cuius inæqualitas maior est, vel minor, non suscipit magis, & minus, sed ratione fundamenti dicitur relatio suscipere in hoc sensu: quod non potest suscipere, nisi aliqua variatio fiat in fundamento, quæcumque illa sit: unde magis, & minus distinguenda putat Caietanus, quia vel sumuntur Physice, & hoc modo non fiunt, nisi per admixtionem contrarii, aut Logice, & sic sumpta in eo tantum consistunt, quod est aliquid prædicari de alio cum his adverbis magis, & minus, unde cumque id proveniat. Et Physicè quidem sumpta non conveniunt vere relationi; Logice vero cõvenire illi possunt.

Hæc tamen distinctio confundit potius rem, quam eam explicat, quia prædicationes Logicæ in re ipsa debent fundari; ergo nunquam poterunt magis, & minus Logice sumpta convenire relationi, nisi ratione fundamenti realis, & Physici, quare si Physice sumpta nullo modo ei conveniunt, nec Logice poterunt ei convenire.

Nostra igitur sententia hac distinctione præsupposita explicanda est. Magis, & minus duobus modis accipiuntur, communiter, & proprie: communiter quidem, pro magis, aut minus perfectum, magis, aut minus proximum, vel distant; unde cum perfectio maior, vel minor proveniat,

Y 3

CAPVT VIII.

Continens prædicamentum qualitatatis.

TEXTVS ARISTOT.

Qualitatem vero dico secundum quam, quales quidam esse dicuntur, &c.

Breuis expositio textus.

Intentum Aristotelis capit. præfenti est, explicare naturam, & essentiam qualitatatis, quam enumerat quarto loco ante sex alia prædicamenta, quia accidens intrinsecum est formaliter inherens substantiæ, & ideo perfectius reliquis, quæ magna ex parte, in quibusdam extrinsecis denominationibus consistunt. Diuiditur caput in tres partes. In prima definit qualitatem in abstracto, & connumerat quatuor eius species subalternas, quas ideo genera vocat. In secunda parte definit qualitatem in concreto, hoc est, per ordinem ad subiectum, quod denominat, vt per illud magis fiat manifesta. Et tertia, tres proprietates eius assignat.

Definitio qualitatatis est hæc: Qualitas est, qua quales esse dicimur, vt albedo, à qua albus denominatur homo, & ideo qualis: quia si interroges, qualis sit homo, bene respondebitur, si dicatur esse album.

Prima species qualitatatis est habitus, & dispositio: habitus sic definitur, est qualitas difficile mobilis à subiecto, vt habitus virtutum, & scientiarum; dispositio vero qualitas: facile mobilis à subiecto, vt ca-

lor, quem ignis producit in aqua, facile ab ea remouetur.

Secundum genus qualitatatis est, naturalis potentia, & impotentia, secundum quam naturalem habet inclinationem, vel aptitudinem aliqui ad aliquem actum, aliquodve exercitium, vt ad pugnam, vel ad iustitiam, & dicuntur pugillatores. Alii vero inepti sunt, aut impotentes ad eundem actum. Dicitur autem naturalis, quia ab ipsa natura habetur, & non est acquisita per actum, nam si talis esset, potius erit habitus, aut dispositio.

Tertium genus est passio, aut passibilis qualitas, & hæc est qualitas nata causare passionem in sensu, vel quæ est effectus passionis permanentis, vt qualitates tangibiles, quæ eam sunt sensationem in tactu, vt calor, & frigiditas, & sic de aliis: & albedo, quæ causatur in cera ex nimio calore solis dicitur etiam passibilis qualitas, quia est effectus illius impressionis, quam Sol causat in cera, & permanens quidem, quia albedo producta in cera non statim transit, sed permanet in ea. Passio vero dicitur qualitas, si sit effectus passionis cito transeuntis, vt rubor causatus in facie ex verecundia, & quia passio non est qualitas permanens non denominat subiectum tale simpliciter, sed passum secundum eam: vnde à rubore causato ex verecundia non dicitur homo rubeus, sed ruborem passus, & sic de cæteris passionibus.

Quartum genus qualitatatis est forma, & figura, vt rectitudo, curuitas, statua, aut cathedra formæ, ac figuræ dicuntur, & species huius generis.

In secunda parte capit. definit Arist. qualitatem in concreto hoc modo,

Y 4 quale

Cap. 8. de qualitate. quæst. 1.

quale est, quod secundum qualitatem denominatur, ut album, & dulce.

In tertia parte enumerat tres proprietates qualitatis, quarum prima est, qualitatem habere contrarium, ut calori contrariatur frigiditas; nec tamen convenit omnibus qualitatibus proprietas hæc, quia plures sunt non habentes contrarium, ut rubrum, pallidum, & alii colores medii.

Secunda proprietas est, suscipere magis, & minus, quod cum procedat ex maiori, aut minori admixtione contrarii, necesse est habentibus proprie contrarium convenire, sed nec omnibus qualitatibus convenit hoc, quia plures sunt non suscipientes magis, & minus, ut figuræ, & similes.

Tertia proprietas qualitatis est, quod secundum eam res dicantur similes, aut dissimiles, ut secundum albedinem dicuntur corpora similia; hæc autem proprietas quarto modo convenit qualitati, quia omnibus qualitatibus solis, & semper convenit.

QVÆSTIO I.

An qualitas sit supremum genus huius prædicamenti, & diuersæ qualitates enumeratæ ab Aristotele diuersæ species eius.

4 **V**T melius intelligatur quæstio, explicandæ sunt diuersæ acceptiones qualitatis, quæ (omnibus aliis) tres sunt, ut colligitur ex Aristotele, cap. præsentis, & 5. Metaphysicæ cap. 14: Qualitas in generali significat determinationem, seu

modificationem substantiæ, & ideo prima acceptio eius est pro quocunque determinante, aut modificante aliud, quod non solum conuenit omnibus accidentibus, sed etiâ substantiis, aut differentiis earum. Secundo modo accipitur pro forma quacunque accidentali, quæ secundum proprium modum essendi modificat, aut determinat substantiam, ut quantitas, relatio, ac cætera accidentia, & hæc etiam acceptio communis est. Tertia vero propria pro forma, non solum secundum communem rationem accidentalem determinante subiectum, sed proprie, ita ut per eam tanquam per formam sibi inhzerentem tali modo se habeat substantia, ut formaliter denominetur, non extensa, non relata ad aliud, sed qualis; quia ad quæstionem de ea factam per quale, proprie respondemus per talem formam: ut si quæritur qualis sit substantia, proprie respondemus esse albam, aut calidam, & ideo formæ istæ accidentales proprie dicuntur qualitates. Et secundum hanc solam acceptionem; non secundum duas alias sumitur qualitas ab Aristotele, capite præsentis, & distinguitur à cæteris prædicamentis, de qua quærit titulus quæstionis, an sit supremum genus huius prædicamenti, & qualitates particulares enumeratæ ab Aristotele veræ species eius.

Prima opinio tenet qualitatem sic acceptam non esse verum genus, quod diuidatur in illas qualitates enumeratas ab Aristotele: tanquam in veras species, sed tanquam analogum in sua analogata, vel tanquam res in diuersos modos. Primum affirmat Simplicius cap. præsentis, & probat ex eodem Aristotele, qui priusquam illas qualitates enumeraret, sic loquitur. *Est*

arist.

autem qualitas eorum, quæ multipliciter dicuntur. Secundum vero tenet Scotus cap. præsentis, quæst. 36. & in 4. d. 6. quæst. 10. §. Sed tunc est dubium, & etiam probat testimonio Aristotelis, qui postquam enumeravit omnes has qualitates, dixit. Fortasse quidem alius quispiam modus apparuerit qualitatibus, sed fere qui maxime dicuntur, hi sunt.

6. Probat etiam ratione, quia esse naturalem potentiam, vel aptitudinem acquisitam, esse causam; vel effectum passionis diuersas habitudines qualitatis ad subiectum significant, accidentales tamen, & quasi extrinsece denominationes, quia extrinsecum est qualitati, parum, aut multum durare in subiecto, causam esse, aut effectum passionis: Vnde eiusdem speciei sunt rubor causatus ex verecundia, aut ex alia causa permanenti, & quod amplius est, eidem qualitati omnino inuariatae conveniunt isti modi, ergo non sunt differentie essentielles, sed accidentales. Probat hoc ultimum antecedens, quia idem calor si cito transcat, erit dispositio; si multum duret in subiecto, erit habitus; & ut virtus naturalis ignis ad calefaciendam erit naturalis potentia, & tandem in quantum causat passionem in sensum tactus, aut productus est per motum calefactionis, erit passibilis qualitas, ex quibus considerationibus constat non variari.

Huic opinioni addunt Boetius, & Simplicius cap. præsentis divisionem qualitatis in hos modos, aut in hæc analogata non esse sufficientem, quia aliud dantur membra huius divisionis ab Aristotele prætermissa, quod sic probatur. Pulchritudo, & sanitas sunt qualitates, & non pertinent ad aliquod membrum ex his quatuor, cum nec sint habitus, aut dispositiones,

quia non sunt acquisita, sed naturales; nec potentie, aut impotentie, quia non ordinantur ad actus aliquos excercendos, nec passionis, aut passibiles qualitates, quia nec per se sunt effectus passionis, nec eam in sensu causant, nec tandem sunt forma, & figura, quod de sanitate patet, & de pulchritudine probatur, quæ magis, & minus suscipit, cum dentur quidam pulchriores aliis, figuræ autem, & forma id non habeant.

7. Communis sententia à nobis tenenda duo asserit. Primum qualitatem verum genus esse, & supremum huius prædicamenti diuisum in particulares qualitates enumeratas ab Aristotele, tanquam in veras species contra Simplicium, & Scotum. Secundum, diuisionem eius in quatuor illa membra sufficientem esse, ita ut nulla detur vera qualitas, quæ sub eis non comprehendatur contra eundem Simplicium, & Boetium.

Hæc est expressa sententia Aristotelis, non solum in hoc capite, sed 5. Metaphysicæ cap. 14. & recepta ab vniuersa schola, quæ prædicamentum qualitatis distinctum ab aliis cum eo ponit, sed impossibile est constitucere prædicamentum qualitatis ex alio genere, & aliis speciebus; ergo qualitas in communi pro genere supremo recipienda est, & inferiores illæ qualitates pro veris speciebus. Minorem probat, quia nec ab his autoribus contrarium opinantibus, nec ab alio excogitatum est aliud genus, nec alia species.

Sed probatur ratione, quia communis conceptus qualitatis abstractus ab illis prædicatur de singulis quidditatiue, & vniocce; ergo est genus, vel species respectu illarum; non species, quia non habet genus aliud supra se, ergo erit genus. Pro-

Cap. 8. de qualitate. quæst. 1.

batur antecedens, quia negari non potest quidditatiuas esse has prædicationes, habitus est qualitas, naturalis potentia est qualitas, cum eis conveniat definitio qualitatis tradita ab Aristotele, & æqualiter eis convenit sine attributione vnius ad aliam, ergo est prædicatum vniocum, & quidditativum. Quod autem qualitates illæ distinguantur specie, non est minus manifestum, quia ratio formalis habitus valde diversa est à naturali potentia, & hæc à forma, & figura; sed diversæ rationes formales constituant, & distinguunt diversas species; ergo specie distinguuntur illæ quatuor qualitates sub communi genere qualitatis.

8 Probatur tandem, quod sufficiens sit divisio qualitatis in has quatuor species, ita ut nec plures sint, nec pauciores, ratione D. Thom. quam adduxit 12. quæstione 49. artic. 2. Ratio intrinseca, & propria qualitatis, est esse determinativam substantiæ secundum modum accidentalem qualificationis eius, sed modus iste qualificationis substantiæ quatuor modis tantum potest se habere in ordine ad substantiam; ergo quatuor tantum species possunt sub eo distinguui: probatur minor, quia vel qualitas inhæret substantiæ eam disponens, ut bene, vel male se habeat, ut est in se, & cum hæc sit prima consideratio substantiæ, hæc erit prima species qualitatis, quæ est habitus, & dispositio ita disponens substantiam. Secunda consideratio substantiæ est, in quantum est principium operationis; cum vnumquodque sit propter suam operationem. Et ideo secundus modus qualitatis est afficere substantiam tanquam principium operationis, & hæc est secunda species naturalis potentie. A substantia autem haben

te iam potentiam operandi statim procedit motus continens actionem, & passionem, quia motus, ut procedit ab agente, est actio, & ut recipitur in passio, est passio; ideo qualitas ut acquisita per motum est tertia species, quæ vocatur passio, & passibilis qualitas. Nam si habeat modum permanentis, est passibilis qualitas; si vero cito transeat, est passio. Ultima consideratio substantiæ est, ut iam extensæ per quantitatem, & ita qualitas inhærens ei ratione quantitatis constituit quartam speciem, quæ est forma, & figura; nam figura vel est terminatio quantitatis, vel ex terminis eius resultat. Et ad hos quatuor modos constituentes quatuor species facile reduci possunt omnes qualitates, ut constabit ex solutione argumentorum. Hoc solum est notandum, quod argumentum hoc sumit sufficientiam harum specierum, aut ex præcipuo, cui convenit specialis illa ratio qualificandi substantiam, aut ex primo; unde non est necessarium, quod in omnibus, quæ sub tali ratione comprehenduntur, reperiatur illa ratio. Exempli gratia, prima species sumitur ex modo afficiendi substantiam, ut bene, vel male se habeat secundum propriam naturam, quod solum habent habitus, aut dispositiones naturales, quæ primo conveniunt substantiæ corporeæ, ut sanitas, ægritudo, & similes, non tamen habitus, aut dispositiones libere acquiruntur: sed cum omnes conveniant in ratione habitus, & dispositionis, in quantum sunt facile, aut difficile mobiles à subiecto, omnes constituunt idem genus qualitatis distinctum à cæteris, sed quasi radicaliter sumptum à naturalibus tanquam à primis.

Ad primum testimonium Aristotelis pro prima opinione adductam respon-

10

respondetur, multis modis dici qualitatem, non sicut analogum, vel æquivocum, sed propter differentias inæqualis perfectionis, per quas contrahitur ad diuersas species, quarum diuersitas non tollit vniucationem generis, quod ab eis abstrahi potest. Vel secundo respondeo Aristotelem asseruisse, quod qualitas dicitur multis modis, vt ostēderet qualitatem esse modum substantiæ, & species eius sumi ex diuersis modis afficiendi substantiam, vt explicatum est.

Ad secundū testimonium pro opinione Scoti respondetur, Aristotelem ita locutum fuisse, vt significaret facile ad has quatuor species reduci posse cæteras omnes qualitates, quamuis aliquæ diuersæ appareant ab eis.

II Ad argumentum Scoti negandum est antecedens, quod rationes formales diuersæ harum qualitatum sint accidentales, aut extrinsecæ: nam specialis ratio, quam habet quælibet qualificandi substantiā intrinseca sibi est, & per quam distinguitur à cæteris tanquam per differentiam essentialē, vt esse ex propriis natura facile, aut difficile mobilem à subiecto, essentialis ratio habitus, & dispositionis est valde diuersa à naturali potentia. Quod vero eidem qualitati conuenire possint omnes rationes formales specierum, concedimus; negamus tamen, quod ex hoc inferatur non esse veras species, quia distinctio specifica non necessario est realis, sed eadem res potest pertinere ad diuersas species sub diuersis rationibus formalibus, quas habet, imo ad diuersa prædicamenta, vt de actione, & passione constat, quæ cum sint eadem entitas realis motus, efficiant diuersa prædi-

camenta propter rationes formales diuersas.

Ad argumentum Boetii negandū est antecedens, quod dentur alia mēbra prætermittenda ab Aristotele præter illa quatuor, nam sanitatem posuit ipse in prima specie, & ad eandem pertinet pulchritudo, & vitæque est habitus naturalis, quia habitus vt est primum genus qualitatis, vniuersaliter sumitur pro quacunque qualitate difficile mobili à subiecto, siue sit naturalis, siue acquisita, quamuis specialis, & propriissima ratio habitus solum reperiatur in potentiis aliquo modo liberis, & ideo solum sint acquisiti, vel infusi habitus. Species vero intentionales sensibiles, aut intelligibiles si sint impressæ pertinent ad speciem habitus, quia ex propria natura sunt permanentes; si vero sint expressæ pertinent ad dispositionem, & eodem modo intelligendum est de cæteris qualitativis ad has quatuor species reducendis.

QVAESTIO II.

An habitus, & dispositio distinguantur specie.

PRIMA opinio tenet, habitum, & dispositionem non esse distinctas species, sed eandem, & solum differre accidentaliter, ita Sorus quæstio. 9. huius capituli §. ad secundam quæstionem, Boetius, Ammonius, Tietelmanus, Villalpandus, Lobanien-
ses cap. etiam præsentis, & probatur testimonio Aristotelis, qui tria dicit in textu de his qualitativis. Primum, quod sūt vna species. Secundū, quod omnes habitus sunt dispositiones, licet nō omnes dispositiones sint habitus.
Tertium,

Cap. 8. de qualitate. quæst. 2.

Tertium, dispositionem fieri habitum procedente tempore, si nimis radicetur in subiecto, ex quibus sequitur ex mente eius non esse species distinctas, sed solum distingui accidentaliter, probatur consequentia, quia si distinctæ species essent, neque essent una, nec prædicaretur una de alia, nec una posset converteri in aliam.

13 Et ratione probatur. Primo quia habitus, & dispositio distinguitur ex eo, quod ille difficile separatur a subiecto, hæc vero facile remouetur ab eo; sed istæ sunt differentie accidentales; ergo solum differunt accidentaliter, probatur minor, nam qualitas fit difficile mobilis à subiecto, quia magis radicatur in eo, sed maior radiatio procedit ex multiplicatione actuum, aut ex diuturnitate temporis, aut ex utroque, ut patet in febris, quæ ex eo solum, quod multum durat in subiecto, radicatur in eo, & fit difficile mobilis; sed magis, aut minus perseverare in subiecto, vel actus multiplicari sunt accidentia eiusdem qualitatis; ergo hæc differentia habitus, & dispositionis accidentalis est.

Secundo, scientia, & virtus quælibet eiusdem speciei est per primum, aut secundum actum acquisita, & successu temporis magis radicata in subiecto per frequentationem actuum: sed in principio habet rationem dispositionis, quia facile potest remoueri à subiecto, & postea fit habitus; quia iam est difficile mobilis; ergo accidentales sunt istæ differentie facili, & difficile mobilis à subiecto: probatur maior, quia distinctio specifica scientiæ, & virtutis sumitur ex obiecto, sed idem obiectum habet scientia, aut virtus in principio suæ acquisitionis, & dum iam est radicata in subiecto per plures actus; ergo est

eiusdem speciei.

Secunda opinio distinguit habitum, & dispositionem tanquam duas species subalternas, ita ut sub habitu distinguantur plures alie diversorum habituum, atque etiam sub dispositione. Hæc est sententia D. Thom. 12. quæst. 49. ar. 2. ad 3. Iauelli, Caiet. Soti, Toleti, atque Canteri cap. præfati, quam secuntur etiam Fonseca 5. Metaphy. cap. 14. quæst. 2. sectio 1. & 2. Pater. Franciscus Suarius tomo 2. suæ Metaphy. disp. 42. sectio 6. nu. 6. & videtur nobis probabilior, & tenenda.

Sed, ut eam explicemus, & probemus, duo sunt notanda. Primum est, qualitatē esse facile, aut difficile mobilem à subiecto dupliciter contingere, nempe ex natura suæ causæ, per quā producitur in subiecto, & in ordine ad quam sumit suam speciem; aut ex aliis causis, aut rationibus extrinsecis. Et si primo modo consideretur, essentialis est differentia vnius qualitatis ab alia; ita, ut quæ sic est difficile mobilis à subiecto, sit distincta specie ab alia, quæ eodem modo considerata facile mobilis est. Si vero considerentur secundo modo, solum sunt differentie accidentales. Exemplū primæ considerationis habemus in scientia, & opinione, nam illa habet pro causa demonstrationem, à qua producitur, & in ordine ad quam specificatur, demonstratio vero causa efficax est, cum sit argumentum evidens, & necessarium, & ideo scientia per eam acquisita etiam per primum actum difficile mobilis est à subiecto. Sed opinio habet pro causa argumentum probabile, quod non est efficax, sed facile destrui potest per demonstrationem oppositam, aut per oppositum argumentum probabilius, ideo opinio facile mobilis est

15 est ex natura suæ causæ. Vnde sequitur, quod licet versetur circa idem obiectum, specie distinguatur sub hoc genere qualitaris per differentias essentielles facile, & difficile mobilis ex natura suarum causarum. Exemplum vero considerationis secundæ in calore febrili, qui propter debilitatem subiecti, aut particularem complexionem eius, aliasve accidentales extrinsecas ita solet radicari in subiecto, ut non solum sit difficile mobilis ab eo, sed naturaliter sit impossibile ab eo separari, & tamen eiusdem speciei est in principio, & fine, & solum distinguitur à seipso accidentaliter.

Secundo notandum est, quod licet facile, & difficile mobilis ex causis accidentalibus, nempe ex frequentatione actuum, vel ex diuturnitate temporis sint differentie accidentales habitus, & dispositionis, sed sunt quasi accidentia congruentia naturæ harum qualitarum, ita ut cum habitus sit difficile mobilis à subiecto essentialiter propter naturam suæ causæ, accidens sit consonum naturæ eius, esse etiam difficile mobilem per radicationem in subiecto. Et cum dispositio sit facile mobilis propter naturam suæ causæ, accidens etiam consonum sit naturæ eius non esse radicatum in subiecto, sed facile etiam posse ab eo separari ex parte causarum accidentalium. Et istæ differentie accidentales tribuunt eis statum habitus, & dispositionis; ita ut tunc habeat habitus statum suæ naturæ congruentem, quando sit radicatus in subiecto, dispositio vero quando non sit radicata. Vnde fieri potest, ut qualitas aliqua habeat essentiam habitus, & statum dispositionis, & è contra essentiam dispositionis, & statum habitus, & tunc distinguen-

tor essentialiter, quamvis vni conueniat accidens alterius, & ideo verum sit habitum esse accidentaliter dispositionem, & dispositionem accidentaliter habitum. Vtrumque habet scientia, aut virtus per primum actum acquisita, quia essentialiter est habitus, & accidentaliter dispositio: essentiam quoque habitus habet, & statum dispositionis, opinio vero radicata in subiecto per frequentationem actuum ex opposito essentialiter est dispositio, & accidentaliter habitus, habet etiam essentiam dispositionis, & statum habitus.

17 Ex hac doctrina intelligitur differentia inter primam, & secundam opinionem, nam prima facile, & difficile mobilis solum ex parte subiecti, aut causarum accidentalium provenire posse credit, & ideo solum esse differentias accidentales. Sed D. Thom. alium modum magis intrinsecum earundem differentiarum invenit, & ideo docuit essentielles esse: quem modum ex mente Aristotelis esse probant hæc verba huius capituli. *Differre autem habitum a dispositione, quod permanentior, ac diuturnior est, tales vero sunt scientia, & virtutes; scientia enim videtur esse permanentior, & diuturnior, ut si quis vel mediocriter sumat scientiam, nisi grandis permutatio facta sit, vel ab agilitudine, vel ab aliquo eiusmodi. Quibus scientiam antequam radicetur in subiecto per frequentationem actuum, sed solum sit medio-criter acquisita, dicit esse difficile mobilem à subiecto, & hoc habere ex natura sua, hoc est, ex efficacia suæ causæ naturalis, quæ est demonstratio, & ideo differre à dispositione. Quasi dicat differre essentialiter per facile, & difficile mobilis delin-quere ex parte causæ. Vnde sequitur opinionem D. Thom. quam sequi-* *mur,*

Cap. 8. de qualitate. quæst. 2.

mur, esse ex mente Aristotelis.

18 Sed probatur hac ratione, quæ colligitur ex eadem doctrina. Ea distinguuntur specie, quæ differunt per differentiam essentialem, sed habitus, & dispositio distinguuntur per differentias essentielles facile, & difficile mobilis; ergo distinguuntur specie sub genere qualitatis. Probatur minor, quia esse difficile mobilem convenit habitibus ex natura suæ causæ, à qua sumunt speciem, nempe ex ordine ad demonstrationem, si sit habitus scientiæ; aut ex ordine ad bonum honestum, si sit habitus virtutis, quia bonum honestum efficax causa virtutis est ex se, cum sit consonum rationi; ergo est differentia essentialis ei, per quam distinguitur specie à dispositione facile mobili ex eadem causa.

Pro explicatione verborum Aristotelis notandum est, dispositionem duobus modis sumi posse, in genere, aut in specie; in genere sumpta dicit qualitatem disponentem subiectum, ut bene se habeat in ordine ad propriam naturam, vel operationem, quæ, si sit difficile mobilis ex natura suæ causæ, à qua sumit speciem, erit habitus; si vero solum ex parte subiecti, aut aliorum accidentium, erit dispositio. Itaque dispositio primo modo sumpta genus est ad habitum, & seipsam sumptam secundo modo.

19 Et ex hoc patet, quem sensum habet primum dictum Aristotelis, nempe habitum, & dispositionem esse unam speciem qualitatis, id est convenire in una ratione superiori dispositionis, quæ una species subalterna est utrique communis. Dictum vero secundum, quod omnis habitus sit dispositio, non tamen omnis dispositio sit habitus, verum est etiam sumpta dispositione in genere. Ter-

tium vero, quod dispositio per nimiam radicationem fiat habitus, non de habitu essentialiter considerato intelligitur, sed accidentaliter, aut secundum statum, ut expositum est.

Ad primum argumentum distinguenda est minor, nam si facile, & difficile mobilis sumantur ex parte subiecti, temporis, aut ex frequentatione actuum, accidentales sunt differentie; si vero ex natura causæ intrinsicæ, per quam producantur, & specificantur, essentielles sunt Argumentum vero solum procedit ex eis primo modo consideratis: quo pacto concedimus, solum esse differentias accidentales, & per eas ita acceptas solum differre accidentaliter habitum, & dispositionem, sed differunt essentialiter per easdem consideratas secundo modo.

Ad secundum concedenda est maior, quod eiusdem speciei sit scientia 20 acquisita per primum actum, & iam radicata in subiecto per frequentationem demonstrationum: minor tamen distinguenda, nam si intelligatur, quod in principio habeat rationem dispositionis essentialis, falsa est, & neganda; si vero de dispositione quantum ad statum, & rationem accidentalem vera, & concedenda. Unde nec fit habitus essentialiter per frequentationem actuum, quia per primum actum acquisita habebit essentialem rationem habitus, sed solum acquirit statum habitus in quadam ratione accidentali consistente: quare nunquam movet speciem, sed solum statum, & rationem accidentalem.

QVÆSTIO III.

Verum naturalis potentia, & impotentia sint species qualitatis distinctæ.

Duo

DVO sunt explicanda circa hæc speciei qualitatis. Primum, quo modo differant naturalis potentia, & impotentia ab habitu, & dispositione. Secundum, quo modo differant inter se, nempe essentialiter tanquam duæ species eiusdem generis, vel solum accidentaliter, & ideo in duas partes diuidimus quæstionem hanc claritatis gratia.

Prima pars quæstionis.

31 **C**irca primum notandum est, quod naturalis potentia, & impotentia, in vno conueniunt cum habitu, & dispositione, & in duobus differunt. Conueniunt enim in eo, quod aliquo modo ordinantur ad operationem: quia substantia creata sicut est limitata quantum ad esse, sic etiam quantum ad modum operandi: non enim potest per seipsum operari, sed indiget quibusdam accidentibus superadditis, quibus mediis exerceat operationes sibi conuenientes & per hæc accidentia formaliter fit potens ad eliciendas tales operationes; cum ex se solum sit quasi radicaliter, aut virtualiter potens; & ideo hæc accidentia superaddita vocantur potentia eius ad operandum, quæ partim sunt naturales, partim acquisitæ: inter quas numerantur habitus, & dispositiones. Ex quibus licet quædam disponant eam, ut bene se habeat in suo esse, aut in sua natura, ut sanitas; alie vero, ut bene se habeat in ordine ad operationes, ut scientia, & virtutes, omnes tamen ordinantur ad operationes, ut docet D. Tho. 1. 2. q. 49. art. 2. ad 3. sed non omnes eodem modo; hæc enim istæ immediate, illæ vero remote, quia proxime disponunt substantiam, ut bene se habeat secundum propriam naturam. Et cum na-

tura sit principium operationum, consequenter, & quasi remote ordinantur ad operationes, ut docet Aristoteles 10. lib. de historia Animalium cap. 1. dicens, sanum vocari hominem, aut membrum aliquod sui corporis, quando potest facere operationem sani. Itaque tam habitus, & dispositio, quam naturalis potentia, & impotentia ordinantur aliquo modo ad operationes.

Sed differunt in duobus, quia naturalis potentia, & impotentia tribuntur ipsi substantiæ à natura, & ex vi suæ generationis, & fere semper sunt quasi propriæ passionis eius, ut intellectus, & voluntas respectu animæ, aut potentia motiua respectu hominis: & præterea semper ordinantur ad simpliciter operandum tanquam proxima principia operationum, quia sine illis non potest operari substantia. Habitus vero, & dispositio fere semper sunt acquisitæ per nostros actus, ut de scientiis, & virtutibus est manifestum. Præterea vel non ordinantur proxime ad operandum, vel si proxime, non ad operandum simpliciter, sed ad facile operandum. Exempli gratia, sanitas licet sit à natura tributa, non ordinatur proxime ad operandum; virtutes autem, & scientiæ, licet ordinentur proxime ad operandum, non tamen ad operandum simpliciter, quia per naturalem potentiam potest substantia operari, sed ad facile operandum: unde per eas consequitur substantia facilitas in suis operationibus. Et istæ duæ differentiæ manifeste ostendunt naturalem potentiam, & impotentiam distinguí essentialiter ab habitu, & dispositione, & ideo merito Aristotelem eas possuisse pro distinctis generibus, aut speciebus subalternis qualitatibus.

Secunda

Cap. 8. de qualitate. quæst. 3.

Secunda pars quæstionis.

SED circa distinctionem naturalis potentia, & impotentia versatur secunda pars eiusdem quæstionis, quæriturque an sint species distinctæ, vel eadem, & ideo non essentialiter, sed solum accidentaliter distinguantur.

23. Prima opinio est Soti quæstione vnica huius capituli in solutione ad confirmationem tertii argumenti, ubi ait, esse duas species subalternas, sicut habitum, & dispositionem. Probatur hoc argumento, Naturalis potentia, & impotentia dicunt oppositas rationes, nempe posse, & non posse; ergo non sunt eiusdem speciei, sed diuersæ, probatur consequentia, quia distinctio per rationes formales est essentialis, & specifica.

Secundam opinionem tenet Fonseca 5. Metaph. cap. 14. quæst. 2. sectione 3, quod non distinguantur essentialiter, sed solum accidentaliter, & ideo non sint diuersæ species, sed vna, & hæc est magis ad mentem Aristotelis, & tanquam probabilior tenenda.

Sed ut fiat vtrumque manifestum, tria sunt præsupponenda tanquam certa, & ab omnibus recepta. Primum, impotentiam non accipi ab Aristotele pro pura negatione, aut priuatione potentia. Probatur euidenter, quia dicit esse qualitatem; qualitas vero positua entitas est, negatio autem, & priuatio non sunt entitates positua, ut per se patet, ergo non sunt qualitates, nec intelliguntur ab Aristotele per impotentiam naturalem, sed per impotentiam intelligit qualitatem posituam tributam substantia à natura ad aliquid agendum, vel ad resistendum etiam, sed cum difficultate vtriusque, utque subaltern-

tia per hanc qualitatem naturalem potest aliquid facere, aut potest resistere contrariis, ægre tamen, & difficulter; unde principium est alicuius operationis, aut resistentia, debile tamen, & quasi infirmum, & ideo non tam potentia vocatur, quam impotentia, ut defectus, & imperfectio eius manifestetur.

Secundo, certum est per impotentiam naturalem non solum sumi ab Aristotele in ordine ad resistendum cum difficultate, sed etiam ad agendum cum difficultate; vtriusque enim expressis verbis explicuit in textu.

Tertio, certum est, naturalem potentiam, & impotentiam dum ordinantur ad operationes specie distinctas, vel vna ad agendum, & alia ad resistendum specie distingui. Ut hebetudo ingenii quæ ordinatur ad intelligendum cum difficultate, specie distinguitur à potentia visiva ordinata ad videndum. Probatur efficaciter, quia potentia distinguuntur specie per actus, ad quos ordinantur, sed videre, & intelligere sunt actus specie distincti; ergo potentia ad eos ordinata distinguuntur specie. Nec minus euidenter probatur de potentia ad agendum, & impotentia ad resistendum, quia agere, & resistere contrariis diuersa sunt, ut potentia nutritiua distincta est à mollitudine cere, quæ, est impotentia ad ægre resistendum diuisioni.

Difficultas igitur quæstionis in hoc posita est, an naturalis potentia ad aliquid agendum, & naturalis impotentia ad illud idem ægre, aut diffaciliter agendum distinguantur specie, & eodem modo naturalis potentia ad resistendum fortiter diuisioni, & naturalis impotentia ad ægre resistendum distinguantur specie, ut durities ferri, per quam fortiter resistit

24

25

fit diuisioni distinguatur à mollitudine ceræ, per quam modo quodam debili resistit eidem diuisioni, hæc enim quasi duricies quædam imperfecta videtur, & prima opinio distinguendi specie docet, nostra vero talem distinctionem negat.

Probatum autem testimonio Aristotelis cap præsentis, ubi potentiam naturalem vocat qualitatem, per quam substantia simpliciter potest aliquid agere, vel contrario resistere; impotentiam vero qualitatem quandam debilem, & quasi infirmam ad eandem præstandam, sed debili quodam modo, & cum difficultate, quod est imperfecte illa præstare: sed perfecte, & imperfecte idem agere, aut eidem contrario resistere non distinguuntur essentialiter; ergo nec naturalis potentia, & impotentia ad idem agendum, vel eidem resistendum distinguuntur essentialiter ex mente Aristotelis. Probatum consequentia, quia perfecte, aut imperfecte efficere eandem operationem, solum potest esse differentia accidentalis.

26 Probatum deinde ratione, quia potentia distinguuntur specie per actus, & obiecta, sed potentia, & impotentia sunt facultates quædam naturales, aut poientia; ergo si ordinentur ad eundem actum, erunt eiusdem speciei. Probatum consequentia, quia solum differunt tanquam principium eiusdem actus, aut eiusdem resistentia perfectum, & imperfectum, quod patet solum esse differentiam accidentalem.

Ad argumen. primæ opinionis negandum est antecedens: quod naturalis potentia, & impotentia dicantur rationes formales vere oppositas, nam licet nomina ipsa potentia, & impotentia videantur opposita ratione negationis, quam videtur significare

impotentia, sed vere nec rationes significatæ opponuntur, nec nomina, quia impotentia non dicit puram negationem, sed qualitatem positivam, debilem tamen atque imperfectam, & imperfectio hæc quasi negatio est perfectionis, quam dicit potentia, & propterea negationem videtur significare nomen impotentia: sed quia perfecta, & imperfecta facultas, aut potentia respectu eiusdem actus non possunt distinguere specie, nec esse vere oppositæ, ideo nec rationes formales earum oppositæ sunt, nec nomina significant rationes vere oppositas, sed se habent, sicut hæc duo nomina perfectum, & imperfectum; quæ etiam videntur significare oppositas rationes, & specie diuersas; cum tamen semper sint eiusdem speciei, si solum secundum rationem perfectam, & imperfectam distinguantur. Et eodem modo intelligendum est de mollitudine, & duricie, ut ordinatis ad fortiter, & debiliter resistendum; quæ licet videantur specie differre, non tamen differunt, quia mollitudo hoc modo considerata, quasi durities quædam imperfecta est.

QVAESTIO IIII.

De his, quæ pertinent ad passionem, & passibilem qualitatem.

Quatuor sunt disputanda circa passionem, & passibilem qualitatem. Primum, an sint vere species qualitatibus. Secundum, an sint species distinctæ, vel vna tantum, & ita solum distinguantur accidentaliter. Tertium, an passionibus animæ, ut ira, gaudium, & similes, pertineat ad hanc speciem. Quartum, an etiam

Z in ca-

29 Ex hac doctrina sumitur hoc arg. pro ratione dabitur ad probandum passionem, & passibilem qualitatem non esse veras species qualitatis, sed quædam analogata eius, quia passio non est qualitas simpliciter, sed secundum quid; at vero passibilis qualitas simpliciter est qualitas; ergo qualitas in communi, quæ est supremum genus huius prædicamenti, non vniuoce, sed analogice de utraque prædicatur, & ideo non tanquam genus de speciebus, sed tanquam analogum de analogatis. Probatur antecedens, quia qualitas, ut definit Aristoteles, est à qua denominamur quales, sed à passione non denominamur quales simpliciter, bene tamē à passibili qualitate, ut ex eodē Aristotele, & communi modo loquendi probatum est; ergo solā passibilis qualitas erit simpliciter qualitas, passio vero non nisi secundum quid.

Respondetur nihilominus ad dubiū propositum; quod passio, & passibilis qualitas vniuoce cōueniant in ratione qualitatis in communi, & hæc prædicatur de illis tanquā genus de sua specie, vel de suis speciebus.

30 Ut autem hoc explicetur, & simul probetur, notandum est, duobus modis posse considerari passionem, nempe secundū entitatem, vel essentiam; aut secundum modum inherendi in subiecto. Entitas, aut essentia eius est esse qualitatem productā per passionē, quod est esse effectum passionis (ut vidimus) modus vero inherendi est per modū cito transeuntis, quem habet ex eadem passione, à qua causatur cito etiam transeunte; sed modus iste accidentalis est, quia accidit subori, quod per causam permanentem, vel cito transeuntem producat. Unde sequitur, passionem secundum essentiam consideratam

esse qualitatem simpliciter, sed secundum modum inherendi accidentalem esse qualitatem secundum quid. Et quia ex modo inherendi sumitur denominatio, non dicitur de nominare subiectū simpliciter; passibilis vero qualitas simpliciter denominat subiectū tale, quia modū permanentis habet; si vero sumeretur ex sola essentia, simpliciter denominaret, sicut qualitas passibilis.

Ex hac igitur doctrina colligitur argumentum ad probandum, quod vniuoce dicatur qualitas de passione, & passibili qualitate, & ideo tanquam genus; quia illud est vniuoce, cuius essentia simpliciter, & æqualiter participatur ab inferioribus, sed essentia qualitatis participatur æqualiter, & simpliciter à passione, & passibili qualitate; ergo vniuoce, & tanquam genus prædicatur de illis. Probatur minor, quia ad essentiam qualitatis pertinet determinare, & qualificare subiectum, quod vero per modum permanentis, vel cito transeuntis accidentale est; ex brevī, aut longo tempore desumptum; sed passio determinat, & qualificat subiectum simpliciter, quomodo parum in eo duret; ergo est qualitas simpliciter, & ideo vniuoce, & tanquam genus de ea, & passibili qualitate prædicatur qualitas in communi.

Ad argumentum vero in contrarium negandum est antecedens, & 31 dum dicitur qualitatem esse, à qua denominamur quales, respondetur per denominationem, non tam impositionem nominis significare Aristotelem, quam effectum formalem qualitatis. Unde sensus definitionis est, qualitas est, à qua sumus formaliter quales; denominatio vero aliquando sumitur ab essentia, aliquando ex modo inherendi

Cap. 8. de qualitate. quæst. 4.

accidentali, unde quod à passione non denominemur, quales simpliciter, non tollit, quin sit simpliciter qualitas, quia formaliter efficit nos quales, ut probatum est. Exemplum adducere possumus in albedine, de qua constat esse qualitatem simpliciter, & eiusdem speciei cum albedine parietis, quia habet essentiam albedinis, & effectum formalem in subiecto, sicut illa; sed non denominatur hyopem album simpliciter: quia modus inhaerendi in toto corpore, aut solum in vna parte, à quo sumitur denominatio, & de quo constat esse accidentalem propter maiorem, aut minorem extensionem, diuersus est: nemo tamen dixit albedinem non prædicari vniuersè tanquam speciem de suis indigendis de albedine athyopis, & parietis, ita ergo iudicandum est de passione, & passibili qualitate.

Dubium secundum.

An passio, & passibilis qualitas sint diuersæ species; uel una tantum,

32 **P**rima opinio tenet: passionem, & passibilem qualitatem esse distinctas species, non minus, quam habitum, & dispositionem, quam probabilem indicat Sotus, quæstione vnica huius prædicamenti in solutione ad confirmationem quarti argumenti, & secuntur nonnulli ex modernis.

Probaturque hoc argumen. Habitus, & dispositio distinguuntur specie, quia ille est difficile mobilis à subiecto ex natura suæ causæ, dispositio vero facile remouetur: sed ita se habeat passio, & passibilis qualitas; ergo

distinguuntur etiam specie. Probatur minor, quia passio ex sententia Aristotelis cito transit, passibilis qualitas permanet in subiecto, & id habet utraque ex natura suæ causæ: nam qualitas quæ est passio, ideo cito transit, quia est effectus passionis cito transcurrentis, ut robor causatus ex verecundia: sed rubor, qui habetur à natiuitate, habet causas permanentes, & ideo permanens est ex propria natura, & vocatur passibilis qualitas, & hanc differentiam manifestat denominatio: nam passio, quia ex sua natura non permanet, nec subiectum denominat simpliciter, quod tamen præstat passibilis qualitas propter permanentiam; ergo non minus distinguuntur specie, quam habitus, & dispositio.

Secunda opinio opposita est, quod passio, & passibilis qualitas non sint species distinctæ, sed vna, & eadem; & solum distinguantur accidentaliter. Hanc secuntur Sotus ubi supra, Fonseca 5. Metaphys. cap. 14. quæstione 2. sectione 3. & plures moderni, & nobis videtur probabilius.

Et probatur ratione, quia intrinseca conditio vtriusque qualitatis est, quod sit causa, vel effectus passionis, quod vero cito transcurrentis, aut diu permanentis: accidentalis est ratio: sed in prima illa ratione essentiali conueniunt, ergo solum distinguuntur accidentaliter. Probatur minor, quia rubor causatus ex verecundia est passio; si vero habeatur à natiuitate est passibilis qualitas: sed rubores isti sunt eiusdem speciei, & solum distinguuntur accidentaliter; ergo passio, & passibilis qualitas sic se habebunt. Minorē probo, quia essentia qualitatis cuiusdam colligitur ex effectum formati, quem

33

quem habet in subiecto, sed rubores isti habent eundem effectum formalem, qui est constituere hominem rubrum, & solam diuersum ex eo, quod parum, vel multum daret ratione causæ permanentis, aut transeuntis: quod patet esse accidentalem differentiam respectu rubei formaliter; cum non sit minus rubrus formaliter homo pro illo breui tempore, quam alter, qui habet eandem qualitatem à nativitate; ergo non possunt distingui essentialiter, nec esse diuersas species. Et confirmari potest, ac declarari simul, quia ad rationem ruboris essentialem per accidens se habet, quod ab hac, vel illa causa efficiendi producat, hoc est permanenti, vel transeunti, sicut ad rationem caloris; ergo ex hac parte non distinguuntur specie rubores diuersi, sed non habent aliam differentiam essentialem sub genere qualitatis; ergo non distinguuntur essentialiter.

34 Ad argumentum vero contrariæ opinionis neganda est minor, quod sic se habeat passio, & passibilis qualitas, sicut habitus, & dispositio. Et ratio differentiarum colligitur ex eodem Aristotele 5. Metaphy. cap. 20. texto 25 ubi docet ad rationem habitus pertinere permanentiam, quia habitus ex se dicit habere, aut possidere quasi ex consuetudine, & cum diuturnitate; ergo ut qualitas sit habitus, diuturna esse debet, & si hoc habeat ex propria natura, habebit essentialiter, si vero ex aliqua causa extrinseca, vel accidentali, solum habebit accidentaliter; & si ab intrinseco habeat oppositam conditionem, facile mobilius à subiecto, necesse erit distingui essentialiter ab habitu. Et ita se habent dispositio, & habitus, ut in scientia, & opinione ostendi-

mus superius. Itaque, dux istæ qualitates non propter solam denominationem, aut significationem nominis distinguuntur, sed quia dicunt ex propria natura rationes diuersas facile, ac difficile mobilis à subiecto. Passio vero, & passibilis qualitas solum ex parte denominationis differunt, quæ tamen non desumitur ex ratione essentiali earum, sed ex modo inherendi in subiecto, quem constat esse accidentalem: ex eo enim passio dicitur rubor, & ex eo non de nominat subiectum simpliciter rubrum, quia per modum transeuntis inheret. Quod vero hoc sit ei accidentale, probatum est, cum non variet effectum formalem eius; ergo passio, & passibilis qualitas solum accidentaliter differunt, quia ad essentialitatem earum solum pertinet esse causam, vel effectum passionis, in quo distinguuntur à cæteris speciebus qualitatis: cito vero transire, vel diu permanere, à quo sumitur denominatio, accidentalis ratio est: cum tamen ad rationem formalem habitus pertineat naturalis permanentia in subiecto. Et ex hoc cognoscitur satis probabiliter differentia utriusque speciei, & solutio argumenti intelligitur.

Dubium tertium.

An passionēs animæ pertineant ad hanc speciem qualitatis.

Passiones animæ sunt ira, gaudium, tristitia, delectatio, & similes, de quibus superius diximus duo habere, vñ pro formali, quod est esse operationes appetitus sensitui; aliud pro materiali, nempe alter-

Z 3 ratio-

Cap. 8. de qualitate. quæst. 4.

rationem corpoream, cum qua fiunt, vt calefactionem, aut infrigidationem corporis, aut alicuius partis eius, quærit ergo dubium, an collocentur in hac specie.

Et prima opinio asserit, has passionem non pertinere ad hoc prædicamentum, vt sunt operationes appetitus sensitui, sed solum vt de materiali dicunt qualitates reales receptas in corpore per veram alterationem: ita plures moderni.

36 Probatur testimonio Aristotelis, qui tristitiam, & delectationem collocauit in prædicamento actionis, non alia ratione, nisi quia sunt actiones appetitus sensitui; ergo hoc modo sumptæ non possunt pertinere ad hoc prædicamentum. Probatur cōsequentiā, quia impossibile est eandem rem secundum eandem rationem formalem pertinere ad duo prædicamenta.

Probatur etiam ratione, quia tristitia, & delectatio procedunt ab appetitu sensitui, per quem tristiari, aut delectari dicitur homo, sicut per visum videre, & per auditum audire; ergo sunt actiones immanentes, quæ ab eodem, vt agēte procedunt, & in eodem, vt in subiecto recipiuntur, & vt in eo receptæ dicuntur passionem: quia actio vt recepta in passio dicitur passio, sed actio, & passio, vt tales sunt, nihil de qualitate habent, sed in propriis prædicamentis actionis, & passionis collocantur; ergo passionem istæ, vt procedunt ab appetitu sensitui, & in eo recipiuntur, non pertinent ad hoc prædicamentum; bene tamen ratione qualitatis materialis, nempe caloris, aut frigiditatis, quæ simul dum fiunt, imprimitur subiecto, vel alieui parti eius per alterationem realem.

37 Secunda opinio est opposita, quod passionem istæ non solum ratione materialis, sed ratione formalis pertineant ad hanc speciem: quam plures moderni tenent, & mihi videtur necessario tenenda in doctrina Aristotelis. Quod sic probetur. Aristoteles cap. præfenti asserit, iram, & amentiam, & alias passionem, si permanentes sint, vt dum habentur à natiuitate, denominare hominem simpliciter amentem, vel iracundum, & esse passibiles qualitates; si vero cito transceant, non denominare hominem iracundum, aut amentem, sed solum dici earum ratione iram, aut amentiam passum, & tunc esse passionem; ergo sentit in hoc prædicamento aliquo modo collocari, vt procedunt ab appetitu sensitui. Quod enim autores primæ opinionis asserunt Aristotelem solum de eis loqui sub ratione materiali alterationis, cum qua fiunt, & non sub ratione formali, qua procedunt ab appetitu sensitui, frivolum est, & euidenter falsum, quod sic probetur. Nam passionem istæ non denominant iracundos, vel amentes homines ratione caloris, vel calefactionis, cum qua fiunt, sed vt procedunt ab appetitu sensitui turbante, aut tollente usum rationis: sed Aristoteles docet pertinere ad hoc prædicamentum, vt denominant hominem iracundum, vel amentem; ergo non solum secundum materiale calorem, aut frigiditatem, quæ imprimitur in corpore, dum fiunt, sed vt procedunt ab appetitu sensitui, intelligit esse qualitates huius speciei.

38 Sed tota difficultas huius rei consistit in inveniendi ratione qualitatis, quam passionem istæ habeant, vt sunt actiones appetitus sensitui; atque etiam in distinguenda in eis eadem

dem ratione qualitatis inuenta à rationibus actionis, & passionis. Vtrumque autem colligi debet ex doctrina D. Thom. 1.2. quæstio. 21. artic. 1. & 3. ubi distinguit appetitum sensitivum à rationali, qui est voluntas, quod rationalis non est potentia corporea, nec existens in organo corporeo; sed cum sit spiritalis, immediate inhæret animæ, & per animam communicatur corpori, appetitus vero sensitivus potentia corporea est, sicut visus, & auditus, & ideo est in organo corporeo tanquam in proximo, & adæquato subiecto. Vnde sequitur alia differentia, quod operatio voluntatis procedit immediate à voluntate, & non medio organo corporeo; operatio vero appetitus sensitivi procedit immediate à composito, hoc est ab illa parte corporis, in qua est hæc potentia tanquam in subiecto, sicut visus ab oculo, & ideo fit medio organo corporeo, sicut visus medio oculo. Et hæc est causa, ob quam fit cum alteratione corporali eiusdem organi, aut partis in qua residet, & quo vehementiores sunt actus appetitus, maiorem commotionem, & alterationem corporis excitant. Hæc autem alteratio aut contraria est complexionem corporis, vel si contraria non sit, excessum tamen habet semper, ratione cuius disconveniens est ei; unde fit, ut semper disponat aliquo modo corpus, in quo recipitur ad corruptionem, & propterea vocatur proprie passio, à qua actus appetitus, qui cum ea fiunt, vocantur passionem animæ, quia semper habent coniunctam hanc passionem.

Dux igitur sunt actiones realiter distinctæ in quacunque passione animæ, ut in ira, & gaudio; una appetitus in eodem recepta; alia vero al-

teratio corporalis recepta in corpore, & quælibet habet terminum per ipsam productum: & terminus alterationis per sensum cognoscitur, ut rubor in verecundia cognoscitur per visum. Terminos vero productus per actionem appetitus non cognoscitur sensu, quia interior producit, & manet: nam ira non cognoscitur, nisi per ruborem, vel alio signo, aut verbo manifestetur. Est tamen qualitas quædam corporea, sicut actus ipse appetitus corporea actio est, non tamen habet nomen proprium, quo significetur, sed nomine eiusdem actionis solet significari: quemadmodum actus amoris à voluntate procedens suum habet terminum productum, cum sit vera actio, sed non habet proprium nomen, & ideo vocamus eum amorem actuale, & est qualitas quædam producta per modum actualis impressionis. Ita ergo terminum actionis appetitus vocamus nomine actionis, & dicimus esse iram actualem, vel actuale, ⁴⁰ tristitiam, estque qualitas, quam idem appetitus sibi imprimit per suam actionem; sicut intellectus imprimit sibi per actionem vitalem propriam speciem impressam, quæ est qualitas quædam per modum actus, per quam rem ab ea representatam intelligit. Hos igitur terminos actionum appetitus vocamus etiam passionem, tribuentes eis nomina earundem actionum; & si per actiones cito transientes producuntur, dicuntur passionem, ut qualitas interior producta per actionem appetitus, quæ dicitur verecundia; si vero per actionem quasi permanentem producatur, ut est iracundia, aut dementia ab ipsa naturitate habita, vocatur passibilis qualitas.

Cap. 8. de qualitate. quæst. 4:

41 Ex quibus iam patet primo veritas Aristotelicæ sententiæ, quam sequimur: nam quatuor sunt in his passionibus, primum est materiale, nempe alteratio corporea; secundum terminus eius, qui est corporea qualitas, ut calor, cum qua sunt, ut calefactio, aut infrigidatio; tertium formale, & est actio appetitus habens proprium terminum, qui est qualitas quædam, quam sibi imprimit appetitus per eandem actionem, & hæc est quartum, & vocatur passio, sicut actio appetitus passio vocatur, quia fit cum passione corporali. Ex his autem quatuor duæ sunt actiones, nempe alteratio corporea, & actus appetitus, & duo sunt termini earum, qui vere sunt qualitates, nempe calor, aut frigiditatis producta per alterationem, & ira, aut amentia actus producta per actionem appetitus, quæ vocatur ira. De actionibus autem certum est, non pertinere ad hoc prædicamentum ratione sui, quia non sunt qualitates, sed ad prædicamentum actionis, & ut recipiuntur in subiecto ad prædicamentum passionis: termini vero proprie pertinent ad hoc prædicamentum, & ratione eorum actiones ipsæ, quamvis nomen passionis, & passibilis qualitatis ab eisdem actionibus sumant terminum si per actiones cito transientes producantur passionis dicuntur; si vero per diuturnas, passibiles qualitates.

42 Secundo patet falsitas primæ opinionis afferentis passionem appetitus solum pertinere ad prædicamentum, & ad hanc speciem ratione materialis alterationis cum qua sunt, & non ratione actus ipsius appetitus. Patet autem ex doctrina tradita, etiam actiones appetitus ratione sui termini, proprie, & formaliter pertinere.

Quod probatur hac ratione. Passio, & passibilis qualitas dicuntur tales, quia sunt effectus passionis cito transientis, aut diu permanentis; sed qualitates interiores productæ in appetitu per actiones eius, quæ dicuntur ira, vel amentia, vel aliis nominibus nominantur, sunt effectus earundem actionum, quæ vocantur passionis; ergo vere, & proprie dicuntur etiam passionis huius speciei, si cito transcant, vel passibiles qualitates, si diu permaneant.

Ad testimonium Aristotelis prima opinione responderetur, passionem appetitus collocasse Aristotelem in prædicamento actionis: sumendo eas pro actionibus eiusdem appetitus, in hoc autem prædicamento, & in hac specie pro terminis earundem actionum, qui vere, & proprie sunt qualitates, ut explicatum est. Et hæc eadem distinctio soluit argumentum eiusdem sententiæ.

Dubium quartum.

An obiecta omnium sensuum exteriorum, ut obiecta eorum sunt, pertineat ad hanc speciem qualitatis.

43 Obiectum visus est color, atque etiam lux, obiectum auditus, sonus, olfactus, odores, obiectum gustus sunt sapores, & obiectum tactus sunt quatuor primæ qualitates, quæ ideo vocantur communiter qualitates tangibiles, ut calor, frigiditas, humiditas, & siccitas. Et de his omnibus obiectis sensuum certum est, primo, esse veras qualitates, & pertinere ad hoc prædicamentum. Certum est secundo, pertinere ad hanc speciem, in quantum sunt effectus passionis, quia vel per aliquam alterationem

reca-

realem producitur, & ideo impressio earum proprie appellatur passio, aut passibilis qualitas huius speciei, vel ex communi permixtione, aut actione primarum qualitarum inter se generantur, & hoc etiam modo appellantur qualitates passibiles, si sint permanentes, vel passionem si cito transceant, dubium vero solum esse potest, an sub ratione formali obiectina, per quam causant sensationem, ut visionem, & auditionem in sensibus, sint qualitates passibiles huius speciei.

Et ratio dubitandi ex vna parte est, quia sensatio, quam causant in sensu, procedit ab eis simul concurrentibus cum potentia sensitiva, & recipitur in eadem; & quatenus recipitur, appellatur passio; ergo sunt causa passionis in sensu, sed passibilem qualitem vocat Arist. eam, quæ causat passionem in sensu; ergo obiecta omnium sensuum, ut talia sunt, erunt passibiles qualitates huius speciei.

44 Ex alia vero parte habemus expressum testimonium Arist. cap. præfati, ubi de solis obiectis gustus, & tactus concedit esse passibiles qualitates, quia causant passionem in sensu; de coloribus vero, quæ sunt obiecta visus, negat hac ratione esse passibiles qualitates, sed solum id habere eis concedit, in quantum sunt effectus alicuius passionis, per quam producuntur.

Prima opinio est quorundam modernorum asserentium omnia obiecta sensuum, ut talia esse passibiles qualitates, quia causant passionem in sensu; sed Aristot. quia manifestum hoc erat in sensu gustus, & tactus, ideo solum id concessit expressè obiectis eorum, non tamen negavit obiectis aliorum sensuum; sed quia

in eis non erat res ita clara, de illis docuit alia ratione esse passibiles qualitates, nempe, quia sunt effectus passionis.

Hæc sententia non potest defendi in doctrina Aristot. quia expressis verbis negat obiecta visus esse passibiles qualitates, quia causant passionem in sensu. Sed nec tenenda est, considerata natura huius speciei, quod ita probat. Solum dicitur qualitas passibilis huius speciei, in quantum causat passionem illam, quæ est effectus veræ passionis, aut eius actionis, quæ cum vera passione fit; unde species expressa, quæ producitur per intellectum, vel quæ producitur in sensibus internis ex sensationibus sensuum externorum, non dicuntur passibiles qualitates, quia operatio intellectus nec est vera passio, sed impropriissima; nec fit cum vera passione; ergo nec dicitur aliqua qualitas passibilis, in quantum causa passionis, nisi fit causa veræ, ac propriæ passionis, sed colores non causant veram passionem in visu, quia visio, nec est vera passio, ut recepta in visu, sed communissima; nec fit cum vera passione; ergo non sunt passibiles qualitates, quia causant passionem in sensu. Vera igitur mens Aristot. est, & vera sententia, ac tenenda, quod solum obiectum gustus, olfactus, & tactus sunt passibiles qualitates, quia causant passionem in sensu; obiecta vero visus, & auditus, non hac ratione, sed solum, quia sunt effectus alicuius passionis.

46 Quod ut explicemus simul, & probemus, notanda est differentia inter obiecta gustus, olfactus, & tactus ex vna parte, & obiecta visus, & auditus ex altera, quod illa natura movent sensus, ut percipiantur ab eis cum reali alteratione organi, nempe

Z s cum

Cap. 8. de qualitate. quæst. 4:

cum humentatione, aut calefactione, vel alia simili, quæ ut recipiuntur in organis, proprie appellantur passionibus: cum aliquo modo disponat subiectum, in quo recipiuntur ad corruptionem; unde sensationes horum sensuum proprie dicuntur passionibus, quia licet ipsæ secundum se passionibus propriæ non essent tales, nihilominus appellantur, quia fiunt cum vera passione, sicut de passionibus appetitus dictum est. Obiecta vero visus, & auditus, nec secundum se proprie appellantur passionibus, nec per se fiunt cum vera passione, licet aliquando forte contingat per accidens cum vera passione fieri.

47

Ex hac differentia sequitur verum esse, quod asserit Aristot. solum obiecta trium sensuum esse passibiles qualitates, quia causant passionem in sensu; obiecta vero visus, & auditus non hac ratione, sed solum quia sunt effectus passionis. Et probatur hac ratione. Passibilis qualitas dicitur illa, quæ causat passionem in sensu; ergo qualis fuerit passio causata, talis erit denominatio qualitatis passibilis, sed sola obiecta trium sensuum causant passionem proprie dictam in sensibus, cum moueant sensus cum vera, ac reali alteratione, quæ passio proprie appellatur; cætera vero solum causant passionem improprie dictam; ergo illæ solum erunt passibiles qualitates proprie loquendo, quia causant passionem in sensu; hæc vero non, sed alia ratione.

Ad argum. pro ratione dubitandi propositum distinguenda est minor, nam Aristot. non definit passibilem qualitatem per id, quod causet passionem quamlibet in sensu, sed proprie dictam; obiectum vero visus, & auditus solum sunt causa passionis communis, & improprie, & ideo non

sunt passibiles qualitates, in quantum passibilis qualitas causat passionem in sensu, sed alio titulo, vel ratione, quia sunt effectus passionis: testimonium autem Arist. nostram sententiam confirmat, ut vidimus.

Dubium quartum.

Quid per formam, & figuram intelligat Arist. & an sint diuersæ species qualitatis, uel eadem.

Circa primum varix sunt acceptiones formæ, nam primo accipitur pro pulchritudine rei, quæ resultat ex debita ordinatione partium. Secundo pro forma substantiali, à qua res accipit esse, ut ab anima homo. Tertio pro exteriori figura rerum, non solum naturalium, sed artificialium, ut quod artificiosum est in cathedra, vocamus formam eius.

48

Et secundum has diuersas acceptiones diuerso modo sumuntur ab exppositoribus forma, & figura; nam quidam per figuram intelligunt eam, quæ in rebus non viucentibus reperitur; per formam vero eam, quæ in viucentibus. Ita Ammonius cap. præsentis. Hæc tamen expositio non est tenenda, quia nulla videtur differentia in figuris naturarum rerum, propter quam una sit, aut dicatur forma, & altera figura.

Idco Boetius, & Simplicius ibidem, formam asserunt appellari ab Aristot. pulchritudinem resultantem ex debita membrorum coaptatione, ac distinctione; figuram vero eam, quæ resultat ex sola quantitate, ut triangularem, & quadrangularem. Sed nec expositio hæc potest esse ad mentem Aristoto. quin hoc cap. pulchritudinem collocauit in specie habitus. Albertus Magnus tractatu de præ-

dicta-

dicamento qualitatis cap. 8. figuram aut respectu solius quantitatis dici, quia non videtur esse aliud quàm terminatio quætitatis, nam anguli, quibus constant figura triangularis, & quadrangularis, non videtur esse aliud, præter lineas, qui sunt termini quantitatis; formam vero per ordinem ad substantiam, nam sicut forma substantialis continet totam perfectionem speciei, ita qualitas huius speciei totam perfectionem eius manifestat, unde res diversarum specierum propter diversas formas substantiales diversas habent figuras.

49 Sententia D. Thom. probabiliter est, quàm iam fere omnes moderni Interpretes secuntur; eam vero his verbis explicat 7. lib. Physic. lectio. 7. *Considerandum est, quod forma & figura in hoc ab invicem differant, quod figura importat terminationem quantitatis. est enim figura quæ termino vel terminum comprehendit, forma vero dicitur quæ dat esse speciei artificiali, nam forma artificialium sunt accidentia. Quibus clare docet, figuram esse nudam terminationem quantitatis; formam vero dicere ordinem ad compositum artificiale. Et huius veritatis signum est, quod figura reperitur in quantitativis Mathematicis abstrahentibus à materia sensibili, ut docet Aristot. 5. Metaph. cap. 14. ubi res Mathematicas immobiles, hoc est, abstrahentes à motu, figuras vocat. Et hæc non solum reperitur in quætitativis continuis, sed etiam in numeris, non quidem simplicibus, sed compositis, nam ternarius non dicit aliquam figuram; senarius vero, qui ex duobus ternariis componitur, præter unitates ipsas, quæ sunt quantitates, certam habet figuram ex ipsamet compositione resultantem, ut docet expresse Aristot. 5. Metaph. cap. 14.*

Sed hoc debet notari circa hanc expositionem, quod dum figura appellatur terminus, vel terminatio quætitatis, duobus modis intelligi potest. Primo, de termino proprio, & intrinseco quantitatis, ut de punctis linearum, & lineis superficierum; & superficiebus corporis: in quo sensu non est verum, quia isti termini essentialiter sunt quantitatis; figura vero accidens eius est ad prædicamentum qualitatis pertinens. Alius est terminus accidentaliter, & quasi extrinsecus, qui intrinsecos terminos, & intrinsecam terminationem consequitur, & eiusmodi termini, vel terminatio, proprie loquendo, habet rationem figuræ. Et huius ratio est, quia tres anguli, ex quibus constituitur figura triangularis, præsupponunt tres lineas suis punctis iam terminatas, & ex eis iam terminatis, atque completis in sua specie fit. Ex quibus intelligitur potius dicendum esse, claritatis, ac proprietatis gratia, figuram resolvari ex terminis, vel ex terminatione quætitatis, quæ esse terminum, aut terminationem quætitatis, non terminus quantitatis, aut terminatio eius incompletum quid est, cum sit indivisibile, vel ab indivisibilibus facta, ideo non habet aliam speciem, vel prædicamentum ab ipsis quantitativis; figura vero completum quid est, ex genere, & differentia compositum, & per se habet speciem, atque prædicamentum.

Circa secundum vero, an forma, & figura distinguatur specie, quidam Interpretes diversas species eas faciunt ex eo distinctas, quod figura abstrahit à materia sensibili; forma vero dicit ordinem ad materiam sensibilem tribuens speciem artificialibus, & manifestam faciens speciem rerum naturalium, ut constat in forma naturæ, & exteriori hominis.

Tenendum tamen est, formam, & figu-

Figura non esse diuerſas ſpecies qualitatibus, ſed vnā, & eandem, & ſolum diſtingui accidentaliter. Probatur hac ratione. Eadem res, prout magis, vel minus abſtracta à materia cōſideratur, non diſtinguitur ſpecie, ſed ſolum accidentaliter, inquantum diuerſum ordinem dicit ad materiā, vt homo Phyſice cōſideratus, prout componitur ex materia, & forma, & habet in ſe principium motus, nō diſtinguitur ſpecie à ſe ipſo, prout cōpoſitio ex genere, & differentia, quo pacto non dicit ordinem ad materiā ſenſibilem, ſed forma, & figura ſolū ex eo diſtinguntur, quod figura abſtrahit à materia ſenſibili; forma vero eandem reſpicit; ergo non diſtinguntur ſpecie, ſed ſolum accidentaliter. Probatur conſequētia, quia accidentalis eſt ei ordo ad materiā ſenſibilem, vel abſtractio ab ea; licet enim ad diuerſas ſcientias pertineat res, vt diuerſo modo abſtrahitur à materia; ſed pertinere ad eandem, vel diuerſam ſcientiam, ſic, vel aliter eſſe abſtrahibilem à materia accidit ei, quamuis ſcientiæ eſſentialis ſit talis modus abſtrahendi à materia.

CAPVT IX. DE prædicamento actionis, & paſſionis.

Quatuor explicanda ſunt circa hæc duo prædicamenta actionis, & paſſionis. Primum eſt, quid nomine actionis, & paſſionis ſignificetur. Secundum, quid vtraque ſit. Tertium, quæ ſint genera ſuprema vtriuſque prædicamenti, & in quæ ſpecies diuidantur, (ex his enim ordinatio prædicamentalis ſit) Quartum, quor, & quæ ſint proprietates actionis, & paſſionis.

Circa primum diuerſæ ſunt acceptiones, actionis, & paſſionis; nā primo accipitur actio Grammaticali modo pro ſignificato cuiuſlibet verbi actionis, ſiue proprie ſit actio, ſiue per modum actionis ſignificetur. Sed hæc acceptione omiſſa, quia nō eſt realis, ſed nominalis, tribus modis accipitur actio realiter. Primo, pro ſolo actu libero voluntatis, & hoc modo ſumitur ab Ariſt. 2. lib. Magnorum moralium, cap. 2. Secundo modo ſumitur vniuerſalius pro qualibet actione immanente, ſub qua comprehenduntur, non ſolum actiones intellectus, & voluntatis, ſed etiam appetitus ſenſitiui, & ſenſuum externorum, & internorum: qua acceptione vtitur Ariſt. 6. lib. Ethic. c. 4. poſtrema acceptio adhuc eſt vniuerſalior, ſed propria, pro quacunque actione cuiuſlibet agentis libera, vel neceſſaria, immanens, vel tranſiens; & hoc modo accipit actionem Ariſt. capit. præſenti, quod euidenter probat exempla eius, tam in actionibus immanentibus, vt in dolore, & triſtitia, quam in tranſeuntibus, vt in calefactione, & in frigidaſione ab eo aſſignata. In hac etiam vniuerſali acceptione actio eſt ſupremū genus prædicamenti actionis; & paſſio ſupremum genus prædicamenti paſſionis, nam quæ de actione dicta ſunt, eodem modo intelliguntur de paſſione: cum paſſio non ſit aliud, quam actio ipla, prout recepta in ſubiecto.

Quid actio, & paſſio ſiat.

Gibertus Porretanus, (qui ideo auctor ſex principiorum vocatur, quia libellum quendam de ſex vltimis prædicamentis ſcripſit.) Sic de ſex actionem, actio eſt, ſecundum quam in id, quod ſubicitur, agere diſimur. Hæc

Hæc tamē definitio limitata est, quia solum comprehendit actiones transeuntes, quia per has solum dicimur agere circa aliud nobis subiectum; immanentes vero non circa aliud versantur, sed in eodem agente manēt; nec etiam comprehendit actiones, quæ non habent præsuppositū subiectum, nec ideo mutationes sunt (si tamen aliquæ ex his reperiātur, quod adhuc est in opinione positum); alia igitur definitio vniuersalior assignanda omnino est, quæ omnes comprehendat, & talis esse poterit, actio est, *qua media, ut via, effectus recipit esse, vel conseruationem eius ab agente*. Passio vero erit, *qua aliquid dicitur pati per impressionem effectus ab agente*. Et licet inodum, quo distinguuntur actio, & passio non pertineat ad præsentē considerationem, sed ad physicam, de quo agit Arist. 3. lib. Physic. ex mente eius, atque communi sententia scholæ, non distinguuntur realiter, sed ratione ratiocinata, hoc est, per intellectum suppositū fundamentū in re, nam in eadē entitate ab agente procedente considerat intellectus rationem egressionis ab eo, & receptionis in passio, & hoc est distinguere rationes formales earum, quæ constituent diuersa prædicamenta: nā ut superius probauimus, non requiritur distinctio realis, aut ex natura rei inter prædicamenta, sed rationis ratiocinata sufficit.

Quot, & Quæ genera, & species habeant actio, & passio.

4 **P**rima diuisione diuiditur actio in eam, quæ versatur circa subiectum præsuppositū, & hæc dicitureductio formæ de potentia materialis, aut unio eius cū materia dicitur etia generatio, & in alia, quæ non

versatur circa præsuppositum subiectum, sed per eam producit res ex nihilo, & talis est creatio (si tamē vera actio est, & nō sola relatio dependentiæ creaturæ à Deo, quod adhuc est in opinione positum).

Secunda diuisione diuiditur in actionem substantialem, & accidentalem; illa est, per quā producit, aut conseruatur substantia; hæc vero per quam producit accidentis, & subutraque comprehenduntur plures species.

Tertia diuisione actionis est in immanentem, & transeuntem; actio immanens est, quæ non versatur circa aliquod subiectum extra agentē, nec effectum aliquem extra illud producit, sed ipsa cum suo termino producto manent in eodem agente, ut visio, auditio, & actio vitalis intellectus, per quam producit verbum mentis ad intelligendū; actio vero transiens non manet in agente, sed circa subiectum extra illud versatur, aut effectum omnino extra illud producit, ut generatio hominis, & calefactio aquæ.

Quarto diuiditur in actionē successiuam, & instantaneam: successiuam est calefactio, & nutritio; instantanea est generatio hominis. Et quodlibet horum membrorum habet suas species, vique ad infimas, atque ex his omnibus generibus, & speciebus sub genere supremo constituitur ordinatio prædicamentalis actionis. Et eodem modo constituendum est prædicamentum passionis, quia eisdē diuisionibus diuiditur passio.

Quot, & Quæ sint proprietates actionis, & passionis.

Quatuor solent enumerari proprietates actionis, & passionis, ex quib⁹ duas assignauit Arist. in li.

Cap. 10. de prædicamento quando.

in littera. Prima est habere contrariū. Secunda suspicere magis, & minus: sed neutra conuenit omni actioni, & passioni, sed his tantum, quæ versantur circa terminos habentes contrarium, quales sunt actio calefactionis, & infrigidationis, ac similes, nec etiā conueniunt proprietates istæ adhuc his actionibus ratione sui, sed solum ratione terminorum, inter quos reperitur contrarietas.

Duas alias posuit Gilbertus. Primā & in ordine tertiam, quod propriū sit actioni, & passioni semper esse cū motu, aut mutatione; sed etiam de hac non est certū, quod omni actioni conueniat, quia multi ponunt actiones sine subiectis præsuppositis, de quibus ideo certum est, non esse motus, vel mutationes.

- 6 Secunda proprietas, & vltima in ordine est, quod actio inferat passionem, simulq; cum ea fieri de qua certum est, quod conueniat actioni quæ eo modo, quia cū actio, & passio sint eadem entitas, & præterea necesse sit actionem, cum sit accidens in aliquo recipi, & ut recepta sit passio, necesse est inferre passionem, & semper esse cum ea.

CAPVT X. DE cæteris prædicamentis.

Prædicamentum quando.

- 1 **T**Ria explicari debent, vt intelligatur natura huius prædicamenti. Primum, quid sit, quando, vel in quo consistat ratio formalis eius. Secundum, quot, & quæ habeat species, ex quibus fiat ordinatio prædicamentalis eius. Tertium, quot, & quæ sint eius proprietates.

Explicatur in quo consistat ratio formalis prædicamenti quando.

ARistoteles non definiuit, quando, nec docuit, in quonam formalis ratio eius consistat, sed definiuit Gilber. quāuis obscura admodum definitione, dicens. Quando est id, quod ex adiacentia temporis relinquitur; per adiacentiā vero videtur significare esse aliquam denominationem præuenientem rebus ex tempore, aut ex eo, quod in tempore sint.

Hæc autem definitio Gilberti diuersis modis explicatur, & D. Thom. duas posuit explicationes eius, opus. 48. tract. de sex vltimis prædicamentis, cap. 1. & 2. ex diuersis auctoribus collectas. Prima asserit, tempus duobus modis considerari. Primo, vt est mensura successiua, & cōtinua. Secundo, vt applicatur ad mēsurandā substantiam, & motum, vel operationem eius: ex qua applicatione procedit, vt denominetur mensurata a tempore denominatione quadā extrinseca, & dicantur esse, fuisse, aut futura esse, & actio dicatur externa, vel hodierna. Hæc igitur denominatio extrinseca est illud, quod ex adiacentiā temporis relinquitur, hoc est, ex eo, quod tempus circumscribat substantiam, & eius operationes: circūstare vero non est aliud, quā extrinseca ratione ad eas pertinere, & non per inhesionem.

Secunda, non est multum diuersa: asserit enim, id quod ex tempore relinquitur esse, quod substantia, & operationes eius temporis subdit dicantur, in quantū, nec totum suū esse habent simul, sed quasi augmentum, vel extensionem, aut intensionem a tempore accipiunt, & in eo dicuntur et cōscere, cōsensescere, ac tandē ab eo consumi, & hoc est prædicamentum quando, nempe temporis subdi.

Dux

Dux istar explanationes in eo conueniunt, quod utraque ponit prädicamentum quando in sola denominatione extrinseca à tēpore, & ideo falsa est, quod sic probō. Prädicamentalis ordinatio (si vera est) ex veris generibus, & speciebus, licet imperfectis, ac diminutis fieri debet, sed ex sola denominatione extrinseca, nec genus, nec species sumi possunt; ergo ex ea sola nō potest consistere prädicamentū. Probatur minor, quia genus & species dicūt aliquā naturā, & entitatē reālē, sed denominatio extrinseca, nec ēst aliqua natura, nec aliqua entitas realis in rebus; quibus prädicamentū hoc conuenire potest, ut patet; ergo nō potest ex ea sola prädicamentum constitui.

3 Secundo, si aliquid intrinsecū ponunt, nō potest esse absolutum, quia nulla entitas absoluta resultat in rebus, aut in tempore ipso ex adiacentia eius, sed ad summū relatio aliqua, quæ si realis sit, pertinebit ad prädicamentum ad aliquid, si rationis ad nullum; ergo nō potest ex tali adiacentia temporis constitui reale prädicamentum, aut certe, nō distinctū à prädicamento ad aliquid.

Propterea moderni quidam asserunt, tria esse consideranda in hoc prädicamento, sicut in cæteris, nempe formam denominantem subiectū, & hanc dicūt esse durationē, & subiectum denominatum ab ea, & hoc esse motum, aut rem aliam durantē; effectum vero formalem non esse alium, quam durare in esse, ideo concretam esse, durans, ut sic. Sed qui hanc opinionem tenent, diuisi sunt; nam quidam ab hoc prädicamento excludunt, nō solum æternitatem, quæ duratio infinita est, sed etiam tēpus, quia cū pertineat ad prädicamentū quantitatis, nō potest in isto collo-

cari: unde abstractū huius prädicamenti asserūt esse durationē creatā indiuisibilē, sub qua collocātur æuū Angelorū, & duratio substantiæ corporeæ, quæ genera subalterna, quarū quælibet diuiditur in diuersas durationes eiusdē generis, sed diuersæ speciei secundū diuersitatem specificā Angelorum, & substantiarum corporearū.

4 Hęc tamen sententia primo est contra Arist. in hoc lib. prädicamentorum, cap. 4. ubi cum enumerasset prädicamentā, & pertenuisset ad hoc, ita ait. *Quando autem, ut fert, superioris anno, &c.* Quæ verba tempus expresse significant, ut patet.

Deinde est cōtra rationē, quia vel æuū, & duratio alia substantiæ corporeæ pertinet ad hoc prädicamentū, quia durationes creatæ sūt, vel quia indiuisibiles, nō propter secundū, quia ratio diuisibilis, vel indiuisibilis impertinēs est ad hoc prädicamentū, cū nō sit quantitatis, sed quando; ergo pertinet, quia sūt durationes creatæ, sed tēpus est vera duratio creatæ; ergo nō potest excludi ab hoc prädicamento.

Nōstra igitur sententia est, quod, quando, in abstracto significat durationē creatā in cōmuni, ut comprehendit æuum, durationē indiuisibilē substantiæ corporeæ, & durationem successiuā motus, quæ est tempus; in cōcreto vero rem durantē duratione creatā: ita tenēt plures moderni.

5 Et probatur à sufficienti diuisione, quia, quando, dicit aliquo modo durationem, ut manifestum est, nō durationem comprehendentem infinitam Dei, quia hæc nō pertinet ad prädicamentum; ergo dicit durationem creatam comprehendentem successiuā, & momentaneā, siue sit Angelica, vel alia quæcunque creatā. Probatur consequentia, quia successiua nō potest excludi,

ut.

Cap. 10. de prædicamento quando.

ut probatum est, nec etiam momentanea, vel indiuisibilis, quia talis duratio cum sit accidens creatum, & cōpletum, per se debet pertinere ad aliquod prædicamentum, sed ad nullū, præter hoc pertinere potest; ergo in eo erit per se collocanda, & ita sopremū genus erit duratio creata, prout utranque comprehendit, vel res durans, ut comprehendit ea, quæ durant utraque duratione. Probatur minor, quia certum est, durationem indiuisibilem non pertinere ad prædicamentum quantitatis; cuius propria ratio est extensio, & diuisibilitas propria passio; quod vero non pertineat ad alia prædicamenta, ostendunt rationes eorū diuersissimæ à duratione.

- 6 Arg. vero alterius opinionis, quo probabat tēpus esse excludendū ab hoc prædicamēto, quia pertinet per se ad prædicamentū quantitatis, nihil probat aduersus eos, qui asserūt tempus esse quantum per accidens, & ideo non pertinere ad prædicamentū quantitatis, apud quos pertinere poterit ad hoc prædicamentū. Sed habet apud nos difficultatem maximam, qui tenemus esse quantum per se, & speciem quantitatis. Hac tamē distinctione soluitur. Duo possunt cōsiderari in tempore, nēpe, quod successiua duratio sit, & continua: quo pacto abstrahit ab extensione, seu diuisibilitate per se, & per accidens. Probatur, nam euidens est apud omnes, tempus esse durationem successiuam, & tamen non est euidens, quod sit per se extensa, sed satis probabile, quod sit extensa per accidens; ergo ratio successiue durationis abstrahit ab extensione per se, & per accidens. Nos igitur, qui tenemus tēpus esse extensum per se, possumus ipsam hac ratione collocare in prædicamento quantitatis, sed in ratione

successiue durationis in prædicamento, quando; & hac distinctione solutum est argum.

Quot, & quæ habeat genera, & species hoc prædicamentum.

Supremum genus huius prædicamenti, quod est duratio creata, vel durans creatum, diuiditur in durationem permanentem, & successiuam, tanquam in duas species subalternas, & rursus duratio permanens in æuū, quod est duratio Angelorum, & in durationem substantiæ corporeæ; duratio vero successiua in durationem primam motus Cælestis, quæ per anthonomasiam vocatur tēpus, & in durationem motus inferioris, & adhuc quælibet species subalterna durationis permanentis habet alias species infimas secundū distinctionē specificam Angelorū, & substantiarum corporearum; & ex his generibus, & speciebus fit ordinatio prædicamenti quando.

Quot, & quæ proprietates habeat hoc prædicamentum.

Tres proprietates tribuit Gilbertus huic prædicamento, sed omnes videntur aliis etiam esse communes. Prima est, non habere cōtrarium. Secunda, non suscipere magis, & minus, de quibus manifestum est aliis cōuenire. Tertia dicit esse, quod duratio creata solum conuenit his, quæ incipiunt esse, vel nata sunt incipere esse, de qua etiā probatur, quod conueniat aliis, quia alia etiam sunt accidentia, quæ solū conueniunt his, quæ incipere nata sunt, ut mutatio, & motus, aliaque huiusmodi. Nullam igitur habet proprietatem prædicamenti hoc nobis notam, sed aliquā absque

absque dubio habebit, quam ignoramus, nam cum debilissimæ sit naturæ, mirum non est, si intimas eius proprietates non cognoscamus.

Prædicamentum vbi.

I Circa prædicamentum vbi, quatuor etiâ explicanda sunt. Primum, quid per nomen, vbi, significetur. Secundum, in quo consistat ratio formalis eius. Tertium, quot, & quæ genera, & species habeat, ex quibus ordinatio prædicamentalis fiat. Quartum, quot, & quæ sint proprietates eius.

Circa primum nomen, vbi, vno tantum modo accipitur pro reali præsentia, per quam aliquid dicitur præiens loco, aut spatio loci, nam & si corpus sit in vacuo, habebit præsentiam realem, cum sit certum, & ab omnibus concessum, posse inueniri in vacuo, in quo si cut verum, & realem motum haberet, ita verum terminum motus acquireret, est autem terminus proprius motus localis, quare verum haberet vbi, veramque ac realem præsentiam.

Quid sit vbi, aut in quo consistat ratio formalis eius.

Vbi, sic definitur à Gilberto; vbi, est circumscriptione corporis à circumscriptione loci proveniens; quibus verbis duplicem circumscriptionem insinuat. Prima est, circumscriptione locati à loco, & hæc potest vocari actus. Secunda vero passiva est, quæ locatum dicitur à loco circumscribi; & hanc dicit esse de ratione, vbi, nam alia ad locum potius pertinet, & ad prædicamentum quantitatis reduci potest, in quo ponitur locus: sed in circumscriptione passiva præsentia locale virtualiter includit Gilbertus: quia non potest corpus circumscribi loco, nisi sit ei præsens. Nihilominus definitio hæc limitata est, & non om-

nino completa, quia solum comprehendit, vbi, pro locali præsentia, cum tamē corpus habere possit verum, vbi, sine illa.

Sic ergo definiendum est, vbi, definitione adæquata, & comprehendere quodcumque: Vbi, est realis præsentia, quæ habet corpus in loco, aut in spatio loci.

Ex qua definitione intelligimus quatuor habere conditiones vbi. Prima est, esse aliquid reale, quia non potest esse aliquid præiens alteri, nisi per aliquid reale, & cum vbi sit terminus realis motus, necesse est aliquid etiam reale esse, alioqui per realem motum, nihil reale acquireretur, à quo tamquam à termino haberet speciem realem.

Habet secundo, quod sit aliquid inherens subiecto realiter, quia cum per motum tendat mobile ad acquirendum sibi aliquem terminum, & motus sit realis, non solum realem terminum debet acquirere, sed in se manentem. Probatur consequentia, quia motus, & terminus in eodem subiecto recipi debet, ut manifeste inductione probari potest in omnibus motibus. Habet tertio, vbi, quod sit entitas realis distincta ex natura rei à subiecto, in quo est.

Probatur hoc ex noua acquisitione, & separatione à subiecto, nam illud, quod separatur ab alio realiter, necesse est distinguere ab eo absque operatione intellectus, cum ante illam separaretur; sed hoc, vbi, definit esse in corpore, & acquiritur aliud nouum: ergo utrumque separatur à corpore ante operationem intellectus, & ideo ante illam distinguitur, & ex natura rei.

Quartum, quod habet, vbi, est, non esse puram relationem, sed aliquid absolutum includens, & etiam respectum secundum dici ad locum, quo circumscribitur corpus, vel ad spatium loci. Probatur hæc

Aa ratio-

Cap. 10. de prædicamento vbi.

ratione, quia sola relatio non potest per se terminare motum, vt docet expressè Arist. 5. li. Phys. sed, vbi, terminat per se motum localem, vt ibidem assertitur; ergo non dicit solam relationem, sed modum quendam reale absolutum, quem per respectum ad extrinsecum explicamus. Hic autem modus absolutus non est aliud, quàm accommodatio rei præsentis ad locum, vel ad spatium loci: ita vt si corpus sit, sic se accommodet illi, vel locum correspondeat toti loco, aut spatio, & singule partes singulis etiam partibus loci: si vero sit res indivisibilis tota correspondeat toti loco, aut spatio, & tota etiam singulis partibus; quod vero simul cum hoc modo absoluto includat respectum reale ad extrinsecum locum, vel spatium, certum esse debet, quia talis accommodatio intrinsecam dicit correspondentiā; ergo intrinsecum etiam respectum.

Quot, & quas habeat genera,

& species, vbi.

4 Vbi potest dividi in circumscriptionem, & definitionem; circumscriptionum est, quod habet corpus quantum, quod ita est præsens spatio, vt toti spatio correspondeat totum corpus, & partibus correspondeant partes, & suo modo potest habere res spirituales sic se accommodans loco, vt singulis partibus loci correspondeat tota, & tota etiam toti loco. Vbi, definitionum potest vocari simplex præsentia, per quam res potest dici præsens alicui, sine cōmensuratione, vel accommodatione ad illud, & hoc modo erit fortasse præsentis Angeli in Cœlo empireo, in quo non sunt tanquam in loco, secundum sententiam D. Th. magis cōmunem in schola, licet adhuc sit positum in opinione, an Angeli moveantur per motum reale eis inhererentem, & ex consequenti, an verum vbi acquirat, aut solum per extrinsecam solum denominationem à corpore, quod movent,

Secunda divisione dividitur vbi ab Arist. 7. & 8. lib. Phys. in vbi sursum, & deorsum, tanquam in diuersas species, per quas tanquam per proprios terminos distinguuntur specie motus localis sursum, & deorsum, quauis modum plures hanc distinctionem specificam vbi, & motum localem non admittant: sed nos Arist. sequentes, probamus admittendam esse, 5. lib. Phys. in nostris Commentariis.

Quot, & quas proprietates habeat vbi.

Duas proprietates ei cōcedit Gilbertus, videlicet non habere contrarium, & non suscipere magis, & minus: quas patet non ei soli cōcēnere, sed multis aliis. Et prima proprietas (si vera est) de propriissima contrarietate, quæ in solis qualitatibus se expellentibus ab eodem subiecto intelligi debet, nā aliam ei cōcedit Arist. non ita propriam locis citatis. Alii etiam tribuunt, vbi, duas alias proprietates, nempe esse immobile, cum constet moueri non posse cum corpore, in quo est, sed in toto corpore statim desinere esse in eo; & ideo aliam eius proprietatem dicunt esse, quod corrumpi possit: utraq; tamen proprietas cōmunis est ei cum aliis, nam immobilitatem loco etiam cōcedit Arist. 4. lib. Phys. & multæ sunt aliæ res corruptibiles. Ego vero quin tam proprietatem ei concederem, quæ nulli potest cōuenire, sed quas totum modo ei cōuenit, quia cum eo cōuertitur, & hæc est acquisibile, aut producibile esse per se, per motum localem.

Prædicamentum situs.

Quatuor alia de sito declaranda sunt. Primum, quid per situm constituantem hoc prædicamentum intelligatur. Secundum, in quo consistat ratio formalis eius. Tertium, in quot, & quæ genera, & species diuidatur. Quartum, quot, & quæ propria-

prietates ei attribuantur.

Circa primum variis modis accipitur, situs. Primo pro loco, aut vbi, in quo res sita est, sed hæc nimis est impropria, ideo accipitur secundo, pro quadam relatione ordinis, quæ res habet in loco, per quæ dicitur esse sursum, aut deorsum, priorem, aut posteriorem habere locum, sed hoc non ad situm, sed ad vbi pertinet, & ideo nimis est impropria respectu situs. Quare secundum has duas acceptiones non potest constituere speciale, aut distinctum prædicamentum ab aliis.

Tertia igitur, & propria colligitur ex Arist. 5. lib. Meta. c. 19. vbi ait. *Dispositio dicitur ordo partes habentis secundum locum.* Quæ verba intelligunt omnes Interpretes de prædicamento situs, quod sub nomine dispositionis explicare voluit.

In quo consistat formalis ratio huius prædicamenti.

Definitio situs secundum hanc ultimam acceptionem ex Arist. colligenda est, erit autem talis. Situs est dispositio partium in loco, secundum quam aliquis sedere, stare, aut iacere dicitur.

Sed distinguere situm à prædicamento vbi, difficile est, quia esse aliquid extensum, & esse tali modo extensum ad idem prædicamentum pertinet; ergo esse aliquid in loco, & esse tali modo in loco, pertinebit ad idem prædicamentum, sed situs non est aliud, quàm tali modo esse in loco, hoc est cum tali dispositione partium, ergo non efficiet distinctum prædicamentum à prædicamento vbi, quod est esse in loco. Probatur minor, nam stare, aut sedere non est aliud, quàm tali modo esse in loco, ideo tenuit Fôse. 5. Met. c. 7. q. 2. scd. 4. quod licet vulgo dicatur situm, & vbi diuersa efficere præ-

dicamenta, sed secundum veritatem Philosophicam non distinguitur situs, à prædicamento vbi.

Hæc tamen sententia expresse in primis contraria est Arist. & toti Peripatetice scholæ, decem prædicamenta recipienti, & inter ea, situm: si vero non distinguatur à prædicamento vbi, non erit nisi nouem, est etiam contra rationem, quia situs, distinctus saltem rationem formalem habet à prædicamento vbi, ut statim ostendemus.

Sed in quo consistat hæc ratio, non est certum apud omnes: sed secunda opinio tenet in sola denominatione extrinseca à loco consistere, quæ etiam falsa probatur. Primo, quia sola denominatio extrinseca non sufficit prædicamentum constituere (ut probauimus.) Secundo, quia qui sedet, vel stat in loco, eodem modo stabit, & sedebit, si locus, in quo est, corrumpatur, & in vacuo remaneat; ergo eodem modo habebit situm, sicut est certum habere vbi, sed tunc non denominaretur extrinsece à loco, cum non sit in loco; ergo nihil erit prædicamentum situs.

Propterea tertia opinio asserit, non esse solam denominationem extrinsecam, sed relationem corporis, & partium eius ad locum, vel spatium loci. Sed nec potest hæc opinio defendi, quia si solam relationem dicit, vel est relatio secundum esse, & sita non distingueretur situs à prædicamento ad aliquid: vel est relatio secundum dici, & hoc non, quia relatio secundum dici est de essentia absoluti, ut probauimus in prædicamento ad aliquid; ergo non potest per solam relationem secundum dici constitui prædicamentum situs, sed aliquid absolutum habere debet, in quo respectus secundum dici includatur.

Idem ultima opinio, quæ secutur omnes fere Interpretes Arist. cap. præfati, & 5. Meta. cap. 19. asserit, situm dicere

Cap.8. de qualitate. quæst. 4:

cum hmedatione, aut calefactione, vel alia simili, quæ ut recipiuntur in organis, proprie appellantur passionem: cum aliquo modo disponant subiectum, in quo recipiuntur ad corruptionem; vnde sensationes horum sensuum proprie dicuntur passionem, quia licet ipsæ secundum se passionem propriam non essent tales, nihilominus appellantur, quia fiunt cum vera passione, sicut de passionibus appetitus dictum est. Objecta vero visus, & auditus, nec secundum se proprie appellantur passionem, nec per se fiunt cum vera passione, licet aliquando forte contingat per accidens cum vera passione fieri.

47

Ex hac differentia sequitur verum esse, quod asserit Aristot. solum objecta trium sensuum esse passibiles qualitates, quia causant passionem in sensu; objecta vero visus, & auditus non hac ratione, sed solum quia sunt effectus passionis. Et probatur hac ratione. Passibilis qualitas dicitur illa, quæ causat passionem in sensu; ergo qualis fuerit passio causata, talis erit denominatio qualitatis passibilis, sed sola objecta trium sensuum causant passionem proprie dictam in sensibus, cum moueant sensus cum vera, ac reali alteratione, quæ passio proprie appellatur; cætera vero solum causant passionem improprie dictam; ergo illæ solum erunt passibiles qualitates proprie loquendo, quia causant passionem in sensu; hæc vero non, sed alia ratione.

Ad argum. pro ratione dubitandi propositum distinguenda est minor, nam Aristot. non definit passibilem qualitatem per id, quod causet passionem quolibet in sensu, sed proprie dictam; objectum vero visus, & auditus solum sunt causa passionis communis, & improprie, & ideo non

sunt passibiles qualitates, in quantum passibilis qualitas causat passionem in sensu, sed alio titulo, vel ratione, quia sunt effectus passionis: testimonium autem Arist. nostram sententiam confirmat, ut vidimus.

Dubium quartum.

Quid per formam, & figuram intelligat Arist. & an sint diuersæ species qualitatis, vel eadem.

Circa primum varix sunt acceptiones formæ, nam primo accipitur pro pulchritudine rei, quæ resultat ex debita ordinatione partium. Secundo pro forma substantiali, à qua res accipit esse, ut ab anima homo. Tercio pro exteriori figura rerum, non solum naturalium, sed artificialium, ut quod artificiosum est in cathedra, vocamus formam eius.

48

Et secundum has diuersas acceptiones diuerso modo sumuntur ab expositoribus forma, & figura; nam quidam per figuram intelligunt eam, quæ in rebus non viucentibus reperitur; per formam vero eam, quæ in viucentibus. Ita Ammonius cap. præsentis. Hæc tamen expositio non est tenenda, quia nulla videtur differentia in figuris harum rerum, propter quam una sit, aut dicatur forma, & altera figura.

Idem Boetius, & Simplicius ibidem, formam asserunt appellari ab Aristot. pulchritudinem resultantem ex debita membrorum coaptatione, ac distinctione; figuram vero eam, quæ resultat ex sola quantitate, ut triangularem, & quadrangularem. Sed nec expositio hæc potest esse ad mentem Aristoteli, quin hoc cap. pulchritudinem collocavit in specie habitus.

Albertus Magnus tractatu de prædica-

dicamento qualitatis cap. 8. figuram aut respectu solius quantitatis dici, quia non videtur esse aliud quàm terminatio quantitatis, nam anguli, quibus constat figura triangularis, & quadrangularis, non videtur esse aliud, præter lineas, qui sunt termini quantitatis; formam vero per ordinem ad substantiam, nam sicut forma substantialis continet totam perfectionem speciei, ita qualitas huius speciei totam perfectionem eius manifestat, unde res diversarum specierum propter diversas formas substantiales diversas habent figuras.

49 Sententia D. Thom. probabiliter est, quàm iam fere omnes moderni Interpretes secuntur; eam vero his verbis explicat 7. lib. Physic. lect. 6. 7. *Considerandum est, quod forma & figura in hoc ab invicem differunt, quod figura importat terminationem quantitatis, est enim figura que termino vel terminis comprehenditur, forma vero dicitur, que dat esse speciei artificiali, nam forma artificialium sunt accidentia.* Quibus clare docet, figuram esse nudam terminationem quantitatis; formam vero dicere ordinem ad compositum artificiale. Et huius veritatis signum est, quod figura reperitur in quantitativis Mathematicis abstrahentibus à materia sensibili, ut docet Arist. 5. Metaph. cap. 14. ubi res Mathematicas immobiles, hoc est, abstrahentes à motu, figuras vocat. Et hæc non solum reperitur in quantitativis continuis, sed etiam in numeris, non quidem simplicibus, sed compositis, nã ternarius non dicit aliquam figuram; senarius vero, qui ex duobus ternariis componitur, præter unitates ipsas, quæ sunt quantitates, certam habet figuram ex ipsamet compositione resultantem, ut docet expresse Arist. 5. Metaph. cap. 14.

Sed hoc debet notari circa hanc expositionem, quod dum figura appellatur terminus, vel terminatio quantitatis, duobus modis intelligi potest. Primo, de termino proprio, & intrinseco quantitatis, ut de punctis linearum, & lineis superficialium, & superficialibus corporis: in quo sensu non est verum, quia isti termini essentialiter sunt quantitativæ figura vero accidentis eius est ad prædicamentum qualitatis pertinens. Alius est terminus accidentaliter, & quasi extrinsecus, qui intrinsecos terminos, & intrinsecam terminationem consequitur, & eiusmodi termini, vel terminationis, proprie loquendo, habet rationem figuræ. Et huius ratio est, quia tres anguli, ex quibus constituitur figura triangularis, præsupponunt tres lineas suis punctis iam terminatas, & ex eis iam terminatis, atque completis in sua specie fit. Ex quibus intelligitur potius dicendum esse, claritatis, ac proprietatis gratia, figuram resultare ex terminis, vel ex terminatione quantitatis, quàm esse terminum, aut terminationem quantitatis; nam terminus quantitativæ, aut terminatio eius incompletum quod est, cum sit indivisibile, vel ab indivisibilibus facta, ideo non habet aliam speciem, vel prædicamentum ab ipsis quantitativis; figura vero completum quid est, ex genere, & differentia compositum, & per se habet speciem, atque prædicamentum.

Circa secundum vero, an forma, & figura distinguatur specie, quidam Interpretes diversas species eas faciunt, ex eo distinctas, quod figura abstrahit à materia sensibili; forma vero dicit ordinem ad materiam sensibilem tribuens speciem artificialibus, & manifestam faciens speciem rerum naturalium, ut constat in forma statuarum, & exteriori hominis.

Tenendum tamen est, formam, & figu-

Figura non esse diuerſas ſpecies qualitatibus, ſed vnam, & eandem, & ſolum diſtingui accidentaliter. Probatur hac ratione. Eadem res, prout magis, vel minus abſtracta à materia cōſideratur, non diſtinguitur ſpecie, ſed ſolum accidentaliter, inquantum diuerſum ordinem dicit ad materiā, vt homo Phyſice cōſideratus, prout componitur ex materia, & forma, & habet in ſe principium motus, nō diſtinguitur ſpecie à ſe ipſo, prout cōpoſito ex genere, & differentia, quo pacto non dicit ordinem ad materiā ſenſibilem, ſed forma, & figura ſolū ex eo diſtinguntur, quod figura abſtrahit à materia ſenſibili; forma vero eandem reſpicit; ergo non diſtinguntur ſpecie, ſed ſolum accidentaliter. Probatur conſequētia, quia accidentalis eſt ei ordo ad materiā ſenſibilem, vel abſtractio ab ea; licet enim ad diuerſas ſcientias pertineat res, vt diuerſo modo abſtrahitur à materia; ſed pertinere ad eandem, vel diuerſam ſcientiam, ſic, vel aliter eſſe abſtrahibilem à materia accidit ei, quamuis ſcientiæ eſſentialis ſit talis modus abſtrahendi à materia.

CAPVT IX. DE prædicamento actionis, & paſſionis.

Quatuor explicanda ſunt circa hæc duo prædicamenta actionis, & paſſionis. Primum eſt, quid nomine actionis, & paſſionis ſignificetur. Secundum, quid vtraque ſit. Tertium, quæ ſint genera ſuprema vtriuſque prædicamenti, & in quæ ſpecies diuidantur, (ex his enim ordinatio prædicamentalis fit) Quartum, quot, & quæ ſint proprietates actionis, & paſſionis.

Circa primum diuerſæ ſunt acceptiones, actionis, & paſſionis; nā primo accipitur actio Grammaticali modo pro ſignificato cuiuſlibet verbi actiui, ſiue proprie ſit actio, ſiue per modum actionis ſignificetur. Sed hæc acceptione ommiſſa, quia nō eſt realis, ſed nominalis, tribus modis accipitur actio realiter. Primo, pro ſolo actu libero voluntatis, & hoc modo ſumitur ab Ariſt. 2. lib. Magnorum moralium, cap. 2. Secundo modo ſumitur vniuerſalius pro qualibet actione immanente, ſub qua comprehenduntur, non ſolum actiones intellectus, & voluntatis, ſed etiam appetitus ſenſitiui, & ſenſuum externorum, & internorum: qua acceptione vtitur Ariſt. 6. lib. Ethic. c. 4. poſtrema acceptio adhuc eſt vniuerſalior, ſed propria, pro quacunque actione cuiuſlibet agentis libera, vel neceſſaria, immanens, vel tranſiens; & hoc modo accipit actionem Ariſt. capit. præſenti, quod euidenter probat exempla eius, tam in actionibus immanentibus, vt in dolore, & triſtitia, quam in tranſeuntibus, vt in calefactione, & in frigidaſione ab eo aſſignata. In hac etiam vniuerſali acceptione actio eſt ſupremū genus prædicamenti actionis; & paſſio ſupremum genus prædicamenti paſſionis, nam quæ de actione dicta ſunt, eodem modo intelliguntur de paſſione: cum paſſio non ſit aliud, quam actio ipla, prout recepta in ſubiecto.

Quid actio, & paſſio ſit.

Gilbertus Porretanus, (qui ideo auctor ſex principiorum vocatur, quia libellum quendam de ſex vltimis prædicamentis ſcripſit.) ſic de ſine actionem, actio eſt, ſecundum quam in id, quod ſubiicitur, agere diſimur. Hæc

Hæc tamē definitio limitata est, quia solum comprehendit actiones transientes, quia per has solum dicimur agere circa aliud nobis subiectum; immanentes vero non circa aliud versantur, sed in eodem agente manēt; nec etiam comprehendit actiones, quæ non habent præsuppositū subiectum, nec ideo mutationes sunt (si tamen aliquæ ex his reperiātur, quod adhuc est in opinione positum); alia igitur definitio vniuersaliior assignanda omnino est, quæ omnes comprehendat, & talis esse poterit; actio est, *qua media, vt via, effectus recipit esse, vel conseruationem eius ab agente*. Passio vero erit, *qua aliquid dicitur pati per impressionem effectus ab agente*. Et licet modum, quo distinguūt actio, & passio non pertineat ad præsentē considerationem, sed ad Physicam, de quo agit Arist. 3. lib. Physic. ex mente eius, atque communi sententia scholæ, non distinguuntur realiter, sed ratione ratiocinata, hoc est, per intellectum suppositū fundamentum in re, nam in eadē entitate ab agente procedente considerat intellectus rationem egressionis ab eo, & receptionis in passio, & hoc est distinguere rationes formales earum, quæ constituant diuersa prædicamenta: nā vt superius probauimus, non requiritur distinctio realis, aut ex natura rei inter prædicamenta, sed rationis ratiocinatæ sufficit.

Quot, & Que genera, & species habeant actio, & passio.

Prima diuisione diuiditur actio in *eam*, quæ versatur circa subiectum præsuppositū, & hæc dicitureductio formæ de potentia materiz, aut vnio eius cū materia dicitur etiā generatio, & in aliā, quæ nō

versatur circa præsuppositum subiectum, sed per eam producitur res ex nihilo, & talis est creatio (si tamē vera actio est, & nō sola relatio dependentiæ creaturæ à Deo, quod adhuc est in opinione positum.)

Secunda diuisione diuiditur in actionem substantialem, & accidentalem; illa est, per quā producitur, aut conseruatur substantia; hæc vero per quam producitur accidens, & sub utraque comprehenduntur plures species.

Tertia diuisio actionis est in immanentem, & transeuntem; actio immanens est, quæ non versatur circa aliquod subiectum extra agentē, nec effectum aliquem extra illud producit, sed ipsa cum suo termino producto manent in eodem agente, vt visio, auditio; & actio vitalis intellectus, per quam producitur verbum mētis ad intelligendū; actio vero transiens non manet in agente, sed circa subiectum extra illud versatur, aut effectum omnino extra illud producit, vt generatio hominis, & calefactio aquæ.

Quarto diuiditur in actionē successiuam, & instantaneam; successiua est calefactio, & nutritio; instantanea est generatio hominis. Et quodlibet horum membrorum habet suas species; vique ad infimas, atque ex his omnibus generibus, & speciebus sub genere supremo constituitur ordinatio prædicamentalis actionis. Et eodem modo constituendum est prædicamentum passionis, quia eisdē diuisionibus diuiditur passio.

Quot, & Que sint proprietates actionis, & passionis.

Quatuor solent enumerari proprietates actionis, & passionis, ex quib⁹ duas assignauit Arist. in la-

Cap. 10. de prædicamento quando.

in littera. Prima est habere contrariū. Secunda suscipere magis, & minus: sed neutra conuenit omni actioni, & passioni, sed his tantum, quæ versantur circa terminos habentes contrarium, quales sunt actio calefactionis, & infrigidaionis, ac similes, nec etiā conueniunt proprietates istæ adhuc his actionibus ratione sui, sed solum ratione terminorum, inter quos reperitur contrarietas.

Duas alias posuit Gilbertus: Primā & in ordine tertiam, quod propriū sit actioni, & passioni semper esse cū motu, aut mutatione; sed etiam de hac non est certū, quod omni actioni conueniat, quia multi ponunt actiones sine subiectis præsuppositis, de quibus ideo certum est, non esse motus, vel mutationes.

- 6 Secunda proprietas, & vltima in ordine est, quod actio inferat passionem, simulq; cum ea ferde quæ certum est, quod conueniat actioni quæto modo, quia cū actio, & passio sint eadem entitas, & præterea necesse sit actionem, cum sit accidens in aliquo recipi, & vt recepta sit passio, necesse est inferre passionem, & semper esse cum ea.

C A P V T X. D E

cæteris prædicamentis.

Prædicamentum quando.

- 1 **T**Ria explicari debent, vt intelligatur natura huius prædicamenti. Primum, quid sit, quando, vel in quo consistat ratio formalis eius. Secundum, quot, & quæ habeat species, ex quibus subordinatio prædicamentalis eius. Tertiū, quot, & quæ sint eius proprietates.

Explicatur in quo consistat ratio formalis prædicamenti quando.

ARistoteles non definiuit, quando, nec docuit, in quonam formalis ratio eius consistat, sed definiuit Gilber. quāuis obscura admodum definitione, dicens. Quando est id, quod ex adiacentia temporis relinquatur; per adiacentiā vero videtur significare esse aliquam denominationem præuenientem rebus ex tempore, aut ex eo, quod in tempore sint.

Hæc autem definitio Gilberti diuersis modis explicatur, & D. Thom. duas posuit explicationes eius, opus. 48. tract. de sex vltimis prædicamentis, cap. 1. & 2. ex diuersis auctoribus collectas. Prima asserit, tempus quodbus modis considerari. Primo, vt est mensura successiua, & cōtinua. Secundo, vt applicatur ad mēsurandā substantiam, & motum, vel operationem eius: ex qua applicatione præcedit, vt denominetur mensurata a tempore denominatione quadā extrinseca, & dicantur esse, fuisse, aut futura esse, & actio dicatur externa, vel hodierna. Hæc igitur denominatio extrinseca est illud, quod ex adiacentiā temporis relinquatur, hoc est, ex eo, quod tempus circumsat substantiam, & eius operationes: circūstare vero non est aliud, quā extrinseca ratione ad eas pertinere, & non per inhesionem.

Secunda, non est multum diuersa: asserit enim, id quod ex tempore relinquatur esse, quod substantia, & operationes eius temporis subditæ dicantur, in quantū, nec totum suū esse habent simul, sed: quasi augmentum, vel extensionem, aut intensiōem a tempore accipiunt; & in eo dicuntur etēscere, consensescere, ac tandē ab eo consumi, & hoc est prædicamentum, quando, nempe temporis subdi.

Dux

Duxit hæc explanationes in eo conueniunt, quod utraque ponit prædicamentum quando in sola denominatione extrinseca à tēpore, & ideo falsa est, quod sic probō. Prædicamentalis ordinatio (si vera est) ex veris generibus, & speciebus, licet imperfectis, ac diminutis fieri debet, sed ex sola denominatione extrinseca, nec genus, nec species sumi possunt; ergo ex ea sola nō potest constare prædicamentū. Probat̃ur minor, quia genus & species dicūt aliquā naturā, & entitatē reālē, sed denominatio extrinseca, nec est aliqua natura, nec aliqua entitas realis in rebus, quibus prædicamentū hoc conuenire potest, ut patet; ergo non potest ex ea sola prædicamentum constitui.

3 Secundo, si aliquid intrinsecū ponunt, nō potest esse absolutum, quia nulla entitas absoluta resultat in rebus, aut in tempore ipso ex adiacentia eius, sed ad summū relatio aliqua, quæ si realis sit, pertinebit ad prædicamentum ad aliquid, si rationis ad nullum; ergo non potest ex tali adiacentia temporis constitui reale prædicamentum, aut certe, non distinctū à prædicamento ad aliquid.

Propterea moderni quidam asserunt, tria esse consideranda in hoc prædicamento, sicut in cæteris, nempe formam denominantem subiectū, & hanc dicūt esse durationē, & subiectum denominatum ab ea, & hoc esse motum, aut rem aliam durantē; effectum vero formalem non esse alium, quam durare in esse, ideo concretum esse, durans, ut sic. Sed qui hanc opinionem tenent, diuisi sunt; nam quidam ab hoc prædicamento excludunt, non solum æternitatem, quæ duratio infinita est, sed etiam tēpus, quia cū pertineat ad prædicamentū quantitatis, nō potest in isto collo-

cari: unde abstractū huius prædicamenti asserūt esse durationē creatā indiuisibile, sub qua collocāt̃ur æuū Angelorū, & duratio substantiæ corporeæ, quā genera subalterna, quarū quilibet diuiditur in diuersas durationes eiusdē generis, sed diuersæ speciei secundū diuersitatem specificā Angelorum, & substantiarum corporearū.

4 Hæc tamen sententia primo est contra Arist. in hoc lib. prædicamentorum, cap. 4. ubi cum enumerasset prædicamentā, & pertenuisset ad hoc, ita ait. *Quando autem, ut bene, superioris anno, &c.* Quæ verba tempus expresse significant, ut patet.

Deinde est cōtra rationē, quia vel æuū, & duratio alia substantiæ corporeæ pertinet ad hoc prædicamentū, quia durationes creatæ sūt, vel quia indiuisibiles, nō propter secundū, quia ratio diuisibilis, vel indiuisibilis impertinēs est ad hoc prædicamentū, cū non sit, quantitatis, sed quando; ergo pertinet, quia sūt durationes creatæ, sed tēpus est vera duratio creatæ; ergo nō potest excludi ab hoc prædic.

Nostra igitur sententia est, quod, quando, in abstracto significat durationē creatā in cōmuni, ut comprehendit æuum, durationē indiuisibile substantiæ corporeæ, & durationem successiuā motus, quæ est tempus; in cōcreto vero rem durantē duratione creatā: ita tenēt plures moderni.

Et probatur à sufficienti diuisione, quia, quando, dicit aliquo modo durationem, ut manifestum est, nō durationem comprehendentem infinitam Dei, quia hæc non pertinet ad prædicamentum; ergo dicit durationem creatam comprehendentem successiuā, & momentaneā, siue sit Angelica, vel alia quæcunque creata. Probat̃ur consequentia, quia successiua non potest excludi,

ut.

Cap. 10. de prædicamento quando.

ut probatum est, nec etiam momentanea, vel indiuisibilis, quia talis duratio cum sit accidens creatum, & cōpletum, per se debet pertinere ad aliquod prædicamentum, sed ad nullū, præter hoc pertinere potest; ergo in eo erit per se collocanda, & ita supræmū genus erit duratio creata, prout utranque comprehendit, vel res durans, ut comprehendit ea, quæ durant utraque duratione. Probatur minor, quia certum est, durationem indiuisibilem non pertinere ad prædicamentum quantitatis; cuius propria ratio est extensio, & diuisibilitas propria passio; quod vero non pertineat ad alia prædicamenta, ostendunt rationes eorū diuersissimæ à duratione.

- 6 Arg. vero alterius opinionis, quo probabat tēpus esse excludendū ab hoc prædicamēto, quia pertinet per se ad prædicamentū quantitatis, nihil probat aduersus eos, qui asserūt tempus esse quantum per accidens, & ideo non pertinere ad prædicamentū quantitatis, apud quos pertinere poterit ad hoc prædicamentū. Sed habet apud nos difficultatem maximam, qui tenemus esse quantum per se, & speciem quantitatis. Hac tamē distinctione soluitur. Duopossunt cōsiderari in tempore, nēpe, quod successiua duratio sit, & continua: quo pacto abstrahit ab extensione, seu diuisibilitate per se, & per accidens. Probatur, nam evidens est apud omnes, tempus esse durationem successiuam, & tamen non est evidens, quod sit per se extensa, sed satis probabile, quod sit extensa per accidens; ergo ratio successiue durationis abstrahit ab extensione per se, & per accidens. Nos igitur, qui tenemus tēpus esse extensum per se, possumus ipsū hac ratione collocare in prædicamento quantitatis, sed in ratione

successiue durationis in prædicamento, quando; & hac distinctione solutū est argum.

Quot, & Quæ habeat genera, & species hoc prædicamentum.

7 **S**upremum genus huius prædicamenti, quod est duratio creata, vel durans creatum, diuiditur in durationem permanentem, & successiuam, tanquam in duas species subalternas, & rursus duratio permanens in æuū, quod est duratio Angelorum, & in durationem substantiæ corporeæ; duratio vero successiua in durationem primam motus Cælestis, quæ per anthronomasiā vocatur tēpus, & in durationem motus inferioris, & adhuc quælibet species subalterna durationis permanentis habet alias species infimas secundū distinctionē specificam Angelorū, & substantiarum corporearum; & ex his generibus, & speciebus fit ordinatio prædicamenti quando.

Quot, & quas proprietates habeat hoc prædicamentum.

8 **T**res proprietates tribuit Gilbertus huic prædicamento, sed omnes videntur aliis etiam esse communes. Prima est, non habere cōtrarium. Secunda, non suscipere magis, & minus, de quibus manifestum est aliis cōuenire. Tertia dicit esse, quod duratio creata solum conuenit his, quæ incipiunt esse, vel nata sunt incipere esse, de qua etiā probatur, quod conueniat aliis, quia alia etiam sunt accidentia, quæ solū conueniunt his, quæ incipere nata sunt, ut mutatio, & motus, aliq; huiusmodi. Nullam igitur habet proprietatem prædicamenti hoc nobis notam, sed aliquā absque

absque dubio habebit, quam ignoramus, nam cum debilissimæ sit naturæ, mirum non est, si intimas eius proprietates non cognoscamus.

Prædicamentum ubi.

Circa prædicamentum vbi, quatuor etiâ explicandæ sunt. Primū, quid per nomen, vbi, significetur. Secundū, in quo consistat ratio formalis eius. Tertiū, quot, & quæ genera, & species habeat, ex quibus ordinatio prædicamentalis fiat. Quartū, quot, & quæ sint proprietates eius.

Circa primū nomen, vbi, vno tantum modo accipitur pro reali præsentia, per quā aliquid dicitur præiens loco, aut spatio loci, nā & si corpus sit in vacuo, habebit præsentiam realem, cum sit certū, & ab omnibus concessum, posse inoueri in vacuo, in quo sit aut verū, & reale motū haberet, ita verū terminum motus acquireret, est autē terminus proprius motus localis, quare verū haberet vbi, veramque ac realem præsentiam.

Quid sit ubi, aut in quo consistat ratio formalis eius.

Vbi, sic definitur à Gilberto; vbi, est circumscripcio corporis à circumscriptione loci proveniens; quibus verbis duplicem circumscriptionem insinuat. Prima est, circumscripcio locati à loco, & hæc potest vocari actus. Secunda vero passiva est, quæ locatum dicitur à loco circumscribi, & hæc dicit esse de ratione, vbi, nā alia ad locum potius pertinet, & ad prædicamentum quantitatis reduci potest, in quo ponitur locus: sed in circumscriptione passiva præsentia locale virtualiter includit Gilberto: quia non potest corpus circumscribi loco, nisi sit ei præsens. Nihilominus definitio hæc limitata est, & non om-

nino completa, quia solum comprehendit, vbi, pro locali præsentia, cum tamē corpus habere possit verū, vbi, sine illa.

Sic ergo definiendū est, vbi, definitione adæquata, & comprehendēte quodcūque: Vbi, est realis præsentia, quā habet corpus in loco, aut in spatio loci.

Ex qua definitione intelligimus quatuor habere conditiones vbi. Prima est, esse aliquid reale, quia non potest esse aliquid præiens alteri, nisi per aliquid reale, & tū vbi sit terminus realis motus, necesse est aliquid etiā reale esse, alioqui per reale motū, nihil reale acquireretur, à quo tantūquā à termino haberet speciem realem.

Habet secundo, quod sit aliquid inherens subiecto realiter, quia cum per motum tendat mobile ad acquirendū sibi aliquem terminum, & motus sit realis, non solum realem terminum debet acquirere, sed in se manentē. Probatur consequentia, quia motus, & terminus in eodē subiecto recipi debet, ut manifesta inductione probari potest in omnibus motibus. Habet tertio, vbi, quod sit entitas realis distincta ex natura rei à subiecto, in quo est.

Probatur hoc ex noua acquisitione, & separatione à subiecto, nam illud, quod separatur ab alio realiter, necesse est distinguī ab eo absque operatione intellectus, cū ante illam separaretur, sed hoc, vbi, definit esse in corpore, & acquiritur aliud nouū, ergo utrūque separatur à corpore ante operationem intellectus, & ideo ante illā distinguitur, & ex natura rei.

Quartū, quod habet, vbi, est, non esse purā relationē, sed aliquid absolute includens, & etiā respectū secundū dici ad locū, quo circumscribitur corpus, vel ad spatiū loci. Probatur hæc

Ad ratio-

prietates ei attribuantur.

Circa primum variis modis accipitur, situs. Primo pro loco, aut vbi, in quo res sita est, sed hæc nimis est impropria, ideo accipitur secundo, pro quadâ relatione ordinis, quâ res habet in loco, per quâ dicitur esse sursum, aut deorsum, priorem, aut posteriorem habere locum, sed hoc non ad situm, sed ad vbi pertinet, & ideo nimis est impropria respectu situs. Quare secundum has duas acceptiones non potest constituere speciale, aut distinctum prædicamentum ab aliis.

Tertia igitur, & propria colligitur ex Arist. 5. lib. Meta. c. 19. vbi ait. *Dispositio dicitur ordo partes habentis secundum locum.* Quæ verba intelligunt omnes Interpretes de prædicamento situs, quod sub nomine dispositionis explicare voluit.

In quo consistat formalis ratio huius prædicamenti.

Definitio situs secundum hanc ultimam acceptionem ex Arist. colligenda est, erit autem talis. Situs est dispositio partium in loco, secundum quam aliquis sedere, stare, aut iacere dicitur.

Sed distinguere situm à prædicamento vbi, difficile est, quia esse aliquid extensum, & esse tali modo extensum ad idem prædicamentum pertinet; ergo esse aliquid in loco, & esse tali modo in loco, pertinebit ad idem prædicamentum, sed situs non est aliud, quàm tali modo esse in loco, hoc est cum tali dispositione partium, ergo non efficiet distinctum prædicamentum à prædicamento vbi, quod est esse in loco. Probat minor, non stare, aut sedere non est aliud, quàm tali modo esse in loco, ideo tenuit Fôse. 5. Met. c. 7. q. 2. sect. 4. quod licet vulgo dicatur situm, & vbi diuersa efficere præ-

dicamenta, sed secundum veritatem Philosophicam non distinguitur situs, à prædicamento vbi.

Hæc tamē sententia expresse in primis contraria est Arist. & toti Peripateticæ scholæ, de prædicamentis recipienti, & inter ea, situm: si vero non distinguatur à prædicamento vbi, non erunt nisi nouē, est etiā contra rationem, quia situs, distinctus saltem rationem formalem habet à prædicamento vbi, ut statim ostendemus.

Sed in quo consistat hæc ratio, non est certum apud omnes: sed secunda opinio tenet in sola denominatione extrinseca à loco consistere, quæ etiā falsa probatur. Primo, quia sola denominatio extrinseca non sufficit prædicamentum constituere (ut probauimus.) Secundo, quia qui sedet, vel stat in loco, eodem modo stabit, & sedebit, si locus, in quo est, corrumpatur, & in vacuo remaneat; ergo eodem modo habebit situm, sicut est certum habere vbi, sed tunc non denominaretur extrinsece à loco, cum non sit in loco; ergo nihil erit prædicamentum situs.

Propterea tertia opinio asserit, non esse solā denominationē extrinsecā, sed relationē corporis, & partium eius ad locum, vel spatium loci. Sed nec potest hæc opinio defendi, quia si solā relationē dicit, vel est relatio secundum esse, & ita non distingueretur situs à prædicamento ad aliquid: vel est relatio secundum dici, & hoc non, quia relatio secundum dici est de essentia absoluti, ut probauimus in prædicamento ad aliquid; ergo non potest per solā relationē secundum dici constitui prædicamentum situs, sed aliquid absolutum habere debet, in quo respectus secundum dici includatur.

Ideo vltima opinio, quæ secutur omnes fere Interpretes Arist. cap. præfati, & 5. Meta. cap. 19. asserit, situm dicere

Cap. 10. de prædicamento situs.

dicere quid absolutum, nempe specialem modum se habendi totius corporis, & partium eius in loco, aut spatium loci, in quo modo absoluto includitur respectus secundum dici ad locum, & partes eius: unde ex absoluto, & respectu constat ratio adæquata huius prædicamenti, sicut, & prædicamentum, ubi. Quam rationem explicuit Arist. ubi supra nomine dispositionis partium in loco, sed situs à prædicamento, ubi, non distinguitur realiter, sed solum ratione rationi nata sicut actio à passione. Præsupponit enim ubi, tanquam aliquid prius secundum rationem, & addit supra illud specialem illum modum dispositionis partium in loco, nam prius intelligimus corpus esse præsens loco, aut spatium loci, quā intelligamus tale habere dispositionem partium in eo, sed hæc dispositio partium non est alia entitas realis ab entitate, ubi, sed alia ratio formalis, quā certum est non dicere, ubi, sed solum præsentiam in loco, aut spatium loci, & nihil aliud; præsentia autem in loco sine tali dispositione, & ideo sine ratione situs intelligitur, & hoc est in eadem entitate reali distinguere intellectum duplicem rationem prædicamentalem, sicut distinguit in eadem entitate realis motus prædicamentum actionis, & passionis.

5 Ad arg. primæ opinionis distinguenda est maior, quia esse, & esse tali modo, dupliciter contingit. Primo, ita, ut talis modus essendi comprehendatur sub eodem esse, & tunc verum est ad idem prædicamentum pertinere. Alio modo, ita ut extra rationem eius sit, & tunc non ad idem, sed ad aliud pertinebit: quod patet in eodem exemplo quantitatis, nam esse extensum constituit prædicamentum quantitatis, sed corpus tali modo esse extensum, ut sit alteri æqualiter extensum, non comprehenditur sub

extensione, & ideo non iam ad prædicamentum quantitatis, sed ad prædicamentum ad aliquid pertinet; & ita se habet situs in ordine ad, ubi, quod simpliciter dicere in loco, non comprehendens per se, nec per suas species speciales modos, aut dispositiones se habendi in loco: & ideo situs specialem modum se habendi in loco dicit non comprehendere in ratione formali ubi, quare aliud prædicamentum constituere potest.

Quot, & quæ sint genera, & species situs.

6 **G**enera, & species huius prædicamenti, ita colligit Alber. Mag. lib. de sex principiis, tract. de positione, c. 1. & D. Tho. opus. 48. c. 2. ut supremum genus, quod est dispositio partium in loco, aut in spatium loci dividatur in id, quod est recte esse positum, aut reflexe, tanquam in duo genera subalterna opposita, sub quibus continentur sedere, stare, iacere, cubare, & huiusmodi alia tanquam species, in quas dividitur eadem genera, & ex omnibus sit ordinatio prædicamentalis.

Quot, & quæ sint proprietates huius prædicamenti.

7 **V**as proprietates ei attribuunt Alber. Mag. & D. Th. ubi supra, videlicet contrario carere, & suffragari magis, & minus, quæ etiam conveniunt pluribus aliis: quibus tertia addit Gilber. nempe assistere proxime substantiæ, quæ etiam convenit prædicamento, ubi, & immediatius, cum sit prius secundum rationem, ut probavimus, sed cum sint idem realiter, utrique convenit immediate realiter loquendo, sed non est sic intelligendum, quod situs assistat substantiæ, ut extrinsece prorsus se habeat ad illam, nam vere ei inheret tanquam modus eius, sed assistere dicitur, quia ab extrinseco dependet.

Prædicamentum.

Prædicamentum habere.

EAdem, quæ de cæteris prædicamentis explicata sunt, de habere, vel habito, qui est vltimū prædicamentum, sunt declaranda. Primū, quid per habere sit intelligendum, quid sit habere, aut in quo consistat ratio formalis eius, quot genera, & species habeat, quot etiam, & quæ sint proprietates eius.

Circa primum multis modis accipitur habere, vt docet Arist. lib. Metaph. c. 10. tex. 25. sed tres sunt præcipue acceptiones ei⁹. Prima vniuersalis, ita vt inter habentē, & rē habitā solum sit distinctio rationis: vt homo dicitur habere substantiā, & cætera prædicata essentialia. Secunda acceptio est minus vniuersalis, ita vt respectus realis, & ex cōsequenti realis distinctio sit inter habentē, & rē habitā. In qua significatione idē est habere aliquid, quod illud respiciere, vt pater dicitur habere filiū. Sed vtraque hæc acceptio impropria est, & secundū quā, habere non cōstituit speciale prædicamentū: quare tertio accipitur pro eo, quod est habere aliquid, nō quomodocūque, sed ita, vt habēs sit specialis ratione accommodatū, vel cōmensuratū rei habitę cū respectu reali ad illā, non tanquā ad terminū, sed tanquā ad aliquid, cui habēs speciali modo adaptatur. Et secundū diuersū modū huius adaptationis, vel accommodationis ad illā diuerso modo dicitur eā habere, & diuersum prædicamentū cōstituere. Habere locū, vel spatiū est prædicamentū, vbi habere durationē prædicamentū, quando habere positionē partiū in loco prædicamentū, situs, habere vestes, aut arma, prædicamentum, habere, quia specialis est accommodatio corporis ad vestes, & arma: vnde generale nomen habere specialiter ei attribuitur.

Et secundum hanc acceptionem definitur à Gilberto hæc definitio-
ne. *Habitus est corpus, & eorum, quæ circa corpus versantur, adiacentia.* Quali dicatur vestes circumdare, aut operire corpus per speciale accommodatorem eiusdē corporis ad eas, tēquam ad aliquid extrinsecū ei non inherēs, itaque ratio formalis huius prædicamenti consistit in modo speciali, quo corpus sese accommodat vestibus, aut armis: qui modus diuersus est ab aliis, quibus se accommodat loco, aut durationi, & ideo speciale constituit prædicamentum, quod in concreto dicitur habere, aut habitus; abstractum vero nomen non habet, sed abstractum eius vocatur ratio habitus, vel ratio habendi.

Quot, & quæ sint genera, & species habere.

Habere diuiditur tanquā supremus genus in diuersos modos habendi distinctos per diuersas res habitas, quibus diuersis modis se accommodat corpus: vt habere vestes, aliud genus est, ac habere arma, & quodlibet horū diuiditur in alias species, quales sunt tunicatū esse, lorica tū esse, & alix similes, & ex his generibus, & speciebus vsque ad indiuiduum, quæ sunt Petrū, aut Ioannē esse calceatum, tunicatū, aut lorica tum, constituitur ordinatio prædicamentalis.

Quot, & quæ sint proprietates huius prædicamenti.

Prima proprietas habere est, quod magis, & minus suscipiat, nam eques armatior est pedite, & magis calceatus dicitur, qui caligis simul, & calceamentis ornatus est, quam qui solis calceamentis. Secunda proprietas est, non habere contrarium, nam esse calceatum, & lorica tum

Cap. 10. de prædicamento habere. q. vnica.

non sunt opposita. Sed vtræque hæc proprietas communis est aliis rebus, circa quam moratur bene D. Th. opus. 48. tract. de sex ultimis prædicamentis, cap. 3. non esse inter se repugnantes: quia licet suscipere magis, & minus proprie sumptum procedat ex maiori, vel minori admixtione contrarii, & ideo nihil possit ea suscipere, nisi contrarium habeat, sed magis, & minus non attribuitur huic prædicamento proprie sumpta, sed improprie, hoc est, secundum quandam extensionem, quia pluribus vestibus, aut armis, potioribus, vel ornatur corpus, ideo bene hoc modo sumpta magis, & minus convenire possunt huic prædicamento, licet non habeat contrarium.

Ultima proprietas est, quod adiacentia inter plura necessario dicat, ita utrum sit actu in alio: nisi enim vestes, aut arma sint in homine, non dicitur vestitus, vel armatus, nec habere illa secundum specialem significationem huius prædicamenti (quævis alio titulo possessionis possit ea habere,) quod in aliis non est necessarium, nam corpus potest habere ubi, & situm, etiam si actu non circumscribitur loco, ideo hæc proprietas videtur convenire quanto modo huic prædicamento.

QVÆSTIO VNICA.

An habere sit aliquid intrinsecum, & inherens, vel in sola denominatione extrinseca consistat.

Circa hanc quæstionem, reicienda in primis est opinio quorundam modernorum, qui nihil intrinsecum inveniunt in eo, quod est habere, dicunt non esse speciale prædicamentum, sed hoc est contra communem consensum totius scholæ, quæcum Aristoteles tenet decem esse prædicamenta, & habere esse unum ex eis, quod si ex-

cludatur, nonem erunt tantum. Et etiam contra rationem, qua probabitur specialem rationem, & prædicamentalem habere, licet imperfectam, ac diminutam.

Hæc ergo refutata sententia, est alia modernorum, qui in sola denominatione extrinseca à vestibus, aut armis consistere aiunt hoc prædicamentum, præter quam nihil intrinsecum, vel inherens dicit. Probant primo, quia habere non est aliud, quam esse vestitum, vel armatum; ergo forma, à qua denominatur corpus, sunt vestes, vel arma; sed hæc non inheret ei, sed extrinsece adjacent illud circumdantes; ergo non dicit aliquid intrinsecum, vel inherens, sed extrinsecum solum denominationem ab eis.

Secundo, ex eo, quod homo habeat vestes, vel arma, nullus modus realis, & intrinsecus potest ei advenire, præter relationem propinquitatis, vel contactus ad illa; sed constat huic respectui generale esse, & ideo non pertinere ad hoc prædicamentum; ergo nihil speciale intrinsecum dicit, sed solam denominationem extrinsecam à vestibus, vel armis; cuius signum est, quod etiam si vestitus, vel armatus homo, vestibus, aut armis spoliatur, nihil reale intrinsecum, aut sibi inherens amittit; ergo neque aliquid sibi inherens acquirit, dum induitur vestibus, aut armis, sed solum acquirit; & amittit extrinsecam denominationem ab eis, quare in hac sola consistit ratio formalis huius prædicamenti. Hæc tamē opinio falsa probabitur quæ sequetur, ubi ostendā solam denominationem extrinsecam, non posse efficere prædicamentum speciale.

Nostra igitur sententia opposita est, nempe habere, præter denominationem extrinsecam à vestibus, aut armis, modum aliquem formaliter inherens corpori continere; & huic modum esse enti-

gatum.

tatem realem absolutam, includere tamen respectum, secundum dici ad vestes, vel arma, ita vt ratio formalis huius prædicamenti absoluto summi cum respectu constet.

Sed quoniam sit modus iste inherens corpori, ex doctrina Aristotelis colligi debet, qui lib. 5. Metaphysicæ. cap. 10. sic loquitur de hoc prædicamento. *Habitus autem dicitur rationem quidem habentis, & habitus actus sicut actus quidem, aut motus: nam cum hoc quidem efficit; illud vere sit, modus est effectus, ita, & habentis realem, & veris habitus est modus habitus, hunc itaque habitum, quid non contingit habere manifestum est, ad insipientiam progredietur, si habitus ejus habitum habere.* Quibus verbis duo expresse docet. Primum, quod inter vestem, & hominem vestitam aliquid est. mediū, sicut inter agentem, & effectum media est actio, & hoc medium inter vestem, & hominem vocat actum habendi, seu habitationem, (vt sic loqui liceat ad hæc explicanda.) Docet, secundo, quod hic actus medius non habetur medio alio habitu, ne in infinitum procedatur, quia non est quod habetur, sed ratio habendi: vnde seipsa, & non per aliud medium conuenit homini vestito, aut armato.

Et ex utroque colligo hoc arg. ad probandam nostram sententiam, nam si inter corpus, & vestem est aliquid medium, quod haberi dicitur vestes, medium hoc ex parte corporis se tenet; ergo aliquid reale in eo est, & accidentale quidē, cū adesse, & abesse possit, dum homo induitur, & spolietur vestibus; quare necesse est formaliter inherere eidē homini. Præterea, si medium hoc nō habetur per aliud mediū, sed seipso, quia est ratio habendi: sequitur nō esse extrinsecū

homini, sicut vestes, nā si extrinsecū esset, per aliud medium haberetur, sicut haberetur vestes, ergo est aliquid intrinsecum ei inherens.

Sed quid sit hoc mediū intrinsecū, 7 in quo consistit formalis ratio huius prædicamenti, ex doctrina eiusdē Aristoteli. 3. lib. de partibus animalium. cap. 1. colligendum est, vbi asserit, naturā dedisse animalibus vestes, quibus operiatur, vt autē, pilos, lanam, aut quid simile; & arma, quibus possint se defendere ab aliis, & etiā in ea offendere, si opus fuerit; hominē vero nudū edidisse, intellectū tamen ei tribuēs, quo propria industria posset sibi vestes, & arma quærere, & ex rebus aliis ea conficere.

Ex quibus duo colliguntur valde notanda, in quibus differt homo à ceteris animalibus. Primum est, quod vestes, & arma eorū sunt partes integrantes suorum corporum: vnde non dicuntur ea habere proprie, sed communissima, atque impropriissima ratione, non pertinente ad hoc prædicamentum, sicut dicuntur habere pedes, aut caput: vestes vero, & arma solius hominis sunt, quædā alia corpora sibi extrinseca, quæ proprie dicuntur ei adiacere, & ideo proprie dicuntur ea habere, & specialiter, ac propriissima ratione dicitur vestitus, & armatus, quare ei soli proprie conuenit prædicamentum, habere, vestitus quidē simias, & armatus equos, nec dicuntur vestiti, vel armati proprie, sed per quandam analogiam, & similitudinem ad hominem, quare nec dicuntur proprie habere vestes, & arma secundum rationem formalem huius prædicamenti.

Secundū, quod colligitur est, naturā loco vestium, & armorum dedisse homini naturalem aptitudinē, & accommodationē ad illa induenda, per quā

Ad 4 aptitud-

Quæst. vnica sex prædicamentorum.

aptitudinem speciali modo eisdem sese aptaret, & accommodaret, dum eis indueretur; & ratione huius accommodationis specialem ornatum, & quasi naturalem ei tribuunt vestes, & arma; ceteris vero animalibus suas vestes, & arma tanquam partes integrantes corporum habentibus, nec dedit natura, nec necesse fuit, daret, nec talem aptitudinem, & accommodationem ad extrinsecas vestes, & arma: unde nec eis tribuunt quasi naturalem ornatum, sicut homini, sed quasi artificiatum, & nimis improprium.

Ex quibus infero, quod dum homo nudus est, solum habet aptitudinem naturalem, & quasi aptitudinalem accommodationem & coaptationem ad vestes, & arma, sed dum eis induitur, exit in actum talis aptitudo, non quidem in actum qui sit actio, sed qui sit modus formalis actualis accommodationis, & coaptationis in eo productus aliquo modo similis actioni, & passioni, in quantum vestes, & arma dicuntur vestire, & armare hominem, & homo ipse dicitur vestiri, & armari, vestitusque, & armatus esse. Et modus iste actualis accommodationis, & coaptationis vocatur habitus, seu habitio, quem Arist. docuit esse medium inter vestes, & hominem, & non haberi per alium modum, sed seipso inesse homini, tanquam medio habendi vestes, & arma. In hoc igitur modo absoluto, includente tamen respectum secundum dici ad vestes, & arma, & extrinsecas etiam denominationes ab eis consistit ratio formalis huius prædicamenti: quam extrinsecam vocant aliquando D. Thom. & alii antiquiores Interpretes, propter easdem denominationes extrinsecas, quas includit, non certe modum intrinsecum, & inhxerentem excludere volentes.

Ad primum argum. alterius opinionis neganda est prima consequentia, quod à solis vestibus, & armis denominetur homo vestitus, & armatus, sed primo, atque formaliter denominatur ab actuali modo accommodationis, & coaptationis ei inhxerente; deinde à vestibus, & armis denominatione extrinseca, in qua non consistit principaliter ratio huius prædicamenti, sed in alia denominatione formali.

Ad secundum negandum est primum antecedens, quod nullus modus realis oriatur in homine, ex eo, quod vestibus induatur: oritur enim modus actualis accommodationis inhxerens, ut explicatum est, quem modum amittit, dum vestibus, & armis spoliatur, & alium de nouo acquirit, si iterum induatur. Ratione igitur huius modi formalis, & intrinseci, intrinsecam quoque, atque formale cõcretum habet hoc prædicamentum.

QVÆSTIO GENERALIS pro omnibus sex vltimis prædicamentis.

An ratio formalis eorum consistat in aliquo intrinseco, & formaliter inhxerente, vel in sola denominatione extrinseca.

Priusquam probabiles sententias adducamus, excludenda est illa 10 tanquam improbabilis eorum, qui tenuerunt ex decem prædicamentis, sola quatuor prima, nempe substantiam, quantitatem, relationem, & qualitatem esse proprie prædicamenta; reliqua vero sex solum esse quoddam complicationes, seu aggregationes quorundam prædicamentorum minus imperfectorum, ex quibus, nec genera, neque

neque species, sed nec prædicamentales ordinationes constitui possunt, nisi per quandam similitudinem, & analogiam ad illa quatuor, & ideo inquit Aristotelem paucissimis verbis, & persundorie admodum genera, & species eorum distinxisse. Hoc vero probabilitate proflus caret, cum Aristoteles cap. de incomplexis absque distinctione enumerauerit decem prædicamenta, & postea quatuor illis propositis enumerauerit actionem, & passionem cum reliquis, & suis locis de singulis probatum sit proprias rationes prædicamentales habere, genera etiam atque species, quamvis imperfectissima, & quorum non est adeo frequens usus in scientiis, & ideo paucis verbis explicata sunt ab Aristotele.

II

Hæc igitur exclusa sententia falsa prima opinio est Scoti in 3. d. 1. quæstio. 1. in 4. d. 13. quæstio. 1. & quodlibet. 11. q. 4. quibus locis hanc distinctionem relationum ex cogitauit. Quædam sunt relationes intrinsecus aduenientes, quæ posito fundamento, & extremis necessario insurgunt in eis, vt paternitas, & filiatio. Aliæ sunt extrinsecus aduenientes, quæ adhuc posito fundamento, & extremis non necessario insurgunt, & ideo non ex natura extremorum proueniunt, sed ab extrinsecis tales sunt relatio vnionis inter materiam, & formam, & relatio inter locatum, & locum, de quibus constat, quod existentibus extremis, nempe materia, & forma, vt dum separatur anima à corpore, atque etiã locatum à loco cum decedens, non sequitur relatio vnionis, aut locationis inter illa, nisi rursus ab aliqua causa efficiendi, & proinde extrinseca vniuntur. Et in his relationibus extrinsecus aduenientibus ait consistere rationes horum sex præ-

dicamentorum. Erit itaque prædicamentum actionis relatio ad principium, seu causam efficientem, à qua procedit effectus, & passio relatio ad eandem vt imprimentem effectum in passio. Vbi, relatio corporis ad locum, aut spatium loci. Quando, relatio rei ad propriam denominationem. Situs, relatio corporis secundum suas partes ad locum. Et, habere, relatio eiusdem corporis ad vestes, vel arma, distinguuntur autem sufficienter hæc sex prædicamenta ait.

12

Probat Scotus hoc argumen- trum esse in loco, vel habere vbi, non est Petrus ipse, nec locus cum circumdatus, ergo cum sit aliquid, erit relatio eius ad locum dumtaxat. Probatur consequentia, quia cum superficies continens Petrum ei non inhaereat, nihil aliud acquirit, dum incipit esse in loco præter relationem ad locum, nec aliquid aliud amittit, dum recedit à loco præter eandem relationem; ergo, vbi, nihil aliud præter relationem erit. Sicque de cæteris quinque prædicamentis, quibus idem argumen. applicari potest. Eandem fere sententiam Scoti sequitur Capreol. in 2. d. 2. quæstio. 1. & Soncinas 5. Metaphy. q. 6. ad 4. nam licet illam distinctionem relationum non adnitrant asserunt tamen sex vltima prædicamenta non consistere in aliquo absoluto, nec in absoluto simul cum respectu, sed puros quosdam, & solos respectus includere.

Hæc tamen opinio duo continet falsa, nam primo falsum est, quod decem tales relationes, quas vocat Scotus extrinsecus aduenientes. Secundo falsum est etiam, quod si daretur, in eis solis posita esset ratio formalis horum prædicamentorum.

Probatur autem primo, quod non dantur. Relationem extrinsecus ad-

13

Aa 5 uenien-

Quæst. vnica sex prædicamentorum.

uenientem vocat Scotus eam, quæ posito fundamēto, & extremis nō sequitur, aut nō cōfurgit: sed impossibile est, quod positis extremis cum fundamento non cōfurgat in eis relatio; ergo impossibiles sunt tales relationes. Probat̃ur minor, quia extrema omnia relationis sunt talia: per fundamentum, siue ab extrinseco eis proueniat relatio, siue ab intrinseco, ergo repugnat poni fundamentum in eis, quin sequatur relatio. Gratia exempli, duo alba sunt extrema similitudinis, per albedinem in utroque positam, duo homines extrema paternitatis, & filiationis per generationem actiuam, & passiua, & ideo repugnat naturaliter, quod posito fundamento, & extremis, non sequatur in eis relatio. Quod in exemplis etiam Scoti non est minus euidentis, nam relatio vnionis inter materiam, & formam fundatur in actione, per quam ab agente vniuntur, (quam vocant vnitionem,) & relatio loci ad locatum, & locati ad locum (si ex parte vtriusque realis est) fundatur in approximatione, seu commensuratione locati ad locum, aut circūscriptione loci ad locatum: sed naturaliter est impossibile, quod locatum sit approximatum, aut commensuratum loco, aut quod locus circūscribat locatum, & non sequatur talis relatio; ergo impossibiles sunt tales relationes.

14 Deceptio vero Scoti sit manifesta, quia in suis exemplis solum ponit extrema, & non fundamentum in eis, nempe materiam, & formam, nulla facta mētionē vnitionis, quæ sū damentum est, locatum quoque, & locū sine circūscriptione, aut approximatione, quod est ponere extrema nuda, aut materialiter accepta, non formaliter, vt sunt extrema relatio-

nis, quod habent per fundamentum: quare non est mirum, si eis sic positis non sequatur relatio, positis vero cū fundamento impossibile est. Quod etiam reperitur in ceteris relationibus, nam licet ponas duos homines, nisi ponas vnum procedere ab alio per generationem, quæ est fundamentum relationis, non sequitur in eis relatio paternitatis, & filiationis: hac vero posita necessario sequitur. Et ecce quo pacto siuola est, & sine fundamento distinctio Scotica relationum.

Sed probatur secundum, quod etiam si darentur tales relationes, nō posset in eis solis consistere ratio formalis horum prædicamentorum. Et sumo ad id probandum prædicamenta actionis, & passionis, argumentorque hoc modo, Actio, & passio sunt idem motus, ita vt actio nō sit aliud quam motus, vt procedit ab agente, & passio motus vt receptus in passio, sed motus, vt procedit ab agente, dicitur entitatem absolutam, viz, præter respectum ad agens, & passio eandem entitatem receptam, præter respectum ad passum; ergo de his duobus prædicamentis euidenter probatur, non posse consistere in solo respectu. Et eodem modo potest probari de aliis, quamuis in his duobus magis sit manifestum.

16 Probat̃ur secundo, quia si prædicamenta hæc in solis, & puris relationibus consistunt, impossibile est distinguere a prædicamento ad aliquid: ergo cum certum sit, & a Scoto concedatur ab eo distinguere, nō possunt consistere in sola relatione. Probat̃ur antecedens ex definitione prædicamenti ad aliquid. Relatiua prædicamenti ad aliquid sunt, quorum totum suum esse est ad aliud referri, sed totum esse horum prædicamentorum

mentorum est referri ad aliud; ergo sunt relatiua illius prædicamenti. Probatur minor, quia si in sola, & pura relatione consistunt, cum relatio nihil absolutum dicat, sed solum esse rationem referendi ad aliud; totum esse horum erit relatio, & ex consequenti totum erit referri ad aliud.

Secunda opinio opposita est asserens hæc vltima prædicamenta in ratione pure absoluta consistere, non quidem intrinseca, aut inherente, sed pure extrinseca, quam consequitur respectus ad extrinsecum, non tamē pertinēs ad rationem formalem, aut essentialē eorum, sed quasi accidē talis, vt prædicamentum, vbi, non est aliud, quam locus, vt denominans extrinsece locatum, sicque de reliquis. Ita Hieronymus quodlibet 1. quæst. 9. Iacobellus 5. Meta. quæstio. vltima, Scotus quæst. vnica de sex vltimis prædicamentis, Bonfeca 5. Metaphy. cap. 15. quæst. 7. sect. 3.

17 Probatur à sufficenti partium enumeratione, nam hæc prædicamenta non dicunt eandem relationem, vt probatum est contra Scotum, nec absolutam simul cū respectu, quia hoc est aggregatum per accidens ex rebus diuersorum prædicamentorum. Nec etiam dicunt rationem pure absolutā intrinsecam, seu inherētem, quia Aristoteles, & cum eo tota schola vocat ea prædicamenta adiacentia, atque extrinseca, & merito, cum vbi, non sit aliud quam extrinsece circumscribi loco, & vestitum esse, extrinsece circumscribi verbis, sicque de cæteris; ergo necesse est rationem formalem eorum absolutam, & omnino extrinsecam ponere.

Hæc etiam sententia falsa probatur

batur duplici argumento. Primo, quia prædicamentum dicit ordinationem ex generibus, & speciebus constitutam, sed genera, & species non possunt constare, aut fieri ex sola denominatione extrinseca, cum dicant naturam realem, & intrinsecam; ergo nec prædicamentum ex sola denominatione extrinseca constare potest. Præterea, denominatio extrinseca nihil ponit in re denominata, & ideo nouam denominationem extrinsecam admittunt omnes in Deo, vt quod sit creator in tempore: quam denominationem non habuit ab æterno, ergo si sola denominatio extrinseca sufficit constitutæ re hæc sex prædicamenta, Deus poterit in eis collocari absque vlla sui imperfectione, aut limitatione, quod superius probauimus falsum.

Secundo, quia de duobus saltem prædicamentis euidenter probatur non consistere in sola denominatione extrinseca, nempe de prædicamento passionis, &, vbi: propria enim, & formalis ratio passionis consistit in receptione motus, vel actionis in passio; ergo formaliter dicit rationem inherētem, & non solum extrinsecam. Vbi etiam est proprius terminus motus localis, ergo in eodem mobili debet recipi, in quo recipitur motus; sed motus formaliter inheret mobili, cum sit actus mobilis, prout immobile est, vt definit Aristoteles 3. lib. Physicorum in principio, ergo vbi etiam inheret mobili, & non erit sola denominatio extrinseca.

Vltima opinio, quam tenent cæteri omnes interpretes Aristotelis non solum cap. præsentis, sed etiam 5. Meta. capite. 15. asserit rationem formalem horum prædicamentorum

Quæst. vnica sex prædicamentorum.

in modo aliquo absoluto, & inherente in subiecto consistere simul includente respectum secundum dici ad aliquid extrinsecum, atque etiã extrinsecam denominationem ab eo, ut prædicamentum vbi, includere realem præsentiam in loco, aut spatio loci: & hanc præsentiam modum esse absolutum in corpore inherenter cum respectu secundum dici ad locum, aut spatium, & præter hanc includere etiã denominationem à loco ipso, si localis sit præsentia. Hec est probabilior sententia, & tenenda.

19 Probaturque ex refutatione aliarum opinionum hoc modo. Hæc prædicamenta non dicunt solum respectum, ut probauimus contra Scotum, nec solam denominationem extrinsecam; ergo dicunt aliquam rationem absolutam, & intrinsecam, quia respectus in aliquo absoluto debet includi, ut non pertineat ad prædicamentum ad aliquid. Quod vero absolutum cum respectu non sit vnum per accidens probatum est in prædicamento ad aliquid, nam cum includatur respectus essentialiter in ratione absoluta, non concurrunt ad constituendum vnum per modum compositionis, & ideo non efficiunt vnum per accidens, sed absolutum includens essentialiter respectum, vnum per se est, ad cuius prædicamentum perti-

net respectus ipse, & non ad prædicamentum ad aliquid, quod in partibus, habitibus, & scientiis necessario concedendum esse probauimus, nec respectus isti sunt transcendentales, quia nec omnibus prædicamentis, nec pluribus sunt communes, sed ad solum prædicamentum absoluti, in quo includuntur, & cuius essentiã complent, reducuntur.

Ad argumen. Scoti neganda est consequentia, quod, vbi, sit sola relatio ad locum, sed est realis præsentia in modo absoluto, & inherente locato consistens, atque includens respectum ad locum, vel denominationem extrinsecam ab eo.

Ad argumentum secundæ opinio-
nis neganda est secunda pars anteceden-
tis, quod prædicamenta hæc non dicant absolutum cum respectu: negandum est etiã, quod tale absolutum cum respectu sit ens per accidens, quia cum respectus ipse non pertineat ad prædicamentum ad aliquid, nec concurrat simul cum absoluto ad constituendum vnum tertium per modum compositionis, sed tanquam complementum essenziale eiusdem absoluti in eo includatur, & ad idem met prædicamentum reducat, vnum per se est absolutum cum respectu, & vnã rationem prædicamentalem, licet imperfectam constituere potest,

VLTIMA PARS LIBRI PRAEDICAMENTORUM, quam post prædicamenta vocant.

CAPVT XI. DE OPPOSITIS.

TEXTVS ARISTOTELIS.

De oppositis autem, quot modis solent opponi, dicendum est.

Bravis

Brevis expositio textus.

POST explicationem prædicamentorum, quædam proponit Aristoteles declaranda, quæ sunt quasi modi quidam, aut rationes incomplete multis prædicamentis communes, quas à prædicamentis propter vtranque rationem excludit, nempe propter transcendentem, & incomplete. Sunt autem quinque, oppositio, prius, & posterius, simul, motus, & diuersi modi habere, ideo per quinque capita sequentia vsque ad decimum quintum explicationem eorum, & totum librum absoluit.

Intentum Aristotelis in hoc vndecimo capite est, explicare naturam oppositionis, & species ei⁹, & in duas partes diuiditur. In prima diuidit oppositionem in quatuor genera, & explicat singula membra. In secunda speciales condiciones contrariæ oppositionis enumerat. Oppositio inquit Aristoteles quadruplex est, relativa, contraria, contradictoria, & priuatiua.

Relatiue opposita dicuntur illa, quorum totum suum esse est ordinari ad aliud, vt pater, & filius, simile, & aliud sibi simile opponuntur relative. Contrarie opposita aut esse illa, quæ cum ad inuicem non ordinentur, sunt tamen sibi repugnantia, vt calor, & frigus. Sibi autem repugnare, idem est, ac esse formas sibi repugnantes circa idem subiectum; & per hoc distinguuntur ab oppositis contradictorie, & priuatiue, per primam vero particulam à relative oppositis.

2 Oppositio priuatiua est eorum, quæ nata sunt fieri circa idem subiectum, vt cæcitas, & visus, aut cæcum, & videns, hoc est circa subiectum aptum habere vtrunque: vt cæcitas, & visus circa oculum, non circa lapi-

dem, in quo nulla est aptitudo ad visum, ideo homo dicitur proprie cæcus, lapis vero solū dicitur non videns.

Vltima oppositio, & maior, aut per seclior omnibus est contradictoria, quæ nullum habet medium, cum tamen reliquæ medium habeant. Nec conuenit rebus, nisi vt à nobis concipiuntur, & vocibus significantur, & ideo eam definit Aristoteles per affirmationem, & negationem dicens: ea opponuntur contradictorie, quæ tanquam affirmatio, & negatio repugnant, id est, quæ per affirmationem, & negationem repugnare censentur, vt Petrus sedet, & non sedet.

In secunda parte capitis explicat condiciones contrariorum, quarum **3** prima est, quod bono necessario contrariatur malum, malo vero non solum bonum, sed etiam aliud malum. Secunda conditio est, posse vnum existere in rerum natura sine altero, vt album sine nigro, in quo distinguuntur à relatiuis, quorum vnum esse sine altero repugnat. Tertia conditio, contraria non possunt simul esse in eodem subiecto, vt idem corpus non potest simul esse album, & nigrum. Quarta conditio, contraria possunt fieri circa idem subiectum genere, vel specie, vt album, & nigrum circa Petrum, & Ioannem, qui sunt eiusdem speciei, atque etiam circa hominem, & equum qui sunt eiusdem generis. Vltima conditio est, quod contraria sint sub eodem genere proximo, aut sub diuersis, vt album, & nigrum sub eodē genere proximo coloris, virtus, & vitium sub diuersis: quod tamē sic intelligi debet, vt semper, & necessario sint sub eodē genere proximo, aut remoto, inter medio vel summo, vt virtus, & vitium sunt sub eodem genere remoto habitus, & sub eodem genere supremo qualitatis.

CAPIT

Cap. 12. & 13. de modis prioris, & simul.

CAPVT XII. DE modis prioris.

TEX. ARISTOTELIS.

Prius autem alterum altero dicitur quadrupliciter, primo quidem, & maxime proprie.

Breuis expositio textus.

Intentum huius capituli est explicare modos prioritatis, nec diuisione indiget, quia solum in eo explicat Aristoteles quatuor modos prioritatis, qui suo tempore circumscribuntur in schola, quibus ipse addit quintum à se inuentum. Primus modus prioritatis est, secundum quem vnus dicitur prius tempore altero: vt qui hodie nascitur, dicitur prius tempore eo, qui nascitur cras. Secundo modo illud dicitur prius altero, à quo non valet subsistendi consequentia, qua ratione vnum dicitur prius duobus, & quodlibet prædicatum superius prius inferiori, quia valet consequentia, sunt duo, ergo est vnum; non tamen est vnum ergo sunt duo, est homo, ergo est animal; non tamen est animal; ergo est homo. Tertius prioritatis non est in ratione essendi, sed ordinis, & reperitur inter illa, quæ sic sunt ordinata, vel ordinabilia, vt in tali ordinatione vnum sit prius, aliud posterius: vt in oratione priores sunt elementa, seu litteræ syllabis, & syllabæ priores dictionibus, & in numero ternario prima, & secunda vnitas priores tertia. Quarto modo digniora, aut honorabiliora dicuntur priora minus dignis. In qua significatione priores apud se vocare solent aliqui eos, quos plus

diligunt, vel alia de causa pluris faciunt. Sed hunc modum prioritatis improprium dicit esse Aristoteles, quia non fundatur in esse rerum, vel in naturali ordinabilitate earum, sed solum in apprehensione hominum. His quatuor modis, addit Aristoteles, quo prius dicitur illud respectu alterius, quia causa illius est, quāuis sit simul tempore cum eo: vt homo dicitur prius quam risibile, quia est causa eius, & vniuersaliter omnis causa prior est suo effectui hoc genere prioritatis. Ex his autem quinque modis secundus, tertius, & quintus, dicuntur prioritates naturæ: omnes vero sunt priores reales, quibus addere possumus prioritatem secundum rationem, qua illud dicitur altero, quod licet non sit reipsa eo prius, bene tamen nostro modo intelligendi, vt in secundis intentionibus, & relationibus rationis est manifestum. Omnia, quæ dicta sunt de modo prioris, intelliguntur de modo posterioris secundam eandem proportionem.

CAPVT XIII. DE modis simul.

TEX. ARISTOTELIS.

Simul autem dicuntur simpliciter quidem, & propriissime, quorum generatio in eodem est tempore.

Breuis expositio textus.

Intentum Aristotelis est explicare modos, quibus vnum dicitur simul cum altero, nec diuisione indiget cap. quia solum in eo tradit Aristoteles tres modos simultatis, quorum primus

Primus est, quo aliqua dicuntur simul tempore, quæ simul generantur, vel sunt in rerum natura.

Secundus modus est, quo aliqua dicuntur simul natura, & sunt ea, quæ dicuntur ad conuertentiam, & neutrum est causa alterius: ut pater, & filius, simile, & aliud sibi simile, & in vniuersū omnia relativa prædicantur ad aliquid, quorum proprietatem esse diximus ex mente Aristotelis, quod sint simul natura, & cognitione. Licet enim materialiter sumpti pater, & filius, hoc est ut generans, & genitus ille sit prior natura, quia est causa, & iste posterior, quia effectus, sub formali ratione relativa patris, & filii simul natura sunt.

2 Tertius modus simultatis versatur inter differentias ex æquo diuidentes genus, & species per eas constitutas, ex æquo autem diuidere genus est, quæ proxime illud diuidere, ut rationale, & irrationale dicuntur simul natura, non tamen rationale, & reptile aut aquatile, quia rationale, & reptile, non diuiduntur aequè proxime animal, sed reptile solum diuidit animal iam contrarium per irrationale, rationale vero immediate. Ideo non sunt simul natura. Et quæ de differentiis dicimus, de speciebus per eas constitutis secundum eandem proportionem intelligendum est.

CAPVT XIII. DE speciebus motus.

TEX. ARISTOTELIS.

Motus autem species sunt sex, generatio, corruptio, augmentum, diminutio, alteratio, & secundum locum mutatio, &c.

Breuis expositio textus.

Intentum Aristotelis est explicare naturam specierum motus: & diuiditur caput in duas partes. In prima enumerat sex species motus. In secunda quærit, & quæ sint contraria motui, & speciebus eius. Sumit autem motum Aristoteles vniuersaliter pro omni mutatione physica, quo pacto eum definiuit 3. lib. Physic. quod sit actus entis in potentia, secundum quod in potentia, nec vocat species motus eas, quas enumerat, quia intelligat veras esse species, aut motum verum esse genus. Quia cum motus, & species eius sint entia incompleta, & ideo non prædicamentalia, nec verum genus ipse est, nec illæ sunt veræ species, sed dicuntur quodammodo species, id est modi essentialiter diuersi eiusdem motus. In hocigitur sensu asserit species motus esse sex. Prima est generatio, per quam producit substantia, ut homo. Secunda corruptio, per quam definit esse substantia, ut mors, vel desinitio hominis. Tertia est augmentatio, per quam res maiorem quantitatem acquirit, quam habebat, & ideo augeri dicitur. Quarta diminutio, per quam deperdit aliquam quantitatem ex ea, quam habebat prius & propterea fit minor. Quinta est alteratio, per quam res acquirit qualitatem, quam prius non habebat, vel contrariam ei, quam habebat prius, aut denique intensiorem, aut extensionem in eadem, quam iam habebat: ut dum aqua calida magis calefit, quia plures gradus acquirit in eisdem partibus calidis, vel ad nouas nondum calefactas extenditur calor. Motus autem localis est, per quem corpus acquirit, ubi, aut reale præsentia. Itaque non dicitur localis, quia proprius terminus eius sit locus, sed quia

vbi.

Ca. 14. & 15. de speciebus, & de modis habere.

vbi quod acquirit, semper est presentia localis, hoc est commensurata loco, à quo circumscribitur, licet super naturaliter possit acquirere vbi sine loco.

2 In secunda parte capituli docet Aristoteles motum in communi consideratum habere vnum contrarium, nempe quietem, quemlibet vero motum specialem duo asserit habere opposita, vnum sub ratione communi motus, aliud sub ratione speciali, vt est talis motus. Exempli gratia, generatio, vt est motus, habet quietem in communi pro contrario, sed vt est motus ad substantiam, habet pro contrario quietem in substantia, & eodem modo intelligendum est de ceteris speciebus motus: sed dum asserit Aristoteles motum in communi habere pro contrario quietem in communi, & motum in speciali, quietem in communi, & in speciali, non de propria contrarietate loquitur, sed de communi, & impropria pro quocunque genere oppositionis, quia motus, & quies, aut talis motus, & talis quies non opponuntur contrarie, sed priuatiue.

CAPVT XV. DE modis habere.

TEX. ARISTOTELIS.

Habere secundum plures modos dicitur, aut enim vt habitum, & dispositionem, aut aliam aliquam qualitatem.

Breuis expositio textus.

Intentum Aristotelis est tradere omnes modos, vel acceptiones, quibus aliquid habere dicimur. Caput diuisione non indiget, quia solum in eo enumerat Aristoteles septem modos, habere, quorum primus est, secundum quem dicimur habere qualitatem, vt intellectum, virtutes, & scientias. Secundus modus est habere quantitatem, vt corpus dicitur habere, magnitudinem bicubitam, aut tricubitam. Tertius est, habere non ea quae inhaerent corpori, sed quae eum circumstant, vel extrinseca sunt ei, vt habere vestem, vel arma. Quarto modo dicitur aliquid habere aliud non in toto corpore, sed in aliqua eius parte, ratione cuius totum corpus dicitur illud habere, vt habere nasi curuitatem, vel anulum in manu, aut pileum in capite. Quintus modus est habere partem ipsam, vt caput, vel manum. Sexto modo dicitur vnum habere aliud, quia continet illud: vt amphora dicitur habere vinum. Ultimus modus habendi est per possessionem, vt vir dicitur habere uxorem, vxor virum, atque etiam homo habere pecunias. Plures alios modos habendi enumerat Aristoteles 5. Metaphys. cap. 23. textu 28. sed hos ait magis esse in usu, & ideo pro dialectico rum usu, & captu sufficere. Et nos etiam sufficere dicimus haec adnotasse circa librum predicamentorum ad maiorem Dei gloriam, & studioforum vtilitatem.

FINIS.

COM-